


四庫未收書輯刊編纂委員會編

四庫未收書輯刊

北京出版社

伍輯·貳拾壹册

# 四庫未收書輯刊



四庫未收書輯刊編纂委員會編

北京出版社

# 伍輯·貳拾壹冊目錄

慎修堂集二十卷〔明〕亢思謙撰

一

重刻叔祖錦泉先生文集五卷〔明〕傅夏器撰

三五九

紹易詩集二卷附錄一卷〔明〕朱載堞撰

五二七

陂門山人集八卷〔明〕馮惟健撰

五五九

籐谿詩一卷記一卷附籐谿寄贈一卷〔明〕孫柚撰

六五一

艾熙亭先生文集十卷〔明〕艾穆撰

六六五

〔明〕亢思謙撰

慎修堂集二十卷

明萬曆詹思虞刻本

慎修堂集序

按三晉文獻制科登上第若  
郭壺關劉襄垣張臨汾孔汾  
州與平陽亢公而五汾州以  
前尚矣乃亢公則余世父

川公同舉嘉靖丁未者也余

束髮侍家庭日側丁未以為  
詳當其時公與興化文定公  
俱對策第一顯

朝廷朝廷兩重之惟身際昌辰  
位須公輔懇求外補日夕安  
期公不得與興化比隆其迭

處禁密稽古守正無愧科名

一也公入重詞垣出端士軌

既乃勞煩方岳雍益梁豫靡

所弗歷矯厲類流使屬城聽

采以彰軌物玉立春溫揖遜

禮域居恒涵濡於義理以踐

修為先務事無鉅細咸致體

驗之功高古齊今屬城一稟

成式用是吏治光華風俗淳

美歲蕤紛紜蔚然一代之宗

獨蚤遜承華用違其才不獲

變天緯調化鈞任彌綸裁成

之責與興化比隆已乃性託  
夷遠迸諸塵雜海上名山之  
旨鑠金凝土之倫無弗總制  
清衷遞為心極時出緒餘自  
吟自和烟液滄洲之間惘邁  
歲月不知遺世獨立之至於  
斯也其家服臆公之治命昌  
黎不喜著書與周長生洞歷  
所繇殊異僅存慎修堂集若  
千卷什襲珍藏不欲出以眎  
人其嗣孟禧孟禔孟禔孟禔  
懼其久而佚忽與春秋之薄

社類也歲壬寅始持以謁余  
且屬之序余伏而讀之則竊  
歎先進高情逸韻追風太冲  
景暘如太羹克鉶不假鹽醢  
而味自別諸紀志表傳記序  
銘贊皆各有體若風水相遭  
濤漪殺練其理自呈無割裂  
牽合之態竊相料之博覽雜  
糅吐文萬牒通儒也言必珠  
玉神猶淵鏡鴻儒也通儒比  
然鴻儒鮮覲何論親炙異代  
之下誦而讀者齒危髮秀之

老孰不北面高蹤咸同資敬  
不翅任安舉奏孟觀上書而  
已余觀風公里可無刺史太  
守之責然高山仰止不如式  
瞻儀形諷味遺言不如親承  
音旨顧生也晚未緣穢形公

側不有華首在野與公同里  
立同朝若中丞何先生其人  
者相與曠世神交式瞻親承  
如獲友接於几席鄉也聞其  
言於世父今也見其人於中  
丞則余之私淑諸人也豈其

微哉今人好觀圖畫則畫古  
之列人也見列人之面置之  
空壁人或靡所徵勸不見言  
行耳聞公之言見公之行而  
復欲僭蓋序公之文以傳詎  
惟餽羊公之桑梓毋亦惠徼

安觀遺意而寓私淑於萬一  
耳公諱思謙字子孟別號水  
陽甲午自閩歸以儒士登鄉  
書第一

賜進士二甲第一任至四川左  
布政使蓋萬曆中崇祀鄉賢

云

萬曆甲辰蜡既

賜進士第亞中大夫山西布政

使司右叅政兼按察司僉事

三衢詹思虞如甫父頌首拜

撰

慎修堂集

序

七



慎修堂集目錄

卷一

詩五言律

壽同年張檻泉父七十

賀馬松里父母雙壽

壽同年馬孟河母八十

題扇面虎丘景

秋日晚行玉河堤

祭淑康妃輓詞

慎修堂集

目錄

一

午日白都閩邀遊蓮池次陳兩泉憲副

韻二首

題永存遺範卷

題陳刑部貞節卷

賦得高樹早涼歸

曉入內苑聞鶯

秋霽

初秋

試鼠鬚筆



送袁芝田之任恩縣有序四首

送張龍池明府之通渭

送同年宋南津之真定二首

壽莊母太夫人

中秋苑中雨後觀月

玉河水泮

望雨

立秋日作

東宮冠禮成志喜

慎修堂集

八目錄

二

閣試罷晚出左掖

孝烈皇后輓歌

送高廣玄之滇南

壽閩母荔浦郡君七十

貞母王太夫人顯膺 恩表

送包玉溪明府秋日還鄉

送張大尹之興縣

贈華岑朱隱君

送鴈門謝少尹之任淄川二首

送王忠軒少尹之臨潼

送留澗之淳安

送景鴻臚之靈臺

送黃瑞峰司訓之興化

贈竹溪王孫

送盧松岑主簿之潯陽

壽蔡敬齋父母

壽孫行人父時奉使岷藩便道稱慶

送樊驛宰之魚丘有序

慎修堂集

八目錄

三

題許茂楨中舍雙塘卷

送鄭龍津掌教諸暨四首

夏日苑中即事用六朝體

出塞曲

五言排律

贈葉芳洲雙壽

題晚闕椿榮卷

送林小山之上虞

送白嶼張博士之龍泉兼懷鄭纓泉窓

丈

立秋日李氏園餞別侍御劉次山同年

清戎畿內分韻得杯字

壽梅谷先生八十一

送大司成閣又泉之南雍

送太史閔水東視學河汾

贈薄蘭溪榮擢太僕

送陳六溪戶部清理滇蜀鹽政

題竹林七賢圖次韻

慎修堂集

目錄

四

送座師稚川王先生之南司成

再題畫竹 金筆

僉憲陳芝嶽同年入賀 聖節敬賦近

體八韻致贈

重九前二日宴集 周府遍遊山亭次

西亭中尉韻二首

壽徐母太夫人兼送頤齋之河西

壽蔡明軒母程太孺人八袞

題胡順菴郡伯賢能宴賜圖冊

上林春曉

送太宰張龍湖先生赴南都

題惜陰圖

題泗陽遺愛祠

送陳少川尹宜君

送同年阮相山之秦安

題康礪峰學士風木圖

春祀 秦陵

玉河烟柳

慎修堂集

目錄

五

題嘉蓮

嘉穀登場

奉 詔掄材志感

送楊可齋

賀顧東川御醫六十

送梁三峰司訓之徐州

送王中峰之商水

君子以恐懼修省 古體

擬此日不再得 古體

擬西北有織婦 古體

卷二

詩七言律

大廷 賜對次元輔相公韻二首

送大司成南渠李先生之南雍

送弟禮南歸

柳亭

送同年王槐溪

壽同年胡劍西父母六十

慎修堂集

目錄

六

送同年馬孟河歸養

恩榮宴即席次韻二首

初秋李氏山亭餞別同年五侍御出清

戎分韻得杯字

送宮庶兼殿講吳筠泉視篆南院

送鄭纓泉之縉雲

送周章巖之東廣

送大司成閻又泉之南雍二首

送王槐野宮諭視篆南翰院

賀李封君夫婦同壽

送同年王虹塘侍御之留都

送鄒春山司訓之大埔 有序

賀太宰李古冲應召還 朝次康礪峰

學士林肖泉司成韻二首

送吳澤峰太史冊封 代藩

送張西吳太史冊封江西三府

送王東臺尚寶冊封中州

送朱後菴黃門扶侍還太原

慎修堂集

目錄

七

送大司成林肖泉之留都

送同年朱文石之南司業

送同年劉次山按滇南

送殿撰唐小漁奉 詔營葬

送門人慎子正之尹漳浦有懷梁心泉

年丈二首

送門人蔣汝昌節推之荊州

送門人許伯雲之尹分宜

送門人歸懋庸節推之泉州

送凌少里節推之福郡

送同年少宗伯康礪峯之留都

送王育泉水部分司呂梁

送同年胡日門太史冊封 淮府

送鄒一山觀察中州

送曹紀山館丈次韻二首

送陳兩泉憲副帥師戍薊二首

和楊胥江憲長衙齋喜雨登樓之作

許昌道中聞李西谷憲副發自沔川屢

慎修堂集

八目錄

八

待不至命驛吏簡迂承詩見懷次韻

奉答

壽李西谷五袞

春日謁諸葛廬次孫月巖侍御韻

登清高閣次前韻

季秋遊龍洞值雨次雷省吾臬長韻

遊華不注峰省吾憲長首倡次韻

谷蘿壁叅伯示近江卷命賦

任園郡伯胡順菴宴集次韻

送胡雲屏督學雲南 代作

壽蔡明軒母程太孺人八袞

題胡順菴郡伯賢能宴賜圖冊

中秋待月

九日菊未開

孟冬朔日恭遇頒曆有作

觀苑中穫稻

院內觀蓮開

送太宰張龍湖先生赴南都

慎修堂集

九目錄

九

首夏即事

池荷新開邀客賞之不至

廷試天下貢士即事

得鶴

新秋對月

秋聲

夜坐憶防邊將士

代題柳亭

九日書懷

小至日作

送門人程德良之南工曹有懷座師少

司成稚川王先生

平陸山行值雨欲赴太夫人壽辰不獲

送同年蔡敬齋職方使閩浙適新獲

恩封便道稱慶

送李壯山中翰奉使榮歸

善為寶

內閣觀芍藥

慎修堂集

目錄

十一

賜見 東宮於臨保室賜酒饌 謝恩

奉天門朝賀

寄題友人山居

喜雨

白鴈

送鄭若稷之柳州

賀上舍陳洛川得子

送黃文塘國博尹霍丘

送葉小洲之尹臨桂

贈徐雲溪鵠臚謝事榮歸

送張南川刺史之東平

送郭太初之尹永從

壽張孺人六袞

和館師張龍湖先生河上見懷之作

七言古體

東山篇

觀十八學士登瀛州圖歌

題東方朔偷桃圖長歌

慎修堂集

目錄

十一

燈市行

七夕行

盆梅歌

行路難擬

題畫紅梅花中

排律

聞鴈

五言絕句

題瑞竹二首

題太公釣渭圖

題畫四首

七言絕句

禮弟瀕行餞席偶成二絕

聞鴈二首

題扇面

題鶴鶉四軸

中秋同臬中諸公賞月微雲不甚明和

西谷韻二首

慎修堂集

目錄

十二

觀唐詩有感二首

題畫竹四首

贈葉初泉次林肖泉司成韻二首

題鍾馗圖

題畫

送同鄉趙經聞還蜀二首

卷三

賦

登春臺賦

頌

面恩圖頌有序

大享禮成頌

天保萬年頌

萬壽無疆頌

瑞應嘉禾頌

東城懷德頌并序送郡侯毛我山司憲

湖南

卷四

慎修堂集

目錄

十三

序

睦鄉三約序

念初堂集序

刻易象解序

刻西行集序

河南鄉試錄序

河南戊午同年齒錄後序

河南武舉錄序

刻同年序齒錄後語

守魯先生遺稿序

重刻滄溟先生文集序代作

兩溪先生奏議序

三巡稿序

重刻宋名臣言行錄序

李伯生詩集序

重刻陽明先生文粹後序

刻守令懿範後序代作

趙王殿下榮壽詩錄序

慎修堂集

八目錄

十四

重刻西漢書序

卷五

序

壽憲伯蹇文塘序

賀太宰楊虞坡壽序

贈胡子文太史二親偕壽序代作

壽父母高孺人七袞序

壽趙藩左相徐濤山序代作

壽從叔竹溪七袞序

壽詰封太淑人王母序

壽沈仲龐二親偕壽序

壽凌真卿二親偕壽序

壽憲僉李嵩渚七袞序

賀張靜軒耆壽序

賀元原溪七袞壽序

壽郡伯胡順菴序

壽從叔雲泉八袞序

卷六

慎修堂集

九目錄

十五

序

贈叅伯谷蘿壁帥師守平硯序

賀地卿侯葵所赴 闕序

賀憲使毛我山之荆湖序

又

賀憲使呂蒼南之關陝序

贈邑侯陳過泉之姑蘇序

贈司諫朱可山之 留都序

送 宮保大司馬雙江聶公還山序

賀憲伯陳芝嶽治兵鴈門序

贈郡丞趙蓋齋入 覲序

贈余龍巖之南寧序

卷七

序

贈憲長馮修吾飭兵江左序

贈侍御項漁浦叅藩西蜀序 代作

賀封君霍梧岡改封侍御序

贈侍御張望峰按東關還 朝序

慎修堂集

目錄

十六

賀李 初封給諫序

賀郡侯胡順菴飭兵鴈門序

贈邦伯蹇理菴入 覲序

僉憲丘豐臺遺愛祠序

賀胡順菴郡侯循良 寵異序

賀方伯楊胥江入闕序

賀憲使劉驪峰飭兵井陘序

贈同年朱一槐憲伯之遼陽序

贈叅軍劉中軒辭榮高尚序

卷八

序

賀中丞鄭葵山督撫畿南序

賀少司寇潘笠江應召還 朝序

贈憲使劉洪湫之東廣序

贈郡丞王南洲入 覲序

賀太平邑侯羅槐堂諸臺宸異序

送叅伯劉吾南之閩中序

賀方伯扈會溪陟左使序

慎修堂集

目錄

十七

贈叅伯李西谷撫守汝南序

送御史大夫章陽華督漕江淮序

賀中丞毛介川督撫畿南序

贈節推毛小山之汝南序

贈刺史宋古峰之沂州序

卷九

序

賀胡母張太夫人 恩命榮封序

賀盧中虛 恩命榮封序



賀邑侯徐嗣齋褒異序

賀邑侯徐運渠諸臺褒異序

賀同年侯松泉總憲中州序

節推喬魯瞻之春曹序

贈劉儲峯辭榮高尚序

贈都諫李冲涵應 召序

賀總憲林雙臺右丞中州序

贈都閩鄭平湖佐擊 京營序

送黃少坡司訓臨海序

慎修堂集

目錄

十八

贈同年阮相山之通許序

卷十

序

贈郡伯孫兩山入 覲序

賀郡伯劉驪峰諸臺交薦序

贈別駕吳紹溪之順慶序

贈總憲劉見峰莅蜀序

贈叅伯李梅臺之湖湘序

送大叅侯二谷之廣右序

贈叅伯蔡明軒莅晉陽序

贈邑侯陳遇泉入 覲序

賀光祿劉龍泉榮膺 天寵序

循良篇贈郡伯張前溪奏績薦留

賀節推楊會江應 召北上序

贈同年喬沱川之博興序

送外舅田雲泉受服榮歸序

卷十一

記

慎修堂集

目錄

十九

賢能流澤亭記

河南按察司屯田道題名記

陳留縣廟學重修記

遊龍洞記

遊華不注峰記

續遊華不注峰記

襄陵邑侯張私軒遺愛祠記

崇訓樓記

禮部儀制司題名記代作

肯堂記贈國學周子

重修太倉東官廳碑記

稷山縣新城記

翰林院讀書記

九邊圖記

卷十二

論

聖人至德淵微自然之應河南戊午程文

知此四者乃可為將河南戊午武舉程文

慎修堂集

目錄

二十

聖德修而萬民化陝西辛酉程文

善用兵者修道而保法山西癸酉武舉程文

天子守在四夷

居治朝則德日進

六經論

唐鑑論

月令論

典樂教胄子論

乾坤用九六論

卷十三

策

河南鄉試程文戊午科第四間

河南武舉程文戊午科

陝西鄉試程文辛酉科第三間

陝西鄉試程文辛酉科第五間

從祀策

中州校師生策問五首

家塾策問三首

慎修堂集

目錄

三十一

卷十四

表

擬端午日 賜輔臣紈扇併艾虎綵絲

壽縷謝表嘉靖二十七年

擬 東宮冠禮成賀

皇帝表嘉靖二十八年

擬 裕王 景王冠禮成賀

皇帝表

賀靈雨應祈表

賀冬至表 嘉靖三十二年

賀瑞雪表 嘉靖三十三年

賀萬壽聖節表

賀正旦表 嘉靖二十七年

賀西苑瑞穀表 嘉靖三十七年

擬唐中書令張九齡進千秋金鏡錄表

開元二十四年

擬賀大閱表 隆慶三年

擬賜學士宋濂御製文集及紙幣

慎修堂集

目錄

三

文綺謝表 洪武十年 辛酉陝西程文

內殿祭先聖先師遣輔臣代拜謝

表代作

幃詞

賀郡侯張前溪薦留幃詞 有引

賀少冢宰張臨溪應召還朝幃詞 有引

壽憲伯蹇文塘幃詞 有引

啟

宴潘筮江中丞陟少司寇啟

貢院落成宴按臺啟

宴刑部侍郎趙方厓啟

宴吳容堂侍御啟

宴左轄呂玉窓陟京兆啟

宴吏部侍郎張臨溪啟

宴謝高泉中丞致政西歸啟

卷十五

雜著

擬耳災疏

慎修堂集

目錄

三

論地震疏

防邊議

不加賦而國用足議

明資德大夫南京兵部尚書贈太子

太保紫巖劉公謚文安議

擬張良招四皓書

擬韓信諭燕書

與友人論文書

辨修郡志與別駕鄭三橋書

瑤池西望圖求文小啟

書院圖求文小啟

義命說

稼說擬

師說解

義利辨

朱陸同異辨

原性復性定性同異

諸葛管樂優劣評

慎修堂集

目錄

十四

讀文章正宗書事

周公吐握圖贊

滎河令雷天泉遺愛碑銘

擬連珠

題螺江西嘯卷後

葉母還金跋

卷十六

誌銘

明資善大夫禮部尚書兼翰林院學士

贈太子少保謚文莊南野歐陽公墓

誌銘

資政大夫南京吏部尚書贈太子少保

謚恭肅張公墓誌銘

亞中大夫南京光祿寺卿項公墓誌銘

處士王公旌表貞節孺人嚴氏合葬墓

誌銘

壽官待贈靜菴張公墓誌銘

月巖徐公墓誌銘

慎修堂集

目錄

十五

邑庠生北麓翟公墓誌銘

勅封太孺人王母梁氏墓誌銘

勅封淑人高母袁氏墓誌銘

太學生五谿雷公墓誌銘

卷十七

誌銘

中順大夫陝西臨洮府知府西塾馬公

墓誌銘

奉議大夫河南開封府同知靜齋張公

墓誌銘

文林郎山東魚臺縣知縣西藍王公暨

配旌表貞節孔宜人墓誌銘

文林郎陝西長安縣知縣前進士漫川

閻公墓誌銘

文林郎山東益都縣知縣前進士新齋

楊公墓誌銘

文林郎山東高苑縣知縣金溪劉公墓

誌銘

慎修堂集

目錄

三六

七品散官澗水寇公暨孺人任氏墓誌

銘

山東冠縣學訓導任公暨配樊張賈訾

四孺人合葬墓誌銘

徵仕郎彭城衛經歷龍田周公墓誌銘

迪功郎山東長清縣二尹原溪亢公墓

誌銘

散官西麓盧公墓誌銘

卷十八

誌銘

壽官肖溪趙公墓誌銘

九品散官乾渠盧公暨配孺人衛氏楊

氏遷葬墓誌銘

聽選官雲泉田公墓誌銘

迪功郎直隸平山縣二尹素軒狄公墓

誌銘

典膳孝菴荀公孺人寇氏合葬墓誌銘

將仕佐郎鴻臚寺序班質菴宋公墓誌

慎修堂集

目錄

三十一

銘

伯考七品散官玉溪府君合葬墓誌銘

初封太孺人先母合葬墓誌銘

長男邑學生亢懋符墓誌銘

卷十九

傳

初贈兵部郎中北原劉公傳

劉節婦傳

墓表

待贈君廩生對泉劉公墓表

行狀

處士李公孺人郭氏行狀

西河恭定王妃楊氏行狀

卷二十

祭文

祭岳武穆王文

祭上蔡謝先生文

祭忠烈許公文

慎修堂集

目錄

三

祭漢舞陽侯文

祭少師虞坡楊襄毅公文

祭太子太保紫巖劉文安公文

祭太宰西磐張恭肅公文

祭吏部文選郎中王湛泉文

祭贈君劉公文

祭蹇夫人許氏文

祭知縣封檢討王公文

祭先師蘇門高公文

祭歐陽太夫人蕭氏文

祭門人太史溫以庸文

祭中丞王良齋公文代作

祭僉憲楊舜原公文

祭大名兵憲劉栢山文

祭紹興節推羅容齋文

祭先師艾峰姜公文

祭門人知縣李西澗文

祭封君郭清泉公文

慎修堂集

目錄

三

祭進士楊新齋文

祭外舅雲泉田公文

祭彰德二守同年阮相山文

祭叅軍劉中軒文

又代作

祭經歷周龍田文

祭徐母袁淑人文

祭陽曲輔國將軍無逸文

祭高苑知縣同年劉金溪文

祭長男邑學生孟禎文

祭長男婦王氏文

慎修堂集目錄

慎修堂集

目錄

三

慎修堂集卷之一

河汾元思子孟著

詩

五言律

壽同年張檻泉父七十

東郡垂遺愛西河振義方  
莊椿殊未老燕生寺  
袖芳釀日明嘉會濃  
花對壽觴趨庭宮錦燦  
山水覺輝光

賀馬松里父母雙壽

慎修堂集

卷一

一

佳節欣長夏瓊筵啟帝鄉  
百年偕介福萬里共  
稱觴庭舞宮衣燦杯浮玉醞香  
蓬瀛真咫尺又見賁龍光

壽同年馬孟河母八十

寶婺輝南國瓊筵啟北堂  
遭時君寵渥愛日  
母恩長江草明袍色春花對壽觴  
百年誇矍鑠行見桂蘭芳

題扇面虎丘景

玉牒開霽阜金精擁梵林  
逕紆巖壑邃樹蔭薛

蘿深黛色遙應見紅塵適莫侵悠然人境外延  
想淨煩襟

秋日晚行玉河堤

積雨欣新霽浮塵寂若沉涼風侵碧草斜日滿  
疎林水靜涵空色人閒愜素心悠然異城市疑  
是故山岑

榮淑康妃輓詞

茂德坤儀贊 鴻名 聖春隆肅雖齊桂掖柔  
順率椒風霧暗軒星隱神遊寶笥空哀榮千古

慎修堂集

卷一

二

盛萬國仰宸衷

午日白都閩邀遊蓮池次陳兩泉憲副韻

二首

選勝酬芳節池風借午涼飛花盈曲沼高柳障  
驕陽景物臨中土英賢聚異方日曛仍戲馬奪  
錦促蒲觴

二

人閒清晝永亭迥水風涼樹影搖輕舸花枝競  
艷陽泉源傳漢苑山色接徐方丘壑耽幽興狂

歌泛羽觴

題永存遺範卷

大道湮微久真儒覺獨先居身嚴矩度師古斷  
韋編絳幄收人傑青雲啟後賢明堂隆棟宇勳  
業格 皇天

題陳刑部貞節卷

艱貞今素領寂寞自韶年百折應難轉孤睽豈  
受憐頽城心共切化石節逾堅湘竹遺斑在徽  
音照簡編

慎修堂集

卷一

三

賦得高樹早涼歸

茂樹森亭立金飈應候揚蟬聲未爽氣黛色轉  
幽芳聳幹侵雲表濃陰障日光盤桓蒼翠裏秋  
意覺先長

曉入內苑聞鶯

拂曙趨瓊圃流鶯遠建章綿蠻驚霽色睨睨轉  
韶光隱葉聲疑遠穿林韻轉長鳳城宮柳暗對  
爾興悠揚

秋霽



高秋開霽色爽氣淨長空疎樹明晴影寒流漾  
曉風層霄無點翳天際有孤鴻獨立遙凝望山  
川擬畫中

初秋

玉樹承新渥高蟬忽報秋炎蒸清帝里涼思  
起瀛洲銀漢光初煥金莖露欲浮井梧深院裏  
幾葉拂瓊樓

試鼠鬚筆

相鼠何微眇鬚成筆迺良賦形雖有類致用固  
慎修堂集

卷一

四

無方健勁龍蛇驚輕纖風雨颺因心垂象處玉  
署吐輝光

送袁芝田之任恩縣

有序

芝田予師蘇門高先生之內弟也予  
自蚤歲聞風于馬廿載橋門覲德遂踰  
十春茲授令東土握手言別緬懷今昔  
情見乎辭

東郡方多難君今綰綬初流離連海岱昏墊遍  
淮徐國澤時覃沛民生祗未舒願聞經濟畧

早見賦安居 其一

早擅袁安節今鳴子賤琴別時憐草色到處見  
棠陰慷慨平生志馳驅報主心壯懷良有在  
端不愧南金 其二

往昔相逢地茲當把袂辰川原牽別恨歲月見  
交真撫事慚知己臨岐對玉人相看無一語空  
有淚沾巾 其三

仙郎辭漢闕晴日野花濃征驥臨長陌飛兔下  
九重梁園明畫錦故國接新封為訊羊曇道何

慎修堂集

卷一

五

時起臥龍 其四

先師家嗣履平芝田甥也雅有父風故及之

送張龍池明府之通渭

征憶違天表離亭悵暮雲邑封趨隴阪鄉思繞  
河汾羽檄頻年動笳音入夜聞渭川如有釣勉  
起靜邊氛

送同年宋南津之真定二首

旅思驚春暮行歌復送君蚤年攀桂侶此且忽  
離羣折柳臨長路揚鞭對夕曛帝畿非遠別勿  
使斷知聞

二

三輔推雄郡常山自昔聞  
延表連朔代風土類  
河汾邊計頻年切郵途  
屬國分所嘆民力竭安  
集報 明君

壽莊母太夫人

淑氣含瀛海玄冬介景  
釐碧桃未玉圃金母降  
西池鳳翟光璀璨龍章  
煥禁堦仙郎真愛日儀  
曜願修期

中秋苑中雨後觀月

慎修堂集

卷一

六

三五當佳夕承 恩直禁城雲開  
天宇淨雨歇  
夜塵清玉兔秋毫見金波  
煥爛明蓬萊瞻翫處  
迥異草堂情

玉河水泮

紫禁春先到銀河凍漸開  
晴光搖綺樹清影浸  
仙臺羣躍觀魚上低飛見  
鳥迴煖風晴日裏何  
處染浮埃

望雨

不雨春仍夏甘霖望正殷  
鬱懷疑執熱翹首待

生雲赤地憂黎庶桑林仰聖君  
何當天澤沛枯槁復芳芬

立秋日作

月令猶行夏星躔忽見秋涼  
颼從此始繁暑覺  
潛收梧葉方徐下蟬聲已漸  
稠因思關塞上膠  
折動邊愁

東宮冠禮成志喜

紫殿頒 宸命 青宮啟大儀  
成身昭令德主  
鬯鞏皇基麗日明玄冕祥光  
遠脣姿羣生欣戴

慎修堂集

卷一

七

虞千載祝鴻釐

閣試罷晚出左掖

綸閣陶文藝裁成下建章  
花香聞太液樹色映  
長楊斜日流殘照餘霞散  
暮光天街驅馬處星  
斗欲輝煌

孝烈皇后輓歌

玉殿徽音杳瑤房彩幄空  
軒星沉密霧寶月隱  
淒風聖善承天眷神功感  
帝衷最憐桑綠暗  
誰復御蚕宮

送高廣玄之滇南

一麾淹十載萬里踰三湘鳥道鄉關杳猿聲客  
路長封疆連異域形勝抱遐方 聖主遴良守  
應無厭大荒

壽閩母荔浦郡君七十

朔氣催寒早朱門瑞靄舒仙郎開綺宴貴主燦  
華裾壽洽喬年度情娛愛日初青雲占器業長  
喜奉潘輿

貞母王太夫人顯膺 恩表

慎修堂集

卷一

八

夙善仙郎彥兼知母訓欽辛勤熊膽味砥礪栢  
舟心綵服裁宮錦黃麻出禁林天章昭焯慶千  
載仰徽音

送包玉溪明府秋日還鄉

送子江亭上秋花照眼明薊門同逆旅潞水悵  
行旌雲擁平堤遠風催彩鷁輕滄波渺空闊應  
洗別離情

送張大尹之興縣

時其兄銓推饒州

棣萼同升日楓宸竝命時分符殊郡邑畫錦共

門楣封域邊防重雲山客思馳更憐南去鴈翹  
首楚江湄

贈華峯朱隱君

姑蔑聞佳勝幽人足一丘杖藜三徑暮鼓柷五  
湖秋機息來鷗狎心閒與鹿游超然無俗累偃  
仰復何求

送鴈門謝少尹之任淄川二首

高臥東山久承 恩北闕初 御烟浮錦綬芳  
草照文裾薊野飛征蓋齊民望駐車循良騰異

慎修堂集

卷一

九

績持此慰鄉閭

二

夾谷知名舊憐君拜 命新化強遺 聖澤授

易啟儒真 先師會齊侯田何 講易皆此地 平野青徐邇雲山

秦岱鄰從來懷古意今日重馳神

送王忠軒少尹之臨潼

三輔推名邑鴻門自昔聞郵途連隴蜀風土接  
河汾征蓋飛晴雪離觴悵暮雲勳名方此始應  
不惜離羣

送留澗之淳安

滄海分飛久京華聚首新師儒沾渥澤桃李在  
陶鈞遠水連東浙鄉山遶八閩平生文毅志臨  
路獨傷神

送景鴻臚之靈臺

紫殿含香早黃圖拜寵遲爐烟瞻御氣關月動  
離思沙白明征騎風微見塞陴邊城文物寡好  
示漢官儀

送黃瑞峯司訓之興化

慎修堂集

卷一

十

叔度知名舊儒林拜命新飛騰千里志慷慨百  
年身山斗歸先覺雲霄啟後塵芬芳桃李色行  
見海陵春

贈竹溪王孫為同年梁岐泉賦

聞道神明胄翩翩自不羣清時歸大雅奕世擅  
奇文朱邸盈圖史青藜照典墳梁園詞賦客長  
此播清芬

送盧松岑主簿之潯陽

歲暮京華客飄飄作楚遊仙鳧違北闕奇驥逞

南州樹色開廬岳江光遶郡樓知君懷吏隱舍  
此復何求

壽蔡敬齋父母

雅性違朝市韜光臥海濱義方垂訓舊綸誥沐  
恩新鶴髮偕難老鶯花對壽辰中郎方愛日長  
見綵衣春

壽孫行人父時奉使岷藩便道稱慶

北闕三湘使南天七表親星軺周遠道宮錦及  
佳辰愛日陽方泰壽在十一月逢時慶若神詢咨歸

慎修堂集

卷一

十一

獻納咫尺見恩綸

送樊驛宰之魚丘有序

樊宰者司勳及泉王君姻也筮仕東方  
王君索詩壯其行爰致贈云

東郡頻多難驚心望驛亭川原跨南北舟楫帶  
滄溟風雨趨官舫烟塵仰使星壯懷應有在慎  
勿逐流萍

題許茂楨中舍雙塘卷

綠野相承地林塘自昔年一泓涵遠澤習坎浚

源泉影浴千尋木光連尺五天更看修竹畔  
鳳競踰躔

送鄭龍津掌教諸暨四首

南省明珠棄芹宮綵服新曾參惟養志原憲豈  
憂貧化溥青衿士權承白髮親壯懷良有適端  
不為簪紳

二

非角同遊日君才已絕塵人間誇驚天上錫

麒麟家學研三傳卿書動八閩蘇湖今小試慎

慎修堂集

卷一

十一

勿嘆沉淪

三

捧檄長安道持杯潞水濱官卑綠不擇心泰自

常伸絳帳橫新席青種戀故人漫銷千里志早

探帝京春

四

聚首惟方爾驪歌復此聞驚心燕薊月凝望亭

蘿雲信有山川美無論鮑謝文說說梁棟罷願

以報明君

夏日花中即事 用六朝體

朱夏啟清景薰風拂玉樓宮花麗永日御柳垂  
清流祥鱗躍太液青鳥來瀛洲鈞天際嘉會潤  
色欽 皇猷

出塞曲

胡馬依風勁南下遠橫行提兵肆驅逐將令有  
嚴程壯志與雲齊寶刀耀日明縛取呼韓歸干  
秋揚令名

五言排律

慎修堂集

卷一

十三

贈葉芳洲雙壽

高尚紛囂遠幽棲履道貞文隨玄豹澤心與白  
鷗盟偕老康寧慶傳經次第鳴莊椿方挺幹寶  
桂競舒英科目歸家學輪囷聳國楨清時咸奮  
績愛日各輸誠就養行江邑娛情首 帝京承  
懽宮錦燦獻壽玉卮盈階下斑衣舞江頭彩鷁  
迎降祥當此際視履見平生共保丹顏渥旋膺  
紫誥榮春風憐季子還聽首臚聲

題曉關椿榮卷

為王學甫乃尊

清廟周京重宸庭漢禁長奉 先瞻孝理錫類  
際 恩先令子功方懋嚴親樂未央白頭承鳳  
詔 丹陛侶鵷行旭日明袍色祥風散御香謾  
誇橋梓貴還見勒旂常

送林小山之上虞

今代衣冠族公門慶澤綿承家宮保重濟美玉  
堂賢才子文辭茂遭時簡擢先一經傳世業百  
里貳星躔栖鳳應清峻飛鳧定接聯東山篔簹  
綬潞水泛樓船爛熳汀花發參差遠樹連含情  
慎修堂集 卷一 十四

瞻去棹執手對離筵道在官因重機忘慮不牽  
上猶遺愛邇勉矣永同傳

送白嶼張博士之龍泉兼懷鄭纓泉窓丈

東浙師儒重南閩邑里連秉釣崇化理振鐸簡

時賢樂育來多士橫經獨妙年羽儀臨鳳穴有邑

鳳凰山 精艷發龍泉潞水維官舫離亭對綺筵壯

懷應未已別恨共凄然風雅稱張翰才名憶鄭

虔聞情同吏隱吏隱山 在縉雲佳句若為傳  
立秋日李氏園餞別侍御劉次山同年清

戎畿內分韻得杯字

分野王畿列清朝憲府開共言關輔重須藉不  
羣才詞賦傳中秘聲華冠內臺光輝連斗極水  
玉見風裁驄馬乘時出神羊應瑞來足兵隆國  
勢勅法肅邪回繡斧從三殿霜威動九陔褰帷  
依曲沼把袂對離杯水色搖晴樹花香染碧苔  
交情縈列恨臨發更徘徊

壽梅谷先生八十一

考槃遺世網嘉遜振雲儀空谷棲遲意寒梅寄  
慎修堂集 卷一 十五

遠思幽深同性定貞白契心期大隱原無迹高

風詎有涯子真孤尚處和靖對吟時應共探奇

勝蓬山茹紫芝

送大司成閻又泉之南雍

聖主崇文化賢關簡代英金陵根本地玉樹鉅

儒行寵命來 天表懽傳協且評衣冠周冑子

經術漢公卿擢第魁三晉才名動二京師資恢

帝則敷教育玉楨壁水臨鍾阜青衿滿石城

詞章應五變禮樂淑諸生 鶴禁聲稱又雲衢

道大亨綢繆承藉愛慷慨共鄉情曉日辭宸  
陛薰風送旆旌感知因義重惜別獨魂驚祖帳  
蓬仙集家山畫錦榮巖廊須弼士佇見 隴書  
迎

送太史閔水東視學河汾

聖主崇文教儒宗簡哲人唐虞傳授地憲學出  
詞臣瀛海鍾靈粹清時聘席珍校讎天祿久拔  
擢 帝恩頻門闕凌霄漢才名邁等倫義方家  
有訓經術世無鄰載筆違東觀鳴珂下紫宸山

慎修堂集

卷一

十六

川增氣象草木望車輪省署趨庭遠旌旄擁節  
巡壯遊憐蚤歲懷綬喜茲辰故老思風範諸生  
仰化鈞甘棠遺愛舊桃李鬱陰新禮樂行追古  
文章想去陳四民遵軌度萬類在陶甄濟美光  
先烈亨蒙啟後塵邊陲今覲德石室夙依仁驛  
路臨鄉邑離亭集縉紳畫祭宮錦麗稱壽綵衣  
春善積家多慶懽承福逾臻漫誇儀駕驚應見  
畫麒麟乃翁常守平陽遷鴈門兵備乃叔嘗為  
月八日為七十五誕辰先生皆從宦遊太夫人以二  
辰先生遠便道稱慶

贈薄蘭溪榮擢太僕

京邑循良著天開簡拔殷幾年淹赤縣一擢奮  
青雲素牘塵勞釋朋僚禮際分遷鶯遺舊愛振  
鷺挹清芬司馭先邦政前驅奉 聖君風生千  
里足錦燦五花紋未數汧西績應空冀北羣平  
胡須廐牧鍾鼎待奇勳

送陳六溪戶部清理滇蜀鹽政

三伏啟初節隆暑勢方始久矣會聚踈修馬臨  
別適經費屈廟謨鹽筴國所倚捧詔出 九重

慎修堂集

卷一

十七

揚旌踰萬里折坂寧足迴滄洱歷窮鄙謀議重  
賢良征權先法紀籌邊務遐圖富民乃興理遠  
績良在茲竭澤匪所擬皇華首咨詢魚鹽有奇  
士持歸獻 承明垂慶惠千祀

題竹林七賢圖次韻

避世同泉石頤貞結勝遊勳名齊夢幻宇宙一  
虛舟但使幽襟適寧論禮教修遺榮期蹠脫樂  
聖日杯浮竹影侵碁局花枝傍小樓醉鄉真自  
得端不羨鳴騶

送座師稚川王先生之南司成

豐水培多士詞林簡哲人盱江元孕秀名世瑞  
生申珪壁明堂器榘楠廣厦珎觀光實早歲射  
策奮昌辰高步登瀛選孤騫報 主身鑿坡司  
制久天祿校讎頻炳蔚 王言渙渾融 帝典  
純十年綸綍貴四壁布韋貧寵命持文柄懸衡  
叶大鈞非葑勞采拔瓦礫荷陶甄得雋光前軌  
亨蒙滿後塵聲華殊踔絕風度寔超倫振鐸開  
羣胄操觚輟近臣本根資舊國封植在成均遜  
慎修堂集 卷一 六  
簡歸儒碩懽顏動縉紳師模恢古則樂育播皇  
仁鴻漸來磐石鶯遷陟要津義方家有訓學術  
世無鄰臯比橫經處青衿執業晨環橋欣濟濟  
提耳仰循循化雨繁桃李清時出鳳麟辭章規  
一變禮樂道維新講座臨鍾阜離筵啟滌濱汀  
花明錦旆岸柳拂朱輪拔擢門墻誼追隨玉署  
寅感知心獨切悵別意難陳目極秦淮月神馳  
白下春雉膏行用享鵬翮自茲仰望繫民瞻重  
才膺 聖眷親佇聞 丹詔錫宣室奉咨詢

題畫竹 金華

錦竹舍新籜虛疑嶮谷移筆端生造化靜裏見  
神奇蟲蟲侵雲際亭亭俯水涯芳蘭幽比德怪  
石介相宜幹老龍應化枝橫鳳欲儀翠光浮几  
席金影動軒墀與世時舒卷窮年色陸離緬懷  
恒久意詎止歲寒期

僉憲陳芝嶽同年入賀 聖節敬賦近體

八韻致贈

萬壽乾坤正羣生履育均虹流懽此日雲集慶

慎修堂集 卷一 九

昌辰道化通玄極祥光覲 紫宸御爐香燄煖

仙掌露華新衣被先中土朝宗重世臣玉階嵩

嶽祝金鏡舊編陳燕賀文明晝鶯遷上苑春箕

裘延一德仍見畫麒麟

重九前二日宴集 周府遍遊山亭次西

亭中尉韻二首

梁苑重陽近仙臺爽氣多巖阿陳綺席竹裏發  
徵歌地迥花方茂時清日自和虛亭連曲檻傑  
閣俯晴波霞綵迷紅樹烟光起綠蘿更聞邊燧



息飛將罷橫戈

二

重九期猶隔黃花菊已多簪裾盈廣殿絲竹動  
清歌齊春酬芳節懽聲合太和花香浮晚徑峯  
影浸寒波錦石開層岫喬松帶女蘿兔園風雅  
地授簡謝瑀戈

壽徐母太夫人兼送頤齋之河西

龍節膺新典熊軒出舊鄉分藩仍結臬畫錦值  
稱觴明陟來東土懽承赴北堂太行開麗色汾

慎修堂集

卷一

二十

水映恩光此日推嘉美當年仰義方九和心獨  
苦機斷訓何長挺挺元卿彥振振衆嗣良舞斑  
駑豸繡淑景在青陽春酒杯浮綠晴花座送香  
桂英方擢秀萱草倍騰芳綉綺承華冢瓊瑤集  
頌章慈顏誇寶鑠命服共輝煌蓬島真仙列鈞  
天大樂張寧親逢 主聖過里際時康家慶情  
忻慰王程志激揚河隍懸重鎮胡羯遠鄰疆汛  
掃憂方切晨昏義不遑韜鈴傳遠畧鎖鑰奠西  
涼 神武收羣策長纓繫雜羌玉關歌凱入忠

孝勒旂常

壽蔡明軒母程太孺人八表

和風初協律化日漸舒芳憲府開瑤宴慈闈獻  
玉觴瑞烟含翠幕紅旭映雕梁慶展佳辰值懽  
承廣樂張鯉庭新鼎祿 鸞詒舊 恩光紫氣  
未西極祥颺赴北堂時清譔孔通物備羨滂洋  
萊絲仙郎舞潘與壽母康春當元夕麗花傍玳  
筵香地峻氛埃隔簾開鳥雀翔月華仍皎潔燈  
彩競輝煌快覩羣心暢應知孝理昌無雙推福

慎修堂集

卷一

三十一

履踰八愈康強閱先湘楚 褒崇冠典常義  
方成詰嗣熙載奉 明王馴維彰仁惠乘馳奮  
激揚百司歸譽誇兩漢見楮良周道騰騏驎虞  
庭集鳳凰觀風環晉鄙化俗企陶唐迎奉榮殊  
絕端居樂未央盈階芬蕙簾照室燦珪璋善積  
斯多慶恩懷自莫忘忻颺勤耆艾頌祝萃簪裳  
介福于王母 肥封荷 聖皇喬松舍晚翠寶  
婺耀精芒玄澤滋遐筭應同漢水長  
題胡順菴郡伯賢能宴賜圖冊

萬國朝宗日千官奏課時 帝衷勤治理 天  
鑒別妍媸大計稽羣吏程功正百司人安斯本  
固政善乃民宜 皇念方懷遠 宸聰每聽卑  
省臺度詔令卿士廣詢咨允協中朝望斯能下  
土裨循良宣偉烈茂異著宏規僉屬河東守真  
為列郡師輸誠敷 睿德于惠藹親慈雉雉呈  
三異懸魚畏四知才猷稱獨步精白衆咸推允  
矣捷忠蓋歸然邁等夷撫綏安里閭愷悌真邦  
基詔導趨中禁班聯上玉墀瑞烟連鳳掖霽色

慎修堂集

卷一

三

映龍旂日月瞻依近風雲慶遇奇垂衣逢 舜  
禹曳履接臯夔咫尺承 綸綺褒嘉荷寵私南  
金誇大賂宮錦復頻施宴賜需雲樂訶賡湛露  
詩遙看仙仗轉應覺景光移百辟忻相告多賢  
際若斯得人超往昔盛世擅今茲運協 明良  
會天開禮樂期妙旌修曠舉式序示為儀喜沐  
殊尤典能忘樹績思捐糜符結草勞瘁擬傾葵  
遭際心常奮馳驅願豈違乾行時廩廩恒德日  
孜孜虎渡私農郡珠還合浦池愛遺昭簡表銘

勒重尊彝舟楫功先懋鹽梅寄不疑弼成隆古  
治長詠百工熙

上林春曉

青陽開淑景紫禁對朝光紅旭輝煌上和風澹  
蕩颺晨曦催鳥語曙色媚羣芳太液晴波動瓊  
華瑞靄洋官梅含宿麗御柳帶新黃渥澤滋繁  
彙應同化日長

送太宰張龍湖先生赴南都

嶽麓鍾靈粹湖湘產哲人應韶儀彩鳳瑞世現

慎修堂集

卷一

三

祥麟南省魁多雋西崑直 蕞宸蓬山綸綺重  
瀛島 寵恩頻夜送宮蓮燦朝迎步輦僉屢推  
司考校特簡訓儒紳範立金從治明通玉出珉  
葑菲勞采拔瓦礫藉陶甄披拂春風數沾濡化  
雨均蒙亨方自擬 晉錫慶來申台斗懸南極  
璣衡拱 北辰階崇 天眷切迹遠 帝心親  
根本瞻豐鎬儀刑屬老臣江花明錦旆岸柳拂  
朱輪講席違茲日師庭憶往晨感恩期矢力悵  
別獨傷神夙昔憂民志艱危報 主身又履

當宁顧行荷簡書新密勿調元化陽和播大鈞  
門墻瞻望地仍此迓車塵

題惜陰園

陽馭無停晷流光若逝波茂年空已矣白首竟  
如何伯子心恒勵陶公力愈過志專功始篤勞  
積業斯多芳躅瞻嘉美齊名在切磋誠通期指  
劔氣貫擬揮戈急景真難再潛修願匪他披圖  
良自愧資爾戒蹉跎

題沔陽遺愛祠

慎修堂集

卷一

三

江漢流移日循良拜命時經綸敷大造安集著  
宏規夙昔歌來暮今茲感去思歲華頻易候尸  
祝每陳詞舊德垂荆土新祠創沔涓召公南國  
樹羊子峴山碑遺烈元無極興懷詎有涯人心  
瞻戀處應與萬年期

送陳少川尹宜君

上郡開雄邑襟喉奠朔方 聖神求化理廊廟  
簡循良芳草明征憶飛花點客裳旅懷增感慨  
離思共悠揚地抱黃圖重天連紫塞長毋嗟邊

微遠勉矣見高翔

送同年阮相山之秦安

風韻陳留遠承 恩塞上新川途行出晉除扼  
夙稱秦地僻心逾靜山深俗自淳同袍懷蚤歲  
把袂惜茲辰斜日明離席流雲繞去輪所期誦  
頌作飛鳥入 楓宸

題康孺峯學士風木圖

自序云向居憂衰三世葬事既入 朝  
時切思念迺繪為圖

慎修堂集

卷一

五

有美鑾坡貴終身慕獨專永言風木恨為廢蓼  
莪篇封壠崇三世趨 朝踰十年牛岡懷舊兆  
象域繪新編簡擢今逢 聖時方擢留都少宗伯論思夙  
擅賢行看龍誥錫光動九京前

春祀 秦陵

雨露春零早 園陵歲祀豐藻蘋羞俎豆壠阜  
鬱青蔥遺訓欽鴻澤垂休仰駿功寬仁天地竝  
明睿日星同弓劔橋山遠冠裳 寢殿空追號  
瞻戀處松檜起悲風

玉河烟柳

御柳明河岸含烟望愈妍氣龍枝覺重色借葉  
堪憐澹蕩春光滿霏微綠水連鶯聲留永日鳳  
吹媚韶年雲物時遊協徘徊太液前

題嘉蓮

清泉濯修幹朱華吐異姿亭亭觀淨植擘擘羨  
連枝風來香芬馥月照影參差宛似臨玄圃還  
同翫液池聊因二三友相與醉芳巵

嘉穀登場

慎修堂集

卷一

三六

四海雍熙日三秋載穫時如京惟有歲實粟慶  
惟祺明德勤千畝鐘祥發兩岐馨香登俎豆  
郊廟舉隆儀和氣盈天宇豐年仰聖慈八  
荒同雀躍萬壽祝鴻登

奉詔掄材志感

聖主開嘉運多賢應彙征三千陳禮樂一代煥  
文明駢集仙曹彥敷求翰苑英紫泥函帝札  
玉軸煥天精奎曜昭雲漢宸章炳日星  
聖心增悅豫士氣頓崢嶸麟鳳中原盡珠璣四

座盈處囊錐自脫應物鑑何情願竭表忱赤期  
來王室植國猷資黼黻億載播芳聲

送楊可齋

當代稱賢佐東揚第一功

國初三楊先生東政文敏公居東時稱東

楊先生

瑩然瞻哲裔恍矣見高風德政垂具會文

章吊楚宮機忘心自泰教振道寧窮白璧光終  
煥青萍氣自雄騰騫應不遠慎勿嘆飛蓬

賀顧東川御醫六十

大隱依丹闕承恩直紫宸巫咸鴻術顯方

慎修堂集

卷一

三七

朔歲星臣濟聖探真訣遭時謝要津靈扁和  
六氣佳節屬三春松葉浮尊綠參花入座新鳳  
毛稱慶處宮錦映莊椿

送梁三峯司訓之徐州

閩海聲名久都門此日同濟時思扁鵲高誼得  
梁鴻振鐸違丹闕飛帆指沛宮壯懷今少試大  
道豈終窮泮水晴光綠鱣堂曉色紅青衿環講  
席應是座春風

送王中峯之商水

封域雄中土星郎得巨儒才名聞蚤歲經術起  
亨衢綰綬趨梁苑揚鞭出 帝都舊遊繁客思  
別恨遂征途鷗鳥機忘狎豚魚信及孚王君素誠慈不  
云 川原良自通風氣未應殊撫字垂遺愛綏  
來俟壯圖所期多異績雲際佇飛鳧

君子以恐懼修省

古體

聖王御神極敷求萬國理天鑒每祗嚴考祥恒  
視履赫赫重明象儆戒寔伊邇仰承仁愛心俯  
修先罪已乾乾日匪他惴惴夕猶爾天聽諒非

慎修堂集

卷一

三

迺人事應多圯旁燭罔遐遺條綱仍振紀交修  
文匪虛斯不喪嗚也我思古哲王寅畏咸如此  
成湯禱桑林霽雨無涯涘高宗感雉雒商道日  
以起創業與中興令譽垂青史人君天命主畏  
灾甚盛美一德格皇天終應介繁祉

擬此日不再得

古體

此日不再得歲序潛推移天運無停晷修為宜  
及時茂年不自力皓首徒凄其勉旃志匪懈樹  
德貴培基緬惟古聖哲終日恒孜孜周孔允元

聖繼夜猶慎思禹臯佐虞帝日贊庶績熙所以  
流芳譽同躋百世師董生耽六籍三載園不窺  
昌黎研百氏繼晷恒燃藜大道雖云邈亦能望  
其涯斯人諒非遠世式若著龜賤子夙顙昧自  
昔已無奇擔簦遠于邁中暗眩多岐竭來謁

天子過被龍門知材館羅羣彥真宰荷鑪錘執  
卷白玉堂捫躬慶師資駑駘豈逸足鞭策或可  
追懋學先遜志時敏斯其宜兢兢若執玉惴惴  
如躄危慎思罔朝夕深造良匪夷為徒仰周孔

慎修堂集

卷一

三

事主追臯夔求成詎可必宅心允在茲努力分  
陰惜千秋永為期

擬西北有織婦

古體

繁露零秋夕寒膏吐微光思婦臨機杼力倦尤  
皇皇纖手理素絲經緯成玄黃文章燦然著期  
以為君裳從軍遠于邁關山阻朔方欲裁翻自  
怨奚由試短長含愁歸總帳浩歎廢晨粧安得  
凌風翮高舉翔君旁

慎修堂集卷之一



慎修堂集卷之二

河汾元思謙子益著

詩

七言律

大廷

賜對次元輔相公韻二首

紫宸朝下承 清問共捧天書拜漢庭三策自

應慚董子上林何敢效長卿香浮碧殿和風轉

日映彤闈淑景清願與同袍戒溫飽須知明

主為蒼生

慎修堂集

卷三

二

十年藜火甘茅屋此日操觚對 禁庭香霧散

時開帝殿珮聲高處列仙卿文章掩映奎光逼

禮樂昭回泰宇清 主聖臣賢際嘉會願輸忠

赤效平生

送大司成南渠李先生之南雍

龍樓仙客拜新榮虎觀儒宗莅舊京 天上恩

光宮錦燦江頭春色綵帆輕橋門冠帶迎師範

紫殿爐烟戀主情講席重臨今已正好培梁棟

佐承明

送弟禮南歸

天涯把袂欲中分此際驪歌詎忍聞愁極看花

還引恨情牽舉酒不成醺鵲鴿飛急憐孤影鴻

鴈聲悲嘆失羣謾道清朝金馬貴鄉心遙逐太

行雲

柳亭

清陰舊蔭新安里隨處頻移共結亭喜見繁條

垂翠蓋謾云飛絮逐浮萍疎連梅蓋當窻見密

慎修堂集

卷二

隱鶯黃滿坐聽鳳翼龍鱗誇漢苑結根應憶故

山靈

送同年王槐溪

蚤歲聯鑣晉水東看花上苑喜仍同論交心切

浮雲外悵別魂銷夕照中綵服適承親壽慶黃

麻新沐 國恩隆蒼生百里應延頸好布深仁

對帝衷

壽同年胡劍西父母六十

淮南賓客盛簪裾偕老承恩近 帝居住節共

當長夏日修齡雙慶六旬初香浮壽斝新醪泛  
色映官羅綺席舒鶴髮同權金馬客 龍章行  
錫紮泥書

送同年馬孟河歸養

玉署承恩與子初陳情歸去獨愁予連江草樹  
牽離別出岫晴雲自卷舒謾評青春辭魏闕先  
權綵服奉潘輿明時未可懷終隱天祿燃藜待  
校書

恩榮宴即席次韻二首

慎修堂集

卷二

三

萬國章縫際遇同鎬京周宴侶雲鴻 恩頒鼎  
養來天上世際豐亨正日中槐影晴連袍色綠  
花容光接醉顏紅平生溫飽元非志願竭庸愚  
効寸忠

二

瑞色龍蔥御宴開迂踈愧匪洛陽才人文濟濟  
盈香座天樂洋洋遠砌臺 北闕恩光浮草木  
南宮遭際應風雷更逢黃閣陽春曲真擬乘槎  
拂斗迴

初秋李氏山亭餞別同年五侍御出清戎

分韻得杯字

新秋繡斧出霜臺駐馬同袍共舉杯芳草似牽  
遊子念繁花偏近水亭開 清朝久負匡時畧  
中秘遙憐作賦才攬轡漫云酬壯志江湖廊廟  
首應迴

送宮庶兼殿講吳筠泉視篆南院

佳麗江山擁鎬京玉堂視篆羨光榮講筵兼館  
懸新命宮秩崇遷異舊名日射離亭 丹闕迥

慎修堂集

卷二

四

風生潞渚彩帆輕蓬瀛地分元清切詩賦遙應  
動 帝城先生自贊善遷庶子兼侍講云

送鄭纓泉之縉雲

西征十載故人稀玉樹重依喜 帝畿共戰可  
堪迷日色揮戈誰為挽斜暉都門官柳催征騎  
薊野飛花點客衣 聖主好文應有薦上林行  
見馬卿歸

送周章巖之東廣

洛河彩鷁御長風薇省仙郎出漢宮百粵山川

連絕微五羊形威控遐封桄榔葉暗郵途繞虛  
橘花香里域通駟馬壯遊應不羨甘棠還喜鳳  
毛同

送大司成閻又泉之南雍二首

河汾舊隱玉堂賓豐鎬師儒寵命新宮錦輝煌  
懸日月仙舟搖曳上星辰陰陰夏木連官舍浩  
浩江流淨客塵行見橋門興禮樂更聞帷幄試  
經綸

二

慎修堂集

卷二

五

雞鳴國學共崔嵬樂育還須命世才玉珮曉違  
鳩鵲觀錦帆晴指鳳凰臺秦淮夜月絃歌滿鍾  
阜春風講幄開自昔漫誇佳麗地栽培應見棟  
梁材

送王槐野宮諭視篆南翰院

才名自昔冠儒紳視篆留都帝簡新玉署地  
分清切舊春宮兼綰寵光頻樓船蕭鼓行經  
楚畫錦潘輿喜過秦漫為江山增叢藻早看廊  
廟試經綸

賀李封君夫婦同壽 同年李石鹿其人

龍頭擢第仙郎貴鳳詔推封 聖主恩白首齊  
眉傳壽聿朱衣並綰照蘭蓀春明晨省驅征憶  
畫錦光華動故園漫道清時繁雨露于公夙已  
有高門

送同年王虹塘侍御之留都

清朝執法重留臺攬轡風烟萬里開高大于門  
元種德風流阮氏夙多才旌旄光動催驄馬畫  
錦懽承獻壽杯慷慨平生思報 主匡時疏草  
慎修堂集 卷二 六

定應裁

送鄒春山司訓之大埔 有序

春山鄒君懷奇弗值貢上南宮再試  
大廷皆衰然選首予延授諸子經踰年  
赴教大埔重其人難其別而期其過也  
情見乎辭

驪歌聲徹日方曛把酒那堪遠別君白雪梁園  
憐藻麗春風賓館憶蘭薰仙槎曉泛凌江月絳  
帳晴開對嶺雲試向羅浮倚長劍龍光萬丈動



星文

賀太宰李古冲應召還 朝次康礪峯學

士林肖泉司成韻二首

宸奎親灑紫微宮 帝召天卿禮特隆不假審

圖求傳說共懽啟事得山公明良道合鴻鈞轉

水鑑光懸斗極崇咫尺黃扉諧大軸預開麟閣

畫元功

二

聽履聲存雨露 台階重上冠羣仙温綸眷舊

慎修堂集

卷二

七

須千里虛席 恩新曠萬年名世已忻關氣運

降神還慶自山川行收麟鳳儀 金闕載咏卷

阿振玉編

送吳澤峯太史冊封 代藩

未央月曉動雲韶 玉節輝煌下碧霄臚唱再

承 天寵渥奇遊寧憚塞垣遙雄邊磐石頌

龍冊故國江山擁使輶攬勝定知多壯畧禁中

頗牧翊 清朝

送張西吳太史冊封江西三府

九天閭闔日華生劔珮趨踰入太清 帝曾竝

承桐葉錫詞臣獨奉 玉書榮仙槎縹緲周江

國官錦晴光動楚城攬勝定知探白鹿抽毫應

早侍 承明

送王東臺尚寶冊封中州

蓬萊啟曙御香飄詞客領封下碧霄 金簡玉

書 王制重樓船蕭鼓使星遙塞帷行挹河山

勝畫錦仍欣海霧消歸到棟華相對處池塘芳

草句應饒

慎修堂集

卷二

八

送朱後菴黃門扶持還太原

歸來青瑣拜恩初又見從親返舊廬諫草情懸

辭魏闕衣萊色動奉潘輿與鄉山望入雲天邇驛

路驚連水溢餘霄漢側聞求獻納清秋且莫賦

閒居

送大司成林肖泉之留都

冠帶橋門仰範模鎬京今喜得真儒詞林濟美

榮三世登水橫經歷兩都奕代勲猷歸斗極明

時門閣冠雲衢忠貞自是公家訓密勿還將贊

聖謨

送同年朱文石之南司業

青春壁水領儒流  
宮錦南征便晝遊  
詞苑早憐依玉樹  
潞河驚見送仙舟  
庭闈懽動看萊舞  
澤國兵連繫杞憂  
暫向雞鳴擁臯比  
經綸遲爾鳳池頭

送同年劉次山按滇南

迢遞西南銅柱標  
中臺玉節下青霄  
霜飛繡斧瞻風采  
雲遠旌旄擁使軺  
詞賦早傳金馬勳

慎修堂集

卷二

九

名行勒碧雞  
遙遐荒此日間多事  
竚見澄清答聖朝

送殿撰唐小漁奉詔營葬

文章奕世冠儒紳  
勲業當年憶老臣  
金榜掄魁庭訓舊  
玉魚蒙葬國恩新  
奎光追錫星辰麗  
渥澤頻沾草木春  
激水未應淹畫錦  
鑿坡虛席待經綸

送門人慎子正之尹漳浦有懷梁心泉年

文二首

少年已見擬巍科  
抱璞荆山奈若何  
南省喜傳收大雅  
都門忽爾對驪歌  
地窮閩嶺郵途遠  
天入清漳霧靄多  
幸有伯鸞持憲節  
風行溟渤靜鯨波

二

秋風潞水木蘭船  
才子為郎向海邊  
杏花苑蜚聲憐此日  
棠陰遺愛見他年  
花迎宮錦茗湖便  
葉暗枕椰粵嶠連  
循吏祗今誰第一  
無令卓魯擅青編

慎修堂集

卷二

十

送門人蔣汝昌節推之荊州

桂林東望即瀟湘  
佐郡榮君邇故鄉  
息壤祥刑看政績  
南宮珠玉憶篇章  
晴江曉泛仙舟遠  
烟樹雲連別恨長  
漫向龍山討陳迹  
早聞鳴鳳在朝陽

送門人許伯雲之尹分宜

崑岡瓊樹夙連城  
南省欣看眼獨明  
邑授名區掄選重  
途經梓里晝遊榮  
晴嵐當戶鈴山巖  
霽色浮光楚水清  
萬里雲霄方小試  
循良應不負

平生

送門人歸懋庸節推之泉州

青春佐罷刺桐城聞道山川類洛京  
萬里扶搖程始奮九苞文彩眼叨明  
吳門柳色迎官錦粵嶠花香襲客旌  
遙想風清庭訟靜佳聲早慰故人情

送凌少里節推之福郡

芳菲草色滿春城尊酒郊亭萬里行  
風送仙槎銀漢遠光浮梓里錦衣明  
粵南喜俟祥刑績瑣

慎修堂集

卷二

十一

闡仍占獻納聲立馬暮雲頻極目  
鄉關渺渺若為情

送同年少宗伯康礪峯之留都

鳴珂春曉下仙臺潞水風生彩鷁開  
視草聲華留禁苑握蘭簡擢冠蓬萊  
曹分清切岐豐重帝命寅恭禮樂才  
回首雲霄天尺五輝光遙夜

送王育泉水部分司呂梁

遶三台  
黃河萬里自天來懸水奔流地軸開  
波浪魚龍

時不斷樓船蕭鼓日相催軍儲西北需  
方切民力東南總可哀此際漕渠憂豈  
細喜君真有濟川材

送同年胡日門太史冊封淮府

蓬萊啟曙御香飄才子領封下碧霄  
五色金書王制重萬年磐石國基遙  
乘槎曉泛江光麗擁節春遊客思饒  
白鹿便應探往蹟羣峰鬱鬱水迢迢

送鄒一山觀察中州

慎修堂集

卷二

十三

青春帝里共韶光又向津亭對別觴  
梁苑到時花定發隋堤經處柳應黃  
運籌邊塞孤臣遠攬轡中原壯志長  
獨抱風裁霄漢望多冠計日肅鷄行

送曹紀山館丈次韻二首

乘驄十載獨持衡童稚遙知子建名  
檇藻輝光傳秘館采片文物動儒黌  
忻看膏澤垂嘉實何事東風競茂英  
萬里雲霄舒勁翮自慚弱羽應同聲

二

金殿班聯奉 至尊 紫泥竝命向文園投瓊  
誼重先勞及倚玉思深未敢言三晉河山元氣  
繫百年天地赤心存龍門西望提封邇駐節何  
時惠細論

送陳雨泉憲副帥師戍剡二首

聞道天驕窺北平儒臣六月獨提兵指揮色動  
三軍士慷慨身當萬里城白日旌旄臨瀚海秋  
風鼓角振行營陳琳詞翰休傳檄勒石燕然播

慎修堂集

卷二

十三

駿聲

二

萬竈貔貅擁薊門羽書猶警犬羊叱畫圻自昔  
稱天險建節頻年荷 國恩未見嫫姚空朔漠  
喜看頗牧出中原吳鈞笑指臨岐贈折取呼韓  
報 至尊

和楊胥江憲長衙齋喜雨登樓之作

絲絲澍雨滿長空玉散珠聯色界中霧暗欲迷  
楊子閣雲深應自楚王官臘脂濕亞林花重翦

翠光連野黍芄遙望天南塵未靜願均甘澤共  
時豐

許昌道中聞李西谷憲副發自涓川屢待

不至命驛吏簡迂承詩見懷次韻奉答

落日驅車遠問津侵晨飛蓋逐秋塵爭傳憲節

乘輶過喜傍郵亭駐馬頻玉樹凌風徒極目梅

花寄驛幾馳神何時相對西湖上共醉雲安麴

米春

壽李西谷五峯

慎修堂集

卷二

十四

仙臺高步獨稱賢共喜登龍對壽筵梁苑花開

忻五十蓬瀛桃實憶三千雲移樹色橫圖畫風

送鶯聲入管絃懷抱壯猷身正健早聞勳業格

皇天

春日謁諸葛廬次孫月巖侍御韻

臥龍故宅倚西岑往迹追遊思不禁經略三分

歸指顧馳驅六出頓銷沉山川未盡英雄氣勳

業焉知天地心遺像肅瞻神若在高風喬木引

長吟

登清高閣次前韻

飛棟層軒控翠岑，高寒風襲若為禁。天垂平野  
星辰近日麗，晴空霧靄沉。炎祚興衰存素簡，壯  
圖今古共丹心。悠悠梁甫千年後，一曲陽春振  
絕吟。

季秋遊龍洞值雨次雷省吾臬長韻

羣山萬木晝生寒，碧嶂蒼厓次第看。洞古龍歸  
遺勝蹟，潭澄雨過漲清瀾。遙空迥照山含黛，滿  
谷西風樹染丹。高臥巖扃更何事，移文應不羨

慎修堂集

卷二

十五

揮冠

遊華不注峯省吾憲長首倡次韻

騰騰原田接遠空，孤峰突兀獨龍從。平臨象緯  
疑塵外，俯瞰湖光落鏡中。遂有靈源移渤海，漫  
將長嘯動玄隆。峯上有泉，頗甘一乘風欲訪飛  
仙去，絳節高居碧海東。

谷蘿壁來伯示近江卷命賦

萬頃烟波接碧空，結茅幽絕與誰同。牙籤點檢  
晴窓日，水簟高眠玉宇風。藹藹汀洲迷杜若，冥

冥雲表漸秋鴻，遙聞東閣延英俊。未許扁舟狎  
釣翁。

任園郡伯胡順菴宴集次韻

四郊禾黍報高秋，喜擁熊車杜若洲。座映晴光  
依玉樹，庭充爽氣近瓊樓。逶迤平野馴文雉，浩  
蕩分波狎白鷗。更羨揮毫燦雲錦，詞場早已冠  
名流。

送胡雲屏督學雲南 代作

蘭臺聯步侍，明光憲府寮。惟共晉陽七載封

慎修堂集

卷二

十六

章欣灑潤，一時文教羨敷揚。宮衣色映姚江麗，  
桃李陰連燹道長。行見西南富材美，早掄楨幹  
捧巖廊。

壽蔡明軒母程太孺人八袞

栢臺燕喜對東風，初轉鴻鈞顯氣融。春酒光浮  
瓊斝綠，華燈輝射綺筵紅。奉輿懽動承家慶，攬  
轡澄清報主功。繁祉共忻天眷永，肥瓌仍見  
帝恩崇。

題胡順菴郡伯賢能宴賜圖冊

雲開闔闔珮聲高喜見循良拜赭袍 帝命銓  
衡推甲乙人歸冰鏡燭秋毫金緋駢錫真優渥  
天語親承極 寵褒共道宵衣臨黼座 大  
君端為細民勞

中秋待月

清秋三五暮天寒綺席頻移近碧欄玉露漸看  
零草際金波何事隱雲端停杯共坐更初永緩  
步遙聞漏向殘直欲中天爛然上光華應共萬  
方歡

慎修堂集

卷二

十七

九日菊未開

高秋風雨接重陽麗卉衝寒未吐芳盈把詎堪  
酬逸興携壺漫自望周行含馨似為留佳節歛  
萼應須傲晚霜會見舒華對晴景清標散滿九  
天香

孟冬朔日恭遇頒曆有作

堦堞初發對寒曦玉曆榮頒慶授時一統日新  
周正朔九重雲擁漢官儀乾元寶運開黃道泰  
筭真符拱赤墀叨沐恩波漸報稱萬年天保祝

鴻登

觀苑中穫稻

深秋千畝稻雲黃銚聲連紫禁長實穎光迷  
晴日色清香遙逐午風颺行瞻玉粒修殷祀先  
擬金盤薦壽觴萬國豐年真 帝力願將明德  
頌吾 皇

院內觀蓮開

鑿坡啟運育羣材麗萼初隨淑景開綠蓋含光  
浮水面紅華凝采綯中台沃根舊澤瀛洲永濯

慎修堂集

卷二

十八

色新波太液來聞道花神有深意雲黃應是預  
栽培

送太宰張龍湖先生赴南都

金陵佳麗真周基太宰鈞衡冠漢儀台斗喜  
君新寵渥春風憶我舊遊期瓊闈獻納依雙闕  
冰鑑高懸正百司桃李已繁龍虎榜鹽梅還擬  
鳳凰池

首夏即事

朱明新景轉皇州永日虛堂暑氣浮南隴雨深

梅已熟西疇風煖麥方秋古槐陰覆空庭靜細  
草芳連曲徑幽翹首五雲天咫尺虞絃薰吹滿  
瀛洲

池荷新開邀客賞之不至

紫禁雲連玉署東綠荷初放一枝紅臨池早擬  
同山簡結社何期負遠公高閣望時情獨切碧  
筒持處興成空日斜徙倚層欄外惆悵清香逐  
晚風

廷試天下貢士即事

慎修堂集

卷二

九

日華初動開 承明仙珮分行引上卿萬國青  
衿森拜舞 九天丹闕聽韶韻揮毫應染爐烟  
重隱几遙聞玉漏清 聖主立賢無巨細草茅  
何以報 生成

得鶴

曾看霄漢影翩翩此日來歸似有綠緩步追隨  
疑勝友高樓吐納即飛仙晴雲碧草空庭下皓  
月蒼松曲檻前對汝頓令塵慮淨還聽清啾徹  
釣天

新秋對月

清商初動暮天涼深院沉沉漏漸長雲淨金波  
增勝彩氣澄玉宇盡晴光坐闌迥覺寒暉襲景  
轉遙連列宿張願得關山同朗照莫教風雨暗  
殊方

秋聲

永夜空山秋氣清蕭蕭何處送闌聲淒橫暗逐  
寒威疾颺沓遙疑裂帛輕宿鳥驚回號古木征  
鴻催急度邊城虛窓靜聽多愁思落葉丹楓逐

慎修堂集

卷二

十

晚生

夜坐憶防邊將士

清宵不寐獨依依風力穿窓燭影微密室尚驚  
寒氣襲關河無奈羽書飛屐更刁斗凝霜立拂  
曙旌旄帶雪歸凍餒那堪軍令重繪圖誰為達  
天閑

代題柳亭

青青萬柳自新安此日移來上苑看春色每先  
三殿側曉風遙逐 五雲瑞悠揚飛絮晴光轉

明曉流鶯淑景闌寂寞可堪陶令宅遭逢應羨  
通金鑾

九日書懷

燕臺風雨又重陽獨對茱萸漫舉觴何處登高  
舒遠望從教落帽笑踈狂壯懷暗逐邊烽動客  
思偏驚鴈韻長遙憶故園籬下菊繁花今日為  
誰黃

小至日作

凜冽窮陰冰雪橫喜逢明日一陽生葭灰緹室

慎修堂集

卷二

三

吹將動雲物觀臺望欲盈凍草漸從回舊綠早  
梅應有發新榮漫驚和氣方微復交泰行看化  
育成

送門人程德良之南工曹有懷座師少司

成稚川王先生

禮闈銀燭夜輝煌奎壁遙連萬丈光經學喜收  
南國彥才名應是水曹郎地分豐鎬間情適望  
入江山藻思長翹仰師門頻夢遠何時將子共  
升堂

平陸山行值雨欲赴太夫人壽辰不獲

羊腸率律客心寒候火微明漏向殘披靡旌旗  
風力勁盤桓泥泥遲兩聲繁高堂已切倚門空遊  
子仍歌行路難安得凌雲生羽翰珠觴稱慶若  
為懼辛亥八月二日  
奉使回車作

送同年蔡敬齋職方使閩浙適新獲 恩

封使道稱慶

紫詰初傳出漢廷仙槎奉使復南征白頭偕老  
承 天寵宮錦稱觴慰至情朔雪長途離思遠

慎修堂集

卷二

三

春風梓里晝遊榮詢咨知有匡時策頗牧應求  
報 聖明

送李北山中翰奉使榮歸

蓬萊春曉瑞光浮仙客承 恩出御樓絲鷁真

從天上泛錦衣行向鏡中遊王右軍云每行山  
陰道上如鏡中遊

家聲共仰凌霄漢劍氣遙看射斗牛回首瞻雲

仍戀 闕揮毫早復鳳池頭

善為寶

聖皇御極啟昌期顯俊登庸總后夔南海明珠



投絕域中原靈鳳漸雲遠恩覃時雨葑菲及化  
洽春陽草木知沕穆雍熙千載盛願歌天保答  
恩斯

內閣觀芍藥

閭闔雲連紫閣長仙葩拂檻吐紅芳栽培舊澤  
瞻 宣廟雨露新恩際 聖皇麗日煖烟籠媚  
態和風輕霽送清香掖垣高隔飛塵斷肯與穠  
華競艷陽

賜見 東宮於臨保室 賜酒饌 謝恩

慎修堂集 卷二 三

曉日 龍樓靄瑞祥 詔從鶴禁覲清光 元  
良允繁多方望臨保欣瞻 大訓長九醞承恩  
歌既醉八珍飽德敬先嘗 聖神際遇超千古  
願効涓埃繼贊襄

奉天門朝賀

晨輪含彩映龍樓劔珮懼呼拜 玉旒禮重成  
人歌有子業占善繼慶無憂正容主聖綏羣廟  
世德潛光冒九州 聖主元良真盛際重熙謨  
烈衍鴻庥

寄題友人山居

聞君雅志在樵漁獨向烟霞構隱居逸屋泉聲  
連枕草當窓樹色映圖書草玄直擬揚雄宅高  
臥應同諸葛廬願接芳鄰嗟未得愧從金馬曳  
長裾

喜雨

驕陽愆候早方崇雲漢憂深澍雨充始覺蕭疎  
來短枕即看滂沛遍長空盡回枯槁農祥定潛  
辟炎蒸爽氣通行見豐年歌 帝力更因誠應

慎修堂集 卷二 四

仰神功

白鴈

雲飛玉立下瀟湘水闊天低對夕陽素質直應  
水擬潔奇毛疑是雪為裳月明拂羽光相見沙  
白圓樓色共長皎皎自多防汚濁冥冥應不惜  
高翔

送鄭若稷之柳州

高秋新露滿仙京詞客翻為萬里行樓觀參差  
連鳳闕關河迢遞向龍城野烟遠水鄉心繞極

浦寒雲去棹輕君到愚溪探幽勝瑤篇應寄故人情

賀上舍陳洛川得子

浩蕩春光三月餘鬱葱佳氣見充間岐山雛鳳呈祥早渥水神駒啟瑞初英物試啼聲自異明珠入掌喜應舒高門漫有于公慶他日須開萬卷書

送黃文塘國博尹霍丘

才名早歲滿長安十載成均滯一官已見春風

慎修堂集

卷二

五

吹坐煖還驚劒氣動星寒滌河官舸迎仙珮高館離觴對夜闌願致絃誦盈百里早飛鳧鳥五雲端

送葉小洲之尹臨桂

桂林景物冠朱方出宰憐君遠故鄉露冕飄飄踰五嶺星槎渺渺渡三湘秋風逕繞藤蘿合晴日庭空楠柚香致却絃誦更何事早聞飛鳥侍明光

贈徐雲溪鴻臚謝事榮歸

長安三載接芳鄰鳴玉時聞入紫宸忽向君山懷舊隱遂從天闕謝簪紳當年綵筆誇前烈歸去青雲啟後人烟景五湖秋正麗多君獨已得閒身

送張南川刺史之東平

才名弱冠動三都初命權傳即大夫朱紵輝光過梓里青冥勳業在亨衢承家西土垂遺愛報

國東方奮壯圖聞道流移正蕭索春風回首

定應蘇乃翰昔令尚城有惠政頃齊魯荐飢故云

慎修堂集

卷二

六

送郭太初之尹永從

長安文彩動羣公壯志仍期萬里功投筆喜看飛玉馬乘輅應不嘆孤蓬王程湘水催晴鷗鄉思衡陽寄暮鴻回首勳名何處是早聞禮樂化南中

壽張孺人六袞

初長化日射江城壽母堂高瑞靄盈奕世衣冠傳積慶一周花甲肇重榮鸞章肥錫竹天寵鶴髮相輝樂子情此日橋門訝燕喜共懽忠孝

動諸生

和館師張龍湖先生河上見懷之作

暫違玉署向金陵南國瞻依水鑒明桃李門墻  
千里念鹽梅舟楫萬方情春風披拂懷知己化  
雨滋華愧我生 聖主賜環應不遠黃扉畫接  
共光榮

七言古體

東山篇

為郡倅趙蓋齋尊人題

太行盤環亘河北青蒼百里瞻寒色拔地危峰

慎修堂集

卷二

七

霄漢連森羅疊巘芙蓉植雄鎮郊圻鎖鑰同隔  
離朔漠藩垣力呼噉蟲蟲跨東溟逶迤隱隱窮  
西域千年寶地含靈氣 今代臨城產鉅公臨  
城樓闕依山起鉅公卜築山之東浮雲世態吾  
何有遺經獨抱深研窮繩趨矩步踐實地寧獨  
詞場繼國風山南橋木凌霜雪文梓依依俯其  
側輪囷共慶不世材楨幹行看棟 宸極春風  
時出布西河桃李芬芳競滋殖已看絢繅蒸雲  
霞更喜流膏調鼎食晉絳西河一水通餘澤遺

風滿南國象賢詰嗣割郡符三河復見蒙休德

循良隨地物回春自道秋毫皆燕翼又聞鸞鷟

集芳庭紛紜五色多奇特在昔謝傅未施政歛

却經綸寄篇咏乘時奮迹晉祚安爽葉聲名歸

美盛惟公隱處俗化成尸祝鄉邦有餘慶世德

方新勳業崇今古東山兩輝映

觀十八學士登瀛洲圖歌

秦王定難開天策寤寐英賢躬簡冊幸啟弘文

集眾思盍簪寰海皆儒碩房杜雄才首翊登于

慎修堂集

卷二

七

虞直諒誠三益穎達窮經繼祖風薛收元敬聲  
華籍自餘器藝雖或殊承恩遇主奚差異清晝  
同遊白玉堂良宵分直深嚴地鶴駕時聞駐館  
中講論治道窮經義珠履文裾燦若雲珍肴玉  
饌續紛至清華敢擬人間見瀟灑真同閭苑仙  
繪圖已羨當年盛至今好事猶留傳丹青妙手  
呈奇麗恍然名輩臨風前披圖熟玩瞻芳躅咨  
嗟忽爾心夷然君臣俱抱命世才一德交修真  
盛事今古文章競來求治平大道咸拋弃政理

雖能至小康帝王鴻化奚由致愛美徒勤助莫  
能對圖不覺生遐思

題東方朔偷桃圖長詩

我聞海上仙山名度索王母種飛跨巖壑根蟠  
九地幹凌霄枝葉扶疎花灼灼闔歲六千實始  
成服之輕舉遊太清鄰家小兒東方朔三熟三  
偷何太數遨遊八極情未已暫向人間侍天子  
滑稽雄辨動宸旒奇言詭行傾人耳當時那識  
歲星精大隱金門共泥滓漢皇端拱承華殿青

慎修堂集

卷二

二十九

烏西來王母見偷桃一語始流聞迄今傳誦人  
猶羨名家繹思禪彩毫仙風倏爾中堂見袖上  
烟霞影陸離手中瓊玖光輝炫眉宇翩翩喜氣  
揚撫摩玩弄虹霓絢君不見老子西遊饗碧實  
飄搖雲輶總仙秩又不見師門食飽道迺成高  
丘殮醪脫塵沕遐舉延年自昔聞玉衡靈果瑞  
氤氳臨圖恍若飛仙集萬壽遙持獻 聖君

燈市行

皇州自昔稱佳麗况復垂裳當盛世富貴驕奢

溢里間考鍾擊鼓迎新歲新歲融和春色妍華  
燈爭市上元前珠宮璀璨臨長陌瓊島瑤光散  
市塵萬戶千門懸未足拂檻綠廊復相續競巧  
呈奇弗少休迷心奪目紛成俗遙望渾疑錦綺  
舒側身恍若彩霞居紅花灼灼高仍下玉樹森  
森密復踈金羊魚枕懸文蓋珠箔銀毬縈畫帶  
閩海滇池新製奇珊瑚寶玉殊汪濊高樓歌舞  
逐芳時接踵駢肩詎有涯雕鞍朱轂爭馳逐繡  
履羅襦共逶迤旭日初升已紛集嚮晦管管猶

慎修堂集

卷二

三十

未戢金穴承恩善價沽玉樓鬪靡旁求急須臾  
皎月上層城懸向華堂寶炬晶共懽節序誇奇  
麗豔曲徵歌送遠聲君不見大河以北流移徧  
羽檄徵求如掣雷烟火蕭條歲不登敢論侈靡  
相輝炫又不見青海城頭烽燧高登壇專閭厲  
弓刀鐵衣夜渡仍枵腹詎識長安競麗豪憂勤  
恭儉民淳篤化理黃虞有芳躅淫巧奇技眩聽  
觀盡俗移人乃醜毒不節之嗟若踵旋古今至  
戒窮人欲我願離明宜日中力挽頽風調玉燭

七夕行

神颺初泛大火流團團湛露零新秋生明弦月  
晶筵上素魄微光遍九州廣庭散步延佳夕共  
言天媛臨牽牛盈盈一水橫清宇彌年此夕相  
淹留鵲橋高駕明河渚霓裳瑤珮凌風舉遙心  
已逐雲車颺龍後暫隔機杼昔離令聚香無  
恒喜極情舍難具語七襄經緯共逶迤散與人  
家小兒女高樓乞巧紛趨走寶篆焚香列甘旨  
結綵穿針竟此宵屏營祈請殊無已須臾銀漏  
慎修堂集 卷二 三

盆梅歌

四郊黯淡紛飛雪萬木嚴凝寒欲折瓦盆巧植  
一株梅正爾暄妍發奇絕低枝曲榦飽風霜怪  
石玲瓏相糾結不向東風競歲華獨倚寒窓擅

孤潔簾幕時聞飄暗香橫斜疎影入虛堂廣寒  
仙子冰為骨姑射神人玉作裳紅塵不到空簷  
下嫩蕊纔舒曲檻傍小盆撮土根非沃雅韻清  
標意轉長主人冲淡無他欲終日摩挲猶未足  
貞白寒芳愜夙懷盤桓自覺真機觸君不見雪  
後羅浮千萬株紛紛臨水復臨途素心幽趣元  
非侶踏遍江村亦浪圖

行路難擬

君不見雲間月既望還復缺君不見陌上花秋

慎修堂集

卷二

三

落春華茁盈虛消息自相循競巧何如甘抱拙  
我愛淵明志不回偃仰茅簷衣百結晨夕惟求  
共素心百世清風仰高潔行路難行路難萬徑  
千蹊紛覆轍坎止流行信所遭對酒當歌且懽  
悅

題畫紅梅花中

紅梅自昔稱奇特風韻清殊人罕識誰遣良工  
獨苦心經營素練生顏色恍惚移根託上林雲  
窓霧閣光華發疎枝老榦舊孤標紫府丹砂新

換骨朱顏豈為競春陽赤心直欲凌冰雪結實  
和羹自所宜千花萬草真難列筆端造化奪天  
成欲集還驚嗟燕雀神跡貞姿閱古今吹殘玉  
笛寧搖落

聞鴈 排律

空齋兀坐起遐思旅鴈高鳴度客居乍聽忽驚  
秋欲老來賓應是鳥先知金風颯處連玄圃玉  
露零時滿綠陂接翼翩躚橫淨界聯聲啁晰布  
層達九天爽氣傳音響萬里雲霄振羽儀冥舉

慎修堂集

卷二

三

五言絕句

題瑞竹二首

根挺疑龍化岐分待鳳翔伶倫如有遇六琯調  
陰陽

二

大人豹隱日新篁發嘉祥孤根挺奇節兩岐振  
芬芳

題太公釣渭圖

漁釣甘高尚鷹揚奮埃時鎬京垂拱治千古仰  
昌期

題畫四首

月白懸晴宇江清愜客情素心相對處空谷有  
同聲

二

金鼎丹砂就瑤空白鶴飛相將遊八極千載共  
來歸

慎修堂集

卷二

五

三

秋色開晴宇涼颺下碧空黃花方爛熳相對白  
頭翁

四

懷橘良非偶憐君復幼年披圖思往烈珎重蓼  
莪篇

七言絕句

禮弟瀕行餞席偶成二絕

匹馬關山路逶迤他鄉分手不勝悲今朝綠酒

愁看汝來日黃花共阿誰

二

朔雲寒菊滿天涯  
汾水燕關道路賒  
月殿桂香應早折  
上林期汝再看花

聞鴈二首

晴天渺渺映冥鴻  
風送流聲布遠空  
和樂已深磐石外  
外羽儀高振白雲中

二

清秋玉露湛金盤  
陽鳥賓時起遠干  
樓羽聯聲

慎修堂集

卷二

三五

遍雲表關河應已不勝寒

題扇面

白雲紅樹對斜陽  
秋水烟波共渺茫  
鼓柁中流忘底事  
不知何處是滄浪

題鵲鷓四軸

新秋晴日野花妍  
嘉穀垂垂滿舜田  
錦翼和鳴共懽啄也應相慶在豐年

二

奇姿向日金衣麗  
弱羽臨風玉屑浮  
共搏微蟲

遠自足紛紛何事稻梁謀

三

飄蕭六出亞輕叢  
點綴山花特地紅  
鷓鳥似憐春色好  
低棲並宿月明中

四

翠條紅乳發新枝  
黃鳥相依色更奇  
應仰靈根託仙籍  
無煩勁氣鬪雄雌

中秋同臬中諸公賞月微雲不甚明和西

谷韻二首

慎修堂集

卷二

三五

微月踈雲景更奇  
高歌莫惜酒盈危  
陰晴未夜應難定  
漫道清光勝此時

二

纔見孤雲擁夕曛  
無端月出更紛紛  
浮空聚散應常態  
坐待寧論至夜分

觀唐詩有感二首

文皇大雅啓詞場  
夏玉鏗金韻日長  
馴至開元稱極盛  
迂教鞞鼓振漁陽

二

晉陽一旅肇昌基潤藻文章翼燕胎却笑未朝  
何事業都將經濟付摘詞

題畫竹四首

渭川晴日野烟消錦石新篁入望遙不逐東風  
競紅紫森森直幹自凌霄

右晴

石潤苔明白露溥娟娟翠竹傍芳蘭清芬已結  
同幽獨固節還應傲歲寒

右露

慎修堂集

卷二

三七

濛濛春雨滿淇園誰挽天河浸竹根應恐紅塵  
汚顏色清冷一洗對乾坤

右雨

千畝琅玕一逕深西風蕭索動高林龍蛇宛轉  
搖踈影韶濩鏗鏘送好音

右風

贈葉初泉次林肖泉司成韻二首

朝市浮沉浪寄蹤相逢薊北又吳中布袍長嘯  
紅塵外招隱無煩咏桂叢

二

霸越鷗夷入五湖風流千古未應徂南中此日  
多麟鳳安得憑君上帝都

題鍾馗圖

當年壯志已凌霄化厲猶期佐盛唐似憤玉環  
妖帝側故持忠諫諷君王

題畫

商公科目刻 皇明竹帛仍傳佐理名遙憶良  
工心苦處羽儀應為啟同聲

慎修堂集

卷二

三八

送同鄉趙經閩還蜀二首

冀北秋風共棘闈數奇君獨壯心違殷勤上計  
相逢日又向西川疋馬歸

二

劍閣嵯峨倚碧天錦官花柳四時妍擁符蜀道  
今應易萬里奇遊是此年

慎修堂集卷之二



慎修堂集卷之三

河汾亢思謙子益著

賦

登春臺賦

惟大造之網緼兮肇東風之應律乃勾芒之執  
規兮舒遲遲之春日冲氣穆清而四布兮允太  
和之洋溢想舞雩之遺躅兮偕童冠而並出共  
周流於韶景爰登臺以娛情攀凌城而載陟迄  
崇顛而與并始徘徊而容與兮駭紛囂之頓清  
慎修堂集 卷三 一

迺緩步而逍遙兮欣旭日之熒晶振新衣之璫  
璫兮柔風澹蕩而無垠鼓絃桐之練響兮歌肆  
發乎陽春載徜徉以終日兮形神爽而心目明  
樂洋洋而不可已兮景蕩蕩而無能名於是凝  
神俯察遐覽旁窺感氣機之和暢矚物候之推  
移幽蟄既振萬類咸熙桃舒華而燦錦柳綽約  
而垂絲麥芄芄以含秀桑鵲藹藹以歲蕤獸適兮  
走野魚樂兮戲萍鵲營巢於高樹兮春燕銜泥  
於廣庭彼鷺鳥感仁而革性兮倉庚應時而晨

鳴慨洪纖之庶物率咸若而咸寧爾乃佇眄郊  
圻望極宇內凡厥庶民羣分萃類樂化日之舒  
長懼陰陽之謝代日出而作兮日入而息鑿井  
而飲兮耕田而食嘉生民之疊疊兮遂忘帝力  
履天晷之綿綿兮不知不識於是肅瞻雙闕瑞  
靄方隆卿雲旋繞麗日瞳眈運天樞兮霈湛露  
闡閭闔兮布仁風寔惟 聖人之建極兮成贊  
化之駿功迺四氣之時若兮固一世於悒悒仰  
凌眇於蒼穹兮邈渾淪之無涘俯旁覽乎八荒  
慎修堂集 卷三 二

今同萬彙之嘉美陽和娛我以烟景兮疇茲遊  
之與比陋吹律以回陽兮技雖工其奚以于焉  
頌望齊章天地交密宇宙同區萬物為一想達  
人之大觀兮視天下為一家彼規規於形骸爾  
汝兮抑志末而堪嗟已而義和奮策曜靈藏輝  
感春光之匪偶遂譎詠以同歸歌曰天地大德  
首春生兮聖王有作贊厥成兮造化流行品彙  
盈兮皞皞融融人物麗兮熙哉帝載莫可述兮  
四海同春永若三皇之世兮

頌

面恩圖頌 有序

恭惟

皇上 聖德統天英齡御宇飭新吏治用保民  
生嗣大寶之二年春會天下岳牧守長各以計  
簿上公車廼 制下冢宰御史大夫若曰民非  
吏罔理吏非賢民曷依以生今羣吏咸在爾其  
悉心旌別拔其政績尤異者顯示以風厲焉司  
事者詳稽薦膺勳酌庶言得循良二十有五人

慎修堂集

卷三

三

皆確論也列其治狀及舉者名以聞 上命司  
事大臣及言官之長導諸臣 賜對于會極門  
恭瞻 黼座肅奉 耿光

皇上親渙 絲綸若曰朕承 祖宗洪緒日惟  
軫念蒸黎爾等能俾田里舉安誠良吏也朕用  
爾嘉其益勉事功勿替朕命仍宣 詔布令俾  
在職庶官咸體朕意焉廼人 賜兼金文綺錫  
宴闕庭維時諸臣欣踴感奮自慶夫千載一時  
之遇而中外臣工莫不欣慕祝頌 聖天子之

寵綏民牧以嘉惠元元二百年創見之盛舉也

夫循良表異自昔被遇惟艱逮及 聖朝僅三

數舉然或車服之異或金帛之頒已矣詐有若

諸臣咫尺天威躬承溫諭既嘉其成績復勉以

後功且俾暨乃僚罔不同心興起以育我民焉

大聖人鼓舞循良之術撫摩蒼赤之仁規摹

誠私遠矣諸臣所部士民戴 聖主勞臣之渥

澤慶賢侯遇 主之殊榮率形諸繪事以揚厲

寵光首列二人則浙江左布政使 謝鵬舉河

慎修堂集

卷三

四

南左布政使 臣吳文華次列七人則兩浙運使

臣朱炳如吾平陽知府 臣胡來貢西安知府 臣

安嘉善廣平知府 臣趙奮蘇州知府 臣吳善言

德安知府 臣馬文燁九江知府 臣張應治未列

十人則荊州同知 臣秦寵豐城知縣 臣顧九思

中牟知縣 臣王緘密雲知縣 臣邢玠礪山知縣

臣王廷卿德平知縣 臣程沂餘姚知縣 臣李時

成陽城知縣 臣李棟德清知縣 臣趙卿汶上知

縣 臣張惟誠而廣西左布政使 臣楊成廣東按

察使臣吳一介瓊州知府臣賀邦泰大理知府

臣史訓程鄉知縣臣武尚耕蒙自知縣臣雷起

蛟則各以事未獲預云 恩光遠賁疆域皆榮

快觀鴻麻曷勝雀躍式揚盛美爰發頌詞 頌

曰於穆 聖皇應乾建極仁覆羣生期底允殖

申命長人子惠是力上計維時朝會萬國乃召

司衡乃召司憲惟茲民牧汝其品論有孚惠心

惟邦之獻或否或勤用懲用勸僉曰冀方寔有

良守率作情游盡緣南畝撫字恐傷召父杜母

慎修堂集

卷三

五

絕續殊能攸同萬口 詔汝導入賜對承明

宸旒端拱劔珮分行 淵衷悅豫躬發玉音咨

汝循吏允契朕心何以錫予玄衮南金汝邁其

歸毋貳若今諭爾共人咸俾克欽湛露燕樂闕

左松林循臣稽首 聖主恩深率履不越 上

帝若臨惟 皇勤民顯禮臣下式序在位智興

愚化威震四夷德肆時夏精誠格天大田多稼

多稼既備豐年穰穰協氣嘉生惠此萬方立我

烝民頌聲洋洋拜祝吾 皇萬壽無疆

大享禮成頌

維皇上帝萬類成形盼饗陟降洋洋在庭丕顯

皇考至德惟純洪源濟發篤生 聖人 聖

人建極遐覽千古時惟季秋品物萃聚 大享

肇興配崇 嚴父損益百王俾罔踰矩於穆

享殿峻極穹窿雲霞絢彩瑞靄龍葱赫赫 上

帝孚格 宸衷 皇考配食明德顯融穆穆我

皇愈嚴聖敬對越孔毅禮容維令樂被匏絃

德馨棗盛百辟駿奔罔敢不正維 帝居歆辰

慎修堂集

卷三

六

光洋溢百神景從開祥獻吉 聖考來臨懽忻

豫逸天宇昭回卿雲麗日享 帝享 親 仁

人孝子萬古典常我 皇肇始一德格 天永

錫繁祉 壽考萬年 本支千祀

天保萬年頌

臣聞至誠可以格 天大德必得其壽故商書

明天祐之原周雅勤萬年之祝是雖臣子之微

情而寔天人之定理也恭惟我

皇上 德合先天道凝元始 精誠昭格 上

帝降祥茲當 萬壽無疆之期正六合騰懽之  
日 皇心寅畏對越愈虔 天眷昭垂休徵顯  
應誠千聖之殊祥萬生之巨慶矣臣叨蒙 恩  
遇謬列台司自惟一介疎庸薄劣之材疊荷  
九重特異便蕃之錫感深刻骨誠極傾心爰效  
一得之愚衷敬祝 萬年之天保敢曰足以美  
盛德之形容耶蓋天保之詩周人所以酬君之  
賜也臣至愚極陋固未敢望乎周人而我  
皇上 至德隆恩真過周王於萬萬矣幸誠昭  
慎修堂集 卷五 七  
格申命方毅 景福萬年蓋確乎其必至而無  
俟於臣愚之喋喋者然而區區葵藿之忱竊欲  
罄祈祝之私情以效補報於萬一云爾臣謹稽  
首頓首頌曰 維皇 上帝眷佑下民篤生  
元聖濟哲明神撫育方夏厚澤深仁遐觀玄化  
獨契道真昭事 穹昊日嚴 聖敬穆穆神官  
德馨禮盛 膺想致虔祈茲萬姓受福穰穰惟  
予大慶明禋肅舉孚格 天心徵玄太一昭煥  
降臨協和錫祉 皇鑒孔深時暘時雨靡有驕

靈寶錄承禧八荒壽域凡厥庶民以輔以翼內  
外臣工是倣是則總攝羣生同歸 皇極仲秋  
十日誕 聖佳辰梯航重譯玉帛畢陳懽呼忭  
舞慶溢 楓宸咸戴 聖皇道復麗淳 聖皇  
曰吁予承 天澤祗展冲誠時惟精白介此鴻  
釐俾爾咸適爾尚協誠夙夜罔斁臣庶稽首僉  
願對揚微臣遭遇蚤被 輝光蓬山鵠立紫府  
趨踰生成德重覆載恩長奮負良艱縻捐莫報  
愚朴衷忱敢希芹曝倍萬恒情仰祈 玄造六  
慎修堂集 卷三 八  
甲靈文七宮真誥 皇衷允協神悟夙通崇霄  
純佑乾乾時隆五福萃止百祿攸同高靈環衛  
紫焰龍葱日君月妃煥赫旋曜雷師風伯動遵  
號召水若山祇朝宗衆頰降嘏致祥休光恒照  
聖德精誠潛孚陰騭 天保聖躬凝神固質  
億萬斯年動罔不吉悠久無疆與天為一 聖  
孝淵深慕親法祖 天保 聖躬怡真瑤圃億  
萬斯年神文聖武燕翼詒謀曆綿千古 聖學  
玄微百王兼總 天保 聖躬川流嶽嶽億萬

斯年迪賢啟懽道合義黃功光周孔 聖政雍熙  
熙恬冒九有 天保 聖躬永作元后億萬斯年  
年為父為母日升月恒天長地久 玄德格天  
瑤壇享 帝誕錫丹符寵綬弗替誠信感通  
君持左契臣拜颺言播告萬世

萬壽無疆頌

我

皇上建極二十有六載仲秋十日恭逢誕 聖  
之期玄德薰蒸兩儀真位文明數暢三曜流輝

慎修堂集

卷三

九

祥光長發於九天和氣彌綸乎八表內僚外寮  
忭舞懽呼卉服島夷琛效願鵷班生色欣颺  
嵩岳之呼虎旅齊聲競上華封之祝誠億載之  
昌辰百生之嘉會也小臣某叨隨振驚快覩  
飛龍倍萬忭懽敬陳小頌頌曰 天佑下民篤  
生 至聖德合高玄日嚴一敬仁育義裁正位  
凝命元德交享受天繁慶仲秋之十 聖誕昌  
辰寰區懽溢瑞霽紛續祥通三極和協百神光  
昭泰宇氣轉鴻鈞四海雍熙三秋大有玉宇雲

開金河水瀏閭閻懸官昭陽設樞絳節來仙紅  
雲捧 后巖廊柱石環珮鏗鏘百司庶職簪履  
趨蹌嵩呼躍舞介福吾 皇子孫千億宜君宜  
王外服羣僚牧伯藩臬萬里駿奔彤輝森列分  
宇 天支玄黃羅設同祝吾 皇遐齡豫悅桓  
桓武士持戟披堅橐鞬帕首拜舞踴躍 聖人  
御極威化遐宣修文講藝永息戈鋌絕島窮荒  
南夷北貉執玉獻琛梯航重譯海若效靈天無  
靈虢中國聖人永綏戎貊萬邦黎獻均感 恩

慎修堂集

卷三

十

私對揚 休命慶值昌期小臣叨遇惟日夜  
百生巨幸願祝 鴻釐莫高匪天洋洋育物誠  
復誠通玄機穆沕我願 聖人皇猷永徽奠我  
烝民與天同邇莫厚匪地鎮定攸凝簡能成物  
光大含弘我願 聖人六龍時乘曲成萬彙與  
地同恒日月麗天容光久照萬古貞明懸輝普  
耀我願 聖人燭通遐嶠豐亨日中三辰增曜  
帝德廣運踔邁古前高玄悠久匪物可遷  
壽隨德茂蕩蕩綿綿永建 皇極億萬斯年

瑞應嘉禾頌 有序

恭惟我

皇上御極之二十七年八月十日寔 萬壽之  
期環海臣工駢集 闕下以效頌祝乃七月  
日 西苑御田產雙穗嘉禾七十五本 休徵  
聖節不約同符內外臣民不勝懼忭臣惟兩岐  
獻瑞自昔所珍至治薰蒸嘉祥乃應我

皇上帝道參元始德契 高玄應運中興欽崇  
天道 郊壇祇敬 宗廟肅將大孝始於 尊

慎修堂集 卷三 十一

親至仁育乎萬姓憂先稼穡子惠困窮離照旁  
通 乾綱獨運黔黎樂利變貊率俾 聖德神  
功美矣盛矣且又躬秉孚誠對越 上帝精專  
奏格祈福下民是以一德流通太和敷暢 帝  
心昭格御畝鍾祥發此兩岐之瑞應茲 萬壽  
之辰顧惟七十五本之繁臻實兆億萬斯年之  
景福臣叨慚台輔倍萬忭懼久饒養生之盛  
德曷揚化育之神功謹不揣固陋稽首頓首敬  
獻頌焉 頌曰 聖皇御極作民君師德久歲

物寰寓咸熙德盛若虛敬 天法 祖無逸是

先躬耕禁禦秉耒三推藉成千畝臣庶承 麻  
罔敢或後豐藏御廩以秩 郊裡風行下土以  
式庶民 聖德旁通自天受祿俯念蒸黎同膺  
景福祇肅精誠申祈 帝祐秘宇陳儀靈壇設  
標瓊科闡範葉笈開文忱虔上格大道天聞恩  
光下燭慈寶溥臨百神呵護四氣無侵時暘時  
雨肇錫豐年百穀蕃茂厭厭綿綿清秋應候邇  
帝誕辰太和洋溢萬寶函真錫慶發祥嘉禾

慎修堂集 卷三 十二

雙穗七十五莖共茲上瑞 紫禁之西擢秀祁  
祁既平既齊結實離離吐穎揚芒珍異且多瀨  
若雲烟天地同和地匪遐方實惟 內苑雨露  
恒霑對揚 龍袞時匪後先恭逢 聖節瑞協  
祥開天造地設赤鳥神雀集于彤闈羽毛雖異  
寒者莫衣連理紫芝殊光異色奪目呈奇饑者  
莫食詎若嘉禾雲蒸日暎下民是益多福是兆  
其兆維何乃粒莫測天眷吾 皇壽考罔極其  
象維何本一實繁天眷吾 皇萬葉神孫豐年

穰穰諸福洋洋 一人有慶萬壽無疆萬壽無疆  
本支世世億萬斯年苞桑永繫

東城懷德頌 并序 送郡侯毛我山司憲湖

南

自昔盛世君臣所以固國保民曷嘗不以城郭  
為先務哉傳曰堯始命鯀築城造郭至禹而成  
又曰築城以衛君造郭以保民夫內外相依以  
為固古人所以有表裏皮骨之喻焉漢唐以降  
名邦巨鎮則外者亦不以郭稱矣其見於史者

慎修堂集

卷三

十一

成都番禺之羅城子城少城同華之關城而鳳  
翔則四關皆曰城矣蓋草昧初寧民物鮮少治  
安既久戶口蕃滋一城詎足容哉外城之築非  
事有必至理有固然者乎往歲逆虜犯近畿都  
城南關物貨繁阜 先皇帝乃命文武諸大吏  
創築外城 親錫門額 聖神謨筭于堯禹有  
光矣淵衷所及四海同仁詎或有異哉吾郡東  
關故有城規制未備嘉靖辛丑虜入太原明年  
郡守永豐聶公下令新之甫庀役公以遷秩行

浮梗蝟興所司急於畢事又二紀餘矣丁卯秋  
虜潰垣踰偏關掠汾陷石烽火達郡中民恟恟  
無所於託郡守平原毛公慷慨登陴率士民為  
守禦計周閱關城嘆曰其陋也名弗稱其卑也  
可躍而升且救甚足緩急恃耶越旬日解嚴乃  
進士民諭之曰往虜之入也掠其無城守者已  
矣今則荷鈎衝犯城壁守堅者寇不能久持乃  
去瑕者陷而入虔劉不忍聞夫計有所當先費  
不可省也役有所當舉勞非所言也爾其量貲

慎修堂集

卷三

十四

以受堵計身以助庸吾不汝強焉士民欣欣然  
合詞對曰公嘉惠吾民俾樹千百世防費者所  
以衛吾財勞者所以休吾力微我公之仁疇及  
此耶踴躍從事不戒以字時 天子採廷臣言  
詔西北諸內地各高城浚塹以寢虜謀公喜  
曰 帝命惟時臣敢不祗若乃出常祿為士眾  
先心煩於慮身親其勞議疆理審丈尺計徒傭  
量事功作樓櫓崇雉堞增次舍廣敵臺城外悉  
甃以甃高厚壯固倍于前規復進羣臣論之曰

茲厚若直裕若期為永久圖母以官府造作視也惟其堅毋庸于亟惟其質毋庸于華爾其慈戒哉又時省閱豐犒給別勤惰禁侵年程督有恒鼓舞無怠與情咸奮羣力畢陳經營于丁卯之冬明年春乃肇工又明年夏而城成公復為聯什伍申約束精器械謹譏察所以為固守之防者無不詳且盡焉適天子擢公司憲湖南吾郡縉紳耆宿數十人憮然造予曰郡公之子惠我民豈特慈母之育赤子若哉其他懷保者

慎修堂集

卷三

十五

未暇舉也茲城未立圖以立之版築方興圖以固之壁壘既成圖以守之揆度經營真若理家之垣墉庭戶然者頃臺察疏留蓋欲公保我黎民子孫於無窮也晉藩秩綰郡章涉憲司仍茲省無不宜者胡司事者不為吾郡計乃畀之他耶公曰子晉人但不欲毛公違吾晉而未觀廟堂之事體大也藩叅莅郡則禮制異而彙易萌司憲是邦則閱歷深而嫌當遠謀國者籌之審矣矧近之治郡者率三歲而遷滯公豈宜哉

夫公既深博愛之施復成茲無疆之業而衣衾之戒畫一之規具在也余嘗登高而望焉新城言言與舊城埒萬家中處老稚舉安作息嬉遊無復奔疇突囂之患北瞻京邑悚然興夫朝宗拱極之心孰非我公所以對揚休命而敷錫嘉祉於吾人耶昔召公布政南邦自侯伯至庶人無失職者羔羊騶虞之化其入民深矣及歸而夾輔王朝也黎民見其所憇之棠愛慕興思至形於詠咏俾勿敗勿拜焉今崇墉屹立豈

慎修堂集

卷三

十六

一棠比哉觀金湯之勝蹟思保固之庸功謂於公之日臨吾上異耶謂有不顯然起敬油然而德奮然圖報者耶夫公之念我民不求烜赫之聲而建悠久覆幬之烈吾人之戴公也不在於攀留頌祝之迹而貴於體公孚誠懇惻之心慎思而謹護時緝而屢完且胥助胥勸毋怠毋嫌俾是城恒如今日之觀足為百世之守是則公固國保民之心而吾人之所當對越而繹思者也詎止勿敗勿拜而已哉詩曰無俾城壞無獨



斯畏居於斯者尚其永念而交易焉於是諸耆  
宿喟然並稱曰子言良然然公行矣縉紳之悃  
奚以宣子其為之詞乃拜手而頌曰維彼陶唐  
有此冀方宅中建極爰都平陽太行環峙三河  
湯湯立我蒸民既熾而昌我 祖明明畫為劇  
郡獫狁匪茹烽烟遂近天錫毛公宣昭義問爰  
整師徒蕃蕃胥奮公陟東城東城陵夷公曰寇  
至其奚能支迺疆迺理迺垣迺障庶言爰繹出  
入虞師維築登登如繩之直維削馮馮如山之

慎修堂集

卷三

十七

嶺迺作高門高門翼翼迺作層臺層臺抑屹  
然壁立矗若雲蒸增其式廓以域以憑巍乎九  
仞天險匪登蠢茲醜虜莫我敢承公曰城成曷  
圖與守弓矢戎兵武夫赳赳以謹無良有嘉折  
首無祀爾勞業垂不朽睠茲百雉列屋萬區黔  
黎櫛比商賈充櫛保爾家室樂爾妻孥伊誰之  
致維公訐謨公惠我民黜華崇質鞠育撫摩城  
特其一赫赫無求德教洋溢如龔如黃先民是  
匪巖巖維城聿懷明德保我子孫順 帝之則

式遏寇虐以綏中國於萬斯年莫匪爾極迺陳  
時臬維 帝念功秉憲南征我心忡忡天乎祚  
賢繁祉日隆子子孫孫爾侯爾公

慎修堂集

卷三

十八

慎修堂集卷之三

慎修堂集卷之四

河汾亢思齋子益著

序

睦鄉三約序

少時則見先師鳳臺張先生之守吾郡也尚  
清淨勤撫恤不求赫赫聲而獨以化民善俗為  
先務公時執經侍門下先生成安人因時時為  
公言成安之俗猶有淳古風私心識之頃來二  
十年每飲食未嘗不在成安也癸丑秋先生從

慎修堂集

卷四

十

子太學生待聘訪余都亭亟以厥俗詢焉則曰  
吾邑也瘠比復數不登俗視昔亦稍異迺邑侯  
楊君至慨欲挽而復之下教曰邑俗之救蠹之  
寔自奢始也爾其必戒於奢又曰邑俗之變倡  
之必自士始也我今申教於士躬帥令諭日夜  
孜孜不休間復出家食時所輯睦鄉三約以示  
則吾士若民近亦駸駸然向風矣居無何張君  
手一編過余曰茲吾侯之約也邑博諸生欲刺  
以傳敢請一言冠諸端可乎余惟程子有言曰

治天下以正風俗得賢才為本而後儒又曰賢  
才者正俗之本也夫上行下效謂之風衆心安  
定謂之俗俗之未救也無庸於約也俗趨於救  
民習而安焉胥競胥戕以為不如是則非矣故  
雖辨智弗能諭也強毅弗能制也重賞弗能勸  
也嚴刑弗能止也不有以約之其流之極將何  
底止耶然約之云者豈束縛之馳驟之若所謂  
徂詐愚民之術哉牖其秉彝之善則本體可明  
辨以淑慝之科則從違可定示以進修之目則

慎修堂集

卷四

二

百姓可能夫明則不眩於錮習定則不即於匪  
彝百姓與能則民宜而不倦猶之正鶴立而審  
固者望而之也與衛開而奔逸者望而止也俗  
之正也奚有哉世之司牧者吾感焉貪夫儉士  
已矣稍知自好者率竭神於簿書期會之間而  
以能吏稱者亦視化民善俗為迂務噫俗之日  
趨于下也猶水之日趨于壑也奚怪哉楊君為  
士而能施其約於鄉為令而能達其約於邑固  
已占其有以異夫人者且三約之目博典遵

制則古鑒今於約之義有協焉而其言曰成安之鄉即吾之鄉成安之民即吾之子弟噫有味哉是固其約之所以行耶夫燕趙古稱多感慨悲歌之士蓋易以化者而楊君復善於化有如是成安之俗安知其不復若先師之所稱哉余重違張君請且嘉楊君之約也樂為序以期之

念初堂集序

念初堂者予師 釋川先生居業所也先生遜志道真雖位履清近志慮未始斯須去是堂同

慎修堂集

八卷四

三

門之士輯先生之文因以堂名稱之云門人亢公曰夫文曷為而設也以顯道也道本諸人心察諸天地而求端之用本於存誠惟誠之存也則詞罔不修惟詞之修也則道罔以顯是以聖人貴之焉昔七十子之服孔子身通六藝矣稱其教者曰文行忠信焉蓋忠信以植基學文以探博力行以反約道所以萬世無弊也微言既絕大義遂乖有宋諸儒奮起以續其傳誠敬踐履道罔或殊今其文具在蓋彬彬然盛也傳

遠失真或流徇末近世儒碩亟自其偏以拯之漸傳漸異其敝也崇高虛逸超悟棄傳記騰說詞從心所欲而自信焉夫三才萬物之理心身性命之際力學以求之稽古以正之猶懼夫莫能知其要識其微顧乃以空談相高以簡佚求便曰道在是也非不出戶庭而自詭周覽乎萬區為方圓而舍規矩自創耶先生弱冠志道總挈羣言承濂洛之餘緒沂周孔之淵源出而盡交一世之英上下其欲議反而體究諸心身深

慎修堂集

八卷四

四

造以道蓋卓乎其有所得也於是慨然以忠信踐履為坦途思挽一世而同之故或代之為綸言敷之為訓誨或施之於政令或講之於友朋以至退息雅言出王游衍莫不即事以弘道因顯以闡微洋洋若參前倚衡也然而折衷百氏羽翼六經奧衍宏源精微炳蔚粹然成一家之言先生豈後志於文以求顯哉蓋深於道則文不期工而自工反是者能然耶江河之水望海而趨滔滔東注也衝底柱絕呂梁浮灩澦匯

東陵油然而行淵然而留勃然而磅礴洶湧淪  
漣宛轉逆折滌迴橫流奔放異態殊形蓋若游  
龍奔驥華轂御雲而莫可名狀天下之至文也  
然豈有求於文哉出之也有本會之也有歸順  
流坎止而文生焉溝澮以雨集而盈亡何而涸  
詎豈為文耶先生既以顯道作人為己任典教  
兩雍語胄子日孳孳忘其勞時人始而以為卑  
既而動終而莫不信且悅高虛之習若驅而遠  
焉者又聞學士長老言先生孝弟於家信於

慎修堂集

卷四

五

友悖禮義於鄉鄉之人從而善良者衆也是又  
可見忠信之道為人心之同矣未及先生之門  
者得是集服膺而不釋道其庶幾乎道其庶幾  
乎

刻易象解序

殿院右河楊公以嘉靖丁巳冬監臨中州公經  
術淵邃夙以理學擅名既貽憲布度域中嚮風  
迺時時與諸生辨丘索之微言究聖哲之心法  
慨治易者之惟以其詞也乃曰聖人立象以盡

意繫詞焉以盡言言豈聖人之得已哉忘象而  
求言易其可見耶遂出微山先生易象解授諸  
生曰說象者莫辨乎是矣其慎習諸仍屬開封  
郡寮考正雕梓布諸學宮焉刻既成公序之曰  
易之興也庖羲氏肇其畫文王周公繫其詞豈  
惟著天地陰陽之變已哉神道設教思以通志  
而成務耳故剛柔摩盪極其數以定天下之象  
比物辨類本其象以斷天下之疑焉夫人更三  
聖世歷三古易道備矣故孔子剛正羣經垂式

慎修堂集

卷四

六

來祀於易惟贊之以無容加損云爾乃費氏移  
易古訓玉弼效而尤焉失三聖之旨矣夫畫本  
天地自然之理詞著卦爻自然之象聖人豈寓  
言而外鑠哉近取諸身遠取諸物大而日月星  
辰之運細而鳥獸草木之名其機之有所自其  
推之有所施故理以象明詞由象立占由象決  
要在神明以默成之身世儒之疎者例以詩之  
比興謂率無所自來其泥滯者必欲究其因至  
強牽妄附以求合無惑乎得象忘言辨吉凶成

疊疊者之不多見也微山先生玩詞而必求諸象觀象而必求諸心考占而要歸於聖賢君子之道明而不鑿微而不隱至近而不俚有味哉其言乎昔孔子讀易至於韋編三絕廼曰假我數年若是我於易則彬彬矣微山靜處數十年心未始斯須不在易固宜於象超悟如此也夫象者易之始詞占成之終耳近代學者以業舉而後治經故溺志文詞置圖象於不講非逐末耶右河公刻是以私訓猶飲河者而示其源適

慎修堂集

八卷四

七

越者而南其指豈非以知本惠諸生哉易曰正其本萬事理觀是又可以知政矣

刺西行集序

國家統一函夏奠秦隴為西垂河山旋繞環接羌戎誠要害區也廼創為秦馬之法制虜命壯兵威 睿畫神謨卓乎邈矣仍歲 命名侍御持節臨之嘉靖甲寅東甌斗城孫公奉 特簡以往公踰河浮渭涉岷隴之顛涉洮湟之野咨諏糾歷者再閱年丕振風猷三秦寧一而凡肅

防教法感物對時即敷布訓詞從容篇什聳守吳子輯之總一百五十二篇彙梓以傳徃得而讀焉聲和而義正詞約而意不窮洋洋乎大雅之徽音西京之矩度也夫自西土肇開世代綿遠地形夷習民隱土風紛綸衍溢雖更僕未易竟也顧開卷而恍若目前不啻履其域而身親其盛且經世之規軌物之度闡微之哲及物之仁與夫友朋之誼比類而理形觸機而趣發卒澤於道德性命炳如也非學植根柢道見宗旨

慎修堂集

八卷四

八

能言有序而政有恒若是哉昔司馬子長歷覽名區而文益奇公之文固無俟河山之助而河山之勝謂不因公益彰耶鞏本字多訛汴左使葵山鄭君校刺于省齋曰茲公觀風之餘也然論學者可以達原論治者可以識體豈惟以詞哉讀者當自得焉

河南鄉試錄序

嘉靖戊午秋八月寔天下鄉試期其在河南則監察御史某監臨之肅憲振猷章程畢正豫飭

所司展采錯事罔弗虔迺延其儲其主校文其  
惟豫為天地之中義黃殷周之所都也我 聖  
祖統天 駐蹕旬時計圖定鼎我 皇上 龍  
飛大狩三 幸茲邦 渥惠洪霑 奎文敷錫  
昭曠之典蕩蕩莫名焉每竊念是邦人士何幸  
親炙 聖人之化若是哉期耳目其盛未之能  
也茲應聘而來渡河洛之津瞻崧高之嶽涉古  
莘之野陟圭測之臺迺嘆曰是非圖書之符會  
申甫之鍾英伊尹周公之所以發祥而奮績者

慎修堂

卷四

九

耶河山之美固宜我 聖祖 皇上屬車首幸  
皇澤先加也謂無蒙傑士應會而生者乎既  
入簾得多士之文縱觀之則見其探研經義揚  
摧古今其文詞敷發精華彪炳燁然而有章其  
旨趣中涵雋永悠揚恢恢乎而莫可盡約之於  
仁義道德之奧不違也則又嘆曰多士之文彬  
彬然盛矣非親炙 聖人之教而能若是耶迺  
遵 制額拔其尤者八十人焉雖然文則盛矣  
選則精矣多士由茲進矣亦圖所以殘若文否

耶昔孔子論文以猶人自居而以躬行君子自  
歎他日傳易則曰修詞立其誠所以居業也夫  
詞之修者文也躬行之業舍立誠奚以哉我  
國家以科目舉仁賢無心若造化至公若權衡  
我 皇上以閑道訓儒林統一手帝王成能乎  
天地天下士爭自濯磨以祇承 鴻化矧是藩  
又數覲 耿光固宜懷誠砥厲率四方而先也  
今多士之文類能發河嵩之秘紹羲黃伊旦之  
傳庶幾乎瓌奇儼儼 聖世之英矣然特文焉

慎修堂集

卷四

十

耳躬行以茂業立誠以飭躬非主司所厚望耶  
粵稽訓誥諸篇固伊周之文也夷考其行若左  
券相符焉非誠立爾耶今多士擣咫尺之詞際  
亨嘉之運異時且奉 大對服庶僚矣將無  
持今此之文質厥成者耶夫誠者善之宗立誠  
者行之紀故靜言而庸違色莊而內存有初而  
靡終皆誠之棄也君子議道自己期有所建立  
無貳厥心必不以紛華悅不以患害移居廟堂  
則奮其庸守疆場則宣其力列藩服則保其民

樹德業於當時垂聲光於來祀質今此之文罔  
或謬焉斯無負河山之勝克對乎 聖教之隆  
矣若曰弁髦其文詞二三其心志則豈惟主司  
者不欲聞將山川亦舍之矣么不佞忝執事是  
貳樂觀多士大業是居也多士豫之哉

河南戊午同年齒錄後序

中州戊午之舉士也大巡右河楊公寔監臨之  
既錄其名與文獻于 朝布于寰中矣登明選  
公士莫不欣欣然慶也蓋以名第為甲乙焉越

慎修堂集

卷四

十一

旬日諸士循往迹胥會于大梁之講堂問年明  
禮又莫不融融然和也則以齒次為後先焉已  
迺列名類族輯錄世傳乞言於右河公既訓之  
詳矣復欲余言繼於後余惟違會而彙征者進  
之同也藏器而需時者遇之異也崇齒以相序  
者會之嘉也是故嘉會以修禮秩禮以明倫是  
豈爾諸士之私哉 國家闢膠庠樹師長期明  
乎此而已是非諸士所習聞余私心之所獨切  
者乎夫異其邑井而藝業同錄於主司友朋之

誼也聯異姓而比之油然而意氣合坦然而形  
迹忘非兄弟之好乎兼二倫以為同寔自今日  
始矣久要於後詐宜有不同者耶昔孔子之論  
士曰朋友切切偲偲兄弟怡怡言倫異而道殊  
也傳易之同人則不於語默出處之異而惟其  
心之同至曰斷金如蘭焉是可以見君子之同  
矣世之為同者吾惑焉車必挂鞶席必交衽同  
于迹也進則相依退則相拯期集則相徵同于  
俗也君子不同于迹而同于心不同于俗而同

慎修堂集

卷四

十一

于理是謂大同矣未及焉者毋亦由怡怡切偲  
之道而深造於出處語默之宜爾乎粵稽若鄉  
有先正焉彼其隨時太中從游茂叔蓋昆弟而  
友者也迺居敬窮理求端或異矣而踐履之敦  
篤則同和易嚴毅資稟或異矣而造詣之純粹  
則同顯明退處潛見或異矣而救世之誠切則  
同或者書未及或文章傳世制作若異矣而所  
以振百代之沉迷則又同引伸而觸類謂有不  
同者蓋寡也民至于今稱兩程夫子者莫敢重

輕焉是則君子之同也諸士產其鄉讀其書相率而同其人斯無負乎求同之會矣夫志專而莫禦然後氣融而無間善立而相摩然後德日進而無疆余樂觀諸士若君子之同也謀始要終爰為忠告焉

河南武舉錄序

嘉靖戊午秋八月大巡右河楊公既校中州之文士拔其俊異者舉之矣得人勸士之盛疇昔罕儷也再閱月當武舉期預飭諸司承 德意

慎修堂集

卷四

十三

慎規條密防範乃合中州材武之士都肄于郊亭簡其騎射之若于度者終策之拔兼長者四十六人升于司馬馬是科獲終三試之士倍往時所甄錄者皆其尤也時大中丞陽華章公敷教詰兵輯寧疆域凡境中以武力稱者招延訓習士罔不桓桓然思奮材勇為盛馬事竣故有錄公廼序之曰自昔三五聖人制書契察萬民垂衣以治矣而門柝孤夫之制弗敢後焉者蓋修文以經邦飭武以戡亂道未始廢偏也我

國家監古興治並立文武之科外焉 命耳目之臣旁求其良以升于 朝堂內焉 命股肱之臣甄別其良以列于中外英賢並進威惠旁流二百年來保 鴻業而樹駿功者率道是致矣然頃者蠢夷未靖我 皇上思得熊羆之士推轂而寵綬之顧茲邦未聞有請纓獻馘為國家建殊勳者將中州之士未足以語武耶公嘗南踰隆中訪諸葛之廬北出湯陰式武穆之里未嘗不喟然而嘆曰是河洛之彥忠貞不二

慎修堂集

卷四

十四

心之臣也安得若而人者遇而上下其議論乎迺今讀諸士之文皆知本古法則前賢習變化闔闢之方發之於儒雅文學之業庶幾乎二公之遺民矣異時且建大將之麾專師中之託下焉者或取一障而乘之其所以率先士卒摧敵廓清者能充今此之言否耶夫草廬數語落落難合出而跨荆定益若取諸寄祁山討賊漢祚為延馬扼強命中應募中山謀定在心之談聞者感動矣卒之精忠鼓舞兩河響應二公所豎



立暴白於天下視其言如符節令也諸士耳目  
所習知謂無能尚論而究其微者耶嘗聞之忠  
貞不貳者戲亂之基也籌策宏紆者窺敵之柄  
也擊技絕類者制敵之樞也二公修此三者而  
全焉故不直為百世戎臣師已矣迺運值式微  
厥施未究今諸士生 明聖之時應材武之選  
行分疆場之司矣誠志有所奮則業必可崇策  
有所圖則時必我用技有所異則上必我求所  
遭之易視二公殆什一於千百也忠貞積於中

慎修堂集

卷四

十五

而大作於外樹偉績於當時流聲光於來祀斯  
無負於 熙朝遴選之意克對乎中州之英矣  
諸士其懋諸

刻同年序齒錄後語

甲午之試同年六十有五人既被遇我 艾峯  
先師舉於鄉矣乃循故實修齒會刻小錄以傳  
焉膏請于先師先師曰始進之士敦朴尚質以  
古昔自期者上也汲汲表暴抑未矣紀年以明  
齒紀字以順言古之道其庶幾乎同年胥拜手

曰敢不祗若吾 師之休命倏爾三十年聚散  
無恒出處互異而化為古人者遂三之一矣金  
溪劉兄以己未上南官與諸兄集都亭下乃即  
舊錄而增之稽世系敘天屬列子姓著宦履華  
而為編欲資世講緘寄于公謹受而徧觀之則  
凡我同年行業聲華燦然具備精神意氣恍若  
晤語於一堂追懷今昔為之撫卷低回悵然莫  
已云夫昔之舉也合三晉之英一旦而錄于主  
司出則聯鑣退而共室論交道志抒素志形是

慎修堂集

卷四

十六

豈偶然之值哉當時少年氣盛自謂此樂可恒  
有也一行解散率數歲始克一會聚每聚則雲  
譎水釋可慨者比比焉即更數十年後之人奚  
從而知耶夫始之以同錄之英而終於後人無  
從而考焉友道衰矣故詳稽備錄使傳之各子  
若孫俾知吾徒之始進以正也如此相與以道  
義也如此父要而不忘也又如此觀先烈而崇  
世誼謂無油然以興者乎夫敦朴尚質 先師  
之訓也所以端夫始論世垂遠諸兄之舉也所

以厚夫終是皆古之道也交濟而互發者也遂躬為增訂刻真家塾中俾我同年之後人得有所考焉

守魯先生遺稿序

余束髮就學則聞里中有守魯先生者隱君子也顧方浮湛黨塾未及識而先生歿矣然里人時時能道先生之懿又得詩若文讀之愈想見其人既壯登朝日與先生仲子祠部君遊迺習聞先生之蘊藉焉初部彙先生詩若干篇付

慎修堂集

卷四

七

諸梓示余屬以序余聞之語曰詩能窮人又謂詩窮則工夫詩以數暢性情心之發也窮與仕奚損益哉巖穴之士采榮獨往肆其胸臆類為苦寂踔絕之語以養名卑者憤激侵訕以動衆駭俗殆怒鄰詬坐之為矣謂性情之正然耶先生吾閩世族自唐宋以文行稱入國朝用科自起家不啻十餘人然皆天下士也乘時奮發各能潤色鴻業勳名並傳宗屬相承治經義取高第先生獨隨侍迺翁方伯耻菴公宦所居繼

使遊學得聞東白一峯二先生微言大義遂抗志道真培養源本視一切紛華榮進澹如也生平孝弟於家信於友勇於義而好仁非求工於詩者情有所感因發於聲音高下之間而悠然之趣自不可掩今觀集中言慕往哲篤彝倫至諄諄不能已時艱民瘼若饑渴厥躬思以拯拯皇皇然迺其詞調和平而旨趣無盡謂非性情之正然耶昔東都以孝廉有道舉仁賢先生隱不忘君貞不絕俗真其人矣顧不樂于仕而所

慎修堂集

卷四

十八

養所負卒於詩焉見非詩能達人哉祠部君庭訓式似先志茂揚世濟厥美蓋學詩有得矣是宜刻以傳俾觀者興焉

重刻滄溟先生文集序

代作

余束髮就學則聞歷下有李先生者自關西學使謝病歸鮑山結白雪樓居退約寡諧比日惟博極載籍考信百氏發為文詞創意造言不相假借而挾精剔華揚芬摛藻卓然成一家言得者以為珍余心嚮往之歲戊辰授任刑曹適踵

先生舊遊省署則聞先生同時有太倉王先生  
及三四公郎舍相接志氣相當奮然以古文詞  
相倡和大篇短什玉綴珠聯照耀當時于今稱  
盛云庚午秋李先生捐賓客音徽未泯我心刺  
摧懼遺編餘韻莫或覩其全也迺王先生蒐輯  
會萃繡梓於吳門余得受而讀焉喟然嘆曰至  
矣哉先生之作乎夫士大夫掉鞅於文園以著  
作見者奚限而議者或予或否何哉以自得之  
者希也自得之者以志為帥而氣輔焉六籍羣

慎修堂集

卷四

九

言乃與衛也帥正則輔強而疏附後先者指使  
惟吾無不如意否則襲舊蹈常返為人役矣先  
生志超塵溘氣養充大文邈先秦兩漢而本之  
六經詩宗太白少陵而先之古體樂府每興至  
篇成敏若注射俊詞遠旨疊出層見然率自吐  
露其胸臆之奇耳而意所獨到千古俱廢夫志  
以言揚氣由志盛先生自壯歲升朝以迨投  
檄仕可滯而志不可渝身可叱而氣不可餒何  
其克然自得之君子也是宜其履素不忒命代

作程若是哉然工樂府者屈五言切聲律者遺  
文業自昔以兼美難能矣先生諸體全備並極  
精深或清婉紆徐或奇瑰闕肆或冲玄古雅或  
雋永渾涵探索沉玩若開羣玉之府圭璧森陳  
若聆鈞天之奏宮商輯洽良以得由神解匪滯  
形聲秀發天機兼私嚴澤誠文陣之雄師詞壇  
之飛將也集命滄溟有味哉其言之乎夫滄溟  
之紀于東也私往納耒噓喻百川故能含滔日  
月闔闔陰陽龍魚隱現雲氣呈華煥乎天下之

慎修堂集

卷四

二

至文焉稱名取類淵淵乎其當哉頃集版在南  
北方之學者欲得恒艱余乃翻鑿于郡齋夫河  
東北枕并燕東連齊魯而雍豫則接比壤也提  
封襟帶道里適均布漢流行四達較易北州人  
士得徧觀而盡識之謂無勃然興幡然改被服  
揚摧駁駁然涉其淵源者乎噫九京可作茲固  
李先生樹赤幟以盟主中原意也梓既竣工爰  
述所以刺者如此

兩溪先生奏議序

兩溪先生今左司馬兼御史大夫洪都萬公也  
先生以節鉞莅三關不數月旌旗壁壘生色改  
觀將吏士民鼓勇思奮而庶司百執事祇循約  
束罔或寸尺踰違飭厲振揚之績隱然金湯之  
固矣君子知虜不足憂云初虜酋頻歲窺塞下  
狙伏驚發邊人罕寧居 天子深念之時先生  
筦兵樞侍 左右矣輿議以 禁中頗牧莫或  
先也 天子乃臨軒授鉞寵異以行焉先生既  
受命疾驅莅所治虜方潰垣入欲犯關南先生

慎修堂集

卷四

三

令民皆入城壁以貳畜隨壘浚隍挫其鋒勿  
與戰簡梟俊禽敵之士分伏要害乘其歸虜既  
不得縱焚掠如所料道遁將士咸奮扼于險先  
生躬援桴鼓率吏士而先之斬首百餘級虜大  
敗歸關南遂晏然寇初入也先生首疏上虜情  
兵狀既乃別勇怯覈功罪居無何即遍歷關塞  
相亭障緩急問兵民疾苦與之究今時之所宜  
先封事復十餘上 天子下其書公卿議臣皆  
是先生計讀者嘖嘖稱嘆自以為不能及也吾

晉大叅閩南陳君從先生出入塞垣久謂先生  
匡攘之大畫凡身所勞者晉人幸樂觀而衣被  
之矣乃敷奏之徽猷是先生之心所勞者晉人  
未易知也遂彙刻以傳授簡於公俾得遍誦焉  
公廼拜手颺言曰美哉淵乎先生之為吾晉慮  
患深而計畫當也其千百年之固乎夫藩籬  
畿甸慎固 皇居三關之扼塞視上谷雲中曷  
異哉鎮西諸隘長城之故蹟猶存偏關孤峙則  
羌夷接軫矣始事諸臣類以雲中為屏蔽且去

慎修堂集

卷四

三

內地非遙也故屯防條置視二鎮畧馬數十年  
來屏蔽不可資矣選兵設守視昔稍詳而虜計  
復屢屢變矧逆豎逋逃愁於寄託回視室廬親  
戚曷嘗頃刻忘哉誘胡悖逆導胡內訌一履舊  
遊則隳突叫囂以自炫耀是其情可易談耶議  
者徒持往牒謂三關為遠晉陽為緩計左矣先  
生以 天子帷幄柄臣廟勝素定故受計未數  
旬諸所起衰補廢擿伏省微莫不秩然備犂然  
當也雖文於其域專於其事者使繕治緒正之

能若是耶夫建非常之業者及非常之識者也  
非常之識豈常人可與能哉先生旁燭遐觀崇  
論秘議不守文牽俗以近利苟安諸所條列便  
宜率止於未形防於未發符於衆志適於兵機  
要領區分條目畢舉猶倉公視疾調百藥齊和  
之所宜而元氣不耗屠垣所擊衆理皆解而芒  
刃不鈍也探昭曠之原破拘孿之議所謂非常  
之識不於是見乎故讀功罪諸疏見刑賞之公  
焉讀善後諸疏見經綸之密焉於賑恤於守令

慎修堂集

卷四

三

見厚下之仁焉於擇將於懲貪見察微之智焉  
於足營伍於補什罷見務實之誠焉要之則不  
欺不二慮遠計深急 國家之務而忘私已之  
謀見忠赤之純焉夫惟忠赤之純也故 天子  
納其策公卿推其能將校士民鼓舞信從而恐  
後也威震乎殊方武暢乎 畿甸釋 九重西  
顧之虞可須臾至矣豈惟三關千百年之固已  
哉然又聞先生奮起南中倡道豐鎬一時躬  
行篤信之士雲附景從今出而當兵本之司主

師中之吉其所以建樹表著又復章焯卓絕有  
如此蓋蓄之也富故隨用不窮源之也深故東  
注不竭信所負者異也古之謀帥者必曰說禮  
樂而敦詩書真知言哉真知言哉

三巡稿序

侍御月巖孫公以嘉靖庚戌 帝簡入蘭臺明  
年奉 璽書代巡河隴越甲寅巡粵南己未又  
巡河洛公所至即明憲度警官邪奮蹕絕之猷  
樹昭焯之烈寨惟問俗窮里鄙縣車轍率周至

慎修堂集

卷四

三

則集其耆耆求其欲惡與之圖大者驛聞細者  
立斷矣而凡目擊心惟景觸意往率發諸詩彙  
而為稿者三名因方命焉顧編簡各行字多訛  
舛維時方伯雷君毛君學憲朱君萃為一編校  
刻署中既竣工乃序曰古先哲王立采詩之  
官巡狩則命太師陳詩所以觀民風自考正也  
王澤殄竭風人輟采春秋觀志諷誦舊章矣矧  
間巷間耶然今三百篇固在也玩辭繹旨體物  
會心豈盡民間語哉先正謂作者往往聖人之

徒有味哉其言之也我 國家會通古制歲命  
侍御乘傳監四方蓋以巡狩寄之亦采詩意也  
然詩無從采矣故擘櫛風謠章闡民隱宣之咏  
誦布之篇什上以獻諸 天子下以示諸有司  
豈非使臣所以對揚 王休之洪業哉孫公初  
巡河隴主茶政控羌戎羌嗜利無忌歛起獸  
逐邊徼吏士率緣是為奸粵南雖稱沃壤然山  
海諸巨寇蟠竊連結時時出鈔掠官民莫能制  
而炎方卑濕北士罕樂居焉中州則天下衝五

慎修堂集

卷四

五

民錯處鮮常業廩祿之所需征輸之所督盡地  
力不足以充之民坐是困往往習椎埋為非且  
伏憂隱慝不可即竟治是三方者非貞亮識治  
之英皆未易為理也公所莅聲色不露而動中  
機宜事各底于理前所謂未易為者若驅而遠  
然炎海周行顧獨無所避風猷勳節照映一時  
矣而又以其餘緒見於詩故所歷山川之險易  
賢哲之風澤夷夏之禁防今古之興替人民習  
俗之異同時序卉木之變化制夷禦寇飭吏厚

下之章程靡不綜括旁通粲然胪列今試諷詠  
而求之則三方之撰悉在目前不啻身履其域  
目矚其事者洋洋乎義備諏詢辭兼美刺取材  
漢魏媿美開元謂可以興可以觀不其然哉故  
獻于 天子則省方觀民之績彰示于有司則  
因俗齊政之善溥循是而考求罷置法勅民安  
焉則所以為三方導利者豈以一巡既竣已耶  
△又聞之在心為志發言為詩故曰言其志謂  
之詩又曰人稟七情應物斯感感物吟志莫非

慎修堂集

卷四

五

自然公搦翰驅詞鴻篇竹就排抉隱譎塵脫浮  
靡而暢達之度磊落之襟冲玄之趣因物吐露  
神理渾成是非公志之自然者乎夫雅之二頌  
之三風之正變十有五所以卓乎不可尚者皆  
出乎天下之自然者也詩而出於自然視古昔  
之盛奚異哉是宜刻以傳焉

重刻宋名臣言行錄序

宋名臣言行錄者晦菴朱子錄諸臣言行而為  
集也古有之乎曰未也自朱子始也朱子之意

何居乎曰朱子為世道計至深且遠非僅如所謂便觀覽已也夫自昔創造之君垂久大之規繼成之主茂中興之烈者曷嘗不賴賢哲之佐精白之臣哉名臣往矣其善行嘉言漫傳散布廣求而博采類聚而羣分當時行事之實誠居可見矣蓋言行君子之樞機言而善世為天下則行而善世為天下法苟不善焉雖州里不可行矣矧曰補世教而垂後耶夫自周秦而降以仁義立國而長治久安者莫如宋固曰英君誼

慎修堂集

卷四

二十七

辟之多然非諸賢佐理之力則亦莫之致也今自茲錄而觀之或疏劄之敷陳或燕閒之奏對或內外之布告或師友之講明以迄寅亮調燮之施除暴止亂之畧行政莅官之度辭受進退之宜言行雖殊科然率皆怡然理順斐然成章剛毅者類果斷而明決和厚者類博雅而寬平智者則通變以宜民獨者則孤介而特立故能上有裨於國是下有利於黎民中亦不負其平生噫誠可謂萬世人臣之儀則矣間雖意見之

或偏張弛之或過特其醇疵優劣之間耳其大者固不失也夫君子之在側微也自靖自奮執不欲修辭以明義勵行以策勸及其見諸用也利害奪於前得失怵於內其不至於招尤取悔者亦罕矣矧昭垂簡冊炳若日星而為大儒之所輯錄是豈易易者哉濟濟彬彬謂非一代之才之盛耶且宋自藝祖以迄道君蓋幾二百年矣其間都高位列百司者殆不知其幾也而見錄者亦僅百餘人耳是百餘人者其可指而議

慎修堂集

卷四

二十八

者固多也名世之才明良之會豈易得哉況夫人言之用舍可以見君德之盛衰法紀之廢興可以驗政治之得失云為之當否可以占人品之高下毫釐之少異因以知治忽之懸絕朱子之錄嘉美於往前乃所以示勸懲於來世憂深而旨遠愚故曰非僅如所謂便觀覽已也後世有臣鄰之責者能由是而得朱子之心焉則即古以鑑今因人而省已天下國家之治其庶幾矣

李伯生詩集序

豐鎬自昔以才賢著稱今代弘正間騷人韻士同作共和遂擅詩聲於域中蓋彬彬盛矣流風遺響引而益長迨嘉靖中余自梁入關與其學士大夫遊相上下其議論則時聞李伯生多佳句云伯生者故敘州別駕中澧李公長善字也公幼穎敏絕倫輩博涉經傳弱冠即舉于鄉雅嗜吟諷才彥推予時俗尚古質人恒以字稱其詩既屢上南宮無所遇晚乃就任保州服除改

慎修堂集

卷四

无

敘南皆有治績聞值絲蠻寇寇司事者剿撫莫決屬公勘之出入戎行上下山箐抑抑違所習遂校傳歸舊居時時拉朋好行謔山澤陶然與世忘也觸事感物矢口成篇雅不欲炫稿多散逸越二紀公次子仲材擢賢科令曲沃懼公之作弗傳迺蒐輯彙萃校刻邑齋而以序屬余余聞之賞好生於情剛柔本於性情之所適發乎咏歌以言其志之所存耳履亨踐顯之士無所逆於中有以適於外聲詩所託優游逸豫明其

志之得者多也孤臣羈客懷奇而無所於試抱策而莫見諸行積其憤懣憂悲之意真若宇宙之莫可容故其詩多凌夸恣肆若忿懟叫號然者是皆其情有所滯而性因以移去古作者之旨遠矣李公負大能而齟齬於時起補遺荒淹踰四載退耕農畝饘粥僅充人若不能須臾寧處者今集中諸作和順從容怡愉自得與世之志不獲伸者燕越懸也是可識公玄襟坦蕩外物不入其心矣公嘗論詩謂對時感物而發於

慎修堂集

卷四

手

性之自然貴得詩人之意耳奚必鏤刻組織以為工噫有味哉其言之乎夫二南雅頌豐鎬之遺音也公生作者之地而又當才賢競秀之時茹古涵今聲宏未茂是宜得詩人之旨如此哉且公方在旅食即戎造次不遑而訓誨胤嗣之語寄意獨切迺曲沃君蚤樹清標丕振世業庶平循理仁聞遠揚非祇若公訓而然乎夫既克績緒以顯親之教復圖彰美以永親之名是父是子並宜著以傳焉



重刻陽明先生文粹後序

侍御斗城孫公之監豫也省方布度肅法弼違日孜孜罔暇逸矣間即進諸生談經論道考德講業終日無怠容諸生亦莫不惕然省驛然興欣欣然若有所得也公適曰文詞日競而心身之學不求是枝葉繁而本實撥矣謂有能生耶遂刺陽明先生粹言于大梁俾知適從焉刺既成諸生若珙璧是獲相率告于公公曰甚盛哉斗城公嘉惠爾多士之仁乎夫學所以致道也

慎修堂集

卷四

三一

道惟一致學貴得師故的立而射者趨焉途坦而由者樂焉匪是則茫然求泛然索精神徒敝其奚能淑哉陽明先生學道之宗也粹言者非若的與途乎繫昔先生倡道東南英才翕集一經指授隨質有成故浙粵荆揚之間仁賢彬彬然盛矣經歷之化獨未逮中州適今得斗城公躬示言傳既明且盡復是編刻焉則望而趨出而由者尚俟他求耶蓋先生之學簡易要約直究本原編中剖幾析微萃精聚奧又人人易知

易從者爾多士誠奉持服習師保如臨則所以格其非心致其良知者可勝用哉嗚呼法言要道統會在心力踐深思為之自我爾多士尚其懋哉毋忝斗城公嘉惠之仁哉

刻守令懿範後序

代作

侍御仰籛郅公以隆慶己巳秋奉 明天子詔莅河東糾察并冀豫雍諸郡國公章憲布度謹身率先風采峻凝表儀當世凡百有位莫不精白一心以肅官常矣而公志在下民日孜孜期

慎修堂集

卷四

三一

保惠而安存之迺進諸長吏於庭命之曰皇上即位存撫遐邇惠養黎元臨遣使者以六條課諸君非直以勅法爾也諸君抑皆視治若家保民若子體仁以長民者乎亦或有務炫耀奇蹕之近功而忽惻怛拊循之遠畧者耶是豈惟非 皇上集安中國之意亦非使者之所樂聞也夫古訓不由于何其訓日者蘇守蔡君纂輯守令懿範一編擇取品隲最號詳衷諸君其亦有意否乎諸屬胥拜手曰先民舊服厥有成

績允惟德惟義云者願得顧諟而祇若焉於是公以授屬吏其既玩味終篇犁然有當於心也請刻以傳焉刻告成廼諭于衆曰至哉我公之嘉惠諸屬甚盛舉矣夫惟天惠民作之君使司牧也惟辟奉天承以郡邑守長俾分而牧焉牧以養民為義養之云者豈家益而人食之哉竭節守官道王者之澤以布於下求庶人之瘼以聞於上焉耳是故保息愛護以寧其居敬教勸學以成其善儲蓄賑貸以恤其災經理咨詢以

慎修堂集

卷四

三

與其利不采華名不規速效仁愛淪浹精意感孚殆若膏澤之潤物不聞其聲和氣之襲人不見其形而民之懽忻瞻殖不期而然矣載稽編中所錄諸賢剴調先後敷政殊科而質行直躬畢誠則一成於牧養之意不悖也故名聲施於無窮功烈著而不滅非百世守令之師乎邇來吏治類以峭厲相高嚴峻精敏操切辨具鈎撫深隱發擿姦欺使物無遁情部無遺事其光華豈不燁然哉顧法令滋彰姦偽滋有上下相愚

以避文法視諸賢所舉措君子當自有辨矣甚者驅之若羣羊束之若濕薪則失之愈遠而守令之體愈非矣今宇內雖稱乂安而逆虜之蠢動於三關者獨數發軍興制轉餉運輸取盈於河東者獨繁且邸第之常供營伍之月給雲朔燕薊之需郵途廚傳之費其出於吾民之肌膚者未易以數計也地日蕪而賦愈增民日貧而歛愈急田里之間其所係賴於守令以蘇息而生全者豈其微哉公蒿目時艱首舉是編為吾

慎修堂集

卷四

三

屬範非昏夜幽居者而明以燭儀儀徑趨者而指以途耶吾屬誠即前修之軌迹為緒正之章程則其政而必師其心勉其難而不忽其易庶幾乎牧養君子之遺風矣公憂勤之志其少慰哉且公以天子耳目近臣邦直是司乃循循然以則古昔善誘人為先務蓋有其道不忍私其身故用訓誨代糾繩欲俾人人得守令之懿也豈非曲成才傑以康兆民計遠慮深為國家建無疆之休者哉然竊聞公筮仕南中廡早

登實洋溢江東居而民悅去而見思鴻猷茂烈  
方膾炙口碑真前無古人矣而雅不以所長自  
表亦不以所長律人若無若虛取諸人以爲訓  
馬樂善之大如之何其可及耶傳曰人之好我  
示我周行公之嘉惠諸屬者誠至矣又曰率辭  
揆方既有常典苟非其人道不虛行公不敏願  
與諸長吏胥勗胥規以克對公之明命焉

趙王殿下榮壽詩錄序

歲戊午冬孟七日寔惟 趙王殿下六袞壽辰

慎修堂集

卷四

三五

也鄴下 諸宗暨百執事暨鄉君子莫不欣欣  
然相慶於是圖所以稱揚而頌禱之相率播諸  
言從容乎巨篇淵源乎雅什洋洋曄曄踰數百  
章 王子 成臯王萃爲編以示公惟聲詩  
之著由人心生也悅慕深則稱揚篤衣被厚則  
頌禱隆詞發由衷情非飾外自古昔然矣公嘗  
觀古風人之旨未嘗不竊嘆之焉夫魯侯克明  
其德敬慎威儀樂泮水修闕宮修在我者也而  
頌之者曰永錫難老曰如同如陵至昌大耋艾

眉壽無有害焉淮南王招延賓客各竭才智分  
作篇章其書至二十餘萬言章施於外極矣然  
小山鴻秘類荒誕之詞愛君親上之旨無聞焉  
是非實德爲感民愛自享而頌聲由作也致飾  
近名徒誇浮靡而民亦莫我親矣君子奚取焉  
今觀錄中言雖人人殊率根愛標美非偽悅飾  
情頌而不失之誣祝而不涉於誕其致則一視  
風人之旨謂非有合哉洪惟我

祖宗監古樹封以夾輔 王室我 皇上篤恩

慎修堂集

卷四

三五

隆禮以時庸展親四十年來 藩國振英聲勵  
賢行者即殊恩褒錫而 洪仁渥惠於王特隆  
焉公自守官吏局則聞王忠誠純篤仁孝著稱  
理國數十年民恬習無所擾且雅尚丘索板籍  
之富殆甲域中縉紳士夫東西行過是都者必  
虛心延見既遊梁以職事朝于邸竊識視 王  
被服造次必於儒者官室器玩畧不顧視間得  
詩若文敬誦之微言奇字文約指明韋素以抱  
藝名者蓋莫敢望焉迺今又得讀是編其揄揚

盛美率稱不容口蓋不直△所聞所見也所以  
獲 聖眷之隆者謂無自哉 王春秋雖及耆  
然神完氣定僅若四五十人 成臯玉承意養  
色罔不用其極諸孫復岐嶷日愉愉然樂也福  
履之盛如木方生詎可涯哉△又惟古昔盛時  
太師采列國之詩陳于王而觀謂可以稽政齊  
化也今編中所載非鄴之詩乎然 聖皇敦睦  
之化 藩邦大雅之風可稽焉於治教固有裨  
矣是宜輯以傳

慎修堂集

卷四

三

重刻西漢書序

西漢書者班孟堅氏作也孟堅以漢承堯運而  
建帝業馬遷作史記述功德乃編於秦項之間  
殊乖正統之義且太初以後闕而不錄揚雄劉  
歆諸家撰續類多褒莽失真迺探纂前紀經緯  
所聞潛精研思參互考訂始于高祖終於孝平  
新莽之誅凡十有二世二百三十年綜其行事  
類其世次為十二紀以明帝系八表以記侯王  
十志以著禮樂政刑七十傳以褒貶人物積二

十餘年而書始成當世學者莫不尊重而誦誦  
之議者謂其體隱而章直而寬簡而明微而切  
其敘事不激詭不抑抗贍而不穢詳而有體噫  
誠一代之信史矣板刻流傳久而磨漫其乃取  
而新之徵言於余以為序余惟傳有之曰經以  
載道史以載事故世儒惟究心六籍而採玩藝  
文探討往迹者則於史是稽噫經史分道斯畔  
矣夫窮經而不達於事則經為虛車作史而不  
本諸經則事罔取正尚書載帝王致治之道矣

慎修堂集

卷四

三

而分州別野正律授時何者非事乎春秋孔子  
因魯史而修之者也而惇典庸禮命德討罪何  
者非道乎是經史之名雖殊而其有裨於道則  
一也孟堅以良史之才殫二十年之力采諸家  
之論成一代之典雖未足以上匹春秋而西京  
之政盡在是矣善可則而惡可懲是豈與道不  
相涉者哉故觀帝紀則十二君政治之合道與  
否可知也觀列傳則往哲云為之合道與否可  
知也觀表志則漢家制度封拜之合道與否可

知也噫事與道果異致耶論者率指摘其荒蕪  
抵忤進退失中以為譏噫是何其舍大逐小掩  
人之美若是耶君子誠即其書而觀其事由其  
事而必以道為權衡焉則天下古今之事可一  
以貫之而作史者之心庶幾可得矣嗚呼是又  
豈惟讀漢書為然哉

慎修堂集

卷四

五

慎修堂集卷之四

慎修堂集卷之五

河汾亢思謙子益著

序

壽憲伯憲文塘序

文塘憲翁致粵東憲節歸巴郡之九年為萬曆  
己卯壽六十二矣耳目聰明百體強健僅類四  
五十人既謝軒冕拘維神情舒暢日約名流韻  
士徜徉於長松白石之間玩弄雲水唱和篇什  
城市罕及世慮泊如也是歲二月十五日值翁

慎修堂集

卷五

一

誕辰時仲嗣理菴公自皖城陟守平陽再踰年  
矣往者丁丑戊寅春屆是期郡公夙戒關人諸  
稱賀及以帶來者慎毋入陟岵南瞻山川修阻  
亟欲舉觴上壽道遠莫由也頓首遙祝淵穆遐  
思徘徊不能已形為鉅章士林傳誦焉及茲期  
公復申前戒於是郡丞南津王公通守三橋鄭  
公司理栢峰王公約曰長公啟我以至德示我  
以周行誼奚啻同氣若也而翁若翁情豈異哉  
且往未克賀以待今也今長公過秦績期臺使

者錄上治行于公車屢矣簡擢華近特須斯事  
耳吾儕頌祝之私惡能自己即長公不聽賀幣  
入母亦達之詞以馳獻于太翁乎遂儼然過  
而屬之言公聞在昔穆寧以家法稱於唐其訓  
諸子曰君子之事親也養志為大吾志在直道  
而已道枉而養豐非吾願也子質贊胥若其訓  
廼名茲列於簡編垂休聲於後世云夫承其志  
所以樂其心志固未易承而直道尤未易也竊  
聞文翁初為司馬郎風猷冠省中大司馬有艱

慎修堂集

卷五

二

大務每咨以裁翁守法履正不為姦阿既秉憲  
關西仍為忌者中左倅河中遷守清源水陸午  
衢民困甚前守類不克終翁汰冗黜浮相宜裒  
益務在惠養元元與時休息民用太和迄今頌  
翁之德不衰時郡公弱冠連舉高第以任劇更  
令祥符祥符諸司並治所諸司日下其教令百  
需庶務取辦須臾公從容剴應事中要機撫疲  
節費以綏細民悉若公之治清源汴民戴公真  
赤子之念慈母也政既成以諫臣徵時公年未

及格廼擢儀制主事握蘭建禮顯相秩宗文學  
蘊藉照耀郎署知公者將大用之矣廼以議典  
禮持正不屈忤權貴人遂出僉憲東藩時翁久  
在粵父子同時司憲持節南北相望當世以為  
榮翁鑒盈盛之戒履止足之分旋解組歸舊山  
未幾權貴人嗾言者誣中郡公以飛語謫知平  
定州量移南服閱三載乃陟是邦公出治汴之  
緒餘以莅之貞介絕俗簡易宜民咨諏隱瘼省  
減繇賦摧豪而植弱絀惡而尚賢不為其身不

慎修堂集

卷五

三

阿其上躬省約於已播仁義於民功德已無量  
矣廼河山之間翼翼然向戴公之義欣欣然譌  
舞公之仁而且曰郡公之福我下民寔太翁之  
教致然也故欲頌郡公之烈而致介壽無疆之  
祝者必翁焉先之蓋愛其人而及其所生情非  
外至理之自然豈一朝夕之致哉夫直道以治  
躬善政以厚下自昔良臣循吏修此二者故道  
光宇宙賢哲慕風也翁以直道奮於前雖坎壈  
而不悔郡公守其道繼於後歷淹抑而不變宜

民善政隨地流聞承志樂心謂寓內有二耶回  
視前史穰氏父子瞠乎後矣今 聖神御極世  
軌清夷有位靖恭正直是與直道之行維其時  
矣郡公英聲茂實章焯表著於天下深且久邦  
之司直行於公焉界奮偉績於盛時傳光輝於  
來世其所以承翁志樂翁心者信卓乎不可尚  
也舉觴懽慶特疎節耳奚庸念之深耶三郡侯  
咸曰是庶幾哉可以廣長公懷親之心矣請書  
以質正于太翁將吾儕千里之悃誠焉

慎修堂集

卷五

四

賀太宰楊虞坡壽序

聖天子御乾之初首 命大師相虞坡楊翁復  
位太宰正百工於時天下士莫不欣欣然以邦  
治得賢頌 聖主之明越明年夏仲二十四日  
為翁初度辰翁春秋六十五矣顏丹髮黥神眸  
氣充視聽聰明僅若四五十然者凡士類又莫  
不忻忻然以依歸有永慶賢臣之壽也時吾河  
東郡侯胡君來貢暨乃僚王君敬以守翁粉榆  
邦翁之福履寵綏山若增而高川若增而深也

慶忭倍恒品乃屬公為之詞竊惟自昔天之純  
祐國家也欲畀之以明良際會之慶則必錫之  
以剛大誠正之英而又綏之以昌熾長永之壽  
是以志同於上下之交業廣於悠久之治休光  
茂實後有作者莫可尚焉然亦豈能數數見哉  
粵稽古昔若周召祭畢數公皆以明德舊臣奮  
績文武成康之際或佐冢宰師保夾輔王室或  
往來迪教保釐東郊其歟歷之火年齡之遐皆  
非耳目所習見者噫盛矣哉其在於今天壽平

慎修堂集

卷五

五

格保又邦家以媿美前聞則惟楊翁一人而已  
翁弱冠舉進士令于盤屋咸寧奉法循理迄今  
民思之若新及為司馬郎日坐省署中悉取古  
今兵機邊政講究探研務灼見其樞要遂以才  
畧見推周行邊塞自漁陽上谷以至玉門幾萬  
里矣所至閱險要稽軍實周爰咨諏靡有暇逸  
時或召老校退卒講求我 國初兵威強盛之  
迹蓋凡戡亂制勝安國全軍之術包括罔遺受  
知 世廟正位本兵適倭夷逆虜山寇番首競

肆匪茹公出所素定者而麾之浩然若江出巫  
峽而東馳恢乎若理解之游刃秩手若繩貫珠  
而垂之也膚功屢奏而社稷永賴焉晉位宰衡  
則惜名器塞倖門黜貪殘振淹抑作忠直之氣  
廣虛受之襟一時士習人才嚮風丕變鹽山三  
原未能或先也至若督學則正身以率士司賦  
則節費以阜民建節西涼則驅內駐之虜以靖  
腹心樹久廢之防以固肢體功尤偉焉往者虜  
困雲中亟 肅皇帝起翁于制俾總六師節鉞

慎修堂集

卷五

六

甫臨虜即潛遁凱旋趨召虜復徂伺塞垣 肅  
皇嘉嘆至形於天語云間值讒忌百端危疑殊  
甚公蹈道自信執德罔渝卒之 天鑒昭回寵  
眷彌篤噫諸若此者豈巧力所可至襲取所可  
能哉蓋天德常伸之謂剛萬物皆備之謂大中  
孚不貳之謂誠守道不回之謂正是皆天之篤  
厚乎翁而翁獨全于己者愚嘗竊識視翁而窺  
其一二矣剛以主之大以居之誠以立之正以  
行之四德兼備動應乎天是以 上信其忠士

樂其德中國懷其惠四夷畏其威而錫純嘏享  
眉壽為天之所眷命若此也故人見其勳庸之  
盛而不知其閱歷之勞人見其壽考之榮而不  
知其抑畏之念蓋翁之修諸己者甚詳而其付  
諸天者甚約是以天心鑒德非私祐之所以純  
祐 國家也翁之壽豈直一身一家之慶哉然  
載觀抑戒之詩欲惠及朋友庶民矣而繼之曰  
子孫繩繩皇矣之詩則曰既受帝祉施于孫子  
古之聖賢功德加于時而復期垂裕後昆也類

慎修堂集

卷五

七

如此翁元嗣大叅君仲嗣進士君季嗣錦衣君  
皆忠孝成家以文章事業魁天下其餘諸子若  
孫傳經濟美藹藹方興門閥光榮寓內莫京焉  
夫公教成於家之盛若此則功施于國謂無所  
本耶然公位益進功益崇而抑畏憂勤之心日  
益切忠誠精白真與天通天欲祐 國家以無  
疆之休則必申錫翁以無疆之慶固知翁之所  
享與士類所依以宗者方日進而莫可涯也胡  
君曰是固天下之所深願豈為粉榆之私哉遂



書以致祝焉

贈胡子文太史二親借壽序 代作

予往歲視學江西校南昌士得一卷文采秀發獨出等夷心甚奇之乃豐城胡子文也遂首拔為弟子員閱歲再試之遂優以饒廩時子文方壯角耳目明達神氣靈淑予固知其必遠有所造也後不數年子文發解于鄉又三年舉進士上第入讀 中秘書子復謬主教事子文晨夕居館下執業辨疑疊疊不惰予省其文藝日益

慎修堂集

卷五

八

修德器日益邃因以信予知之不失也無何子文迎二親就養於京邸承顏先志衍衍融融迺今年尊府中洲君屆六袞四月廿九日其誕辰也厥母徐孺人六十有二誕辰亦四月廿一日子文將以其日稱觴為壽先期過予曰杰不類獲侍門下也久茲值家君壽家君性淳樸孝友天篤蚤攻舉子業有聲竟數奇無所過稍仕為遼藩引禮然非其志也即棄去家居惟讀書課子不植生計母氏夙有士行如賓敬愛迄今不

衰而壽辰適復相邇杰願夫子錫一言以為壽

觴之榮也予惟父母之於子也莫不欲其有所

樹立而親見其光榮子之於父母也亦莫不願

其壽考康寧以享其榮養是二者相須恒殷而

其相值者恒殊也故曾子為吏祿不及釜而心

欣欣毛義捧郡檄而喜動顏色誠以榮顯匪可

力求而養逮其親者斯貴也子文甫弱冠即衰

然為多士先茲復為 天子文學近臣二親幸

甫及者精神強駛受介福于天家將來者方始

慎修堂集

卷五

九

也可謂榮且慶矣然予夙所期乎子文之榮者

不啻是足也夫草木之榮雨露之滋也臣子之

榮 君上之澤也子文今日之榮亦膏思之否

耶思而得之則所以圖報厥榮當自有不能已

矣圖報不能已則樹茂烈於當時垂休光於未

祀而所以為父母榮者豈惟今日已哉夫懋績

以為報者忠孝之大也責難以相規者相知之

深者也予知子文舊矣故不以頌而以規

壽艾母高孺人七袞序

太孺人者予郡司理實齋艾公之母前節判某州公之配也自實齋公莅晉予得從之游乃習聞太孺人云初節判居州時守某者饕餮圍奪縱恣椎埋民重足屏息莫敢吐一辭公時時有所規掾間取其悖橫甚者欲其緒正之守陽謝而心銜公抵舍嘆息廢寢食太孺人請得其由乃進曰仕以惠民以達志也今民殘而援莫可施志抑而行莫可見與其憤懣而無濟於人孰若隱約而有獲於己耶公起而笑曰

慎修堂集

卷五

十

有是哉遂移疾乞歸時監司習知公賢慰留周至竟不能奪公歸僅數月而守被逮治時論莫不賢智太孺人焉艾夙為上郡鼎族及公弟司徒居麓公大用於時勲闕家聲遂震耀宇內而太孺人獨兢兢于儉素不作貴家態實齋公雖理子郡然全晉之刑獄財賦兵戎諸鉅大務臺使者悉委重而仰成每出行縣必歷數月而後返未及旬復促促戒行李出矣太孺人即扃戶鍵關率數日始一啟入蔬數束而已實齋公

時以梁肉進輒喟然曰養不必豐惟其孝利雖不得博於物要其心之厚於仁吾聞其語矣汝能為昔賢吾顧不能為昔賢母耶實齋公晨起聽民詞率日中是不暇食夜燭治官書時或達曙焉窮山巖邑轍迹殆周考問民俗采繹風謠得其所疾苦若饑渴在躬汲汲然欲其去我也身持儉素示諸邑先仍為之汰非正之供罷踰制之役正侵漁之刑務在與民休息生養而安全之其治獄也不尚刑威不事鈞撫惟冀以得

慎修堂集

卷五

十一

其情寃嫌又訟累政所不能平者率為探析其隱微俾得以自表白所全活者難以千百計也故獄有未易明者必相率籲於上曰願下艾使君理雖死無所憾其自外歸太孺人必以治蹟詢及聞所平反多興革當即大喜飲食為加實齋公精白修正絕迹殊尤糲食布衣與韋素無少異其惠慈明慎蓋已覃被於冀拜矣而太孺人猶訓教之若此賢母令子域中有二耶今年太孺人壽躋七十二月二十九日寔惟誕辰

實齋公同寅兩山孫公暘谷李公少微邊公慶  
太孺人眉壽之宜德美之備而又嘉樂實齋公  
壽母之多祉也於是徵詞於公以為稱觴祝焉  
公惟詩書之言女德尚矣淑媛著相夫之美賢  
母隆教家之道視修齊君子其徽美未始殊也  
故王霸感妻語而嘉遁終身雋不疑承母訓而  
名迹表著然二母者特專其一美耳乃太孺人  
贊公以識微早退則身潔名完救實齋公以  
導利行仁則政成惠溥婦德母儀比崇並美雖

慎修堂集

卷五

十三

詩書所稱奚讓焉自昔君子之壽其親也食貧  
則甘菽水之懽行義則樹顯揚之烈故仲由感  
負米而興懷太真忍絕裾而行邁蓋事值時殊  
情由勢格也乃若秦之達晉僅隔一河實齋公  
躬御板輿奉親宦舍入則晨昏奉顏色上旨甘  
太孺人神舒意適康寧矍鑠蓋善養而不專以  
祿志養而不徒以味者矣出則奉慈訓拯民艱  
善政祥刑頌聲洋溢咸曰使君之生我惠我實  
太孺人慈訓之致也是榮親而不俟文采之華

尊親而不必名爵之重者矣夫太孺人之所以  
基其壽實齋公所以壽其親率卓絕章明如此  
是雖稱千百觴亦奚能悉數其盛美哉然三郡  
公之於實齋公相與也以道相成也以義其視  
太孺人之躋遐齡介繁祉也猶夫在其親也其  
樂於稱觴以致頌祝者固其道義之至情也是  
誠惡可已哉然予竊聞之天道猶張弓而其所  
祐者順也公躬修潛德甫仕而卷懷未及大  
厥施實齋公正直靖恭聚百順以悅親錫厥類

慎修堂集

卷五

十三

而不置是皆天道之所祐者然則太孺人期頤  
遐算固可坐而致矣垂裕之慶未可涯也鄙人  
不佞請書以徵之焉

壽趙藩左相徐濟山序

代左轄董  
右波作

濟山徐公謝趙藩左相歸博野之年為萬曆  
甲戌壽六十六矣耳目精朗步履康強僅類四  
五十八十一月二十三日為誕辰家嗣及川君  
方右轄三晉欲奉觴稱壽恍然山川之阻修也  
迺陟岵瞻雲稽首遙拜而念慕之切心不遑安

時二三僚友切劘規勸相得甚驩不啻同氣若也樂公之壽而康欲洗腆躬賀而未由情豈及川君異哉僉以其與及川君舉制科為同榜今居晉為同官宜摠情於詞以致祝頌焉某聞之傳曰君子之孝養也樂其心不違其志故養以志為大色與口體若非所先焉而親之於子也奚必其周旋膝下鞠跪恭講而後為快哉委躬王室戮力四方雖有離思親心樂矣公早薦於鄉試於銓卿裒然為舉首授職耀州以政善聞

慎修堂集

卷五

十四

乃移治劇於光所至摧挫豪強雖權家世族不少假而於田里細民卯翼扶導惟恐或傷蓋公坦率真誠慙直耻文飾居官行法不事媿阿必行己志故所居民愛而梗化者以禁其邪罔莫能逞恒欲甘心焉歸自王藩怡然自得若倦者息病者起久旅之旋舊都也夫公蘊藉忠誠敷施剛果豈不欲以直道而行於天下國家哉顧時之不然事之或謬乃舉其志而盡委於及川君期以措之天下國家也及川君祇服父事率

履不違明刑濟南郎署司馬譽望冠一時簡進封部大夫精白激印卓然無所倚坐是不得久居內出而參知關西閱歲乃得再晉今秩焉昔穆寧以家法高於唐每誡其子曰吾聞君子之事親養志為大吾志在直道而已子贊輩率若其言傳史者稱其質直不奪如寒松倚巖千丈勁節稱贊輩曰迹參時傑氣爽人文今視公父子謂古今人異耶夫君子修身砥行非以釣名也抗節殫勞非以干寵也要在裨益王室潤澤

慎修堂集

卷五

十五

生民以承親志樂親心耳及川君今茲之所建樹已章焯於海內如此公心之慰何如哉庭闈非邇燕晉非遙也竊聞公自投閒無膺於其責無任於其憂日往來田園山水間熙熙樂也而元孫聯芳復弱冠領賢書溫恭勵學大對指期諸子及孫濟濟然頽脫膠序衣冠美盛甲於畿南而所以侍顏色修旨甘以奉養公者復甚備也夫燕翼乎子而子克承貽厥於孫而孫克引且志養色養具舉而不遺焉天下之所謂至樂

而不可必得者公兼而有之矣樂則神日以怡  
情日以暢耄耄期頤之慶茲非其始耶然及川  
君聲實郅隆帝心簡在入司鼎軸而位巖廊  
即須臾事矣博野去都亭僅數舍安車迎公再  
宿可至則朝夕侍側上壽稱觴夫固可計期俟  
者三晉奚能為遠耶詩曰其德不爽壽考不忘  
又曰令德壽豈萬福攸同請以是致祝頌之誠  
焉

壽從叔竹溪七袞序

慎修堂集

卷五

十六

余從叔竹溪公之旋自淮揚蓋乙亥冬十月也  
明年公壽屆七袞六月三日寔惟誕辰凡吾宗  
長少率欣欣相慶圖所以效頌祝之私而姻鄰  
交游若某某欲必有言以為賀公之旅于淮以  
事離也夫我國家離政之立募商輸粟於  
邊圉給符畀徵離於淮揚周防曲制法莫良於  
是矣于邑以去諸邊非遙業是者十室而或四  
五馬世久法更背馳初制懷資策良者奔走南  
北無已時且淹曆歲月莫可竟緒而南土饒沃

紛華盛麗之悅日滿於前志適情遷軌而忘逐  
者比比也公自蚤歲承先世之澤即往來淮楚  
間然間數歲率一歸省母訓子未始久淹也迺  
者仲子思禮舉鄉薦上南宮遂趨淮迎公而季  
子思和亦由膠序入南雍至公欣然曰兒輩皆  
克有樹立吾奚以旅為乃舉所業付諸和而戒  
行李挈童僕別諸常所往來者泝淮汴陟太行  
旋軫於吾土之舊居族姻鄰比懽躍將迎而鄉  
邑見聞莫不稱傳以為耳目所僅接也夫膂力

慎修堂集

卷五

十七

方剛則經營四方以恢弘前人之烈規條有秩  
則慎簡所畀以永貽燕翼之傳出惟時後先  
不紊公之識誠匪夷所思哉公容色舒暢步履  
康強僅類五十許人時公伯兄雲泉公謝沐尹  
而歸二紀餘矣年加公者十而矍鑠壯健較公  
不殊每風日和美則二公或婆娑中庭或徘徊  
別野冠裳檐偉賓從紛輪雍雍而談衍衍而宴  
龐眉鶴髮輝映寰區而二公之子及諸孫十有  
八人服綵衣奉几杖者咸環侍左右見者輒驚

詔不曰此人世之仙真則曰此明時之上瑞  
咨嘆慕豔若有所不及誠盛矣哉然竹溪公元  
配碩人張庚與公同而生辰差後神彩和粹與  
公如一焉豈不尤異耶夫公福履之盛人固曰  
天之所佑也然天之所佑者順豈偶獲哉公忠  
信朴茂性植自天居常口不談人過不為一誕  
詞撫世酬物渾無城府機械真誠樂易人至於  
不忍欺疑重寡狎昵當四筵合座囂聲盈耳公  
嘿然中處若不能言者徐出一語輒中肯綮而

慎修堂集 卷五 十八

不煩早嘗捐粟賑饑受爵公家乃絨鑰衣帶未  
始或御悃悞長厚公行誠順乎天矣是固宜錫  
之繁祉若斯也然公考典膳公質直敦義鄉人  
有不能決者必就公質平嘗建二亭於閩中以  
蔭行旅設茗飲於長途以濟道渴其慷慨樂施  
與類如此蓋所培植者遠也今思禮績學緝文  
行將對 大廷服官政則 貤封褒錫以榮公  
者將須臾至矣公福履之盛方興未艾也庸言  
之俟後徵焉

壽誥封太淑人王母序

王母太淑人劉者先貴竹藩叅再 贈副都御  
史灤川翁之配今吾郡司理栢峯公之母也劉  
世為齊魯閥閱族太淑人歸翁時尚為邑諸生  
窘甚太淑人躬勤紡織佐篝燈誦讀資嘉靖辛  
丑翁舉進士授計部郎有恒祿太淑人初 封  
安人日駁駁貴顯矣迺儉勤未少殊都憲翁之  
補貴太淑人請俱行時時進曰君母謂南中遠  
母鄙夷其人民為國家綏徠安輯樹鴻烈於明

慎修堂集 卷五 十九

時斯純臣績也時夷酋方多梗云會 肅皇帝  
鼎建朝堂需巨材急材故多貴產然夷窟險絕  
人跡罕及夷故善匿材莫可得諸僚憚其艱詭  
詞規免翁獨奮然曰夫仕者身歸於君則家付  
於忘矧吾家有寄耶躬部吏士深入林箐調知  
木所直造其下諸首讐服競以木售公厚其直  
軫其勞芟居露宿幾再年所木悉抵司空堅且  
良 天子嘉翁績 恩寵光大焉時諸子尚少  
太淑人日取經子諸書督之曰是而父所誦習

也諸孫方離髫髻亦肅之就外傳凜乎課成之不數年長嗣入太學今封禮部郎中仲嗣舉壬戌進士今以大中丞持節撫全楚叔子舉于鄉今為大名郡丞季子恩選上國學次即吾郡司理公舉丁丑進士又少者邑廩生諸孫十九人舉進士者三舉于鄉者一以恩敘者一廩膠庠者四其治經義者濟濟盈庭曾孫三人方來者未涯也猗與盛哉往歲適壽期中丞公尹京弟姪監司長郡邑胥奉安車欲迎賀官所太

慎修堂集

卷五

十一

淑人曰身老幸安里居寧能逐子孫四征耶悉謝遣無所適士論愈豔其榮今年太淑人壽七十八高矣而耳目聰明手足健利視壯者或踰之四月十日寔惟誕辰栢峯公以明刑并冀不獲舉觴稱慶陟岵東望瞻戀凝神郡丞南津王公別駕三橋鄭公徵言於公致遙祝焉公始通朝籍則聞都憲翁居守雲內仁惠宜民愛慕若慈母既而侍公於都亭溫恭凝重粹然有道仁人也私心嚮往之嗣叨乏東藩則聞太淑人所

以訓誨諸子若孫之詳於人人未始不竊嘆以是二人者寓內所僅見也夫都憲公仁聲早惠垂裕後昆宜矣然微太淑人拮据壹政俾無內顧憂則奚能忘身一意以底績於王家諸子若孫天挺明德岐嶷夙達信矣然微太淑人正內開家義方式毅則奚由志寧行立以展采於中外且清約端方率循先德勤勞奮勵愈振芳聲拊循樹安攘之勳人牧循循良之譽司刑嚴冰玉之介秉憲凜風裁之持而鴻材茂秀超邁

慎修堂集

卷五

十一

等倫者方踵武嗣興至若高科擅奕世之奇又振古所未有者往代若王謝崔盧裴李韓呂諸鼎族其賢稱偉績詎足擬倫哉夫天樞奠而後二曜五緯貞其明地維立而後千巖萬壑呈其秀太淑人聖善種德克開後人是宜才賢迭見通顯彬彬若是哉然太淑人抑畏傲惕不啻寒素時栢峯公之來吾郡則戒曰司刑寄一路之命寧晦其明以求生毋炫而明以索隱也公奉教弗少違凡經訊鞠者胥自幸無所苦既而曰

聞使君之德我乃太淑人之訓致然也輒舉手  
加額願太淑人介福無疆焉夫奉觴上壽者慶  
祝之恒文澤物洗冤者子臣之偉節慎刑而對  
羣情俾頌子德者歸母恩親心謂不悅耶輿情  
愜仁聞昭矣親心悅百順聚矣仁昭順聚太和  
薰洽禔福愈隆太淑人壽祉與川岳俱長榮光  
燭奎壁宣朗矣奚必侍酒席前而斯為懽耶  
不文然衣被於栢峰公之政深且久承二郡公  
之意樂誦說世德之美以章示過遐俾忻慕愛

慎修堂集

卷五

三

樂者頌祝亦同焉

壽沈仲龐二親偕壽序

海寧坦齋沈公早以明經遊太學既迺薄淮之  
贛榆屬廉潔勤撫字邑民翕然懽戴監司亦禮  
遇特加甫再年投劾乞歸時尹某素重公力請  
留公曰夫仕所以見諸行也溺而不返奚俟哉  
既歸舊隱日惟治農訓子蕭然無外慕歲癸卯  
冢子淳仲龐舉于鄉公語之曰學以古哲為期  
所當為者未止此也督課日孜孜不少怠今年

春仲龐試南宮予得其文甚奇之比來謁恂恂  
若訥無德色無情容間叩其所自則知公之教  
然也需次銓曹名列可內秩迺節推建寧或意  
其有不能夷者仲龐獨欣然過余曰家大人  
今屆六喪母亦五十有八淳違也久旦夕圖所  
以承懽者茲幸仕于建道出吾家由是得率諸  
弟及子若姪奉卮酒為二親壽斯天下之至樂  
也三旌之貴未足云易矧內外崇卑間耶既辱  
子知願得一言持以悅吾親焉予已雅慕公復

慎修堂集

卷五

三

聞茲語迺聽言曰有是哉沈公身教之端仲龐  
奉教之謹也夫中世之士以宦為家盱豫寔升  
驅之有未始去者比其歸也炫奇鬪靡日以聲  
利相高寡廉鮮耻俗不長厚也久矣疇若公仕  
僅再暮年甫強仕而超然嘉遁鳳舉鴻飛歸復  
檢身砥行訓子自躬誠耳目所僅見者所謂可  
用為儀非耶仲龐榮進在前懷親獨切真知所  
先後克若公之訓矣宮錦南征稱觴膝下而公  
及孺人福履方隆孫子繩繩象賢世美噫為壽



而若此榮誠罕儼哉然予於仲龐猶竊有告焉夫父母懷慈仁之愛以育成其子子必修忠孝之業以榮悅其親故韓父索杖於疑獄之對雋母加食於平反之多古賢父母之求乎子者類如此也建為閩雄郡司刑者民之生命繫焉仲龐往矣其亦思所以榮悅乎親否耶仁以宅心恕以盡物明以燭幽敏以遠害剛毅以求平而哀矜惻怛之意尤臺臺焉則祥刑四達而冤民可無矣俾建人咸曰吾之郡推古之循吏也又

慎修堂集

卷五

十五

曰吾之循吏迺父若母之教成之也嗣是而秩彌臚則業彌修惠澤流於無窮斯公及孺人聲光垂於不朽矣是則壽親之榮且父者也仲龐其以予言為然否耶

壽凌真卿二親偕壽序

海陵凌君真卿既舉進士試政中臺介其同年予門人史君德龍過予曰某不類賴父母之教以有今日絲毫皆父母之賜也吾父明年屆六十母六十則今年矣晨夕思所以稱觴為壽願

初籍朝簪未能爾願子有言將走使持歸冀親心一悅焉予甚偉其意諾之迺冬十月凌君授令永豐復過予曰向也吾以官政始維欲歸壽親而不可得今叨令西江吾家便途也行將與諸子弟躬奉杯酒為二親權區區之願獲矣子能終靳一言耶予聞之喟然嘆曰嗟嗟凌君有是哉夫自科目制隆萃豪傑而奔走之恒汲汲於不得焉憂及其得也則不啻足矣比登除目率擬華階一領外符戚戚嘆悅者多矣君獨得

慎修堂集

卷五

十五

之也不色喜而惟以遠父母為已憂外之也不色溫而惟以得壽父母為已樂豈不真知輕重大丈夫哉凌君感然曰是豈某之能耶寔惟吾父母之教而日孜孜耳予曰教可得聞乎凌君曰吾父方早歲值家事稍落即拮据立門戶婚嫁諸同氣母脫簪珥相其貧無難色迄分異田廬輒取教惡者租賦之供時復以已有輸之晚謝家務結六七老人為耆年社自號西橋主人一切世味澹如也訓其兄弟甚嚴爾每日學以

倫理為先詞章榮顯特緒餘耳母時申父誠至躬膏膳以資講讀吾恒顧諟嚴訓將弗若是慙也敢曰能之耶子曰昔人有云見其子可以占其父子固於君得之矣今聞凌公教乃知君之賢有自而又以知凌公之福澤方隆也夫淳漓朴散聲利汨人友愛之義不修刑于之化日低家庭或為胡越門祚由以衰微弊非一日也凌公植則于閨門和樂于兄弟端教于義方而淳龐朴茂之懿復足以淑頽風迓澆俗即耳目所

慎修堂集

卷五

三六

睹記誠十一於千百矣夫膏沃者其發必光器宏者其受必大固知公期頤之躋弗祉之綏蓋有未易涯者予叨史氏後他日尚當載筆為公紀焉

壽憲僉李嵩渚七袞序

自昔為天下國家者曷嘗不汲汲仁賢以圖化理哉然才難之嘆隆古已然拊髀興思臨朝太息真若天生人才不足以供一代之用者遐觀削弱之世四分五剖之邦才率未嘗乏矧全盛

時乎有矣而人莫之知知矣而弗當其用之而弗盡其才文義之所牽拘衆口之所銷毀才得以自見者恒艱也執簡而臨之曰無才豈其然耶往讀童太史志沔陽守嵩渚李公語蓋益嘆之云公莅沔六年揀災築防布德施惠遺愛在民甚深擢僉晉臬以文學飭吏治風裁震一時今諸生故老能言公政者甚衆也迺才高致忌以強壯歸丘樊遂踰三十年矣是歲春秋甫七十容少髮黷步履輕捷類方五六十人予蚤

慎修堂集

卷五

三七

慕公名既遊梁每過公考圖書語道理數既往之迹豫方來之宜公一一有成畫出其緒餘聽之靡靡令人犁然心暢誠使今試諸行如昔人云出正詞而當諸侯決嫌疑而定猶豫謂無所濟耶季冬廿又八日寔公誕辰省臺諸大夫欲為公壽也徵言於予予惟荆山之璞弗和氏馬遭則韞石之輝愈燁然而不可掩獲楠梓杞之產非所以捧明堂榦總章乎匠石弗過則挺獨秀於氷崖雪霰之間耳公抱道舍章厥施未究

卷懷既早即閉門掃軌以著述自娛探討化原  
表章賢範大篇短什膈臆肆陳其指數千其言  
數萬雄深閎放縝密謹嚴若駕乘且而騁康莊  
若奏金石而破羣響又若河流東注浩浩乎而  
莫可窮也噫盛矣哉使公躋顯融茂聲譽詎若  
觀昭曠之原垂不朽之業如荆璞之流輝蟠木  
之獨秀以鳴我 國家文治之盛耶公又嘗為  
子言在沔時三疏請免田租賑流徙所全活殆  
萬人復疏論沔得不隸漢陽民免困頓煩擾之

慎修堂集

卷五

五

賀張靜軒者壽序

靜軒張公蚤承先志懷資旅次於淮海燕秦之  
間者踰二十年勤勞周至家日以克里閉噴噴  
然交稱其能予時意公壯年氣盛往而未息者  
也及予投閒林樾則公先已宴息家庭以諸務  
付子優游晦處名其所居之室曰靜軒示不復  
為四方之舉云余心過奇公進而知節盈而克

持誠非常見哉今年壽六十矣十二月十七日  
寔惟誕辰姻舊暨于姓胥介予弟子嘉徵文為  
公賀媿余非能文者然觀公名軒之義則竊識  
公自得其所以能壽之道矣蓋陰陽之運雖互  
為根而靜者誠之復實動之主也故俞矣以肇  
敬闔矣而始闢天地且不違而況於人乎昔者  
聖人俯仰遠近觀取莫窮通神明之德類萬物  
之情矣而其繫易之辭也曰艮其背不獲其身  
行其庭不見其人噫天下之理豈復有加於此

慎修堂集

卷五

五

哉上焉者得其全則可以立人極而成位乎中  
未至而修乎是則雖有不存焉者寡矣張公以  
靜名其居謂非志於是而欲修之者乎頃時習  
尚動目靜為迂而居積豐大者尤甚馳逐乎東  
西陸沉於道路心欲矜勢能之榮口欲窮芻豢  
之味耳目欲窮聲色之好若水之趨下日夜無  
休時任其智竭其力熙熙攘攘必期得所欲而  
後止卒之獲如其期者恒寡母亦或有司之者  
存而非徒憧憧往來事紛擾者之可以力得耶

張公自貴丘園不犯霜露不行異邑不窺官寺  
不近危機而雍容都雅享有高蹈之義恭讓無  
競餘裕素封之樂今壽雖及耆而神氣和暢膚  
體充盈僅若四五十人對客延賓危坐肅容終  
日無怠色少壯者類以為莫可及謂非有得靜  
而然耶二子伯曰翀居邸第甥館得封儀賓然  
折節謹約渾無遊閑靡麗之習朴茂習事賈遊  
郡國若公少時衆不知其有祿秩之在躬也仲  
曰翰為邑諸生誦習杜門人罕識其面發為文

慎修堂集

卷五

三十

辭祭如也而嘿然若不勝衣此其志不在小矣  
夫公以靜之道淑其身復以訓誨其子子式似  
之焉公之靜豈一朝一夕之至哉傳曰靜而有  
常故壽又曰世德作求夫靜以樹德德而克世  
公之福履未可涯也余知公也又樂為之道焉

賀亢原溪七袞壽序

原溪亢公之謝長清而歸也時春秋方強盛迺  
雅志丘樊飄然物外既而開地為園於新城之  
東雜蒔花卉修篁高樹豐草清泉水聲潺湲旋

出階砌若幽谷長林間也前構書屋數楹羣諸  
子若孫樂育其中延禮名儒為之模範日躬臨  
督課之居無何諸子爭自磨濯競蜚聲場屋公  
日陶陶然自樂其所存視一切紛華綺麗之觀  
不少入其心也是歲壽七十矣八月望後寔惟  
誕辰里中諸耆舊若西汾張公龍田周公龍泉  
劉公子從叔雲泉公偕予往賀焉時公以子姓  
振振先世舊廬居不足容也方為裕後之堂是  
月適落成庭宇靚深庑序崇整華而不侈朴而

慎修堂集

卷五

三

有章公降階肅容步履輕蹠黃髮渥容完神遠  
視客有五六十者咸矚乎其後焉諸子若孫或  
肅拜上卮或竹慶稱壽或拱立俟命或奔走後  
先者凡十有 人壻氏有六半為弟子員觴政  
既行賓主懽洽龍田諸公胥謂予曰吾邑里以  
壽祝為禮先姻舊之交吾鄙預是舉凡幾矣福  
履之全未見若原溪公今日如是其盛者且公  
自六十迄今茲懸弧之旦吾鄙為是舉凡幾矣  
岡陵之祝未有發之篇章以悉其情者殆有俟

於先生耶公曰予詞也燕曷能揚公諸福之備然締交也久庶幾有以窺公介福之由乎公蚤居膠序穎敏有萬稱及遊國學所與交盡海內聞人人亦樂與之遊上下其論議也故聞見日益博器識日益閑迺息庭闈綜家政修舉先業哀益物宜家遂以饒裕聞然持守制節日恐稍踰矩度久而乃就試銓曹名在高等授貳長清長清東藩善地尹位值久虛公縮章再歲厲羔羊之節嶮然無所洙復悉心經畫邑政秩然

慎修堂集

卷五

三

雖值午衢無遁賊無滯節無廢政監司部使者交與其賢移檄表異者比比遷擢可須臾至矣而公厭苦塵囂堅求解組所司挽留之莫可能噫若公之素履豈人所易易及哉故邑里之間見公之康強繁祉也而不知其平生持守之畏見公之身安逸樂也而不知其往昔堅立之勞見公之子孫多賢而逢吉也而不知其夙夜訓誨薰陶之周且至公之所以致此者豈易易哉然公豈以已至此而少自肆耶每向予曰憶昔

始勝冠習見里中諸長老退然若懦訥然若愚惟魯不文誠慙無偽出而乘堅策肥者寡也胡今不或然我欲不使後人迷能無裨我乎予曰存誠以化謾東讓以明禮躬約以去浮是固公之素所律已而閑家者胡過為是虞耶噫茲可以識公抑畏之懷矣夫小心翼翼所以事天也不違乎天斯佑之矣由是而大耋而期頤可坐致者公之福履匪惟是耶諸耆舊咸曰頌祝而必原其由楊厲而必稽其素是固公之素所

慎修堂集

卷五

三

自壽而吾鄙所以壽公也請筆之而致贈焉

壽郡伯胡順菴序

昔黃次公守潁川溫良明察力行教化而後誅罰務在成就安全長吏而於庶丞則曰善助之毋失賢者意薛韞君為左馮翊賞罰明用法平而必行得諸邑善狀則移書勞之曰屬縣有賢侯馮翊得垂手蒙成願勉所職卒功業長吏莫不喜戴受命焉公每讀其書未始不嘆西京循吏重長人之寄以冀蒸民之生其宅心若是其

忠而婉也夫大君畫百里之地而為縣縣樹之令環四境之蒸聚胥匡以生焉復畫數十縣以為郡郡樹之守環數十城之長吏咸依以立焉故曰郡者羣也所以羣乎縣縣者懸也非以懸麗于郡耶是大君聯屬天下以成治功意深遠矣故端之軌度布之條章敷之文告日孜孜然欲屬邑之咸底于理者郡之良也持循其矩矱整齊其法紀和輯其人民日惴惴然期率履乎郡而不違者縣之善也郡良矣而縣或否導之

慎修堂集

卷五

三

則可從警之則可喻怙終者則可使毋亂吾治焉縣善矣而或莫值郡之良則行高而或我忌政異而或我疑形阻力撓陽子陰摧縣有莫得為其善者矣夫惟純臣廉吏則崇教養善敷惠作人忘己之有而欲人之同樂人之善而若己之有於賢者則明揚之務益顯其名未及者則輔翼之務以勉其進期俾吾治無不理之縣無不安之民心斯慰焉是非合人已忘物我之君子能與於斯耶若吾郡伯順菴胡公蓋誠其人

矣公廉正居身溫良接下修起蕪廢振剔綱維須布規條革奢崇儉士庶翕然從欲矣會率屬上計闕庭天子方銳情政理察公治行為天下先召對內朝寵賚蕃庶以風示萬邦復面奉綸音俾歸勵庶職焉公旋自都亭適諸邑新令後先懷綬至公祇布堯言勉奮臣績而太平令武君成獨慨然曰聖天子之俯察吏治也若此賢師帥之對揚休命也若此是訓是行是則是效成曷敢不虔於是宣

慎修堂集

卷五

三

明詔令搜恤民瘼而凡郡之誕章執事罔不謹修而備舉焉未數月邑以治稱公熟識武君之心誠於政政宜於民允矣縣之善也日以武君之善狀白於監司上於部使者部使者即以胡公之言薦武君於朝武君過公曰成初試守官即被遇胡公不世之知顧成未獲所以為報也願發鄙衷為之詞可乎公聞之傳曰士以知己伸然知己未易遭而知人尤未易也夫所謂知者豈行成政立稱賞同聲之云哉聽之于

未聞察之於未著而鑒其神智識其謨猷者斯天下真知也君至邑未幾胡公即得君之心展也匪夷之哲矣夫奇若淮陰非蕭公則奚由以進智若孺子非魏倩則曷以自明蓋乘時而揚英俊者良臣之偉烈也感知而圖報稱者哲士之盛心也克報知已斯克報國家矣然胡公豈直知人明哉議道自己而職業功緒望人可能鼓舞提撕俾諸屬交勉以並進不阻其氣而不撓其施奚翅明師之育髦士然者是宜君

慎修堂集

卷五

五

之卓有樹立其速若茲也視黃薛二公作人之盛謂異世有軒輕耶今歲三月值胡公誕辰武君感公之知欲有言以為賀公聞公先期示謝預戒閹人毋聽賀客入曰未可也頃武君薦疏既揚而公值三載奏績期陟明匪遠矣發武君之意茲惟其時哉夫令修其職非以上援也而郡灼見其賢郡揚其善非以下私也而部使者上達其績郡也邑也相與以道德相成以事功非古之道乎古昔述作人之烈者必詠壽考

之隆美邦家之基者必效無疆之祝然則奉觴再拜上千百歲壽以稱頌知已之德者固古之道今之宜也喜而為敘致共祝之私云

壽從叔雲泉八表序

傳曰虞夏殷周天下之盛王未有遺年者蓋尊高年所以厚風俗而敦孝弟也故興道致理必用是先焉吾平陽承唐虞之遺化稱壽之典特隆自五六十以至百齡每值成數必舉之而七十八十為尤盛余從叔雲泉翁今歲壽八十矣

慎修堂集

卷五

五

十一月二十日為誕辰族人姻鄰方圖稱觴以為慶公先期走使致謝曰予筋力非昔不能與賓客相周旋也至日飭閹人杜門不聽賀者入迺西汾張翁原溪亢翁及翁弟竹溪翁子深山兄咸語余曰獻酌揖遜誠不可以為翁勞矣而稿文頌禱詐可以翁辭而止耶予曰誠然哉公惟隆古盛時民庶熙熙咸登壽域然八十者見亦罕焉禮曰八十拜君命一坐再至又曰八十復二算曰八十不俟朝而又食則常珍月必致

磨杖入于朝優奉之有如此者使八十者而易得也古昔聖王制典宜致重若是哉且公竊聞翁蚤歲苦孱弱既迺究心於軒岐諸家言得其旨要今耳目聰明步履強健與四五十者不殊時偕同社四五公討勝探奇山巔水澁或笑言歌詠或琴奕壺觴諸老冠裳整肅儀矩安舒每集則邑里隨觀嘖嘖嘆賞以為洛社猶存香山復起也且孫子滿前田廬衍溢出入俯仰舉無係累于心夫體健則和朋聚則樂儔昌則永

慎修堂集

卷五

三

資裕則適是皆恒情所胥願而未易一值者也翁適有而兼焉福履若茲睹聞希曠詎宜無賀耶夫福履之盛天眷之隆也然天之眷公豈偶致哉翁之自沐陽陟汝邨也汝安王雅重翁當途諸大夫交口稱翁賢時月稍需敘轉可坐致且年甫踰知命而翁獨以太夫人春秋高謁告省覲遂依依不忍去左右竟致為臣可不謂孝乎沐瘠邑也翁莅疲民撫摩煦嫗撫楚不忍加民遂相安而宜之可不謂仁乎翁素不能飲

然雅好賓客高軒時過必投轄為懽雖窮晝夜無倦容可不謂恭乎督課減獲盡力農畝晨興夜寐希有寧居時可不謂勤乎禮遇卑幼若恐或傷傭衆或匪誠亦不深咎可不謂慈乎夫孝德之基也仁德之地也恭德之柄也勤德之本也慈德之興也善積於基祥發於地行成於柄業裕於本人附於輿五德備具天眷之所由隆也豈偶致哉然公每省候則見翁日乾乾惴惴恐或涉於怠荒是翁德之樹也日益以盛夫德

慎修堂集

卷五

三

日益盛斯天之眷也日益隆由是而九十而期頤若持券以取然者而姻族之頌禱方源源未艾也詎惟今茲之賀耶往歲丙寅翁屆七袞公綴詞致祝預期茲舉而今果爾公言豈敢為誕哉於是諸客融融然稱觴以致慶翁亦欣欣然舉觴弗克辭焉

慎修堂集卷之五



慎修堂集卷之六

河汾亢思謙子孟著

序

贈叅伯谷蘿壁帥師守平朔序

往者全晉恃雲內為藩屏故三關將士其嚴未及諸邊之半頃歲逆虜內訌藩屏不可得力每乘秋南牧胡騎直叩鴈平寧偏于是關南苦鈔掠岌岌不自持矣然鴈門為大帥開府地寧偏則總戎裨將各宿重兵惟平朔去諸關隘遠勢

慎修堂集

人卷六

一

孤懸虜入必所窺而將領未立兵力最單頃部使者欲移兵司駐守議復中止乃疏請歲簡省臬諸大夫威望著者秋時率所部民兵夾邊人乘障撫阨然內地人不習塞下形便戰陳素未經服望胡塵即震掉失色虜復善狙伏隼擊勢未易當往往投間入內地罪出輒莫可測防守諸公夙以擔危荷艱罕樂行者嘉靖癸亥秋姚江蘿壁谷公以叅伯奉天子命分守河東初履省署羣公胥曰谷公有文武才往隨試輒效

是宜莅平朔公聞之無異詞無難色即單車莅治所稽簡部士非摧剛執猛踰於倫等者不在行未十日獎帥三軍北涉汾水上太原指平朔而戎馬公建大將旗鼓戎服跨馬按劍屬弓矢殿其後軍容整肅吏士無譁公談笑指揮真足涉單于之庭而繫其頸者公從諸大夫後祖公高河之梁執爵而起曰今人疏爵秦晉間出門率惘惘不自得或分曹當適邊關必宛轉百方求解脫已歸之人其心視夷虜之慘若在眉

慎修堂集

人卷六

二

睫間也公以東浙文儒初莅晉南即奪守北鄙獨無幾微見於言面豈不誠大丈夫哉夫經生文士談及戎事類諉之未聞而以良牧稱者或於文詞不屑治故自西漢以來兼是三者未多見也班固作儒林傳記丁寬以易名家為說至三萬言傳業者甚盛後為梁王將兵拒吳楚有功號丁將軍遂推為儒林之冠其傳循吏也惟稱董仲舒公孫弘兒寬通於世務明習吏事以經術潤飭吏事噫有味哉其言之也往予治舉

子業即聞谷公以經學名南中四方英俊爭求指授成德者蕃滋迄予登朝籍則聞公守齊安不鄙薄其民日諄諄然愛養化導之民俗大變後遊梁與公同省署公時督催徵規條務持惇大意在無所擾與細民語若恐傷之鞭笞經旬時不一用予每竊嘆公獨有古循吏風茲以入蜀便途過里門復得從公遊見公慷慨臨邊氣吞胡虜什伍訓練若老将素習然者是故三軍之士樂於從公其心翻然其氣勃然踴躍爭先

慎修堂集

八卷六

三

武勇百倍聲實所及謂金湯足言固平矧尚若疇昔足虞耶蓋公學根於經故治效隨莅而章明文達於政故武畧順應而備具古昔所稱難兼者公總會而條貫之素矣虓狂胡之鬼清晉鄙之塵以福河東以奠安河此謂不在茲行決耶古稱士必通經乃適于用誠然哉司衡者用公於河東誠知人哉易之師曰貞丈人吉无咎又曰在師中吉王三錫命丈人者老成特達之稱也其涉世深而德美備者也公之謂矣三錫

之命須臾可至俟為公賀焉

賀地鄉侯蔡所赴 闕序

蔡所侯公之司刑河東持法允平聲稱籍甚獄訟得從公聽者咸稱曰侯使君能燭我幽不深探我情微使君我等其以寃終矣諸投牒臺省者輒曰願下侯使君理俾無寃雖異壤之民亦願移聽焉公要比精明軌道畫一例成所止屹不可移雖時時與上官異趨不顧也甫三年天子擢公守司徒郎於是郡伯我山毛公偕貳

慎修堂集

八卷六

四

郡蓋齋趙公判郡濟源胡公以予與侯公夙為道誼交宜授簡言贈且曰侯公莅郡又習知郡之故刑清而民胥服其砥節履方是宜肩鉅而致遠也茲陟華矣若未足以盡發公之蘊者予曰誠然哉誠然哉竊聞在昔度德而敘官量能而授事蓋試之既周見之既灼論定而後任也是以百司庶府僉忌其身以獻其功後之任人者徵媿惡於愛憎付榮進於薦剡抑揚輕重之間誠非恒情之所及知矣然計部峻曹郎署清

秩今上下位恤然以財用憂方敷求才傑之士以講求而興舉之得賢如侯公謂非曹署慶耶夫純臣不易地而異忠哲士貴乘時而樹績都亭百執事僚盛而務匪繁優游積資即坐躋通顯惟司徒諸大夫日孜孜不暇給又或分莅幣庾於帝城或稽督賦稅於外服煩簡難易雖人殊要之均以展采措事而裕用經邦也夫君子之學欲其措之天下為事業也逸豫從容則與國家求士意左矣自邊關胡警羽檄交馳

慎修堂集

八卷六

五

債帥謀臣輒以乏軍興自解計臣劑調給發接應莫敢後時言事者復各疏列利宜張設條目前議方下後議俯臨執其咎者疇耶頃聞大司農條對若曰因循於百年而欲振刷於一旦任分於衆職而欲責成於計臣噫有味哉其言之也夫備胡迄今足食之圖廟庭之議不知其幾矣于伏林莽久不能悉其詳竊聆道路之言則謂大都有五督通賦也開事例也講鹽政也清屯牧也省冗員也是五者亦悉見諸行矣其效

若何耶夫邊塵未息則內地之民飛輓芻糧繕修器械不能已也且非時之斂作焉無名之役興焉緣奸之吏出焉配取相仍蠹傷滋甚頃聖治更新首下蠲租之令老扶幼負胥慶更生若復過責其宿逋豈所以承德美哉往歲它運例行至或白丁衆技稍捐數十百金即得秉笏垂紳輒隨大僚之後且因其富厚交通在勢利可以奪刑可以迴匿賦作姦往往而是公家取其利未一二而所失已千百矣若浸淫而他及

慎修堂集

八卷六

六

害豈細小哉是二者竊以為非計也若夫鹽屯之講使凡幾出浮冗之省令凡幾領矣而今猶莫能外焉者毋亦昔之措畫者未探其本裁省者未塞其源耶夫商者逐利為業而鹽政則朝家以利便商者也當事者類以一切之計變法更令棄信而奪之彼利失則改業而他矣寧能拘係從維之耶也本膏腴地顧藉以久而去于猾胥壤以沃而入于豪族往見使臣所任諸從事虐者則奪民產以取盈狡者則增不毛以

希賞也愈清而弊愈集矣若夫裁郡幕革裨官  
省校師冗食之汰似矣然升斗之祿所減幾何  
而所以傾帑藏竭庾廩者果專在此輩耶易曰  
理財正辭禁民為非曰義夫聖人之論理財而  
其序次指歸乃若此是非千古之律令哉侯公  
篤舊雅時過予語久至更僕每及民間疾苦邊  
圉凋敝積貯空虛戚戚不自安若人蹈水火恨  
不一引手拯也今身任其事矣奮淵懿之猷溥  
私濟之澤出以措諸庶民入以告于計相若今

慎修堂集

卷六

七

所須前所議者俾悉得其理而奏其績焉是固  
侯公之素有成畫而侯時者也謂非曹署之慶  
耶予不佞尚當為公頌之

賀憲使毛我山之荆湖序

余讀兩漢書見班范二氏敘述守長之殊尤政  
迹以循吏名焉未嘗不廢書而嘆曰有味哉其  
言之也夫良吏莫盛於漢而其政之所成或以  
化導聞或以廉潔顯或以材行踔絕勲績茂異  
稱均之可以表著垂休也顧舍焉而繫之循何

哉釋者曰循循序也謂奉法循理也又曰循順  
也上順公法下順人情也夫循序而施法斯不  
越循理而治情又奚違乃材能之吏則謂和緩  
不足以集事惇大不足以懲違嚴毅果斷成其  
不撓之威峭直激印表其難測之智弛張措置  
精采逼人霜烈風行譽聞喧赫較諸斷斷守道  
之士豈不工哉然刑威既峻焉免行興徂伏伺  
時機詐萌作卒之潰防觸閑以傷國家之和者  
非細也若夫循者謹身飭行施教導民愷悌廉

慎修堂集

卷六

八

平無所更革不求駭世絕俗之譽民無煩擾而  
各樂其生猝有意外之虞亦相保相維而不違  
其上以其心之相安者素也夫豈其智弗能吏  
若哉其心真見夫吏之於循猶射者之干的行  
者之于家心期而力赴焉爾往玩味其言竊以  
為士大夫欲施澤於民立名於代無以高此者  
顧未獲履其事恒願見其人焉迺丙寅春我山  
毛公來守吾郡公齊魯通儒既治民崇本業戒  
游惰平賦役禁浮靡民有獄訟常提耳訓告令

自感創務在得其情推心於下不詭激近名服  
則進諸生考論經義剖析玄微時至學宮課校  
藝業開示要旨士習淳然以興與人居恂恂若  
不能言至辨大疑決大義雖上官異同無少奪  
揚人之善解人之過日若不逮至法有所必正  
雖權貴豪猾無所容身居二千石自奉與布衣  
同廉貞之操人言無間往者虜入鎮西公集兵  
固境民恃以安去秋三河大饑公力請諸監司  
出穀贖人全活無算每使者行部至居數日悉

慎修堂集

卷六

九

無所問而行曰有良守在也以公視兩漢諸賢  
謂古今人異耶己已春公秩滿三歲矣巡按御  
史宋公疏薦公治行請毋入奏績以終惠晉民  
再越月天子擢公為湖廣按察司副使維時  
貳郡蓋齋趙公通守濟源胡公節推省吾劉公  
實與公心一德同以胥屨澤者咸惓惓戀不能  
別乃過予曰往秋撫臣以兵憲薦也吾儕認認  
然懼奪公而北乃不果于行今春按臣以奏績  
留也吾儕忻忻然慶得恒侍公于晉矣茲乃陟

于楚仕之淹速遐邇信有所司非人能為力耶  
抑當事者謂公勞且屈也久俾為憲大邦而多  
暇逸且崇耶公曰余固陋烏能知然竊聞之矣  
龍媒駉駉天下之逸才也愛其才之逸者必俾  
之騁騫於康莊廣陌而後足以盡其千里之能  
干將鑿錙天下之神物也識其器之神者必任  
之揮拂乎蛟龍兕犀而後有以見其剝割之利  
君子之有志於天下者務勤已以濟乎物豈暇  
豫是圖宰世者之任人也必絜長而盡其用豈

慎修堂集

卷六

十

方隅是滯毛公之所蘊畜諸大夫得之詳者固  
莫所不宜哉雲朔三晉之間淪浹公之惠澤久  
矣而湖湘者國家之豐鎬寰宇之中區也謂無  
想聞公之風采者乎其吏靈民若之當振刷而  
撫綏者謂無待於廉平之司憲者乎苗獠之潛  
滋寇盜之竊發較胡逆雖殊而懷襄之勢昏墊  
之禍視存饑豈滅也宰世者薦公以往蓋知必  
有以濟矣豈曰崇而暇之哉昔兩漢諸賢或刺  
揚州矣歷潁川京兆乃入為太傅或守豫章矣

三選而仍守會稽乃陟司空毛公茲行周游敷  
歷以儲丞弼之徵又豈視昔賢異耶大雅之詩  
曰申伯之德柔惠且直揉此萬邦聞于四國吉  
甫所以贈同官也公不敏請為今日頌焉

又

我山毛公之治河東也不鄙夷吾人涵育之若  
赤子吾人之愛戴也真若得父母而怙恃焉是  
歲春滿三載郡之人日惴惴然虞公舍我民而  
行也類以情自於當途至相率禱于神祠以冀

慎修堂集

卷六

十一

諧願於是巡察侍御栗菴宋公疏留公行于  
朝畧曰臣聞忠良之吏國家所賞以為理也求  
之甚勤得之至寡孔子所以嘆才難焉臣謬持  
憲節以六條察全晉諸吏治竊見諸長吏莫若  
河東毛守賢夫全晉者京師之股肱河東者  
全晉之庾廩也自守在治宣明教化通達幽隱  
賦入有經獄訟無濫往者虜犯汾石詰兵嚴戒  
疆域以寧茲值歲不登發粟賑貧飢民蒙活通  
而宗人師衆之供需遠而幽薊雲代之轉餉恒

相續不乏也然豈惟其治理之絕羣哉秉清修  
之節蹈羔羊之義誠陛下之廉平吏也今當奏  
績詣闕下士民愛慕係戀之不欲頃刻違且備  
胡貶患時務之最先者實守長焉資若道理往  
來稽費歲月豈計之得哉願令主吏持計上銓  
曹俾守安居而治職任久而功成以寬陛下  
西顧虞臣言非阿也制下所司議焉吾人聞之  
胥欣欣然相告曰聖天子用臺臣言錫我公  
終惠我民矣懼忤和暢之聲洋溢部中居無何

慎修堂集

卷六

十二

湖湘憲副位虛銓曹以公薦上若曰是廉吏  
能安集我人民必能章明我憲度權之往以觀  
其成命既下余郡警警然喁喁然奔走呼號  
欲為借寇請而莫能也時郡屬劇邑諸大夫若  
予邑陳君洪洞王君安邑袁君翼城劉君襄陵  
史君曲沃楊君聞喜文君皆以高等制科極一  
時之選寔能順承公德美喜相值以顯事功者  
其不欲違遠乎公視民猶切也難其別而欲章  
其衷乃以言徵於公且曰吾儕所治在昔皆以

壯稱然當車馬午衢役繁徭冗民力獨疲復頻  
值沴災瘠餒駭目惟我毛公節費平徭薄征緩  
責發帑散積休息而安存之且符檄不數移吏  
卒不至邑民漸以興部使之薦留蓋灼見邦國  
之藉賴乎公者重也乃今奪而他吾儕將奚所  
資以終事耶公作而嘆曰誠然哉頃公陟明之  
典聞也章縫之士則曰公行矣吾於何考德而  
問業田里之氓則曰於何訟理而政平 天家  
之支屬則曰疇與我禘給以時而權量當乎材

慎修堂集

卷六

十三

官部曲則曰疇俾我餽餉不滯而給予優乎公  
屏處林莽日與野老遊靜聞而私念自束髮得  
侍邦大夫賢者豈少哉然得人心之和未有若  
是其盛者乃今復聆諸君侯言匪惟無間于吾  
人而公所以得人和入人深者獨得其真焉輿  
情公矣謂不因斯益信哉然予竊窺公之治境  
內也先禮讓明政刑束胥史繩豪猾非媮沫以  
小惠焉施者而四民之愛慕公顧如此非公之  
中心誠信于四民耶公之與上下交也無謾言

無調色履方秉道而章程不少渝貞志直前而  
怨嫌無所遜非曲躬以容悅焉求者而士大夫  
之親附顧若此非公之中心誠信于士大夫耶  
然余又聞公之督賦中州也中州之人信其仁  
主計上谷也上谷之人信其介蓋非一朝一夕  
之積矣茲復秉憲而南焉則衣被公之忠誠者  
地日益遠而民日益衆由是而入司樞筦展采  
亮工晉中孚之感極化邦之應豈非可須臾至  
者哉夫寰區之廣靈淑之鍾以材著稱固隨在

慎修堂集

卷六

十四

足也所艱者純誠之士不二心之臣耳頃  
天子下德音欲百官以忠誠貢 淵衷之所注  
念獨觀乎萬化之原若毛公者蓋真其人矣謀  
國者不欲淹公于一邦而推轂歷試于南國謂  
非所以祗若 休命而風勵羣心將重大是授  
耶諸邑大夫曰允若斯則毛公茲行也 國家  
得誠臣可以賀而屬吏部人之私可以慰矣請  
敘為贈云

賀憲使呂蒼南之關陝序

昔鄭私守淮陰行春方旱隨車致雨段文昌帥  
荆南旱禱輒應往每讀其書未嘗不思躬親其  
事以快于心也歲已巳吾郡夏不雨穀未播種  
民方以為憂乃郡侯蒼南呂公以天子特簡  
縮郡章至之日膏雨溥周士民胥慶再閱月穀  
方吐華復不雨公精虔露禱甘澤復隨穀乃登  
明年春及夏雨再愆期蘊隆如悞疫癘肆興公  
索祀匪寧天輒應澍雨災沴息而禾稼豐于時  
農夫相與慶於野商賈相與慶於市士庶相與  
慎修堂集 卷六 十五

視脂韋梯突之習若將浼然儉約居身絲粟無  
所及廉貞之操質諸神明而無疑徵諸庶民而  
無間軌象齊物動循矩矱宣明教化振肅章程  
在使民易避而不犯于有司百務躬親無所假  
托操執堅定屹不可移訟獄聽折幽隱畢照得  
其要而不深探其非庾藏出納平允罔滯公費  
之需一切廓清應轉輸之役者忻忻如也束胥  
史黜貪殘抑強頑植良善宿姦老蠹斂手屏跡  
無以售其欺巨俠豪宗革面改觀凜然若公日  
慎修堂集 卷六 十六

慶於家其既也鼓舞懽呼不能自己相率而走  
謝於公之庭曰是寔我公之雨也公峻拒而不  
居且曰是天不遺棄我民而賜此雨也毋亦事  
有適然者於予奚有哉公時從諸謝者後乃颺  
言曰公烏得辭是而不居哉夫陰陽之精本於  
地而上發於天故人事感於此則其應見於彼  
猶景之象形嚮之應聲也書曰肅時雨若傳曰  
五政順布甘雨乃來公處林壑久竊聞輿人之  
頌公者曰公之御吾郡也端方鎮定暢達光明

臨于上而不敢肆其橫蒸黎編列相安相養於  
田里而各樂其生夫天地以生物為德而其所  
甚欲生者人也公承天之德而致之民克當乎  
天心而不二若此則精神之所昭格志氣之所  
潛孚真融會流通合一而無間矣然豈一朝一  
夕之致哉故欲之而必至感之而遂通天人相  
與之機遠而近微而顯誠而不可揜有如此者  
至于三至于四而未已也是尚得以適然為辭  
耶居無何 天子擢公關西按察副使奉 璽



書飭兵于洮岷闔郡之士若民若農若商胥奔走徬徨而相告曰公好生之德愛護我深真若慈母之育赤子然者吾儕方祝公久於此以終福我民奈何奪而之他耶聞公戒車徒率相視泣下圖所以留公行而莫可能也時邇郡諸邑侯若子邑陳君洪洞王君襄陵史君安邑袁君翼城劉君曲沃楊君聞喜文君臨晉史君皆制策同舉茲仕同地其承公德美以宣布於民者而績用又同章著也尤不欲違遠乎公儼然造

慎修堂集

卷六

七

公以言徵且曰自公統諸邑裁無經之費停非急之征省泛濫之擾抑虛誕之詞無至邑之吏無輕下之符蓋志在抑民而以情體乎邑故列邑得不奔走於期會而畢力以庇乎民予輩方慶值良師帥願事之以成始終也公今顯擢而遠移款款之私曷已耶誠如 祖宗制守郡必再考或九載而後遷其政績茂異者雖卿長丞弼而必畀焉豈非計之得哉公曰任久而陟崇者祖制之遠也簡賢以熙載者濟時之宜也頃

以邊圉務殷輔臣請拔異才以樹大烈方若饑渴之於食飲然者公向治廬江聲實昭焯於天下舊矣茲莅吾郡宏猷茂績于廬尤盛焉一時循良之烈謂海內有二耶故西土奧區關陝屏蔽 朝宁借公而委寄焉謂非歷試意耶卿長丞弼之任以溥霖雨之施以大格天之業者方刺期至矣再考九載之規固奚暇為吾一郡計哉雖然吾士民之不欲違遠乎公者以公保我生也諸邑侯之不欲違遠乎公者以公保我民

慎修堂集

卷六

八

也精誠所會皆匪私圖安得不啻食頃聞公秉節擁麾撫填全晉若向之甘澍應祈而至以光被格天霖雨之澤耶諸邑侯曰天聽自民惟天眷德帝命不違俾吾人從欲以治固昭格之理有必然者矣請書以俟焉

贈邑侯陳遇泉之姑蘇序

遇泉陳公以戊辰釋褐是秋來令余汾時歲值不登邊鄙騷驛部使者行縣甫蒞事以警報孔棘馳駐塞上桡首功民相顧無色公孜孜撫諭

曰若無庸虞子茲以身為若杆率士登陴畫疆  
授任號令明肅擊技改觀若宿將臨戎然者復  
示以暇豫衆志舉安既解嚴即請賑貸發儲峙  
時給予先榮獨雖窮谷僻隅悉實受其福民忘  
歲凶明年遂有秋諸司徵發稽逋符檄叢積公  
品量緩急劑調後先務在節民力而不傷暇則  
進學宮弟子英穎者使在便坐受經訓誨規飭  
月校時程于是汾水之上絃歌誦習聲洋洋也  
公忠誠坦易慷慨直前與人言洞見底裏城府

慎修堂集

卷六

十九

機械之習視若浼已然晦菴朱子謂光明洞達  
無纖介可疑者公真其人矣維時督撫臺察諸  
臣相繼疏公治行于 朝言雖異文大指謂公  
持已廉與人恕均齊賦稅子育黔黎其所施政  
咸合於物宜至若奮禦戎之畧殫恤饑之勞初  
試而具有成畫誠識治之宏才廉平之良令也  
若使出入省闈必能進納忠益裨補私多若是  
者疏凡六七上英聲茂實照耀冀方一時罕或  
儷焉頃聞舉內徵衆謂必公首錄無疑也廼僅

晉貳姑蘇吾邑士庶驚疑奔走莫究其端胥曰  
我公治行之章美也如此今茲之遷陟也乃如  
此胡為而然耶公曰功同而位異者命之制于  
天者也途殊而致一者道之由於已者也命惟  
制于天故宜嗇者不能益而豐宜淹者不能促  
而速雖手操化柄亦聽其所制莫之或知耳邈  
遐之人能測其端耶道惟修於已故穹階膺仕  
不能使之加稗官散秩不能使之損要求其在  
已者何若耳夫天之所以與已者豈其微哉可

慎修堂集

卷六

二十

以運陰陽而順四時可以輔天地而遂萬物修  
之非其道雖貴窮人爵猶無位也修之盡其道  
則雖一命之寄皆可以濟當世而垂後來故善  
蓋一世而不以為德澤被天下而不以為功崇  
高而不以為榮卑約而不以為屈豈非以其致  
之一哉夫位或殊科而道無二致是之謂順受  
不違命自我立矣彼以一時之通塞顯晦謂足  
以等差人物者於道非深者也余嘗竊識公向  
之治績昭宣譽命上逮也未嘗奕奕然以自喜

今茲之遷也油然履順未嘗悒悒然以外尤蓋公修之已者非一朝夕矣所由惟一是奚有於崇卑出入之間哉昔在 敬皇時蒼梧東湖吳公之令順德也字民如子居官如家幾九載矣乃遷貳成都復改松江時論亦錯愕罔夷吳公殫勞效力不異為令時居無何馬端肅劉忠宣交薦所長遂飭兵廣海胥推胥引以功名焉終究其平生所歷得郡邑之力居多也陳公莅吾邑孚惠覃於庶類誠心信於士大夫固有耳目

慎修堂集

卷六

壬

所共歆羨而愛樂者三吳會郡實 國家之教倉也舟車賓客之出於途者肩袂相摩綺麗紛華之悅於目者徵求相禪海氛尚備征輸餉給之費未遑損也民亦勞止矣公出往者賑饑之策以拯其民備胡之畧以禦其寇雖勞劇錯至而已試者具存蘇之民尚亦有利哉夫於民最親而施澤最易者莫郡邑若也向公之惠愛吾民或格於郡也是虞今茲不患矣道可以大施膏易以下究推轂之意謂不在斯耶夫簡賢授

任匪以市恩者大臣體 國之猷也因職殫勞無求便利者君子徇國之義也若夫較中外之安危商官資之崇庠豈公之素哉並美吳公垂光信史卜於此行矣俟為公頌焉

贈司諫朱可山之 留都序

莆陽可山朱君自舉進士守中書今蓋六年矣養益深譽益著茲蒙 恩擢司諫南垣同鄉諸大夫莫不慶君之榮進而又重違君於南也屬余言以為贈余惟聖主置諫諍之司所以神明

慎修堂集

卷六

壬

其耳目也故必簡執德不回之士鞠躬匪懈之臣任馬上而九重之舉措次而百司之淑慝下而羣生之休戚利害悉其所當言者夫簡焉拔其尤言焉為其責則敢諫豈所難哉言適其機動收其績斯為不易矣嘗觀夫慷慨自許抗論盈庭者豈不奇偉大丈夫哉然或失則驟焉或失則激焉或失則煩焉驟者情未孚激者理或窒煩者告瀆而厭心生率行未有聞而咎踵之矣此自昔奮譽諤之氣者時抱孤憤之懷負當

世之望者鮮奏回天之績也噫是豈忠愛之不  
足以結主知哉夫逆耳忠告相知或至絕交面  
折隱微匹夫猶能按劍矧君臣之間耶昔周公  
孔子天下之純臣也周公繫易曰孚乃利用禴  
又曰納約自牖孔子曰信而後諫又曰吾從其  
諷焉至事親則曰幾諫矣二聖人者豈不樂夫  
危言極論以章灼時人之視聽哉而必欲誠信  
感孚從容啟導於君父之側者期於國有濟斯  
已也肯快心一試耶曰吾責可盡耶是故克家

慎修堂集

卷六

三

之子凡其有益於父者思無不言矣若曰抗言  
法語徒傷慈父之心於事無裨焉孝子不為也  
夫君父一也何獨至為臣而異哉是故誠信以  
上交則言易入因明以通蔽則事易從託諷諭  
以獻規則聽易興而疑不作由是而弼違陳善  
斯庶政可修也舉直糾邪斯百僚可肅也民隱  
畢陳斯天下可安也訐謔而宣力程功而計庸  
又奚必震耀耳目而後為快哉朱君忠信性成  
物宜夙達溫恭外蔚朗鑒內涵其於驟激與頹

無庸患矣然窠區之事變方殷薦紳之傾仰方  
切則又不容以紆徐時發為者朱君其亦思所  
以識其機而亟反之否耶急其重而緩其輕志  
其大而畧其細畢力於公誼而不恤私圖而誠  
信明通之念尤急急先焉將見朝奏而夕行計  
從而績底布名實於無窮垂聲光於不朽如余  
前所陳者固君素所優也余知君也久爰僭書  
之俟厥成焉

送 官保大司馬雙江聶公還山序

慎修堂集

卷六

三

自昔聖主之禮遇賢臣也渥恩大任既隆其始  
必優閑容保以全其終賢臣之遭際明君也宣  
力匪躬既奮其績亦必功成不處以完其名是  
二者其相須恒殷而相值恒踈者何哉上罔均  
勞逸以體臣下罔鑒止足以潔已耳若今大司  
馬雙江聶先生以年至請也我 皇上優詔許  
焉噫 聖皇終始之恩賢臣出處之節誠曠古  
今而僅見者矣初先生談道東南豪雋雲集迄  
為御史守姑蘇率風猷茂振嗣以親老還舊山

若將終身然閱十年逆虜再犯汾晉欲窺平陽  
上起先生往守之至則築亭障嚴守禦虜仰  
攻不能入迺遁歸保釐偉烈照耀一時竟以是  
觸權貴人誣陷還山又三年虜入畿甸京邑戒  
嚴上雅念先生且大臣薦遂以都御史召撫  
燕薊尋進少司馬理京兵又二年擢為大司馬  
先生謫方畧簡將帥練兵扼險日孜孜不少休  
食息省署罕至私庭頻年三輔晏然邊圉屢以  
捷奏上嘉先生功晉秩宮保先生恒感然不

慎修堂集

卷六

三五

自安今年年六十九矣勞瘁既積精神遂不逮  
往時乃懇疏乞骸上諒其誠不忍奪焉歸有  
日或謂公曰上知先生也深故起於廢而大  
任是加時制下朝士忻忻然慶也今南北尚  
未寧先生年雖及亦未甚衰在先生未宜以去  
請在朝之臣亦宜圖所以為先生留者公曰其  
然哉其然哉夫隨時以為用舍者大君之仁也  
審已而為去留者大臣之義也我皇上旁求  
俊乂不求備於一人故壯猷顯允則使之為憲

萬邦焉膚公既奏則使之投閒林壑焉體其情  
而不強其所不欲真猶天地之於萬物春華之  
秋實之歸以曲成不遺已矣先生自筦兵樞絕  
境外之交罷燕享之好上下干請一切不行要  
在伸已志杜私門專心報上而已即今所樹  
立謂不足以暴白於天下耶氣血漸衰撫誠求  
退是即子之於父母也惟命東西矣而痺痾疾  
痛之告寧有一之非由其衷耶矧申嚴法紀搜  
剔弊源拔識材官森布險要先生雖去其訐謨

慎修堂集

卷六

三五

遺烈固屹然在也杖屨鄉間則孝弟忠信之化  
又其子弟所熟聞而習服焉者是先生之所以  
答深知而効臣節也其視去留奚間哉或迺  
憮然曰聖主終始之恩賢臣出處之節誠然  
矣誠然矣子職也史尚謹書而備錄之以為萬  
世法焉

賀憲伯陳芝嶽治兵鴈門序

頃者虜犯雲中踰時弗靖所司奏不以情天  
子震怒逮治守臣於理遂易置諸鎮帥擢鴈

門兵備副使撫遼陽即簡大梁僉憲芝嶽陳公代厥任蓋慎擇而超陟也鴈門為三晉門屏連山巖突斗辟院廕往以雲內為藩籬憲臣特理訟牒稽儲時除戎肅法用振兵威已自雲中不固虜趨徑易蹊隧直踰關而南辛壬間太原大警曷嘗一騎由關入哉自是憲臣及秋乘塞距險以扼胡少踰而南即從軍擊之職辨視往時相懸矣故非忠實無他腸慷慨有遠略者弗輕畀也而擢以五品寔始自公公往為司馬

慎修堂集

卷六

三七

郎熟戎務入梁未十日即提兵戍白羊猝與敵遇乃合督府兵張犄角大挫虜鋒幕府上功天子進公階一等聲實在人豈一朝夕哉予與公同舉進士游梁同省署中相得甚驩每從公究邊事公蹙然曰往予戍塞下日與諸邊臣居習聞其言議讀其封事未嘗不惕然汗沾衣蓋談天雕龍技耳邊務奚從理哉予心服公言竊歎曰嗟嗟陳公茲所以係天下之重耶安得公即仗鉞西方以紓邊困哉夫封疆之臣握符專

制所以先國家之急而撫生民之命者未有舍忠信不欺而濟者也今雲中之患非失是致耶邊人之驅於胡也困頓奴戮其心豈不日夜思東歸哉間關百死以叩塞垣而守臣刈艾之云獲零騎是非堅其從胡耶窮邊之氓荷戈而耕關弓而遊虞卒與虜值也我軍乃搜巖穴破垣墉取其首以為功甚者束縛孤弱捶擊暗啞曰捕得虜生口間諜噫痛哉民心莫賴如之何而不化為胡耶往逋逃之黠者導胡攻漢今自為

慎修堂集

卷六

三八

一屯聚若大敵然是固無損於三關三關從茲多事矣迺今得陳公往若前所云奚足虞哉故烽火盈郊智者不憂豺狼嘯集勇者不懼惟得忠誠不貳之臣安輯其人民綢繆其心志順逆既明疑貳不作三關之民固有勇而易使之興者彼狂胡妖逆特折箠笞之耳陳公抱忠履信重然諾恂恂然不自暴私律暢達受事立治承先公大司馬翁徽猷於諸邊利病興革若燭照而數計也今茲之往豈直為三關慶哉頃公治

大梁將奏績御史大夫章公臺察楊公各疏留  
公行若曰陳僉事者梁民所恃以為安不可一  
日違者也疏上而公已擢矣今梁人尤深念之  
云

贈郡丞趙蓋齋入 覲序

在昔唐虞之際堯舜垂衣而治矣而二聖人之  
所咨咨者曰洪水方割也蠻夷猾夏也寇戎姦  
究也必旁求奮庸熙載之能者以共為理項之  
聖臣得而治功成萬世稱明焉二聖人以此三

慎修堂集

卷六

三九

者為先務蓋如此今 天子在御海內又安然  
中外所患亦有三曰河決也虜侵也盜擾也  
陛下軫念元元布 德音下 明詔冀獲卓犖  
奇偉之英收底定盪平之烈也而推轂之巨勳  
以乏才虞夫天生賢才自足以供一代之用才  
豈乏哉毋亦求之未適其要識之未灼其真耶  
雖然才難之嘆邃古已然矣所謂才者豈騁辨  
給炫聰明儇巧操切斲弛滑稽以違道釣名希  
世取寵之謂哉負悃幅之資樹絕誠之志厲修

正之行數醜藉之謨急公上而不顧私圖務遠  
猷而不規近利是之謂才與誠合得之所以難  
也以今觀於吾郡侯蓋齋趙公蓋真其人矣公  
初守濮陽醇謹廉平以惠愛為行簡除煩瑣禁  
察非法敦尚禮則不專任刑辟存問耆舊矜恤  
孤寡吏民愛敬焉操持公正人不可交以私而  
性質明敏凡冤嫌久訟歷政所不決法理所難  
平者莫不由盡情詐剖釋羣疑治行為東方稱  
首適河決彭城漕渠阻塞理水大司空辟公佐

慎修堂集

卷六

三

其事公日御舟乘商度形便鑿山阜決壅積疏  
導支流防遏衝要立水門以利漕遂無潰漏之  
患簡省役費成急而功堅焉 天子錄公功賜  
璽書褒異推 恩父母如其官無何遂擢貳  
吾郡公治郡一如在濮時民心即忻忻然親附  
甫三月逆虜踰鎮西寇汾石烽火徹於近郊郡  
東關故有城卑可踰也衆心皇皇不自固胥請  
公為守禦計公慷慨登陴部分卒伍嚴警備授  
方畧若老將而百戰經者衆心乃安虜既遁公

具白撫臣請為改作圖得報可乃下令曰茲為若百世防也顧財力無從予不汝強其各以力所及自為垣若干予將稽其成焉士庶樂從勇任若恐或先公按堵布工授方合作簡賢分任稽察有經計役更番勞逸均適躬臨督視晨至而夜歸雖溽暑炎埃衝冒不怠圖惟鼓舞務為經久規不啻若治其家垣墉然者未數月崇城屹立允矣金湯士庶懽忻頌聲洋溢越明年冬桑灣劇盜李九經猖獗甚剽聚落焚官寺據幽

慎修堂集

卷六

三

昧奧區連結關陝諸巨盜萃逋藏姦非一朝夕矣武帥往討不力反為所傷愈放劫無忌憲臣上言 詔責諸監司以平賊監司舉屬公公躬率將校駐師要害露居野宿者三閱月賊遂困乃播告賊中投戈來歸及解散者咸聽自新既而四布奇兵分塞隘險身督大兵往擊之賊猶旅拒公麾壯士先登諸軍雲合賊技窮鳥散遂殲渠魁餘黨悉平巢無遺寇闔郡寧居焉於是部使者各薦公政績於 朝章凡五六上復再

列建城平寇駿功以聞 天子再錫帑金寵榮光大也今年冬公將部州邑長吏述職 闕庭吾關民奔走徬徨若赤子之將遠慈母然者胥造曰曰公不遺棄我民勤於計畫身任其劬勞以成茲巨防俾固我家室保我子孫者秋毫皆公賜也公今入侍 聖明吾輩不得朝夕繼見區區慕戀之私曷能已哉子其為之辭曰惟今天下之大患三近代以才稱者率計免巧營而公皆身任其事且隨試輒效功施寰宇澤被蒸

慎修堂集

卷六

三

黎者何哉蓋公之真才固踔絕而以心之誠施於事故也公之莅濮也居而民悅去而見思今在吾郡也兒童走卒少失其平必於公而求直愛戴瞻依一體罔間真若腹心手足然者何哉蓋公之福我民固深且久矣而其心之誠信於士若民故也公之才與誠合雖古以為難矣今敷奏 赤墀 天子錄公既往之功以厲忠良則必受大賜而被親禮 天子期公方來之績以康海宇則必付大任而畀重權公之道由是



大行吾郡不亦並受其福哉大雅之詩曰柔嘉維則小心翼翼天子是若明命使賦誠公之謂矣又曰城彼東方又曰式遄其歸敢以是而致部人之私焉

贈余龍巖之南寧序

是歲秋七月我

皇上軫念遐方長吏匪人民滋彫弊乃命銓卿簡拔俊尤以充厥任于是雷川余龍巖氏被擢南寧府幕焉余子之姻包玉溪氏初與予同館

慎修堂集

卷六

三

於都門至是持軸以余子之行為請且曰而人者浙之良士也直而溫愿而信行無踰越言無詭慢其先世文華修美為司馬大夫世業流風耽學操翰之士炳炳有聞其王父出宰 懋流聲蹟余子泝典墳窮丘索詞采之譽自鄉國達于辟雍衆夙以華近期之今僅得是且在西南數千里外若非余子之所宜也願吾子序之以壯其行予作而言曰自昔負瓌奇之器者不繫於方隅建蓋代之勳者每成於絕徼士之感

奮風雲業垂不朽奚必於華近為哉故班生流玉關之蹟相如樹西南之聲才有所由私功有所由會耳夫浮雲絕塵馬之良也使徒鳴和鑿列天仗則駕駘並論可矣必懸阪峻騰騰縱策則千里之良斯見焉湛盧豪曹器之利也使徒割柔膚解脆腊則鈍缺可同功矣必犀兕盤錯迎刃會通則斷金之利斯見焉夫物則亦有然者况君子之仕乎夫仕所以行義非以騁欲也所以拯民非以適己也故乘田委吏大義攸

慎修堂集

卷六

三

存絕域窮荒皆吾同與矧府僚非冗秩南寧為要邦乎然八桂奧區密鄰象郡今雖効順尚未華心且猛獠竊發夷獠煽興南寧在今誠艱錯地也余子承先葉之遺休蘊私奇之偉畧毋謂南荒而遐遺之紆謀効力殫慮宣猷非以炫能也曰行吾義而已撫摩鞠育植弱鋤強非以沽譽也曰擾吾民而已且覽古今之變窮得失之原植密畫於帷幄之籌發羣謀於曳裾之列上為 國家導揚威命消患未萌下為西南式遏

亂謀折衝樽俎則義盡民安垂聲邁烈流嘉美  
於無窮矣遐邇崇卑奚擇哉不是之思則雖躋  
騰登顯而廢義戍民焉噫是豈君子之仕哉包  
子曰允若茲行無不利矣遂書之以為贈

慎修堂集

卷六

三五

慎修堂集卷之六

慎修堂集卷之七

河汾允思謙子益著

序

贈憲長馮修吾飭兵江左序

頃歲以長江多萑苻之警自湖湘達於海門民  
苦敎數也 詔設按察副使駐治于池陽振飭  
姑孰宣歙諸戎務仍 命操江都御史持節督  
舟師聯屬沿江數千里以詰盜戢民屏捍 留  
都 德意至深遠矣是歲秋蕪湖不誠江賊入

慎修堂集

卷七

一

邑中掠帑金捆載以行莫或敢櫻司事者馳書  
上聞 天子震怒下 詔若曰是惟畿輔要區  
繫豈纖細哉而吏失紀綱奸宄不禁至搜索官  
寺剽劫商旅為 國家典戎備職民牧者安在  
耶諸司其議罪所宜仍簡忠誠有才略之臣往  
莅厥官 帝鑒孔昭臣工警惕遐邇細民莫不  
欣欣然慶也然當事者其選方艱時吾晉臬憲  
副修吾馮公適以入賀 萬壽捧表在 闕廷  
儼然其容油然其色肅然其風神凝遠也玉立

班行朝紳屬目巖廊雅知者胥動色相告曰是頃守池州而遺愛入民深者又曰是往貳新安而悉心求民瘼者又曰是弱冠令泰和而老吏屈服者迺江左人士猶孜孜願借公以式遏救寧焉天子採羣議錫璽書命公仍本秩往臨之時公積資已及考薦牘在公車者以十數衆謂名位宜晉以寵勞臣意公或舛于衷公怡怡然不少異大禮告成戒行李遵陸趨所治吾平陽郡伯胡侯暨貳郡王君別駕吳君節推

慎修堂集

卷七

二

李君樂公表率之化且以吾人之宜公而難其行也屬公為之言公惟大君以已試而任賢臣則政不煩而功業顯純臣以殫勞而終王事則官不曠而績效章公秉憲茲邦三禩矣未聞有旬月寧居臺署也河東舊以僉憲巡而理兵為兼綰迺者廟朝謂地大政殷官稱未足示彈壓特命公以今職臨夫職崇則氣無餒任專則志匪分公感簡命之維新而戎事之久弛也愴愴不自安乃聯什伍簡將領明步伐時訓教旌

旗壁壘秩若改觀而先備警心若寇在眉睫間然者依山夾河諸醜類遂寢其不逞謀行部所至進父老於庭講求利病亟興舉而屏去之恐或後期寃嫌久訟之獄一經臨鞠不數語輒犁然當其心自謂見公晚繩正所部風威大行俾羣吏各修其職務奉其條章毋有苟且欺罔心豪宗巨俠俛首就繩墨間取其一二無良殊異者麗于刑噫功德在吾民已無量矣時豈豫於聲實之隆而微君上之寵哉蓋其學誠故其

慎修堂集

卷七

三

行確其志篤故其政詳其度私故其守固浩乎淵海之莫涯鑿乎金石之弗易也公自以為奉法舉職道固若是爾矣諸督撫臺臣審察而周知之列上治行于朝胥謂比歲北虜業已稱款公壯猷未大見諸行欲令有所施措以成駿功茲輿議所以畀大而投艱也豈特慰南國之思哉然今天下號無事兵革不興調賦鮮少而盜賊時作是豈其性與人殊抑果飢寒迫躬然耶昔龔少卿治渤海選用良吏以牧養慰安張

忠定再入蜀蠲滌舊惡開誠布惠化盜為良二  
公治蹟昭昭往牒可徵也語曰安定者貴順民  
又曰容民以畜衆不知今昔有同否乎夫勞情  
遊意簡用俊良以圖政理者天子之明也竭  
力致身奠安畿甸以仰答主知者人臣之義  
也公鎮吾邦有成烈矣舉而措之殊勳茂績非  
猶持左券取耶若迺計資序之崇深較遷陟之  
淹速是猶鴻鵠已翔于寥廓而觀者猶在於藪  
澤也非足以知公矣

慎修堂集

卷七

四

贈侍御項漁浦參藩西蜀序

代作

夫豫章產於巖嶺高直聳秀條暢碩茂粹然立  
於千仞之表者和氣之積也氣之既積是有貞  
心勁質棟梁榱桷隨用而適焉君子之志於學  
也致虛守靜直探性命之源者求有諸已也學  
有諸已於是寂足以通感虛足以立有靜足以  
該動而崇卑出入用罔弗臧焉學而匪是之求  
也則肆志於文詞者施於政而勞眩滯心於訓  
詁者措諸事而扞格噫謂君子之學若是耶吾

郡漁浦項君其求諸已者歟君沉靜專一不事  
口耳而必欲以見諸行早奮賢科遂典學于安  
吉進于成均率振起化導力求發所得者施於  
物樞衣之徒咸彬彬然嚮之日章之聲振於京  
師在國學甫三年詔拜侍御史再巡畿甸按  
東藩風裁所加奸宄震悚然持務大體屏煩苛  
尤悉心刑獄審聽平反每曰吾法官豈可令吾  
遇者而寃哉激揚人物巨細允協一時推名侍  
御必曰項君君立中臺且八年頃乃陟西蜀少

慎修堂集

卷七

五

參士論以君望浮于遷也率嘖嘖以為憚既戒  
行君之察某君某君以予舊從臺後且君鄉人  
也徵文以為贈予識項君賢舊矣君與人居言  
訥訥不出口至論道理是非古今事當否則疊  
疊有章確然如石蓋世俗所不能移者迺始而  
典教則潔已履方是小用之而不為屈者也故  
人士尊其訓焉及奮庸秉憲則素履不渝雖大  
用之而不為加者也故貪夫曲士至望風聲先  
去以滅其迹焉君其隨用而臧者矣矧今參省

位崇西蜀地善出素學以臨之吾決其易易也然邇者邊圉孔棘積兵備虞詔徵逋括賦于四方而茶鹽之利責之蜀也獨切麻陽鼠竊已歷歲時兵革餽餉又蜀近膚之剝者亦非向無事時比矣足國用而寬民力今日省臣之先務也項君亦思所以善是者乎夫酌損益之宜以紓公上之急匪智無以燭其幾劑緩急之科以達撫綏之惠匪仁無以致其愛協仁智之施是在項君舉斯心加之耳君自信以道與人也慎修堂集

卷七

六

以義已歷試而徵者今茲之往其必有以成夫吾言也哉

賀封君霍梧岡改封侍御序

國家推恩之典七品而上仕于朝者三載考績得封其父母而外僚雖奏績必聲實茂異薦牘屢騰者始豫之噫得者良艱矣然郎吏不再封內外無並命君子之心恒有不能以直遂焉者故希曠之恩間錫改封之典則所以勵有功而褒異等爾其得之之艱又豈啻十百千萬

已哉孝義梧岡霍翁素淳樸長者迺子思齋君早以制科司刑永平甫三載臺臣論薦章數十上既報政天子嘉之迺賜封翁如子官居無何擢霍君為御史君忠貞夙負慷慨敢言然務持大體不沽詭激名出清戎二浙覈逃絕省勾稽停更互之煩立畫一之則糾正貪贖旌別廉潔時論翕然稱快風聲所及庶士想聞頃還臺敷績天子復錫命示褒君迺疏請改封翁如今職特制允馬翁及太孺人年率甫六袞康

慎修堂集

卷七

七

寧偕老並沐寵靈豸服翟冠光榮罕儷誠汪濊之湛恩褒崇之異典也同鄉國所以為翁賀者而委言於公公惟帝王本人情而錫褒封之典所以勸為臣者之忠也人臣藉國典以酬罔極之恩所以伸為子者之孝也是二者其相須也甚殷而相值者甚不易也故皓首外僚榮不逮親者世之通患然立朝積歲國典不沾者比比有之是雖制以地異心以分拘要亦為之自我者未盡也蓋內績奏矣而必稽之於天官之

籍則愆尤少集者弗與也外績奏矣而尤準之  
以憲臣之薦則名實猶人者弗錄也噫此一命  
之封吾見亦罕矣矧渙汗再頒 龍章改錫是  
豈 皇上之私霍君哉蓋御史之重古昔已然  
我 國朝損益百王委權尤甚夫假之以大柄  
寵之以榮名豈徒使之自有餘而已哉蓋欲其  
以 國家之心為心耳霍君之居是官也直道  
孤忠獨立當世秋霜夏日不可玩狎蓋能勝其  
重矣勝其重於己故能推其榮於親 國家亦

慎修堂集

卷七

八

以君之心為心爾相須殷而相值易豈倖得哉  
雖然改封之請霍君顯親不匱之孝也從君之  
請我 皇上體臣無己之仁也荷天地之殊恩  
遂子臣之至願霍君於此其亦將奚以為報耶  
吾聞之臣道以匪懈為純子職以善養為大往  
君奏節推之績 國家即榮翁以節推矣今君  
奏侍御之績 國家復榮翁以侍御矣繼自今  
霍君之懋績愈不窮則 國家之榮翁者愈無  
盡豈惟今日然哉人不佞尚當執筆為翁頌焉

贈侍御張望峰按東關還 朝序

洪惟我 祖宗神武雄圖定鼎幽薊蓋撫天下  
之吭而拊其背也 淵謀遐筭尤嚴萬世之防  
廼整山堙谷環列塞垣而自山海抵黃花鎮則  
統曰東關所以遠控東夷邇制三衛虜北虜之  
魄而保奠 皇極之尊也又安既久關務漸隳  
天順初始歲遣御史奉 璽書臨之舉關以聽  
焉庚戌秋虜犯畿甸寔自關境入 天子震怒  
于是凡有事于關者選愈加慎越明年望峯張

慎修堂集

卷七

九

君以有聲臺中 特簡往按君慨然曰茲關方  
多故 皇命赫赫某曷敢不虔迺躬抵塞下稽  
險隘嚴斥堠閱軍實較擊技詰姦剔蠹興利振  
頹未旬時營伍壁壘改觀易色將卒偏裨奮迅  
爭先閱歲遂無警事既竣臺長錄其績以 聞  
於是吾晉諸同年欣然過余曰偉哉張君子  
容無言以章其勞耶余惟東關者 京都肩背  
之地也臺臣者 國家耳目之司也耳目司其  
官而後肩背得其養理身之與為國奚異哉世

之高談性命者輒鄙及兵而以知兵稱者率大  
言而寡實用噫其無裨於國均矣自張君之臨  
關也余時時閱邸狀得君諸建請有曰謹關隘  
曰察幾微曰明戰守又有重戍兵以及黜債帥  
諸疏未嘗不撫几而嘆曰嗚呼是切時之藥石  
也張君其無負於茲關矣乎然此特其章章大  
者耳而余不及知者尚多也及聞之邊陲則謂  
君興舉適機宜籌畫殫心力有未易以縷縷盡  
者噫一關之任期月之間而建立已若此君其

慎修堂集

卷七

十

可以對揚 天子之休命矣然吾又聞之養由  
基古之善射者也非以一發破的而得名也王  
良造父之御善矣而豈必以輕車坦道為之後  
先哉茲關之臨君銜 命之一耳繼自今 上  
之寄乎君者當益隆則君之奮於績也當益力  
鴻業勒於旂常休聲垂於不朽是固君之素也  
真尚無負於今茲也哉

賀李

勅封給諫序

昔萬石君以恭敬純行訓於家諸子孫亦如之

孝謹聞乎群國雖齊魯諸儒質行皆自以為不  
及也逮子建慶輩既擢用於是景帝曰石君及  
四子皆二千石人臣尊寵乃集其門號奮為萬  
石君余每讀其書未嘗不慨然遐思夫石氏淳  
謹之風漢室褒異之典皆三代之遺也欲身親  
遊其間而無從焉既舉進士得與榆石默齋李  
君同讀 中秘李君溫潤合私繩趨矩步余心  
甚異之出入恒以為則越明年尊甫 翁就  
養宦邸余往候馬竊視翁其貌凝然而和其言

慎修堂集

卷七

十一

藹然而約其衷坦然而無所營余適知李君之  
善有所自也居無何翁告歸余適以使過榆石  
復往候則見翁仲子力田以養諸孫方茂學為  
邑諸生皆恂恂若訥奉訓無少違出而見邑之  
長老大夫慕翁家行交口譽無間余私心自慶  
曰是與石氏何異哉李君自中秘為給事廷見  
如不能言者至事有可言抗疏極切至再觸禁  
戒不少渝壬子秋君居刑科三年矣太宰最其  
績以 聞 天子嘉之遂推 恩封翁如厥官

制詞亦以淳朴孝謹稱焉不數月 天子三

擢李君至都給事中 湛恩汪濊 天語昭回

噫是與漢之褒異萬石君者又非同耶夫飭躬蹈道善之修於己者也榮名尊寵澤之出自君者也翁之忠厚承家特修其在我者耳豈以為干澤計哉然而繁祉方來有若日升川至焉者噫是可以觀天之道矣蓋善集而慶斯長和鍾而祥斯發是固其氣之相為流通而亦其機之不可遏者猶之江臯河瀕土之沃矣陰陽之所

慎修堂集

卷七

十三

會雨露之所滋而草木夭喬敷暢旁達莫禦焉磽确之區化育雖均而有萌焉亦罕矣天何心哉 君澤之頒一天道之運也自然之感召亦豈翁能預期耶然翁今年甫六十餘強壯若四五十人李君物望方殷諸孫蔚然嗣奮而忠厚一脈疊疊不衰由今視昔翁於石氏余又未知後日孰為上下耶翁既拜 命吾晉諸大夫欲余有言以章翁之榮夫淳龐惻悞翁之素也文奚足為翁重哉然區區欣慶之懷有不能已者

爰敘次之以為贈焉

賀郡侯胡順菴飭兵鴈門序

甲戌春吾郡侯順菴胡公持計上 都亭 天子庶公治平為郡國冠 召對 內廷 面加褒禮 錫宴資金紫以風示多方維時中外臣民罔不踴躍歌頌 聖天子加志下民而旌顯循吏之得人若此其盛也時公僚貳及吾郡士若民則恒念曰 天子旦夕且顯權公吾儕莫由父蒙被循良之澤哉會言官建議諸宜民守

慎修堂集

卷七

十三

長毋亟遷迺胥慶馬公滿三載考部使者察民情之依戴公切也各具疏薦留而公初莅雲中值互市肇興劑量經綸細大悉當勳闕表著於一時開府諸重臣復上書公車欲得公共為理又明年秋校邊少司寇疏言鴈門介大同上郡間地接豐州東勝寔戎馬踐蹂蹊徑區任豈細緩哉今司事者急厥官請特簡宏猷遠覽篤中慷慨者俾為 國家建百世之防 詔擢公按察副使奉 璽書往莅焉遐邇臣民又莫不頌



嘆 聖天子之軫念塞垣簡任憲臣之得人若此其至也郡丞固安王君通府章丘謝君韓城賈君節推廣德李君謂從公郡署踰四秋公啟迪周至豈直親昆弟哉觀道德而奉教令誠不能以須斯遠然者且公為 國家保又我民勞苦而功高既受上賞矣是宜即選筦樞衡奚異也而復治兵邊圉豈所以息勞臣耶公拜手颺言曰至矣哉 聖明權公之心乎在易之師曰君子以容民畜衆比曰建萬國親諸侯

慎修堂集

卷七

十四

夫水不外於地兵不外於民故畜兵必始於容民而親侯所以為民若兵計也師比相承聖人之情見於易矣頃來以材勇擅名稱於疆圉者談天雕龍虛高其言論而於民類草菅視也非反裘負薪見耶三關舊以雲內為藩垣屯卒列守視諸邊未能半自雲內守隳虜技變幻匪茹肆毒率入自夾柳廣武間故鴈門平矧特重云烽舉燧燔憲臣即擐甲乘陴障豈非最要害地乎然兵疲民病非一朝夕積矣撫摩振起悉控

憲臣繫賴焉任艱且鉅矣是非極天下之選可易畀哉胡公莅吾郡功德在人深其宏且遠者未易悉論也乃若省差科簡刑獄揀災舉廢潔已守公以與民休息真若慈母之視赤子然者至椎埋作姦之雄雖豪宗必勅法正刑無所貸故民愛戴公亦罔異其所生夫能和輯其人民必能拊循其吏士能整齊乎庶務必能飭起乎戎機能式遏乎姦兇必能撻伐乎夷虜矣且鴈平者三關之綱領三關者全晉之干城也 天

慎修堂集

卷七

十五

子為三關計深且遠則一郡非所先圖矣今聖德廣被天覆諸夷虜酋稽首來臣貢琛保塞此五帝三王所未有之烈也竊聞道路之言關垣司事類煦燕處忘戒備謀夫戎狄禽獸心願適則順從欲拂則驕逆其天性然也魚貫踵庭請求無已小失其意患可測耶夫驚鳥未擊斂翼閉目若一無所能猛虎未啣垂首緩行若莫勝其體不察者以為實然矣迨見欲而動迅飛奮搏勢若風雷責育之勇曷施哉戎虜無親

情豈是異耶是在明者燭其幾能者扼其吭蚤見而豫謀斯筭之勝也胡公忠誠明哲簡約溫恭不欲以才美自居而茂實英聲流聞海內天子熟公宜於晉之民察於晉之務舊矣因時簡任茲特為之階耳行且付不御之權寄全省之命俾卓異之績再見於仗鉞之時迪師中之吉承 三錫之榮謂非諸大夫之所願欲哉則夫觀道德而奉教令將須吏復至者奚可以茲行為別鴈平為遠耶郡大夫胥欣欣謂為然曰慎修堂集 卷七 十六

是誠可以賀矣

贈邦伯蹇理菴入 覲序

聖天子御極之八年春寔四岳諸牧入 覲期於是吾平陽郡侯蹇公將部所臨州邑長持計上 闕庭郡丞王公以公和衷義篤依依然不忍數月違徵公有言以為贈公惟上計之典人臣敘述其政績以對揚于 天子者也公之政衣被吾人者深且久顧謗陋不文無能揄揚盛美於萬分一敢畧舉其槩可乎吾郡陶唐之舊

都也地陘隘而民貧自上世稱之矣入 國朝以後附見權賦額特重疆域井里不能當全晉十之三而歲賦幾全晉之半石田陶穴勤動終歲年上供未或給率逐什一之利以盈之二三大賈浮游聲譽於南中遂虛被沃名行省所徵需降胡所市易視鄰郡特繁且公族日衍仰食縣官戎伍踐更先期餉餽使輶郵騎趾踵相及民坐是困且部使大僚錯臨于上條教之領人各其指而觀會通以措諸行非郡罔克濟也所慎修堂集 卷七 十七

統三十餘城諸凡釁孽之潛滋訟獄之隱態簿書期會之紛沓有未易指舉者是非有堅貞峻潔之操舍弘博雅之度精明瑩徹之識膚敏諳練之才曷能安集其人 民整齊其紀度舒布其謨猷而使上下信從欣慕愛戴之無已耶若吾蹇公迺真其人矣公尊甫文翁往以憲臣謫貳河中愷悌宜民仁聞溢乎郡境蒲民思之若一日也繼而公以守禮忤要人自東臬謫知平定復以周爰咨諏遍歷并冀嗣盛美焉郡人習公

仁聲非一朝夕矣丙子秋 天子為河東擇賢  
守乃自皖城起擢莅焉郡之人室家胥慶以適  
所願望也公至首延見吏民間知閭里所疾苦  
乃下教曰守令之立胡為乎哉要在植生民之  
命脉以培國家之元氣耳今民困之未舒非吏  
治之未飭也吾茲與諸吏約其毋溺時習務以  
古昔自期乎乃輯三事錄刻以式曰弗茲勉者  
非吾屬也旬朔詣學官進博士弟子宣布詔令  
講說經義務在力行孝弟令百姓嚮化復為之

慎修堂集

卷七

十八

大起館舍考校文藝俾時進其業宗人好學修  
禮者錄預髦俊以獎誘之特道違訓則勅法無  
所縱其臨戎伍懲勸意亦若茲要在俾之遷善  
遠罪而已又汰里社之供裁郵置之濫時徵輸  
之令慎出納之平正豪橫之辜嚴奸慝之詰除  
獄市之擾裁燕享之宜肅汰僭之禁諸可以培  
乎國植乎民者忘其身之勞而悉力以為之更  
僕未易竟也晨興坐堂皇所部上冊牘及求平  
訟牒盈積几案庭下待訊決者千百其指公從

容裁判悉協其機宜片言折斷犁然當乎衆志  
老胥宿猾歛手莫敢舞其文三十餘城之吏若  
民奉章程信紀度若公日臨于上而罔敢有縱  
心士胥奮其學而興于行民從而趨之細民安  
于田里而供賦不違郵卒嬉然以居而暴客不  
警奸豪屏迹而獄市清寧征歛有章而流移未  
復民志有定而儀則不渝郡人忻悅而戴公詎  
直赤子之於慈母已哉良由公秉清修之節蹈  
羔羊之義一切世紛嶮然無所染議道自己而

慎修堂集

卷七

十九

示式於民雅度淵猷宏才卓識無舉而並茂者  
又精力能推行之故凡所規畫白于上上之人  
悅而從有所興舉施于下下之民孚而化非公  
之忠信光明心誠信于上下而能然耶是歲夏  
秋交久不雨禾稿而民嗷嗷若無以自存公徒  
步遍禱於羣祀乃澍雨優渥禾盡起民胥以生  
是公之誠天且不違矣而況於人乎是宜王公  
之不忍別公於數月也今 天子聖神眷注循  
牧觀典告成必旌茂異治平為天下第一允惟

蹇公矣面恩褒禮進秩 賜金即須更事者尚  
式過其來以副王公之念以慰部人之思哉

僉憲丘豐臺遺愛祠序

東郡豐臺丘公以嘉靖丙寅夏奉 鹽書按察  
河東甫數月風猷震溢紀度昭宣百司之吏祇  
慎章程四境之民安居田里所部郡邑數十餘  
秩乎有章矣茂實英聲洋溢遐邇於是銓卿薦  
公可參伯中州部之人聞之咸皇皇然若無以  
自存者其父兄率相與告其子弟曰誰使我休

慎修堂集

卷七

二十

養而生息者秋毫非丘公力乎今 天子將大  
用公且奪而之他不獲朝夕瞻望公顏色夫公  
之恩在吾人之心不能忘而後於吾者想聞公  
之風采不能即其奚以為慰廼相率構新祠祀  
公像於中以寄無窮之思焉學士大夫則又相  
告語曰公之惠漸漬於吾人深且久猶膏澤之  
潤物不聞其聲也和氣之襲人不見其形也衣  
被而薰陶之者固充然各適其分矣遠而未獲  
親炙之者寧能擬其形似耶於是各播之聲詩

雍容乎大篇謹嚴乎短律雖言人人殊要以微  
顯闡幽章無窮之澤焉既彙萃成編公得而編  
觀之乃颺言曰猗與丘公得民之深若是哉以  
耳目所睹記蓋卓乎不可尚已然公之治吾晉  
也貞教明刑昭憲章軌廣視遠聽糾察從違黜  
貪殘之吏刑猾黠之胥戮推埋之姦遏刁誣之  
訟挫豪俠之雄威著職修不遺餘力固非施姑  
息之政布煦嫗之恩以違道干民者而民心附  
誠戴之若此謂非適感愛之宜耶夫 國家樹

慎修堂集

卷七

主

廉察之臣秉刑憲之重所以除暴亂律匪彝俾  
民各遂其生也而姑息而嫗煦則樹官之意左  
矣故曰威克厥愛允濟愛克厥威允罔功民之  
戴公謂無自哉然公之威亦豈屬聲色峻科條  
繁刑戮之謂耶公修身潔已砥節奉公嚴冰蘖  
之操蹈羔羊之義於一切貨利儻然無所染其  
植之本者端矣由是或弛或張不爽其則用威  
用愛舉協于中懸難犯之防闢易避之路故貪  
殘黜則黎庶安矣猾黠刑則法紀正矣推埋戮

則良善生矣刀誣息則風俗厚矣豪俠權則政  
教一矣類聚羣分各得其所雖然而樂生者油  
然而感德者也是豈聲音笑貌為哉傳稱威德  
必百世祀公誠其人矣然公前以臺察按燕趙  
值歲大饑發粟賑給全活數十萬人嗣持憲飭  
兵上郡拊循將吏與士卒同苦甘二地之人至  
今家祀而戶祝之公及人之澤蓋非一朝一夕  
為然矣夫心之精蘊口不能言也德之微妙文  
不能盡也然則公治績之弘多德惠之廣博豈

慎修堂集

卷七

二十五

文詞所能殫述哉特著其萬一云爾

胡順菴郡侯循良 寵異序

公讀史至班馬氏作列傳於東里南陽諸君子  
備述其化民之績遇主之榮矣而名命以循釋  
者曰循順也上順天道下順民心也未嘗不嘆  
其稱名取類之有味焉夫吏治以強幹精悍樹  
聲稱者往牒比比也二氏捐而不錄所重乃若  
茲是非所謂豈以善教弟以悅安斯有父之尊  
母之親之謂哉乃今躬親吾郡侯順菴胡公宜

民之殊績 聖天子表循之 渥恩益信二氏  
之言遠而有徵焉胡公之莅吾郡自雲中以治  
劇遷也初互市方興戎情叵測 先皇擢公往  
為守公防禦周嚴犒賚優渥羣夷胥畏胥悅及  
其冬邊陲益無事銓鏡大臣以吾郡地廣政殷  
得公斯可為理特疏薦于 上詔允之癸酉春  
公莅郡先為條教置父老令長班行於民務在  
導以興善不專尚嚴肅而適寬猛之宜溫良惠  
愛虞議當於人心士民忻戴誠若其所生是年

慎修堂集

卷七

三

冬公以 觀典將戒行士民依依戀不欲頃  
刻違公解之曰 皇上方嘉惠黎元敷求循牧  
必簡其茂異尊顯而寵綏之以示吏師公政善  
民安章焯若此 巽命下施公必首錄銓宰列  
其徽音悼史紀為準的豈非吾郡千百世之光  
榮吾儕億萬心之忻快哉明年春

上既朝會萬邦果 詔司事諸臣甄鑒政迹殊  
絕令名顯著之臣以表異焉司事諸臣果首以  
公名實上聞 聖心嘉悅晉接 內廷 綸綍

褒嘉金緋蕃錫羣心感奮萬口懽傳誠昭代肇  
行之曠典賢侯異政之奇逢而又吾郡自有牧  
伯以來未有之大烈也士庶聞之率欣欣相告  
北向稽首曰 聖天子明燭萬方先得吾民之  
同然若此哉懽懽踴躍樂莫可已率形之篇什  
繪之丹青復咸向公曰子昔之言既有明徵矣  
曷序諸公聞之傳曰天聰明自我民聰明天明  
畏自我民明威夫天者理也大君者所以承天  
也天生蒸民不能自治迺作之君所以助天之

慎修堂集

卷七

七

道也君不能獨治而樹之岳牧守長所以順承  
天命而體民之情也民心悅斯天意得而君寵  
方來矣 今上銳意治功 恩澤詔書屢下而  
吏罕奉宣胡公獨夙夜匪懈敷布 皇德以便  
利細民悉不有其躬而為之和氣流通歲屢豐  
給邑無轉徙田里樂其生夫時和歲給順天道  
之徵也田里皆安順民情之致也公之順治雖  
二氏所紀曷以加焉是宜見知 明主表示四  
方若此其盛哉夫察吏治者觀乎民情察民情

者觀其誦咏吾人之誦咏乎公者雖體調殊行  
工妍異致然美不踰情頌非涉誕要以嗚乎心  
之愛耳非膏澤入人之深能底是哉古昔有采  
詩之官周爰咨諏所以觀民風別淳偽興治道  
一教化也誠采茲誦咏陳而觀之不益以明今  
日表異之得真賢耶抑又聞漢宣綜覈名實二  
千石有治理效輒璽書褒寵增秩賜金公卿位  
虛則選用諸所表今 天子神聖遠邁漢宣胡  
公循良有光漢吏然則 簡在樞衡以衍 國

慎修堂集

卷七

五

家無疆之慶者匪旦伊夕矣吾儕士民又安能  
無懼乎

賀方伯楊晉江入閩序

夫廉靖端方之士特立獨行適於義而已故懼  
以寵祿遺其親也而辭榮晦處之志高聖哲尚  
賢之君思以恬退化天下也故俊宅之迪知而  
培植登崇之恩至適於義者分守明而信道篤  
者也豈以為榮進干哉然欲抑躁競崇本實者  
獎進必先焉蓋章之而示人知所趨崇之而示

人知所企耳昔漢舉孝廉議者謂為近古夫厲  
廉陽孝父母士修於家耳視於政治緩也然君  
舉而加諸上位斯民行由興士風由厚其機不  
可禦焉中世之士以官為家未得也若狂而奔  
之既得則惴惴然虞舍已去矣盱豫冥升流而  
不返甚或以術求濟以力求高方日栩栩然快  
也於此而有厲廉靖之節求性分之真不逐利  
以違親不絕俗以樹譽之臣焉寧非聖主獎進  
之必先者耶吳門胥江楊公早舉進士為司寇

慎修堂集

卷七

三

郎歷持憲湖湘晉大叅廣右駸駸通顯矣乃以  
太夫人春秋高不能晨夕奉顏色疏乞歸養  
天子嘉而允之閱八年 詔以舊秩起莅西江  
未一月擢總中州憲又八月擢右轄閩中藩臬  
諸大夫儼然造公賀咸向公曰公起自家居一  
歲中三遷至秩二品人臣榮遇若斯速者見亦  
罕矣子容無言以贊盛美乎然子方私致念於  
公行而亦未以是為公賀也乃復諸大夫曰遵  
會秉權策功敷澤公誠由此達矣然謂公速則

非也公往荐歷中外積資已崇勳閥已茂乃脫  
然歸舊山躬耕而養若將終身然輿望在人如  
翔鳳冥鴻可仰而不可狎以玩惟恐公之不肩  
於行也今茲之擢於予心猶以為淹矣奚速云  
公嘗竊識視公坦夷洞達退然不勝衣與人語  
恂恂然如恐傷之明習法比折獄不務盡人之  
情曰慮絕其生也曠覽深識巨細有章日嘿然  
不自見端方廉靖之節豈惟施於進退間哉自  
公來公方以得師自慶蓋每私謂公抑畏周密

慎修堂集

卷七

三

之動可以砥疎頑和平光大之哀可以正邪慝  
至其秉執之安定器度之淵涵又使人日油油  
化而不自知者顧相從未甚久載道而南何能  
為懷耶然公辭榮就養恬退之美彰  
天子拔擢寵綏揚善之恩渥風聲所被鼓舞盡  
神天下之士有不淳然以興者乎易行移風不  
疾而速蓋於茲行卜之矣請以是賀焉

賀憲使劉驪峰飭兵井陘序

隆慶壬申驪峰劉公治吾河東之再期也政威

澤善士若民熙熙然樂其生至冬十一月合向  
在青齊時日滿三載將以其績敷奏於朝闕  
郡聞之惟恐旦夕違遠公迺胥以情陳於監司  
監司白於臺臣臺臣遂為疏奏請增秩留公  
以保我民章無上天子適以是月擢公為晉  
臬憲副治兵防守龍固諸關郡之人皇皇然若  
奪其所依顧帝命不可違欲致其願借之衷  
無從也時余邑令徐侯實志同德一於公相資  
以嘉惠予邑尤不欲違遠公者迺過公曰今西

慎修堂集

卷七

天

藩稱雄郡必首曰河東然民之困且勞亦莫河  
東若也川原磽确而科賦特多邑里流移而徵  
輸愈急且三關吏士之需公族恒祿之給燕雲  
薊朔屯戍之轉輸省符督促後先皆至也而午  
道往來之使廚傳供億之煩日無休息時臺察  
監司復錯臨於境內日規規以所治期會相稽  
是非有遐覽燭微之哲刃迎縷解之才恢廓有  
容之度堅貞不拔之操詎能緒成其政理安輯  
其人民哉劉公清約居身而繁費悉省徵發有

序而調劑適宜上交則儀矩罔愆而敷執莫可  
少奪與下則提接周至而民事必課其修主之  
以孚誠施之以易直公之惠於民者遠民之戴  
乎公者深矣頃當事者咸謂宜晉藩叅之位縮  
郡國之符以終福晉民方喁喁然俟也今迺陟  
以井陘毋亦廟朝之議薄河東耶公曰君子之  
乘時而樹績也不拘滯於方隅朝宁之簡拔乎  
英賢也必先於慎固乎圻甸我國家定鼎薊  
門皇極尊居而太行諸山西繞蓋右肱也撫

慎修堂集

卷七

无

臣建節於鎮州戎帥駐師於保定配天象地覆  
露萬民非所以立萬世之規模乎土木潰圍而  
倒馬斯重太原再警而固關增修非所以扼一  
時之樞要乎是皆有形之固繫於地者也而又  
敷求豪俊之士不二心之臣畀以管鑰寄以戎  
機俾申畫其疆域和輯其士民以屹為巨防敵  
雖窺不可入雖侵莫可犯是則無形之固存乎  
人者也自憲臣飭兵於關三十年矣虜雖跳梁  
山後竟沮叩關狂謀邊塵不警而鎮定之民不



知言兵事焉得失之計不昭然可觀哉迺者雲  
朔帥臣奉 天子之明詔賴 社稷之神靈拊  
循其士伍砥厲其綱維懷服諸首稽首獻琛來  
王者恐後是豈一朝一夕之致哉雖三五載籍  
以來希遘罕覩也猗與盛矣然竊觀 廟朝之  
上帷幄籌謨鼎鉉石畫悉總總然為不見之圖  
若不能須斯自寧者蓋豺虎未噬不可以言仁  
鷓鴣未鳴不可以言瑞彼其潛邪伏慝特匿而  
未形曷嘗俄頃忘哉要在智者識其微而亟制

慎修堂集

卷七

三

之耳桑土徹於未陰衣和戒於終日自昔純臣  
憂國固莫不為先事之計也夫計切於先圖則  
簡賢尤急務矣然所貴乎賢者必先察情偽向  
背之隱有以燭天下之幾而後酌予奪緩急之  
宜可以成天下之務要之忠信不欺其主本也  
近世以材略聞者談天雕龍策若兵甲富於胸  
中及稍試諸用聞鞀鼓而色變閱羽檄而倒持  
虜塵望及逸策先馳矣彼其肆言不忌而忍於  
自欺若此者誠信心亡也劉公在吾郡無飾貌

無誕詞無詭行恂恂惇大不矯強以狗時親薰  
而炙者莫不醉心焉由公中心誠實自信於人  
人也舉是而措之邊關真誠昭格雖異類感乎  
謂偏裨將校有不協力一心者乎謂支兵騎士  
有不感恩思奮者乎謂旗旌壁壘有不生色改  
觀者乎乎信悅於三軍則威聲震於殊俗審幾  
制變天下之務成矣蓋守固藩籬則郊圻底定  
郊圻底定則 京邑尊安是非千百世之計  
宗社之功哉夫得英賢以安宗社者大臣體國

慎修堂集

卷七

三

之遠猷也摠忠赤以蕃王國者哲士揀時之偉  
績也 九重鎖鑰之任重則一郡惠德之計非  
所先當軸之薦公真知人哉徐侯曰茲言良然  
予疑可釋矣時侯及環郡諸邑侯方徵言賀公  
遂敘次之以就正焉

贈同年朱一槐憲伯之遼東序

燕趙古稱多慷慨悲歌之士其土風誠然也我  
國家宅中定鼎文教淪浹於是長才大器其  
出獨盛五方焉予同年一槐朱君本趙人以尺

籍居都亭早舉明經魁于鄉有司錄其文以式予時得而讀之淵淵而有源浩浩而莫可涖也既舉進士日與居見其氣甚和禮甚度其中甚夷無城府與之較量古今諸大計若河流東注沛然而不可禦若星羅碁列井然而莫可紊也噫謂長才大器非耶既主戶曹政大司徒倚重特甚遂奉 詔督齊梁二省通租租集而民不病再監轉運罔敢後期者會上谷屢以供饋不給聞廷議欲得人主計事遂陟正郎以往時三

慎修堂集

卷七

三

軍嗷嗷然饑也君便宜發賑羣情翕然既迺整儲峙縮贏費祛宿蠹戢貪漁且操持峻潔一介無所苟商民大便之又明年 天子擢君按察僉事飭兵東遼 制既下或曰朱君積資已深茲擢也將無卑之耶或曰上谷屢不登民罔攸寧自得朱君若赤子之遇慈母也茲奪其所依將無非宜耶予曰不然也夫用人者急于大不泥于細用世者貴于全不局于偏朱君之在上谷雖訂謨奮績然特會計一司耳若觀察之任

則奉 璽書而作耳目舉一方之事罔非其所當察者故察將吏之賢否而進退焉察兵民之休戚而施罷焉察卒伍之虛實而簡練焉察財賦之盈縮而劑量焉察獄訟之曲直輕重而出入死生焉其政繁其責重非有大過人之才未易稱也矧遼陽負山阻海控制殊方寔惟東土雄服今兀良竊覘黠虜外窺民夷錯居戎戍莠列而無郡邑之司罕文儒之吏然則持憲之臣弟有才詘如朱君者其克舉之哉 上之知

慎修堂集

卷七

三

君也深故任之也重自西而移之東者欲歷試諸邊以究厥施耳資之深淺固非所泥而一善之名亦豈君之所以自効者哉夫騁險阨而罔蹶者良驥之能也過盤錯而自別者利器之用也君行矣其以予言為然否耶

贈參軍劉中軒辭榮高尚序

自昔有天下者必修文以經邦振武以威遠列之官師條之綱紀相維相濟而不敢或偏者何哉蓋文失則禮乖武廢則威靡其道固相須也

我 聖祖以神武復寰區 齋畫神猷坐燭遐  
 逝於凡要區邊圉武衛星羅即 命諸功臣為  
 守帥簡文士為幕賓所以講法紀而贊戎機也  
 經緯錯綜文武具舉噫遠矣哉治安既久戎務  
 漸殊紈綺世臨或縱或靡其能講求 祖宗之  
 故者鮮矣幕賓徒束手具文書雖才且賢豈能  
 舉其職哉有志之士至不欲為焉是豈制官之  
 意耶予友中軒劉君朴雅溫文志甚卓越早入  
 太學與諸名彥遊籍籍有聲頃就天曹試文在  
 慎修堂集 卷七 三五

雖千駟萬鍾可一朝居哉頃世之士類以官為  
 家其未得也跋而望之其既得也疾而趨之皓  
 首窮年委瑣俯仰驅之有莫去者疇一念及  
 祖制之遺官師之守而求以盡之耶君春秋強  
 盛才識淵宏試一往焉未必不起救而改絃也  
 雖養上升階亦可逆計者乃獨惴惴然以弗克  
 舉職是憂忻忻然以克釋去職是樂豈不真知  
 去就大丈夫哉吾郡多佳山水君歸矣約友探  
 奇優游吟嘯俾鄉之人稱曰若人也其不願榮  
 慎修堂集 卷七 三五

慎修堂集卷之七



慎修堂集卷之八

河汾立序 益著

序

賀中丞鄭葵山督撫畿南序

國制以經義設科蓋崇正悖本求真才也二百  
年來英儒碩輔濟濟後先矣然徒持文墨者適  
用或迂議者遂謂環奇博大之士非科目所能  
盡噫豈其然哉往歲庚戌余守官史局廼蒲陽  
葵山鄭公以叅知需次都亭公於鄉為先輩成

慎修堂集

卷八

一

德亟造請焉則見公之學甚博於經義甚精與  
之論古今政理興衰人物臧否天朝令甲儀章  
變通損益四方阨塞戶口兵食消息盈虛率燦  
然若在目中犁然若指諸掌也適虜警薊北烽  
火徹近關縉紳士咸曰安得鄭公持節郊圻奮  
其石畫以滅匈奴耶銓司循舊貫復公于滇南  
久次乃正拜大方伯于汴明年余以典學至是  
邦又見公損無益之費弛不急之征叅伍出入  
劑調後先而時其政令故民弗厲而賦罔遁中

州之人甚宜之居無何

天子擢公為都御史督紮荆諸關撫畿南六郡  
制既下汴之文武大吏莫不欣欣然慶也夫自  
庚戌距今六禩矣衆願自昔者乃竟符之謂非  
公聞望入人之深 朝廷因地任人之審哉夫  
握符分鎮身佩安危撫巡之重夫固海內均也  
人知之矣然地連數千里而亭障戍守橫亘六  
百里餘醜虜匪茹袒伺隼發往時以雲內為外  
藩也今北擁 宸居不盈數舍兵食餽餉然以

慎修堂集

卷八

一

不給虞燕趙之士古稱多慷慨悲歌今公私無  
蓋藏椎埋剽竊之雄在在而然每省符徵發必  
先及之川途四達舟車出於塗者鱗次櫛比民  
力箕歛極矣日猶不足焉往時連帥或慨然思  
欲振剔而更張之議即紛然以起噫是非得環  
奇博大風采繫衆心者勝之耶公駁歷中外三  
十年所至稱治巨細遐邇之務靡不有成畫於  
胸中利達紛華漠然無所動聲實所加僻壤老  
羸思見德化之及他日畿輔利病以次罷行隱

然為西南鎖鑰者謂不在茲行耶繼是而入叅  
帷幄筦漚機德日益顯則業日益弘經學得人  
之盛不滋昭焯於天下哉詩曰文武吉甫萬邦  
為憲余不佞請頌以俟焉

賀少司寇潘筮江應召還朝序

御史大夫筮江潘公以鈇鉞鎮河南之明年  
天子召公為少司寇將戒行藩臬長貳及戎閫  
之帥莫不憮然曰頃歲中州多故大政更張庶  
務紛糾蓋未易為理也自公未熙載奏功而聲

慎修堂集

卷八

三

色不動吾儕得仰手受成算焉今入輔

天子諸司其奚所師資守長丞尉下逮百執事  
亦莫不愀然曰公雖御我嚴然自公未寔得以  
寡過矣豫之士若民率曰使我得安於田里而  
無嘆息愁恨之聲者以公也今奈何當弃我去  
耶胥瞿如怒如而皇皇如謀所以留行而無從  
焉藩臬諸君謂公曰得民之艱古有是言矣豫  
民愛戴公今若此子能求其故耶公曰孔子不  
云乎斯民也三代之所以直道而行也民心豈

古今異哉公束髮就學則聞海內有筮江先生  
矣習舉子業則得公所為文讀之迨通朝籍乃  
得公大業盛德於人去秋入汴觀道德於前  
後聽教言於左右又期月矣竊見公忠誠鎮定  
性植自天非有纖毫人偽之雜者居處清約無  
束帛之交廚傳之享為民導利祛害惟恐不及  
修教化重文學又精力能推行之戢強除暴負  
惡者凜凜然若公日臨其上而不敢肆其非豈  
徒以惠為政哉然忠誠固信於民也與人恭而

慎修堂集

卷八

四

有度對官屬言如恐傷之聞人之善稱揚若已  
有否者懲治禁劊必悛乃休又甚者逐馬類不  
違道以為悅然忠誠固信於士大夫也且公自  
釋褐守于祁補于鈞即視民事如家百姓懷愛  
莫有欺犯歲辛卯校文茲藩崇雅黜浮甄錄盡  
中州英俊諸生化之迄今嚮風去年徽庶人變  
告衆心詢詢公已蚤識而預待復咨詢籌畫推  
審劑調罪人得而大變底寧南北軍興徵發並  
至從容接應民若無所聞又為省夫里之供肅

郵驛之擾節地利雪冤獄凡有裨益於民與國者為之力靡遺然此特其章明較著者誠不知古君子何如也昔召公敷政南國國人思其德至愛其所息之樹焉公三莅茲邦布恩德於民專且久矣今見公之違而止其係戀愛戴之誠是非直道之出於天者耶或謂世遠民漓豈其然哉然公入筦樞軸寔司天下之平德澤之加又不特中州已矣故被公之澤專且久也公既為中州慶茲見公之道將大行也又為天下慶

慎修堂集

卷八

五

贈憲使劉洪湫之東廣序

代作

余讀易至同人曰于野亨利涉大川矣而必曰利君子貞孔子釋五爻之同心也乃曰臭如蘭而利斷金焉未嘗不嘆有味哉其言之也夫從王事而欲堅駿功曷能不資同于人哉顧獲乎心之同者恒艱也駢肩聯事則宜協力一心胡然而同之艱耶利祿炫於前則欲後人而先已聲稱鼓於外則欲揚己而抑人禍患隱於方來則欲擠人而潔己是雖日圖惟於共席容與於

一堂而其中之所之已燕越懸異矣奚其同然是特庸衆意忌之私耳若夫修正忠亮之君子心遊乎道術迹忘乎人已官守或異而盡忠以事主則同任職或分而施政以宜民則同時地或殊而所以節適而緒正之者則無不同蓋志存于報主圖匪以便身是之謂于野之貞是之謂同心之益也若今洪湫劉公乃誠其人哉余質任真慙時調寡諧然求益於同心猶飢渴於食飲也往居臺中歲庚午奉命按江北時頻

慎修堂集

卷八

六

年苦河溢穀復不登轉徙盈途寇賊竊發目觸心憂若疾痛在躬也適公以憲使飭兵于彭城予所按過半為公分部公履正守廉謹身率屬日孜孜于政疵民瘼是圖復疏濬以導川發廩以賑乏覃惠以安土詰兵以戢奸凡可以裨于國者悉忘其身而為之夫臬臣之于臺使類以形迹拘維盡誠相與者罕也而公於余所當按者言必由衷事各底于理因得以受成焉居無何公以艱歸歸既再時河塞運道遂

稷 詔按諸司事者如近令言官乃波及公然  
實無秋毫涉也 制下貶秩一階公怡然無少  
動甲戌秋公起家西晉叅伯分守河東是歲十  
二月余自東藩遷晉臬適巡茲邦得復與公共  
事焉夫省臬任分而位敵恒相軌是虞而公開  
誠教翼不啻手足若然蓋公修學弘道易直先  
明望之可知為君子世俗岐人已而異視之念  
纖芥不存余心誠愛慕言莫能宣而公每露天  
真相啟發惓惓欲同歸于道術毋亦氣味真同

慎修堂集

卷八

七

耶共事四月餘相過從輒議語移日論官施政  
罔或背而馳余深用以自慶焉乃者 天子擢  
公為東廣憲使公凝然不色喜予悵惘匪寧累  
旬日誠念夫獲同心之艱而不能無介然於違  
同心之異也然今天下稱無事獨東廣山海諸  
盜時出沒度掠為 當宁南顧憂項 朝議謂  
靖寇輯民宜監司焉責故當事者簡求時彥特  
於公委重焉蓋公心誠信于士大夫也久而訐  
謨茂實復章焯於四方乃畀鉅投艱茲兆其先

耳豈恒格遷陟同哉夫東廣之盜此滅彼生蔓  
延而未即剋絕者原其禍之始必有機增設大  
吏專闡命師閱歷時日而救寧未奏者要其功  
之成必有本握其機則盜斯平正其本則功斯  
建然功之建豈難哉可與共功者難耳同人之  
傳又曰文明以健中正而應君子正也惟君子  
為能通天下之志公之心所以信於人人者非  
是道乎夫能通天下之志者斯能成天下之務  
公於盜之機功之本灼見成畫非一朝夕具矣

慎修堂集

卷八

八

茲行也蓋無不可樹之功亦無不可與共功之  
人所謂于野之亨涉川之利行於公徵之矣豈  
非東廣今茲之大慶哉

贈郡丞王南洲入 覲序

聖天子御宇之五年春寔四岳羣牧入 覲期  
于是吾平陽郡侯南洲王公將部諸州邑長尉  
持計上 闕廷吾郡若士若民依然戴公如  
怙恃非一朝夕矣及是時胥皇皇然不欲公之  
遠我民而戒途也然簡書期會義莫可稽迺僉

欲公有言以發其情焉公竊聞公初守州遼左  
治所倚塞垣下戎伍錯居紀度疏闊往守率剴  
廉隅相容悅公馭歸附以恩律戎師以義破積  
習之陋倡禮教之風塞外改觀焉邊圉寡文吏  
督撫重臣部使者廉公行能殊異全遼之政悉  
以取裁公於山川之險易庾藏之虛盈夷情之  
順逆戎務之機宜士伍之勇怯莫不遐究周咨  
若燭照而數計也凡所規條緒正犁然當上下  
心諸使者交上公治行聲績滿于公車未三載

慎修堂集

卷八

九

晉貳吾郡蓋殊擢云公莅郡職清戎籍適邊臣  
以清戎為至計伍符尺籍旁午於道途部使者  
取辦致期如恐弗及公熟知閭里煩困坐而流  
移者多也躬親檢覈探討本原省重複之擾正  
虛濫之刑民大相慶如更生使者始疑梗已終  
迺知為便民也遂移檄禮異公公賢聲日以益  
熾總撫巡察諸憲臣及省臬長貳益習知公賢  
胥取全晉之政鉅且艱者咸裁成於公周履疆  
域登陟陴障下迨僻邑窮鄉無不再三至者核

邊飭備視遼左倍蓰而稽土田定科則簡征稅  
正徭役省冗濫之費立郵驛之規心煩於慮身  
親其勞者殆十百千萬然公劑量高卑裒益多  
寡務在與時休息使民宜之而已不詭激以賈  
聲稱不和同以悅眾口也再視郡章修身潔已  
砥節首公絕境外之交無宴游之適羔羊素絲  
之化上下信焉與細民言恂恂然若恐有傷蒙  
宗鉅惡梗吾治者必勅法無少貸夜寐夙興聽  
斷罔倦苟可以便于民至忘其勞而為之是宜

慎修堂集

卷八

十

吾民之愛戴公若此也蓋公之學誠故其行確  
其政實故其民宜行確則物無不動民宜則道  
乃大行自昔良臣循吏所以布膏澤於當時垂  
聲光於來祀者庸非共由是道哉公合章備美  
退然若不勝衣而聲實表著乃至是語曰桃李  
不言下自成蹊謂非其誠信於人耶世或高張  
其詞說責飾其施為初即之似亦粲然悅目也  
徐而考之背且駢者遠矣謂有能動耶公以辛  
未秋莅是邦三載政成臺臣各疏奏留以保我



民會久任議興迺未即崇陟茲已踰五祀吾民  
被恩德無量矣今 天子聖神銳意於治平游  
心於政理 簡求循牧嘉惠蒸黎頃歲聲旌茂  
異諸賢旋悉擢列通顯德意所感寰海欣然  
嚮風厲世徽猷得賢偉烈于千古有光矣今王  
公仁聲孚惠固結于人心者深且久先後持節  
詣憲臣薦列善狀章已十餘上一時吏治之盛  
疇能或公先哉 綸綍再頒循良表異必王公  
首錄矣 面恩褒禮進秩賜金俾式邁其來以  
慎修堂集 卷八 十一

賀太平邑侯羅槐堂諸臺褒異序

夫良金美玉蘊於山川之幽而能褒然寶重於  
世者以知者拔而得之也金藏於鑛玉隱於璞  
曷嘗表暴於外哉然而精純粹澤之氣其輝自  
燦然章焯而莫可遏追師治工望其色象識其  
精華汲汲然發幽光而攻且鍊焉非以其資世  
之用而利之耶材臣良吏之有益於人國豈特

連城百鍊已哉彼其殫勞僻邑祇職奉公非有  
臺臣部使之英禮異而表揚之則其嘉聲茂實  
亦豈能自達于 天子之廷耶若今太平邑侯  
槐堂羅公者非所謂其暉燁然而莫可遏者乎  
太平去吾郡百里而近在汾之西非三晉午道  
吾外舅氏世族聚焉少時往來甥館甚習其土  
風地多黑墳齊民多蓋藏其父老時時以酒食  
相聚會子弟雖班白就養左右侍無怠容類尚  
然諾重意氣即片言不當於心破產奮身無所  
慎修堂集 卷八 十二

避下至里閭細民亦于于然自適若無俯仰憂  
者比予行役來歸復履舊遊人民多易景色頓  
殊饑饉荐罹而役日益繁賦日益急馳突叫囂  
之吏相望於村墟昔以貲雄者亦倂倂然若無  
以自存豪邁向往之氣不知其亡也予駭而疑  
之嘉靖乙丑槐堂羅公來令焉至則導王澤敷  
德政潔身履正作士卹民躬省約禁浮靡戒遊  
惰撫流移凡民之繼後於公宰之橫賦於民者  
一切罷之法網稀疎與民休息而又酌催科之

宜省追呼之擾徵發有恒民不見吏父老子弟  
交相告語曰值歲雖荒幸吾賢令施惠政一邑  
始獲寧居蓋復若子少時所見焉甫數月督撫  
左司馬萬公錄其美移檄河東表異之未幾巡  
察侍御王公復下檄示褒其美詞尤盛於是邑  
簿張君如撫巡將造羅公稱賀乃謁余曰邑  
有賢長某輩幸藉以寡過者也今為當路所知  
願子有言以揄揚之余諾焉然以病未能也居  
無何余外兄盧生子直暨其姪汝亮其姻李

慎修堂集

卷八

十三

復申張君意過余曰邑有賢侯吾士所資以  
學吾民所賴以生者也頃臺劉公計部王公  
又各以褒書至雖言人人殊要皆以章吾侯政  
迹之茂異而俾令名顯聞也須子紀其事又矣  
請毋緩余聞而颺言曰向也吾見太平之民安  
於膏固心識羅公之賢矣乃今聞四君言愈信  
羅公之賢不可及也夫世之為政者飾智或可  
以援上矣而士民則怨咨也違道或可以愚民  
矣而朋僚則嫉忌也和同或可以為悅矣而上

下則見疑也彼其初豈不以為是三者足以要  
能鈞利哉然其終乃不可揜如此今羅公之賢  
不惟上之人知之而下之人無不愛且悅焉不  
惟邑之佐信之而鄰之民亦無不信且慕焉者  
何哉亦其植之本者固耳蓋身端則政理自修  
誠積則豚魚可感茲其暉可過耶公特勵其在  
我者耳奚期於諸使者之禮異也哉然公歌鹿  
鳴而來此初試其為政也而臺臣部使已表揚  
者四五若此嗣是時益久則政益章所以褒寵

慎修堂集

卷八

十四

而薦進之者豈惟是哉丕績上聞 璽書召入  
陟臺諫筦樞機所資以為世用者豈特澤被一  
邑而已耶 徵命且下吾恐不能久借於汾水  
之西也

送參伯劉吾南之閩中序

夫閩中被倭警蓋踰七年矣迺者守臣以獨獮  
孔棘聞 天子深念之遂更正諸大僚令求修  
正瑰璋之士往代其任所司以如 詔者名上  
天子簡閩中大參二華譚公為殿中丞督諸

軍平倭逆擢吾南劉公為大叅劉公時以按察副使莅東藩主治置傳尺籍河防諸鉅務東藩直天下大遠水浮陸走帆楫輪蹄往來相禪無休已時其費率取給於民民坐是困傳政亦以叅號難理公搜剔宿蠹節適人力督通賦時給予薄正而躬稽之橫使苛求禁戢無所貸由是舟車適四方者罔滯留民漸蘇息前後言治驛者莫及焉公吉之安成人也吉自昔為文獻邦我 明治教隆洽人文化成五六大儒一時並

慎修堂集

卷八

十五

出承道德之緒闢仁義之途至盟斯世蔚為學者宗公周遊諸先生之門炙其言議會其指歸反之身心蓋充然其有得也故始以進士高等知武定州徵為司空郎筦新政于易水率有功德可稱述繼守建時七閩皆苦倭患惟建獨晏然其扞蔽拊循要東功緒即今昭昭在人耳目頃 朝議屬公固曰資宜亦以守建聲烈也制既下東國省臬諸大夫及戎帥凡十有四人儼然造焉賀畢因進曰閩為公昔所莅閩之患

又公昔所折衝而威稜之者 天子知公名迺寵異公俾秩益崇所莅亦益廣汎掃戢寧之方諒已有成畫請計日奏膚功以為八閩慶可乎公曰是可易言哉往予守建也閩始寇于倭其徒未甚繁郡故饒裕民亦易動以義子乃得盡力故能摧挫其暴虐存撫其黎民比歲遁逃教誘竊伏海濱引類呼朋充斥遠邇乘間竊發道路不通至破戎壘據郡城夷滅焚燒吏氣傷沮流聞海內為 國家憂且民性脆弱素不習戎

慎修堂集

卷八

十六

事頃復逃避轉徙田荒不耕穀價騰躍夫殄寇必以兵乃其民莫可使也蓄眾必以食乃其產莫可資也此其視往者相去遠猶天冠地屨矣噫膚功之奏豈易言哉公曰公言則然矣然亦嘗聞乎操舟之與視病者否耶瞿塘灩澦之險途之人能言之矣若夫揚舲鼓柁適疾徐輕重之宜以出險即夷者則非習見之篙工莫能致倉公之治疾也診經脈高下參表裏順逆以決嫌疑定可治矣然必即已驗之精良術乃神往

公之治建也寇震于鄰公心煩于慮身親其勞  
廓清之廟勝吏習而民安之矣今奉 璽書之  
重總列郡之綱右挈左提遠撫長駕區區狂寇  
謂足平耶夫承未遠之列則用力省而取效多  
席既著之聲則士氣增而敵志奪昔張敞始都  
尉函谷關王尊先為司隸校尉宣帝稽其舊政  
先後用以尹京本之羣盜為吏民害也然率能  
旬月間使枹鼓稀盜賊清至今稱京兆之聲不  
衰焉頃 天子采所司言復命廣帥率夷兵助

慎修堂集

卷八

十七

攻擊出帑金數十萬資軍興維食與兵無足虞  
矣而保釐經畧之寄復俾公往焉非以公政本  
於學宿有紀綱今出於誠宿有親附耶拯斯民  
於沉溺淨環海之妖氛是特須臾事矣然公不  
以垂成之烈為可頌而以既失之轍為可懲彼  
倭之禍閩豈一朝夕之積哉動與時度事與道  
違惟智者識其幾而亟反之耳夫壯士在軍却  
敵奪旗前蒙矢石不避湯火之難者為重賞使  
也顧敵者賞不加而避敵者罰弗及則民何

樂於建功數尺之墻壯夫莫踰十仞之阪童子  
登馬陵夷故也親兵牙卒清都白晝越市人而  
攫之金有司莫誰何則民何畏於為暴賦歛過  
重里閭莫不空單極楚誅求元元焉所赴愬故  
不逞者苟求全活而亂或從噫是豈獨為下者  
之罪哉今 天子昭明如日月震疊如雷霆盡  
除往跡而更新之矣則夫明賞罰以勵士心肅  
紀律以一衆志省追呼以集流移振奔北之夫  
起沮傷之氣布 至尊之休德反近事之陵遲

慎修堂集

卷八

十八

斯乃今時之急務也公又奚讓焉越翼日公束  
行李問途而南臬長方山韓公屬予言為公贈  
遞次茲語以別云

賀方伯扈會溪陟左使序

人臣激烈以樹聲非艱雍容獻納而裨補不形  
者艱也履順而匪懈者非艱排擯易置而不失  
其恒者艱也夫批鱗面折聲振一時節豈不難  
哉揆諸聖門之論諫若莫可從者非以無益於  
國耶通達國體歲中屢遷矣外傳一麾意不自

得吊原賦鵬悲憤屢寄馬噫是於事君之義何如耶夫君臣之義性植自天豈由外鑠哉在昔忠賢之事是君也檢身而不怠盡心力而不矜奉法令而不私值困抑而不怨故可親可踈或遠或近志弗少渝者惟盡夫義而已矣迺今若會溪扈公非其人耶公舉進士高等給事內庭踰十年謹法度振風猷諫疏累數十上率大政巨防不毛舉苛細以駭觀聽而一時持正議裨國是衆莫不歸公云既擢南司僕周遊御寺自

慎修堂集

卷八

十九

留都改尹 帝畿適當事者不悅指摘左遷奪所宜居置之外臬人將怨且不釋矣公怡然不色愠日繹科條錄寃滯兢兢纖細若初試然者甫閱年再擢至汴藩右使 天子知汴人之宜公也是冬陟左使士大夫交賀曰公 賜環從此矣公凝然不色喜曰吾斯未能是虞諸君子其忌予助耶夫地大務繁汴視他藩殆數倍督逋及諸徵發使者肩相摩 國族日衍類仰食縣官齊民罕力服穡事至顛越以幸生茲方凜

凜乎若蹈春冰也敢曰有遐思哉然余竊觀公體國若家勤民約已廉讓自持恐失寸尺粹然鞠躬長者也故出入禁近補過拾遺向既裨於國矣矧今政自己出乎引繩放逐勞瘁不辭向既宜於民矣矧今位望日崇乎且家世曹南距汴僅數舍其風相及其政恒相通者也化裁緒正之規固預畫而素定者舉而措之治具畢張直運之掌耳如前所云足虞耶公再莅汴居輒未幾何民即忻忻愛慕惟懼奪之他今正位

慎修堂集

卷八

二十

藩垣民若赤子之得慈母也豈非忠誠愷悌信於人人耶初公北上尹京寔以太夫人春秋高過家依依不忍離故為忌者中及居是邦音問日不越再宿太夫人融融然若公在左右也公乃無離憂心一於在公力專於報 主焉夫樂其心不違其志子之翼也乃心王室夷險不渝臣之純也語曰求忠必於孝有味哉若夫躋華樞輔鴻業以攄盛德於天下固公之自至者無庸予云及也是為序

贈參伯李西谷撫守汝南序

昔西京之世居官者或長子孫其有治功異等與民相安者輒增秩賜金終不移其地噫法其良哉夫君子居是邦也名實久加然後士民之志附焉是以教化成而治功立漢世良吏所由盛者非率是道耶 明興課吏之法以九載為期違成弘間猶然迺者舊制漸更而藩臬大吏以良稱者益罕有寧宇蓋遷徙頻仍期會促急道途旁午時日轉旋於是獲行所志者恒寡矣

慎修堂集

卷八

三

送迎交錯勞費紛輪病於民者弗與焉迺今若陽城西谷李公之晉參知于中州其庶幾乎西京之意歟公之始入梁也以僉憲理庾傳既三年晉參議治河北又晉憲副貳明刑蓋歷八年餘矣夫梁為天下樞幅員數千里四方之行者相續於國中故置傳之困十倍於鄰省豪猾占膏腴田率清其賦入之籍弱者終歲動動不得食土之毛至轉而之四方然國家賦歛轉輸之供征權力役兵甲之費視他省獨煩且源源未

已也俗務曼靡窳惰不力于農田諸已賴時時推埋為非逮之急即連結諸山砦豪俠暨旗幟據阻自雄緩則散處諸閭里伺隙發故遐覽遠識之士謂中州非可以無事之治治也自公在梁經理諸地明法制俾豪右者不得有所侵沒周歷郵傳考求利病為畫一之規以便民至於今行之柘城盜起公率健卒追奔數十遇竟獲其渠魁退復不自明其烈屢筭憲篆慎罰勅法部中肅然聞當奉 表入賀者再督餉者一提

慎修堂集

卷八

三

兵守邊者一其他若政令之沿罷兵食之劑調刑獄之情偽民瘼之詢籌無一非目矚而耳聆心勞而身任者諸所緒正繕治蓋疏舉未易終也比歲以來中原安息公治功多焉使甫一二載即移之他邦能陳刃樹績若是耶余自從公遊竊識視公慷慨有大計志在安 國家利人 民遇事侃侃直前不為脂韋突梯之態明習法比槩發姦伏吏無所容其私精敏有心計於凡中州山川險易之要地里遠近之數人民之多

寡賦稅之盈虛兵馬之強弱輒一一能指諸掌  
省臬諸大夫每發大議定大疑必取決于公蓋  
公夷爽無城府與人言披露胸臆故人樂而信  
焉公在梁既久恩惠洽於民民習見公行事胥  
親附愛慕惟恐遷而之他也茲八月以守憲副  
秩將滿考御史大夫臺使者各擬疏公治行欲  
得即填撫中州而公以是月晉參知省事梁之  
士若民舉欣欣然曰 天子念我梁深幸留李  
公以惠養我民其得人心如此夫今之省臬重  
慎修堂集 卷八 三

於古諸侯累資荐陟非豪華莫與也顧使之水  
浮陸走席未及溫遑趨所莅非設官意矣乃  
若公秩屢遷而不易其地是宜志意舒布上下  
咸宜也今茲之權視漢事寧異哉公既視事以  
璽書當莅南陽參知之駐南陽自成化初始  
公邑人大司馬原公議也初流民嘯集襄漢攻  
剽轉掠連荆湘汝鄧騷然動 天子假原公便  
宜持節往經畧之原公招來流冗規畫農殖創  
邑里督耕耨反側乃安又謂新附之衆非得重

臣以時拊循振業未可也乃疏移省臣駐撫馬  
嗣是且百年建威銷萌安於覆盂矣古有社稷  
臣非原公謂耶頃汝南歲不登災疫間作萑葦  
之逆復叫囂於新息之間所司方憂之其民則  
舉踵思公若枯旱之望雨也乃今即公往治其  
方土之宜極救之術戡定之猷固公所習練而  
周知者出其所習練措之於弘施而俾飢者有  
所資而飽殆者有所濟而生叫囂者有所警而  
息聲名施功烈著並原公之美於無窮也謂不  
慎修堂集 卷八 十四

在茲行哉謂不在茲行哉

送御史大夫章陽華督漕江淮序

御史大夫陽華章公撫梁之三年 天子進公  
二階命督漕于淮時海氛方熾中外以漕為虞  
故特簡公往云 命既下梁之士若民皇皇然  
如奪所依於是郡守周子父帥諸博士弟子數  
百人屬公詞之以抒衆情且曰往二學敎壞師  
生業無所居公撤而新之辨方正位飭陋興頽  
立未有之規補未備之制於是時教有堂退息

有所絃歌講習洋洋如也又為之正德考業發  
部擊蒙優廩餼之供厚寒飢之恤不啻慈母之  
於赤子然者又輩方期被公之教於無窮也今  
奪而之南安得斯須毋發以終惠我後生耶  
曰新贊序以育譽髦者大人之所以經國也思  
其人而學其學者國士之所以酬知也諸士亦  
學公之學已矣請言公之學可乎公博極載籍  
總摯百氏承聖哲之精微折羣言之同異於夫  
心身道德之微三才二五之運與圖星曆禮樂

慎修堂集

八卷八

三五

兵刑財賦征役之繁莫不探其會通索其要領  
深造而自得矣然不以學道關門戶也發為文  
詞淵澄古雅炳煥鏗錙卓然妙天下矣然不欲  
以文自名也日志夫大道之公以奮稱綸之業  
為考功大夫綜核名實崇德獎廉一時升沉百  
職犖然快人心校士南宮甄拔盡天下英俊今  
奮庸中外聲實彬彬然盛也陟長光祿廼薄正  
內供裁損妄冒月省計數千中人逮今無怨  
者特節撫鄖陽詰姦戡暴興學修文民無敢譁

迺作樊城屹為襄漢巨防焉移鎮中州首明教  
化抑浮靡糾貪殘日進父老於庭詢所疾苦凡  
不便於民者一切罷行之時 諸宗日蕃常祿  
逋數十萬公勾稽侵匿節縮他費復 請得轉  
輸常賦二十萬餘盡以予諸宗遂無不足者既  
作郡縣學域中諸學之敝者爭來告次第新之  
費皆出自公民不知所從也梁宋之人喜任俠  
好馳射西南諸山多礦冶大盜盤竊妖逆甚者  
連結燕趙無賴徂伏城中約期會發公密廉得

慎修堂集

八卷八

三六

之捕殺逆首授計分擒諸渠魁賊相驚遁境中  
以寧乃徵八郡材武之士教肄於都亭躬臨閱  
試而定其賞罰士桓桓思奮遂作營壘俾番直  
往來以壯都會又新岳祠建武廟表忠節祀勤  
王以風之河流日南趨公策必衝突預議疏治  
所司未及行遂決永城城且潰明年決原武環  
會城踰大堤而入公率身往塞之親畚鍤立決  
口為吏士先忘食寢累晝夜決乃合民免于魚  
遂城歸德城睢陽高堅冠中土以禦暴亦以備



河也其他興罷大者驛聞小者立斷固諸士耳目所睹記者蓋自公治汴百司傲于位諸宗安于藩士修于學民樂于野不逞者惴惴然若公日臨其上而莫敢肆其非誠可謂大治矣今督漕江淮行入而夾輔天子其勲業謂視今異耶夫君子學修諸己非以養名采譽也立本者欲其固學見諸行非以乘權席寵也澤物者欲其宏故彌綸邦國非大也飭材辨物非細也參贊化育非精也審音度土非粗也要之使物各

慎修堂集

卷八

七

止其所而已遐觀自昔聖賢之學若禹之視溺由已溺周公之待旦急於行憂民之心豈斯須寧哉夷考禹貢周禮所載其經世宰物之迹纖悉具備蓋合細大精粗一以貫之道本若是耳公侍章公久竊窺公乾惕厲之心蹇蹇匪躬之節休休容物之度循循誘人之仁推誠以盡下貞一而不回蓋舉先民修己之業澤物之功未或一遺也善學者學之而有得焉斯無負公之教矣詞奚能盡哉周子及諸弟子進曰章公

之道望之邇而莫可即也視之易而莫可能也日親炙之猶未得其似矧遠而學之將奚從始耶公曰希舜者舜希顏者顏舜顏豈邇哉亦為之而已矣公方學公之道而未能願與諸君子日孜孜焉

賀中丞毛介川督撫畿南序

昔諸葛武侯曰非淡泊無以明志非寧靜無以致遠公每三復繹思未嘗不竊嘆侯之學識其大也夫情動則心馳志靡則業廢故屏謝紛華

慎修堂集

卷八

六

非矯飾也輕外者所以重其內躬持玄默非耽寂也主靜者所以制乎動噫是與白賁良背之微言奚異哉居常執此以竊窺今昔之鴻公鉅儒能淑治其身心光昭其聲實者於斯言未始不符節合矣往侍蘇門先師得讀介川毛公文見其根極理要洗脫浮華志遠而味深文潔而體密意公必恬約鎮定可以肩大任重之儒也既而聞公為御史抗言無所遜督儲三晉賦集而民無所擾歲庚申公總憲中州旋陟右轄

於省署中得晨夕從公遊則見公退然若不勝  
衣恂恂然言若不能出口被服類寒士視一切  
紛華聲利若將免已然正襟凝坐終日無怠容  
至臨大事決大疑必誦法孔子稱引先王屹然  
以道義自持與世俗殊異夫曼靡不入于志則  
高明與游震撼不易其操則艱大可寄武侯所  
謂明志致遠云者公誠其人哉明年夏五月  
上擢公為御史中丞持節撫畿南六郡於是左  
轄少郭雷公約諸大夫往賀焉公瞿然曰頃予

慎修堂集

卷八

元

飭兵天津時時趨太府循滄瀛抵鎮定西望塞  
微亭隧接比雲中此走諸關隘直 都亭僅數  
舍誠天下要害區也而士伍虛耗不足以明國  
威往昔食猶稱給自去秋不雨至于今民流徙  
道途者不直過半矣甲士類枵腹鮮固心迺者  
天子軫念畿民屢屢 詔今議所以拯揀綏  
來之予乃承茲任方惴惴然懼未能或勝也顧  
可以他時賀言耶公迺作曰豐荒消息者時之  
變也轉移感召者政之經也事有適至治有固

然亦為之者何如耳畿南數歲來兵日以銷民  
日以散政日以敝者公以為盡時之然耶靡麗  
以為華煩縟以為禮上下紛然日馳之而忘其  
勞長民者多其命令雜選其微需悍吏健卒叫  
囂手卿聚雖樂歲豐年民煩擾靡救騷然莫獲  
所寧也非一日積矣夫志壹者氣動表正者景  
從哀安決楚獄而兩沛歲豐楊綰拜唐相而勲  
貴徹樂京尹損從感召轉移之機豈從事於言  
語號令間哉公學根於經而有淵源文適於用

慎修堂集

卷八

三

而黜枝葉故淡約之志靜定之操信於天下舊  
矣士大夫無問識否皆願承接下風乃今任三  
輔之寄柄外制之權誠繕正而要束之下之信  
且從猶風草之偃爾蓋本淡約以正俗則頽靡  
可挽也主靜定以鎮浮則煩擾可祛也由是時  
賑恤之給勤拊循之方覈營伍之實嚴股劑之  
科則士馬充盈人民安輯釋 聖衷南顧之屢  
特易易耳公又何讓焉夫大臣之專闕于外也  
值暇豫而泯作為夫人能之若盤根錯節則非

負非常之畧者安能樹勲猷於當世垂聲實於無窮哉頃河朔旱方甚公拜命甫下即大雨霑洽傳曰天之所祐者順也人之所助者信也公履信思順天且祐之矣而况於人乎越旬日公戒行李出夷門諸大夫祖于郊公遂次茲語為公贈焉

贈節推毛小山之汝南序

小山毛君其先吾晉世家也國初以閭右徙

漁陽不數傳仍蔚為宦族嘉靖癸丑毛君舉進

慎修堂集

卷八

三

士明年秋授節推于汝南迺過予曰今之仕者類以理郡邑為艱然一郡之政守統其綱貳俸分其目雖簿書瑣細亦各有司存惟獄訟則推兼聽之凡一郡之不得其平者率於推乎取焉矧臺察監司檄牒交集則又不但一郡已矣邈通異習強弱異途狡險冥頑囂號騰說者又紛然其異態也吾方釋經義以臨之君之何得其情而服其心耶予作而嘆曰民習之不用情也誠然矣然豈惟民之非哉昔聖王制百姓于刑

之中以期無刑矣而命其臣也有曰民協于中有曰受王嘉師監于茲祥刑是所以待其民者何厚也孔子之贊易也山下有火明足以照矣而曰無敢折獄風感水受上下孚矣而曰議獄緩死是所以刑其民者何艱也類以民敝偽滋不可以直道理也東之若濕薪驅之若羣羊一觸刑章文致成練株連蔓引輒數十百人媮為深刻一切止極被刑之徒比肩而立大辟之計日益月增是豈近世之民好罹法網亦豈司刑

慎修堂集

卷八

三

之吏性與人殊哉習之所趨風之所會蓋有莫知其所始莫究其所終者故聞能破一巨室衆必羣然曰此真廉吏也能興數大獄又必羣然曰此真能臣也至或辨一冤獄出一無辜人弗以官疑則以貨病矣司憲由是而激揚銓衡由是而進退上下相毆以刺為明雖賢有不能自免者然刑憲滋嚴姦宄滋長儉士得肆而良善弗勝其於國家元氣所係不細矣疇一思夫得情心服之政哉君連舉大科方負時譽歲年

初試厲威嚴以隆聲實者士之恒也顧孜孜於  
得情民服是圖焉慎斯以往汝南何有哉蓋聽  
獄而思求其情則日勤教長師聽簡孚而必不  
縱虐刑庶戮以為威斷獄而思服其心則明哲  
胥占以求正中而必不肆鈞鉅索隱以為智刑  
不濫斯民不寃豈惟一郡之慶而已哉時晉  
諸大夫方徵言於予以為贈爰序次諸簡用俟  
厥成焉

贈刺史宋古峰之沂州序

慎修堂集

卷八

三

往歲庚子古峯宋君舉于鄉予同上都亭見其  
貌甚和禮甚度與之談汪洋闊肆其蘊者甚博  
也既締交因得其為人忠誠醇謹有善人長者  
風私心甚重之迺連枉于南宮予每為哀惻君  
怡然不色愠曰我之未至也甲寅冬就試銓卿  
最其文褻然選首與君遊者欣欣然慶曰是必  
中朝右職矣是可以慰宋君矣君巖然不色  
喜曰茲豈我敢期哉已迺授刺沂州束帶過予  
予意君當有不憚然者詞以釋之君蹙然曰某

不佞獲交於子舊矣子尚未吾知耶夫杖策入  
都所求沾一命以自見耳今尺寸未効即超列  
大夫韋素之願極矣然某寔有憂焉沂東魯與  
區也通海岱控淮徐地闢而民匪聚萑葦之區  
奸宄數焉則先事之戒不可不嚴也頃海患方  
殷則于鄰之震不可不豫也矧東方災沴頻仍  
則安集之策不可不詳也是數者某夙夜方惴  
惴于懷詎敢曰中外殊科快望耶子曰有是哉  
有是哉君知所以憂斯無可憂矣夫忠誠之懿

慎修堂集

卷八

四

匪惟子慕君亦君自信者憂勤匪懈而率是同  
渝于沂乎何有予嘗慨夫世之儂巧便利者類  
危自標榜喋喋罔人視宇內之事皆以為無足  
難者莫有於憂也及其試諸用訑誕慢率奏  
罔功耳甚者裂紀潰防若以吏賈然噫彼其植  
諸衷者偽也頃朝堂嚴務實之政思以揀之筦  
軸元僚尤汲汲於德意是承人才是務而首  
及於君真知人哉夫不忤心於中外而惟職守  
是圖君之憂誠也憂之也誠則其為之也必盡

為之也盡則其績也必彰故法紀誠修則萑葦之警可消武備誠講則于鄰之震可息子惠誠切則流離之衆可綏作之而必徵感之而必應捷若形影臂指然者是雖措之天下無難也矧沂去聖人之居未遠其變通鼓舞之化不尤易易哉今疆圉多事黔首瘡痍安得如君數十輩錯置効用以對務實之治以溥忠誠之化豈非一大快耶君同年東坪張君玉泉閻君方圖所以壯君行者聞予言而躉之遂書為贈云

慎修堂集

八卷八

五

慎修堂集卷之八

慎修堂集卷之九

河汾亢思謙子益著

序

賀胡母張太夫人 恩命榮封序

張太夫人者戶部郎中 胡翁之配今吾河

東郡伯順菴公之母也早適戶部翁時前室子

來儀方在襁褓太夫人拊育顧愛不啻所生來

儀稍長亦依依愛敬無芥蒂嫌里間播為美稱

焉戶部翁業儒弗偶中恒悒然太夫人事之畏

慎修堂集

卷九

一

慎周至務順適其心郡公幼則警穎蹕絕太夫

人即遣從鉅儒遊躬勤紡績以資之嘉靖己酉

郡公年十二矣學使李公檄萊郡錄諸邑茂異

入膠庠郡公裒然為選首上下大奇之太夫人

曰汝毋庸是而息也癸丑戶部翁終而家益落

太夫人拮据捋茶罔寒暑晝夜間其勞瘁皆人

所不堪者而督課郡公學愈勤歲辛酉郡公舉

東藩易學第三人太夫人曰而所當為豈止是

哉隆慶戊辰郡公登進士高第制策動 宸旒

人莫不曰是非太夫人之教致然乎未幾授司  
寇郎迎養于官邸太夫人以戶部翁弗及見每  
懷感愴然時時語郡公曰吾家素貧用素儉竊  
升斗以吾養足矣嚴刑病民者殃及子孫利民  
肥己者貽累後世汝不見某子孫乎郡公祇  
奉明命無或愆忘居刑曹再年聲稱籍甚庚午  
秋東西二虜合謀寇漁陽遊騎及塞垣下 詔  
公卿調兵食為備禦計咸謂給餉旁午非忠誠  
敏達之士莫能主也銓卿稽于衆遂以郡公名

慎修堂集

卷九

二

聞迺自刑曹副郎晉度支郎中蓋 特簡云虜  
既遁適漕渠淤塞運艘踰期未至郡公復奉  
璽書往督治之莅真州無幾何糧運鱗集通惠  
河都人乃安壬申公始奏三載績于 朝  
天子以公勞苦功高 制贈 翁如子官太夫  
人受今封命馬癸酉春公移守是邦 龍詔鸞  
書頒從 霄漢 瑤函寶軸光被河汾於是太  
夫人翟冠錦帔象帶緋袍拜承 帝賚於庭既  
而郡公率諸孫子奉觴稱慶於署 天章燦爛

命服輝煌和氣充盈祥光浮動郡公壽母其  
樂也融融人又莫不曰是非我郡公善承太夫  
人之訓能然乎於是貳郡南洲王公別駕紹溪  
吳公節推冲涵李公以郡公勞績章於 廟朝  
寵榮逮於父母 湛恩汪濊誠臣子之奇遭也  
屬公有詞揚厲之公惟父母之於子人情豈異  
哉義方訓誨孰不欲玉子于成也然克承式似  
卓然樹令名於天下者殆百之一二耳計偕疏  
爵又孰不欲休光上及二人哉然祿養逮親而

慎修堂集

卷九

三

復赫然被顯號于 三錫者或十之一二耳蓋  
業不廣者不足以應當世之求功不崇者不足  
以來君上之寵故時敏遜志道積而祿乃來熙  
載惠疇庸試而禮斯異是二道者未或不相須  
也然則非太夫人之慈而能教曷以成令子之  
名非郡公之賢而敢承曷以彰文母之誨是母  
是子謂域中有二哉昔虞譚母孫失夫訓子日  
惟忠義及譚平蘇峻詔拜孫武昌侯太夫人加  
金紫譚於所寓立養堂王導率羣公致賀時豔

其榮以今視昔謂與之異耶我郡公前績方敷  
值雲中互市屆期時百需皆自郡出廷推公往  
守之至則通商賈平市直謹防範灼戎心甫旬  
日市畢而民若罔聞知會吾郡屢飢積逋負百  
萬計當事者以地大政繁非公莫能理也公莅  
郡未三時循良之頌洋溢若一口出且庶不近  
名貞不絕俗投艱而不疑肩重而不憚至憂  
國若家保民若子有更僕未易終者夫公踰初  
考未再期而績復章著若此由是而九列而三

慎修堂集

卷九

五

事若階之升耳謂績不可豫卜哉將見任益崇  
則公之嘉績日益茂績益茂則太夫人之封號  
日益加詩曰如川之方至如日之方升其太夫  
人榮封之謂乎王公吳公李公咸曰事有必至  
理有固然茲言足徵也請遂序之以為燕賀章  
首焉

賀盧中虛 恩命榮封序

中虛盧翁者豫之東里人也蚤慷慨負奇氣振  
聲稱序序間既屢試於有司無所遇遇喟然嘆

曰夫士之學也不猶農之田耶耕耨菑畲任力  
自我歛穫凶穰則惟所值聽焉子其如值何哉  
盡舉所業畀季子鶴川公曰汝其成吾志毋俾  
汨沒焉終也于是息意名場究心玄圃為養生  
家言時鶴川公甫束髮受學即頭角嶄然露  
矣嘉靖丙辰鶴川公舉進士旋以省覲翁請告  
歸依依膝下不忍別翁曰 朝家隆爵號以延  
攬予臣人臣違所生以疏附乎主是皆義之出  
於天者汝策名天府矣毋亦亮工奮績是圖而

慎修堂集

卷九

五

顧家室私恩是係耶頃之鶴川公授行人領  
皇命禮制於四方潔身履度罔尺寸踰違每使  
歸發篋惟去時衣被圖書而已再踰年晉秩左  
司副又明年以本官守司徒大夫主餽餉於臯  
蘭給河外諸吏士河外孤懸吏士勞苦倍諸邊  
鶴川公給予必以時西土胥悅而親附之宗人  
居蘭者索祿恒悖期公迄不為動司計利出入  
又矚然無所污也甲子秋 天子擢鶴川公僉  
管臬司事奉 璽書飭兵布度於河之東復便

道省翁奉杖屨游家園臨亭臺撫松菊樂融融  
然忘發翁復曰河東晉與區 天子挈以予憲  
臣任豈眇小哉位或一虛患將百出汝毋以吾  
為慮而緩 王程也鶴川公既履晉時時念翁  
不少休迺走使迎翁來官邸不數日即子夜戒  
徒御歸鶴川公長跼泣留之乃曰汝肩重而務  
殷惟日孜孜庶幾底於理也今晨夕于子侍將  
無曠厥政耶矧官所拘維又孰若故丘之自適  
哉蓋自至遠歸郡之人未或識其面云初鶴川

慎修堂集

卷九

六

公方駐蘭以三載績聞於 朝 天子嘉其勞  
勩 詔封翁如子官迄是時 龍章錦軸渙自  
九天 鳳諾鸞書昭回下土郡之師帥慶  
君上之殊恩嘉子臣之榮遇乃樹棹楔於里門  
奉揚 德美焉既竣工馳書告鶴川公於河東  
河東大夫士若民聞之胥欣欣動色相告曰鶴  
川公不以晉為鄙視吾人若一體一家懽戚同  
焉吾人之戴公情詎異耶往公初至獨懷中虛  
翁不置再值誕辰輒捷闢謝客涕下盈襟曰吾

南瞻親舍不獲奉卮酒以報劬勞也今中虛翁  
承 天子之褒榮荷師帥之表異寵光大矣公  
之心獨無陶然適怡然樂者乎則共圖走賀於  
公而屬公為之論讚公曰父母之致愛其子也  
莫不期其建偉績於當時而子之致孝其親也  
亦莫不願揚其令名於天下然相須甚殷而相  
值者不啻計十一於千萬已也今中虛翁舉所  
業以付於子而子之成也浮焉鶴川公舉所職  
以奏于 君而寵命之錫也赫焉謂非希曠之

慎修堂集

卷九

七

奇遭克家之大慶耶夫飭躬履正則茂績昭宣  
勳立名揚則榮親有水鶴川公典禮而儀度罔  
愆主計而清操愈勵昔之績固已炳焯於多方  
矣自莅吾邦章憲肅紀振廢摧強出之以不煩  
不迫與民相休息焉故桴鼓不鳴田野無所擾  
庶民熙熙然若赤子之得慈母也勳猷震溢視  
昔為烈矣引而伸之身日益尊則聲實日益暢  
所以榮親顯親者可涯淡耶詩人之頌曰萬有  
千歲眉壽無有害夫曰萬千與云者豈真謂歲



年間哉亦謂榮名之永耳或曰鶴川公嘗言中  
虛翁膚體夙魁梧晚有契於吸納之旨今七十  
餘矣精神悅澤僅類五六十人夫康寧者壽考  
之基也壽考者榮名之地也噫翁蓋兼而有之  
矣謂耳目可習見耶於是乎書以致賀云

賀邑侯徐嗣齋褒異序

余往讀太史春陵晁公所撰清豐志其傳名宦  
也敘述邑令豫齋徐公之遺愛曰振士郵民割  
蠹興利矣而本之以樂易宅心焉邑人生為徐

慎修堂集

卷九

八

公立祠也太宰端溪王公述眾思列七美矣而  
要之曰當天理而不拂乎人心焉每即其事量  
其功未嘗不遐想循良之遺烈而冀一識其子  
孫焉又竊自嘆曰安得若是公者莅吾邑俾吾  
人蒙其庥耶嘉靖乙丑冬徐公季子嗣齋先生  
釋褐來令臨汾吾邑麗郡居長吏羅列復當秦  
晉午道王事浩穰百倍他邑民坐是因頗稱難  
理先生始至眾意世家制科茂年初政必厲剛  
武刺會期以立威名也而先生少受父業恂恂

儒者明習文法以經術飭吏事貞廉冲素謹恪  
憂勤祗有安居時簡除煩苛禁察非法減供億  
省追呼慎繫逮罷宴遊諸彌文不急一切汰之  
民有爭訟常引之于前提耳訓告以忿恚可忍  
訟不可終令退自思惟訟者感之輒各釋去收  
租稅每先期懸示令細民各得以情自白於庭  
復為之酌盈縮審緩急為先後賦遂無愆違稍  
暇則與諸博士弟子剖析經疑指示文義疊疊  
無怠務使人各有所得視事甫數月父老子弟

慎修堂集

卷九

九

咸熙熙然樂有賢父師也于是督撫中丞萬公  
疏先生治行聞于 朝復移檄褒異巡察侍御  
王公劉公司計郎署劉公王公檄先後至率稱  
先生奉職循理潔已惠民有裨於 國甚盛也  
先生佐幕石君魏君賈君儼然具儀如諸使者  
指造先生為賀先生固謝避三君曰諸使者之  
舉不可終止也然則以言乎迺徵言於公公惟  
循良之吏 國家所資以為理生人所資以為  
庇者也夫桐鄉上蔡之烈議者類以古人非今

及矣然徐公清豐之聲績其世未甚遠得其書  
而一讀之悉灼然在人耳目之際使人希慕稱  
述之不暇謂視古人異耶自先生莅吾邑士奮  
于學老稚安于里閭豪猾屏息黠胥斂手無以  
肆其奸其操心也不詭飾以近名其敷政也不  
拂民而違則視徐公之在豐誠世濟其美不墮  
其間者矣然予又聞長老言往庚辛間應衙前  
之役者類至竭贖力不能勝自先生至歲省數  
千金稱述先生不置口至謂諸使者所薦揚尚

慎修堂集

卷九

十

未能盡發德美是可以徵先生之感物而行化  
矣夫往者謂徐公不得而見也得見其子孫可  
矣乃今得先生為依歸而日夜披函濡乎其澤  
視前此之豐人無少讓焉豈非吾人之大幸哉  
昔晉朗陵二邑立祠而叔子慈明復紹其烈史  
紀為殊稱以此視彼詎能專美耶雖然表德以  
率世章義以勵俗部使者之能也因賢而序官  
辨勞而奠祿則持衡者之任也先生有大造於  
吾人殊聞顯蹟茲既章章表著於天下矣今

天子虛已受言方求文儒哲士蹇蹇達大體者  
將邦直使司揚庭首薦持衡者寧能舍先生而  
他之耶猗歟先生從此徵矣然吾人依依愛戴  
不啻怙恃焉資也詎可須斯離先生哉明詔且  
下蓋又不能無懼焉

賀邑侯徐蓮渠諸臺褒異序

夫成天地之能以康兆民者大君之猷也然大  
君之尊下視民人遐邇匪親所賴以布德敷惠  
覃及下民者守令之責也守若令分職於上者

慎修堂集

卷九

十一

任雖均而施澤及下者體則異親民者莫令若  
矣民知已之所賴以生在令也喘息呼吸期感  
而通疾病癘疴必呼而告令之於民必審察其  
征輸風壤欣戚利病情偽善惡而為之劑調哀  
益興廢矯正旌別而安全之俾各適其平令之  
責良艱且勞矣若夫賦繁而務劇上莅而地衝  
則其艱且勞倍徙什伯未易計也是非有旁燭  
灼知之識廉平果確之操鎮定淵涵之度其奚  
能揚茂烈而播英聲哉若予邑侯蓮渠徐公蓋

誠其人矣余邑為河東都會土多瘠而賦額特繁民日貧而徵歛愈急省符每下即以乏軍興為稱復當秦晉午遠擁傳之節行部之車軫相續也民坐是大困且監司大吏鼎峙錯臨條教迭頒適從匪定邑未易為理不直如前所云矣隆慶辛未冬徐公初試而來眾意公世家進士必厲操切以樹威聲也公廉潔簡約謹身帥先澹泊深沉喜愠不少見迺正繇賦之籍酌緩急之科徵發有程都鄙無擾復汰冒濫減夫役庶慎修堂集 八卷九 十三

時巡察侍御俞公將還 朝乃移檄禮公稱揚威美甚悉且曰知賢而未能即薦時制拘也予心慊焉僚屬師生其為予致禮於是邑丞于君判簿李君幕尉靳君捧檄具儀如巡察指稱賀公杜門回謝不欲當項之督撫中丞楊公行憲獄使者杜公各修詞為札以表公政異詞罔溢稱美多未盡也僚幕復如札為禮公遜謝稱堅時三君以公三讓不可奪乃徵公言紀之焉公惟奉職循理推上之澤而致之民者循吏之烈也表賢揚善彰主之哲而風有位者臺使之明也民非賢罔安善非揚罔勸在昔虞夏君臣時幾交勅而必務知人以安民我 列聖所以垂拱穆清化行海寓者非以旌別淑慝委重有人耶然于竊識視徐公苦節自甘而所長不少炫暴冲和樂易而一毫非道不可干拊民若恐傷而於冥頑怙終者必懲之峻改恭順自牧而與上官議同異得失顧執大義不可移是皆非近名之為者乃細民悅其仁臺使表其績聲實昭

焯若是者蓋公誠信中存應物不貳本之也夫  
信及豚魚孚乃化邦天且應之矣而況於人乎  
竊疑近世以儒名者博窺載籍高談理性論治  
稿文非不鏗鉤炳耀也出而見諸行類比比奏  
罔功何哉毋亦以學非有諸已耶徐公弱冠舉  
于鄉既乃下帷謝交兄弟自相師友刻勵潛修  
研窮墳典遜志探索洞究精微蔚為禮學宗安  
上治民之要術素修而志素定也根諸心植諸  
已者誠深且固矣是宜施於有政光輝盛大如

慎修堂集

八卷九

十四

此也豈非真儒之大效哉公莅治茲已踰年享  
惠愈洽勳績愈崇薦牘且積公車 徵書可計  
期至矣由是而論思獻納由是而寅亮經綸則  
真儒之效行將顯明於天下矣詎惟一邑哉然  
基之自吾邑始是宜三君欲有以紀也媿余寡  
文未能悉錄德讓君子之風特舉儒效之大埃  
諸後焉

賀同年侯松泉總憲中州序

昔在弘治中太原晉溪王公為戶部郎鈞稽委

積劑量經費一審畫而節適之同舍郎自以為  
不及也大司農倚重集事不欲令轉遷火次陟  
叅汴藩晉漕憲遂入為司農迺會計式敘邦賦  
充盈然與邪僻人值即剛壯見於外竟廢歸  
今上初起為大司馬開督府於涇原公又素習  
兵事得夷虜情迺始臨洮達上郡畫墻列守虜  
入輒追北之居五年上功首虜數千級 天子  
以太宰召還絕迹殊勳海內至今稱王公公  
樂善能知人擇其女所從迺得里中莎亭侯公

慎修堂集

八卷九

十五

侯公廉讓不伐舉動必以禮擇然後出言內實  
剛毅不可撓為祠部郎歷省臬仗鉞薊門晉南  
司徒所莅奮庸樹績以勲名終焉子邑西磐張  
公時時舉二公之美風後生私心向往之嘉靖  
甲午則與侯公季子松泉先生同舉於鄉先生  
甫弱冠和粹坦夷慊慊若不足時竊嘆曰是誠  
賢公卿子能恭儉守家法者也既舉進士亦為  
戶部郎去王公時五十禩矣先生施政悉則王  
公又強記絕識能推行之大司徒委重一如昔

在王公曹中奇請他比率就質成先生誦甲令  
舉前聞類宿構預待者一時譽望擬若杜武庫  
然出守南陽擢憲副關陝乃復就王公開府地  
呼故將老校考除戎破虜之蹟慷慨悲歌至不  
能自已頃之亦陟參汁藩督漕餉於都亭都餉  
故難理先生剔剔防檢宿蠹以消終歲無後期  
者縉紳士莫不翕然稱先生能世二公之徽猷  
也及代歸 天子即擢公總汁憲夫先生漸鴻  
奮翼外祖同符省臬徊翔復先公有合迹亦奇

慎修堂集

八卷九

十六

矣而名聲籍甚濟美同焉即今位秩視二公所  
都可須臾至矣謂勳業將無同乎夫應時而熙  
載者迹也守道而匪躬者心也圖事揆策以尊  
主庇民者功與業也二公之業悉數未易終而  
其大者在治賦與兵考其所要東則務本而豫  
內豈顧近利為己私哉今四方儲峙視先生為  
郎時何如也諸邊精甲視二公仗鉞時又何如  
也夫國家大計惟賦與兵孔子論信民必先足  
兵食竊慨夫帑廩不支類以食之者衆也而營

伍單弱甚者不能軍尺籍虛耗宜廩有餘積矣  
而比比無蓋藏咎安在耶是皆先生之夙所綜  
核期以緒正舉行者升階而總掣吾知先生必  
有以振二公之鴻勳也語曰公門有公卿門有  
卿不其然哉不其然哉

節推喬魯瞻之春曹序

魯瞻喬公左理吾平陽九閱月 詔徵為主客  
郎余邑長劉侯慶 聖主念直臣公之道且大  
行矣謂鄙人夙獲知公屬詞以為贈云迺者公

慎修堂集

八卷九

十七

居內臺昌言特立風望動一時迺糾正 輦轂  
下磨切貴近抑橫刺邪諸近倖銜之伺他便誣  
中危法賴 主上明聖薄譴河東運幕既踰年  
量移是邦公初釋褐令南宮以惠愛為本條教  
頒行務在休息民力清和咸理治績為畿輔首  
稱值被邊使者駐關南郡守部州邑長吏詣使  
者陳守禦方略及供張廚傳來會比邑間左咸  
以憊困聞公經畫精簡屬令嚴密後省而費約  
民若無事時運幕素稱閒局罕事事公至則諸

部使各以艱大務來取裁悉為緒正即科條諸  
生茂異者喜得師執經講業至百餘人彌年咸  
充然有得分典秋試甄錄皆名俊間攝蒲筭拊  
循惠養治一若南宮時甫數月民吏親愛不衰  
為司理周歷并冀決疑讞獄不計察以詭時不  
深文以賈譽日兢兢庶獄於刑之中徵書至諸  
頌逮就訊遮道號呼願使君行且止俾直抑者  
情其得人和如此夫儒者修先王之道而從當  
世之事豈直為崇尊豐祿顯名榮進計哉所貴

慎修堂集

卷九

十八

展采錯事安國庇民以成天下之務耳如其董  
董謏聞拘攣閭沕顧自諒以為能是猶亡維楫  
而渡江河國家奚賴矣又或樹一節立一名即  
沾沾然喜器溢莫可增徙處卑散輒鞅鞅憤嘆  
如蹈湯火憤無一引手措於安全者政疵民瘼  
寧心煩於慮身歷其勞耶甚或曰吾令名大節  
已暴著於天下後無庸自苦也毀方破觚倒行  
逆施者有矣故君子忠憤以成名難矣乃若合  
夷險崇卑從容順適而胥不詭於道者斯難之

難也若喬公誠其人哉公植忠誠之志修貞亮  
之節畜敏達之才道全而美備者也廼職司牧  
則拊循其人民執天憲則明勅乎紀法理刑獄  
則精察詳辨伸抑滌冤上下並受其福焉夫中  
外地殊尊卑分異順逆之境則相懸公晉也不  
以喜摧也不以愠隨事故忠而殊尤絕迹各奏  
焉奚自哉蓋建績之途殊科而立德之基則一  
昔商丘開誠信無二心孔子稱之曰夫至信也  
可以動天地感鬼神橫六合而無逆豈但履危

慎修堂集

卷九

十九

機遺利害而已哉喬公忠誠克積貞亮無回雖  
孔子所稱無以尚矣誠信施於下斯民悅無疆  
誠信措諸事故允登庶績誠信感乎上天  
眷用申理有必至事有固然是奚有於內臺外  
服之出入間哉公今聲猷聳海內顧益不自居  
溫然其可即也退然若不勝也誠獨觀胎曠之  
原越拘曲之見善居令名而不違先王之道矣  
輿情願望於公者豈其微哉益或益莫違榮途  
過復若省署均任要重而春曹特號高華古所

謂秩清而選妙也自 祖宗時即察實選才不  
輕以畀若遷臣環召獲與焉尤僅僅見公棄外  
無幾何天寵再承奮枳鳳之棲振漸鴻之翼人  
臣榮遇盖非恒格矣夫虛右職以簡譽髦者  
聖主之哲也樹洪烈以對殊遇者純臣之忠也  
春卿四署名稱若殊而職務相涉列階稍異  
而明陟則迭居要皆以相秩宗而保邦國和上  
下而治神人者也夫禮原於天地而美盛於三  
代之哲王我 國家斟酌古前具存於所司敷  
慎修堂集 卷九 二十

贈劉儲峯辭榮高尚序  
先生長平之高士也蚤孕王屋之靈長契連山  
之旨既遊膠序益勵韋編探丘索之玄言泝典  
墳之精蘊令聞譽命溢於晉陽決策青黃衆儀  
俯拾然數奇調古屢贖莫前勁氣貞心百折不  
挽乃携子姪隱於 之陽愈修舊業懋落新  
知樞衣執策之良濟濟于門而諸郎亦大雋異  
然竟無能知先生者歲丙午年已七十乃就貢  
于南宮時仲子彬泉君癸卯已舉于鄉先生復  
慎修堂集 卷九 二十一

以為贈子聞之古曰克施有政是亦為政又曰  
有子考无咎蓋家庭式則邦國同符胤嗣震昌  
前人斯顯其理固同其機亦未始不一也是故  
方先生之抗志遐修潛光歛采其心非不思以  
易天下也然而滌井不汲行惻徒興子弟見從  
教思已溥夫家者國之則也教家之化既章則  
所以教國者亦若是而已固不必於身嘗試之  
而後志可行也先生之才弘經畧術辨天人非  
不可以恢皇王之緒建康靖之勳也然而時命  
慎修堂集 卷九 三  
不遭躬行已室垂休食報子姓方昌夫子者身  
之枝也意承於子是即章化於身矣又豈必身  
親為之而後為達耶矧彬泉方躋弱冠已樹令  
名嗣是而陟膺登顯覲耿承光建不窮之業流  
億祀之光揚烈垂休先生之名愈永矣豈惟是  
耶今茲之往誠益彰往烈茂啓來芳殆未易多  
見者也漸之上曰鴻漸于陸其羽可用為儀傳  
曰其志卓然不可亂也噫先生有之矣請以是  
為頌焉

贈都諫李冲涵應 召序  
自東郭先生推明致知之學於桐汭維時髦俊  
雲附景從延于宣歙之間彬彬多論學之士矣  
迺郡人北山居士李公親承指授為高弟子云  
居士既隱而未見迺以所得啟嗣子今吾郡司  
理冲涵公未冠即銳志聖賢習聞致知之學怡  
然有合迺舍置舉業裹糧携友浮于江涉于湖  
講業於青原東越齊雲水西之間日與東郭念  
菴諸先生上下其言議商訂其幾微講求既博  
慎修堂集 卷九 三  
探索日精千聖微言超然獨契于心矣間復出  
緒餘為場屋之文遂舉進士莅是邦公志先化  
導不專事刑辟行部州邑必進守長士若民啟  
諭以道德心身之奧示以升降揖遜之容復定  
為交會燕饗之宜婚喪葬祀之節帥其長吏務  
在精力推行之公被服儒素渾無祿食態而淳  
誠溫朴藹然若元氣襲人故得公之訓者駸駸  
奮起而不自已焉全晉險要半枕虜穴中而兵  
機庾積蠹窟弊藪強宗豪右獄訟繁興株蔓連



引恒數十百人歷歲未易理重臣部使廉公行  
能率舉以屬公一訊輒得其情取魁桀致之刑  
連及者即破除縱遣而凡飛語之所中羅織之  
所成必審慎閱實求協于中至于挽回上意防  
戢吏姦則心煩於慮身歷其勞又有人不及知  
者隣邑窮邊綜覈省巡無不三四至父老扶携  
拜伏遮道感頌車至莫可前時公奉母太孺人  
郡署居閱數月必馳歸省覲太孺人聞公善治  
得民狀則喜曰汝父夙聞要道而未見諸行汝

慎修堂集

卷九

十四

意能承考惠澤一方矣尚圖措諸天下之民哉  
太孺人矢艱貞抗弦節踰三十年矣郡邑屢欲  
錄實上聞太孺人輒正詞力阻然士議輿情  
邇頌遐傳胥願旌揚以表著盛美者方皇皇莫  
遇恐非太孺人所能終辭也公居晉幾五年課  
最每為天下第一於是天子虛諫院以徵焉  
公屆行余邑長禹城劉侯石樓長安陸劉侯寔  
則公學道以愛人者慶大道之行於公而兆也  
屬公為之詞夫儒者之從事於學胡為而然哉

蓋不知成身之道不可以言人不知為臣之道  
不可以事君不知居上之道不可以治下學也  
者所以求知也理備性真道本至足知豈在外  
哉所貴乎學者致之而已矣世之羣居而論學  
者豈少乎堅白異同之辨非不燦如也夷考其  
行或燕越異趨毋亦樹之而無其本故為之而  
不知其方耶竊觀公妙契神悟獨探本原而又  
親受良知之要旨蓋淵淵乎莫可窮矣故言動  
造次必於禮則廉正守道精白一心視俗尚世

慎修堂集

卷九

十五

紛疇然無所動于中諸所規條經畫屹然為便  
民之防而禮讓之化一時上下翕然歸焉夫學  
之所貴以能行也公潤身惠下之烈殊尤絕迹  
既章焯於四方矣茲且登文石之陞筦瓊閣  
之樞崇論宏議固公攸司也今輿圖之廣生聚  
之繁機務之殷其所利病咸欣哀益舉罷細者  
毋論已迺鉅且急者公見之灼矣畫百年之策  
而破旬月之謀務綜覈之真而祛誕謾之習崇  
渾朴之質而絕靡麗之華公講求籌量豈一朝

夕哉夫居下不能以施遠今適得意而偶時則  
昌言遠計辰告于九重俾聖神功化光被四  
方而真儒善治身親致焉德行施於當時勳名  
垂諸後世萬姓將曰學之行也有裨於治理如  
此淵源所自論學信非可緩哉茲固邑侯為天  
下稱慶意也豈直恒情榮遇之侈云耶

賀總憲林雙臺右丞中州序

嘉靖甲寅雙臺林公以湖北叅知持節撫諸苗  
時首項匪茹竊據巢峒狙伏豕突侵暴荆梁之

慎修堂集

卷九

三

郊十年餘矣未有能征之者蓋林菁阻深餽餉  
煩費士卒微調情異力分率甫征輒已苗愈無  
忌焉公既至師虞論量悉得其情乃條上征勦  
便宜及諸方畧於督府督府即以屬公公會計  
諸度積轉輸偏橋足支數月乃簡土夷銳士合  
督府於湄潭大師四集草薙而禽獮之甫決旬  
渠魁盡殲孽孽靡遺督府上公功 詔進一階  
時公已遷長汴臬矣再閱月晉汴右丞省臬諸  
大夫忻忻向予曰陳師鞠旅料敵設奇雖宿將

艱之矣林公儒者也仁義是修法度是求詩書  
禮樂是敦一旦鼓三軍履重險收摧陷廓清之  
功關介士之口而奪其氣豈不偉然烈丈夫哉  
子容無言以張之耶予惟通三極之理而探其  
精儒者之蘊也因庶政之用而奏其績儒者之  
施也師中而吉特其一耳謂足盡儒耶昔孔子  
之數儒行也曰忠信為甲冑禮義為干櫓又曰  
博學而不窮篤行而不倦至他日論君子而必  
曰不器焉局於一長豈儒之真哉自貢舉法敝

慎修堂集

卷九

三

士大夫董董一經即溢然自溢利達既適藐武  
備為卑之甚者賦稅律令亦恬不講習委之以  
政類俵俵莫知所之其以一善名者復汲汲為  
炫耀圖乃若林公弱冠舉進士入讀中秘書文  
學特為相國所奇及論官固請散秩乃授儀部  
郎寅清秩禮大宗伯亟稱賢既八年出典楚學  
楚士駭駭然向風在湖北實主諸帑儲蓄勾稽  
剔刷宿蠹頓祛及入汴明法令戢貪殘風采震  
一時庶民畏且慕既遷秩旄倪走卒少失其平

猶遮呼林使君云夫公退然若不勝衣恂恂然若無所有迺文學教化之司財賦紀綱之任戡亂除戎之寄隨用輒效率昭焯在人耳目若此謂非博學篤行而不可以器目耶然茲陟也雖以功伐高而資序實已屆公猶瞿瞿然曰吾奚敢干天功為已力哉夫勞而不伐有功而不德君子所以有終也今天子方舉羣策以收太平之功公行將盡奇略而見設施矣以大真儒之效以永有終之吉蓋易易然者平苗之績詎

慎修堂集

卷九

壬八

足以畫公耶是為序

贈都閩鄭平湖佐擊 京營序

自昔有天下者必屯宿重兵於赤縣曰象勾陳環衛亦以崇武慎防也 國家京邑六師制屢分合而兵寢以微嘉靖庚戌我 皇上振飭而新之更部置營伍立練勇佐擊諸將軍非中外梟關突騎之渠率不界也根蟠糾結之靈廓清排決不崇朝定馬六軍之士鼓舞懽呼意氣百倍旌旗壁壘肅然易聽改觀營兵於是始壯矣

今年春中州都閩平湖鄭君被 簡擢佐擊

神樞營蓋慎選也鄭君故歷下戎帥歲癸丑舉會武第二人時主試鉅公嘆賞其文詞謂非業武所有子時守史局其言寔與聞丙辰冬君以僉書至汴迺長憲胥江楊公副憲海亭具公皆君舊舉主因為予言鄭君始為諸生有聲黌校中以世爵當及乃慨然曰大丈夫要當提健卒數千人橫行匈奴中縛名王獻 闕下焉能俯首終對筆札耶遂應東藩武試再為第一人然

慎修堂集

卷九

壬九

觀其人自奇士沉毅有智畧恂恂不自炫使為天子當一面寄必能破虜樹奇績擁節登壇何足道哉予心甚奇之然汴中原地不臨戎僉書又閒秩君嘿嘿無以自見撫臺部使各廉其能乃上書薦君若曰鄭某者暢曉兵機優閑騎射宜使出入行陣盡其長胡可投置散地也天子采其言乃有今擢云鄭君過予別予賀鄭君曰士豈賦才之艱哉逢陽遠會而才得以見諸行者古今不易也干將莫邪之刃豈不毫芒

然利哉陸剗犀象水斷蛟龍惟試諸用耳匣而  
藏之鉛刀莫擇焉君抱非常之畧效用素所期  
今握環衛之兵都肄 輦轂之下誠志在於建  
功事專於報 國朝奮績而夕承恩矣語曰爭  
名者於朝樹勳茂實奚必在萬里外哉或曰環  
衛兵罕與敵接如鄭君自宜試諸邊任於京終  
未易自見耶予曰體國者在識重輕任人者貴  
審緩急京營視諸邊其勢相懸豈直倍蓰哉自  
兵制更新士淳淳然興起今得豪傑之士將領

慎修堂集

卷九

三

之使時其簡閱齊其擊技作其心志恤其苦甘  
則鄭君一軍勢隱然不可撼彼斬將奪旗者功  
抑末矣噫鄭君茲行真可以自見哉推轂者真  
知人哉鄭君索予言為贈予既重鄭君遂次茲  
語以歸之為序云

送黃少坡司訓臨海序

昔三代盛時黨庠術序遍天下矣而父師少師  
之寄非德行道藝卓然有聞者弗與也故道尊  
而人知敬以修教化以興禮樂其機沛然無難

馬周表教廢師任漸微我 昭代初興遠則古  
昔典教之秩必屢簡乃成聞人碩彥多于茲焉  
奮其數教之功亦彬彬然盛也迺者延登拔擢  
視昔既稍殊而教法遂夷士習遂敝噫不有君  
子其能迓而之古耶予友少坡黃君者君子人  
也茲司訓臨海予蓋深有望焉初黃君與予同  
受經於于山莊先生所時童年即瑰瑋騰踔及  
為弟子員聲名籍甚每督學校諸生必亟稱黃  
君然試于有司二十年無所遇歲甲寅循年薦

慎修堂集

卷九

三

上春官再試 大廷皆褒然首列衆意君必少  
需遲求自試以期有合也予亦以為宜君獨曰  
吾有母今年六十 矣將借升斗之祿以為養  
也矧茲秋 之 日寔母壽期吾竊章服之  
華奉觴以為悅非人子所快耶一第之榮其如  
命何哉迺請于銓卿得今秩忻忻過予而問教  
焉予惟天下之以歲資上都亭者校再歲之中  
率千人其請校秩以行者僅十二三然必有所  
迫于中者為之也君年甫強仕復抱雋材固處

之裕者時苟我與將無遠弗届矣乃養欲及親而仕無所擇是於教也奚有哉夫學校之設所以教為忠與孝也羣之弟子亦以學此而已今之師者督之升散導之將迎曰吾責若斯也其異於是者不過相率工筆墨以規利達已矣間有能倡之以根本之大者而反之身或未能焉毋惑乎士之不信且從也君急於為養緩於求名而又知退聽於命焉其大者先立矣轉移化導之機尚俟他求耶居之而不貳履之而不違

慎修堂集

入卷九

三三

贈同年阮相山之通許序

往歲甲午予與相山阮君同舉于鄉君資稟奇雋經學有師法通理世務考古今事變人物高下裒益會通悉中肯要聞叩焉不數語輒犁然當人心物望甚歸之然屢試南宮無所遇歲庚

戌以親老出授宰秦安秦安西土僻區也接壤羌戎夙稱難理舊宰罕善終亦未有薦諸朝者君臨事開敏矚然不染乃悉紀度而更張之未期月亂者治仆者植蒙者化鰥寡疲瘵者有所立而所謂難理者瞠乎退聽焉部使者亟賢之率任閱障塞簡戎伍稽儲糗均賦繇奔走河隴無寧日諸疑訟艱務歷時莫解者必命君君迎刃縷析若素習而目擊者於是龍潭劉侍御薦于朝謂君雅望清操敏才篤志至累數十

慎修堂集

入卷九

三三

言金泉王侍御謂君識達才優守清恣任隴右數十宰莫君賢也諸所署考類若是民亦愛戴忻忻然再閱年以內艱歸服既除補宰通許時同年胥會都亭咸謂君昔發硯銀遠勞瘁極矣今茲邑小而無煩且土風相及也其將卧治乎君蹙然曰以難易貳厥心以逸豫滅厥德謂吾敢爾耶願諸君無吾遺耳顧予曰子何言予曰遐邇難易者地之遭也勞瘁憂勤者臣之職也物不歷難者材質必不良人不履難者德器必

不固蓋難者易之地易者難之微也素難而難  
難斯易矣素易而不失其難焉雖措之天下奚  
難哉曷觀之御乎上下於羊腸九折之途雖蹇  
乘下駟失者鮮也康莊廣陌輕車駿足覆逸比  
比矣蒿師之檣舟也下瞿塘度巫峽江流悍急  
橫石廡利旁視者神駭目奪矣而蒿師左瞻右  
盼前指後呼卒之舍險即夷晏如也而帆墜檣  
傾或於不波之淵焉蓋操心危者罔不平視外  
易者罔不傾豈惟一事為然哉是故知難而難

慎修堂集

卷九

三

匪難也知易而難則過人遠矣君恒德自持不  
易厥易茲蓋洞然無疑者然易曰懼以終始其  
要無咎語曰行百里者半九十君其毋忘之哉

慎修堂集卷之九

慎修堂集卷之十

河汾亢思謙子益著

序

贈郡伯孫兩山入 觀序

今制郡國之長三歲則率所部羣吏課功最於  
朝寔古試功上計意也明年春復值其期吾  
河東郡侯兩山孫公將戒途惟士若民日遑遑  
然遮公曰自公在治境內清夷細民各安其居  
今聞當入侍 闕庭願須臾毋發可乎公曰

慎修堂集

卷十

一

朝會有恒期予其曷敢緩士若民又曰願 天  
子毋以公課最留左右晉公顯秩仍保釐是邦  
俾吾人有永賴公夙來復可乎公曰榮進有定  
主予其曷敢期公之僚賜谷李公少微邊公實  
齋艾公胥曰吾黨方以公為法程何能昕夕相  
違遠然公課實最願如士若民所期以終惠吾  
黨可乎孫公瞿然曰幸備佐劇郡制於繩墨未  
竟所欲施方日虞莫能 皇澤是宣庶民是化  
羣吏是正將無由藉手以報 天子是懼也二

三君子將無于是規耶三公遇過予曰孫公治  
劾異等而讜讓不自居今入會于都亭子其綴  
諸詞俾章焯在人耳目也公曰往予守官吏局  
孫公方為給事居瑣闥中時權貴人某者新得  
幸恣睢驕溢反覆侵亂衆莫敢撓公首發其奸  
天子聽公言貴人始不敢肆當是時直聲震  
天下然愛公者寔危殆焉憂公怡然不介念既  
踰年竟為所中傷請處閩南者五六年方其為  
給事在貴近地不沾沾溢也據忠畢悃盡其言

慎修堂集

八卷十

二

焉及棲枳棘治細瑣務不戚戚然憂也悉智陳  
力盡其守焉公治行之卓絕自昔聞之矣豈直  
於今為烈哉新貴人既敗天子自請所再遷  
公官廼者復自天雄擢守吾郡位貴重矣公于  
于然不少異昔時始至即循行郡中觀納民俗  
人人問以所疾苦既適度其可行者布為條令  
損無益之費寬不急之征節威刑之施時祿予  
之給廉潔不肯以仁愛為主本賑恤孤貧布德  
行惠屢屢焉是非皇澤之宜乎好言教化上

禮義表孝弟下有爭訟以至誠感悟令自悔改  
修治學宮都肄文藝躬為諸生指示聖賢要旨  
春秋祀飲陳鐘鼓管籥盛升降揖遜民蒸蒸然  
嚮風是非民俗之化乎環郡城而列者州邑踰  
數十公孽擷風誼考人吏治迹旌別淑慝章示  
好惡凡作姦犯科繩治無所貸其欲達未逮者  
誘掖教誡不即棄之數十城之屬類惕然不敢  
肆又未始不景仰愛慕公也是非吏治之正乎  
夫斯三者即公所自道耳固已流布遐邇入於

慎修堂集

八卷十

三

人心矣其他大惠盛美未易殫述也公雖不自  
居輝光發越殆煥乎不可尚已然予竊聞公蚤  
歲即從事聖賢之學究王伯之辨探蹟索微反  
躬踐約誠學道而心得矣是宜治効之異等也  
夫奉天子之彝章而布之於上下感物而化  
行有如此者持是以敷奏焉天子觀公今茲  
殊絕之治行思公疇昔忠鯁之昌言簡陟華樞  
留侍左右誠匪旦伊夕者公寧無所以慰吾民  
若士之懷哉公聞之樹一時之偉烈者哲士之

宏規也垂萬世之治安者仁人之長慮也公之  
惠養吾人凡迹之所已行力之所可及者圖惟  
興措亦既力罔或遺矣若夫嚴先事之防興後  
來之利熟籌而有成畫者諒非可一二計也誠  
乘間而疏舉於宸衷竭誠而孚號於當位俾  
言之而必行行之而必盡則公之茂烈在吾郡  
益與天壤為無窮而吾人被公之惠養者亦與  
天壤為無極矣雖然公初試尹永豐永豐之人  
思公迄今不能已蓋公志切於惠民固夙昔所

慎修堂集

八卷十

四

自盟者也矣侯子言哉矣侯子言哉

賀郡伯劉驪峯諸臺交薦序

古昔盛王省方巡甸考政觀民而陟明屏幽之  
典行焉所以允懷萬邦也我聖祖總擘百代  
損益宜時乃歲命臺臣巡行郡國所部百司  
衆務靡不俟要束以化條焉要之甄別品流揚  
善簡惡尤其軌事之先者蓋鈞衡水鑑於是焉  
資所以進忠良而裨皇化者舍是無繇矣今  
天子加意蒸黎欲俾舉安於田里崇簡守令屢

下德音獻納之臣承順嘉美復請嚴舉刺

之規以杜養交時驥峯劉公莅吾郡甫數月政  
通人和疆內時又英聲茂實照耀河山於是總  
督巡轡督撫三公各首薦於公車遐邇人士胥  
曰劉公未期月而純心惠政已浹洽於一方是  
薦之首也固宜既而諫垣條列諸憲臣所舉非  
宜者若干人聞于上制奪諸舉至祿有差  
天語昭垂若曰嗣如茲者罪無赦一時持橐簪  
筆之英惴惴不敢輕引重矣而巡察侍御崇陽

慎修堂集

八卷十

五

饒公殿邊侍御永清武公仍各首薦公治行卓  
異有古循吏之風其曰守己可以對天應務同  
于迎刃心術正大矩度森嚴愛民而先於節用  
馭吏而明以燭姦之云皆錄實也遐邇人士復  
胥曰劉公閱歷久而施澤深駿烈鴻猷已章焯  
於宇內矣屢薦之首也尤宜夫公廉潔光明表  
襮不事坦夷愷悌矯飾不為而人顧傾瀉嘉樂  
之若此語曰桃李不言下自成蹊非是之謂乎  
吾邑麗郡居士若民被公澤最先且渥邑侯徐



君寔則公以治術公澤於罔窮者慶 熙朝紀  
度之章明樂郡公聲實之孚洽於是借洪洞王  
君十數君子屬公述其事以傳遠焉公聞漢臣  
有言曰今之郡守重於古諸侯又曰國家急務  
取辦於二千石有味哉其言之乎夫部使監司  
莅乎郡者也宏規大務必於郡而取裁然猷議  
必行而上莫我奪者恒艱也州邑大夫師長承  
乎郡者也誕章瑣政悉於郡而稟令然施惠必  
下而屬莫我貳者恒艱也自公在治凡吾晉之

慎修堂集

入卷十

六

夷防飭給民瘼訟疑發議盈庭未易剖決者部  
使監司必咨公籌畫公圖謀莫或不用每議成  
報上率犁然當於人心未有不即見諸行者周  
郡三十五城守長多豪傑士公推誠情體更徭  
輸役出入師虞復繹思品定每令甲領布帛曰  
是良便於吾民胥亟下施罔或後未始有不以  
實應乎府者公何以得此哉蓋君子審天下之  
微在識居天下之業在罷而成天下之務則誠  
也公膺智博通條理縝密於凡毫茫之兆倚伏

之幾靡不探蹟索隱洞晰將然若燭照而數計  
者且貞介絕俗淡泊較韋素不殊而退然不自  
有未始以所長律人舍弘洞達真莫可窮際也  
言必由衷行惟循性不踰情以為悅不矯俗以  
貨名視機械突梯之習真若將晚已然夫識遠  
則微無不燭器私則物無不容誠立則推無不  
化故部使監司不特交口賢公也而且交章薦  
引焉是豈私於公哉公之心誠信於部使監司  
也州邑大夫師長不特戴公之體信乎已也而

慎修堂集

入卷十

七

慶公譽命之上 聞尤欣慕愛樂之無已焉是  
豈援乎公哉公之心誠信於大夫師長也然茲  
忱恂乎感豈聲音色笑之為一朝一夕之致哉  
易之中孚曰柔在內而剛得中悅而巽孚乃化  
邦也又曰中孚以利貞乃應乎天也夫孚誠底  
於化邦而應天伊說且爽之烈胥由此出者矣  
詐惟名實加于上下哉諸邑侯咸曰是惟吾郡  
公之所獨詣未或前聞也請書以表循良之蹟  
焉

贈別駕吳紹溪之順慶序

紹溪吳公往貳敘南也政績茂異會上計闕  
廷儀矩修偉敷奏詳明朝紳屬目稱賞銓卿錄  
善狀以聞天子擢為戶部員外郎蓋旌賢異  
典云居無何奉命監淮之常盈倉常盈者  
國初灌輸都下五巨積之一也自直達議行後  
復以金代倉政遂異迺者海運策興政務復增  
並視舊貫殊科矣公邈初法振墜緒彈宏略肇  
新規庶事粲然改觀乃稽舊章咨者考旁搜博

慎修堂集

卷十

八

採彰往察來倉志創成君子韙之焉然奮往直  
前遂為忌者中壬申秋出而通守河東典郡賦  
夫自曹署而即郡僚舍簡逸而服勞瘁眾謂怨  
且不堪也公怡然無所動既視事適行所部講  
求職所宜析之得其理舉之有其方故徵入周  
致期上供無逋額郡賦遂治監司異其能每州  
邑守長缺即委重往理之公政先民瘼絕無遷  
謫態諸州邑復治會部使者奉璽書覈三關  
經費積貯用計吏治施賞刑既簡從事之賢分

任其事特屬公總之公周歷諸亭障省儲峙考

出納糾侵冒諸凡漏卮乾沒之蠹頌為廓清頻

年邊餉若指諸掌於是部使者上公治行于

朝若曰臣竊聞吏以過悞謫者率厭憚煩勞計

日需陟罕事事心獨平陽判躬勤職務若初試

時臣頃屬以查邊乃悉心彈力種種有章作姦

犯科莫或隱其偽誠肩鉅舉重之才盤根錯節

之器也夫求舊者其用習使過者其功宏幸得

附判于斯義一加簡拔即績效可徵既而督撫

慎修堂集

卷十

九

諸大臣先後疏三四上皆若使者言今年秋

天子晉公同守順慶余邑長劉侯徵言以壯行

且曰吳公治行卓然冠一時在郡近三載且憲

臣屢論薦眾儀必顯被殊遷以章良吏茲擢若

非所以處公者余曰大人崇器使之道任賢必

適其宜君子奮委身之義隨地務樹其績公昔

代匱蜀藩竊見地多隱憂伏禍戚戚不自安每

思得個儻邁俗之才分布列郡與之共圖議也

近見吳公長寧行紀諸篇讀之未嘗不擊節嘆

賞公安懷之猷宏而確焉公莅敘五年足跡幾滿西土故於諸蠻之情態山川之要區戡定之機宜兵食之大計歷之久而籌之熟憂之遠而畫之精犁然悉當於人心頃歲絲蠻底定公議多採而行云且蜀諸夷環伏豈直九絲已哉未然之防固 廟朝所軫念深者公謀猷已兆於西方聲實流聞於天下有如此欲求堅寧蜀之勳者固寧能或公先哉今茲之權非大用之階乎夫可上可下不驕不憂聖人所以贊進修君

慎修堂集

卷十

十一

子也公崇卑內外涉世也深順德隨時應物也當蓋允合乎君子之道矣資級淹速詎或槩於中耶然自昔名賢若張忠定諸鉅公皆以再至而全蜀又安豈非成神奇之藥者多已試之方秦康濟之功者必既效之政哉然今權吳公於蜀之意謂不在斯乎謂不在斯乎

贈總憲劉見峯莅蜀序

國之大柄在禮與刑禮先矣刑可緩耶蓋禮失而濟以刑刑平禮斯節矣古昔聖王制刑作教

必擇哲人俾觀于五刑之中唐虞之世士師惟臯陶蘇公敬由獄長王國周公則欲式茲有位焉聖人為刑以任人也如此我 國家稽古建官九卿治內司刑居其三外布諸省設臬臺共之糾吏治察民隱而以提刑名厥官副貳分莅長挈其綱夙不輕畀焉今 天子聖神尤慎茲選往歲 制若曰自今按察使非歷試刑官者毋輒任意視虞周簡任之意奚異哉夫刑之制也所以坊踰越而採衰亂之萌也然一成而不

慎修堂集

卷十

十一

可易矣主之者非民司命耶法吏之言曰前主所是著為律後主所是疏為令夫意廣文繁事比衆多而民之麗于禁者日相續也故民得其情刑協于中施之一郡一邑者恒艱矣矧全省之民命攸司副貳攸率其難易豈倍蓰已哉是非習禮樂之訓探法律之微者寧能協羣心而佐治理耶今年春 天子既大計內僚於是序遷汴叅知見峯劉公總蜀憲君子曰劉公行蜀之刑協于中哉公初舉進士即理刑于開封洗

冤澤物剖斷精敏聲聞溢中州既歷郎署縮郡  
符副閩臬率祥刑若厥初功德可稱述再入汴  
居守南陽南陽連大山故逋逃攸伏奸究易興  
自公來黔庶熙熙然有寧宇汴民日夜望公即  
秉憲茲邦昔之政再見也乃奪以予蜀蜀民淳  
朴好義固易治然去天萬里溪峒羌夷羈屬錯  
居又未可純以法制議者公禮樂世家入官二  
十年所更率治民吏平刑節禮之方保國化民  
之要非一朝夕之積矣慎斯以往民用情而刑

慎修堂集

八卷一

十三

不驥以對 簡求之命奚有哉然公聲實日益  
起入應公卿之選以張禮樂刑政之化猶階而  
升堂者予不佞爰書以俟焉

贈叅伯李梅臺之湖湘序

予始登朝則聞東魯李公為行人瑰瑋踔絕俶  
倜無所阿私心向往之無何為當事者沮不令  
居臺中越五年由戶曹郎陟僉汴臬適潢池變  
告河朔洶洶公填拊綏輯除戎飭兵賊大奔逸  
獲厥渠魁復授計健卒縛元凶于莘邑子攘為

功公寂不言及再閱年晉湖湘亞叅奉 璽書  
督儲特時公以入 賀戒途或疑秩遷則義不  
可行者公曰 天子萬年闕廷頌祝子臣私願  
有大於是者耶再踰月歸自京以禮成告迺別  
省臬諸同遊于是胥餞於郊公執爵起曰頃吾  
在都聞宇內提封懸邈者以湖湘為首稱賦額  
之盈諸道亦莫湖湘若也然移寓錯居民鮮土  
著俗習咭窳而積聚率希且胥史深文牒籍滄  
敷豪俠專擅輸納匪特不及時已也故逋租積

慎修堂集

八卷十

十三

負其麗豈曰數億哉迺者遏苗軍興徵調餽餉  
溢常額幾倍督發工作使者復結轍道周全楚  
府廩無餘積問左恤恤然以匱乏憂夫不在官  
也猶必取諸民以盈之今亦不在民矣弛徵以  
干譽吾不敢也竭澤以要績吾不能也諸君子  
其將謂之何予曰因地以制賦者政之經也督  
賦而張官者時之變也夫國資於賦賦資於民  
數蠹長奸至莫可窺究國家奚賴哉故隆以  
璽書專以省貳俾圖回損益弊者祛而利者興

耳夫弊之積也豈一朝一夕之故哉其成也有自其祛也有幾故致明以燭奸則邪慝莫逃行健以遏惡則豪猾莫撓而又施仁以容保則田里舉安是在為之而已矣予竊觀公拜表不違先事君之敬明也一德自樹雖見忌罔渝健也歸功不爭而物我一視仁也懷奇畧而見設施謂非其時乎矧今苗格息兵則轉輸費省工作既竣則督發可寬由是歐痲情之民盡緣南畝使畢其力而安其居將無難者謂湖湘租

慎修堂集

入卷十

十四

賦之易不自公行始耶子碌碌於茲方藉公以有立遽奪而南能無介懷爰次茲語用為別云

送大參侯二谷之廣右序

往丙辰秋子初入梁時在梁省臺諸大夫皆極天下之選得同事事日聞所未聞私心慶幸之局歲除憲副二谷侯公又至自東廣公永嘉人也被服儒素退然若不勝衣每廣座中容議論適相高下恂恂然語不一發叩其中則辨天人之際究王伯之略開經濟之要蓋恢恢乎其裕

餘也同遊省署僅旬日公以治兵畿甸別去分司于大名同遊者率不忍捨云大名故不設憲使創之自前盜警也旋停去者久今上初乃復之蓋郡雖畿輔地去都千里而適介時齊兗梁衛之間其俗靡肆而任俠不畏作非椎埋馳剽之奸聲相聞也除戎之使可一日緩哉公既至則與諸屬約曰盜之繁也俗之靡馭之也自今其務創乎奢民之救也上之肆激之也自今其務約乎已又下令於民曰崇本業誠淫巧毋

慎修堂集

入卷十

十五

豪放是從毋逋逃是匿凡我聞在昔者不汝追也時諸屬奉法罔違越作姦者胥戒胥規不敢犯焉其秋復偕連帥乘塞拒胡胡不能犯是時畿南號大治民愛戴公若所生且旦暮望公即填撫茲方也又明年秋天子擢公大參廣西諸大夫相與言曰自侯公治河朔聲實流聞河朔為重焉夫河朔者天下拊背扼吭區也今顧遷而南將毋遠之耶矧南中無事侯公抱奇略而當非要區奚由自見哉予曰簡才俊而登崇

者君上辨材之哲也隨通退而建豎者子臣奮績之忠也諸公謂西廣為遠南中為閒暇耶夫八桂昔在要荒入天朝則仁澤涵濡太和鼓舞文明麗止之威與中州等矣天子拔方岳安集之臣謂有輕畀哉竊聞之人言猗犷蕃孽土狼獾悍往岑猛一逞兩江煽動數年焉頃三吳之徵發非其餘孽耶出入藩籬窺覘富美謂野心無動非矣夫豺狼未搏毋曰仁而可親也蜂蠆未尾毋曰微而可略也童牯獠牙是非慎修堂集 八卷十 十六

贈參伯蔡明軒莅晉陽序

是歲春 聖天子既大計天下羣吏之治復諭銓鏡大臣俾甄別治效異等者亟錄善狀聞遂 詔擢吾巡臺憲副明軒蔡公為是藩大參往莅冀寧為賢者勸焉公之秉憲茲邦也砥節潔身布公勅法務在安養細民而吾民愛戴信從真有不可解於心者頃覩公明陟晉遑遑然曰廼聞朝議用賢必久於其官吾儕方慶得公以永惠我民也胡今進位會城未獲竟厥施耶吾平陽郡守蹇侯樂公柄用之造端嘉士民慎修堂集 八卷十 十七

封疆之臣所當先事耶陟公于南謂論官非博簡深慮哉然予又聞侯公先大夫筆山翁以直道顯于嘉靖之初危言激論坐坎壈終身無悔焉夫良治之傳訓簡之習其所從來者遠矣豈以遐邇動于中者哉居無何侯公束書還梁告行於諸大夫諸大夫竊識視之侯公油油然猶夫初至梁也乃相率向公曰子誠知侯公矣贈行故有言其毋辭遂次茲語志別云

奮績延登之偉烈絮度比擬謂寧或異耶曩公  
令葉城有異政臺臣交疏薦揚遂改令良鄉夫  
良鄉之未易為理非一朝夕矣自公在治邑無  
秕政傳無滯節民有頌聲二百年来僅一見也  
詔徵入為侍御史居臺條列皆中外要務行  
部遼淮風裁凜然迺以嚴見憚出叅東藩遷晉  
臬副奉 璽書莅河東時甲戌冬也公環歷封  
內周爰咨諏迺嘆曰民之未底於輯寧者非枯  
于吏肆擾于盜侵攘奪于疆宗豪右之凌暴乎

慎修堂集

八卷十

文

迺嚴紀度正官邪時詰察除奸究權遏兇頑而  
取其罪狀甚者麗刑書庶民洋洋於田里三閱  
歲矣功德在吾民豈可涯量哉是宜民之愛慕  
不欲違公若此也夫公察於晉之故宜於晉之  
民章章表著有如是 聖眷寵綏崇其秩而不  
易其方官無曠政民息將迎是非得久任之良  
術哉然兵巡居守繫重非殊而遐邇安危隱幾  
或異 當宁簡擢賢豪儲安諸夏計深慮遠固  
非草野所敢知然竊念河東為晉輿區去塞垣

稍遠冀寧自平硯抵河曲東西千里而遙垣外  
皆虜所時至地而滑石灰溝諸亭障去套僅一  
河臬臣分戍以飭兵者三而守則惟一任視河  
東厥重且艱矣頃聞道路言自虜築城臨塞下  
邊人無賴愁苦者或視為樂國而潛趨或親戚  
不還而往即逋逃踰塞莫有誰何譏警候望之  
司安在耶夫人情懷土疇願去其鄉今而無聊  
亡命若脫羈囚亦有窮促之而致然者乎獸窮  
則噬馬窮則逸教誘作奸奚所不至先事之防

慎修堂集

八卷十

文

可無素定哉智者燭事變於未然仁者止禍亂  
於未作蔡公智仁之用安民之猷淪浹於河東  
者深且久矣聲茂實騰溢公車 寵命許謨毋  
亦期公以已試之方而安并冀耶蓋冀寧者全  
晉之屏蔽屏蔽安斯全晉固而 九重紆西顧  
之懷矣由是隆推轂之寄付不御之權則公益  
奮魂瑋蹕絕之能樹 明時參天貳地之烈謂  
不在茲行始乎謂不在茲行始乎

贈邑侯陳遇泉入 觀序

皇上握符御寓軫念下民欲俾安於田里而無  
怨息愁恨之心也以與國共理而親民者其惟  
守令乎屢勅所司致隆茲選而 龍飛首舉特  
廣制科既乃簡鉅州名邑悉以其民界之外補  
者十七八焉昔張曲江曰六合元元之衆懸命  
於邑令宅生於刺史令其尤切哉夫跨數百里  
之地位乎千萬人之上於吏有君臣之道焉於  
民有父子之道焉則夫導王者之澤以布於下  
求庶民之瘼以聞於上者咸令事也百務攸叢

慎修堂集

卷一

二十

六典兼備故甄陶髦俊撫御胥徒則保衡之銓  
管也齊平征稅生聚黎元則司農之會計也惇  
典興讓秩享協神則常伯之寅清也除戎先備  
寢亂伐謀則夏卿之戡定也繩違撻厲折獄致  
刑則士師之弼教也飭材辨器綜事訓徒則考  
工之軌度也矧誕章大政細務瑣條待之而舉  
者未易一二其詳也令豈易易言哉若夫通達  
午道使轍交馳旁午將迎日不遑給與郡共治  
監司錯臨政教並施弛張曳掣加之虜震于鄰

民饑于野則其難尤甚矣若是者吾臨汾比年  
咸有之乃遇泉陳公以進士高等筮令茲邑公  
修身潔已砥節首公當勤恤之 朝布撫綏之  
政宣明德意居以廉平敦庠序之教躬禮讓之  
則省選諸生指授經義剖析幾微被講論者各  
充然若有所獲也越明年與計偕者特盛往前  
廣視遠聽糾察美惡吏端禁止胥史肅然初至  
值歲惡民移公緩催徵減供費均庸調發倉社  
諸粟躬歷荒遠以賑貧餒民用不饑轉徙還集

慎修堂集

卷十

三

咸安宅焉崇鄉黨之化勸善懲惡俾肅政教厚  
里俗秩羣祀潔薦壺百神掄引歲再豐穰巨東  
關故有垣卑薄不足以為固往者虜入塞寇汾  
石關民恟懼乃大加修築尚未底於成公至則  
稽費授方鳩工督役仍悉以甕甃無何告成事  
巖巖奕奕與郡城埒焉其秋虜徂伏塞下監司  
遂屬公主守公率眾登陴部分卒伍詰問謀塞  
險要民心大安歲饑盜作公嚴立保甲糾剔姦  
伏不得旋踵連鞠庶獄悉協平允省繕治時役



作杠梁惟其時四民惟其敘使輶出於途者無  
滯節而亦無踰禮大吏臨於上者政教悉資以  
考成焉羽檄不驚災害不作百務具舉六典允  
修公之莅邑誠易人所難者矣今年冬公赴尚  
書期會敷奏于天子之庭吾關士若民胥傍  
徨奔走若狂圖所以柅車而無從也迺相率儼  
然造公徵言以為贈公惟士君子兼綜六籍誦  
說百家玩古循良之烈孰不欲媲美前修垂名  
來祀哉迺臨宰守官能不異其所期者未習見

慎修堂集

卷十

三

也毋亦心移於致飾才驚於近名政先於操切  
爾耶若公之忠誠純一而表裏洞觀惻愍含章  
而輝光自著循理奉職而平易安民是宜值難  
理之會而著善治之功也往公代使者行部近  
邦僅旬日耳民即喁喁然俟其歸而恐後今茲  
之行動以月計則民之繫戀瞻依固其情之不  
容自己者哉然公直躬行政非煦妯甘悅以為  
懽者而民親附之誠切如此謂非公之真誠愷  
悌感孚之耶自公在御部使者以公之善於邑

也循良偉績疏揚 當宁蓋四五上矣夫天下  
者一邑之積邑難而天下易也善於邑矣舉而  
措之天下有不善乎賢公卿錄循良治劇之顯  
聞對 聖明旁求之德美 宸衷上協華袞胎  
垂公必首被矣由是而登瑣闥職論思繩六典  
之愆違則必摠正直忠厚之大議由是而秩公  
孤司論道筦六典之樞鑰則必奮寅亮調燮之  
嘉猷謂非自茲邑始耶信乎措之天下無不善  
也傳曰涉遐自邇又曰先難而後易誠然哉雖

慎修堂集

卷十

三

然吾邑人之意則惟願公攸往夙復以慰愷悌  
父母之思也

賀光祿劉龍泉榮膺 天寵序

昔漢方有事於匈奴所以財幣虞河南人卜  
式上書願以家財半助邊武帝使問式何欲曰  
天子誅匈奴愚以為賢者宜盡節有財者宜輸  
之匈奴可滅矣無所欲也帝以語丞相弘弘曰  
此非人情不可以為化乃不報罷歸歸數歲值  
渾邪等降貧民大徙皆仰給縣官倉府空無以

盡贍式復持錢二十萬與河南太守以給徙民  
河南上富人助貧民帝識式姓名乃賜外繇四  
百式復盡與官帝以式長者召為中郎辭不拜  
請牧羊上林中歲餘羊蕃息帝過其所奇之以  
為緹氏令緹氏便馬歷遷令成臯傳齊王矣會  
呂嘉反式願與子男首奮行陣以矢臣節帝廼  
下詔布告天下賜式關內侯徵為御史大夫以  
直聲著稱余每讀其書未嘗不撫卷而嘆曰材  
賢之伏於微陋是可以倫類拘耶式田畜之雄

慎修堂集

卷十

十四

耳一以義形為天子所識擢隨試稱奇而言議  
風節遂章顯於天下者如是假不值其時謂非  
終老巖穴而名不聞耶然帝察言而必稽其當  
拔賢而不泥其方卓乎英主之偉制也頃歲丁  
卯逆虜窺我塞垣守臣戒匪嚴虜遂踰鎮西驢  
離石遊騎距吾郡未二百里郡東關舊有城草  
具飾觀無足為緩急恃民皇皇然若莫能自存  
廼我 皇上震怒逮不戒者付于理飭責諸連  
帥務奮勇驅除虜廼褫鬼播逃居無何 上納

廷臣言詔西北諸內地悉高城深池以為防時  
予郡守我山毛公祇承德美集士及民為修築  
圖顧度藏久虛財力無從也士若民各毅然請  
曰某輩願因力所及輸貲罔或艱惟公終成之  
公曰若能是予曷敢弗度時里人龍泉劉君首  
輸白金六十鎰繼之者若恐或先也閱明年功  
將告成郡守乃彙諸輸貲高者白于督撫中丞  
二山楊公楊公義其事遂具以疏 聞請大有  
所表異以風勵四方 皇上下公卿議咸若曰

慎修堂集

卷十

十五

是邑士民胥能知方力往先國家之急不為私  
已圖而劉某之輸視眾額獨盈焉不賢而能若  
是乎是宜如撫臣言於是制授劉君為光祿署  
丞有其榮而無其勞蓋優厚之典也夫章縫之  
士皓首窮經或數奇無所遇一命莫膺者豈乏  
哉而君嘉遯丘樊不求聞達一時遭值中士峻  
躋君曷嘗庸心希冀以求有得耶自天錫命于  
式有光矣然式之始進也布衣中躋委身卑冗  
而君享榮名偉冠服優游泮渙於桑梓之邦畧

無塵鞅之及焉是 聖朝之所以寵異夫君者  
適馭臣之柄超出漢廷萬萬矣或曰 朝家之  
不使君勞固矣母亦虞其未習為吏耶余曰豈  
然哉昔我 皇祖初興往往拔擢重厚長者於  
田里之間而寄以心膂之託復徵富民出仕號  
稅戶人材若吳興嚴公震直者以樸直忠勤特  
為 宸眷所鍾由藩叅都憲歷大司空雖震撼  
再構竟以功名終其風猷建白恩遇始終具載  
流芳錄可考也世曷嘗乏才哉顧必試而後見

慎修堂集

卷十

三

耳劉君負遠志蓄奇略使誠有所寄其所樹立  
當有成績必矣未習之云非所以語君者然  
廟朝之意則固欲優閑崇顯之也寧有所靳耶  
里中諸薦紳方徵言為君贈遂敘次以歸之云

循良篇贈郡伯張前溪奏績薦留

余讀漢循吏傳而嘆吏治之難也夫循之言順  
也上順公法下順人情不為激厲之行者也漢  
有天下四百年吏得列名于傳者幾人哉夫天  
下親民者莫守令若也我 明撫御萬邦 列

聖率重茲選良臣烈士競美揚休然德澤入民  
深而昭昭可稱紀者亦僅僅也嗟乎難哉難哉  
吾平陽寔晉與區頃歲虜頻窺覘閩境備之歲  
復數不登通者募士市馬督通儲峙令紛若也  
余竊祿于 朝鄉土之憂寔切焉今春以使便  
道入境則見吏畏而業修民和而俗勸心竊異  
之進諸父老而問焉則曰是皆今郡公之賜也  
它守署篆時吏發求民間至夜不絕民不得安  
今郡公之至也雖適郡多故而劑量酌損疾徐

慎修堂集

卷十

三

適宜民不見吏胥有寧居焉及謁公則見循循  
廩廩有德讓君子之遺風因私慶公之治化有  
自也居無何公以考課當行郡人方竊憂之迺  
撫按憲臣各抗疏請留以永民惠朝議從焉襄  
陵令王子汝言欣欣然謂余曰始予襄陵之命  
下心寔虞其治弊而民乖也朝士之好我者率  
曰今郡伯張公者賢也往而師之政奚難哉公  
今見留予得師矣予喟然作曰味哉告子者之  
言也夫為治有體而施政有綱體立而後政成

綱舉而後治達循良者治之體也光大者政之  
綱也體失則乖綱紊則悖治之所由隳也今觀  
公之政也本以廉潔動以忠誠存以慈惠濟以  
嚴威出以易簡勵以有恒明而弗察剛而不折  
謙而不過貞而無回夫廉潔以樹則忠誠以作  
孚慈惠以興利嚴威以振頑易簡則不擾恒德  
則有成明則不惑剛則弗撓謙則民懷貞則幹  
事達治之體審治之綱矣視兩漢諸賢異讓哉  
夫郡者邑之積守者令之模也子誠於公焉是

慎修堂集

人卷十

三十八

師公之績固無俟於考而襄之化亦即是可知  
矣王子曰有是哉請書之以請正於公因質  
諸好我者

賀節推楊會江應 召北 upper

我 祖宗稽古建官百司既備復設臺諫以糾  
正之故居是位者必極一時之選焉頃虛位既  
多宰衡以聞 上命召中外名賢慎簡之吾郡  
節推會江楊公首膺其選公早以釋褐司刑建  
昌再踰年移風改政補理吾郡甫數月清行出

俗仁恕自哀祥刑之化溢於三晉茲召也寔可  
為得人慶矣既戒行郡侯前漢張公率寅好張  
于郊顧公曰公行矣公寔知子子可無言以壯  
行色耶公聞之昔人曰天下之事宰相得行之  
臺諫得言之夫天下之務廣矣賢否分科是非  
異致美惡殊途至不一也而舉於諫臣繫焉責  
誠重矣夫事君之義有言責者盡其忠有官守  
者修其職方士之未用也觀時政之愆違痛人  
才之倒置孰不扼腕而嘆曰吾安得居其位而

慎修堂集

人卷十

三十九

盡言以正之耶及既用矣庸違者比比也豪傑  
之士不二心之臣見事風生發言盈庭矣然或  
失則數或失則激於事亦奚濟哉故言而有裨  
於上下雖鞠躬盡瘁而巳言而空焉君子不  
為也夫由疏逃納至忠甚苦也由至尊從臣下  
甚難也矧時有順逆則政有弛張事有緩急則  
言有先後機有隱顯則謀有淺深是在君子酌  
之耳昔孔子告子路之事君曰勿欺而犯矣至  
論諫則曰吾從其諷焉易著樽酒用缶矣而必

曰納約自牖噫此固萬世進諫者之律令也矧  
今狡虜陸梁兵革環於幽薊百姓財竭力盡法  
紀紊蕩饑饉仍臻上下俱匱無以相救此誠多  
事時矣會江公弱冠登朝播名海內慷慨任  
事斟酌時宜茲行以言為責由前之弊可無慮  
也陸贄曰至誠以感動之盡力以扶持之明義  
理以致其知杜蔽惑以誠其意韓愈曰使四方  
後代知朝廷有直言骨鯁之臣天子有不僭賞  
從諫如流之美噫此固會江公之能事也敬舉

慎修堂集

卷十

三十

以為公祝焉

贈同年喬沱川之博興序

往歲甲午余與沱川喬君同舉于有司余觀其  
愿而信恭而則明韜於朴茂之質實浮於休顯  
之聞疑和內植蓋世俗所不能移者也私心慕  
焉嗣是戰藝三北左次辟雍視其容如鄉薦之  
遇亦挫抑所不能屈也越庚戌迺名擢南宮聲  
動京國曳裾魏冠通籍文陛余往賀焉察其  
志如辟雍之會又得意所不能移也再閱歲之

夏迺銓尹博興進士積資者罕外補而博興又  
青齊敝邑也或有為君不能夷然者余曰非也  
君子志定而氣克守貴而行利具苟在我何用  
不臧豈判崇卑為二致岐內外而異情耶喬君  
敦朴而不外馳恢廓而無凝滯若器焉必隆然  
大而後可以有受擇所以入之者而已矣其閱  
世甚熟其察識甚精若機焉必度之括而後可  
以有中擇其所以出之者而已矣夫進士時所  
高而令則道之易以自見焉者今之令古子男

慎修堂集

卷十

三一

若也於民有君臣之義有父子之親其勢分相  
須而休戚相關者也故六卿之事一邑備之然  
時之所值勢之所牽六卿或有不能以自遂者  
一令得專制焉故不曰行所學焉已矣如欲見  
諸行也舍令其奚先哉夫一邑之政辨上下崇  
教化秩祀而除戎遠害而興利者其要也而天  
下之能事備焉在令克舉之而已矣故上下辨  
則民志定教化崇則民俗成祀秩則禮修戎除  
則兵足害遠則民不即于邪利興則民可使之

富噫此大順之治也令可以直致而無難焉故  
欲達其道舍令何先哉夫公卿者令長之積天  
下者一邑之推也喬君往矣攄發夙蘊以成治  
于東方使民之戴之也誠如赤子之於父母也  
茂績樹令聞揚若健者之升梯舉足愈多則身  
愈高而人愈仰由是而奮漸鴻之翼宅公卿之  
任固舉此而措之耳今茲之往謂非為之兆與  
書曰若升高必自下若陟遐必自邇喬君其以  
余言為然否耶

慎修堂集

卷十

三三

送外舅田雲泉受服榮歸序

外舅田公夙淳樸長者謹然諾先氣誼往歲三  
晉荐饑公輸家財以賑遂補藩省從事然非其  
志也頃者天子議誅匈奴公再出財助官廼  
借計之長安銓曹錄注任籍選期行局公復遷  
以歸余留之曰夫士赴功名之會也或跋涉數  
千里之勞或需次數十年之久率係戀不忍舍  
者亦乘時欲有所自見也公損己益公亦云屢  
矣固宜試諸行者矧除目指期又胡棄而他耶

公笑曰嘻子尚未予知乎夫志各有適才各有  
宜予仕則資冗而任勞豈素堪耶矧言不能嫻  
媚行不能婉婉縱引之而上援之而升亦蹶而  
已矣頃之所以入都者固將以脫俛仰之維求  
自適也今而竊章服之華吾將出薊門遵趙代  
登鴈門之巔歷中州而南覽淮海之勝然後息  
駕河汾構廬姑射抗神塵外放形物表徜徉容  
與養性靈而保壽命可也何能籛條施戚而孜  
孜於今之所謂仕耶余作而嘆曰有是哉公從

慎修堂集

卷十

三三

上之義退覽之真吾迺今知之矣夫趨王事而  
無所冀者之謂義違眾尚而有獨識者之謂真  
在漢卜式輸財助官數矣武帝以其無所欲至  
布告天下尊顯以風百姓其既也乃以牧羊自  
見求理人焉後雖治課輒最其始之為固已有  
冀而然矣豈誠義哉今之入貲而仕者滔滔也  
然方其未仕也率較日計時遑遑惟不逮焉憂  
迄其仕也殆若持券責償然者甚或踰坊否臧  
干抵法憲若罔聞焉是豈所以為榮計哉中稍

以能舉職稱者亦日見其憧憧懷懷於期會趨走之間耳回視公之出所積以足國而非富利之干鑿分量以高蹈而超世網之累者何如耶矧由茲而周歷舊遊投閒桑梓巍冠命服逸豫優游塵蛻汚濁超然順適誠獨得之趣天爵之榮矣較比求仕者所謂榮豈惟美玉砥硠異哉媿余縻祿清朝未能從公杖屨然寔壯公之行也又安能公留耶越翌日公戒途遂次斯言以為贈云

慎修堂集

八卷十

三四

慎修堂集卷之十

慎修堂集卷之十一

河汾亢思謙子益著

記

賢能流澤亭記

予讀西漢書至河東守請引汾溉皮氏引河溉蒲坂汾陰也謂歲可得穀二百餘萬石未嘗不嘆曰吾河東水利故在也曷求其故者未聞耶郡地類高仰旱乾歲什七民束手以俟養于天汾澮諸名流往往而在率不知用嘉靖甲寅憲

慎修堂集

八卷十一

一

伯南菴趙公奉壘書莅茲邦公忠誠愷悌慨然以萬物得所為己責軫時艱詢民隱日孜孜罔暇逸顧諸河交瀉深不盈丈而苗或槁于旁每曰水之有益於人國夫人知之矣胡茲郡異耶迺與諸令長父老講求疏導灌淤之法購浙之善為水車者分教諸梓人水車既立浚渠淤灌品節備焉迺白于撫巡議以克合遂領諸郡邑時守長多豪傑士屈力殫慮祇奉德美其年環郡數十邑遂大有秋是冬郡南地大震民傾

圮無完宇公亟往填撫輦諸州邑餘粟往為賑  
民知可以生無敢譁者境內遂底定公慮既久  
而長民者怠也列諸已興之利及守長之績刻  
石臬左覆亭以流澤名俾後之人永覽焉亭既  
成臨汾亢公諭于衆曰三代盛時養民制備矣  
而河渠水利之說未聞何哉井田相禪溝洫畝  
澮之必嚴故能時其蓄洩而水旱不能災自阡  
陌闢而溝洫涇智者始導川澤資灌溉水利興  
焉夫農者天下之本也泉流灌浸而後五穀育

慎修堂集

卷十一

二

今東南財賦甲天下西北則凶歉時聞謂天時  
地利異耶蓋東南之民習水事轉瀉輸積良法  
具存故地無遺利而民以饒裕稱西北民朴魯  
而不知變雖嘉泉巨川聽其滄滄東注耳豈惟  
民哉司牧者亦或急近功樹聲譽談及于茲非  
曰厲民則曰迂政矣矧曰河東地夙瘠民寡厚  
費項三關時警徵需蝟興民力餘者幾今迺得  
賢監司興無窮之利以培植而安存之又值良  
守長贊厥具美遂獲有成績繼自今利日益興

則民日益阜居常無事相安於田里而禮教行  
一或災沴值亦相維相固而他變無足患我南  
菴公之澤詎可以世數計哉然茲議之建乃公  
獨識之真者及其成也揭鴻名勒貞石而公若  
無所與焉蓋善與人同則鼓舞者忘倦揚美匪  
否則未至者可興觀茲亭也列名者將無思永  
厥聲未獲者將無思企厥美耶是又公衍茲澤  
於無窮意也易曰勞而不伐有功而不德又曰  
教思無窮容保民無疆噫繫之亭遠矣哉

慎修堂集

卷十一

三

河南按察司屯田道題名記

國朝設司憲之臣明刑肅政於外既分土而時  
巡矣若夫要機巨務則增置主治之以展采錯  
事然兼聽者鮮矣中州屯田綿亘諸郡邑連於  
兩圻封域直天下大遼東西南北之所趨也張  
驛置吏視諸省寔繁初以副使一人治驛僉事  
一人治屯治屯者間理兵防諸務今上初元  
始命專屯政至二十二年以理驛附之任重  
而政殷故必慎簡而後畀去三十四年夏上



擢台峰楊公僉河南憲司其事公至則詢屯賦於所司所司無知者視諸驛則困憊焚錯而莫可理也迺稽圖誌咨耆舊正疆界糾侵漁而屯政清求民隱明要束時給發禁貪殘而驛政肅蓋公明敏有心計又精幹能推行之也治梁既四年考前政諸公得若干人將鐫其名字爵里於石以記屬予予往守官吏局每聞談當世之務者率曰養兵之費出於屯而病國者莫屯若也政令之傳資於驛而厲民者莫驛若也未嘗

慎修堂集

八卷十一

四

不竊嘆之焉夫驅介甲之士使緣南畝且耕且戍而餽饒自克制未有善焉者矣然董之以戎帥類侵肆而罔公圖膏腴之區移於世族耕穫之入盈於私家屯所遂化為臺府弊藪矣憲臣徒恃空籍而莫可誰何屯卒終歲勤動而曾不得食其力之入也龍節虎旗交馳道路驅堅策良者日不知其幾民力竭矣而典之以裨官假吏駿剝乾沒若職所宜然者故一應驛司之役必困頽流離而後已是二者海內之弊均中州

為甚矣自予與楊公遊則見公言屯言驛根極要領探討弊源指畫便利疊疊不可窮率若身履其域目擊其事手計其數者未嘗不嘆公之悉心於所業若是是宜其政之修也夫政之隳且廢者豈其初則然哉遷徙頻仍士罕固志文法拘係人有畏心故視所治率若驛然耳楊公視宦如家心勞政舉中州之人耳目所親記矣而復亟亟章顯往哲之名蹟何哉蓋前者後之軌名者實之形也考賢範表休光樹法象於目

慎修堂集

八卷十一

五

前垂聲稱於來祀以觀以興以則以戒公之意遠矣哉石既具適公有湖湘少叅之擢命工亟成之夫志銳於入官宦成怠焉政施於莅事移秩已焉人之恒也而公顧不以久暫去留異若此誠非常人之見矣觀茲石者沿名而考實因往而察來二政其永修乎

陳留縣廟學重修記

陳留開封東出之首邑也廟學設邑治之東弘治中張尹達修之越六十禩矣地址卑下潦水

時集舊制儉隘積久漸隳往歲辛亥予以 冊  
命使江藩止驛亭頽垣東望夷然相連詢之即  
師廟也往謁則淤積盈庭門廡傾圮顧無可  
告語者低回嘆息不能去云越五年丙辰秋予  
以視學入梁時邑尹王子好學亦始至亟詢之  
曰公始謁於學俯仰堂除戚戚不敢寧今方圖  
之矣閱六月尹告於衆曰學宮敝也甚誠不能  
一朝居者迺邑衝而土瘠民力莫可取也賦繁  
而逋積官帑莫可資也好學貯數月之俸得直

慎修堂集

八卷上

六

二十金請以是漸新之可乎於是邑丞校官咸  
進曰吾輩方佐尹以事神而教人者懷是久矣  
顧未或先之也請各以俸之積助焉邑士之舉  
于鄉者遊于監者育于學者民之敏而好義者  
又莫不曰茲吾邑之所資以成俗吾儕之所資  
以成身者俛是久矣顧未或舉之也請各以家  
之積助焉不數日萃白金四百有奇尹命工計  
其直適與費等乃以書告予予曰衆志協則動  
免減物力具則民無擾然非上下信則事未易

終也其慎圖之王尹以白於撫臺上海藩公巡  
院永嘉孫公議以克諧乃簡謹朴之民分司其  
任鳩工庀材崇基更制胥撤而新之丞佐督其  
作校秩理其規尹總其綱焉經始於丁巳之三  
月至十月而畢工予適校士歸自東王尹請予  
卜日舉釋菜告成事則見地崇於舊而潄水消  
矣殿崇於舊廡增於舊而規模肅矣 敬一亭  
位於東北而 聖謨尊矣啟聖祠位亭之西南  
而名義秩矣明倫堂闢於舊而時教可聚矣號

慎修堂集

八卷上

七

舍加於舊而退息可居矣書院附於東則講習  
麗澤又各有所矣門祠齋寢棖楠棟梁以至甍  
甍垣墉莫不敝者飾闕者興丹雘焜煌廡隔嚴  
辨巍然燦然明且備也予喟然嘆曰賢哉尹是  
可以考政矣迺進諸生而語之曰夫學宮者王  
政之本教化之源也自昔聖王以興禮讓以厚  
風俗未有能舍此而先焉者我 國家 列聖  
相承我 皇上大德受命崇學作人之典流聖  
薰蒸洋溢海內郁郁乎盛矣然順承 德美俾

人士聿興未始不於長吏之賢是資也茲學之  
微閱歷歲時而未始或新之者豈其力不贍哉  
王尹莅官甫數月華孳於是焉先而精神意氣  
之所感孚校官繼之丞佐從之邑士若民欣欣  
然應之官無費貲民不病役而廟學之成也忽  
焉是可以徵禮讓之易興風俗之易厚矣夫立  
本以敦化者良吏之令圖也觀化以興行者良  
士之首務也學則新矣制則備矣諸生遊於斯  
歌於斯升降揖遜於斯觀茲高明光大之盛曷

慎修堂集

八卷十一

八

亦反之於心身而加之意耶夫誦法孔子者非  
言語文字之謂也尊所聞行所知不為利回不  
為物誘居則以是修於家而化於鄉出則以是  
施於政而化於國與天下俾禮讓一風俗同斯  
無負 朝家興學之意矣若假是為利達圖而  
心身弗之恤則斯學之敝又豈直昔若哉予既  
移檄禮王尹復為計其歲月云時丞邑者張辨  
司教者楊廷相分教者陳仕朝葛子行邑之人  
士及司役者民詳列於左方

遊龍洞記

嘉靖壬戌夏六月予以右使莅東藩適左轄位  
虛諸務紛紜故聞山東通志記載典實頗詳取  
而讀焉字漫漶莫可解乃購善本校讎而新之  
三閱月告成事見張文忠公記遊龍洞瀕殆甚  
心駭焉然以文忠善信士必不妄間以語臬長  
省吾雷公公體道不惑頗疑文忠語不謂然季  
秋十三日乃偕約司徒郎南海黃公可大副憲  
上黨李公敏德安成劉公佃戎帥仁和周君整

慎修堂集

八卷十一

九

淮陰劉君煥往探焉是日晨曦杲杲出城雲陰  
漸合途中微雨沾衣未至洞五里而漸大近洞  
兩止乃捭衣魚貫而上鳥道縈紆殆數十仞屢  
憊始能至洞口殊峻拔入即寬廣可容數十人  
四壁皆諸佛像蓋後人為之者布席飲數巡召  
山僧問之則云東南有穴不甚遠惟西洞深窈  
即文忠公所記也雷公拉黃公秉炬行于力挽  
之不能止未食頃達洞口遣吏來報予乃行其  
高者可仰卑者僅佝僂而已殊無苦較記所稱

大異既見羣公相與嘆曰不如無書古人之語  
謂是耶將文忠公危言之為好遊者戒耶抑陵  
谷移易時異而境殊耶將後人以文忠之記而  
開治之耶下至禪堂天宇開霽高峰四合若無  
徑可通而幽谷巒窮之莫既時霜初下楓葉  
如丹不見人迹古所謂桃源天台未知較此何  
如也歸途雨又至登白雲洞復晴返照射空景  
色萬狀豈山祇川若亦顯示神奇為巖壑增勝  
耶因復自念曰躬造其域則萬境皆融理得其  
慎修堂集 八卷十一

十一

十

真則衆言莫眩茲遊若有所悟焉歸而秉燭記  
之

### 遊華不注峰記

華不注之奇聞宇內舊矣嘉靖壬戌季秋既望  
余履齊之三月也值政務稍清乃約司農南海  
黃公可大憲長豐城雷公達憲副上黨李公敏  
德安成劉公佃聞帥仁和周君整淮陰劉君煥  
往遊焉道故自大明湖出水關時關門樞腐不  
可開乃出齊川門由陸行穿澮畝間秋雨新霽

野無纖埃稻刈方登三農樂歲豐執手相慰勞  
觸之令人脫然有遐思抵華陽官會食廣庭中  
頃則逶迤造山麓仰視孤峰四無延附峭拔特  
起如碧凝黛染直侵雲表奇石離列若虬龍虎  
豹盤踞奮揚攀緣而登窮峰之高止焉俯視齊  
城若在几席下羣山環峙泉流交注湖光樹色  
映帶左右斜陽暮靄煇耀飛揚誠天下奇觀也  
夫宇宙既開茲峰即奠近連城邑非荒絕僻遠  
之區顧樵夫賈客過之而不知宦轍來遊或值

慎修堂集

八卷十一

十一

時多故困於簡書而不及今 聖明又道寰海  
又康封域政修民安田里自公多暇偕我良朋  
悠悠然境物與俱而中無所係洋洋然造物與  
遊而外無所營心暢神怡得以適吾真焉孰非  
君上之賜遭值之隆耶于是雷公倡近律一  
章各應而和之晉安亢 為之記

### 續遊華不注峰記

癸亥春仲東省諸大夫為華不注之遊裕春素  
公記之詳矣遊未十日巖泉徐公以大叅至自

江東甫閱月方山韓公以長憲至自西晉再踰  
月虹洲秦公以副憲至自浙西胥聞茲峰之勝  
也欣欣仰止欲寄目償所願焉適端陽屆期明  
溪東明竹泉迺崇酒張具速羣公續前遊方山  
虹洲亭午集同文閣麓泉及予繼至遂自湖南  
浮小舟訪後樂亭出水北門歷三閘舍舟而乘  
入華陽宮薄暮復陟峰末則見裕春所為記東  
明已大書勒諸厓石矣因剔苔蘚辨石上舊題  
得往昔紀遊名氏僅數人焉迺相與慨嘆曰自

慎修堂集

八卷十一

十一

有茲山則名賢達士窮高而望遠者蓋不知其  
幾也今可考而知者僅若而人得非以茲刻尚  
存耶時舊遊惟予及明溪東明在西谷則以行  
縣蒞濟陰吾南則以遷秩入閩粵裕春亦以校  
士歷東萊夫春仲迄今未三月而同遊數公往  
來聚散若浮漚飛絮倏忽變幻已不可定孰如  
此矧其遠者磨滅無稽又奚足異耶諸公食曰  
誠然哉誠然哉勝會難常良朋易失今日之遊  
毋俾即泯泯可也迺為述其語以為續韓公名

朝江徐公名光啟秦公名梁春遊諸名閣已具  
前記中晉安亢 記

襄陵邑侯張私軒遺愛祠記

襄陵平陽之比邑在姑射泉之南十里餘醴泉  
為渠周溉倚郭名田踰隍達邑中旋繞閭巷分  
注諸臺署縈紆亭榭匯為池有芰荷竹石之勝  
行部諸大夫及東西過是邦者必憇息容與以  
清神豁襟若仇池武陵值也守郡大僚復即是  
為建節地然北出郊門度晉橋即非城邑西接

慎修堂集

八卷十一

十三

焦石諸山阨隘無所農桑東瀕汾踰汾地硤确  
過半源泉沃衍之區特映帶城郭者為然耳東  
南四十里當子午道虎符龍節交錯出於途然  
北來之驛奔走者半襄民頌德已極頃復令胥  
史率輿臺騎從逆賓旅于界首導出域中監臨  
諸大吏過其地邑令躬部吏士飭廚傳惴惴然  
踰禮將迎非一朝夕積矣嘉靖庚辛間歲復數  
不登民乃大困流離轉徙日繁有徒遁賦負租  
遂偕往昔癸亥春私軒張公以制科試令于襄

詢求民隱梳剔蠹源觀泉流之交瀉乃喟然嘆曰吾乃今知水之可以救吾民若此耶嗣是臺榭階除茂草日積荷枯沼涸疏葺不加復區標里至揭于四封俾觀者知泉利非悉邑有也開界上祇役之費且勞則曰禮賓事上貴以道耳是胡為乎哉遂具白于部使諸司極言重複困民狀部使諸司悉建公言役遂停又為之定經費以蘇里甲明輸納以遏侵牟躬清約以率民俗表節孝以厲士風正祠祀以覺愚惑禁自戕

慎修堂集

八卷十一

十四

以絕訟端凡可以庇益民生休息民力者若饑渴之於食飲忘其身之勞與怨而必推行之也無幾何流移四出者踵相接來歸公復為奠其居處蠲其征繇胥獲寧宇以生租賦宿逋遂悉盈額四境忻忻然愛戴公不啻父母若也行部使者交狀治行異等揚于朝乙丑秋詔書內徵日戒行黎民老稚攀戀塞途弗忍舍爭留承履以慰思是冬天子擢公為兵科給事中居瑣闥未及年疏請扶持封君壽菴翁歸里門

踰數月宅憂家居民思不能置乃相率構祠立主生祀于邑中於是致政邑尹劉君偉鴻臚高君溱鄉進士黃君景澤踵余門胥手黃君所敘狀欲紀公遺澤勒諸碑余惟與天子共治天下者莫先於守令而令視守尤先蓋其耳目日接於民而政令施易於及也士君子居閑處約誦說詩書觀循吏之芳猷慨蒸黎之羸瘠孰不思得邑而治以布德而親民也至出而見諸行榮進誘于前是非眩于外胥曰吾要路非遠

慎修堂集

八卷十一

十五

胡為而觸上官之怒耶胡為而構鄰邑之嫌耶故恃其所期者恒多也張公廸詩書之訓稽循吏之謨志定而不可惑守固而不可移榮進是非一於心無所入且廉潔之操忠信之行質諸神明而無疑徵諸庶民而無間故凡所興罷白諸上官而上官不違其願施諸鄰邑而鄰邑不撓其成徵召既久而士民不已其思有如此者夫勢分已移則非為佞與情協一則非阿私豈養名采譽者可希蹤耶夫界上之役宜停也前

此言之者屢矣而迄公乃成謂非見義勇為其誠心素信于士大夫與民乎然余又聞公奉迎封君子官所晨夕省視承志意每上甘旨躬奔走堂下屬屬然若不勝封君素以義方訓每聞公發令敷政澤下于民輒融融然樂也裏人化而戴焉公之惠澤垂於永永也謂無所本哉傳曰求忠必于孝誠然乎公名國彥字熙載廣平邯鄲人祠為堂為寢各四楹東西序八楹門二楹落成在己巳之 月云

慎修堂集

八卷上

六

崇訓樓記

隆慶辛未十月 日西河王臣表相上言君曰臣之先晉邸分封也宣德中籍茅土于平陽臣父恭定王臣奇溯私治初嗣先爵事祖母葉孝根天性行自衷成就養無違慎終有則祈天露禱精誠感通嘉靖甲申晉端王錄實上於 朝荷我 世宗肅皇帝特遣文儒降 勅褒獎時臣父年踰四十僅育臣身父子相依感 思愈奮訓誨式似俾念厥紹不自意今 晉王過株

庶言謂臣能孝嘉靖癸丑復具疏以 聞再荷

先皇帝簡命賢良捧 制表異 龍章府貢

臣庶騰惟舟木回榮山川增色臣竊念臣愚父子無似疊被 洪慈 華袞表揚溫綸誨勉誠

宗臣之極幸曠代之奇遭也然 龍箋鳳詔渙

自 上天而下土舊居珍藏豈稱迺恭建岑樓

用嚴崇奉迄於茲歲工幸告成臣惟樓以祇敬

聖謨而作則名豈臣下所得而專伏乞

皇上寵錫隆名 先題華額俾臣得肅瞻 明

慎修堂集

八卷上

七

命永世遵循不勝幸甚幸甚禮官條奏于 上

制 賜名崇訓焉 睿藻皇猷星虹昭揭 金

書瑤榜霄漢輝煌 王慶 渥澤之頻承思揚

屬以垂遠也屬公為之記公惟自昔哲王流聲

光於罔窮者必以孝為本始而聖君 錫禮異

於藩國者亦必以孝為務先若漢元壽之美河

間陽嘉之旌東海永寧之增邑東平往牒敷陳

班班可攷然率閱數傳而僅見若 王之世被

旌顯者鮮也思褒世及者或有之矣而寅畏嘉

名命自宸極者未始前聞也惟王獨膺

天眷之隆若此抑豈偶然之獲也蓋我國家

以孝理天下而王父子獨率履而不違懿德上

聞寵光三錫固所以彰國孝亦所以激人倫

也扶教樹風豈曰小補哉公嘗伏誦我世宗

之諭恭定王也有曰益篤善行以永終譽及諭

今王也有曰益懋操修用為宗室之勸聖訓

洋洋昭懸日月詞近而旨遠彰往而詔來大哉

皇言丘索典墳茂以尚矣而王父子迺肅成

慎修堂集

八卷十一

六

傑閣度請璇題朝夕嚴恭對揚休命謂非不

違咫尺真知欽崇天道者哉傳曰能事其親

以孝然後能事其君以忠王誠其人矣公束髮

讀古人書見有忠於君孝於親者欣欣愛而慕

之況躬逢盛會其嘉樂惡可已耶抑王茲樓之

建豈曰侈光榮炫德美已哉彰恩思勉昭示無

疆俾後昆族鄰繼序不忘耳詩曰既受帝祉施

于孫子又曰孝子不匱永錫爾類然則瞻斯樓

而拜斯額者其必有以感也夫其必有以厲也

夫

禮部儀制司題名記

代作

周官曰宗伯掌邦禮治神人和上下其在周禮

則曰春官宗伯使帥其屬掌禮以佐王而其屬

則若肆師之類是也我國家稽古建官禮曹

置司四儀制居其首其職司之員郎中額一員

外郎額一主事額二其職守之務有朝章慶賀

之儀用立冠婚之制宗藩封爵之典學校選舉

之法蓋凡禮之吉與嘉者皆其出也自文皇

慎修堂集

八卷十一

十九

定鼎建曹迄今百五十餘禩矣居是司者無慮

數十百人而姓氏漫無紀錄某年某季郎中某

病其缺畧謀諸員外郎某主事某某乃稽于往

政敘其後先得郎中自某始而若干人員外郎

自某始而若干人主事自某始而若干人刻諸

石以垂永久迺以序問於余余惟禮者理也非

由天設非由地降生於人心而已蓋齊莊中正

者其本也儀章制度者其文也無本不立無文

不行然本其要矣古之聖賢惟於其本先立焉



本焉既立然後緣人情而制禮依人性而作儀故為章程之設品節之施斟酌損益之宜以敘宗鄙以和上下以植羣生隨其用之所加蓋無一之不得其理者矣物得其理則天地可位萬物可育而天下之能事畢矣噫此內外合一之學體信達順之徵也故昔子思論聖人之道峻極於天矣而必曰禮儀三百威儀三千蓋以三千三百皆道也舜咨伯夷曰汝作秩宗夙夜惟寅直哉惟清夫三禮之典任亦重矣而其道乃

慎修堂集

卷十一

三

在直而清焉蓋以心無私累而後禮制可行也噫於斯可以見聖人之治與學矣後世心身之禮弗講而上下之所從事者率儀文制度之粗本之則無其矣能淑哉方今 聖明在御敬一傳心制禮敘倫燦然明備諸君子際亨嘉之會分典禮之司誠能於吾心身之禮而明之盡焉舉而措之則情文具舉本末不遺洋洋美盛而典禮之責其庶幾矣然則茲石之刻也後之人將指而評曰孰知本孰不知本孰能舉禮孰不

能舉禮噫殆凜乎其可畏矣余頃嘗濫竽秩宗有志於是而未之逮也故終言之願與諸君子交易焉

肯堂記贈國學周子

國學生龍田周子性資雋爽襟懷豁暢抱才殊俗邁志無前既遊胄監迄業丘樊洞究典墳雅善篇翰志專力苦外累頓忘雖承先世之廬湫隘喧囂弗顧也閱二十年子姓日繁親故交促乃慨然曰昔人有云陳蕃不事一室而欲經營

慎修堂集

卷十一

三

天下吾知其繆矣誠哉是言也矧門庭不理心身之累耶始徹而新之寅賓有堂祀先有室外夷中遠左圖右書壯哉居也既告成諸嘗往來者相與落之迺震噩尹東適錄為博士弟子長孫繼元以庚戌十二月誕生諸客向子曰周子世有令德仁厚相承茲新第成而二美集誠作德之徵也願有言以飭之子惟居第所以傳子孫子孫弗振者第之憂也書曰若考作室既底法厥子乃弗肯堂矧肯構又曰若作室家既勤

垣墉惟其途墜茨蓋言創作之艱而所望於繼承者重也周子席累世之仁負青雲之器年甫強仕即賢子林立蘭孫挺秀夫子孫衆者族將興子孫才者族將大則張老之祝固吾晉之恒言周子之能事也奚俟予云哉奚俟予云哉

重修大倉東官廳碑記

洪惟我 國家宅中燕薊高拱上游所以握天下之樞也圖惟居重環六師徙豪傑於是歲漕東四百萬粟用本根實焉庾廩露積錯峙都

堂集

卷十一

三

特立大司農奉 璽書總其綱主守給發則分六郎曹理其緒至於綜核豐凶之等斟酌損益之宜以通志而成務則復簡曹列之英一人司之東官廳者其莅治署名也歲久弗治日趨廢圯短垣庫宇至為盜窺上下胥病之嘉靖甲寅關中書菴盧公來督諸倉事越明年遘主政重齋李君莅東廳公明作惇大庾政聿新李君精白一心用襄休美政既舉始以署宜治言公喟然曰廢紀褻觀予念茲久矣其亟毋緩李

君乃徹而新之傭力於游民益材於廢署擇工師勤指畫若治其家然者肇工於秋初甫冬而成績堂崇於舊 尺則廡隅分矣寢移於後若干丈則內外辨矣增退食之堂三楹則作息宜矣庖福度閣位置區分叢棘高墉時巡以戒蓋偉然改觀也李君欲憲諸貞石委言于公公惟工役之興豈君子之所樂哉義有所當先勞不可已也時有所當急費不為奢也矧時義胥切而勞費罔聞者哉夫倉儲天下之大計東廳其

慎修堂集

卷十一

三

喉舌區也人類知之矣顧敝陋是仍則民不作肅廢墜日積則吏易滋欺於此而猶姑徐徐焉以俟于後謂識時行義者若是耶今中人之家百金之產耳堂寢倉積必列置不謬而後家政修一人之身必四肢百體無一不仁也而後中心泰君子之學由家以及國推乎身以淑乎人者也顧可異視耶茲廳雖細可以觀君子之政矣或曰往督儲大僚及莅廳者或旬時而更故未及有所興舉盧公治茲已再年李君亦盈歲

迺得悉心殫力講求而從事故其成易易焉此特其一耳嗚呼任久則志專政一則化善論治者尚于斯考哉

稷山縣新城記

稷邑在平陽之坤隅古高粱地也南有山廣延豐潤相傳為后稷躬稼所邑因名焉西連吉縣崇巖迴谷寔深昧絲曠之區渡汾而東即達秦魏孔道夙以形制稱且原野衍沃誠壯邑也故城高堅未稱嘉靖乙卯以地震盡頽隆慶紀

慎修堂集

卷二

三

元秋逆虜焱突踰鎮西入汾石烽火徹于河東民恟恟不自保事上聞天子遣諸守帥置于理遂詔公卿議摧虜遠猷廷議請西北諸內地悉高城浚池為不可犯計以寢虜垂涎詔允行時吾晉督撫海豐楊公按史商丘宋公分守安福歐陽公分巡沔陽吳公郡守平原毛公胥飭胥誌帥諸令長祇若天子之命戊辰春三月邑令孫侯登士若民於庭誥之曰宅於山者必崇其棧柵宅於都者必峻其垣墉細民周

藩以為固恒然也矧名區大邑可俾城壞耶頃

于鄰之震予與若夙夜虞茲之不足于此也至

寢食廢今天子下德音諸大夫承休美予曷

敢弗虔顧然若力之無從諸君其其以爲國士

大夫旅進曰茲吾人百世之防也侯之念我至

矣請惟力所及供僭務取所需苟吝以自私而

不公家之務是急非夫也民從而繼之者如一

口出遂相與立賞傭工若恐弗先侯曰財用集

矣出納不可無經也乃屬致政邑尹史君簡卿

慎修堂集

卷十一

五

進士加君傅梁君維裴君賜監生王君汝愚俾緒正其盈縮而得冗登焉材木鐵石灰甃之費鉅萬計也侯曰是宜厚若直而時若備乃屬鄉進士鄭君命高君應聘監生裴君經俾趣辦其物宜而綜核審焉按籍料民因民定役授方分作計堵考成矣侯復曰効力異齊無稽則急乃自東北歷北而西為門三屬邑簿李君思誥南門一屬司訓屈君徵劉君瀛東門一屬毛尉緒俾督察其勤惰而勸戒明焉侯出入籌惟躬程

百務時羣諸匠氏飭之曰茲為永久圖也取財  
惟其良毋勒其費成材惟其堅毋尚乎華致用  
惟其久毋成于速爾其慎戒哉愆于度浮于食  
邦有常刑復拊循其丁夫勉之曰茲惟典守責  
也顧我躬不能事畚鍤與爾共此勞然我心未  
始斯須不在此後也爾尚堅乃築深乃浚我將  
考爾勤恤爾私諸匠及民胥稽首謝曰是惟小  
人之依也小人無能自為以勞所事疇敢不祗  
茲彝訓以自隳所依耶時諸在役者率分番更  
慎修堂集 卷十一 三六

計僅十有八旬而畢問之四民無厲者一邑之  
人樂觀胥慶僉謂徵孫侯則此巨防曷從成繼  
自今寧宇優游子孫永保可忘所自耶于是史  
君偕鄉進士甯君桂太平校生盧君為邦介邑  
生胡君叔濫手梁君所敘狀徵予言予維昔周  
宣王之中興也戎狄內侵矣而勞帥之詩曰城  
彼于方終之曰儼狃于襄蒸民韓奕諸章復致  
詳于城齊城韓之故盛世君臣所以鞏諸夏制  
夷固本伐謀率是道修也今 聖武惟揚柄  
慎修堂集 卷十一 三七

臣執道風行宇內于周宣有光矣孫侯遵制奮  
庸因時動衆樹茲嘉績為諸令長先豈非真知  
要務大丈夫哉夫時以舉役民忘其勞制以均  
輸民忘其費是宜庶士之畢誠樂義無忝于后  
稷之遺黎歟雖然稷為要害元魏宇周已必爭  
之矣雖匪備胡城可弗理耶而必待孫侯者謂  
無由然哉因時遵制匪才則功罔臻動衆奮庸  
匪公則謀罔協侯之燭微先物細大不遺虛已  
博稽衆思畢集其才其公偉矣是宜奏功之易

易也侯既成城復簡丁壯聯保伍除戎罷謹祕  
和其所以設無形之險者又甚遠且詳焉君子  
于此可以考政矣侯名倌字承卿關西安化人  
舉乙卯經元典學襄陵有雋聲擢授未期布德  
惠民上孚下豫當別有紀云

翰林院讀書記

嘉靖丁未春我 皇上策士于 大廷 賜選

第既閱月再試于 秘閣掄拔俊尤俾讀書于

翰林 簡命二先生主教事焉既入館二先生

慎修堂集

卷十一

三

招諸士立館下誨之曰玉堂重地自昔以處宿  
儒額俊儲才寔我 文皇創制也爾多士茂膺  
宸選其亦知所以讀書之說乎咸曰未也竊  
願有聞焉先生曰蘊小者不可以謀大積厚者  
斯可以遠施故鵬之將圖南也必扶搖而上者  
九萬里然後風在下而南圖易矣凡馬馵策不  
過百里而馬之千里者食之必盡其材御之必  
以其道然後執策而臨之斯千里不難矣夫物  
則亦有然者而況於人乎而況於多士又最秀

而異者乎蓋翰林者圖書之府也讀書者問學  
之功也今日之學固不可為經生曲士之習亦  
豈可為騷人墨客之求耶夫專門訓詁者其志  
陋摘章繪句者其思誣闢靡眩奇者其志蕩是  
故浮華起誦不識字與譏已先失矣國家異賴  
耶我 皇上燭千古之弊植萬世之規師虞壽  
畫思淑髦士于成也故慎師儒之簡以立其則  
焉先理性之學以正其心焉廣子史之習以博  
其趣焉且又優之以廩餼遲之以歲月以俟其

慎修堂集

卷十一

三

成焉蓋將投之以艱者培之自不容以不厚寄  
之以重者樹之自不可以或輕多士沐令典而  
豫將來庸可不自力耶是必遵其則而不違易  
其心而不肆端其趣而不邪俟其成而不助且  
又遜志慙功退觀博采探典墳丘索之微燭道  
德性命之奧析義利人之辨究興衰理亂之  
源務俾夫本端而則善德立而道明大其心足  
以有容定其志足以有執投之大而不驚臨之  
劇而不惑由是而奮庸熙載亮采惠疇黼黻皇

猷光昭帝績固將業與夔咎爭流名與天壤俱  
救矣斯無忝於 聖皇慎簡之心克對乎翰林  
讀書之目也於是諸士旅進曰聖人作而快覩  
者爭先孔子興而魯多君子矧今 聖明在御  
君師作人密勿元公陰陽合德主盟斯世佑啟  
後來二先生以先覺之天民接聖門之正脉作  
止語默莫匪道真啟口容聲一皆至德愚也說  
先生之道學而未能惟日孜孜罔敢自己矧曰  
不自力殫繼自今願各克有樹立以求無負於

慎修堂集

卷十一

三十一

聖君賢相之恩式克欽承乎明師之訓幸先生  
無終棄焉先生喟然嘆曰有是乎子各書于冊  
予將驗於他日

九邊圖記

夫明王有道守在四夷孔子從周尤思典籍故  
山谷畫則虜在目中輿圖披則經畧遂定圖之  
不可以已也又矣邊圖之作其達於是乎夫蠻  
夷伺隙聖世已然中國自強無時可緩我 高  
皇驅逐狂胡復還中土 成祖犁庭掃穴漠北

廓清于是審郊圻畫疆宇峻關築塞屹立夷夏  
之大防時則有遼東大寧開平大同寧夏甘肅  
之六鎮焉逮夫兀良內附則大寧徙而薊州始  
創矣開平失援則獨石殘而宣府特重矣三關  
之防起於正統之末榆林之徙肇於成化之初  
固原之開府則又火篩之變始之也故圖之始  
于東北者為遼東控山阻海地頗沃饒諸夷雜  
居不專射獵警備固當嚴而大寇則鮮矣由山  
海而入者為薊州朔輔 皇畿擁護 陵寢而

慎修堂集

卷十一

三十一

地利未盡屯戍日微故增天險之防益人和之  
守斯可矣居圖之北者宣府也鑽鑰之寄係望  
匪輕且三面虜衝規防宜重焉居宣府之西者  
大同也川原平行大舉屢窺將悍卒頑兵威莫  
振大同之事未易言也稍南為三關往來蹂躪  
防守固難兵弱將輕折衝詎易故三關之事必  
變而通之斯可也渡河而西則榆林啓鎮矣懷  
忠敢戰兵力素聞而玉粒桂薪芻糧可不為之  
慮乎折而西南者固原也襟帶三鎮地實要防

徵調客兵豈能樹績增屯堡而聯土著其先務乎賀蘭之下則寧夏是已山河完固土田頗廣而兵寡勢分大敵難抗復關而守險容可緩乎西踰河外一線孤懸者甘肅也番夷雜處耕守已艱殘破累遭生聚斯寡撫循而安輯振武而攘夷又非其次第當舉者耶是圖之所載總而計之為撫臣建節者九為連帥開府者二常屯之卒四十萬餘塞垣連亘幾及萬里關城亭障壁立雲橫鎮堡營屯星分棋布旌旗日耀刁斗

慎修堂集

卷十一

三

風聞聲援相資首尾互應誠扼吭拊背據形勝之區足以寒疆表之膽而奪其氣矣然而披圖感事觸目興思亦不無可言者焉夫窮邊之地千里蕭條與豺狼為鄰伍以鬪戰為嬉遊晝則荷戈而耕夜則倚烽而覘自非生於其土習於其風者則罕能狎其敵而寧其居是安集而撫綏之猶恐其未固也今勞來之政不聞培尅之風愈甚澤雖下於天家膏每屯於私室且又操囊篋之貪者取盈焉冀刑賞之幸者取助焉

嗜耳目之玩者取異馬務貂絨之飾者取華馬存恤弗聞橫征四及故累瘡血戰而曾不得託糠粃以飽也鐵衣夜渡而曾不得敝繒絮以爇也夫國固於邊邊固於士而使之困敝至此干城腹心之嘆曷惟其已耶是故簡撫臣禁培尅時給賜省力役修馬政復屯田六事克舉而又推類以及其餘焉則九邊之地庶其有瘳乎

慎修堂集

卷十一

三

慎修堂集卷之十一



慎修堂集卷之十二

河汾亢思謙子益著

論

聖人至德淵微自然之應 河南戊午程文

聖人之德天德也其修諸己也非有所為也其民之化也亦非於我有所徇也機之相感而自神者乎機者非他也誠也天下之理誠則無思有思則非誠矣誠則無為有為則非誠矣誠也者天之命也性之真也道之原也人見聖人會

慎修堂集

卷之十二

二

天下之理于一心以為聖人思以易天下也而不知盡吾之所當為曷嘗有所期哉又見其民之遷善敏德不誠而中也以為其民之徇上所欲也而不知其悅聖人先得我心之同然鼓之舞之而不自知耳一有不誠則致飾襲取上以之而要乎下也聲音笑貌下以之而徇其上也奚足以語自然之應哉聖人之德天德也聖人之心天心也淵微之化亦與天同運之而已矣吾嘗仰觀於天之道而有以知聖人之德矣今

夫確然上覆示人易矣人但見其秉陽而垂日

星也成象而見變化也而不知其無極之真二

五之精於穆不已之命宰於冲漠之表而莫得

其蘊也妙於陰陽之運而莫測其機也屈伸於

往來之微而莫窺其朕也由是闡闢之為陰陽

循其則也昭布之為日月順其常也推遷之為

寒暑不爽其候也星辰經緯之各合其度也飛

潛動植之各若其性也聲色象貌之不易其恒

也其應乎天者一出於自然也夫其應之自然

慎修堂集

卷之十二

二

者天運之自然者感之也易曰大哉乾乎剛健中正純粹精也夫純者至一而不二粹者至美而不雜精則微妙難名而聲臭俱無矣非誠乎又曰大哉乾元萬物資始誠之源也各正性命保合太和誠斯立焉非誠之應乎聖人者法天者也天生人而篤於聖人聖人獨得天之秀而最靈者故其德之修諸己者無不求與天合焉洗心以退藏於密而無一私之累也齋戒以神明其德而無一念之忽也思慮雖未起而亦臨



亦保之念恒存焉耳目雖未交而勿視勿聽之  
念恒存焉事物雖未接而勿二勿三之念恒存  
焉故端嚴凝重主乎一而已矣玄微澄徹守乎  
靜而已矣明通靈瑩致乎虛而已矣夫主一以  
待天下之蹟則蹟雖日至而不眩也守靜以臨  
天下之動則動雖萬變而不惑也致虛以應天  
下之務則務雖沓至而不乖也夫聖人議道自  
已建極於民使徒於聲音形迹是修而弗於其  
幽深玄遠者是務則天下之民亦相率而馳於  
修堂集 卷十二

人倫之敘也相率悖其典而反道敗德者遠也  
見聖人庶務之協于理也相率會其極歸其極  
而偏陂偏黨者遠也邇之而家一人無不應也  
遠之而國一人無不應也推極之於  
萬方萬方之人無不應也是非天下之求悅乎  
聖人也神而化之使民宜之天下亦不自知也  
是何也人心有同然之理聖人既先得之而又  
以默成之乎不言之信率先于上焉故觸之而  
即感作之而即興不戒以孚也不疾而速也不  
修堂集 卷十三

外其何以化成天下哉故至敬昭融則本原  
培植心得既至則見外自章由是發之為七情  
則喜怒哀懼愛惡欲之施罔不中其節也敘之  
為五典則君臣父子夫婦長幼朋友之勅罔不  
若其倫也敷之為庶政則大而朝廷宗廟之儀  
細而食息起居之節莫不協於理也是豈聖人  
作意而為之哉至德積於中英華發於外聖人  
不自知其然也由是天下之人見聖人情之中  
其節也相率約其情而作好作惡者遠也見聖

行而至也非天下之至誠其孰能與於此哉易  
之觀曰大觀在上順而巽中正以觀天下又曰  
下觀而化也咸曰聖人感人心而天下和平夫  
順巽中正聖人之至德也固足以致下觀之化  
矣然必感人心而後天下和平焉是可以知淵  
微之德之應矣推而極之以至德而祀天則天  
神可格以至德而事地則地祇可感所謂天不  
愛道地不愛寶河出馬圖山出器車而諸福之  
物可致之祥者畢至也以至德而曲成乎萬物

也則天時有生地利有養胎生者不殯卵生者不血而無一物不得其所者可致也何莫而非自然之應哉向使涵養之未極其純克積之未極其盛則一間未達難以語神形迹尚存難以語化而其應亦朋從之思耳夫淵微之德一真內融萬境俱徹求之而無方即之而無體恍忽而莫可為象者也而自然之應則言乎遠不禦也言乎邇靜而正也言乎天地之間則備焉是之謂發微不可見克周不可窮聖道之所以為

慎修堂集

卷三

五

神也然此豈聖人之絕德哉天下雷行物與無妄誠敬之賦途人與聖人同也性以情動情以物遷而昏昧放逸自喪其良者衆也豈惟夫人賢者能存之矣然功未造於精純德未入於玄妙此淵微之至所以獨歸於聖人歟知夫人之所以失則知聖人之所以得矣然聖人亦豈能外至誠以為之本哉雖然未至於聖者如之何曰為己其始也知幾其要也謹獨其功也根之以勉強行道之心馴習於日進有功之域則淵

微之德在我而自然之應日臻矣苟憚力行龜勉之勞而求徑趨頓悟之術卒流於猖狂自恣之歸而去道遠矣善學者尚鑒茲哉

知此四者乃可為將

河南茂午武舉程文

制勝之道其始於識乎善用兵者必有高天下之識而後可以應變於不窮矣夫行師之幾突如其未至蹟而不可禦也至微而不可見也至變而不可執也非燭於未然戒於先事雖庸行末務鮮不仆矣矧勝敗存亡關焉可輕試哉古

慎修堂集

卷三

六

之以名將稱者必通造化人事之故而探其隱索其微其蓄也無得而測之其動也無得而膺之如是則勝道得而敵莫我敗也存道得而敵莫我上也謂天下之將矣吳子論將曰兵有四機而欲為將者必知之夫機者械也狡巧之門也胡為將者必以此為知哉吾嘗讀易而見為將之道矣師之彖曰師衆也貞正也能以衆正可以王矣初六之辭曰師出以律否臧凶言師必出於正也牧誓曰不愆于六步七步乃止

齊焉不愆于四伐五伐六伐七伐乃止齊焉言  
動必稽諸法也此三代仁義之師也未聞專事  
於機也機之興也其衰世之意乎蓋仁義微而  
機權尚機權尚而戰鬪繁吳子生於其時習於  
其術故惓惓為武侯告焉噫要亦未可盡非也  
夫鷲鳥將擊卑飛歛翼猛獸將搏弭耳俯伏所  
以迴翔審視者預為擊搏之地也矧勁敵在前  
偵間伺隙其心曷嘗一日我忘哉智昏者愚技  
疎者困力弱者危是故機之不可以已也今夫

慎修堂集

卷三

七

三軍之衆百萬之師所以戰必勝攻必取者氣  
為之本耳故氣不可以不作也氣作則戰無不  
克矣十夫守隘千夫莫過者以名山大塞為之  
界耳故險不可以不據也險據則守無不堅矣  
敵國相安君臣輯睦非我之利故間不可以不  
行也間行則敵之心離矣器械不利卒不服習  
是謂以將與敵矣故力不可以不齊也力齊則  
我之備豫致人而不致於人矣蓋氣者其本也  
地者其輔也以力者正也以事者奇也立乎本

而資乎輔守乎正而出以奇故策之而知得失  
之計作之而知動靜之理形之而知死生之地  
角之而知有餘不足之虞由是以治待亂以守  
待攻以重待輕以靜待躁以誘待來以嚴待懈  
戰無強敵攻無堅陣不勞而功舉矣所謂必勝  
之將有制之兵非耶世之論將者類於謀勇焉  
先夫謀也勇也特將之一耳四機在我則變通  
無迹智者莫能謀剛大不回勇者莫能犯而被  
且自失其所以為謀勇矣或曰自昔以將名官

慎修堂集

卷三

八

非一日矣而其樹聲流勳者亦比比也豈必盡  
四者之知哉是不知將者所以保萬民之命而  
伸一國之威者也使非有高世之識則利近而  
不能趨害至而不能避與尸魔土以國于敵謂  
之無將可也奚以名稱哉譬之奕焉以國手名  
者必辨奇正疎數之機而後措持守攻擊之用  
斯可以擅其技於國中譬之醫焉以神聖稱者  
必能察標本虛實之候而後為鍼砭湯液之施  
故能易生死於危篤舍是而冥然趨悍然試者

吾見其殆也已噫曲藝且然況繫天下之重者乎嗟夫古昔聖王以仁義興師亦以仁義論將有苗之征以禹牧野之師以望淮夷之征以虎而功烈之盛後有作者莫尚焉蓋將以仁義為師自無敵於天下矣固奚事於機哉雖然得將非難任將為難遐觀往昔英賢之將何代無耶迺籌畫抑於邪謀勳業隳於疑忌使豪俊之才齎志終者何限也故任將之主必澄其心如水鑑平其誠如權衡使真偽不能竄於察視大小

懷德堂集

卷十三

九

不疑矣噫得賢將而任不疑又何功業之不立哉

聖德修而萬民化

陝西辛酉程文

聖王制天下之治也所以成至神之化者亦惟德之純乎天而已矣夫德本於天聖人者法乎天者也天以陽生萬物以陰成萬物而於穆不已為之樞故歲功成焉聖人以仁育萬民以義正萬民所以法乎天也而心德之純為之本故

神化致焉蓋心以運道道以經治故政皆出於自然而非有所強也民皆歸於自然而非有所徇也是之謂至神之化乎周子曰天道行而萬物順聖德修而萬民化聖人之於天道奚間然哉今夫天貞觀恒其道大始主其能氣一噓焉物莫不以生以長也氣一吸焉物莫不以斂以成也然誠通誠復其運自然天無心也氣至而榮氣返而息萬物亦無心也故曰乾始能以美利利天下不言所利而要之於剛健中正純粹

懷德堂集

卷十三

十

精焉噫非天德之精則奚能使萬物之順哉聖人者德與天合道與天一其視天下之萬民猶天之於萬物固欲順而化之者也然九州萬國異其制類聚羣分異其俗老幼強弱顛連無告者又紛然異其品也聖人以一身為之大君乃欲使之範圍焉而不過曲成焉而不遺斯亦若未易然者故有嚴之以法制者矣然法可以禁民而非所以動民聖人不屑也有詳之以命令者矣然令可以動民而不足以化民聖人不為

也聖人所以化成於天下者舍德其何以哉夫德者天之所以與我聖人與天下之人同焉者也然不有以作之則民無所興不有以導之則民無所從聖人知其然也是故修之六府以厚其生陳之三物以正其德通之百工以利其用備之五禮六樂以節其性和其情而凡導利之布惠澤之頒賑貸之典與夫寬厚溫和之推皆吾心之仁之修也五刑之用以禁其非九伐之法以止其亂而凡紀綱之肅法禁之嚴分限之

三  
心  
堂  
集

卷  
三

十  
一

辯與夫眾斷裁制之施皆吾心之義之修也是仁義也豈聖人之絕德哉仁人心也義人路也固合上下而一之者也聖人之德修于上矣則被聖人之德者莫不曰聖人之所以導我者非強我也吾性分之所固有職分之所當為也吾奚為而不自盡於已而必俟於聖人之憐憫耶油然而豁然悟疊疊然遷善敏德而不自知者又奚待督責而後從耶是故以飲以食生無不厚也無偏無陂德無不正也質遷化居用無不

利也立禮成樂而其性其情無不節且和也凡感於其仁者皆化矣五刑之用而民不犯於有司也九伐之陳而天下曷敢有越厥志也凡感於其義者皆化矣由是道德以一風俗以同老有所終幼有所長顛連無告者有所養天下之人熙熙然相率而歸於聖人之化而不自知也雖聖人亦不自知也向使仁義之修而即規規於下民之化是之謂私私者不足以言德也又或以天下之治未致也而方修吾之仁義以圖

慎  
修  
堂  
集

卷  
三

十  
二

之是則勉然者之為耳豈至聖之事哉夫其修之已也曰盡已之性以盡人之性為之自我者當如是耳非出於勉也亦非出於私也斯天下歸其化也若或啟之若或翼之中心悅而誠服亦豈出於勉與私哉是知聖人之仁即天之陽也其義也即天之陰也然陰陽迭運者氣也而非於穆不已者為之樞鮮不忒矣仁義者聖人之用也而非本於聖心之純焉則亦豈能以化民哉故仁而非純則為嫗煦為姑息而視惻怛

慈愛之施者異也義而非純則為深刻為寡恩而視發強剛毅之施者異也是二者仁義之害異乎聖人之心者也聖人之心湛然純一瑩然虛明方其靜也仁義根於中無所於存而自不亡也及其動也仁義見於事無所於理而自不亂也是之謂心之純也德之修也化之所以神也易之成曰天地感而萬物化生聖人感人心而天下和平觀曰觀天之神道而四時不忒聖人以神道設教而天下服矣夫成言感也其顯

真修堂集

卷三

十三

真修堂集

也觀言示也其微也天地之感天地何心哉人心之感聖人亦何心哉而萬物化生天下和平之應自至焉是可以見大順大化之神矣天地聖人寧有二道哉雖然天以陽生萬物矣故陽常居大夏而以生育長養為事焉而其以陰成萬物也乃常居大冬而積於空虛不用之地何哉蓋天以生物為心者也扶陽抑陰不使之過者懼其戕物之生也聖人法天以制治故體仁以長人而特以義濟之焉蓋聖人以生萬民為

心者也仁可過而義不可過者懼其戕民之生也是之謂以天之心為心也不惟是也裁成輔相聖人且成天地之能矣故曰與天地參焉夫其始也法乎天其終也參乎天聖德之修又豈特萬民化之已哉未至是者如之何亦曰善事于心而已矣敬以直內修于靜也義以方外修于動也而又閑邪存誠者不替焉則聖修功極而動靜內外莫非仁義之充周大化之神豈難致哉故曰及其成功一也

真修堂集

卷三

十四

真修堂集

善用兵者修道而保法

山西癸酉武舉程文

古之善將者必先立不可勝之道於己而後可以制勝於不窮矣夫兵之勝豈可必乎以其不可必故求不可勝於己焉彼至不一者敵之勢也而至一者己之道也強弱異形利害異計得失異致其在於敵者紛綸沓至若未易以悉窮君子惟修吾之道焉治之於未試戒之於未虞制密而無間機深而不可窺然後乘敵之勢而出吾之法以臨之謂勝敗之政不操之在我耶

蓋道者所以主乎法法者所以出乎道者也朱  
道者本撥廢法者輔丘灼彼己之形兼道法之  
用自昔謀臣賢將所以運奇決勝勳而成殲樹  
勳業於當時垂聲於不朽者謂能外是哉孫  
武子曰勝兵先勝而後求戰敗兵先戰而後求  
勝善用兵者修道而保法噫有味哉其言之乎  
夫兵之用也豈聖人之心哉寢兵息民與天下  
相安於無事者其心也顧時之所趨變亂生焉  
欲之所聚爭奪起焉胥戕胥賊以牯蒸民之生

俱修堂集

卷十二

十五

以傷天地之和者仁人所不忍也於是乎禁暴  
揀亂以戰止戰天討之大者行焉行天之討而  
非有能之將其奚以固國而料人哉將孰有能  
道法備而已矣道者令民與上同意可與之死  
可與之生而不畏危所謂不可勝者是也法者  
窺敵而度形因形而度數審衆寡之料而通勝  
敗之故所謂以待敵之可勝者是也昔聖人作  
易仰觀俯察通神明之德類萬物之情矣而門  
柝之制取諸豫孤矢之制取諸睽衣袂之戒取

諸濟除戎之戒取諸萃亦云備矣而師之彖曰  
剛中而應行險而順初曰師出以律應也順也  
律也非道之謂乎三曰左次五曰利執言非法  
乎噫聖人經武之志何其憂世之遠而垂訓之  
詳耶矧夫聚三軍之衆投之於險欲以備進戰  
退守之能而不求諸道與法焉譬猶伏雞之搏  
狸乳犬之犯虎雖有鬪心隨之死矣是故居則  
閑習動則堅整進不可以犯退不可以追前却  
有節左右應麾可合而不可離也可用而不可

俱修堂集

卷十二

十六

疲也而又三官不謬也五教不亂也飲食之適  
不失也人馬之力不絕也使什伍如親屬卒伯  
如友朋也由是兩軍相望而出吾法以制焉形  
之而知死生之地度之而知衆寡之數策之而  
知動靜之機稱之而知得失之計角之而知有  
餘不足之虞隨其勢而應之因其便而乘之避  
其堅取其瑕十則圍之五則攻之倍則分之開  
闔必亟入之兵之所加勢如獷弩節如發機如  
鷲鳥之擊無不摧毀也如激水之疾至於漂石

也其陳可壞也其將可取也是之謂立於不敗之地而不失敵之敗也非總文武而兼剛柔者能致是哉然道也法也豈翼然分而為二者耶自修諸已也謂之道自制乎人也謂之法勢固相須而機不相悖合人已而一者也古之人有用之者於漢吾得趙充國焉於唐吾得高崇文焉西羌怨叛宣帝以為虞充國萬騎度河羌欲一鬪而不得然行必為戰備止必堅營壁遠斥騷愛士卒先計而後戰俟天時相地利守要害

煥修堂集

八卷三

十七

開也田撫罕开緩窮寇卒之諸羌破壞相誅斬來降充國振旅而還焉崇文之屯長武城也練卒五千常如寇至一膺征蜀之選卯拜詔而辰啟行器械糗糧一無所闕乃出斜谷趣梓州奪萬勝之堆斷鹿頭之道致文悅良輔之降長驅直指而劉闢成擒矣是二公者未戰則修道以自固敵加則保法以勝人是宜全師保勝推敵安邊功烈若是乎其章著也後世有不設部伍不擊刁斗就水草頗舍俾人人自便者道先失

矣如法何哉毋惑乎終無尺寸功也則修道保法豈非千古之律令哉然李衛公之告太宗乃曰道之說至精至微所謂聰明睿智神武而不殺者是也法之說在乎任人利器所謂得士者昌器必堅利者是也視武子之說若殊途何耶蓋為兵者非神解妙悟奚以契道之幾非順俗安民奚以合道之用而非器與人之得焉則法奚能以自行哉嗚呼明於衛公之說者斯能得武子之旨矣

煥修堂集

八卷三

十八

天子守在四夷

夫夷狄之為中國患也久矣未聞上世有必征之者也夫其弗征之也非不能征也蓋曰顧吾之所以為守者不失斯已矣無所事於征也聖人何取於守也蓋中國之於夷狄猶夫寒暑晝夜之不能以相無者也然而華夷內外之異其防陰陽貴賤之異其分者固截然不易也使不守之事而听听於征以求逞焉是殘民於無益之求有道者所不事也矧裔夷悍黠伺釁竊興



使吾之所以為守者少陳則不戒之憂突如之變殆有未易言者矣是聖人之守也所以尊中國之體勵自勝之強保生民之命者也噫一守立而衆善從後有作者是尚可以他求耶嘗觀孔子之傳易也於坎之彖曰天險不可升也地險山川丘陵也王公設險以守其國於象曰君子以常德行習教事故於彖而見為守之迹焉於象而見為守之道焉嘗稽古昔聖帝明王之治天下矣息荒不作文教是修且條其紀綱而

俱修堂集

卷三

九

盈縮焉齊其法令而弛張焉辨天下之才使稱其職居天下之民使安其業夫然後崇闢峻池以嚴其防秣馬厲兵以蓄其力彼貢琛款塞則德以懷之逆紀干常則威以肅焉德威並用而不遺則四夷將惴惴於來王之恐後矣又奚他變之足虞哉夫帝王之治天下也博采遐觀長慮却顧豈無所用其心哉而卒以守為事者蓋誠見夫兵之不可以倖試民之不可以妄戕而為是萬全之謀耳舍是而圖則雖繫單于之頸

空幕南之庭而民已不堪命矣矧戰守之長技殊科馳逐之利鈍懸異隱憂伏禍雖有善者如之何哉愚於是而知四夷之守守之大也故曰聖人之慮遠

居治朝則德日進

論曰君子之德修諸已者也非以益人也何以居治朝而後日進也曰德以自強而修亦以觀感而益觀感者非自外鑠我也以同然之理觸吾固有之良則其興起而疊疊以從事自有不

下集

卷三

三

可已者興起而不可已則自日進於高明矣矧夫朝廷者四方之極也朝廷治則天下正况立于廷者乎昔堯之帝于唐也克明峻德矣九官十二牧濟濟相讓矣故百僚師師而時雍之化成焉夫惟其師師也德其有不進耶周文王之為西伯也江漢汝墳之化遵矣而虞芮質厥成入其界則田者讓畔民俗讓長二君悔悟迺閒田讓焉夫斯須之感尚爾也則夫策名委質昨一朝一夕之感者其進德又何如耶夫朝之治

者君明而臣良禮修而樂備紀綱布而法紀張者也其所舉也必其人之善者也其所措也必其人之不善者也居是朝者即其五禮之修而日節吾性焉即其六樂之備而日和吾情焉即其舉措之當而俾吾行之日歸于中焉不惟是也觀其紀綱之肅而畏心生觀其法紀之明而怠心息觀其上下之交修而夙夜匪懈之懷愈勵焉噫德其有不進耶夫朝之治也固非為吾進德之方而吾德之進也則實其自然之感也

二集 卷三 三

蓋德者吾心之所同然者也而治朝之顯設何者而非先得吾心之所同然者乎惟其感之也以同然之理故其應之也有自然之神耳濡而目染心化而身安誠有不疾而速不行而至者矣在易之觀曰觀盥而不薦有孚顒若下觀而化也蓋曰君子以見善則遷有過則改是可以見感應之機進德之道矣夫人非上智鮮克自興取善相觀德業斯廣故孔子告子貢以事賢友仁稱子賤以魯多君子豈不知自勝之強而

從事資人之務哉蓋觀感之興易麗澤之益多也謂之曰日進豈誣哉使非治朝之值而昏亂之遭則橫政之加不義之變將日惴惴焉于不免矣何進德之可云耶雖然此特自夫所居而言之耳若君子之自修其上達之功固治亂一者也寧以在外者為加損耶芝蘭生于幽谷不以值人而馨無人而止君子之進德詎可以異是耶必俟治朝而進德則其進也亦狹矣故曰隱居以求其志行義以達其道此又欲進德者

作堂集 卷三 三

之所當知也

六經論

孟軻曰夫道一而已矣六經者載道之器也百慮而殊途同歸而一致者也一者何也曰心也經本於道道本於心心一故經無不一也蓋聖人在上則舉斯心以致治而經制行聖人在下則本諸心以垂訓而經制明經制行六經之所以立也經制明六經之所以傳也今夫易明天地動靜之機四氣五行之運故主於道陰陽書

記禪受放伐之宜慶賞刑威之度故曰道政事  
詩記山陵谿谷草木禽魚人土風俗故曰理性  
情春秋以辨分故定是非舉廢貶決猶豫別嫌  
疑禮以示履故極三千三百之詳樂以導和故  
辨五音六律之節噫六經之道則然矣今觀義  
農堯舜文武禹湯所以立極繼天開物成務者  
又有外於是者耶故曰煥乎文章又曰郁郁乎  
文哉言經制行也周道既廢孔子為魯司寇思  
以興之也然諸侯壅之大夫害之孔子知時之

王集

卷十三

十三

不用道之不行也乃退而修其詞以明夫道故  
於詩書則刪之禮樂則定之易則贊之春秋則  
修之六經之道遂若日星故曰教萬世無窮又  
曰致治之法垂於萬世言道明也夫六經上明  
天道之微中辨人事之紀下類萬物之情其文  
數萬其旨數千其要則不外吾心而已易之陰  
陽吾心之時也書之政事吾心之中也詩之性  
情吾心之敬也春秋之名分吾心之別也禮之  
度數樂之聲音又非吾心之序與和乎在上而

道行者行此心於治者也在下而道明者明此  
心於教者也千聖一心六經一道隨時而名異  
夫豈間然之有哉君子求六經於吾心則經之  
道全矣吾心既得而行也明也一以貫之而六  
經亦陳迹矣雖然行而在上者彰而易竭明而  
在下者傳而不窮微孔子則二帝三王亦豈乎  
莫辨矣矧六經乎故曰自生民以來未有孔子  
也信夫

唐鑑論

修堂集

卷十三

十四

昔范曄夫唐鑑成程伊川稱之曰三代以後無  
此議論而朱晦菴亦曰萬古開羣蒙夫史者萬  
世是非之權衡也定褒貶於往昔而足以垂鑒  
戒於方來斯謂之鑑矣矧周漢以後語變故者  
莫盛於唐而唐書通鑑諸編其抑揚予奪之間  
是非之公殊謬夫天網之所以立人紀之所以  
修者以史法之公在也史法謬則綱紀乖而彝  
倫斁矣彝倫斁其能國耶此唐鑑之所以興也  
夫治莫先於正統續周紀於唐經統之所由紊

也故附周於唐統之下則僭竊之罪明分莫專於君父而中宗廢放則天下嫌於無君故每歲之首必書曰帝在房州明天下猶心乎唐不與武氏之廢也而篡逆之賊戮重父子之倫則靈武之即位必譏肅宗之專嚴君臣之義則罪王魏之改節而不與其輔相之績喋血禁庭雖太宗必明其弑以太子者君之儲也周旋女主而梁公必係之唐以其委曲潛圖必非為乎周也凡若此者豈其騁辨給炫聰明以求自異於前

集

卷十三

五

人哉蓋其析理之既精故筆削之必審予奪之既當故懲勸之道明噫是書成而唐宗三百年之斷案公萬世治天下之綱常定矣昔孔子傷當時之亂也而春秋作焉惇典庸禮命德討罪二百四十二年之是非以明致治之法垂於萬世淳夫之學受於伊川伊川得孔氏之正脉者故是非不謬於聖人而史道立焉苟淵源之小異則取舍之必懸矣故子長以曠世之才史記之作非不善也至論大道則先黃老而後六經

序游俠則抑處士而進姦雄良由其本源之少病故流弊至此極耳噫史豈易言者哉要必有光明洞達之心濟之以純粹深潛之學而又有穎敏超躄之才與識焉則大本既端而是非之極已定三長兼至而幾微之辨不消噫史學其庶幾矣

月令論

月令曰呂氏春秋十二紀之首也漢儒剛合為篇以著為治之大法焉蔡邕王肅謂作於周公

修堂集

卷十三

五

柳宗元譏其近於瞽史之語噫三子之言皆過矣昔者聖人之治天下也裁成輔相以左右民曷嘗不奉天道以時行兼陰陽而致用哉蓋立天之道曰陰與陽立人之道曰仁與義春夏陽也秋冬陰也四時循其序而歲功乃成苟一時之或愆則天道乖其運矣君人者仁以效法乎陽義以效法乎陰兼體而不遺則萬化攸理苟一德之少偏則君道違其度矣在易之豫曰天地以順動故日月不過而四時不忒聖人以順

動故刑罰清而民服噫順動之意大矣哉夫慘  
舒迭運各有典常仁義並施貴不踰矩故春有  
春之令春不可以治秋春治秋則饑夏有夏之  
令夏不可以治冬夏治冬則雹秋有秋之令秋  
不可以治春秋治春則華冬有冬之令冬不可  
以治夏冬治夏則洩陰陽之不可亂也如此粵  
稽聖智之君博雅之輔未始不於斯而致謹也  
故少昊以玄鳥司分帝嚳以重黎司天堯命羲  
和以授時舜協時日以敷政夏有小正之篇周

其修堂集

卷三

二十七

有時訓之作若月令者固則數聖之大規而雜  
記帝王之遺政者也今觀其仰觀霜露日星之  
變俯察昆蟲草木之化驗天時授人事齊七政  
審萬幾辨衣服之宜謹居處之節誠萬古欽若  
奉時者之所不可廢也若夫官名時事之不合  
於古命德討罪之必泥於時妖孽兵荒之必分  
其應是則秦漢諸儒猥雜附會之失不可掩者  
蔡邕王肅好而不知其惡也固失之誣宗元迺  
併先王之良法美意而棄之誠因噎廢食之見

也夫人事天時同條共貫變通闢闢道在趨時  
聖人所以治身理國率用是也寧有執而不化  
之政哉譬之良醫之製方浮沉升降固順夫四  
氣之和若夫寒暑之所傷虛實之所受病與時  
違者則又將因病以為藥豈曰執古方而不變  
以致人於不可藥哉噫月令之篇固在也後有  
作者誠能用其是而正其訛師其意而不泥其  
迹神而化之與民宜之先王之政庶其有興乎  
庶其有興乎

其修堂集

卷三

三十一

典樂教胄子論

昔舜命夔曰汝典樂教胄子夫天下之廣民生  
志衆逸居無教則禽獸焉近矣何以獨於胄子  
云教也蓋胄子者有天下國家之責者也責之  
也大則教之不可以不專期之也遠則養之不  
可以不預故自天子以至於庶人非無教也教  
胄子者其本也然教而必以樂何哉蓋天下之  
治本於道道本於心心之所統者性情也性情  
未協於中和治之教由之矣故聖人之教必以

理性情為要焉噫欲理性情舍樂其真以哉昔者聖人之作樂也以民有血氣心知之性而無喜怒哀樂之常故制雅頌之音本之性情稽之度數制之禮義合生氣之和導五常之行使之陽而不散陰而不密剛氣不怒柔氣不攝四陽交於中而發作於外皆安其位而不相奪足以動人之善心而不使邪氣得接焉是聖人立樂之方也故能與天地同和移風易俗莫踰焉教習子而恒以是則聲音有以養其耳采色有

其修堂集

卷十二

五九

以養其目歌詠有以養其性情舞蹈有以養其血脉查滓消融邪穢蕩滌潛移默化涵泳優游而忽不自知其入於中和之域矣性情既協於中和由是而措之於用也為已則順而祥為人則愛而公為天下國家將無所廢而不得其當矣使不於性情是先而徒於標末焉事則為力雖勞而其效殆未可期也故曰正其本萬事理又曰善教者師逸而功倍後世音樂廢壞而中和之教不聞節目雖詳而身心性情之學不講

噫治之所以不古若也中庸曰中也者天下之大本也和也者天下之達道也致中和天地位焉萬物育焉明乎此則典樂之教蓋在是矣

乾坤用九六論

昔者聖人之作易也將以發天地之奧者也是故其始也仰觀俯察窮天地之神近取遠求極兩之妙由是陰陽變化得其理焉七八九六定其數焉九六者老陰老陽之數也七八者少陰少陽之數也是四數之於陰陽均也乾坤何

其修堂集

卷十二

三十

以獨用九六耶蓋陰陽之純者為老其雜而不純者少也少陽進而未極乎盈少陰退而未極虛未極者弗變也夫惟極而老焉則剛柔之相推陰陽之相禪變始生矣夫易者易也隨時變易以從道也以上筮者尚其變乾坤之用九六聖人之意不在是乎愚嘗觀諸天地之運物理之恒未有不須於變者是故晝窮則夜繼夜窮則晝生晝夜相禪而歲成焉寒窮則暑至暑極則寒來寒暑相推而物生焉夫窮則變變則

通盈天地之間者無不然也氣運且然而況於  
易乎故陽窮於九則化而陰矣陰窮於六則變  
而陽矣變通之妙既著推行之利自神以通天  
下之志以定天下之業以斷天下之疑而易之  
能事畢矣使九六之用不明則圓神之機窒卦  
爻之用乖而易之道或幾乎息矣此九六之用  
於坤所以不能外與夫乾坤者易之緼也乾坤  
之義明六十四卦亦居可知矣噫語易而不知  
變此王何輩之所以畔乎易也

慎修堂集

卷十三

五

慎修堂集卷之十二

慎修堂集卷之十三

河汾亢思謙子益著

策

河南鄉試程文戊午科  
第四問

問將者三軍之司命社稷重輕繫焉故兵  
不擇將將不知兵自昔危之而長子帥  
師方叔猷猷聖賢每言之不置者非謂  
擇之宜審乎然周以六卿將六軍師旅  
卒兩之帥皆大夫士也又若無所擇焉

慎修堂集

卷十三

一

後世有來自疎微而立羣臣之上迨自  
亡命而登大將之壇出自繫囚而謀晉  
陽之策又有將中軍而以姪舉者然皆成  
而以讎稱抗秦師而以姪舉者然皆成  
不世之功何也其為將有軍功爵賞皆  
決於外者有士卒自便幕府省文書者  
又有州錢悉給仍規免商稅者於師律  
國紀無踰乎矣當時不議其非毋亦將  
將宜然也方今 聖明御宇疆域乂安

然塞虜竊窺島夷未靖將才之簡上軫  
聖懷當事之臣亦既竭耳目以求之矣  
而建殊勳以稱上意者未聞也得必  
勝之才樹非常之績諸生獨無安攘之  
思乎曷憶壯懷毋曰非講習所及也

將也者國之衛也識也者擇將之基也度  
也者任將之地也公也者勵將之典也何  
謂識立之而不問其方拔之而不惑于衆  
是也何謂度誠信而不使之疑含弘而不

慎修堂集

卷三

二

使之忌是也何謂公賞不至於遐遺罰不  
至於潰逸是也夫人才之伏無盡而將之  
才又非可以繩墨矩度言者是非有高世  
之識曷能拔之於庸衆之中哉拔之矣必  
假之以機宜使進止得以敷其猷任之矣  
又必稽之於衆論使誅賞有以適其節則  
恩施而莫不其生威震而莫不其死  
蓋無不可用之將無不可成之功矣若夫  
奮軀以建績先國家之急而忘其私此則

為將者之所當自懷又奚俟上之敝之哉  
嘗稽孫武子曰將者人之司命國家安危  
之主也太史公曰且欲興聖統惟在擇任  
將相司馬法曰輔周則國強輔隙則國弱  
蓋甚言將之當擇耳夫悉國家之力兵甲  
之衆寄之於一夫之手決機於兩陣之間  
國之安危衆之存歿胥於此焉繫欲無慎  
得乎故三代盛王雖隆仁義禮樂以化天  
下之俗而常求天下之奇才以待不測之

慎修堂集

卷三

三

患以銷伏其恃戾好爭之心而其法則寓  
於六遂之間蓋戡定禍亂之謨即孝友睦  
姻者之所習卒乘車徒之制皆公卿大夫  
之素所講求也是其寵綏拔擢儲之於閒  
暇之時授鉞臨戎任之於有事之日法備  
而責微卓乎不可尚矣自時厥後古制不  
存戰伐日尋而將帥之名始紛紛於天下  
然簡擇之審亦有可言者焉自其君之拔  
擢者言之樂毅假節自魏迹何疎也而燕



昭與國政卒成破齊之功韓信迨自追  
三名未著也漢高以為大將遂秦滅楚之  
績李靖出自囚繫身何辱也太宗與謀大  
計竟開唐室之基是非識之精者能然乎  
自其臣之薦進者言之晉侯擇尉中軍祁  
奚以子午對君子與其能趙簡子擇守上  
黨而狐解以伯柳稱當世稱其美符堅入  
寇江左危矣謝安舉兄子玄拒之淝水之  
捷符氏傾馬是非心之公者能然乎又嘗

慎修堂集

卷三

四

稽古之為將者矣李牧備邊軍功爵賞皆  
決於外李廣為將人人自便幕府省文書  
李漢超守關南屬州錢悉以資軍猶規免  
商算夫迹之以行師之道則三子為否臧  
律之以治吏之規則三子為干紀然當時  
以聞外寄之也悉無所問焉故牧竟大破  
諸胡廣能使匈奴不犯而漢超則漢邊警  
服不敢窺焉是三子皆能建非常之烈酬  
不制之知而三君乃皆錄其功而不計其

過誠所謂將將之道宜然也洪惟我

皇上神武布昭 玄威遐暢往以小醜匪茹赫  
然討罪數求將帥 拔擢側微有出自幽  
囚而建節有起自休廢而秉麾者捷伐用  
張海宇寧謐視格苗薄伐之師已超軼之  
漢宋諸君無復論矣而執事尤欲求必勝  
之將何哉毋亦天下雖安必當擇將意耶  
自昔擇將之道求之也貴廣任之也貴專  
賞罰之也貴審以速而已矣夫倘儻非常

慎修堂集

卷三

五

之士豈可以一端求哉推舉必於世官則  
自奮之途沮矣任用必於條格則逸駕之  
俊遺矣綺紕世胄充位握符執若廣簡技  
能遴選奇傑之為得耶跡跡不羈者多負  
俗之累細廉曲謹者乏濟世之規矧介冑  
之士取其能斬將奪旗已矣能橫行朔漠  
已矣使詐使貪使智使過期以集吾之事  
已矣何必追其既往耶故曰求之宜廣也  
將貴專謀兵在畏將軍機牽制則失算戎

帥摧沮則不威古者選將而任之授之以  
鉞俾專斷也分之以閫俾樹威也其於委  
任之體豈不博大哉乃或制於大吏而號  
令莫可施束於繁文而勇畧莫可奮是雖  
韓白有作矣由自見哉又或以指麾順旨  
為良以奔走服勞為教本強稍見疵類旋  
加矣夫委之以身先士卒之寄而奪其服  
衆之威責之以肝腦塗地之忠而復拘之  
以跼蹐轅下之態不亦難哉故曰任之宜

慎修堂集

卷三

六

專也三軍之衆百萬之師以一將臨之而  
能使之帖然順靡然聽者以賞罰之典在  
也故賞不踰時欲入速得為善之利也罰  
不旋踵欲人知討罪之嚴也其或賞以遠  
遺則為善者懼矣罰以倖避則為惡者興  
矣又或奏報之間淹延時日推勘之久蔓  
引枝連慢令稽誅亦非所以勵衆也故曰  
賞罰之宜審而速也雖然擇將之道則然  
矣而將可無所自擇乎本之以忠貞出之

以果敢是非有見於外利害無怵於中雖  
惡而無怒也雖喜而無悅也予之而不驚  
也奪之而不怨也威之而不屈也其自治  
如此故行通於神明而可為天下之將矣  
然非知道之君子其孰能之哉方今  
聖天子悠久成物壽考作人行將有若人者出  
以副 側席之求矣草茅之見執事莫辱  
聽焉

河南武舉程文 戊午科

慎修堂集

卷三

七

問談兵必則古法其未尚矣諸生固誦法  
而求以自見者也試舉微言遠旨未易  
晰然者究其萬一可乎夫兩軍相角拊  
背搃吮懼莫得其要領也法曰出其所  
不趨趨其所不意攻其所不守守其所  
不攻胡畏敵避堅乘瑕就易左計而不  
圖成若是耶或謂周亞夫之出武關李  
愬之入淮蔡曹操之襲烏巢李光弼之  
守河陽咸樹駿功者用是道耳向使敵

人異其所期則當時何以為計耶四公  
制勝之蹟皆在是邦而數言者兵家虛  
實之微權也諸生必能指畫其山谷探  
索其幽深矣悉意陳文欲占出將之畧  
也

至微者法之理也至變者敵之機也自昔  
以善戰名者豈比迹以求合於法哉審慮  
以制勝而自有以得乎法之微亦豈不量  
敵而遽進哉度物以出奇而自有以制乎

慎修堂集

卷三

八

敵之變夫攻守異勢進退異形變之在敵  
者要難以一途執也然虛實相因隱見互  
發莫不有可乘之機焉古人惟于其機圖  
之故能因變以制敵而吾之變莫可窺也  
投機以收功而吾之機莫可測也是謂以  
正而出奇是謂避實而擊虛將法自我行  
亦自我立矣是豈易言者哉愚嘗讀孫吳  
司馬諸書竊究心於古人料敵之合手法  
者私淑而未能也明問所及願舉其一二

復焉竊聞之談兵者之必稽古法猶學道  
者之必宗六經也夫提鼓接枹決機兩陣  
存亡係乎呼吸勝敗變於須臾使不得其  
法以為宗非絕江河而忘維楫耶蓋敵之  
來也無常形而其虛實之機自不可揜吾  
之應敵也無定迹而奇正之變則當先明  
故曰變生於兩陣之間奇正發於無窮之  
源又曰水之形避高而趨下兵之形避實  
而擊虛噫審乎此者斯可與言法矣夫出

慎修堂集

卷三

九

趨攻守戰之形也出其所趨趨其所意攻  
其所守守其所攻此謂以正出以形見者  
也擊人之實於已奚利焉法有曰出其所  
不趨者致人而不致於人也趨其所不意  
者先人以奪人也攻其所不守者敵不知  
其所守也守其所不攻者敵不知其所攻  
也是則眩惑其心志駭異其聽聞使敵奔  
走應接之不遑而吾擊虛出奇之用無自  
而知焉是之謂微乎微乎至於無形神乎

神乎至於無聲故能為敵之司命也豈失其要領之圖哉試舉戰國以來合而勝者言之七國之變圍梁急矣伏兵殺澠塞出關之救也亞夫走藍田出武關據滎陽以擾淮泗非出其所不趨乎淮西逆命兵力困矣大風夜雪蔡人無備之時也李愬用降人率突將安行而入其城非趨其所不意乎袁紹攻曹操於官渡兵疲食盡者操也烏巢之襲紹反不支蓋輜重在途軍無

嚴備故耳史思明破汴州而趨關中帥兵迎敵者李光弼也河陽入守賊竟敗歸蓋重兵在後敵有畏心故耳是四子者迎機發慮固非緣法以為行而運用適宜自於法而有合若曰法先得我心之同然者耳執事又虞當時應之者弗如其所期則何以為計愚以膺對壘之寄者固習為徂伏之謀而負絕人之識者要能得情狀之蘊彼將奇兵襲關內據武庫食敖倉田祿伯

桓將軍之策非不奇也稱反之兵難以屬人吳楚之心亞夫已先識之矣敗朗山容間謀信降將入堅城監軍諸將之慮愬非不知也境土日蹙眾庶心離元濟孤危愬已蚤見之矣矜懷自高紹之短也操於荀攸之降得其情矣故以輕騎燔積聚而以重兵守營壘計畫既周紹欲無已得乎乘勝西攻思明之銳也弼於韋陟之謀思之審矣故連澤潞以圖進取徙洛民以奪虜

心部署既當敵雖欲犯能乎是四子也度量彼已固已先事而預防奮往力為亦豈僥倖而嘗試蓋誠有得於法之淵微者矣雖然敵之來也紛紛紜紜而莫可執也渾渾沌沌而莫可形也君子亦惟早識而亟圖之已矣使為於前而復疑於後趨其東而且虞其西梟視狼顧首鼠兩端往來憧憧情見力屈未有不為敵所乘者矣是故君子之為人將也必先有忠義之氣而後

能忘私己之圖必先有卓越之識而後能  
觀昭曠之道必先有光大之度而後能馳  
域外之人必先有果毅之斷而後能越拘  
孿之語故行不出於法而亦不泥於法也  
力不困於敵而亦不輕乎敵也四子所以  
樹功不忘萬世稱武者非用是道哉然就  
四者而論之氣又其本焉人惟氣之餒也  
故果斷奪於遲疑智慮昏於功利往往以  
善戰之雄失可乘之會者多也誠能善養

慎修堂集

卷三

十三

無害而忠義之氣常伸則可以格神明可  
以貫金石由乎法同勝也外乎法亦勝也  
勳業所積將塞于天地之間矣然此豈愚  
所能及哉志竊在焉惟執事進而教之

陝西鄉試程文

辛酉科  
第三問

問建學作士備于成周蓋取四代之制脩  
而兼用之也然大司徒以鄉三物教萬  
民賓興之矣胡考校大比屬之州正鄉  
大夫辨論官材告王乃司馬耶四代之

學達於天下矣胡小學大學或內或外  
之異其制辟雍成均瞽宗泮宮之異其  
名耶或者又謂周官三百六十而建學  
無制庶人在官莫不有祿而養士無廩  
義何居耶后世有立內政之法嚴不舉  
之罰其於周制有合否耶 昭代養士  
於黌校而董督以憲臣賓興於秩宗而  
論官於銓部視周制不異矣邇來章縫  
濟濟充溢學官持鑑校文輒有留良之

慎修堂集

卷三

十三

惜而公車推轂每值倂然以乏人為憂  
將所求非所養所養非所求耶抑豪傑  
不待養而興異才不炫奇自見耶伊欲  
振作士之功收得賢之效其道何由爾  
多士各據所懷主司將因是以釋乏人  
之疑也

欲興作士之化者敦其本而已矣欲收得  
士之功者考其行而已矣夫本者化之自  
也敦本以立教則士習謹而不悅于紛華

波蕩之馳行者士之實也考行以舉賢則  
甄拔精而不眩于捷給浮誇之飾弗是之  
圖則狗未而忘本學校之典為飾觀狗名  
而失真公車之薦寡成績矣蓋修實行之  
教者所以敦本也黜虛誕之習者所以考  
行也是在同事者亟圖之耳且夫古昔之  
所謂教者豈能增人以智益人以藝哉教  
本尚行能使人以不若人為恥不成才為  
病日孜孜然而不可已也古稱教法之備

者莫過於成周內即近郊並建四學虞庠  
在其北夏序在其東商校在其西當代之  
學南面中處焉侯國皆立當代之學而損  
其制曰泮宮而又家有塾黨有庠術有序  
焉兼四代之學而建之天下無不被其教  
之人矣然辟雍者言其象也成均者節其  
德也瞽宗者祀其人也泮宮者半其制也  
而其所以為教士之地則一而已矣司徒  
以鄉三物教萬民也有智仁聖義中和之

德焉有孝友睦婣任恤之行焉有禮樂射  
御書數之藝焉間師少師教之於塾察其  
性質近道才行合理者鄉老春秋會而書  
之三歲大比州正鄉大夫審其性之不悖  
於道也行之不反於理也質其書之先後  
無變也乃入其書於司徒司徒論其秀者  
升之於學大樂正論其秀者以告王而升  
諸司馬司馬辨論官材以復于王論定然  
後官之任官然後爵之司徒司馬其職則

分而以德詔爵其事則聯焉諸侯之舉士  
于天子也由內以升于外以達于京師故  
小學在內大學在外天子之選士也由外  
以升內以達于朝故小學居外大學居內  
焉而其所以為舉士之典則一而已矣立  
之學矣而不為之制者蓋振民育德化之  
首也寧事品節之拘哉然務本責實之詳  
固已散見於司徒樂正之所職矣豈應文  
是具耶羣之士矣而不制之虞者蓋修身

向道士之事也寧為康粟之謀哉然田有制而學有時則固得以自食其力矣豈貧乏是憂耶夫教之也豫故士有卓行官之也審故用無枉才此周室人才之所以不可及也後世若齊桓內政之法而詳於不用上令之科則教非觀美漢高求賢之詔而嚴於有而弗言之罰則舉無私昵其亦庶幾乎先王之意哉自時厥後學校之設或日盛也而教法之修未聞明揚之令或

慎修堂集

卷三

十六

日領也而得賢之績罕著無感乎治效之不逮古前矣洪惟我國家作士之制斟酌百王學校之設林立海宇簡師儒以教之崇饒廩以優之除更繇以逸之時考校以稽之而 卧碑之設 勅諭之頒 皇上 敬一之箴 久道之化 聖謨大訓炳若日星宏綱要日本未備舉而又專之以司憲之臣俾提撕警覺於不窮焉三歲郡國上其賢者於秩宗秩宗上其賢者於

天子而後因材任事之典行焉教之盡其道舉之慎其方而且禮遇之隆其制誠于周為烈也士生斯世豈非幸哉二百年來感際遇而自濯磨以奮庸熙載者未易舉述矣章縫濟濟充溢學宮揆翰吐詞雲蒸泉湧留良之惜解額之請屢屢聞焉然頃以裔夷小警聿求才傑以禦侮折衝俾之適當事者每以乏人憂應求間出而能副其稱者亦罕也議者至謂今所求者庸敏非常

慎修堂集

卷三

十七

之士學校之教特守師說攻文詞耳非常之士豈在是耶噫是曷知 國家設學校之士之本旨哉夫學校之教有體有用有文五典五常百世而不可變者其體也詩書六藝探討以究其微者其文也舉而措之惟時所適而無不著勸垂聲者其用也敷言之訓昭揭膠庠使師以是教弟子以是學則奚以乏才憂耶顧司事者之不盡然也先未拔而後本根采聲華而忽實行厥

靜約而樂浮誇市恩私而締黨與甚或惟  
賢是進而不肖之絀不聞也惟善是賞而  
不帥教之罰不聞也噫是安望士習之端  
哉舉才者泥衆口之同而罕獨知之異慕  
虛名之盛而忘素履之求且浮誕之言行  
多不掩詭異之行衆必不親勇往獨前功  
必不立蓋古之稱賢能者皆不求聞達之  
士而世之急於自售者類儂巧躁競之雄  
也噫是安望舉士之得哉夫民有恒性導

慎修堂集

卷十三

十九

之可興况士又民之秀者特教之未至耳  
要必遵 敷言之訓嚴考德之規正心術  
以植其本修行履以培其基明經術以導  
其趨窮物理以廣其用而縱肆不羈之輩  
必黜焉謂士習有不正焉者否也天生人  
才自足以供一代之用特舉之有未至耳  
要必廣詢求之路略資格之拘先大節而  
後小才考志操而黜虛譽獎恬退而抑奔  
求舉忠信而戒浮誕而非才謬舉之罰必

行焉謂取士有不得焉者否也雖然士者  
國之幹民之表也上之人優異之以需其  
用者也是豈可不圖所以自異而用之適  
耶夫泮水之詩周人所以興學也而先儒  
謂設教之道備焉蓋敦德明德廣心固猶  
學之本也威儀孝弟之修師旅獄訟之習  
車馬器械之精學之事也烈祖格其誠多  
士化其德至於遠夷服其道則學之功也  
噫是非在泮者之所有事耶士而能此則

慎修堂集

卷十三

十九

周旋於黌校者皆有決拾之能而羣居相  
與講明者俱足以當受成獻賦之任之才  
之憂可釋而 國家建學造士之盛典庶  
幾乎不負矣愚未之逮也而竊有志焉執  
事其與進之

陝西鄉試程文

辛酉科  
第五問

問關中披山帶渭夙稱天府其民厚重質  
直導之易興自昔然矣漢唐定都寔資  
地利兵制民力往牒可稽我 國家建



省西極河湟南連楚蜀幅員之廣獨冠  
寰中於是三鎮外維以邊戎狄八郡內  
布以奠黍黎富強之烈于漢唐有光矣  
邇者邊塵多警士伍日虛列障乘墉悉  
資內卒入衛銳士僅僅取盈議者欲召  
募以充之而餽餉之資調發之略當事  
者率難其舉災變荐值間并蕭疎恒賦  
積逋動踰數萬州邑長吏被按削階議  
者欲趣辦以盈之而轉徙未還瘡痍未

起司民者或投効而徑歸茲二者域中  
之大務諸士耳目所習聞也必有概于  
中矣茲欲精銳足於邊關庶民安於田  
里則何施而可幸毋曰非肄業及之也  
善採弊者必求其源源塞而後弊可止也  
善興治者必審其要要舉而後治可圖也  
夫弊之生豈一朝夕之故哉其始也若涓  
微而無所害其積也則潰決而莫可支不  
求其源焉補塞徒勤泛濫未已矣治之興

也效可旬且責哉必先操其要領而後及  
其緒餘舍要而圖則節目雖繁而於事罔  
濟矣噫審乎此斯可與議秦中之兵賦矣  
執事以是策諸生蓋求疆域之許讓濟時  
之上策甚盛心也愚雖固陋亦抱區區之  
私久矣請遂言之可乎雍州之地土厚水  
深漢唐建都皆以四塞為固者在漢雍  
之郡十有六縣二百三十有一戶至一百  
十萬餘初置南北軍于京師材官于郡國

武帝增期門羽林屬南軍入校屬北軍又  
發謫吏謫民七科開河西發三輔免刑惡  
少屯遼東發官徒弛刑戍金城其制之為  
兵者殆居民之半也唐則為府者一為州  
四十有三為縣一百七十有三為戶九十  
萬餘高祖初舉關中之衆為十二軍太宗  
更之為府兵總曰折衝府而在關內者當  
天下之半嗣是又有千騎萬騎之立射生  
供奉左右神策之名逮李郭成功則寔藉

朔方兵力矣謂二代國勢之強非於地力  
有資哉我 國家盡二代故疆創建藩省  
而南益漢中東連商洛又兼前代所未備  
者有之矣是宜兵力民財超二代而軼之  
也然頃歲醜虜匪茹徂伺塞下每一竊入  
諸將輒閉壁坐觀一矢莫敢發詰之則曰  
兵寡不敵也入衛之士每懼不盈列障乘  
墮悉資內地之力焉議者屢欲召募以充  
之而鎧甲之所資芻糧之所給慮其費之

無從也竟莫克舉焉夫兵不可寡也寡而  
精焉非寡也兵貴多也多而不精焉用彼  
哉矧募兵之費誠未易言耶愚以足兵之  
道其要有四而召募不與焉一曰簡將帥  
夫將帥者三軍之司命故李廣為北平而  
匈奴畏避光弼代節度而壁壘改觀將不  
知兵是謂弃之矣今自守備而上有一障  
之寄者皆帥也果皆得人否耶要在察其  
志向試其韜鈴驗其才技必其忠信才勇

之素字也然後俾焉又必假之以權以立  
其威隆之以禮以作其氣勿為裁抑之制  
使得自見其所長焉則將帥得人衆心自  
附兵勢自強矣二曰禁掇剋夫邊關士伍  
窮困類多晝則荷戈而馳夜則倚烽而覘  
所賴以為養者芻餉之給而已迺為之長  
者扼其吭而奪之使之日喘喘然治生救  
死之不贍如之何其不怨且逃也故必慎  
芻餉之給嚴掇剋之科而凡頭會箕歛以

病乎兵者利雖至微亦顯戮不宥焉則兵  
困少蘇兵力其漸振矣三曰省徵調夫各  
邊戍守本屬主兵今警報方聞即求援助  
愚以為客兵之徵非計也徵人者苦於犒  
給之不克號令之不一緩急之力難資徵  
於人者則苦於地利之不習心志之不孚  
主客之嫌易起故徵調徒繁功效未見矧  
道途煩擾所在不支行役頻年士馬損失  
耶請自今省之俾自為守可乎四曰聯土

著夫窮邊之地千里蕭條與豺狼為鄰伍以戰鬪為嬉遊自非生於其地者罕能寧其居也矧塞下之民勇悍純實出於天性愚以為莫若於沿邊要地聯其土著家自為兵有警則藉之以驅除而給以客兵之食凡奪敵所有悉以給之而不計也無事則還之於閭井而不必隸名於軍中凡幕府之役毋或及之而不渝也夫親戚資產既其所繫念而比閭族黨自可以同心較

卜集

卷三

三

之徵調費省而功倍矣請自今聯之以自為固可乎噫四者行而兵猶不振者否矣自夫地變頻仍民物彫落州邑之籍損其四五者有矣遺黎喘息百役叢焉所司以催督之莫從也投劾徑歸者有矣詰之則曰民玩不可為也然惟正之供勢不可已議者至欲趣辦以盈之顧轉徙未歸瘡痍未起趣之將奚濟耶夫緩徵需者損賦急催科者損民賦不可損矣民損國將奚賴

耶愚以足賦之道亦有四而趣辦不與焉一曰重守令夫守令者治之本於民有父母之道焉苟徒求之於簿書奔走之騰抑末矣要必慎其選而重其權弗侵其守弗奪其志修考言詢事之道嚴循名責實之政俾之務根本去枝葉導耕植恤孤窮敦四民之業崇五土之利焉則廢功以興民財其可阜乎二曰戒貪殘夫民之困憊由官邪也官之失德寵賂彰也今全陝之吏

修

卷三

三

懷刑奉法固比比矣遐區僻壤誦無以孤免視其民畧獲肆張惟恐其觸陷之不逮者乎謂民無以寇戎視其吏潛形匿影日慮其戈矛之我侵者乎禮義消三貪饕成俗及其賕敗僅從放免而已彼固莫憚哉要必勅法致刑毋從輕典俾眾以為警焉民患其少息乎三曰省徵求夫軍國之需租庸之賦民之所當輸者也雖催督之嚴彼亦曰是非以爲我矣然法外之絲非道

之費其所以攘奪乎民者不知其幾也噫  
公府之一金田野之十金也公府須臾之  
適田野終歲之勞也曷若嚴為之禁曲為  
之防省匪正之供俾得充惟正之賦不亦  
善耶四曰恤流移夫人情懷土寧樂去其  
鄉其所以鳥驚獸突投止匪寧者豈得已  
哉迨其困頓來歸榜徨未定而戶黨之逼  
積久之稅邑胥里正持籍盈門悉於彼乎  
索之矣是驅之以竄堅之以流移也曷若

休堂集

卷十三

三

不追其既往賑恤其方來拊循安集俾有  
寧居焉安集既久則常賦自充不亦善耶  
噫四者行而賦有不充者否矣夫貪殘播  
剋弊之源也將帥守令治之要也徵調需  
求之省土著流移之恤皆其節目之不可  
緩者是故言之若迂也而其事則甚切諒  
之若易也而行之恐或艱舉其要塞其源  
是在司事者之力行何如耳蓋議兵於邊  
也猶之揀焚拯溺然披髮纓冠則可紆徐

畏避則謬矣議賦於內也猶之扶顛持危  
然緩步周旋則可直前自遂則蹶矣崇文  
大之規黜彌文之飾是非識時之條所當  
有事者耶雖然建輝光之業者必屬篤實  
之懷奮卓絕之猷者不為苟簡之政誠由  
前之道而持之以務實之心上以是求下  
以是應則足兵足賦特一興舉之間耳對  
菲之言奚辱采焉

從祀策

休堂集

卷十三

七

問千聖道統之傳惟孔子為盛萬年王祀  
之報亦惟孔子為隆祠祀褒崇日新問  
替堂廡列享盡一時及門傳道之英亦  
嘗論其世而酌其宜否耶後賢從祀肇  
自何時由漢以及勝國代有其人矣然  
議者尚有遺論誠然乎我國家二百  
年餘儒真繼作而庭祀之典寥寥未聞  
自成弘以來建白之臣必以文清薛瑄  
氏為稱首章凡幾上矣竟未見諸行何

也我 世宗肅皇帝嘗下言官疏集儒  
臣俾各為議上時謂必當祀者什九也  
可指而言歟然其舉復寢又何耶恭惟  
我

皇上臨御之初臣僚復以為請然主議者未能  
決諸士去薛氏之世未遠近其居又甚  
也謂不知其人可乎盍考其心身自得  
之真立身行己之大者合于祀法與否  
而盡言之有司將執以決天下之疑也

休休堂集 卷十三 壬

聖賢之學致乎道而已矣致乎道是故德  
成而功顯祠祀之舉亦稽諸道而已矣稽  
諸道斯可以崇德而報功夫道原於天待  
人而私者也體諸心身之謂德措諸事業  
之謂功祀也者以其德與功也故有功德  
於一方者一方祀之矣有功德於一時者  
一時祀之矣然則有功德於先聖之道者  
顧可以不祀于先聖之庭乎執事發策下  
詢而欲決文清薛氏從祀之典甚盛心也

愚生竊伏衡茅屢聞盈庭之議徒貽築室  
之譏有概於中久矣請盡言之可乎夫禮

以祀為大而孔廟之祀尤禮之大者也自  
漢高過魯肇祀太牢平帝初元褒成追謚  
安帝則祀孔子及七十二弟子於闕里晉  
武帝則詔太學及魯國備牲以祀於四時  
馬唐太宗始以左丘明卜子夏二十二經  
師侑享廟庭而揚雄韓愈周程張朱呂馬  
諸賢則從祀於宋也許衡董仲舒肇祀於

修室集 卷十三 元

元而胡安國蔡沉真德秀吳澄楊時陸九  
淵則 昭代祀之也議者謂伯玉林放非  
及門之士馬融戴聖多可指之疵至欲融  
之焉夫有舉莫廢古之遺也矧皆有功於  
經籍乎又以孫復胡瑗著作人之績羅從  
彥李侗啓正脈之傳胥欲增之焉夫復瑗  
姑未論也仲素愿中承伊洛而啓紫陽似  
不可已矣我 國家 祖宗 列聖 君  
師建極道德帥人二百年餘玩心理性抗

志聖賢者濟濟然盛矣而侑食廟庶者尚  
未有其人誠闕典也近世楊廉考心身之  
實得邈師友之淵源乃於皇朝名臣言行  
錄中摘其既錄者四人廣其未備者十有  
一人各加論讚合而名之曰理學而以文  
清薛氏為首冠 累朝諸臣若給事中張  
九功解一貫都御史姚鏤參政許讚知府  
陳銓監丞李紳等皆以薛氏從祀為請章  
蓋數十上矣而議者謂其罕所著述僅令

修堂集

卷三

三

祀于河津迨我 世宗肅皇帝時臺臣屢  
以為言 詔禮官集儒臣各具疏上聞時  
尚書霍韜張邦奇張治等二十餘人或曰  
篤實足以砥偽中正足以律偏純粹足以  
訂雜或曰 本朝以理學為宗者實自瑄  
始考其出處進退言論風旨不合於聖人  
之道鮮矣或曰純粹可以正偏駁篤行可  
以破澆漓廉介可以勵貪鄙恬退可以黜  
奔競惇大可以裕淺俗或曰以身衛聖道

非徒托諸空言或曰言行篤實似許衡出  
處峻潔過楊時或曰從祀孔廟當論其學  
術之純駁不當論其著述之有無 國家  
真儒宜以瑄為第一或曰瑄獨反躬實踐  
邈尋正脈使學者曉然知所趨向其功不  
在著述下進瑄而祀之庶幾繼往開來或  
曰舉瑄而祀之俾經生學子在於敦行而  
不在乎多言務於實勝而不貴乎虛譚則  
吾道幸甚言雖人人殊而以為必可祀者

修堂集

卷三

三

則一也臺諫若丁湛饒天民等復力襄其  
議是可以驗人心之公矣時惟一 二肆胸  
臆之見者一則曰董韓諸人曠千古而始  
定雖以俟後世可也一則曰瑄可為一時  
之豪傑而不可謬稱理學之宗支當時言  
官固即條斥其非矣嗣以給事中陳渠之  
疏復 詔鄆陵祠祀焉恭惟我  
皇上初元言者仍舉以請頌而拔茅彙及者紛  
然矣閱歷歲時未聞疏舉夫 廟朝之議

非膏素所敢知而薛氏之學則故老之所傳聞簡編之所誦習亦竊識其大槩矣彼其方幼年而即慕性理之學焚詞賦而專志濂洛之傳以居敬窮理為始基以復性明倫為深造潛心誦讀寢食或忘理得心融手舞足蹈至其發為緒論類皆心得格言如論語命仁之理一神兩化之釋以顏子之樂由於克己以聖人之學在於不自私至于持敬慎微之箴悅心存誠之銘率

少堂集

卷十三

三十一

皆洞究大原有未易悉舉者其心身自得之學何如也至其教人則一洗詞章口耳之習而由灑掃應對以至於精義入神謂太極即吾仁義禮智之性六經四子一性字足以括之不知性之至不踐性之至非學也東方之教率循白鹿之規視學所至必先考其力行而後校其文藝至於立朝之節則相臣欲識面而不從要璫欲結懽而力拒懲姦伸法雖豪右必究而不搖議

獄辨冤雖權貴屢觸而不挫縲紲待刑誦易不輟直沽絕食吟咏自如長揖抗手俸閣脫蹤視乎高位真孟子所謂大丈夫矣其立身行己之學何如也夫根諸心者體道之德也德不可以不崇見諸行者明道衛道之功也功不可以不報生乎百世之下奮乎百世之上不由師傳專心正學較諸宋元列祀諸臣殆未易後先者持俟後之議操不斷之心豈所以定天下萬世之

少堂集

卷十三

三十一

公哉載觀議者之言率謂著述之罕夫求士於漢唐之世聖學蕪塞固當錄其釋經之功至宋儒出而經傳明我成祖性理諸書成則聖賢之旨燦如日星矣矧讀書一錄固皆寫胸中之實而於古昔微詞奧義發明豈細哉然則以著述見少者殆非矣雖然周子曰天下勢而已矣極重不可反識其重而亟反之可也邇來異論爭鳴奇談競出各標赤幟各立戶庭厭常喜新

之士翕然趨之識者方懼末流之莫挽也  
若復以著述之罕苛責前修將無揚其瀾  
而助其波耶故議孔庭之祀者惟考其躬  
行實踐之功不必稽其枝葉華藻之習謂  
非移風易俗之一大機哉草茅初學特因  
明問所及而肆陳之若曰假衆言而私所  
好愚雖污不為也謹對

中州校師生策問

五首

問君臣之義無所逃於天地之間者也故

卷三

三

孔子曰事君以忠論文王者曰止於敬  
而易傳坤爻曰知光大也書載賡歌曰  
股肱良哉忠良智敬其道若是殊途耶  
後世有願為良而不為忠者其得聖人  
之旨否歟孔門曰致身曰成仁矣而或  
者又曰殺其身無益於君君子不為又  
曰有重於太山至于明哲保身之語聖  
賢又屢稱不置焉后世又有三品之說  
其可從歟夫道必先知明所往斯可力行

以求至師心而冥會者鮮不失矣諸士  
行將有事

君之責者蓋斟酌前言各陳爾志

問考功核實而誅賞行焉此百王通典也  
虞書敷奏明試三考黜陟幽明周官又  
六年王乃時巡明黜陟而周禮冢宰歲  
終受會聽王廢置三歲則大計之視虞  
書胡繁簡若是耶或謂歷七聖而課試  
之要未立或謂帝王以功舉賢則萬化

卷三

三

成然則聖人鼓舞俊乂將別有道耶后  
世有歲竟丞相課殿最奏賞罰者有一  
考即賞罰大行者有百司之長歲較其  
屬功過者有令分三減二否以聞者其  
疎密得失何如也或謂未經四考不許  
遷除或謂臧否之外無種名之或謂厚  
貌深情得以蒙茲果然歟夫庶政非賢  
才莫舉功罪非考課曷明治理之要誠  
無踰此矣諸士試舉先王之法后来之



弊折衷畫一之規用為當任者助毋曰  
非誦習所及也

問睢陽大節照耀古今途之人能言之矣  
讀其書未嘗不思一至其地而詢訪其  
遺民也二三子又遺民之秀者二公顯  
微志節學問討論料敵設奇殊蹟雅度  
諒能得其真矣可得聞乎然當時議論  
紛紜後嗣又訟抑叩關何耶在廷之議  
孰明其寃紀載之書孰得其要耶或惜

卷十三

三六

其不拔衆而東矣然則東可至耶或罪  
賀蘭之不救矣又謂賀蘭以房琯之忌  
畏叔冀之圖也然徽是二者賀蘭果能  
破賊成功耶擁強兵連封域者豈盡無  
人耶抑鞠躬盡瘁死而後已成敗利鈍  
固非英賢所計耶夫據紙奮詞談何易  
矣設身處地能其萬一否乎今大節昭  
明六王並祠協義否乎二三子考求往  
論據悉真知無忝二公之遺民可也

問設險以守國足食以養兵二者治之經  
也許昌四野衍夷無山谿之險胡曹瞞  
挾漢徙都左提右挈卒成攘奪之邪豈  
得地形耶抑所乘者異也棗祗創叱許  
之策時議紛紜及其成也歲入百萬軍  
國饒裕魏實資之今蕪萊磽确獲不償  
耕地利豈異耶母亦人事非耶二三子  
目矚身親各求其故毋徒曰古今不相  
及也

卷十三

三七

問汴宋故都也畫圻建國肇自何時藝祖  
開基胡為不變擇而取之耶抑勢有所  
當因時有所當俟耶當時君臣志慮謀  
畫經營亦有可指言者否歟景德之征  
靖康之役議者類咎失策於都也然北  
失燕雲西喪靈夏其控制居重果別有  
所宜耶藝祖身經百戰歷覽遐國識顧  
出議者下哉將政宣之國是非都汴可  
無狄侵耶都毫都耿都殷者異汴幾何

將固國者別有圖也我

聖祖躬御六飛經旬駐蹕然建都之議終寢

宸謨膺斷可仰窺萬一否耶諸生生其地熟

其故必識其微矣為我抵掌明言以破

老生之常談可乎

家塾策問 三首

問自古帝王敷求治理莫不以修文講武

為首務粵稽方策虞夏殷周設教誥兵

之制昭然可睹也當時文事武備果何

本三

三八

如耶後世或臨雍講藝或冠帶擁於橋

門或按轡勞軍或躬於殿庭訓射亦代

有可觀不知當時文武之士乘時奮績

對揚王休者亦代有其人否耶洪惟我

國家 二祖開基 列聖績緒所以垂

訓臣民振飭戎士者後先一揆至我

世宗肅皇帝則禮樂明備于 列聖有光矣欽

惟我

皇上臨御初元 躬幸太學進師生講解經義

光頌 聖訓惓惓然以講求經術惇敘

彝倫以成化于今上齊唐虞三代之美

為勉焉昨秋復行 大閱禮於都郊

躬肄諸將校騎射之高下以差賞罰復

頒 聖訓孜孜然以詰戎講武訓練有

方以安內攘外茂建膚功為期焉 天

語昭回星虹並曜固萬國臣民之忻逢

而快覩者爾諸生伏讀繹思亦嘗仰窺

宸衷之萬一否乎夫人才輩出內治畢

三九

修戎務張皇邊關寧謐 聖心之所倚

注於當事者至勤且切也奮庸熙載以

酬 春遇以稱 上心若之何而後可

其肆言之有司者將轉 聞焉

問治天下以正風俗得賢才為本昔賢言

之矣我 國初俗尚淳朴今日異于初

其弊何自茲欲復于昔其道何先學校

之設遍天下求才之 詔時下 九天

而當事擇人每有乏才之嘆其失安在

茲欲得人舉職其務何要各肆陳之  
問周漢以降語盛治者曰唐而三宗之主  
太宗稱首今觀其致治之美庶幾成康  
矣漸不克終竟有遼左之悔不知其始  
之致治也何由其後之不終也何自各  
極言之以觀治忽之原



慎修堂集卷之十四

表

河汾元著

擬端午日 賜輔臣紙扇併艾虎綵絲壽

縷謝表 嘉靖二十七年

天開令節陰陽際交會之辰 帝賚多儀恩禮

茂對時之典布仁風而潛祛氛祲章物采而顯

錫遐齡瞻茲 大惠之便蕃詎意微臣之併及

寵隨時感愧竑感臻臣某誠惶誠恐稽首頓首

慎修堂集

卷十四

一

竊以四序成功始月實剛柔之遇三辰順度清

時修節序之儀故製輕箑以引涼颺尚虞室五

明之象佩虎符以消災沴則周家逐疫之規柔

絲章彩色之施壽縷致岡陵之祝是皆樂嘉辰

之有俶亦以慶化日之舒長詎若時物匪頒炳

矣 上方之寶 皇仁特被燦然蠶館之珍斯

不世之奇逢誠百生之嘉會榮逾晉錫喜溢豫

鳴茲蓋伏遇

皇帝陛下 德合陰陽 功收位育 同天之

道不言而四時行 如日之明有作而萬物親  
風行八極蒸黎蒙清謐之休文炳九圍治理致  
淳龐之化絢五采以彰施 皇猷黼黻膺千齡  
而受祉 帝道光明茲當一陰際遇之期正品  
物咸章之候乘時撫運而禮洽羣工託物施仁  
而 恩先百辟齊統皎潔同月色以懸輝艾虎  
森嚴儼霜威而凜冽錯玄黃於瑞繭煥矣文章  
祝壽考於絲紘介茲景福惟是特隆之 天寵  
總非習見於人間捧之而涼思盈襟佩之而輝

慎修堂集

卷十

二

華遍體盡消暑氣虛聞辟暑之屏潛引祥光允  
若迎祥之籙昌辰佩德何日能忘竊念臣艾蕭  
弱質襪線微材慶逢風虎之遭奚有山龍之補  
謬承 駿惠曷報 鴻慈敢不解慍阜財豐布  
薰風之化効忠宣力數求熊虎之臣竭耳目之  
能俾文成於五色殫股肱之義期壽洽於羣生  
伏願 推恩天下 加志日中 君子德風永  
建臣民之極 大人虎變懋成參贊之功 圓  
一世於 文明躋八荒於壽域

擬 東宮冠禮成賀

皇帝表 嘉靖二十八年

元服誕加鶴禁啟成人之慶 隆儀通舉龍軒  
茂佑後之謨欣主器之重明仰 聖皇之盡義  
懽騰 廟社慶溢寰區臣等誠懽誠忭稽首頌  
首竊以主壘承祧元子繫萬方之望正容遜德  
加冠寔五禮之先必成身之道既明斯理物之  
功可建遐稽往則旁究彝章元良正而萬國以  
貞大禮興而兩儀奠位故史雍致成王之祝而

慎修堂集

卷十

三

范宣勤文子之規慨叔世之無聞遂隆儀之久  
曠聿舉 熙朝之緝典寔惟振古之芳猷天意  
昭垂人心悅豫茲蓋伏遇  
皇帝陛下 仁洽羣生德超邃古 頤神靜謐  
式承滋至之休履道淵微丕顯篤恭之化亶聰  
明而作元后垂衣裳而靖四方精誠孚格於  
高玄豐年屢錫子惠旁流於率土萬國咸寧  
致廣大而盡精微觀會通而行典禮謂主器莫  
若 長子元良之位蚤隆而嘉禮貴於及時首

服之儀肇舉令辰吉月發祥當蒼震之期 秘

殿法宮介福莅嚮明之地日弁曰冕禮重三加

卜相卜賓儀隆再筮元冠朱綬亞 五位之等

威周冕般昂兼三王之制度前星增耀少海揚

輝 秩秩德音允懋羣生之仰雍雍禮度永綏

九廟之靈為人子為人臣已遠冲孺之幼志

近乎仁近乎義茂兼文武之全功虎步龍行異

日之太平天子神姿日表他年之利見大人

親則父而尊則君繼承允在 祖有功而宗有

慎修堂集

卷十四

四

德感應無誣是誠億載之亨期百生之巨慶也

臣等虛叨宰職快親宏規在位駿奔慶王制聖

倫之兼盡趨 朝虎拜樂 父慈子孝之教成

聖聖相成有子遠超乎夏禹 明明在上無

憂允協乎周文伏願 德厚流光禮明樂備

文謨武烈遠承 祖禰之休 聖子神孫恒作

臣民之主 宗社奠安於有永 本支綿衍於

無疆

擬 裕王 景王 冠禮成賀

皇帝表

元服同加帝子啟成身之禮 崇儀兼舉聖慈

溥育德之仁仰嘉典之威修見百祥之孔定懽

騰四海慶自 一人恭惟

皇上 德合重玄心涵太始體仁蹈智而極建

中和得一履貞而功收位育 配天配地登萬

彙於春臺 資始資生躋八荒於壽域 垂衣

裳而萬國理勳華績 列聖之休舉禮樂而二

儀昭制作冠百王之盛 仙源錫羨振振詠麟

慎修堂集

卷十四

五

趾之祥茅土胙封濟濟翼 鴻圖之大茲春秋

之既富允冠冕之已勝詢廷簡三正之元辰告

廟舉千齡之吉典鈞天廣殿鑿輿渙 綸綍之

傳玉瑞分行鶴立儼衣冠之集敬身成德而制

重三加受慶承休而祥鍾百福禮儀有序 龍

輝增鼎俎之輝 兄弟具成駿業鞏苞桑之固

凝梳端冕光昭伯仲之聯播笏垂紳喜集神明

之胄親棣華之有韓欣桐葉之永綿為人子為

人臣丕茂彝倫之盡近於仁近於義聿觀德業

之新臣等幸際亨嘉叨塵法從巍巍蕩蕩恭逢  
帝胤之蕃 穆穆皇皇快覩 本支之盛伏願  
日新治化寔惟有道之長 天保 聖躬永享  
無疆之福億萬載尊居 宸極爰祝堯封百千  
傳茂衍 皇宗載歌周雅

賀靈雨應祈表

聖念勤民肅舉祈玄之典甘霖應候丕昭助順  
之祥惟 帝心亨格乎 皇穹誠而無息迺靈  
澤滂霑於率土 天且弗違遐邇騰懽山川生

慎修堂集

卷十四

六

色恭惟

皇帝陛下 大德好生至仁育物 敷施玄化  
參天地以成能丕顯 洪猷曠古今而為烈致  
中和而建極玉振金聲 乘六龍以御天雲行  
兩施豐年有象彌懷稼穡之艱盛治無虞恒切  
蒸民之立顧茲東作甘澍未零雖匪損於農時  
已上厯乎 聖慮未災而懼祗嚴籲 帝之忱  
先事是圖茂秩祈年之祀誠無幽而不達神有  
感而必通 綸音渙而雷雨旋興洪應如響法

典修而靈滋普遍大造允孚不占石燕之飛無  
俟商羊之舞初隨風而霑霽不疾不徐爰竟日  
以霑濡既優既渥垂甘灑潤而玄液滿盈布澤  
流膏而太和洋溢老稚欣欣而相告感 帝力  
之玄通草木油油以向榮見 恩光之默喻公  
私沾足而豐穰已徵寰宇塵清而妖氛永息誠  
羣生之巨慶萬國之休祥也臣等叨塵法從快  
覩蕃釐沐浴 湛恩殊愧涓流之報沾濡 清  
化曷勝頌祝之忱伏願 玄化昭升景星慶雲

慎修堂集

卷十四

七

之疊見 穹祗集祉祥風和氣之與游 時雨  
時暘保豐亨於有永 如川如日綿壽考以無  
疆

賀冬至表 嘉靖三十二年

一陽亨復黃鍾協 天地之和萬國時雍 蒸  
極錫平成之福融風布序而 君道方隆化日  
舒長而 天元允合慶 熙朝之盛會修亞歲  
之嘉儀茲蓋伏遇

皇帝陛下 道貫神明 功無覆載 日新一

德精誠昭格乎 重玄 時勅萬幾仁澤夢敷  
 于率土 茂光前之駿業 功烈昭回 詒裕  
 後之鴻猷 訂謨佑啟 風雷震動肅清漢北  
 之塵 日月宣精遠暨朔南之化乃倉乃積尤  
 祈百穀之維蕃引養引恬尚 慮一夫之不獲  
 存心加志發政施仁 蕩蕩神功已奠二儀  
 之位 淵淵德澤盡回萬有之生嘉此時昌恭  
 逢星昂氣先緹室陰陽驗律曆之諧占應觀臺  
 雲物識禎祥之兆八神樹表欣晷度之攸宜一  
 慎修堂集 卷十 八  
 線增長慶瘡璣之順應陽歸陰謝于焉見 生  
 物之心肆樂寢兵允矣協 太和之會臣等  
 恩叨玉署慶祝 璇霄抱獻履之微勤未効消  
 埃之報際 垂裳之昌運敬摠頌禱之誠伏願  
 育物對時 龍德音正中之化 踐長迎福  
 鴻登緝純嘏之熙 璧合珠聯象緯察玉衡  
 而獨盛 日升川至 壽祺同寶景以方長  
 賀瑞雪表 嘉靖三十三年  
 玉殿 躬祈 聖主勤下民而對越瓊靈響應

皇穹錫上瑞以交孚 精誠極而 天鑒不  
 違 玄澤垂而民生允殖兆先豐歲揚喜色於  
 三農慶協泰符沆懽聲於九有恭惟  
 皇上 緝熙至道 保合太和 運大化於淵  
 微陰陽率軌 躋羣生於仁壽動植交欣 體  
 虛靜以儲神 極高明而盡下采薇發咏 湛  
 恩懷將士以來思黃竹興誥 渥澤洽蒸黎而  
 在念 玄威遐布而九塞塵清 聖德升聞而  
 百神祉萃顧茲寒沍嘉歲事之將成伊邇春融  
 慎修堂集 卷十 九  
 尚雪祥之未集 懷深稼穡叩 金闕以虔祈  
 禮重明禋徧 瑤宮而肅禱 天心昭格俄看  
 萬里之彤雲 靈貺顯敷快親六花之瑞彩始  
 飄颻而有象條浩蕩以無垠皜皜凝華宇宙廓  
 氛埃之氣皚皚普潤山川呈珠玉之輝色耀  
 上林璀璨忻連乎玉樹光浮 禁苑氤氳喜溢  
 乎 瓊田仰和氣之充盈預慶來牟之盛挹寒  
 威之凜冽已知螟螣之消是皆我  
 皇上 德與 天而同體斯 誠有感而必通

也臣等跡廁 紫霄幸接操觚之列詞慚白雪  
愧虛受簡之能沾濡屢沐乎 鴻麻頌祝祇勤  
乎雀躍伏願 景福誕膺五氣協 瑤圖而順  
布 嘉徵滋至三靈擁 玉曆以延長 川至  
日升永建中和之極 雲行兩施恒歌大有之  
年

賀萬壽聖節表

天地鍾祥誕聖啟中興之運帝王受命承禧欣  
載夙之期介萬壽於九重祝千齡於四表惟騰

慎修堂集

卷十四

十

寰宇慶洽神人茲蓋伏遇

皇帝陛下 道光上聖仁洽普天幽贊神明垂  
衣裳而致治範圍天地躬道德以帥人精誠昭  
格于高玄豐年屢錫子惠聿先於億兆大賚私  
敷體仁以長人化理兼皇王之妙主靜以立極  
中和收位育之能運獨化於陶鈞功成治定躋  
羣生於仁壽德溥化光寔惟豐亨豫大之昌辰  
恭值虹流電繞之嘉會百生巨慶千載休期澄  
爽氣於重霄清商應候絢黃雲於禁籞嘉穗盈

疇金颺嘯顙氣以氤氳珠斗拱壽躔而燦爛至  
誠享帝式瞻蛛喜之祥一德動天懋介鴻釐之  
慶百神擁祐萬國朝宗開闔闔于九天未東方  
之紫氣馨馨呼於百辟仰北闕之紅雲仙掌露  
華擬注堯尊之獻蓬山瑞色願同聖筭之延臣  
等叨塵密勿倍萬鴻私幸奉昌明曷勝雀躍荷  
乾坤之覆載情實切於瞻依仰日月之照臨惟  
有勤於頌祝伏願昊天申命萬年昇壽域以弘  
開上帝降康億載麗福星而久照壽考作人甲

慎修堂集

卷十四

十一

子遠超乎四百悠久成物春秋奚啻於八千

賀正旦表

嘉靖二十七年

玉律祥開四始協熙和之運 璿璣政順三陽  
成交泰之功 景福介於 一人乾始資乎萬  
物神民胥慶海宇騰懽恭惟  
皇上 極建中和 神凝清穆 恩覃九有裁  
成收位育之功 德茲三無闔闔兼陰陽之妙  
體元居正四靈至而百祿攸同 養素含真  
七政齊而三辰順度 設神道之教精誠克對



乎 高玄溥 大賚之仁曠蕩恒先乎範獨金  
甌鞏固寔惟有道之長玉燭調和方衍無疆之  
慶欽崇 天道敬授人時惟茲陽長之辰快觀  
維新之春 撫青陽而迎景祚肇嚴端月之儀  
協太簇以握 丕圖式考三微之運和風沕穆  
播元氣於鴻鈞化 日舒長躋多方於壽域雲  
開 閭闔簪裳儼鵠立乎千官瑞遠 蓬萊玉  
帛肅駿奔乎萬國臣等叨鉉鼎耳殊慚調燮之  
能共慶泰階竊被 清寧之化陽和盈宇宙贊

慎修堂集

卷古

十一

襄奚補於天工聽履上星辰遭際惟歌乎 帝  
力伏願 對時育物聿成熙皞之風 壽考作  
人載錫康寧之福膺千春之寶曆遐齡同泰道  
以方隆綿億葉之 仙源廣運茲乾行於有永  
賀 西苑瑞穀表 嘉靖三十七年  
上玄錫慶太和發育于 天田 聖壽延祥靈  
貺顯敷于 帝社親 嘉禎之應候忻 眷命  
之方隆遐邇惟騰臣民喜溢茲蓋伏遇  
皇帝陛下 德合乾坤 仁均雨露 奉三無

以臨九有大化裁成本 一德以格 重玄至  
神乎契 心先稼穡育萬彙以蕃鮮 志切黍  
黎囿羣生於樂利 均調元氣而寒暑罔愆  
默贊化機而雨暘不忒惟明靈之效順迺上瑞  
之昭宣成萬寶於西嚳燦 一星於南極祥開  
靈稼期協 虹辰豐衍同榮挺叢芳於漢畝綿  
延並茂紛接穗於周原沃根飽膏澤之滋成實  
應盈虛之會連莖擢秀儼璧合以珠聯共幹分  
芳類金雕而玉琢三岐雙穗象參天兩地之

慎修堂集

卷古

十三

神功五十五莖合陰偶陽奇之全數矧地當  
內苑寔和氣之攸先節屆 誕辰仰 玄麻之  
茂集瞻茲 嘉瑞式協 昌期匪惟適用以稱  
珎寔曰應時而見寶是宜潔粢盛而享 上帝  
昭明德之惟馨陳簋簋而奉 宗祧示孝思之  
可則昔唐叔紀周庭之瑞僅爾一莖曹植頌魏  
世之祥未聞竟畝詎如 今日實邁古前 致  
和孕氣化之祥 種德兆物生之盛顯太平於  
有象民力普存卜 壽考以無疆 天心克享

臣等幸塵覆育曲荷 生成又叨鼎養之恩  
奚能報稱快親豐年之瑞曷罄揄揚伏願 聖  
曆丕增 駿命天綏於孔固 帝圖有赫 鴻  
釐日至以方新 四靈萃而禮樂興千古仰中  
和之極 五穀熟而人民育萬方誦大有之年  
擬唐中書令張九齡進千秋金鏡錄表開元  
寶節天開四海際光明之運瑤編日就萬年昭  
鑑戒之規爰勤一得之研摩少効 千齡之頌  
祝事存殷鑒義比湯盤臣誠惶誠恐稽首頓首

慎修堂集

卷十四

十四

竊惟英君邁德咸稽往哲之遺賢士効忠必道  
古先之跡鑒於有夏書著明徵程是先民詩垂  
至戒蓋學於古訓乃有獲稽古者所以見今而  
鑒於成憲則無愆觀人者可以正己遐稽往軌  
對越昌辰茲蓋伏遇 ○○○○ 剛健性成  
聰明神授 範圍天地無為而六府修 幽贊  
神明有作而萬物覩 一戎衣而平內難盡消  
金革之風 三無私以惠萬方普錫清明之化  
道通粹美治極高明 金玉其相德已純於

百鍊容光必照明允見乎萬方慶茲四海之同  
春復值 千秋之令節布金飈於天表一氣潛  
敷開玉鏡於雲端八荒普照惟騰朝野慶洽神  
人凡茲台鼎之司率有金鏡之獻巨沐 恩特  
異効敢亦殊竊謂 玉府天家必不乏瓌奇之  
寶而前言往行或可為蓄德之珍近遵 文皇  
以古為鑑之謨遠則伏羲制器尚象之義編摩  
載籍蒐輯典墳探是非得失之源究治亂興衰  
之故躬親鉛槧竭智力以披沙剋劔鑽研齋心

慎修堂集

卷十四

十五

神於磨垢篇章就緒萬年之美惡具形簡表裁  
成千古之妍媸洞見 對臨匪懈或為反觀內  
照之資顧諟惟勤庶有觸目警心之助遂忘固  
陋爰輸芹曝之懷仰瀆 宸聰少効華封之祝  
尚冀 重瞳之表俯垂 乙夜之觀竊念 臣昏  
愚蠢質頑鈍庸流蚤荷鑪錘未能於從革茲  
承作礪殊未克乎斷金蠶測海而重負山戰兢  
已極露增流而塵足嶽勉效方勤伏願 鑒觀  
有赫 旁燭無疆 能自得師運四方於掌上

與治同道照天下於日中 玉振金聲永建

中和之極 日臨月照私施覆冒之仁

擬賀大閱表 隆慶三年

聖德御乾文治誕敷於六合 皇威奮豫武功

肇訓於三秋 翠華嚴清蹕於長楊五兵胥慶

黃鉞省軍容於細柳衆枝咸精 大業光前偉

觀啟後臣某等誠懼誠忤稽首頓首竊以乾坤

成化育之功陽舒陰肅 天子建中和之極武

緯文經惟二柄之兼標交修匪懈斯羣心之砥

慎修堂集

卷十四

十六

勵庶績其凝粵稽往代之隆恭邇 熙朝之盛

儀文矚列典則照懸蓋世雖治而戰不可忘故

武必講而慮斯有備周宣致車攻之賦漢高肇

會陣之規玄宗講武於驪山戈鋌易色藝祖訓

戎于近郭擊技爭雄我 聖祖之龍飛 躬擐

手介冑逮 文皇之虎變 口授手翰鈐 宣

宗較騎士于兔山 英廟肄材官於 西苑

神謨雷動無非飭內治以奠外寧 齊筭風行

要曰奮武衛而揆文教洪惟 先帝俯察通言

旨下春曹未遑遠略道待人而斯舉禮必世

而後興快觀 隆儀忻逢 嘉會茲蓋伏遇

皇帝陛下 英明內運 信順外符 學務緝

熙 德成精粹 乾旋坤轉闢政教以維新

兩施雲行沛仁恩於有赫遐觀往烈近守 洪

謨 御講殿而接儒紳心契帝王之要道 幸

辟雍而育髦士首領道德之微言念同文之化

有成而振武之功宜績爰究 京營之制允為

宗社之依豈惟強幹而弱枝寔以攘夷而尊

慎修堂集

卷十四

十七

夏慨昇平之既久遂怠忽之相仍團操徒襲乎

虛聲藝業曷臻乎實效 王言時勅練習俾勤

法駕期臨簡稽必審仰重離之畢照燭宿盡

以無遺 天聲震而士氣惟揚 廟畧乎而輿

情胥悅距趨欲奮觸抵爭先迺序屬乎秋深卜

辰和于日吉 六龍順動雕輿暫發乎 宸居

萬騎後先羽衛森羅乎 御幄百神翊護而紺

宇澄清列曜貞明而蒼穹流彩紅雲捧 華蓋

煥然行地之中佳氣繞蓬萊恍若自天而下元

戎啟道六事景從水衡表壁壘之區星羅碁布  
金鎧列營屯之次類聚羣分登壇重巽命之申  
選隊試師貞之律旌旂絢爛倬雲錦以經天戈  
戟光芒燦珠璣而照乘劍氣遙連乎斗極甲光  
上麗乎星虹鳥陣鷹揚銳直圓方之迭出龍鈴  
豹畧正奇常變之莫窮制勝決機已見萬人之  
敵穿楊貫革奚稱六郡之良無譁而不俟於枚  
銜有勇而奚須於鼓作瞻此兵威之盛悉資  
神武之功是惟精訓閱而振威靈用以杜奸萌

慎修堂集

卷古

十八

而消穴逆允為止暴豈曰觀兵嗣瞻 綸綍之  
渙領耳提面命繼見金錢之 晉錫第賞旌賢  
將校懽騰共壯平胡之氣師徒踴躍益堅報  
國之心 臣等鵠立清班勞未伸於汗馬駿奔令  
典才有愧於飛熊迹戎兵願繼周公之烈憲  
邦文武期同吉甫之猷伏願不戰而屈人兵無  
為以守至正心存天下益隆保大之圖治傲日  
中愈切持盈之戒歛時五福億齡綿玉曆之祥  
守在四夷八極鞏金甌之固

擬 賜學士宋濂 御製文集及紙幣文

綺謝表 洪武十年 辛酉陝西程文

聖訓萃編海宇仰 星虹之煥 皇仁晉錫蓬  
茅荷 雨露之施矧寶楮之輝華製從 秘府  
兼繡紋之燦爛巧出 天機 寵賚優隆祇承  
愧懼 臣誠惶誠恐稽首頓首上言伏以典謨載  
道垂萬世之章程錫予示褒表一時之會遇微  
言大義必待人傳異數殊恩惟其德稱故帝歌  
有作爰述意于良臣而玄袞匪領迺申重于君

慎修堂集

卷古

十九

子慨道微而聖遠遂賞濫而政乖示官體於世  
南詞非雅正領集詩於中立身阻登庸齊臣術  
耀乎銀光競侈新恩之美唐室特領乎綺綺徒  
仍舊貫之修是惟窮靡麗於設聞奚裨大道竊  
寵靈於末技豈值 明時詎意庸愚兼逢盛美  
茲蓋伏遇  
皇帝陛下 文武生知 聖神廣運止戈戡亂  
復中國之綱常易俗移風興先王之禮樂 天  
經地緯闡繹文謨 日就月將緝熙 帝學躬

樸素以先天下垂衣裳而靖四方簡牘旁求晉  
文明之盛治經綸顯設開道統之真傳 聖已  
集乎大成志不遺乎小善遂令朽薄得沐 洪  
慈竊念臣訓詁鄙儒詞章賤品玩心筆札豈舒  
卷之能知道迹布章詎彰施之可助恭遇 右  
文之 主幸為委質之臣起草明光殊非綵筆  
校書天祿未值青藜往行前言忤預編摩之末  
高文大冊慚無黼黻之長蒲質漸零丘園自責  
葵心不易 禁闈重升咫尺 處嚴瞻 取光

慎修堂集

卷十四

二十

於畫接頻仍 綸綺翕頽氣於春和觀禮告成  
鴻恩愈厚 宸奎昭示雀躍殊深緬懷輯錄  
之叨塵茲慶 寵頒之特及 皇猷 帝範照  
耀章編 大烈豐功昭回縑素流輝烜灼疑瞻  
旭日之重光垂采氤氳若觀卿雲之五色瓊瑤  
方獲珍幣著加楮券精純寒素獲懷資之富織  
絲艷麗衰屨被畫錦之榮百朋誇美利之充盈  
五采侈服章之 寵異曲蒙 大賚駢集微軀  
龜寶肅將喜養身之不匱鴉梁在念恐濡翼以

貽譏臣敢不 文命對揚什襲奚稱乎琬琰  
綸恩永戴世傳期踰乎雲仍伏願 乾元不息  
離照恒明建 皇極以敷錫庶民觀人文以甄  
陶天下裁成大化 九重垂拱於無疆保合太  
和萬國咸寧於有永

內殿祭

先聖

先師遣輔臣代拜謝表

代作

神聖繼天萬古啟傳心之學 君師建極一人  
躬道統之傳沂先後之淵源舉精禮之典禮欽

慎修堂集

卷十四

三

承簡代寔切哀兢恭惟

皇上 文武聖神齊莊中正參天兩地極裁成  
輔相之功繼往開來隆鼓舞作新之術觀會通  
而興禮制應圖協五百之期建皇極以故彝倫  
聖人在天子之位凝神清穆窺邃古之淳龐  
體道淵微參見聞之脈絡謂魏乎五帝寔開吾  
道之先而美矣三王爰繼斯文之緒周公成文  
武之德三禮昭垂孔子畫剛述之功六經具備  
是雖君臣之異位實惟心法之相承探本窮源

既周行之有自報功崇德宜敷薦以加隆慶洽  
昌辰屆茲吉月爰修大典過命微臣俯竭專誠  
祇嚴對越駿奔有赫冠裳凜帝命之肅將明德  
惟馨庭戶儼聖真之陟降神洋洋其如在民蕩  
蕩無能名是蓋道造其極而見之真故禮致其  
隆而報之盡者也臣蚤志 聖師媿美墻而未  
見茲逢 君父恍秘殿以親承一介之遭於斯  
極矣百生之幸何以報焉伏願令終有俶受福  
無疆作之君作之師永錫臣民之極得其名得

慎修堂集

卷十四

三

其壽遠開道學之傳

幃詞

賀郡侯張前溪薦留幃詞

有引

三載奏功循吏答 勤民之寄一封薦士臺臣  
攄為國之忠留北上之旌旄慰西方之繫戀神  
人胥慶遐邇奇逢恭惟 門下德性昭融道心  
淵靜賢其秀矣文華擅班馬之場明且哲兮才  
美入周公之域蜚聲弱冠麟鳳呈 上國之祥  
奮迹 清朝騏驥騁康莊之野廬江初試而化

溥祥刑民部再遷而操嚴苦節分司薊北四方  
仰出納之公剖竹河東萬姓沐清明之政寬通  
省費而里閭咸蘇弭盜防姦而疆場寧宇慈祥  
敷政野成乳雉之風冰蘖飭躬梁著懸魚之蹟  
片言可以折獄一介不取諸人執一實以御百  
虛明無不燭審五辭以聽兩造民自不寃理善  
烹鮮而匹夫被澤政釐張急而庶績其疑名上  
逮于 九重黎民怙恃課奏成于三歲旌旆戒  
途一郡若狂欲遂挽攸之願衆心似渴曷勝借

慎修堂集

卷十四

三

寇之思迺臺臣察衆庶之公情爰表薦成扳留  
之至計同舟共濟效忠赤于虞廷一札十行下  
絲綸于晉鄙古今盛典上下交手鼓萬彙以  
同風囿羣生於冬日欣欣相告樂得小人之依  
蕩蕩難名永蒙君子之澤公恭逢嘉會曷罄揄  
揚留一路之福星已見羣心之愛戴作千間之  
廣廈尚回天下之歡顏僭綴俚言少伸祝頌詞  
曰 明公敷績 彤庭去蒼生借寇愁無助戀  
朱輪攀隼輿忽 天使留行抗疏 恩詔來宸

御循吏仍裨黎庶四境懽傳喜語億載垂嘉譽

右調應天長

賀少冢宰張臨溪應 召還 朝幃詞雅

紫泥特簡撫綏功懋於中州 丹詔頻頒揄選

恩隆於 北闕竭賢勞而匪懈時踰三秋荷

天眷之游隆寵承再命文昌聽履班先八座

之崇銓選持衡任貳六卿之長 大人有造善

類交懽 聖主得賢輿情胥暢恭惟 門下道

覺民先智周物表秉忠貞而報 國以文武而

慎修堂集 卷十四 十五

憲邦瓊閣抗章風采想聞於天下省臺宣績經

綸素定於胸中晉司憲紀於嚴廊出布王章於

河洛精神鼓舞遂易俗以移風經濟昭宣悉庇

民而尊 主賞刑並設罪功舉協乎勸懲職業

交修名實莫眩乎綜覈誕敷 國澤民安賦畝

之居肅振臺綱吏凜冰淵之畏頑冥屏息疆宇

戢寧令出而衆志悉孚法行而人心允服雖玄

機默運如大造以難名而嘉績外彰有成功之

可見勳華上徹宜 五位之深知寵渥駢加豈

羣工之易及僉言久屬渙號用領甫擢或卿理

側成於南國旋躋首部鑒流品於中朝蓋冢司

表率乎六曹而銓部網維乎萬化聿求碩輔俾

秉洪鈞辨論材賢用升沉乎百職延招俊又爰

左右乎 九重寔惟一德格于 皇天是以重

巽申乎 帝命植表儀於海宇多士改觀懸冰

鏡於 朝端百生交慶 明良志合光簡冊於

古前忠信道亨樹風聲於來祀公叨塵屬秩獲

奉章程巖石維新方交馳乎頌祝斗山望久寔

慎修堂集 卷十四 十五

自幸乎依歸願調商鼎之和用普周行之慶有

懷雀躍敬效蟲鳴詞曰 梁園時雨歇正日轉

棠陰風生林樾六合塵清萑葦息一望桑麻色

淳報道東君御祥飈入扶 日月岳橫雲河流

聲切共願緩征車發 從前試數經綸憶青瑣

封章江湖節鉞狂瀾一筆畏途九坂臣勞祗竭

銓衡寄重照汗簡丹心華髮願于今圖上雲臺

功施 天闕

右調玉燭新

壽憲伯塞文塘幃詞 有引

鴻釐申錫耆英啓壽節之祥燕賀承權詰嗣展  
春和之慶堅一心而報 主世篤忠貞聚百順  
以娛親家傳孝友繼河汾之遺愛羣黎疊詠乎  
甘棠育穎汴以庭規品彙庇陰于喬木夫箕疇  
福五率由一德之孚而君子樂三首重二親之  
順自昔罕膺之盛美乃今兼得於仁賢恭惟

門下道心鎮定德性冲和卓識與幾展也萬夫  
之望高標特立偉然一代之英登庸早典乎戎  
慎修堂集 卷十四 三六

機明試久深乎 國體孤忠自許期私安攘之  
許謨直道而行未究恢隆之大業迴翔外服淹  
抑午衢隨地殫勞愈勵匪躬之節安貞履順弘  
敷濟物之仁恢恢理解乎艱繁傳無滯節疊疊  
撫摩乎疲瘠民有頌聲循良章焯於東方譽命  
簡知于 宸極倚歟令子並際明時庭訓淵源  
用經術潤飭吏事嘉謀繼序竭股肱服勞 王  
家 龍節同持風望冠一時之美隼與並駕澄  
清淨萬頃之波世方期大作以罄壯猷公獨志

卷懷而明嘉遯寧久耽乎組綬遂致役乎形神

身未老而得閒翔羽儀于雲路心無營而自樂  
植楷則於寰區時屆仲陽忻承初度融風方動  
乎江蒲瑞色先浮乎苑柳舉觴燕喜今擬綽約  
之仙真射矢兆祥夙孕中和之正氣月殿既望  
天作佳辰九十日而為春淑景履舒長之半億  
萬年而獻壽對時綏提福之全宜伉儷以同榮

雖雖偕老詒子孫以逢吉濟濟呈奇琥珀盃浮  
同祝方增之筭絲斑衣試胥承滋至之麻繁花  
慎修堂集 卷十四 三七

迎遲日以舒妍瑞鳥協懽聲而送曲允嘉祥之  
駢集寔作善之感通昔魯國德明爰賦耆艾熾  
昌之頌而益州化洽是興和平宣布之詞蓋仁  
恩世及於旄倪迺誦讚聲騰於士庶公河潤夙  
沾每切依歸於南斗冬暄茲被愈深愛戴於中  
天莫陪真率之英遊心飛洛社歌豔者年之妙  
繪目極睢園幸依德宇以忻懽恍若光儀而諦  
奉敬擣俚語馳賀遐齡詞曰 春中候時和景  
轉方長惠風輕鶯穿芳樹呢喃燕語雕梁喜華



堂玳簪珠履慶仙翁嘉誕迎祥花甲纔過精神  
龍馬更羨齊眉有孟光同清宴兕觥胥上逸膝  
盡珪璋堯封內四民遙祝萬壽無疆羨盛年  
仁聲憲績卷懷都付仙郎向鳳山旋栽修竹傍  
渝溪小鑿方塘時止幽人頻來騷客驚聚鷗浮  
機共忘樂一川佳景歲寒盟結永徜徉還應見  
恩來北闕鸞詒輝煌

右調南山壽

啟

慎修堂集

卷古

三八

宴潘筮江中丞陟少司寇啟

帝簡光膺綸綍燦麟符之錫賓筵肅啟絃誦騰  
燕賀之懽頌 聖主而得賢臣人心和悅登百  
工而疑庶績 帝載咸熙寵榮開泰運之亨宴  
樂協需雲之會恭惟 門下忠誠天植明哲性  
威碩德庇民允矣萬夫之望傑才命世卓然三  
代之英抗一德以格天據至誠而動物誕敷  
國澤民安試畝之居丕振臺風吏凜冰淵之畏  
德澤覃霑於率土勳華上徹於 宸旒台揆惠

瞻仰 一人之有慶祥刑化普占四海之無冤  
公獲奉章程不盡依歸之幸忻逢嘉會曷勝頌  
祝之懷謹擬月之某日執饌於某祗迎台駕月  
吉辰良敬效稱觥之矩氣清天朗允惟肆樂之  
期伏冀榮戟榮臨禧惟俯駐布春風於廣座躬  
瞻贊化調元麗法曜於中天快覩芒寒色正康  
侯畫接叶義經蕃庶之榮既醉太平介周雅昭  
明之福

貢院落成宴按臺啟

慎修堂集

卷古

三九

賢科茂啟巖廊需俊乂以登庸文苑聿新棟宇  
應奎躔而真麗慶鴻圖之振起式燕喜以告成  
恭惟 門下至德難名全才不罷高明光大示  
我周行憲紀綱維惠茲中國謂肅法在時巡播  
皇風於八郡以求賢為急務敷化兩於諸生  
欲弘材館之延經始文闡之作師虞出入而既  
竭心思高遠廡堂而彰施色采風簷敞豁上連  
斗極之輝雲閣軒翔俯壯河山之氣惟大人舉  
禮樂天地為昭寔君子有微猷文明以止公欣

逢盛典慶秋月之高懸樂預壯觀希春風之廣  
被薄言卜日仰冀披雲啟擬某日執饌於至公  
堂奉迎台駕伏願玉節榮臨朱轡俯駐布陽和  
於梁苑桃李成蹊炳麗日於崑岡璠璣生色亨  
衢廣闢需雲當宴樂之時嘉穀方登既醉咏太  
和之雅

宴刑部侍郎趙方厓啟

金鉉登崇淑問聲高於八座 玉書簡在祥刑  
勳溢於三河政教攸沾吏民胥慶恭惟 門下

慎修堂集

八卷古

三

厚德庇民宏才緯世文昌司禁心涵萬物之春  
寶鼎調元道合四時之序 宸衷特眷 綸命  
光膺履聲暫隔於雲霄車轍周臨於河洛侂成  
式敬喜萬姓之無寃欽恤誕敷仰 一人之有  
慶公瞻依有素忻慰惟深龜卜吉于庚寅跋遙  
臨乎甲帳伏冀謙光俯賁晉晝生榮仰法曜之  
麗天快觀輝光之燦慶春風之滿座忻逢和煦  
之祥

宴吳容堂侍御啟

繡斧時巡方岳聳憲風之布玉書特簡河山忻

帝命之新快觀鴻休曷勝雀躍恭惟 門下

令德宜人高名華國奮濟時之經術望溢寰區

持震世之英標風生臺閣孤忠自許一德交孚

欲資鼎鼐之功先試鹽梅之用阜財解慍敷渥

澤於東河足 國籌邊奏膚功於 北闕公叨

分疆土幸奉章程候飛蓋之南來方切瞻依之

慶望仙舟之西指曷勝係戀之私謹擬某日執

饌郊亭奉延台駕伏願檐帷俯駐榮戟榮臨法

慎修堂集

八卷古

三

曜麗中天喜山川之生色和風噓大地忻草木  
之回春

宴左轄呂玉窓陟京兆啟

帝簡光膺掄選重神州之寄賓筵式啟忭懼慶

薇省之榮 聖主而得賢臣人心和樂哲人而

乘景運 帝載咸熙禮樂輝煌旄倪鼓舞恭惟

門下厚德鎮浮直聲起懦冠諸儒之妙選石

室抽書振百代之高標瓊闈抗疏一麾出守百

折不回臬臺肅勅法之規藩省敷保民之惠中

州再歲渥澤尤深光奉 新恩保釐 萬國化  
行江漢培萬世之本根勳旂常樹千齡之事  
業公幸奉光儀忻逢盛典珪璋清廟遭逢慶泰  
道之開廣樂洞庭宴喜協需雲之會穆卜庚辰  
之日敢扳甲帳之臨和氣充庭願獲依仁之慶  
春風滿座用誦飽德之章

宴吏部侍郎張臨溪啟

銓衡地切清華冠玉笋之班藻鑑聲高名德應  
金甌之選增輝光於政本聳觀聽於儒派快親  
慎修堂集 卷十四 三  
鴻休庸仲燕賀恭惟 門下至神廣運盛德難  
名奮經世之徽猷羣生成若肅匡時之軌度庶  
績其凝 上帝眷而風雨時五穀熟而人民育  
功施 王室簡在 天心方資弼教於留曹遂  
晉統官於選部屬僚胥慶 朝野騰懽公瞻依  
有素慶幸無涯忻茲大人征吉之辰式舉既醉  
太平之典謹卜月之某日執饌於某堂忘蒙瀆  
之為嫌冀謙尊之寵賁伏願台垣下燭咸依乾  
緯之光華冰鏡昭垂共荷洪鈞之鼓鑄

宴謝高泉中丞致政西歸啟  
龍節東巡熙載丕揚乎茂烈鴻遠西邁解榮樂  
遂乎玄襟凡仰渥澤之甄陶咸切衷懷之係戀  
謹擬某日祗潔郊亭薄陳祖席仰祈法駕俯駐  
征輪瞻德曜於高穹曷已依歸之願被春風於  
咫尺難名發育之仁

慎修堂集 卷十四 三

慎修堂集卷之十四

慎修堂集卷之十五

河汾亢思謙子益著

雜著

擬拜災疏

臣聞之董仲舒曰災異之來天心所以仁愛人君也夫天下之廣兆民之衆萬幾之繁人君以一身臨之其乖違而舛錯者恒未必其無而入君亦未必其知也惟天之聰明則日鑒之人事失於下則象變顯於上蓋欲為君者仰思而懼

慎修堂集

卷十五

一

勵行修身則昭德塞違而天心孚格矣故曰天聰明自我民聰明天明畏自我民明威言天之道恒在人也又曰勿憂宜日中宜照天下也言人之事恒勝天也故桑穀生朝德修而滅災星守次言善而退往迹昭然是在 陛下一加之意耳且遇災致儆固自昔之所同而變異沓來則未有若 今時之特甚者山移於關陝地震於畿甸禁火星妖風靈物怪殆未易悉數而上災異者廼假臣道以逢迎條時政者率拾彌文

以塞責甚者乘間抵隙因公濟私者比比也噫以此格天天心愈失以此拜變變莫可消是豈特可太息流涕而已耶蓋反躬則百廢具興修德則天人交應臣竊以今日千和致災之大所當亟改而夙圖者約其目為八事以獻 陛下試垂聽焉一日勤臨蒞以肅臣工臣聞憂勤惕厲則綱紀不乖朝對時臨則聰明罔蔽此自古帝王治平之要道也 陛下躬修玄默不視朝者二十年矣臣工怠恣法紀蕩然皆以此也臣

慎修堂集

卷十五

二

願自今早朝晏罷庶務必親斯可矣二曰正宸居以肅威嚴夫天闕九重固崇法象而深嚴邃密亦警非常此聖哲防微之至意也 陛下駕駐西城已逾一紀矣工徒雜擾市賈喧阗非所以居重而慎微也臣願自今還居 大內高拱穆清斯可矣三曰斥邪慝以崇大道夫帝王之興自有天命飛昇遐舉自昔罕聞况妖邪服食求福未必奇禍已踵古昔金丹之謬種種也臣願於凡挾左道以惑聰明者悉加斥戮而一

意於聖賢之道可乎四曰止齋黜以嚴對越夫  
法筵鄙褻有道者不諛上帝高居豈道流可狎  
前代禱祠之無益比比也臣願於凡導焚修以  
崇妄誕者痛從屏斥而竭精誠於郊祀可乎五  
曰進君子以正士風夫君子進則天下治而庶  
靜無求者君子之節也今當途竊威福之權監  
司喜承迎之習善鑿求者為巧宦崇恬退者為  
迂庸操權者以傲狠為劄言事者以妄誕為直  
噫此風不熄昇平未可期也臣願 陛下抑豪

慎修堂集

卷五

三

橫而笑恬靜斯士風正矣六曰枚邊防以遏狂  
胡夫內治乖則外夷橫而兵食將帥者內治之  
本也今管門多孱弱之夫倉廩無經時之積庸  
才當專閫之寄而文法之制縛復嚴債帥肆措  
尅之姦而貧士之膏脂日削噫邊防日弛狂胡  
之擾所以日熾也臣願 陛下簡將帥而足兵  
糧斯邊鄙安矣七曰寬賦役以蘇民困夫國以  
民而立民以不竭其力而生今催科繁急撫恤  
不聞且常賦之外無名而征者不知其幾也臣

願自今擇循良之吏蠲不急之征使吏治民安  
閭閻無愁嘆之聲則人心和於下而天心應於  
上矣八曰節浮費以裕國儲夫制節謹度則財  
不害而民不傷縱欲肆情則不節之嗟至矣今  
離宮別館照耀層霄道宇琳宮內外並建工徒  
不息遠邇騷然木妖之禍可畏也臣願自今停  
土木之工止不經之賞使費省用舒 國儲無  
匱乏之慮則怨怒潛消而天和昭格矣雖然今  
日可言之事豈惟是哉譬若大病之人四支百

慎修堂集

卷五

四

骸無非受惠之所而其本原要領之地則此八  
者是也夫匹夫結憤六月飛霜一婦含冤三年  
大旱矧今政事之乖違者若此其衆則災變之  
來誠非適然之數矣 陛下誠能幡然省悟奮  
然改圖將見天鑒不遠災可為祥雖雍熙太和  
之治無難致者不此之求而徒羽流動禳祈之  
術九知條修省之文臣恐為之愈繁失之愈遠  
矣狂瞽之言伏惟 陛下赦其愚而採納焉臣  
不勝惓惓祈仰之至

論地震疏

臣聞災異游至天心仁愛之徵也修德正事入  
主應天之實也自昔聖主遇災而懼即義而思  
側勵不遑立綱陳紀故人事盡而天意回矣夫  
地震之變自古雖云今一月之間至三見焉變  
可謂大也即天變而求事應雖京房劉向之誣  
然天意昭垂蓋未有無事而至者因其象而求  
其類畏其變而盡其憂此蓋今日之不可緩者  
矣夫地位乎下陰道也其類為臣為民為夷狄

慎修堂集

卷十五

五

然至靜而順者地之常也陰變則靜失其常斯  
動矣故臣道之不肅下民之不安夷狄之騷擾  
者皆其變之類也恭惟 聖明在御海宇咸康  
然而臣道之不肅下民之不安者猶未敢謂其  
盡無若夫顯而易見其患之大者則莫過於夷  
狄之驕橫焉夫中國之尊猶天然外夷之卑地  
類也來王率俾貢琛款塞者斯適其分之常也  
今恣肆憑陵深入侵噬太原再擾環慶屢驚上  
谷漁陽漸不可支矣震動驛騷之象是孰有大

於此者乎噫象事知器占事知來古人貴不見  
是圖也矧今昭昭在耳目者哉夫氣機感召災  
變固有自來修政弭災圖回豈曰無術故壯  
天朝之威以遏狂胡之橫臣以為今日應災之  
道莫有先於是者矣而遏夷之道其要有四焉  
一曰守要害以嚴天險之防二曰擇將帥以重  
推轂之選三曰簡精銳以壯熊羆之師四曰利  
器械以精刺擊之用四者備矣而又謹烽燧以  
約鄰援精間謀以審敵情整部伍以肅軍容禁

慎修堂集

卷十五

六

拊剋以伸國典時犒賜以結士心明紀律以警  
規避戮欺殺以求用情公賞罰以服功罪審如  
是則威嚴之道盡矣而且 朝廷之上本原既  
正則振庶耻以肅羣工寬賦役以蘇民困而凡  
所以順治罔不修焉將見 天威遠播狂胡可  
平而 宗社奠磐石之安永永不搖矣拜災之  
實又奚有過於是者哉臣狂瞽僭言不勝戰慄  
恐懼之至臣謹疏

防邊議

帝王之御夷狄也必先立久大之規而後可以制不齊之變規之不立則我之自治者已疎久大弗圖則亦因仍苟且而已矣故必遠覽遐思長慮却顧俾凡立之我者皆非旦夕之謀則豺狼之性雖變詐莫窮而吾自治之嚴凜乎莫犯固將應之而必克制之而必勝矣故曰明王有道守在四夷言夷不可以不防也又曰許謨定命遠猶辰告言議不可以不審也防邊之議誠今日切時之務經國之良矣夫裔夷築鷲隆古

慎修堂集

卷十五

七

已然歷代因仍罕聞上策惟我高皇汎蕩驅逐廓清寰宇成祖犁庭掃穴漠北底寧于是畫疆築塞立華夏之防焉二百年來累洽重熙邊防漸弛而彼則休養生息醜類寔繁且逋逃之引誘間諜之潛通故內地虛實金帛牛羊彼知之已悉而我軍則弱者望風奔潰強者依險結營又彼之所以深憑陵而無忌憚者噫諸邊之壞極矣然則今日欲復中國之威武遏狂胡之橫可易易言哉一得之愚嘗稽往牒察時

宜竊以為有八事之可言焉一曰慎節帥夫為政在人百王要務邊方重地尤與中土異宜事變起於須臾機宜出於意外矧運籌制勝羽檄紛馳兩敵決機矢石交下使非負非常之畧未有不顛錯而眩迷也今諸邊之將得人固多而菲才叨任債帥濫充者未可謂盡無也故必嚴推轂之選精求豪傑任事之臣立久任之規以杜退避因仍之計斯可矣二曰重事權夫舉措弗專兵機斯紊文法掣縛志士莫伸此魏尚所

慎修堂集

卷五

八

以受上功之罪岳飛所以遭逗撓之誣也今邊臣奏索動見齟齬悍將橫僚罕遵約束欲功之成也難矣故必本兵之地推以同心臺諫之司勿苛小過瑣細喪失悉赦弗誅臨敵大權悉從自便斯可矣三曰恤軍士蓋國依於將將依於兵故投醪挾纊者成一匡之功吮疽椎牛者著克敵之烈今芻糧之給不時役使之勞不息賄賂胥讒豈干城腹心之寄耶要必時給予以安其心豐犒賞以作其氣生也無俯仰之憂死也

有賑恤之典如此士心有不得者乎四曰嚴欺  
殺蓋功罪審則賞罰明欺殺行則紀綱紊今活  
套彌縫以虛作實巧文規避以敗為功或戎虜  
在門而曰驅除出境或全軍覆沒而曰臨陣損  
傷肆莫詰之欺駕不根之詐如是而欲賞罰之  
當得乎要必窮喪失之由覈報功之實敗衄可  
原欺殺必戮則賞不遺於遠罰不阿於近法令  
有不一者乎五曰禁楛尅夫兵者國之衛食者  
兵之資有兵必制之食矣今待哺之士比比皆

慎修堂集

卷五

九

然而軍伍之耗尤甚夫食耗則宜兵衆兵耗則  
宜食餘矣二者皆耗弊何由耶蓋曠蕩之典時  
下於天家而貪婪之豪屯膏於私室司國計  
者為出納之艱掌兵符者肆頭會之歛禁而止  
之兵困有不甦乎六曰復屯鹽夫飛輓芻糧外  
裕邊鄙興屯足食內省轉輸本國家之良法  
也今計較析於秋毫預納多於正額則利微而  
商不至矣屯地侵於勢府屯丁役於私門則籍  
在而弊莫稽矣修而復之邊食有不足乎七曰

聯土著窮邊之地千里蕭條與豺狼為鄰伍以  
戰鬪為嬉遊畫則荷戈而耕夜則倚烽而覘自  
非生於其域習於其風罕能狎其敵而寧其居  
也今謫因其堡寨聯以什伍稍維之以約束第  
為文法之繩簿書之擾使人自為兵家自為戰  
凡奪敵所有悉以與之則室家墳墓固其效死  
之區而親戚比閭又無攘奪之患矣八曰齊應  
援夫析圭擔爵均為王臣列宇提封一皆王土  
居常則聲援相資臨敵則移兵策應自其宜也

慎修堂集

卷五

十

何至幸災樂敗駕禍求安一鎮被兵而四鄰閉  
境一營抗敵而列壁旁觀有甚於秦越之懷哉  
今誠齊其心力振去頽風提疆相及者而守援  
相資幸禍樂觀者而必誅罔赦則利已病人之  
心息而同舟共濟之功成矣雖然流風積弊盡  
壞已深起廢振衰施功豈易此八者特其略耳  
若夫究廢興利害之源舉細大精粗之務亦惟  
慎節帥足以盡之矣蓋節帥得人則人存政舉  
為力匪難端本澄源成功自易矣不是之思而



徒曰今日修其邊明日擺其邊噫是誠厝火積薪之下愚不知邊事所終也

不加賦而國用足議

夫賦者則壞成等入之有限者也用者時異歲殊出之不齊者也以有限而應不齊其勢必至於病國以不齊而資有限其流必至於厲民民屬則國無所依以立國病則民無所賴以生噫二弊興國非其國矣昔先王之制用也入則有式出則有經故上下之間恒足焉我國家制

慎修堂集

卷五

十一

賦遠監百王其取於民也有折糧之徵戶口之役與夫鹽課料稅之輸歲計其入蓋二百四十餘萬也及措之於用則有藩封文武之繕邊防戍守之費儀章宴享之具其出僅百餘萬也居常酬應固已過半之餘緩急徵求亦奚不足之患哉承平既久糜費匪輕邊警頻仍供億日浩軍國之需咸恤依然稱匱乏夫先王之財藏於民後世之財藏於官今以為在民歟則流離困苦十室九空以為在官歟則府藏僅存邊儲懸

罄夫不藏於官也猶必取諸民以盈之今也不藏於官不藏於民矣則又將何所取耶故賦不可加用不可已司國計者亦奚必以他求哉陸贄曰生物之豐歉在天用物之多寡在人不節雖盈必竭能節雖虛必盈曾鞏曰有約于今而浮于舊者有約于舊而浮于今者浮者必求浮之自而杜之約者必求約之由而從之噫去浮存約酌盈濟虛豈非今日足用之要務哉故汰冗剝之員裁叨濫之食止無益之作減不經之

慎修堂集

卷五

十二

費停土木之管戒靡麗之飾止踰越之求省泛濫之賞罷稱文之耗嚴冒破之科凡所以為財之蠹者去之悉矣而其本原之地則在朝堂之上敦儉朴以示先佐理之司尚白賁以安節則有位著羔羊之化黎民皆蟋蟀之風入有式而出有經賦不待加而用無不足矣蓋尾閭之洩既止則頭會之斂可無當位之節既明則豐大之亨可致不是之思而徒曰不加賦而國用足焉不為私羊之欺誕則為安石之理財其不肇

亂亡之禍者鮮矣

明資德大夫南京兵部尚書 贈太子太

保紫巖劉公謚文安議

自昔帝王之御臣也存以位敘其德歿以謚易其名斯二者所以顯賢立政重惟均矣然易名取類必考其德而求稱焉是豈特為歿者觀美哉將使生者以勸以懲不專刑賞而命討之典永垂焉故曰尊名壹惠耻名之浮於行也意其微哉帝王既遠制存而得其意者鮮矣我 國

慎修堂集

卷十五

十三

家損益古前於茲特慎大臣雖穹階赫柄獲謚者僅十二三蓋不惟其官惟其人無濫及焉其謚之也稽德程功因人比義酌庶言出 宸斷無濫稱焉夫施匪濫則及斯榮稱匪濫則傳斯信故觀渥惠徽名之所加則其德業猷為可識矣廼者留都大司馬紫巖劉公卒于家所司具以聞 上惻然若曰是講筵者舊朕夙克知矣諸郵典其毋薄仍 賜謚曰文安夫文為館閣儒碩之美稱安非舍私雅靜者弗獲也二百年

未得是者率宿德名儒並公而五耳蓋實大名

盛則禮優謚隆是豈易易哉公鎮定溫文根於

性術沉潜砥礪深造粹然髫年即神穎著稱十

九魁于鄉弱冠 賜及第入詞林司紀載未幾

直講 經幄詞義剴切音吐鏘聳 帝心恒感

悅論者稱為講官第一發為文章根極理要豐

潤典則燁為國華然自視歆然由末髮至白首

未嘗一日廢書不觀也考文典教衡鑑端明樞

衣入彀之英司 帝制而秉國鈞後先相望其

慎修堂集

卷十五

十四

列臺省藩服者不啻百人及貳秩宗議廟儀斟酌會通粲然明備 上嘉納之考核南僚察輿情略細過不為赫赫聲雖被斥者無他語參筦樞鑰與勳璫並事黜私邪遏豪猾不徐不疾動中機宜故強宗革故戎伍鼎新然日周旋於一堂聲色未始異也初為官允翰學率踰再考後進有躐致公右者處之怡然迺新貴人執政欲公附已抗詞力謝甘就閒曹不為屈焉應世酬物恂恂然不自炫及臨大事決大疑奮往力前

必協諸義而後已至若閨壺如賓白首無勝侍  
族鄙敦愛周卹有典常是皆燁燁在人者按謚  
法敏而好學曰文好和不爭曰安斯名稱情哉  
嗚呼公是定於治朝懿行獲乎美謚有位者可  
以勸矣而國制之善 聖澤之隆謂不于古有  
光耶謹議

擬張良招四皓書

良惟智者不違時而失義仁者不潔已而後君  
勇者不知難而畏避君子修此三者故勳績見

慎修堂集

卷五

五

當時聲華流後世也強秦肆暴天下棄之有識  
之士尤義不帝之者公等鳳舉鴻冥高蹈遠引  
誠肥遯而貞者矣語曰智者無道隱而有道見  
今主上奮自布衣執言正義滅秦誅項天下歸  
心大度寬仁用人惟已巖穴之士感風雲之會  
思垂竹帛之勳者形附而景從誠千載一時也  
公等守舊深藏過自引避重負主上傾注之懷  
豈有道則見之義耶夫前事之不忘後事之師  
也今太子仁孝性成恭敬愛士主上移愛趙王

頻欲易之雖大臣強諫無能回主上意者夫太  
子天下本也本一搖而天下因之矣昔獻公廢  
申生而晉之亂也累世周天王欲易太子齊桓  
糾合諸侯為首止之盟而太子之位適定焉故  
于今鑒晉之亂而稱齊侯之力者不衰今計可  
以回主上意者惟公等耳公昔避主上良已過  
矣今於太子可再避耶誠翻然而來左提右挈  
則太子之德業彰而位分定呂后羣臣之所以  
感公者豈其微哉夫資聞譽之隆以開主上之

慎修堂集

卷五

六

蔽智也即來歸之重以明太子之賢仁也舍矜  
矜之信以成不世之功勇也是一舉而名實附  
矣公其能忍而不為耶且吾聞之執小節者不  
能成大烈終遠遯者不能樹榮名伊尹之耕于  
有莘也成湯之聘幣不顧之再矣及其三使也  
迺幡然而改堯舜君民之業出焉使執不仕之  
高則亦終莘野之夫耳太公之釣于渭也年已  
八十矣感文王後車之載故佐武王奮鷹揚之  
勇卒之牧野功成營丘之祚與周室相為終始

焉向以釣渭終固人莫之知矣此二公者非不能執小節終遠邈也以為功名不立非智也絕人自靖非仁也退避求安非勇也故審出處之辨以成終身之名致君臣之義以立累世之功故業與日月爭光名與天壤相救也公等其圖之

擬韓信諭燕書

信聞之明天下之義者而後有所立審強弱之辨者而後知所從得臣事之宜者而後無所背

慎修堂集

卷十五

十七

明乎此故身安而國家可保也信不佞足下試垂聽焉夫秦為無道天下苦之漢王應運而興不階尺土仗大義以入關除苛法封府庫貨財無所取百姓無所犯誠三代時雨之師矣項氏負約王之漢中漢王含私順受甘處險惡非其力之不足爭也蓋曰樂與天下共休息耳項氏復肆為不道放弑義帝漢王傷之親為發喪兵皆縞素悉發關中兵收三河士諸侯之兵四面而至蜀漢之粟方船而下以討楚之弑義帝者

今已破彭城之都據敖倉之食塞成臯之險守白馬之津杜太行之阨距蜚狐之口天下之事可坐而策矣而漢王過聽舉信於賓客之中立之於羣臣之上復命信出巴中下南鄭定三秦移檄魏王魏王不聽於是涉西河之外擣安邑之墟王豹成禽魏都不守廼絕上黨下井陘大破趙兵二十萬虜王歇斬成安君於泜水上噫意者黃帝之兵不是過矣此豈信之能哉漢王之教天之福也今信率漢之兵兼趙之衆度滹

慎修堂集

卷十五

十八

沱臨易水輕車連軌驍騎齊驅不五日而距燕之都矣兵出而相當不十日而戰勝存亡之機決矣夫燕固天下之弱國也無秦之強無項之暴無井陘之固無龍門之險而欲與全漢抗衡計亦危矣且趙者燕之蔽也趙亡則蔽撤不待智者而知其後矣故先介駝書而欲白之於足下也語曰天之所與人莫能逆易曰不寧方來後夫凶漢王為天之所與明矣足下能甘為後夫耶足下誠臣服漢王燕國社稷可得而保也

不臣服漢王危亡可立而待也夫所貴乎明智者外料敵國之廢興內察已勢之強弱不俟兩軍相當而勝敗之機已決於胸中矣夫豈暗於大義揜於人言而冥冥於從違臣事之宜哉信願足下懲三秦之轍監趙魏之亡熟計而早圖之也

與友人論文書

使至承翰札論中稍及文事愚也學而未能竊有志焉欲一披露久矣茲因言及願以就正夫

慎修堂集

卷五

十九

言之無文行之不遠故曰文章與時高下又曰六經無文法三代無文人夫黃唐虞夏光岳氣完毓秀鍾靈聖人繼出理道之懿夙根厥中故其闡詞吐論錫訓敷言而由衷之德音為心聲之宣布雖不期於文也而為天下至文焉今觀墳典所存六籍所紀何者非自然之文乎猶之高明上覆天樞運矣故其發也為日月之照臨為風霆之鼓舞為星紀之昭垂為雲物之班布何者非天之文乎然天無意於文也博厚下載

地維立矣故其發也為山陵之聳伏為川原之紆衍為波濤之滌迴為潮汐之消息何者非地之文乎然地亦無意於文也噫知天地之文則知聖人之文矣去聖既遠文教遂微丘明國策失之誣莊列宋屈失之誕炎漢初興風淳俗朴故西京之作簡明質古可望典謨嗣後建安之體興江左之風盛纖華綺麗競巧爭奇月露風雲隨聲逐韻世教蕩然文風靡矣元和啓運韓愈肇興雖曰起八代之衰振一王之法然視西

慎修堂集

卷五

二十

京已未及矣矧是語於三代之隆乎宋室開基雖值文治之盛極理學之純然體裁弗振音響日微文氣索然殆同國勢雖東萊兩漢之求西山正宗之選思欲有以振之然亦未能也降及胡元無足云者我昭代初興重闢渾淪廓清區宇太和盛治玄古同風故當時之文簡朴渾成與時並美猶之大羹玄酒雖無醲郁之馨而真意獨全宣成以來文隨世盛及嘉靖之初至聖握圖人文炳蔚彬彬稱三代矣然數歲以

來後生流輩競逐新奇不論殷周竟求丘索然  
神解未起殆同耳食枝葉雖茂本實已傾率竊  
六代之緒餘文以莊騷之艱澁擬玄風之遐邈  
迤墜于末習之纖華甚者聳牙室舌以為奇學  
步模形以為古叫號怒噉以為雄噫本之則無  
而趨日以救是豈所以為文哉愚以為文者載  
道之器也言文而不本諸道亦為輪轅飾而人  
弗庸矣矧文且救乎要必本之於精神心術之  
微發而為道德性命之奧則之謨訓以正其趨

慎修堂集

卷五

三

參之秦漢以廣其趣而又博觀於子長韓柳之  
間則道具於心文根乎道而諸家之識吾亦有  
以曲暢而旁通矣是之謂心聲宣著而為有本  
之論自然之文也則夫累代之救固勿問之而  
邇來之習庶幾少正矣 聖主考文之治詎無  
少補乎區區一得未敢謂然輒私布於左右心  
見難同毋惜往復幸甚

辭修郡志與別駕鄭三橋書

向蒙台諭云理菴公祖欲取郡志修正此嘉惠

部坻甚盛舉也側聞猥以見屬即具白不敢當  
矣昨頤齋舍親復述雅意感知荷德鏤列曷  
勝及迺而思之仄悚匪寧竟夕不寐蓋一方文  
獻繫豈細微必得一時名筆方可以垂不朽  
齒髮衰殘學殖荒廢精力短弱識鑒昏耗自知  
萬萬不能勝此付託迺蹇公祖愛念之過遂不  
以其為不能耳且救邦民物浩繁賢豪森立酸  
鹹異尚憎愛異情豈能悉當其心哉且各親其  
親各長其長必篇什盡附於山川親姻盡列於

慎修堂集

卷五

三

人物是非取舍各徇其情微顯抑揚不謬其旨  
方可免忌謗之一二耳此豈所能為者哉一或  
殊科弱者必發於聲強者必播其惡矣昔在癸  
丑榆次又泉閭公承臺省公祖之命修晉通志  
士夫疏札請囑日盈几案闔門索報者紛然莫  
已後裁答不遑稍從厭謝即怨惡交騰至生他  
議遂起禍端乃逡巡退避竟不敢具草至甲子  
歲學使際巖周公迺集諸校師編列躬為裁正  
始克戒書夫前事之不忘後事之師也公不及

閻公奚啻十倍而敢為閻公之所不敢為者哉  
天日昭垂鄙衷真切非敢飾詐要名敬祈臺下  
於太公祖處委曲道達俾得改屬鉅公顯者則  
名德足以服羣心威望足以鎮多口速成不刊  
之典永為晉鄙之光矣若公則萬萬不敢當也  
草率冒干罪狀無任伏惟鑒原諸容躬謝不盡

瑤池西望圖求文小啟

家母鄭姓為閩世族先編修以輸邊旅閩父前  
母賀孺人歿母歸繼焉育不肖尚弱齡先編修

慎修堂集

卷五

三

見背家母撫視訓誨不啻嚴師幸苦備嘗有人  
所不堪者嘉靖壬子公以翰林考績蒙 恩封  
太孺人今年六十有三秋八月三日為壽辰公  
屬張路氏作瑤池西望圖為期頤祝敢祈大筆  
俯賜序言不勝榮幸榮幸

書院圖求文小啟

姑射山在敬郡之西稍南一舍而近平水出焉  
沸發奔流匯為巨池分十二渠溉田數百頃泉  
甘而土肥竹樹茂密居民鮮少絕無車馬喧囂

之聲山之陰有洞深窅仙蛻儼然鳥道孤懸  
好奇者聞一至之每思結廬其下讀書譚道以  
自適暇則探奇涉峻臨水濯纓以收山川之勝  
然方糜簪紱未能也自入洛念之愈切乃屬平  
山張子繪為圖時一展省恍若脫紅塵依林樾  
灑然於清泉白石之間也又竊自思安得大雅  
宗工駿發雄文為我洩山川之秘寫胸臆之私  
乎恭惟明公斗望壁文龍雷天下大篇秀句照  
耀古前伏祈俯惠片言俾琰琬光垂子孫珍襲

慎修堂集

卷五

四

不勝幸甚幸甚

義命說

天下有至微之理有至著之道至微者命也至  
著者義也義惟其著也故不可須臾離焉命惟  
其微也則杳冥昏默有不可以易窮者矣故聖  
人之教惟欲人致力於其所當為而不使馳心  
於其所難必嘗觀仲尼之道無行不與矣而罕  
言命焉而天道不可得聞焉至於義之訓則疊  
疊不窮矣故曰無適也無莫也義之與比又曰

不義而富且貴於我如浮雲仲尼豈後倦乎微言而先傳乎近易者哉今天下之名物若是其浩繁也事變若是其紛錯也而莫不有當然不易之宜焉是之謂義也義在是而命亦在是矣吾誠真知而固守之則富貴不淫也貧賤不移也威武不屈也義立而命隨之矣苟或諉於命焉則人事修為皆可坐廢縱欲自肆靡知紀極矣矧窮通得失搖於中生死安危怵於外而義先失矣其亦如命何哉故孔子寧衛卿之不

慎修堂集

卷十五

十五

得而不主子瑕孟子雖魯侯之不遇而不尤臧氏堯之天下可受舜雖奮於側微不顧也周之粟不可食夷齊雖西山之餓不顧也是數聖賢者豈其性與人殊哉蓋真見夫義之當盡而於命無容心焉惟以義而定命故義盡而命立矣是精義而至命者聖人之事也循義以俟命者君子之學也下此則諉於命而悖於義矣噫諉於命而悖於義者奚為而不謬哉

稼說擬

夫力稼以冀有秋者農夫之事也懋學以俟有成者君子之道也是二者迹類而情殊事若同而中則不容以不異者也何也稼者種之美而力之者謀食計耳故擇地而施之乘時而播之及熟而歛之則含滋吐秀而遂其適口之求者宜也利乎外者也若夫君子之學則異於是矣蓋學以謀道豫乎內也為己是求道斯致矣使方其修功之始而即乘之以適用之思則為人而學內馳而外荒矣故曰不耕獲不菑畲則利

慎修堂集

卷十五

十六

有攸往夫不耕不菑非無為也為其所當為無心於獲也不獲不畲非無獲也安其所自至無心於獲也噫斯之謂君子之學也是故道也者君子之稼也體仁以為種立禮以耕之集義以耘之履信以耨之守貞以終之凡其所以乾乾而不息者猶夫農也然其心則曰為之自我者當如是也無所為而為以自成耳至舉而措之於天下焉則時之所遭於道無加損也君子詎容憧憧於往來而若農夫之閔閔於望稼也哉



噫是亦毫釐千里之分為已為人之辨蘇氏蓋  
急於獎進乎人而未之及者也

師說解

愚讀韓子至師說未嘗不廢書而喟然也蓋傷  
其時予其志而病其言云伊尹曰天之生斯民  
也使先知覺後知使先覺覺後覺是師之作也  
天以佑民也故劉柔善惡之至于中也知愚賢  
不肖之協于極也莫不於師焉賴也有志於道  
者莫先於求師能自得師斯可以弗畔矣何當

慎修堂集

卷五

七

時之不然也吝驕封閉而顧較相若於其年語  
崇卑於其位而卒耻事於師師之不復道莫由  
進耶吾故曰傷其時夫時莫予宗使少形人已  
之分者則必曰我能是是亦足矣人之能否無  
預也我知是是亦足矣人之知否無預也而愈  
之志不然也蓋以善者天下之公理我能是而  
人不能我知是而人不知吾病也故奮不顧流  
俗犯笑侮收召後學作師說因抗顏而為師殆  
庶幾乎已立立人已達達人以天下為度者矣

吾故曰予其志孟子曰人之患在好為人師易  
曰匪我求童蒙童蒙求我孔子亦曰自行束修  
以上吾未嘗無誨焉又曰不憤不啟不悱不發  
夫聖人之心豈不欲天下同歸於善哉而必待  
束修舉而後教施憤悱至而後啟發者何耶蓋  
誠有見夫師道之不可以或輕施教之不可以  
或枉故耳而愈乃怒號騰說惟恐人之不已師  
焉至謂師不必賢於弟子弟子不必不如師噫  
亦異於孔子矣夫道積厥躬人資於已不得已

慎修堂集

卷五

八

而應之者師之宜也汲汲於為人師師道何由  
而立耶且古昔之所以為師者審聞之矣本之  
以道德性命之微焉修之為格致誠正之學焉  
措之為齊治均平之用焉其弟子之師之也主  
之以純一未發之誠焉先之以紹介通名之度  
焉終之以服勤就養之勞焉蓋其實之也遠故  
其師之也隆師之也隆故其成之也大其窮也  
則繼千聖之絕學其達也則囿天下於文明矣  
噫此古昔聖賢作之師者之明徵也愈不是之

求而乃急於自銜馬師道已先廢矣師道廢其  
奚能淑耶矧其所謂師者不過詞章文藝之末  
耳恐亦非所以為師也善夫記曰師道立然後  
人知敬學人知敬學然後善人多善人多然後  
朝廷正而天下治噫惜乎當時無以是說而規  
愈者

義利辨

天下之道二義與利而已矣毫釐千里其究甚  
相懸也出此入彼而其幾則甚可畏也幾之弗

慎修堂集

卷十五

三九

辨義利之途混而聖學荒矣辨之維何亦曰於  
其心耳蓋天下之事求於迹則紛見疊出未易  
究其歸宿之途求於心則原始要終自有以燭  
其精微之蘊故曰舜蹠之分利善之間也夫舜  
大聖人精義之盡也蹠則大盜逐利之尤也而  
其所以分乃在利善之間焉噫是可以見辨義  
之學之當求於心矣蓋成心淨盡則天理流行  
有我一萌即私邪暗塞是故其明乎善也則曰  
吾性分之所固有也其誠乎身也則曰吾職分

之所當為也凡其遜志而時敏龜勉於厥修者  
皆以為之自我者當如是耳必若此斯可謂之  
義也苟有一毫失得之恤後獲之思焉是即利  
矣豈必有為而為而後為利哉故舜之盡事親  
之道也共為子職而已矣故為天下大孝焉使  
容心於底豫而允若則即涉於私矣伯夷之不  
食周粟也求適於心而已矣故為百世之師焉  
使曰吾將以廉頑而立懦則即入於利矣噫義  
利之際其嚴矣哉今即途之人而叩焉孰不曰

慎修堂集

卷十五

三

義者天理之公也利者人欲之私也辨之若甚  
悉矣然究其行焉則未始不以利為義也豈惟  
夫人雖賢者亦或昏焉良由析理之未精信道  
之不篤耳夫不精者其見滯不篤者其守移滯  
與移而可與存義者幾希矣噫此精義入神所  
以為聖學之極功歟

朱陸同異辨

孟子曰夫道一而已矣易大傳曰天下同歸而  
殊途一致而百慮蓋道之大原出於天自昔聖

人所以繼天而立極者無不同也道無不同則學夫道者亦宜無不同矣然智仁異稟健順異能則其所以為學者自有不能同者矣所入之途雖異所造之域則同其有得於道均也少或泥焉則非矣故曰君子以同而異明乎此斯可以辨朱陸之學矣朱陸之學均之學聖人者也學聖人亦既得之矣則其始之異也乃所以致其終之同也執而議之夫奚可哉昔七十子皆躬業於孔子者也子夏篤信聖人曾子反求諸

慎修堂集

卷五

三

同也蓋象山之質高明故以尊德性為主晦庵之資篤實故以道學問為先然其兼體而不遺交修而並進者固未始異也此其所以均得道真而卓乎莫及也支離禪定之非乃其門人之流弊耳豈二先生之學然哉若其造詣淺深之異則又有不可強而同者矣晦庵義理玄微旁通曲暢且取善之公宅心之廣即其見於與陸學之始終亦足以集諸儒之大成純乎不可尚矣而象山之蚤世所養固以未醇無極之疑則

慎修堂集

卷五

三

又其體認之偏所致也是非優劣之分誠有俟千聖而不惑者而近世顧有師陸詆朱自立門戶掇拾煩冗著為簡篇以售其陽是陰非之計者其於晦庵固失矣於象山亦奚有得哉噫二先生之學固自在也何加損耶是亦毫釐千里之分不可不辨者

原性復性定性同異

孔子之係易曰一陰一陽之謂道繼之者善也成之者性也他日又曰性相近也習相遠也惟

上知與下愚不移噫至矣哉天下之言性者盡於此矣夫道之大原出於天性者天之命也無極之真二五之精妙合而凝蓋曰天之所以為天也人受天地之中以生者也其健順也即其陰陽也其五常也即其五緯也理主乎氣氣載乎理氣充乎質而理具於心是之謂性也天至善人之性亦至善故曰天人一也有不善者豈其初哉蓋陰陽迭運者其原也繼善成性者其玄也相遠不移是豈其性之罪哉故子思邈其

慎修堂集

人卷五

三十三

原也而曰天命之謂性焉孟子舉其立也而曰性無不善焉旨同而文異言殊而致一者也自孔子沒而微言絕陋儒作而大義乖迷性命之真攻佛老之教者比比矣昌黎氏李翱氏思以易之也故原性曰性之品有三上焉者善而已矣中焉者可導而上下者也下焉者惡而已矣夫性者萬物之一原天下之動貞夫一耳而上下而惡焉雜夫性者也非其本體也復性曰人之所以為聖者性也所以惑性者情也情不作

性斯克矣夫性立天下之有情效天下之動故曰乃若其情則可以為善矣乃所謂善也發皆中節天下之達道也情可去耶二子之論皆非也天開有宋真儒乃興程伯子玩心高明獨契道體接孔門之正脈者也故其告子厚之定性也曰所謂定者動亦定靜亦定無將迎無內外又曰天地之常以其心普萬物而無心聖人之常以其情順萬事而無情故君子之學莫若廓然而太公物來而順應噫是真有以得性情之

慎修堂集

人卷五

三十四

正而契孔氏之遺矣夫將迎內外之皆無則虛明純一而寂然不動之體以立順萬事而無情則因物賦物而感而遂通之用以行是其蘊諸內也無所偏倚而中焉性主乎情而弗雜於情所謂可導而上下而惡焉無之也發諸外也一皆中節而和焉情見乎性而非賊乎性所謂所以惑性者無之也二氏之非蓋不俟論說而較然矣夫昌黎因文見道故有以識乎情之發而於性之本則未也習之刻意詞章故僅聞乎性

之名而於情之實則昧也措詞立論雖稍有優劣之殊而較諸明道有德之言自爾懸絕矣夫天下之理無異道天下之人無異性性道明則己性盡己性盡則開塞偏正人物之性未有不盡盡者也己也人也物也莫不盡其性則天地之化成矣

諸葛管樂優劣評

昔孔明高卧隆中長吟梁甫每以管樂自比時人莫之許也噫豈惟時人後世寡聞之士習見

慎修堂集

卷五

三五

之臣執而議之者亦屢矣莫不曰管仲相桓公九合諸侯一匡天下孔子亟稱如其仁樂毅受昭王之任連趙魏驅銳兵復深讎滅伯國遂顯天下二子之功偉矣孔明祁山六出而成功竟落落焉噫是曷知夫君子之論人也原其心不滯其迹正其義不計其功者哉夫孔明之恬淡以明志寧靜以致遠其所養固已純矣躬耕南陽以待天下之清魏吳不屈必俟帝室之胄三顧既勤幡然未應仗大義而篡逆之罪明撫已

蜀而炎燼之傳永是其窮也有所養達也有所施處也有所擇出也有所為則雖奔走鬱抑而迹有或淹志決身殲而功未克立者天也非人也二子之所養固未有聞若其忘君事讎則大本已虧挾周強齊則詐力是尚管氏之烈甲矣樂毅之君亡奔趙託孤之節既非居趙通燕不二之誠又失噫二子之心之義其視孔明何如哉愚嘗為之言曰孔明以王佐之心而明為世君臣之義管樂以一時之烈而紊萬世君臣之

慎修堂集

卷五

三五

防

讀文章正宗書事

語曰六經無文法三代無文人又曰文章與時高下誠然哉夫陶唐虞夏宇宙氣完毓秀鍾靈三五大聖出焉闡詞吐論雖無意於文也而古雅簡與天下至文焉今稽六籍所載是已周末文教莊列騁虛魏晉以降纖華競麗宋稍黜浮體裁弗振文教極矣西山斯集思以正之也故蒐羅古昔鑒別妍媸審邪正之歸昭廢興之故

標題序目取則聖經去取折衷悉稽理致今觀其詞令之文莊而典議論之文闕而正序事之文贍而則詩之文肆而中咸根諸理道不詭於聖人上下數千百年間西山之心亦勤矣其操心也切其効力也精豈徒錄成籍炫著述者所可同哉學者讀其書而得其心焉文其可興乎雖然文者道之枝葉道者文之本根徒事於文而不知乎道終亦買櫝亡羊之見耳故必因文而求乎道得道而忘乎文斯則善學文者也

慎修堂集

卷五

三七

朝家以之訓士其意謂不在茲乎

周公吐握圖贊

維昔周公思成先德輔相成王克艱厥職夙夜乾乾求賢是亟恒念詆詆疇能我即不有仁賢其奚能國人罔棄予維予之則奔走致迎奈何不力一飯三吐敢曰安食一沐三握敢曰寔息憲言致恭威儀抑抑道立政成厥勳不植誰寫此圖聖心遠得再拜肅瞻恍見顏色噫嘻至人恢廓莫測元聖德優人臣位極矧於天王骨肉

羽翼相業皇猷高明允克尚急親賢恐違項刻聖不自聖于斯超特萬世元臣宜圖是式

滎河令雷天泉遺愛碑銘

滎河古綸地夏少康邑也地瘠且隘厥賦額三萬而餘民終歲力稼穡甫僅僅給嘉靖中年屢不登乙卯地大震人民流徙覆壓者莫可殫紀負租稅至溢於額歲積月增邑因以憊適關塞備胡司計者以乏軍興虞催科紛沓簿責趣辨期會峻迫長吏懷綬來謂未易為理輒束民若

慎修堂集

卷五

三八

濕薪甚則頭會遺民相株連令代輸逃已租復懼其亡也悉逮繫圍墻及諸非所無休已時庾死者相枕籍由是細民潛伏山谷視城邑若罟阱莫敢闖故租賦益不入邑政愈不理令長坐擊去者四三人隆慶戊辰夏上蔡雷侯以司寇郎謫令於茲至則咨詢耆耆下逮藹藹探索隱微求民病利閔旬日喟然曰起弊自有要銅民胡為哉迺首黜不經之征汰濫及之役禁察非法簡除煩苛盡召諸繫頌者至於庭令之曰毋

匿賦毋飛灑毋詭名各輸爾惟正之供予弗連  
坐汝代輸也復令之曰人有逃亡田豈盡蕪廢  
哉今直治其地者輸其租予不追議既往也汝  
能若吾言乎衆稽首曰允若此吾民幸甚遂與  
為約期盡釋之復稽舊籍均徭賦酌徵輸塞姦  
蠹取無良一二寘之法以示懲百姓欣欣然曰  
吾今乃胥匡以生矣邑之故習令將至佐史發  
欽威供張帷帳食飲又責市區益備諸器用百  
需咸具既至列置署中為令固有侯壘慶曰吾

慎修堂集

卷十五

三九

起家寒素是非所寢處也盡却以畀其人邑之  
故習今出疆里魁科重賞帥羣役以從云為東  
脩之餽廚傳之供也侯曰吾素寡交際甘蔬糲  
惡用是為哉竟褰糧車騎行自民之畏入城邑  
也望見吏卒持檄至胥避匿恐不深邑即以拒  
捕論驅市人持挺刃環其居若圍大敵然侯有  
徵集但手書片楮付鄉正無不如期至者自是  
邑居者樂其業村居者安其耕比徵賦車牛負  
載繼屬不絕課更以最聞又為之正灘稅以省

公輸議退馬以備賑貸揚節婦以厲女貞時考  
校以作髦士表先正之里創養士之田政舉紀  
綱事從條貫四民孚洽百里改觀轉徙來歸欺  
誣屏息咸熙熙愛戴如赤子之得慈親也邑以  
大治稱於河東部使者交以侯治行薦於朝明  
年秋天子擢侯知忻州時秋防孔棘特簡材  
賢往固邊圉云榮士若民皇皇然聯牒乞留於  
憲臣弗能得乃誅琢貞珉以紀盛美而庠士某  
耆民某等不遠數百里來謁予文予昔視學中

慎修堂集

卷十五

四

州校侯文大奇之拔冠諸生復得師帥錄上行  
履端謹狀心雅重馬頃侯莅榮屢聞政善民宜  
每竊為慶及聆士若民所云愈慶予信之不失  
也然以病未能即有言今年秋侯去邑已踰四  
年矣士若民之踵予門者不啻十數往還也夫  
勢分既移則情非求悅歲月既久則與議愈真  
是可以見侯得民之深可以見邑民思侯之切  
又可以見邑士尚民風之厚且淳矣彼疾視其  
民使民畏若豺虎鬼神不可嚮邇而顧謂俗梗

莫可理者謬非甚歟侯名大壯字欽履舉嘉靖  
壬戌進士今以司馬大夫制居其德業方日進  
未可涯云銘曰 榮光河溢地夙稱靈朴魯質  
約厥俗懷刑災沴荐被坤厚拂經流離殄瘁民  
用匪寧田卒汙萊其何能足維彼褊心督租荼  
毒株及顛連于岸于獄玉石誰分淪胥以屬民  
視我憊惴惴恐即 帝命雷侯與民休息言念  
子遺痛心動色鞠育撫摩回生起仆侯始來榮  
民因感額獨滌頰奇頌聲四達侯始來榮絃歌

慎修堂集

卷五

四

稀闊興學講藝譽髦卓越民有恒賦徵發惟時  
民有通滯酌損與宜獄市不撓俾緣南畝曰我  
師保曰我父母引養引恬莫厥攸處執熱以濯  
若旱時兩英聲嘉績薦膺文揚民親平易紹漢  
循良豈弟君子邦家之光 天子需賢擢守冀  
方為國長城固我西鄙榮民徬徨如奪怙恃云  
侯昔至民始樂生侯今於邁疇卹瘁縈維古愛  
賢懋棠勿剪襄漢懷羊望碑在峴侯心惠孚先  
民並美遺澤如新追慕曷已懿德攸好民秉之

彛磐石刻詞永世之思

擬連珠

蓋聞鵬化圖南必資健翮神龍上下尤俟蒸雲  
是以在田化普式當中正之時一德格天實藉  
阿衡之任

蓋聞蹇駕下乘不騁千里之塗燕雀弱翎不奮  
鯨波之翼是以明堂梁棟必大木斯隆清廟珪  
璋以美玉為寶

蓋聞天運不窮故鴻鈞順布川流不息迺直注

慎修堂集

卷五

四

滄溟是以傳說啟心欲終始典于學成王懋敬  
日緝熙于光明  
蓋聞良馬不調千里之途莫騁璞玉不琢珪璋  
之用斯亡是以罔念作狂迺日流汗下有教無  
類則聖賢同歸

題螺江西嘯卷後

是卷為吾郡故翰撰王先生北上時諸文學贈  
言也先生應洪武癸酉歲薦入辟雍遂舉京闈  
鄉試歷校官邑令聲稱蔚然徵修 高廟實錄



成擢館職坐位直罷歸閱若干年而歿是卷遂  
流落他氏先生五世孫水部君懋行力購復之  
間以相示且命識于後夫文獻之徵古人所尚  
矧先生海內聞儒今觀卷中所稱述可得其大  
都然胥規胥飭不徒頌焉友朋相與之情令人  
想見而先生所樹立無負所期噫是豈特為子  
若孫者所當寶哉水部君再捷高第文行名一  
時象賢嗣守此亦見其一矣然考是年我

高帝開科甫三四教法方詳貢典特慎迺博士

慎修堂集

入卷五

聖

諸生風流文采類彬彬可觀時蓋未始以黷校  
為利達途也頃科目勢偏薄貢為常調然求士  
如當時殆未多見矣憂世者可無亟反之耶

葉母還金跋

余讀還金傳而重有所感也語曰能行之者未  
必能言能言之者未必能行又曰利令智昏夫  
葉母戶庭不出諒未有於言也而見子遺金之  
得若將浼已必委曲以歸其人彼其忠實心誠  
故非義若浼也世之人啟口尼與高自標許者

何限也及其臨刀錐之利則贖貨狗財有甚於  
白晝之攫者雖冒時議干憲典若罔聞知噫彼  
其平時儻以婦人擬之其不艱然怒勃然變乎  
色者鮮矣夷考其行則視還金者何如耶嗚呼  
觀是者可以興矣

慎修堂集

入卷五

聖

慎修堂集卷之十五

慎修堂集卷之十六

誌銘

河汾元思謙子益著

明資善大夫禮部尚書兼翰林學士贈太

子少保謚文莊南野歐陽公墓誌銘作

嘉靖壬子春 上虛禮卿位特召泰和歐陽公

于憂居仍聽終制公辭不獲冬初至 朝 詔

兼翰林學士入 內直同勳輔元寮贊密謀皆

殊典也公耆德仰望天下方囑囑期以治平自

慎修堂集

卷十六

一

慶遭逢亦慨然任天下之重迺甲寅三月二十

三日卒于官 上震悼不能已贈太子少保謚

文莊 命官護喪營域錄一弟為國子生 聖

皇眷德之隆賢臣始終之遇誠曠視千古矣然

天不勲遺典刑山斗所繫豈其微哉公諱德崇

一字南野先生學者稱之也曾祖滌祖時勉考

庸世有隱德祖考皆以公貴贈吏部左侍郎兼

翰林學士母蕭氏封太淑人公初娠父母各感

異夢幼神穎不羣讀書數行俱下九歲以奇童

稱邑尹延見進退如成人十三為弟子員北地

李公試大奇之名動三楚二十一舉于鄉聞陽

明先師講學度臺棄所業往從再值春試皆不

赴力踐精思食貧自樂有人甚不堪者癸未舉

進士與同年更僕共馬講習舊聞酒食徵逐不

與也投知六安州至則興教化省追呼絕境外

之交導原泉之利歲大饑疫捐俸倡賑設糜煮

藥全活數萬人憲臣行部至過境不入曰有賢

守在丁亥擢刑部員外郎會輔臣薦公文行茂

慎修堂集

卷十六

二

異特改翰林編修閉門誦讀不隨衆謁候預重

修 會典編摩獨杖 郊祀議起倡者引公為

助堅不可仍疏請憲章 祖制斟酌成周庶費

省民安禮意不悖壬辰擢南京國子司業日進

諸生於館下誨以心身道德之要聞風至者學

舍不能容復闢齋宇周貧病均勞逸思義藹然

時當事者不相悅迺遷南尚寶卿三載遷太僕

少卿又改南鴻臚卿值外艱歸服既除太淑人

踰八袞依依不復出暇則約子及東廓念菴諸

君子周旋青原梅陂之上相與求未發之真知  
究先師之遺旨訢訢若將終身焉丙午以薦起  
仍舊任丁未晉南太常卿尋召入掌國子祭  
酒事遂擢禮部左侍郎寅清夙夜簡在上心  
已酉改吏部兼翰學掌詹事事復命教庶吉  
士于翰林公曰是國家大用需也詎文藝已  
哉試課暇輒聚一堂考天人之際探理亂之原  
講經綸之畧發疑擊節洋洋如也庚戌主會試  
黜浮崇雅得人為多是夏太淑人卒公陳情上

慎修堂集

卷十六

三

請特錫祭葬併祭侍郎公正位春曹值二  
王簡婚 康妃薨逝皆禮難沿襲酌今稽古曲  
盡情文 上嘉納焉宗人既行踰僭日聞廢處  
高墻供餼浸困監閹且所至橫擾公深患之會  
靖江中尉某當坐公請即所在闢閑宇畧傲高  
墻制居焉秦邸中尉女請封公稽祖訓本無  
封名迺疏謂親盡則恩當殺女歸則養有資請  
定稱曰宗女差給婚資婿聽自便制皆報可  
公私善之又寢崇陽之封息弋陽之訟酌庶人

之糧其大如是細可畧也倭夷初擾公即議一  
大創治或請命朝鮮移責其首者公力止曰損  
威招釁是可為耶嘗承遣監孝烈皇后喪  
禮于陵所又代祀文廟者一永明文華代  
拜宮廟祈報蓋屢屢焉 溫綸下錫至曰大宗  
伯或稱秩宗而不名臥病初聞即命中官賜  
鑿問公力疾草謝泣曰主上待臣以殊禮真  
能上報耶閱數日遂不起距生弘治丙辰五月  
二日壽五十九耳配康氏累封淑人子男二餘

慎修堂集

卷十七

四

慶曆太學生紹慶舉鄉試第二女一側室蕭出  
未行孫男三宗符宗翰宗發女三公天性孝愛  
事父母以色養撫弟姪得親之權兩扶柩歸哀  
毀骨立太淑人合葬廬墓躬勞寢食俱廢平居  
對妻子無狎容訓戒獲各治恒業居鄉創義倉  
立保伍規制嚴整一方賴之與人交傾肺腑相  
示不為斬絕崖岸亦不翕翕熱遇大政必與僚  
屬相可否謙虛取善即見諸行法有不可矻然  
不為易每恹惓填委沛然應之悉中條理羣疑

紛集片言立解聽者躍然嘗慮 制有敬天監  
疏靈靈詩昭格賦內訓解皆寓規諷詩文諸作  
停蓄深博不蹈襲前人總若干卷藏于家餘慶  
等將以其年月日葬公于其山之原以銘請於  
予予惟先師倡道東南一時豪傑雲集景從人  
人自以為莫公若也先師語來學必曰先與崇  
一論之而公自視歆然予素遲鈍定交四十年  
辨論啟發寔公是資頃得同朝每慶可面相訂  
正大發先師之蘊奉若以終身也而公遽至是

慎修堂集

卷十六

五

喪朋孤立予奚能淑哉且天之生賢不數賢矣  
而際會每艱公資稟兼人躬逢 聖主方與元  
臣碩輔期翊熙明而天亟奪之其可問耶然聲  
色不大陰福蒼生者不少也公其無憾矣揮淚  
為之銘曰 聖遠言湮大道斯晦我師奮興主  
盟命代及門濟濟入室則公獨知妙契覺後包  
蒙有政大施民用和樂發為文章星虹炳若孤  
忠一德際我 聖明爰置左右眷莫與京夙夜  
在公嘉謨入告贊協臯夔周行是好有猷有為

維 國之楨無讎無黨寔世之衡篤生胡艱而  
奪則速自昔所嗟生民無祿潛膏隱澤衣被既  
多鴻名茂烈永矣不磨卹典責終 皇恩有赫  
昭揭儒真考銘玄宅

資政大夫南京吏部尚書贈太子少保謚

恭肅張公墓誌銘 代作

嘉靖壬子三月二十九日尚書西磐張公卒于  
家訃聞 天子詔贈公太子少保賜謚恭肅仍  
遣官營葬事於是公子太學生元謨等以銘請

慎修堂集

卷十六

六

於予且曰寔先人之遺也予昔為御史雅辱公  
知起守平陽公適居制道義交三十年矣奚能  
辭公諱潤字汝霖河東臨汾人幼則穎異端嚴  
弱冠為弟子員文試輒首列私治戊午舉鄉試  
第一人壬戌登進士授令宜陽清修有惠政為  
當時首稱正德丁卯擢刑科給事中抗言大計  
侃侃不阿奉 詔覈甘肅邊儲稽察精明河外  
震懼還遷禮科右吏科左戶科都給事中時盜  
賊延蔓屢用大師水旱流移征調繁急公請嚴

紀律酌轉輸廣招撫時賑恤章數十上採納為  
多甲戌擢順天府丞戊寅擢左僉都御史巡撫  
順天至則黜貪殘拯彫弊條上邊民疾苦及便  
宜十餘事悉見施行郊圻盜起虜復寇邊公指  
授方畧盜平虜遁有白金蟒服之錫已卯以外  
艱歸卒已起撫寧夏夏弱鎮也不百里即虜巢  
公簡士馬振紀綱謹烽堠修築亭障聯絡聲援  
境內晏然講校屯田鹽馬諸政施罷不俟日奏  
正豪藩裁抑宦鎮媵媵問遺一切絕之在鎮三

慎修堂集

人卷六

七

年鬚髮盡白癸未 召還理院事乙酉以九載  
績晉左副都御史理院五年署篆者半振揚法  
紀臺中肅然每疏上皆切中時務誦者迄今不  
衰丁亥以大獄譴歸田臺諫屢請錄用己亥  
詔復原任遂轉兵部右侍郎又轉戶部左督太  
倉公搜逋抉隱剗洗姦蠹兵民懽服明年晉工  
部尚書時 大工並興漏卮乾沒百出公躬勤  
省閱宿弊盡祛迺酌緩急為先後 上忻納之  
力專功造費省舊之半屢 錫金幣褒焉辛丑

以內艱歸服除言官復請亟用會考察內僚起  
公為南京吏部尚書莅任即甄別去留輿情胥  
服再疏乞休皆荷 溫諭不允戊申以考績赴  
闕畢即過家懇求致仕時已改戶部尚書仍  
督太倉矣 上亮公誠乃允焉家居優游林壑  
足跡不及城市然每聞 朝廷一善政輒喜動  
顏色見民疲役冗每悒悒不自安持守堅凝動  
有恒則雖事變猝至處之裕如初使甘歸逆瑾  
索賄無以應欲中危法公不為動然竟莫能害

慎修堂集

人卷六

八

也廷推巡撫時逆寧使人曰欲副乎欲僉乎意  
以賄為差也公曰惟辟作福人臣敢有擇耶寧  
深憾欲中傷會敗乃已 毅皇西幸寵閣請改  
榆河驛為行宮公力陳民貧財訕仍舊為宜  
毅皇從焉正位司空權貴目工役為奇貨陽施  
陰奪公悉以法裁之勳戚某時主夫役請發太  
倉銀助工實欲私也公力爭曰此 朝家正服  
軍國仰資急近利而廢遠圖豈人臣謀國忠耶  
事乃寢其積不能平屢以危言怵且草禪文示

公不顧也臨事精詳必求可久之計宦蹟所遺雖名人繼往率取則焉天性孝愛事親色養弗違親終並獲祭葬蓋異數也兄滋弟濯皆為納八品散官處宗族恩禮兼盡歲時祀先必謹訓諸子孫嚴而有則自奉無異寒素歷官南北行李蕭然好學問文章雖老不倦所著有奏議公移尋是錄試筆稿經畧兩鎮詩共若干卷藏于家生于成化庚寅十月十一日壽八十三祖復祥父鏞父祖皆累贈南京吏部尚書祖妣鄭繼

慎修堂集

卷十六

九

史妣韓皆累贈夫人配喬氏封夫人自結髮至白首相對如賓旁無媵侍尤人所難者子男三元哲舉人早卒次即元謨次元憲郡庠生女六適陰玠霍文貴庠生邢汾參將李忠段袞國子生程式孫男五知基志基承基崇基顯基女四李如梅李友松周興東壻也一尚幼曾孫男四繼儒繼經繼學繼科女四俱幼葬以其年某月某日于某之原序而系以銘曰 烈烈太宰維國之禎履方蹈古中外荐更正色危言訐謨陳

力于藩于宣功施 社稷器宏才美用罔不宜一德自樹匪世可移屢值邪回猖狂揚簸亦既我讎莫我能禍惟公純正惟 帝聖明保全容受惠此蒼生 簡注方崇翩然解組嘉遁立園謝跡城府高風完節福履是適考終大耋孰克與儔節惠易名 皇恩罔極勒銘玄宮永示臣

則

亞中大夫南京光祿寺卿項公墓誌銘作公諱錫字秉仁項姓十一世祖秀從宋南渡居

慎修堂集

卷十六

十

嘉興入 國朝公祖太保襄毅公忠以文武才學邦政茂烈豐功在史氏記高祖吳江丞邦曾祖衡皆贈左都御史父經江西右叅政公幼即穎敏讀書輒善記時學憲祝虛齋先生罷居海上以經術聞襄毅携公造其廬曰孫可教也幸成之因委禽焉虛齋精研理奧公潛心師說靜坐深思為文雋發奇特虛齋每喜項甥善學共業者亦自謂不及項生也甲戌入郡庠丙子遊太學遂舉順天鄉試癸未舉進士授令建陽建

陽聞劇邑難治公躬廉潔崇風教儉出薄入人  
吏悅服臺臣交薦公可居風憲任廼權刑部主  
事益究心法律聲著西曹戊子參政公病請告  
歸侍醫藥病且瘥值回祿驚竟終躬親大事曲  
盡無缺服除仍補刑部推典諸司章奏同年在  
考功欲薦公自代遜謝之甲午改尚寶司丞久  
次晉少卿尋晉南京鴻臚卿南臚閣局時以逆  
旅視公起顏廢新堂廡時時督屬習禮容閱四  
年陞南京光祿卿祿寺職涉貂璫穴姦藪蠹莫

慎修堂集

卷十六

十一

可稽省公稍欲剪剔逸口相蟻時宰適所不悅  
坐免歸公初拜命即鑒止足之戒再欲乞骸輒  
以交游沮既得謝築室郊墟榜其堂曰歸來言  
適願也為水丘林榭植嘉樹名花時駕輕車小  
艇惟意往來風清氣和則與所遇逢歡飲歌談  
連日夜不厭與人恂恂抑畏無貴賤必鈞禮孤  
寒之士苟有一技皆得衣食於公故人愛慕  
馬八歲嫡母趙淑人卒母王淑人又卒號踊如  
成人參政公方由南臺守姑孰召公撫于田淑

人至則牽衣衣言母棄去狀哀感左右弱冠歸  
田淑人柩于臨江喪葬總總如禮繼母王夫人  
卒公年六十矣寢麻哭泣不異少時夫人命遺  
貲歸公公悉推與妹且為婚其子事諸父素謹  
諸兄恭虔人倫之變含容巽順有人所不能言  
者子弟有過則諷諭使改未嘗顯斥歲時宴會  
必述先世積德累行事及虛齋經義以為訓虛  
齋後稍不振數數周之仍置田以祀宗子元淳  
有貞疾公後以孫某復撫其弱弟周防曲護不

慎修堂集

卷十六

十一

少懈自奉素寒約生平不議人短長懷舊德而  
忘嫌怨識者謂有先民長厚之風焉嘉靖癸丑  
閏三月六日以瘦作卒距生弘治庚戌十月二  
十八日壽六十有四配祝氏封宜人子男三元  
深國學生元淙舉人元沐女二一適祝世系一  
幼孫男四道亨國亨時亨臣亨孫女一元深等  
以是年十二月十三日葬公思賢鄉先塋之次  
匍匐至都持廷尉鄭公狀請余銘余與公同舉  
進士同仕兩都知公為深且鄭公言尤可信乃

銘曰 項為世族從宋南遷赫赫司馬 昭代  
稱賢駿功鴻猷翼子及孫篤生光祿玉潤春溫  
質直好義木訥近仁政施百里愛戴若神明刑  
勅法遜謝榮途周游御寺慎恪罔渝才未究用  
責于丘園無怨無惡古道是敦惠我姻族先烈  
敬承玉樹蘭英濟濟方興衣冠世美孰與為儔  
刻銘貞石用贊宏休

處士王公旌表貞節孺人嚴氏合葬墓誌  
銘

慎修堂集

卷十六

十三

昔李令伯陳情抗表君子謂讀之而不涕零者  
其人必非孝有味哉其言之也蓋藐弱艱貞母  
孫相倚其愛篤其辭哀民秉天衷觸之自惡可  
已矣頃余讀殿中丞孝泉王公述大父處士公  
大母表貞孺人事狀廼潛然淚下蓋中丞公週  
歲失恃鞠于太孺人以迄于成其哀慕之篤未  
始異云處士諱寅明仲字河東之蒲州人諱長  
一太一者曾祖祖也父健母葛氏公明爽有心  
計多膂力長業化居南歷江淮西踰秦隴勤動

無少怠貲用遂饒居常酬應謙恭和巽不異士  
人然見人不善必面斥無所諱同儕有隱已旅  
貲者薄之終身不與語兄厚不事家人生業弟  
政為諸生公敬愛周備始終無間言兄費日侈  
父以市肆一區託券於友某欲以警之也某遂  
誣為已有公竟如其所誣直俾以復之與兄弟  
共焉嘗持十餘金適市值追逋困迫者悉舉以  
貸不問其姓名旅行遇盜同事悉竄伏公瞋目  
大呼直前格鬪羣盜駭逸去其慷慨直前類如

慎修堂集

卷十六

十四

此廼成化甲午五月初一日自關中病歸抵家  
卒距生正統丙寅五月十三日年二十九耳孺  
人嚴氏者州人伯霄女時少公五歲日夜號泣  
絕而復蘇廼屏簪珥謝膏鉛惡衣蔬食終日不  
出閨闕閱五月遺腹子珪生即中丞公父贈兵  
部郎中公也頃之父母憐孺人少陰遣所親以  
改志諷孺人艱然曰夫有兒兒成則夫死不死  
可以不負王氏矣吾忍為此不正之行而使子  
女無依哉今日有死而已斯言母再吾聞也遂



絕姻鄙竟不歸寧舅氏春秋高性且嚴急孺人志承色養竟得其懽事姑頃刻不違側姑日熙熙若其子之存也晚喪明扶掖便溺污穢無所避姑病亟呼孺人曰吾何以報汝何忍舍汝耶密授以耀首遺資踰數十金誠毋令諸婦知姑卒竟出與妯娌均焉初處士沒家事漸落叔伯復侵匿贈君稍長屢欲有所質輒止之曰汝幸已成立他何足計耶贈君授室張宜人日示以婦訓撫視之若所生張宜人舉中丞公甫踰歲

慎修堂集

卷十六

十五

而卒孺人躬為鞠育食飲醫藥勿勞備至六歲遣入鄉塾擇里童之謹厚者托與偕行迨幼學雞鳴即呼之起令誦讀達明日毋怠荒自晝也嘉靖戊子中丞公得舉歸拜于庭孺人泣然曰汝識汝母面乎中丞公悲不自勝孺人曰汝父不識汝祖面汝不能記汝母面父子孤寒不謂有今日矣將何以慰先人於地下耶又曰吾苦節五十年藉天之靈汝幸有成立自此寄膺民社尚存良心以奉天道耶中丞公歷官介慎孺

人之訓有力焉巡按侍御穆公廉孺人行實乃疏于朝若曰嚴氏女德婦儀修全卓越保孤再世始終一心允宜寵綏以厲閨壺制曰可於是所司躬禮于家樹表于門孺人顧感然曰是豈吾心哉嘉靖壬辰二月二十四日卒生以景泰庚午二月初五日得年八十三云子一即贈公配張氏繼祁氏李氏高氏女二適李銘闕仁孫男三長輪即中丞公娶何氏張出軫娶洪氏祁出軻早卒女二適景鎬楊紳曾孫男七闕

慎修堂集

卷十六

十六

早卒闕聘楊氏總督尚書南澗公女闕聘保安州學正杜公女女四一適景賓生員蔓子一適楊俊民兵部尚書虞坡公子一適黎從政署都指揮僉事黎公應襲舍人一幼俱輪出門聘郎中李公女闕聘知州雷公女問早卒闕尚幼女四一字封君張公子四象未成禮而卒一字國子生紫鳳池子紫嘉霖二幼俱軫出孺人沒中丞公方為舉子時所司但停柩例嚴乃癸巳十二月葬于新塋越二十八年辛酉中丞公解重

薊門頤真洛社卜茲吉壤洎十二月六日合葬  
處士孺人于保全萬國麓之原乃走使入關徵  
銘于公時公方持計上都亭然締交中丞公二  
紀餘矣義不得以脂車辭竊念處士抱倜儻之  
懿而報嗇于身孺人抗艱危之貞而胤綿于後  
乃今發祥集慶中丞公經綸石畫為世通儒安  
攘戢寧為邦鎖鑰樞衡大業天下方喁喁望之  
恩綸馳典所以發德之幽光者未已也乃銘  
曰維王之先以爵為氏逮公嗣興爰隱于市

慎修堂集

卷十六

十七

孝弟質直內含章美若構若堂方植而圯變彼  
者媯栢舟自矢遺腹笮笮訓誨勤止撫育元孫  
以燕翼子文武憲邦厥宗振起爾公爾侯自今  
伊始振振繩繩式介繁祉保泉之官透遷峻峙  
噫嘻世風于焉是軌

壽官待贈靜菴張公墓誌銘

邯鄲有篤行君子曰靜菴張公以嘉靖丙寅十  
一月十三日卒季子給諫君卜茲丁卯十一月  
初九日葬于城西南祖塋預期緘所述狀屬其

門人趙生鰲賈生河走書河汾告公曰吾先世  
類有隱德及人而無興者至先君不有於其躬  
而以貽後昆小子不佞遂得徵入瓊垣方期沐  
寵靈以顯榮吾親迺今未逮也痛何如耶葬  
有日子為我銘諸玄宮按狀公諱繡字大錦曾  
祖義祖鸞邑廩生博學強計有雋聲未第蚤卒  
父滕母趙氏生子二公其長也垂髫時喪父始  
解事即奮然曰先人門戶詎可以吾孤童隳耶  
乃打節治生備履艱險既而田廬市宅駸駸豐

慎修堂集

卷十六

十八

裕矣布衣蔬食不少逐紛華每雞鳴起盥漱冠  
裳汛掃庭宇里門初闢即率僮僕入田所力作  
不少休自結髮至皓首未始一日晏起科頭也  
弟繪幼多病艱於言就醫東明觀因依以居公  
繫念不置病小愈即迎歸築室樹圃日以娛之  
然疾竟不起公哀痛幾不能勝初公祖之歿也  
祖母楊氏二十有六公父之歿母趙氏二十有  
八姑婦零丁相依為命日勤績紡競抗葵節撫  
遺孤底成立人稱之無間言公稍長共奉二母

視顏色怡志意俛焉孜孜靡所不盡恒得二母  
懽母性尤嚴潔稍不當心即不言不食公引咎  
長跪百計求悅解顏乃安母寢疾時八十餘矣  
艱於起處公偕配鄭孺人躬侍醫藥晝夜不  
解帶親調旨甘進湯沐假寐伺動止踰年所間  
長鄉大夫至於邑令察公及二母三世節孝過  
人也移檄嘉勞勒姓氏旌善亭中頃給諫疏聞  
于朝恩褒行錫矣公賦性淳篤樂易光明生  
平未嘗有一誕詞與一物忤暇則歛膝危坐惡

慎修堂集

卷十六

九

聞喧喧因號靜菴云族指甚繁其孤貧老病及  
婚喪不舉者隨疎戚各有所資甚至獨任其事  
無少吝隣有橫罹不測者夜求援於公輒傾囊  
周之又明年隣窘甚乃持田券請曰公惠我厚  
矣度終無能償請以是報公固辭不可止乃倍  
以直酬里有大俠播惡邑中亦數侵侮公會邑  
令銜之投牒發其隱者數百人或邀公與同公  
曰濟人于方危吾不忍也顧慰藉訊候無怠心  
盜竊公資數十緡邏人獲之聞于邑邑以歸公

愧謝曰非吾有也反曲為求免焉田宅基畔隣  
屢見侵一切不與較或以儒為譏乃曰滄海桑  
田幾變更矣詎能久據耶往士之薦于鄉者有  
司沿舊額以百金相贈辭曰作興給諫君之領  
鄉薦也公年七十有五矣獨毅然云取諸彼以  
與此如女心何卒教之勿受士欣欣慕焉至今  
為例晚歲與里中耆舊結會為懽從容宴聚若  
香山洛社然者邑大夫以公年及榮公為壽官  
預鄉宴輒退讓不欲居雖少孤失學而識趣超

慎修堂集

卷十六

十

卓有經生宿儒所不能及者訓諸子曰以忠孝  
勤儉退讓守拙為規見人有以智術自炫者即  
曰拙藏巧巧藏拙玉籠金索寧繫老鴉乎吾不  
願汝曹為也諸子率循訓誨取則聖賢勵志心  
身之學方繩繩然繼也給諫君舉壬戌進士筮  
今襄陵迎父母就養官舍備極承懽時時即舍  
中池亭奉觴為壽再歲池中輒產嘉蓮人以為  
孝祥給諫莅襄二年餘廉潔敏惠聲績冠一時  
先皇擢為兵科給事中復迎養京邸公素強

健寡疾病居無何忽心動欲亟歸給諫君乃以  
 情白于上得扶持抵舊廬優游豫悅者閱數  
 月而公終蓋若神啟而相之焉距生成化甲辰  
 十一月三十日得壽八十三先配李氏彥誠女  
 無出繼即鄭孺人端女生子四國巖娶李氏瑋  
 女國臣娶劉氏浩女國士娶曹氏教諭璜女季  
 即給諫君國彥娶蔚氏奉女臣儒士少已巖九  
 品散官士邑庠生俱先公卒女二長適周國政  
 次適邑廩生宋希文孫男六我承邑諸生娶謝  
 慎修堂集 卷二十六 三十一

開福美備矣而給諫君古心直道望繫寰中方  
 為時所需其所以褒異顯揚乎公者日新而未  
 已也是不足以章為善之效耶銘曰力田孝  
 友漢用興賢維公敦行順德允全奮庸宣力若  
 彼古前並驅萬石詎知後先道未小試澤已被  
 鄉身未受命子也賓王為邦司直如珪如璋有  
 撫孫子顯顯叩叩聿求世德寔大公門作善必  
 報若本若源積深植固流遠枝繁綿引弗替永  
 賁高原  
 慎修堂集 卷二十六 三十一  
 月巖徐公墓誌銘  
 公諱息字敏誠徐姓月巖別號也曾大父昇大  
 父英父雄皆隱德不仕母楊氏公幼溫醇沉默  
 長則倜儻有心計時公父同兄弟五人操奇贏  
 踰秦隴往來吳越逐鹽筴之利公服勞承志推  
 移俯仰獲息輒倍徙不數年積貲鉅萬乃為高  
 堂曲館諸父昆弟晨夕周旋洋洋怡怡如也子  
 姓數十人亦無間言者閭鄙難之公豪爽自持  
 臨財不苟市利所入悉與眾同尺帛一錢不入

私室嘗行貨于蘇價溢數百金或諷之曰是不  
可為妻孥地耶公大笑曰貪昧齷齪豈丈夫事  
哉卒一無所私中歲即次昆陵郡多名流達士  
慕公行誼咸折行與交被服儒素不事富人侈  
靡之習子節甫有知即延訪名師資遣就學夜  
則令執經讀而聽之率宵分乃休晚好觀史暇  
則退居一室手卷吟哦欣然若有得者雖值橫  
侵貸負亦恬不為介每指節曰吾家世以善聞  
而未有顯者天道可誥其將在若耶歲戊申遣

慎修堂集

卷十六

三

節歸臨汾已酉節舉于鄉庚戌自南省渡江則  
請公還舊居公輒曰胡汲汲為是哉吾居常也  
父土風心樂焉埃爾第歸寧晚耶仍督課節如  
少時癸丑節舉進士公已屬疾捷書至大喜起  
坐曰子能如是吾目可瞑矣題書屬節云子遭  
逢 明聖厠迹大科尚努力委躬克有樹立吾  
雖不沾祿養將含笑九京也節試政天曹得書  
大惶惑不自安方圖歸侍而公不起矣嘉靖癸  
丑四月二十日也將屬續召季子簡勉以泮志

力學毋忝爾兄戒家人勿事祈禱慶分家事井  
井然適也年生私治癸丑八月二十八日得年  
六十一公天性孝愛蚤事諸父咸得其懽心弟  
懃之歿哀慟特甚從兄懃卒嗣復天業殖漸落  
以次子後之仍經紀其家周賙貧乏恒如不及  
故卒也遠近咸惜焉配安氏早卒生女一適  
陽曲鎮國將軍某繼周氏生子男三長即節妻  
子仲兄子次策則為兄後者次即簡女一張三  
才壻也進士既聞計悲號困頓持狀過予曰節

慎修堂集

卷十六

十四

受先君罔極之恩每期自奮勵以酬萬一也今  
甫成一第而先君不待矣先君寔知外舅忍新  
一言以為慰耶予自早歲則聞公名締姻十五  
年每以未一識面為歎而今已矣然熟見進士  
之修文砥行則得公者豈淺哉葬以某年某月  
某日銘曰 承家服賈卓行若儒義方訓誨夙  
志迺符玉立長身抗言正色敦睦友于之老不  
忒作善未食爾後孔昌匪惟文藝允珪允璋懃  
績奮庸以顯厥世維千萬年永永勿替

邑庠生北麓翟公墓誌銘

往歲藩叅西石王公行部河東既試聞喜諸生  
歸為予言有翟生者負雋才奇氣少頃必顯名  
宇內予心私識之未幾翟君以內艱不入鄉闈  
既服闋則預侍御容堂吳公試仍亟稱翟君遂  
錄置河東書院躬指授之時予弟思禮子孟禎  
並被吳公所鑒拔獲同翟君游歸輒誦翟君賢  
甚悉歲辛酉舉三晉禮經第二人所司錄其文  
以式明年遂舉進士授令雄縣未數月循良聲

慎修堂集

卷十六

三五

稱洋溢河朔予心愈嚮往之癸亥冬予入蜀過  
聞喜迺翟君以父北麓公憂制歸即往吊焉則  
見翟君墨面戚容哀動左右言不能成聲身不  
能勝服予益愛重焉比予自蜀歸翟君縵經造  
予手廷評戒菴李公所為狀徵予銘按狀迺知  
翟君之賢北麓公成之也公諱華字向實世為  
聞喜人北麓先生則學士稱之云曾大父從義  
大父巖父狎母孟氏生子四長曰憲次曰章次  
即北麓公季曰武世以行誼聞率隱於農畝公

資粹警敏幼而向學雅負大志稍長則從內兄  
安定學博孟先生端受毛氏詩尋補邑弟子員  
邑侯無錫蔣公奇公文延之同其子講習然試  
于有司輒不利既而兄弟各分異父母復春秋  
高公迺慨然曰親老而甘旨不能充徒窮年俯  
首事筆札可謂本末舛矣乃以情白學憲文岡  
陳公乞習農事以為養同舍生共留止公謂稍  
須之青紫可必得公不謂然躬耒耜勤耕穫歲  
時伏臘則稱觴為父母壽父母愉愉如也服即

慎修堂集

卷十六

三六

博極羣書務求得其旨趣春秋釋奠必齊沐趨  
拜學宮與人居醇雅可親然天性剛方臨是非  
直言無所假人有與之謀者必竭底裏相往復  
故邑之人士無少長率愛慕公非徒以年也初  
公口授翟君以毛詩既精熟及宅憂公舉戴禮  
一編授之曰茲非若今日之所當誦耶然吾邑  
專是經者寡予心實病之子即執是以成名可  
也翟君奉公言探討研窮至廢寢食不再年遂  
舉高第連捷南宮今費序譽髦愈駸駸為奮焉

進士君既莅雄迎公就養官邸公杜門靜處不  
妄面一人每謂進士君曰吾生平最苦文業而  
志竟莫伸今有汝矣豈必在我躬耶然履正奉  
公體民潔已吾之願也汝其毋予忘哉進士君  
以臺檄從事邊關忽思公而心悸請給歸省覲  
不數日公疾作遂不起嘉靖癸亥八月十二日  
也距生弘治辛亥二月二十三日得壽七十有  
三配馬氏同邑耆民某女貞靜淳一夙稟自天  
孝敬嘉有聲婦順生以弘治庚申十一月二

慎修堂集

卷十六

三七

十一日卒以嘉靖丙辰六月二十九日得年五  
十有七子男一繡裳即進士君娶李氏女二適  
王平王思孝孫男一曰承祀孫女一俱幼進士  
君卜公卒之次年十二月十六日葬于姚村之  
原遷孺人攢合馬惟公為養輟業而親志以懽  
庭訓義方而子名以立今進士君溫文端恪若  
良玉精金方為世重寶公于彝倫俯仰誠可謂  
無遺憾矣為銘曰 古人一養三公不易千載  
寥寥興懷簡策竭竭翟公為時矩矱息志名場

躬耕農陌甘旨孔嘉親心豫懌獨抱遺經窮探  
遐索有子敬承偉然俊宅射策 楓宸 皇恩  
有赫試令郊圻剗煩治劇敷政優游循良比迹  
遡厥由然趨庭教澤惟公克孝親聞啞啞惟公  
克慈子聲籍籍質彼古人曷殊寸尺壽考令名  
猗與並獲昭示萬年勒茲玄石

勅封太孺人王母梁氏墓誌銘

太孺人梁氏者襄陵人前新城司訓今封文林  
郎豫齋王公用中之配監察御史王君應吉之

慎修堂集

卷十六

三八

母父曰三山先生鉅經術精奧以貢入太學未  
仕卒母張氏太孺人其季女也生有異質少則  
服習內訓端貞婉惠尤精女紅梁先生絕奇之  
曰此女非特能貴其夫殆又能貴其子乎邑里  
聞其賢競通媒妁梁先生皆麾去弗許是時豫  
齋公未冠而雋異特異方治三禮有令名梁先  
生識而心儀焉及媒氏至亟允曰是佳壻也太  
孺人既歸豫齋公事舅姑饗膳必精紉刺必慎  
志承色養咸當其心待如姊諧而以義處內外

姻族和而有恩下逮梁梁醞醞瑣細之屬悉有條而不紊閨壺之內秩秩如也豫齋公抗志六籍藝業造深每學使試諸生輒褒然首冠嘉靖中同公秋試會城時全晉才蘊卓然之士無慮數百人皆推遜公弗敢先以為高第若持券取也乃八試竟不第公嘆念弗能夷太孺人曰龍潛豹霧修以俟時田見文成非力可強君豈修之未至母亦俟之已耶侍御君幼即岐嶷穎悟太孺人曰兒當夙教而養無若溺愛者後時

慎修堂集

卷十六

五

之悔也甫成童即俾受庭訓督課勤嚴道以義節以禮時其興居慎其資友侍御君志趣卓越砥行修詞弱冠即舉于鄉豫齋公愈益發憤誦習不少輟孺人懼其鬱困久弗堪也從容語公曰失得相感其機同父子相成其理一兒之業非君之授乎君失舉而兒得之謂與君得異耶豫齋公笑曰有是哉乃就貢與計偕廷授新城司訓乙丑春侍御舉進士公謂孺人曰吾將歸休若何孺人曰仕以行志非干祿也君淑士

以身志既行矣且子克樹立是將大發君志於不窮者歸維其時哉遂上書乞身會選博野教諭亦不赴時論以為高乃孺人寔相之也侍御試南宮孺人夢侍御升於新城校門之上而下既寤謂公曰此善祥也行有徵矣未數日捷書至邑令標錦題名樹表適張所夢處焉其明慧燭理類若此侍御授尹安丘安丘東藩疲邑俗剛果難理豪猾占膏腴地潛移其賦於貧弱貧弱坐是因而流離逋賦積數十年莫可稽前

慎修堂集

卷十六

三

令率緣不治罷去侍御以為虞孺人曰是奚足哉毋黷貨毋肆威躬儉約而施惠和人無不化者矧齊魯邦耶且賦可移田不可匿覈田以稽賦毋憚夫身先且勞也侍御至則屬廉潔之操秉羔羊之節悉心化導不事威刑民以大和乃躬履土田糾正欺隱百年宿蠹頓爾廓清邑人忻忻謂得賢侯暮焉于時聲稱藉甚迺孺人寔啟之也部使者疏揚異政後先十餘上三載績奏詔封豫齋公如其官太孺人得今號云已



已冬晉禮部主客司主事乃迎父母就養宦邸  
庚午夏改陝西道監察御史明年銜 命出按  
江北便道奉二親歸于襄聚樂庭闈依依不忍  
發孺人曰 國家命代狩之臣固冀以昭宣紀  
度澄清萬方也汝不欲遠父母獨不畏簡書耶  
侍御不獲已乃攬轡登車既行部正已率下風  
裁震一時孺人聞之融融樂曰兒不負是官矣  
越明年感疫嗽初不以為苦也居無何竟弗起  
隆慶壬申五月二十四日距生正德庚午九月

慎修堂集

卷六

十一

七日得年六十有三子一即侍御君娶盧氏先  
卒贈孺人繼楊氏封孺人孫女一盧出許鴻臚  
署丞喬君淮子可聘侍御照計號慟西奔哀毀  
幾不自存既乃請於豫齋公卜是歲十月十七  
日葬太孺人於鄧村之原先期屬貳令劉君偉  
計部高君溱以鄉進士黃君景澤狀徵銘於予  
予交待御君父子間也久習知太孺人賢是宜  
銘銘曰 於惟孺人令儀令德作配君子柔惠  
維則外襲溫恭內含朗識琴瑟靜嘉女士是式

王公倦遊衡門勇即計決贊成孺人有功篤生  
詰嗣邦之司直熙載奮庸爰補袞職丕振風猷  
正是四國諤諤匪躬義方有得偕老榮封而康  
而色壽熾允滅秉心翼翼婦順母儀兼舉罔忒  
嘉譽休光洋溢充塞有哉玄堂汾水在側懿教  
用章垂示千億

誥封淑人高母袁氏墓誌銘

淑人姓袁氏故湖廣按察使蘇門高先生配也  
父諱寶以子陝西按察僉事永爵貴贈池州府

慎修堂集

卷十六

十一

同知母楊氏贈宜人初先生父大中公尹東先  
有孚惠夙善袁公高與袁皆祥符鼎族弘治辛  
酉七月七日淑人生庚與先生同先生幼穎敏  
掉絕淑人以明慧稱乃締婚云于歸之明年為  
正德己卯先生舉于鄉又四年嘉靖癸未先生  
第進士授營繕主事未幾改考功迎太淑人就  
養京邸淑人總持內政躬調滌醢賓祀之奉下  
至米鹽瑣細罔有漏遺每雞鳴即興夜分乃寢  
以為恒會 天子尊親禮成推恩父母如子官

淑人初封安人馬戊子先生進司封郎中時宰  
新貴權張甚先生不悅為之屬適議外戚伯封  
堅持不署草欲以官爭之淑人曰直而不挺曲  
而不詘君子所以全身也君夕惕揆事砥節首  
公廼用不訾之軀觸莫測之釁孰若守志卧疾  
歸奉二人之為安耶先生遂謝病歸草舍數楹  
僅庇風雨薄田數十畝僅供饘粥淑人食淡攻  
苦以佐中饋若將終身然時弟僉憲公甫就學  
因命從先生授經卒成今名越三載先生病滿

慎修堂集

卷六

三

期有司敦勸行起補稽勳郎中明年以白友人  
誣復忤時宰遂出叅山西政淑人皆從之官先  
生行部冀南會撫臣入浮言喜興革民寔苦煩  
苛羣白於先生故緩其議撫臣怒錄治諸掾史  
先生不為動遂三疏乞休為養皆不報時先生  
仲兄太守公方為南京儀制郎乃遣淑人旋大  
梁養舅姑舅姑安之若忘二子之去膝下也丙  
申先生在晉滿三載以績奏天子嘉之再封  
東光公大中大夫山西左叅政母氏太淑人

淑人進今封馬明年先生莅湖南僅三月感寒  
疾不起淑人哀痛悲號絕而復蘇者數四時長  
子年甫十一次僅八齡每泣謂之曰吾豈不能  
自引決以從汝父耶顧舅姑垂白汝孤幼無依  
耳言已輒大慟既乃挈携二孤遠道迓葬遂為  
鑰珠翟屏斥鉛華姻鄰禮筵一切謝絕雖至親  
罕見也初先生篤嗜丘索悉以購求傾囊無所  
吝卒之日俸餘不滿三十金而遺書充棟淑人  
日取以課二子曰汝父學為儒宗仕稱廉吏所

慎修堂集

卷六

四

遺汝者惟此耳汝可不研精諷誦甘同庸眾耶  
在楚時值察案母為壽左右曰聞諸夫人服飾  
鮮華夫人獨無意乎淑人曰吾僚長配期以儉  
朴先之若言胡為哉及至會淑人自命服外聚  
衣練裳若不知珍綺之為華者雖先生清節刑  
家亦淑人儉素有相也先生之喪淑人哭踊不  
自知遂感氣結疾每作輒危竟以不起隆慶壬  
申九月二十八日也享年七十有二耳長子不  
危詞翰古雅克世家傳每秋試主司以不能錄

置門下自疑而不危未嘗以自沮也今尚列廩  
 生娶胡氏次子不愚亦邑生早卒娶郭氏女二  
 一適王中立亦卒一適趙尚仁孫男五一麟配  
 李氏一鳳配王氏一卿配谷氏一鵬配氏一  
 儁配王氏孫女六一適秦周德一適李鯁一字  
 李孺童餘尚幼二壻諸孫及周德皆郡邑弟子  
 員曾孫男二承文承憲俱幼淑人歿之三月不  
 危走千餘里手所斂狀微銘於公公自蚤歲受  
 用經之知於先生每執經門下庭宇寂靜僅稚  
 慎修堂集 卷十六 三五

太學生五谿雷公墓誌銘  
 嘉靖癸丑余校藝南宮得一卷燁然有輝甚奇  
 之拆號則建安雷金科公憲也比來謁朗然玉  
 映退然若愚與之論古今治理遐邇名物靡不  
 淹究志騰蹕謂古聖賢可立企余滋奇焉聞叩  
 其所自則曰是惟家大人五谿先生之教也不  
 肖何能爾公憲 賜進士未十日先生計聞即  
 號慟南奔匍匐過余以銘請余既雅重先生公  
 憲又在門何能辭先生諱璿字國徽雷姓其先  
 慎修堂集 卷十六 三五

蜀郡人裔出唐忠臣萬春唐李諱鸞者避亂居  
 建之璜谿遂家焉鸞之玄孫友教封豫章郡公  
 友直大中大夫子孫蕃衍遂為望族先生曾大  
 父濬大父仕祭父文照世有隱德先生秀爽敏  
 惠遜志積學痛父及嫡母王氏皆早卒奉母劉  
 氏甚謹弱冠選為弟子員遂遊太學謁選銓曹  
 以母老歸養依依不忍違竟不仕每朔望晨興  
 必焚香祝天願母壽考如是者三十餘年訓迪  
 諸子延禮名師督責化導恩義無至暇則究心

岐黃諸書直探奧旨尤精脉訣病者趨之隨藥而愈生平好施予宗族姻鄰有貧不能婚死不能葬者必捐貲為之助豫章大中公祠堂二歲久且敝先生率眾新之仍修祀典俾無墜夙負奇氣不為媿阿雖居田里見民間利病憤然若迫於身郡山產巨木販者輒乘漲縱筏順流而南突廬舍傾橋梁民甚苦之擅鐵冶之利者供役多逋逃為里中梗歲歛則遏糴自私先生皆白于官為厲禁民以不病孝愛純篤義問敷布

慎修堂集

卷六

三

雖兒童走卒亦欣欣敬慕正德丁丑盜剽鄉邑獨識草先生門相戒不忍犯鄰人聞而效之獲免者數十家嘉靖丙申鄉人不戒比屋延燒先生居歸然獨存嗚呼先生終身韋素而高風義烈足以回天變化強暴彰明若此使食君之祿立人之朝則其所以感格而昭宣者又不可想見耶壬子冬劉孺人年八十有三以疾卒先生方臥病感慕哀號踰月亦卒癸丑正月一日也距生弘治戊申十一月七日壽六十有六配童

氏生子三金聲金章金科繼吳氏生子四金和金相金麟金貞側室子一金昆聲章和昆皆庠生童出女二適庠生魏應鵬李薰孫男七女四曾孫男一葬以甲寅十二月十六日子里中龍山之原銘曰 睢陽大節維雷之先閩南避地爰自鸞遷蟬聯奕葉世德是營先生早奮履素含貞孝不違養哀慕終身義方有覺八士若荀才未時用克施于鄉德未食報族則日昌化暴滅火古哲所難勒銘昭美永以不刊

慎修堂集

卷十六

三

慎修堂集卷之十六

慎修堂集卷之十七

河汾亢思謙子益著

誌銘

中順大夫陝西臨洮府知府西陘馬公墓

誌銘

嘉靖庚戌七月初十日西陘馬公卒遺言必史氏銘吾葬既踰年公子太學生子秀來乞銘迺按公弟之子壻舉子鄭汝進行狀曰馬公太平人諱聰字舜達西陘先生者門人稱之也曾大

慎修堂集

卷十七

父貴有隱德不仕大父雄判邳州以子貴封監察御史父鸞舉成化甲辰進士自御史遷山東按察司僉事風紀獨持為時倚重迄今祠于鄉母李氏封孺人公資稟超異少承庭訓即篤志厲行綜考羣經文采蔚然弘治甲子舉于鄉屢困春官而志不衰嘉靖壬辰始就選長垣令時太宰王恭襄素知公故特強之仕也既莅任則與諸父老約曰某不類不能紹先烈揚休光謁選而來非某志也其或躋貨以徇濫刑以逞所

不先烈是承者有如此日迺刺勵廉節敦崇儉

約絕靡麗之好出入戴星凡可以為民利者莫

不悉心為之所不期月而政成民大悅諸上官

有事畿內若清贖稽倉檢災覆獄類承委公即

事事當上官意無不下禮幣勞獎者既四年擢

知鄧州垣民思之為立碑記德在鄧州適

皇上大狩龍飛駕出屬邑公平道路理橋梁飾

行宮潔庖漏上供軍衛下至帷幕器血靡不恪

豫事集而民不擾時旁郡多獲罪或解印綬去

慎修堂集

卷十七

二

而公出其素定之方從容指授故獨無事庚子

擢宗人府經歷纂修 玉牒公與馬日給大官

飲饌時論榮之既三載考績進封公父為奉政

大夫母宜人甲辰春出守臨洮臨洮邊郡也民

雜羌夷頗稱梗公勵躬率下戢暴禁奸張教興

文民安俗化甫數月以年老乞歸家居五年不

冠帶不出戶庭非禮宴不入官府官府事子弟

輩或論及輒斥責之配楊氏贈宜人先公卒四

十六年繼李氏封宜人先公卒六年再繼趙氏

子男一即子秀揚出女三適丁某一尚幼俱側  
室張出孫男二惟真一幼公生以成化丙申三  
月初四日葬以壬子八月初十日于古義郭先  
塋之次余自幼聞公名乙未識公于京邸即荷  
公知公歸自洮予往候之公欣欣然曰吾今乃  
得歸也予舉進士公走書賀予甚懽予以公優  
游順適期頤可卜孰意公遽至是哉且公抱遠  
器有大能惜筮仕稍暮而當道者復泥資途材  
不究用惜夫乃為之銘曰 粵稽馬氏夙著河

慎修堂集

卷十七

三

東有赫柱史克世惟公理煩應變昇材寔豐三  
知歷試並奏膚功長才未究名實亦隆既昌嗣  
續壽考復崇嘉樂方始奄即玄官刊銘幽石昭  
示罔窮

奉議大夫河南開封府同知靜齋張公墓

誌銘

靜齋張公謝開封而歸也年甫及耆精神悅澤  
迺與里中諸耆德選勝結社日熙熙然遊歲辛  
亥予以史職使江藩歸里中公偕諸耆過予晤

言移晷衣冠古雅言議雍和疑睢陽洛社未往  
云越五年予視學入梁再過家諸老彫謝者半  
公巋然獨存既與公仲子締姻好迺時時侍公  
談每及經世大務率胸中有成計惜未盡見諸  
行耳別甫踰年公于馳書以訃聞蓋嘉靖丁巳  
五月十四日也且函狀屬銘諄諄然曰寔維先  
人遺語子毋辭焉公諱懷邦字潤國號靜齋世  
為臨汾人高祖禮元季隱姑山 天朝平定徙  
郡北郭以人才徵不就生子儀為邑學生子儀

慎修堂集

卷十七

四

生迪以貢仕單縣簿是為曾祖祖也考守忠任  
宋莊丞妣喬氏成化庚子三月二十一日生公  
公生之夕喬孺人夢紫衣人以朱丹一粒令吞  
焉幼嶷重不嬉戲英敏過人隨宦宋莊獨負笈  
之慶陽從唵峒李先生學歸為弟子員每試輒  
高等名動一時正德庚午舉省試乃上春官屢  
不合嘉靖癸未就選天長令邑畿輔地雜戎伍  
曠甚號難理公清嚴平直政畫一無二視戎衛  
莫敢譁鹽徒入疆躬率民兵捕之號令明肅衆

爭先用命生擒二十餘人迄公還不敢犯甲申  
歲饑籌畫調賑民獲以寧又明年秋成蝗集民  
嗷嗷然計無出公竭誠露禱引咎自責是夜四  
野如聞咤逐聲厥明蝗盡去未損者僅十二三  
督饑使者廉其賢數以掣鹽屬往掣者多嚼重  
利公皦然不汚而商亦不怨三載奏績以臺臣  
屢薦 詔贈宋莊公文林郎母喬為孺人又三  
載以臺諫微會忤當道意授遼東太僕丞邑人  
悲號不忍舍留履以寄思之遠 詔修築諸塞

慎修堂集

卷七

五

垣亭障公躬任其勞甫三月工成 賜白金絲  
幣辛卯以制歸服除補任甘肅會虜大入調兵  
日棘饋餉不繼撫臣以為憂公請隨商所有從  
宜給兵優其直時大便之又理分巡督儲事事  
罔不立濟臺臣各薦公可大用丙申晉同守開  
封理戎務開封郡劇政繁公時時攝郡或理河  
防兵糧諸廳率優裕如暇時已亥春 上狩承  
天道境上憲臣檄公往治鄭州公構 行幄豫  
供需口授心惟至忘寢食下逮百官六軍之次

舍簾廩率不匱不遺又再監理文闡綜畫嚴密  
士心悅服辛丑入修 觀典遂致政歸廼開園  
沼以陶情創館塾以訓子視一切紛華榮進若  
相忘然社友既零杜門謝客疑神密室習導養  
之術顏童齒固予意公壽未涯也詎意止是哉  
平生莊靜寡言笑喜慍不色見與人交無城府  
稱人善若已有聞人過絕口不言得壽七十八  
云配蕭氏封孺人處士洪女事公五十年攻苦  
茹淡相公名成未嘗有反目態既被封日御荆

慎修堂集

卷七

六

布如未貴時母儀婦道內外稱之以戊申十一  
月八日卒距生成化辛丑十月二十四日年六  
十八子二崑崙皆國學生崑娶亢氏繼高氏崑  
娶安氏繼陳氏高氏女四適李光濟賈陞李光  
淳俱太學生一適劉世相孫男一汝廉亢出配  
劉繼馬女三一適輔國中尉新空高出皆崑子  
一適生員馬邦教安出一許子子孟禔陳出皆  
崑子曾孫男一炳然儀賓外孫子女二十餘人  
皆公所目見者往蕭孺人卒擇地葬于郡東周

庄之原二國學以戊午六月八日奉公合葬焉  
公天性儉素終身無妾媵蕭孺人既歿乃娶馮  
氏奉巾櫛馮鄉貢士春女也後公一月卒生于  
弘治癸丑正月二十日今得祔葬云為之銘曰  
淵然者度粹然者德位莫副之為我心惻澤  
遍中原功垂塞北亦究厥施維民之則解組丘  
樊其儀不忒式是國人邦有明德身其康寧子  
孫抑抑偕老齊眉玄宮同即綿綿德馨莪莪封  
域昭示萬年堅珉爰勒

慎修堂集

卷十七

七

文林郎山東魚臺縣知縣西藍王公暨配

旌表貞節孔宜人墓誌銘

公諱相字君佐晉之洪洞人曾大父某大父某  
父俊壽官母宋氏公生而資稟超特稍長精研  
丘索綜貫百家言為文雋發有奇氣遊邑庠督  
學四明楊公東郡教公文皆冠多士弘治  
乙卯分巡嘉定伍公大奇之曰吾夜夢巨棟騰  
空覺而紀以詩有不凡才之句應在子耶是秋  
舉詩亞魁所司錄其文以式嗣是執經問難者

恒數十人邑人若許侍御喬戶曹郭涉縣皆朝  
夕授之業者門人師尊之稱曰西藍先生云然  
歎奇六試春官無所遇正德辛未壽官公老促  
之仕迺就選時石淙楊公為太宰太宰故視學  
三晉雅知公簡授魚臺令公車車之任甫及境  
即捕大俠朱某實諸法民心懽服時流賊方去  
邑城郭解舍悉遭焚破公闢瓦礫創官府明政  
令舉廢墜謁孔廟則進諸生與之講經史甫數  
日即條教肅然勞瘁既極復念壽官公迎養莫

慎修堂集

卷十七

八

遂忽疽發于背卒時八月初一日距生成化已  
丑八月某日年四十三耳視亭未十日邑人哀  
悼之迄今猶知有公也配張氏陳氏俱先卒繼  
宜人邑人完女也性端懿貞靜不苟言笑精女  
紅及笄歸魚臺公相敬如賓聞魚臺公訃年甫  
二十四號慟殆絕時二子在襁褓家徒壁立迺  
躬井曰勤織紡以奉舅姑孤燈敝帷矢死銜恤  
以拊遺孤稍解事即擇師俾就學課督嚴肅困  
苦勞瘁人間之不堪也嘉靖甲午午子三接果舉



省魁歸宜人泣謂曰汝父以困于甲科齋志淪  
沒吾恨迄今未已也汝幸舉矣尚力勉之歲丙  
午宜人年六十郡邑臺臣各表其事上嘉之敕  
所司樹表旌門仍復丁夫以養 命下為丁未  
春廼子適舉進士綸章宮錦母子同榮華扁金  
書焜耀里閭宜人獨愀然曰從一而終妻道也  
仰于寵靈豈吾志哉戊申王子授尹博興遂奉  
之官則訓之曰守官箴重民命節浮費政之先  
也弗克由非吾志矣王子奉惟謹期年政洽化

慎修堂集

卷十七

九

行憲臣交薦有清慎自持孝廉並著之語辛亥  
秋王子以臺諫徵宜人復歸洪洞甫閱月而疾  
作竟不起夫抗藝節歷艱屯餘四十年祿養方  
殷而遽至是悲夫悲夫生以成化丁未十一月  
二十四日卒則壬子正月二十四日壽僅六十  
六子男二三德娶許繼燕次即王子娶李封文  
林郎九卿女也女二適許級張出適石思忠宜  
人出孫男幾某某女幾適某某王子之京為飛  
語中傷出補寧國府同知陞除之晨即宜人沒

日也戒行而訃至擗踊悲痛幾不能生既過號  
泣西奔將以某月某日合魚臺公葬于某山之  
原以同年阪泉孫給舍狀徵銘於余余之舉于  
鄉也與王子聯名又同舉進士相得甚驩魚臺  
公之厲志修文宜入之堅貞苦操王子之克承  
母訓以成父志皆知之深者王子今仕雖稍淹  
然知者固多筦華軸樹茂烈以顯揚其親於無  
窮者不遠也銘曰 維昔有儒詞宏學博教授  
河汾俊穎雲集志廣才豐小試而折厥末已人

慎修堂集

卷十七

十

矢心靡忒訓迪遺孤皓首一德 溫綉載揚鴻  
名高揭星虹麗空冰凝霜冽孤童爰興循吏時  
杰父志母儀丕顯無缺維茲一門萃美作則奔  
卜堂封玉埋同穴鐫銘藏幽萬禩罔斲  
文林郎陝西長安縣知縣前進士漫川閻

公墓誌銘

嘉靖丁未吾晉以策士對 大廷者二十有三  
人漫川閻公其一也予亦預焉公形貌魁碩直  
諒坦夷望之知為鉅人君子予日從公遊心竊

愛慕之其年冬授尹長安甫數月聲實歛起部使者交薦公車咸謂華秩可以戾契致庚戌春上計都亭坐飛語中傷時論愕錯不能平公怡然曰仕以明志苟行矣雖一邑吾已足如不可行三事九列胡為哉匹馬歸舊山不復致一辨予每過祁必躬先造訪公食飲笑譟至窮晝夜一切升沉得失絕口不談竊視公家徒四壁立而意氣充然若有所得者豈非古所謂近於道者耶甲子秋公子談表經走數百里持司農

慎修堂集

卷十七

十一

北厓馬公狀涕泣請予銘乃知公以是年閏二月三日捐館舍矣予驚悼不能已既為位哭乃嘆曰公志厄於時而未伸才過於位而未竟尚意彼蒼以遐齡益公也而今乃若此是尚忍不公銘耶公諱繩芳字世武漫川者學士稱之也曾祖威仕上海稅課大使勅封文林郎永清知縣祖齊舉弘治己未進士為御史有直聲終浙江按察副使進階亞中大夫父師賢邑庠生母陳氏太谷人憲副壁女也公生有異資遲重

不戲恒若有所思念計畫然者亞中公出必令隨杖屨試以句即應口成輒有奇思翁喜曰此吾家千里駒也吾居官無厚積有孫若此飲水誠甘焉成童補邑庠增廣生學使試輒奇其文累冠諸士聲稱蔚然癸卯舉於鄉既登進士試政冬曹兢兢自持不失寸尺大司空沃焦文公深器重之長安尹久難其人持衡者雅知公乃簡以往云邑為三秦都會民力素瘠而供輸寔繁胥史因依作姦間并坐是困公至即講求利

慎修堂集

卷十七

十二

害廢置所宜較量丁田盈縮之等具為畫一科條俾輸直於官而簿正之謹其出納遏其侵牟民迄今便焉稽定徭役諮詢鈎覈視聽一無所假高下稱乎富民某者賞緣重賂欲從輕則公嘆曰此細民離散之由也可弗治耶正其辜而重其役巨闔之弟坐大辟行當事者千金檄公寬其獄迄不為移終南間沃壤巨室攘為已有賦役遺於民公奪其田俾故主巨室不敢違簿書纖細躬自校讎老吏宿奸擿發罔後請求干

澤者不敢窺長安之門新棘闈治廡舍竹頭木屑無所遺漏一時清明嚴整之績洋溢關西乃監司某不悅於臺臣疑公發其私百計詆誣同事者忌公名又從而醞釀之當局之臣不加察遂至昧昧焉歸則闢書塾於城隅聚古今圖籍探討玩弄後生從之遊者啟發諄諄無所倦才彥為盛邑東南多佳山水約里閑者舊結社其中佳辰令節終日徜徉時就故老田夫講耕鋤卜晴雨渾無軒裳之態非其所友雖貴勢不與

慎修堂集

卷十七

十三

接也天性篤孝事親定省有恒甘旨必親調侍父疾衣帶不解者月餘鬚髮為改居常急人之難息人之爭故欣欣愛慕者多焉配武氏庠生廷璋女端嚴溫惠克相宜家生男三誥談皆縣學生諾娶張氏典膳冲霄女繼胡氏談娶程氏庠生天善女誥聘許氏知州鴻程女三子皆績學有雋才造物將以是禪公耶女二長配生員呂鉉次字范尚緒俱蚤卒孫男二嗣龍嗣夔孫女二俱幼公所著有禮經通旨詩學體要盤谷

謬稿藏于家生以正德乙亥四月十八日葬以卒之次年二月十七日為之銘曰。罷以方毀亦以繳傷祗繫於值豈繫厥良不緇其繳不易其方要終考實其美彌章揭揭闔公邁往允臧仕胡不達年胡弗長在我者立曷塞曷亡玄宮鑽石用發幽光

文林郎山東益都縣知縣前進士新齋楊

公墓誌銘

隆慶丁卯五月十六日益都知縣新齋楊公卒

慎修堂集

卷十七

十四

于官從兄江適以視疾至遂歸櫬自青居無何江亦卒公配李孺人以八月二十五日葬公于七里村之原而以銘屬公公於公為道義交且締姻好往送之青執爵郊亭胥以崇德流聲相砥勵詎意餞別之岐遂為迎櫬所痛何如哉銘其曷可辭公諱沐字子新新齋其別號也曾祖林祖永寧父鍾世為予邑南里北之望族三世皆翰粟助邊得授義民爵然醇篤朴茂布素自如官服不時御也母淮氏公幼即穎敏絕人十

六補郡庠弟子員十八食廩為文崇理致屏浮  
華累試有司無所遇嘉靖辛酉乃舉于鄉乙丑  
登進士其夏授令益都邑嚴郡治憲臣駐焉且  
藩封戎伍錯列雜居去邑數十里即巖阻綿亘  
椎埋不逞類糾聚其中擅坑冶利旁近村氓亦  
漸相染習官司稍繩正即呼嘯而起數千人可  
立至夙號難理公殫精竭慮事為經久圖凡稱  
梗者悉爬梳剔理之任怨任勞無所避甫數月  
庶政秩然有章豪猾潛形胥徒屏息邑遂改觀

慎修堂集

卷十七

十五

諸上官知其才委托沓至公悉心條畫不假刀  
下人日坐庭中理租賦剖訟牒決衆務事無巨  
細必精審致詳而後已率夜漏下二十刻始秉  
燭歸休性素畏謹遇事少留即蹙然無寧字為  
之廢寢與飧僅朞月形漸羸瘠性度或失常猶  
隱忍力疾莅公事未嘗少自暇所親率以節勞  
規輒曰吾方快於是不為苦也易簣前五日稽  
戶則持筆定差役高下惴惴懼少乖其宜夜分  
始竟事俟黎明懸示於門然疾遂不可為矣生

以嘉靖乙酉九月九日年四十三身配李氏平  
陽衛參將李忠女側室譚氏王氏皆無子女一  
許予子孟禴公前母張氏生太學生潤亦無子  
李孺人請於淮孺人及公友西岡劉公方齋王  
公立江子體乾嗣公後協於禮矣二公與楊公  
友自束髮迄茲若金石云惟公以少子為父母  
所鍾愛而周旋左右恒恐失父母之懼父母甚  
安之平居沉默靜退若不勝衣擇地而蹈擇言  
而發視人之不善若將挽馬人莫不以遐福為

慎修堂集

卷十七

十六

期也強年甫仕乃勞瘁殲身於國無負矣而  
垂白之母養未能終弱女寡妻育莫能及可勝  
悲耶然體乾已十齡志趣異凡諒能繼公後者  
庶幾無恨乎乃攬涕為之銘曰 琮璧輝華薦  
清廟兮登降方興胡然而缺杞梓輪囷棟明堂  
兮雕斲方施胡然而折畀之奚奇哉之奚倏真  
宰茫茫孰窺機軸榮悴往來乘除倚伏千古錢  
顏疇永疇速勤事委身允矣良牧不朽昭垂永  
賁川谷

文林郎山東高苑縣知縣金溪劉公墓誌

銘

劉公諱先啟字叔孝金溪則其耕讀地學士大夫即以稱之也世為臨汾安仁坊人曾大父懋隱德弗耀大父璇治毛氏詩遠有端緒邑中經指授者多為聞人若太宰西磐張公其一也仕陝之保安知縣後贈太常少卿子二伯和成化丙午舉于鄉歷倅松江慶陽湖州三郡即公考也仲穆正德丁丑進士由庶吉士給事中少卿

慎修堂集

卷十七

十七

終焉湖州公配燕氏有丈夫子三長光裕舉嘉靖戊子鄉科次光貽郡諸生有雋聲早卒歲甲午公繼舉時與長兄稱二俊云公之舉與予同時年甫踰冠明達雅馴習聞當世之務強記不遺陳說纒纒有本末同游之士多質疑難輒得所未聞治經承先世心傳藝術精熟復從金豐東先生學為古文詞造益淵邃豐東以文名一時少許可特器重公衆謂公必副金先生所期願也乃八上南宮無所遇己未春 廷授東藩

高苑令邑瀕清河時橫決泛溢昏墊特甚四民轉徙十六七城垣陸沉官寺隳圮俗習將惰宿胥弄文公私玩偷誕慢庶務廢久糾紛莫可理公至悉其狀感額若不能一朝居既而迺憤然曰 天子掣一邑人民土地以俾于矣非予理之而誰耶迺慨然為飭治振起圖遂築堤以捍水侵增城以備暴客壇壝祠宇易壞為新居無何邑治煥然改視矣上官以為能郡有艱鉅務及均賦諸議輒屬公與諸令以賢稱者俱衆或

慎修堂集

卷十七

十八

依違希迎當道意所向公每直前正詞奮筆就草挺然少所遜同事者後先從吏噴噴稱美而中忌後言讒口四布公莫之疑也會部使者行縣于其鄰公以諸尊貴吏同時且臨吾邑邑夙瘠莫為備為傲館舍假供具非禮也吾耻之即下令益治諸可為臺廨所廚傳供張務具備姦吏救民乘而譸張踰初令監司某業入忌者言遂誣收印綬仍滯留歷下再踰年其視事僅七月耳壬戌夏末予承乏入東藩次月公迺歸里

舍公敏識通才與人交誠心直道有就謀者慮  
事畫策可否率當人心衆咸稱能曰他日必良  
於官也而今若此是非命耶湖州公訓子有矩  
度既歿而燕安人率履不渝迺三子胥底于成  
然性嚴急公左右就養獨得其懽心戊戌春當  
赴南省期值安人微病即侍養依不忍違事  
庶母馬氏禮敬有恒與兄光延弟光衍相友愛  
白首不衰初保安湖州之公不事家人生產雅  
好圖史茅茨數楹藏書萬卷公歸自東日吟咏

慎修堂集

卷二十七

二十九

其中興至則發為篇什率有古作者風坦中和  
外無城府機械雅善談詭高賢畢集公至輒烘  
然解頤性好賓客座上常滿而交際往來吊賀  
饑會之儀必盡力而不廢亦每急人之難坐是  
家蓋落然公不以是繫于衷訢訢如也蕩蕩如  
也蓋人所難者迺萬曆己卯春瘧于拇醫易之  
竟延漬莫可瘳至二月二十日卒得年六十有  
九以生正德辛未二月十三日所著詩文若干  
卷藏于家配王氏邑人例授指揮詹女端莊誠

一多助公馬側室張氏邑人壽官進臣女子男  
一奎郡庠生娶李氏蜀藩左相芝山李公鈞女  
也女三長適馬忠亦庠生次適張文林季適陽  
曲鎮國中尉知紛之子孫女一幼奎以公卒之  
年八月二十九日葬公于周家莊先塋之次持  
其內之兄鄉進士李君承顏狀微銘于予予自  
附公年誼以道義相切劇未始少逆于中四十  
餘年如一日是知公者莫予若也而公遽至是  
莫忍銘公又莫能不銘公哉銘曰 維劉于邑

慎修堂集

卷二十七

二十九

文獻相承保安肇基玉立淵澄別駕太常作求  
繩繩迨公振藻嗣兄迭興溫夷膚敏可翼可憑  
雖曰于仕邑敝笑仍莫知我勸莫謂我能黽勉  
從事謹忌交騰唯命所適減否莫凭責于荒野  
心泰德私位雖未顯名則可稱何以傳之銘章  
是徵

七品散官澗水寇公暨孺人任氏墓誌銘  
余少受學則聞榆次寇氏衣冠之美甲吾晉時  
司馬公方以茂烈鴻猷羽儀朝著太守君弱冠

發解文式于四方鄉貢君亦以宿學顯名祠部君彖賢早奮飭躬莅政世德是求余習聞其盛心嚮往之既舉進士蒙恩入中秘得與邑人今給舍李君為同館時與之稽前修則古今因及鄉國之賢又聞司馬公弟散官公者舍貞履素高蹈丘樊李君精鑒識慎與可言可信余益嘆寇氏之多賢云今年秋李君以祠部君狀過余曰散官公歿已久茲任孺人復亡葬有期願子銘之按狀公諱天衢字汝亨別號澗水始祖

慎修堂集

卷十七

十一

信元末自徐溝避亂遷榆次信生文長文生長彥清彥清生琰是為公曾祖率隱德不仕祖玘以子儉貴贈大理評事考功以明經判定州後皆以司馬公貴贈封右副都御史先妣趙氏妣吳氏皆贈淑人公性資穎敏好讀書日誦數千言以父兄皆業儒乃謝去理家政事父母孝敬純篤終始弗渝定州公嘗誣繫東廠寺人虐燄薰灼公周旋左右卒以無事既歸奉就司馬公養往來秦越服勤承志率得懽心事司馬公甚

謹言動皆則之太守鄉貢祠部三君遊學計偕公悉督課供饋故俱以成立教子嚴甚雖小過不姑息必令之改居常訓誨惓惓以讀書明理孝弟立身為先見人之善欣慕若已有其不善者必面折忠告人以其質實亦不怨也居鄉好義崇信同鄰吉凶貧苦及落魄不振者咸為之周給歲饑散積粟貸于鄉或沮之曰饑而貸之弗圖償乎公笑曰能積者貴能散也矧鄉人枵腹償與否可計耶辛丑北虜入掠故家皆閉糴

慎修堂集

卷十七

十一

公出粟於市隨所有易馬復以米給守城者正德中嘗輸粟助邊受七品散官迺嘉靖乙巳正月二十三日以疾卒易篋精爽不亂尤諄諄以辨義利慎離間為子婦戒距生弘治戊申十月二日得壽五十八云配任氏同邑德之女也十八而歸公端淑仁厚奉舅姑柔順不違舅姑安之事散官公肅然以敬處娣如雍然以和理閨壺秩然以莊故內外咸稱其賢私治己酉二月十七日其生嘉靖己酉正月十六日其卒也享

年六十有一子男二國學生陵邑庠生娶皆郭氏女二長適張儀次適李芳南陽二守君應時子也孫男二一鶴聘刑科給事中李君敏女一鸞聘國學生郭君廷健女女四俱幼穉等以十二月初七日合葬于城西祖塋之次銘曰剛直質朴古稱近仁孝友施政書美君陳於戲寇公依稀與鄰高門濟美用式其人

山東冠縣學訓導任公暨配樊張賈訾四孺人合葬墓誌銘

慎修堂集

卷十七

三

余少時則聞父老言故司訓任公之敦學飭躬也心甚景慕之既迺與公孫今比部主事君遊比部夙雋拔明爽學裕行修余益信公詒範之遠云嘉靖壬子七月四日公繼配訾孺人卒于家比部杖淚謂予曰先大父握瑾懷瑜小試即已卒于正德辛巳十月二十七日已柩葬趙村先塋然域中玄石未備也茲大母將合窆於祖之藏子其與之銘按狀公諱紀字廷振世為河東太平人高祖某元季避亂入郡城 天朝平

定遂籍臨汾曾祖守中祖方父本率世德力農妣李氏公資材超穎丰儀修偉蚤失怙刻志勵學丘索子集強記博識為文不事沿襲而奇邃清約華實彬蔚總非入郡膠踰年得廩聲稱甚籍傑士魁儒折行下之會上省闈郡守胡公膺祖于郊特舉酌屬公曰子學行茂彰大魁決矣時衆望率然而公數奇屢試無所遇成化壬寅例副貢試首貢陰祈公遜忻然以疾辭乙巳貢上南宮遂遊成均既而曰丈夫不能樹績當時

慎修堂集

卷十七

四

得嘉惠後學足矣復出就銓冠縣訓導至則植矩範嚴條則先德踴端文體而又警覺怠荒陶鎔頗辟諸生悉洋洋然化也鄰封之士胥悅景從公啟迪淬磨率無少怠私治甲寅偶微疾喟然曰夫仕所以求見諸行也吾教其庶幾矣不去奚為遂投狀解任諸士涕泣願留而公不可止矣歸則祠先修祀睦族訓子日惟左右圖書暇則誦古文詞或陶然獨酌雖親舊不肖從其不善者輒引避之有司鄉飲禮為大賓一與弗



再往或問之曰 朝家鉅典寔以優老尚賢也  
所司苟率峻情吾恥焉奚往為動靜安和為一  
邑大老者三十年可謂罕見其儔矣生以正統  
辛酉六月九日壽八十有一配樊氏天順辛巳  
四月十五日卒繼張氏天順乙酉十月五日卒  
繼賈氏生子一璉早卒女一適照磨張紀成化  
庚子二月十七日賈卒乃繼普孺人孺人邑著  
姓 女植性端莊夙閑禮訓及笄歸任公躬親  
辟繼閨壺肅雍偕公之成均復之冠公厲廉潔

慎修堂集

卷十七

五

以帥士孺人甘苦節相于中故得無撓焉公歿  
孺人總家政督子婦以儉勤業遂漸殷凡祀享  
燕賓必身致誠潔雖老弗怠族里姻鄰稱罔間  
言享年八十有五生子五政壽官娶郭氏攷娶  
張氏皆卒敏比部父也娶范氏攷娶陳氏汶娶  
武氏女二適處士劉宗寶平陽衛指揮馮大臣  
孫男九民望即比部舉庚戌進士高等授今官  
娶安民順西河王府引禮娶程繼杜民敬娶金  
同早卒民欽民悅娶張民信民孚娶荀民範民

懷敬孚悅俱郡學生女二楊尚忠張九臯壻也  
曾孫男二女三俱幼孺人生以成化戊子十二  
月九日樊生正統甲子八月三日張生正統丁  
卯七月六日賈則景泰甲戌三月十二日生合  
葬在癸丑二月十九日銘曰 任以國氏世著  
河東郡城避地克振自公膠庠初試桃李寔繁  
厥躬少晉慶衍後昆有美元孫虬騰鳳翔維公  
德馨奕奕煌煌鬱彼堂封四配同穴勒銘幽宮  
昭揭賢哲

慎修堂集

卷十七

六

徵仕郎彭城衛經歷龍田周公墓誌銘  
龍田周公者臨汾人也名照字德溥系出漢絳  
侯勃勃封河東子孫遂散處近邑 國朝永樂  
初諱麟者以詩經發解于鄉是為公從曾祖也  
大父庸父宗彝號實庵皆隱德不耀配張氏正  
德己巳八月一日生公幼即敏慧謹畏未嘗與  
里中兒嬉戲時實菴翁春秋高鍾愛特甚遣從  
良師遊年十六試于學使周公周公大奇之錄  
入邑庠冠諸生公愈自奮勵誦習顯勤實菴翁

慮其勞或過乃從例入太學公以太學多奇士  
朋未聚樂麗澤資深四方奇士輒推遜公莫或  
先然念實菴翁不置竟謁告歸左右就養誠敬  
懇至翁日融融然安其養也與二兄分異退讓  
若懦夫親鄙或以為言公曰孳孳貨賄之盈虛  
得無傷兄心乎每大比所司廉公文藝輒勸令  
就試視學憲臣若章公劉公廖公率稱賞獎予  
列置異等咸以高第若持券取也屢應鄉闈無  
所遇公怡然曰吾豈可力與命競哉乃以所業

慎修堂集

卷十七

七

授諸子閉門訓迪絕意榮名諸子爭自濯磨蔚  
為時彥始就試銓曹授露化邑丞時邑逋租積  
鉅萬計公擲盛曰吾不能奮學術以福蒸黎又  
安能事鞭笞以毒貧病耶遂疏致其事而歸既  
得勝於樊河之上結茅種樹左右圖書日與有  
隱德者三四公游歌觴飲瀟然出塵之趣非其  
人莫得而預也丁卯秋虜犯離石烽火達於河  
汾時東郭城卑陋不足為守公毅然率諸同志  
畫修築圖首捐重貲為物先日躬臨督視之城

成屹然若金湯中丞楊公上公高行于朝 詔  
進今秩以示褒垂銀振驚人以為華然公罕御  
也鄉飲大會延為上賓一赴不再往其恬素類  
如此公資穎志專力勤學博所治不直舉子文  
凡他經子史及前代名人著作悉務記覽發為  
文詞清逸典則沛然不可禦作字端謹遒勁類  
其人生平飭躬靜嘿多能而不炫與物坦夷有  
犯而不校溫恭樂易而言動無少詭隨藻鑑精  
明而終身耻言人過宅心誠而正慮事遠而詳

慎修堂集

卷十七

天

容眾而親賢厚人而約己接之若春風之襲人  
也治家有則門庭之內肅然秩然豐而不華儉  
而不嗇視日未里俗侈肆盛麗之觀若將浼然  
至寒者與衣饑者與粟病者與藥死者與棺蓋  
不可勝計率為之若恐後未始少滯留也族姻  
以空乏間或無依以立必隨親疎而時給助雖  
久不廢里間稱貸亦無峻拒後其人莫能償遂  
折券不復問族人有寓異省者歲時遣人走其  
家問遺之而又修族譜以明昭穆置祀產以時

薦享凡所以聯屬撫恤以承祖考者心力罔不盡然皆不欲人知也余辱公道義之雅四十年矣按間林樾時得從公於山水之間見公德淳而行謹氣粹而神濟恒以公期頤可必也公夙善星命不謂予言為然迺萬曆癸酉二月二十五日竟以脾疾終得年六十五耳終之日市童走卒莫不齎咨哀悼傷善士之云亡公配王氏先卒繼陳氏侯氏子男四尹東娶王氏為東娶亢氏皆郡庠生興東太學生娶張氏啟東郡庠

慎修堂集

卷十七

二十九

孝友化洽于鄉寧事臧否義問昭宣顛連允殖仁讓教成里閭惟則勿謂退勇高風洋洋勿謂身隱德音孔揚克開厥後如珪如璋行楨王國為龍為光 皇恩有赫賁于幽堂山蒼蒼而原膺膺是曰哲人之藏

迪功郎山東長清縣二尹原溪亢公墓誌

銘

亢公諱得霖字伯兩原溪其別號也世為吾臨汾人亢之裔環邑遠近而居者其麗詎直數千

慎修堂集

卷十七

三十

指哉散處吾郡及太原諸邑者未悉也相傳自汾西徙然斷碑遺碣則石晉時姓已著於郡顧土風椎魯且兵革屢經迄元末地大變譚牒莫可稽云 天朝平定版籍鼎新則繫公先世於東陽廟于先世於橋東里然諸先公即契誼親密不啻近屬然者迄今未間也公曾大父復威大父貴父玘皆隱於農賈母許氏以私治壬戌八月十六日生公性識朗茂志趣高特自其髫髻時即自力於學稍長為文輒奇嘖出人鄉先

達東汾康公雅器重之嘉靖壬午試於有司學使甫陽周公奇其文哀然置選首錄為弟子員迺公又以獨子不欲勞於學遂以例入辟雍公向往愈勵日與海內英流考德講藝上下其言論胥麗澤焉居無何父以賈齏卒於維揚公浮河往奔號痛幾殆奉櫬歸葬甫襄事母即遵貞疾公檢方延醫進湯藥時食飲視顏色承志意周旋左右奉養百方者十餘年又獨持門戶自是學少息歲乙卯謁選入都亭時予守官吏局

慎修堂集

卷七

三十一

別久而聚甚驪也公入試銓曹文在高等得齊之長清丞邑當入齊午衢且有勝區登岱使輶必憇息焉公佐令經畫廚傳賓寮各有恒度大吏胥至無滯節無濫費交口賢之嘗解俵種馬徵收常賦又司香稅於岱頂尤人易以動者公兢兢自勵悉一無所染一時丞邑咸遜服焉於是中丞劉公傅公各移檄禮公有不索常例克守官箴之褒皆錄實也會令虛位者再年監司孰公賢篆父屬公愈精心求平有移訊牘者必

從容質究期得其真仍為傳輕獄贖金訟穀纖細必入於公帑尊禮仁賢敷求治理咨軫民瘼務在休息而安全之踰三載公忽歎曰仕途之味予既已知之矣吾有子可教有田可耕胡不歸胡不歸遂投牒以謝事請諸監司惜而留之莫能得去邑餘二十年邑人懷思未已焉歸則闢精舍於居南羣諸子及孫躬禮明師共督課之伊吾之聲時徹昏旦諸子及孫各震用濯磨經業精雅每師儒品士一門羣彥遞相甲乙為

慎修堂集

卷七

三十一

多士先公督之愈益勤暇則倡諸耆舊為朋壽之會探奇討勝雅歌徜徉樂陶陶忘倦里鄰望而慕焉素強健寡疾病人咸以期頤可必也迺萬曆庚辰二月十三日以疾卒得年七十九云公長身玉立樂易真誠豁達無城府鄉鄰爭辨多就質平斷詞正容罕所回互其否者亦素熟公衷無忤也郡延為鄉飲賓再赴輒遜謝篤厚人倫待宗族內外姻恩意周洽諸婚嫁喪葬及夫里庸調一切身任之凡環公而有連者視公

若外藏母有遺言以姊妹為託公處之禮愛尤篤推及諸甥或給以質遷或成其名祿屢費重貲不計也配張氏先卒繼衛氏馬氏馬氏亦先卒子男六時中府庠生娶寇氏武陟縣尹鸞女審中娶范氏貢生金女先卒宜中府增生娶王氏鴻臚序班延桂女繼王氏儀賓志淳女繼李氏邑人梅女用中府廩生娶王氏臨潼二尹世臣女致中娶荀氏廣元三尹景哲女應中府廩生娶李氏太學生光博女繼田氏儀賓大亨女

慎修堂集 卷十七 三

女六一適庠生張詢一適庠生周為東一適張南正一適庠生劉守恩一適庠生宋潤一適宋洛孫男四有溱邑增生娶張氏有洧娶張氏有淑娶張氏有澄聘張氏孫女九曾孫女二諸子元孫皆有聲場屋巍科可刻期至者而公不待矣惜夫時中等卜以是年閏四月二十二日葬公于孟家莊之新阡乃手所述事狀造予以銘請曰茲先君治命也願先生終惠焉公忘年友予以道義胥砥礪四十餘年未始少解于心也

公塲于足僅數日以病篤聞子亟趨往視悲不能解公張拱禮于語諄諄多不能辨矣哀感迄茲莫能已矣莫忍銘公然生平交誼又莫能不銘公哉銘曰 明慎以行其志於邑兮上下稱賢政成而乞其身於未老兮明哲嚙先義方以式穀子若孫兮探討遺編芝蘭競茂於庭階兮濟濟綿綿裕而好行其德兮義問昭宣良朋結社以嬉遊兮樂我高年箕範衍福惟五兮公允矣其克全勒銘責於幽宮兮千萬世以永傳

慎修堂集 卷十七 三

散官西麓盧公墓誌銘

嘉靖戊申三月二十八日西麓盧公卒于家冢子國學生應祥馳介如都亭以告且徵銘予走位哭遂抱悲痛諭旬日情弗忍銘公然義不可以已也乃序而銘之公諱登字伯升為太平西侯之世族曾祖仕昇祖恭義父孜率有隱德而不顯母曹氏公少即精敏無不通達長而愈奮奮既遊膠序遂入太學汎交海內名流意氣招來率依依不忍舍以親老歸奉色服勞親心大

悅聞課家政躬穡事不數年田畜所入數十倍  
於前關書塾延儒碩以訓子弟及里之茂異仍  
躬督勸之絃誦之風洋洋如也因而成材者甚  
衆個儻好義鄉黨吉凶貧苦不能舉者落魄不  
振者公率為之周給仍經紀其始終藉公而濟  
感之終身者踰數十人敦崇禮讓慎重倫理於  
忿爭者則抑之健訟者則諭而止之於不若於  
倫者則化而導之俗因以勸且有智度識大體  
衆有爭辨不能決輒就公平紛紜轉轉以片辭

慎修堂集

卷十七

五

折之刃迎縷解排難息爭未易悉舉嘗自言曰  
使我得時從政必有可觀噫惜哉三晉荐饑公  
輒發粟以賑鄉之貧乏又貸以麥種既熟亦不  
責其償素善予邑舉子楊世禎屢周而貸之禎  
豪士貧甚病且死以二子托公公焚其貸券挈  
二孤以歸軫其寒饑而衣食之隆之師儒以訓  
迪之不啻己子若也二子學既成其族人欲之  
即以歸焉無難色遠邇義其事白於郡郡守王  
公溱表其閭曰尚義云公從兄鑑予婦翁也生

子輒不育公以從子良可以成屢薦于公俾以  
為嗣仍勉之學予之締姻亦公意也公中誠外  
質不事矯飾性復伉直不為脂韋突梯之態義  
有不可輒形於外遂忤當道者意讎家乘之巧  
誣以他事當道曲煨成獄欲坐重典父老數十  
人上書為公頌冤當道雖愧悟竟坐除名然其  
事無幾微涉本末具見行路心惻當道者既去  
衆謂公可以自白公喟然曰已焉哉命吾已知  
之矣縱能雪吾冤吾又能出而干時耶遂不辨

慎修堂集

卷十七

六

復輪粟賑荒得授散官遜志丘樊不求榮利佳  
辰令節則與客登臨吊古以發憤懣陶陶然與  
世相忘晚苦痰喘應祥等求醫致禱遂以愈嘗  
使應祥仕對曰祥不能違吾親也公感之遂不  
強今春疾復作竟不起距生私治戊戌五月十  
日壽七十一配關氏貞靜端明閨門雍穆與公  
終始如賓以祀事之繁也為公置側室翟氏以  
居先公十六年卒公竟不再娶子男五長即應  
祥次應瑞散官應聘應期應選聘選皆早卒女

一適鄉寧縣學生王喬齡孫男六向陽向德向  
明向奎向上向極女一適生員郭九齡子應祥  
等將以十二月某日葬公于某之原公天性至  
孝平生事父母無惰容居喪踰禮歲時展墓率  
泣然流涕愛賢好士老而彌篤予初試于有司  
邂逅公於逆旅公即愛重予既處甥館公撫愛  
備至恒以古人事業為予期予登第公喜甚走  
書為賀予方擬躬持杖屨以侍公歡暉勉樹立  
以酬公知而公遽已矣痛何如哉痛何如哉哀

慎修堂集

卷十七

三七

而為之銘曰 行方以端氣和而安維質之良  
濟人傾已尚賢無他乃德之常求全致毀遵彼  
兇完直道之傷順受不校胤嗣維肖千禩之光

慎修堂集卷之十七



慎修堂集卷之十八

河汾亢思謙子益著

誌銘

壽官肖溪趙公墓誌銘

趙翁諱玘字元明號肖溪絳之三林中里人前  
尹富平嶧山公之父也初嶧山甫踰冠舉吾晉  
鄉試第二人連舉進士過予於都邸朗然玉映  
退讓君子也心竊儀必世德是承者比里居每  
值姻鄰自絳旋則聞翁及厥考淳厚朴茂之詳

慎修堂集

卷十八

一

暨翁父子慈孝雍和之狀私心恒嚮往之頃外  
姪盧君體治手嶧山書以翁誌銘屬予為驚悼  
不能已蓋傷善士之萎云按憲使小溪孫公狀  
趙之先本潞人國初諱三者徙居絳三生延世  
延世生彬彬子二長曰昶昶子四仲曰二二子  
五長曰演演子三季曰紉紉翁之父也號溪翁配  
馮氏溪翁慷慨好義賈茶馬于西寧積穀數千  
石值歲凶減直以糶拾遺金訪其主還之語載  
學使方山薛公表中翁少有異資讀孝經論語

日記千言旁獵衆技如九章之類悉通其理以  
父父旅邊獨奉母居勤動門戶弗克竟其所之  
乃力田為養節約自持家用以饒父素好施予  
自河外垂索歸翁承順志意務得其懽時三林  
毛公謝涇邸長史還重翁父日與遊嶧山前髻  
羊翁命從毛公受小學四書毛公奇嶧山韶秀  
許妻以女孫有王生魏者亦從毛公雋拔有聲  
翁以女妻之嶧山復受尚書於王講業州城資  
給備至嶧山魏科蚤奮本翁訓誨力也癸丑秋

慎修堂集

卷六

二

嶧山授令富平迎翁就養官舍翁每諭之曰汝  
荷國寵靈作民父母曷以子視民乎毋淫刑  
以戕其命毋濫用以傷其心嶧山祇奉訓言故  
清靜寬仁終始不易乙卯冬翁以入覲有典常  
先期戒家人歸迺朝議謂關陝邇胡留守令勿  
往歲暮地大震官舍傾頽罹禍者莫可計而翁  
獨先期行若或相之云丁巳夏嶧山以忤部使  
者意被言歸翁欣然曰吾不欲汝以祿養父  
矣為下民而獲咎於上官又何尤焉乃構精舍

俾嶧山羣鄉士之彥者日論文考德於中躬率  
僮僕治田畝供賦稅優游養和終歲不入城郭  
州守高其行延為鄉飲賓一往不復至萬曆改  
元翁壽八袞矣署州太原二守王君奉詔榮  
翁為壽官扁于門曰恩旌耄德州守李君復表  
其門曰明時義士蓋翁失配十餘年矣蕭然獨  
處僮婢一不至其室二題君子謂稱情焉居鄉  
閭以正直聞人多諒其悃幅凡有紛難率就之  
平親鄰有婚喪不能舉者必為周給負貸者至

慎修堂集

卷八

三

不責其償州里德之年逾八袞視明聽聰健步  
善飯尚能作細書人望之若仙然萬曆丁丑冬  
至日蓮疾乃命嶧山祀家廟蓋歲時祭享必躬  
親不他屬也病革呼嶧山曰汝年已逾艾吾無  
可虞惟訓迪後人毋蹈非義耳言畢而逝十一  
月十二日也生弘治癸丑七月十四日得壽八  
十有五配馮氏有淑德先翁卒子一即嶧山名  
桐娶毛氏即長史孫女繼靳氏處士王女女三  
長適同里侯征次即王魏今交城王府教授季



適三林南里閻璠孫男三熿州庠生娶陶氏少  
保恭介公曾孫庠生治女耀聘張氏獻縣主簿  
東康子太學生永泰女俱新出煥尚幼側室張  
出孫女一適州廩生王庄王之屏毛出曾孫男  
二坊坪俱熿出夫翁質直篤行三世罔渝是宜  
遐壽康寧門閥光大孫子逢吉而蕃衍若此也  
嶧山下戊寅二月十五日安葬于郭西先塋與  
馮孺人合焉乃為之銘曰 幽居恬泊兮嘉遯  
徜徉貴不于躬兮今聞用章佑啟後人兮如珪

慎修堂集

卷六

四

如璋求我庶士兮情孔良踰耄望九兮而色而  
康作德食報兮福履允臧汾水東馳兮松栢蒼  
蒼千萬斯年兮尚式隱君子之藏

九品散官乾渠盧公暨配孺人衛氏楊氏

遷葬墓誌銘

乾渠盧公既葬十禩餘矣其子向明今年秋得  
吉壤卜期奉遷乃敘狀而徵銘於予予前室  
勅贈孺人為公從女弟習聞公懿行銘異可辭  
公諱應瑞字慶甫號乾渠世為太平西侯右族

勝國時有諱仲寬者行誼著邑中生子二次曰  
管卿管卿子四季仕昇仕昇子二長恭義樂善  
循理蔬素終身鄉以善士稱子四季致淳朴無  
華讓父產於諸兄力穡居積晚益饒裕乃輸粟  
授義民爵子一諱登號西麓公考也蚤游邑費  
入國學講藝締交多海內名雋豪爽伉直不能  
為阿態軟言尊禮賢士夫問遺恒溢所願待族  
姻尤有恩振饑周困好行其德終無倦容郡以  
義表于門邑推賢列于傳君子以為當云公西

慎修堂集

卷六

五

麓翁仲子幼即識鑒敏達年十五西麓翁委以  
家務經理區畫無不當父心者西麓翁好招延  
名勝至輒投轄為懽公周旋左右肆筵設几食  
飲豐甘卜夜留懽立侍稱恪賓朋稱賞忻忻如  
也子早歲往來甥館竊識公宴息率丙夜甫昧  
爽則公履聲周歷庭除飭汛掃起傭賃趨田作  
矣西麓翁義問既高遂為忌者中以奇禍公罄  
橐中資經營司事者誣竟以白母闖孺人違危  
疾厭湯藥公長跪床下頓首請必盡啜乃與伯

兄亦太學生嘗為炮火延藝疾幾殆公奔走求醫至廢寢食復躬禱太和山得奇方乃愈嘉靖戊申西麓公卒公哀慟不欲生明年伯兄亦卒喪葬諸勞心計力殫罔或不虔撫幼姪與已子無少殊時時泣諭之曰汝吾宗冢孫也守先世之成紹汝祖之烈尚克念哉姪為感奮游邑庠上辟雍若公訓云公省約自居厭綺靡之習嘗受九品告身冠服不一御與鄉人居恂恂溫謹退然若不勝衣自結髮至斑白惡聲未或至舉

慎修堂集

卷六

六

向明也晚不以愛緩教延名師盛禮遇復躬勤督課篝燈共室業不精不寐也向明刺厲自樹博雅有雋聲高舉可埃惜公未及見耳公生以正德丙寅十月九日卒以嘉靖辛酉五月二日得年五十有六配衛氏北牀處士表女端凝誠恪拮据佐公振其家年甫踰壯即力贊公納副室楊氏是生向明孺人撫之忘為楊出子依依瞻戀亦忘非孺人出也楊為故城處士教宗女精女紅勤中饋事長君婉婉順從退讓自牧終

身無間言里鄰兩賢之生子一即向明娶襄陵衛氏繼臨汾張氏再繼襄陵邢氏女二一蚤卒一適襄陵邢一枝孫男三肇傳聘故城醫官鄧應奎女張出次先傳我傳孫女一俱幼皆邢出衛孺人生以正德戊辰四月十二日卒于隆慶丁卯五月二十七日得壽六十歲楊孺人卒則嘉靖甲子四月十五日距生正德庚辰十一月二十日年四十有五公初未病時日行營壽藏竟未有獲既而及二孺人先後卒則各以卒之

慎修堂集

卷六

七

年十二月葬于先塋之右塋邇澗河迺澗日南蝕向明虞為水所齧而堪輿家時亦為言萬曆丙子冬十月向明夢公偕弟起甫並立若平生呼而語之曰棺蓋敝為吾易覺而心動質明起甫無疾而終迺子向極購佳城葬焉向明每念公有治命及感茲夢境愈皇皇求善地得于太平莊之原迺以己卯十一月十四日奉公及二孺人柩改葬焉銘曰原之土厚而豐兮有魏者丘維公遷之宮兮崇山西來聳龍從兮澗溪

縈迴氣鬱葱兮同室好合穴爾攸同兮作求世  
德食報于其躬兮發祥流先行貫星虹兮式穀  
綿綿允曰芝蘭之叢兮

聽選官雲泉田公墓誌銘

公諱禹伯字汝林姓田氏雲泉其別號公外舅  
也吾晉之臨汾人曾大父濟大父興世有令德  
父倉嘗輸粟塞垣授代藩典膳以絕篤著於鄉  
鄉之人稱曰河山公配張氏公季子也初河山  
翁昆弟者五胥奮志於賈懷資各出西踰秦隴

慎修堂集

卷六

八

北歷燕雲浮淮海而南久乃同即次維揚以鹽  
賈賈業日益昌公獨居里中持門戶奉慈親恒  
得懽心事二兄無違禮出而敦族交鄰融融如  
也河山翁既倦游歸喜賓客公延致共談笑日  
羞酒食時召歌舞為娛翁嘗病嗽湯藥必躬調  
迺進時值怒或詬詈亦安然受之依依不忍違  
初河山翁命公兄弟析產居公悉心舉廢不數  
年愈拓以饒既乃慨然曰財所以足用也用足  
已矣胡終歲馳驅去井邑遠父母耶遂悉以貲

界里中人代化居於鴈門約均入其子息其人  
恣費匿不數年所界蕩然復冒侵官帑稱貸私  
室踰數千金率假名於公司事者以公主名責  
之償唯唯不復辨產既罄數尚未盈旁視率忿  
懣不能堪令白諸官輒曰吾命也吾命也安之  
耳天植誠朴絕無機械心復不習機械事與人  
交敦信不欺亦不虞人欺已既中其欺亦不計  
不悔也皆人所難者精九章之術退然不自銜  
叩之隨應如指諸掌少時補藩省從事未幾厭

慎修堂集

卷六

九

其勞乃循例實邊得需次天曹及生計消落銓  
期已踰所親勸之仕則曰稗官散秩奚能益於  
時吾豈干升斗祿僕僕為人役耶家徒壁立日  
油油然無愠容杜門靜處若習養生家言者予  
意期頤可卜也迺隆慶初元七月十二日以寒  
疾卒距生私治壬戌三月十日壽六十六云元  
配劉氏生子一洵儀賓配西河鎮國中尉知焯  
女雀山鄉君女一適公往奏史官績蒙 恩封  
孺人繼宋氏生子一溶習舉子業配楊氏世爵

女女三一適鄭汝敷一適庠生高汝質一適賈從禎再繼萬氏生子一瀾聘盧氏指揮岐鳳女女二一許張思誠一幼孫男二可稼聘張氏洵出可稔溶出女一尚幼洵等卜是歲九月十六日葬公于辛莊之原從河山翁兆也乃涕泣以狀而屬銘於△△奚忍銘公哉然義不能已也乃杖淚為之銘曰 悅於親惟孝之純宜於人惟德之醇蹶而弗爭惟心之仁克葆其真是曰懷葛之民嘉遁弗耀胡值之厄厥祥爰發祚胤

慎修堂集

卷六

十一

之蕃勒銘玄室千萬世以永存

迪功郎直隸平山縣二尹素軒狄公墓誌

銘

素軒狄公者晉之臨汾人也諱錦字尚綱卒以嘉靖乙丑四月二十日公子用夏用賓以是年十一月九日葬公于七里村從先塋焉前事之月二子杖而乘門持狀請予銘予曰公行應銘法予又夙知公奚其辭往予家食時公命用賓來受易復時時過予竊識視公進止有常度無

忿色無誕詞與之考究文義上下古今間及民生疾苦便利率探索深淵洞極底裏而政疵民瘼尤舉置灼然每私念公才美若肩巨任其所樹立必能昭焯人耳目也歲甲辰公就選銓曹僅授平山丞司牧政邑民力素瘠圍戶困尤甚公掃苛細絕苞苴平政寬廉與之休息遂得士庶心時北虜猖獗巖邑城久頽習不為備公署篆乃崇城浚隍除戎簡卒以為備人或迂視之無何虜果深入畿甸震驚而平邑獨無擾令某

慎修堂集

卷六

十一

者以嚴明自炫民日麗于法公婉辭導諭令輒為霽顏每曰吾不值于公幾不免于戾矣用是邑民愈益愛戴公問卿及丞皆署上考部使者屢移檄旌之然公以勞苦無少休乃嘆曰夫仕以為人孰若退而自適吾又安能規規於五斗圖耶即日解冠裳跨馬歸同事及士民固挽之莫能得邑人迄今有遺思焉公幼即穎慧絕人年十四入郡庠為弟子員十八試于督學石公奇其文得廩食復從苑洛韓公遊文業日益邃

題七試于鄉無所遇嘉靖辛卯 詔天下貢士  
各遵文行茂異者充之惟其人不惟其資蓋復  
國初貢舉並用之制特選之也所司校諸生  
無踰公者遂首薦焉需次十年餘持衡者執泥  
資途竟俾以丞終生平所負持未能大措諸行  
也謂之何哉曾大父順大父榮父進皆隱德不  
仕公獨以儒業起家弱冠時父旅卒維揚公聞  
訃悲慟幾絕乃馳詣東南水浮陸走迤邐于家  
事母氏姚定省有恒出入必告侍甘旨問湯藥  
慎修堂集 卷六 十三

輒先意順欲以得懽心終其身未或怠也春秋  
既高每談及先人舊事即涕下沾襟嘗語二子  
曰汝大父僅育子子然自立拮据俯仰多矣吾  
幸有汝二人伯宜持門戶理家政仲宜嗣文學  
振家聲成務底于成毋廢半途可也復每戒之  
曰毋逆親毋忽長毋崇侈靡以殄天物毋懷忮  
刻以毒齊民天鑒非遙吾居常警惕恐類應不  
誣也二子祇承公訓今各以善聞謂非有父有  
子耶儉素自甘耻為華靡謙恭沉嘿退然若不

勝水醇篤忠信之譽親疎無間言鄉鄰有疑者  
多就之謀有爭辨者多就之決公剖析啟發不  
數語即犁然當於人心自束髮至白首所與從  
事者雖賢不肖不同卒莫與公有怨嫌也嘗有  
以古陶器鬻者留而議其直數日不再至公曰  
吾閱其情殊迫切胡踰期耶乃使人號于市值  
器主曰頃以輸租困俾其代吾鬻其暴卒矣方  
求吾器未獲也公厚其值界之其他周人於急  
濟人以資間值負者亦不屑屑計焉歸自平山  
慎修堂集 卷六 十三

即以家付子優游閭里者二十年得壽七十七  
生以私治己酉正月二日云配楊氏先公八年  
卒生子二長即用夏娶陶氏次即用賓舉壬子  
省闈高等娶李氏繼宋氏女一適宋國卿戊午  
舉省科孫男三文光娶楊氏繼沈氏文耀娶劉  
氏文采聘王氏女二一許儒生周繼業皆用夏  
出一適儒生張九德用賓出曾孫男一歸明文  
光出夫身既康強而壽子孫復衆盛而賢公其  
奚憾哉為之銘曰 古先詔爵論秀命鄉敦本

考實德進言揚科名歸重爰自隋唐操觚競巧  
本實未遑猗歟 昭代損益百王科貢薦舉昭  
示周行習沿時異乃戾典常 聖皇御極光復  
舊章狄公蘊德顯顯叩叩譽隆州黨業擅膠庠  
成均升進天宇翱翔論官銓氏 德意莫將罔  
仍常調佐邑冀方圉人不擾允矣循良詰兵捍  
患偉績曷忘委身遂志矣必巖廊潔已勇退丘  
壑徜徉踰七望八而壽而康有撫孫子如珪如  
璋考祥孔備視履允臧高丘突兀良璞之藏勒  
慎修堂集 卷六 十四

銘貞石千祀之芳

典膳孝菴荀公孺人寇氏合葬墓誌銘

余少時則聞里中有荀公者以字行人稱為長  
者無間言邂逅值之逖然篤厚君子也居無何  
以寒疾卒鄉人莫不咨嗟痛惜傷善士歿云公  
諱文質字彬之號孝菴曾祖矩祖俊父達世為  
臨汾著姓母張氏公少失父即總家政相時低  
昂修業而息之雅善擇人其人不可與財通逸  
避無所及值誠謹而善賈者輒畀以重貲聽其

出入不規規稽所為且薄嗜慾節服食與共事  
者同苦樂故能得人之力而舊業益充在母側  
愉色卑躬承意不少忤出而親禮賢士如恐不  
及遜宗鄰鄉鄰恂恂和順惟恐傷其意間有橫  
逆侵亦對之微笑而已故人終不忍侮焉卒以  
嘉靖甲午閏二月二十四日生則弘治壬戌四  
月七日得年三十三耳配寇氏邑處士讓女也  
方荀公及時孺人年甫踰三十姑老在床蓐諸  
孤滿前長者方志學餘尚孩幼也孺人上奉病  
慎修堂集 卷六 十五

慎修堂集 卷六

十五

姑曲為順適下撫諸子俾長者力于學次季則  
孳孳為門戶計不令習于嬉至於肅聞闕理經  
費給更徭種種中于度人視之不知荀公已也  
心殫於慮身職其勞者數十年若一日然晚歲  
二子頽白日不離左右諸孫競奮一已舉于鄉  
乃怡然曰吾庶幾可藉手以報夫君矣迺隆慶  
辛未十月十四日以疾卒距生弘治甲子二月  
二十一日得壽六十八子男三景哲國學生娶  
程氏繼張氏再繼張氏景韶配陽曲臨水鄉君

為儀賓景祐先卒娶宋氏女三長適陽曲奉國  
將軍表檀次適西河鎮國中尉知載次適生員  
劉守正孫男八建中生員娶張氏用中生員娶  
趙氏秉中幼哲出執中生員娶李氏繼李氏時  
中庚午舉人娶高氏允中娶宋氏協中娶阮氏  
韶出應中娶張氏祐出孫女六一適陽曲鎮國  
中尉知悛一許允致中哲出一適生員段成文  
一許于桂馥一幼韶出一適國學生郝世偉祐  
出曾孫男六一龍聘姚氏執中出雲龍乘龍用

慎修堂集

卷十八

十六

中出孟龍聘張氏從龍兆龍時中出曾孫女三  
一建中出一許段彩執中出一用中出皆幼景  
哲等卜以壬申正月四日合葬公孺人於賈莊  
祖塋之次葬有期哲帥弟及子若姪介鄉進士  
方齋王君徵銘於余余交國學久時中又年家  
之彥也義不可辭迺按王君狀而銘曰 義融  
贊羸壽矣吳傳富知禮節夙昔所先允美荀公  
通國稱賢年雖未售澤則世延婉婉淑媛矢志  
未亡式穀爾嗣俾熾俾昌濟濟孫子玉樹金英

亦既觀厥成亦既駿厥聲需時藏器可翼可憑  
是惟作善者之食報世篤其承

將仕佐郎鴻臚寺序班質菴宋公墓誌銘  
嘉靖丙寅秋九月三日鴻臚序班質菴宋公卒  
于家既閱月其從弟大學君國風督從子源等  
將以是年冬十一月四日葬公于郭村祖塋之  
次與李孺人合焉迺手所次事狀過予以銘徵  
予辱公知近三紀矣仲子禧公家館甥也義何  
能辭銘哉公諱國文朝用其字質菴其號也宋

慎修堂集

卷十八

十七

世為予邑著姓曾祖通祖宜父得仁皆隱於農  
賈戮力治生家日以昌母張氏公幼而穎敏稍  
長明達邁倫類作字有楷法可觀既為弟子員  
遊國學考論古今禮樂典章見聞日益進每曰  
丈夫當有事四方豈可齷齪守一丘耶於是南  
浮淮海東涉齊魯北歷趙魏之郊所至必與賢  
士大夫遊遇佳山水探討幽奇徜徉終日忘歸  
焉退則修家人產業令門客用卜河南之術以  
豐其財貲遂甲里中然以素風自樂淡于榮味

絕無豪汰習至義所當為奮往不疑族黨姻舊  
有困乏莫能自振者即出巨貲俾之轉輸貿易  
以培植之然乾沒負公者比比旁視至不能夷  
而公不與校亦不以是少自沮親疎遠近以緩  
急告者惟其所須無不立應未嘗以他為辭券  
契盈筭篋未嘗以責償為務或者至謂為迂而  
公弗顧也生平慈祥樂易與羣從弟姪數十人  
居怡怡愉愉終身無忿疾容色出則禮長和衆  
隨貴賤無一失懽者雖橫逆或加竟恬不為意

慎修堂集

卷六

一八

乙丑夏謁選入都亭既而幡然曰往吾少壯時  
欲沾一命以自見今已迫遲暮又安能僕僕為  
人役耶以情白銓曹銓曹上聞詔授今職  
以歸有其榮而無其勞君子以為高焉歸與諸  
耆舊結社優游甚樂也迺以末疾遽不起距生  
私治壬戌十二月初二日壽六十五耳元配李  
氏處士惟德女端肅明整裨內寔多先公七年  
卒貳室張氏雒氏子男三新聘盧氏偃師尹學  
詔女媳聘亢氏長清少尹得霖女沭聘李氏儀

賓先孝女女一適陽曲鎮國中尉知烟孫女一  
適西河鎮國中尉知烽惟公和厚而有容大積  
而能散憂人之憂拯人之困庶幾古義士所為  
者是宜享遐齡而介景福也迺壽未稱德且子  
尚幼也悲夫為之銘曰 大道既遠民習競私  
一膜之外秦越乖離猗歎質菴古誼自持罔驕  
罔膏樂予好施仁聲卓行所思匪夷金閨初試  
勇退為儀壽雖少歎名則昭垂式求古道尚考  
于斯

慎修堂集

卷六

十九

伯考七品散官玉溪府君合葬墓誌銘  
府君諱逢滯字天福姓亢氏玉溪其別號也河  
東臨汾人曾祖諱貴祖諱通代有隱德父諱昇  
以貢入國學授靈壽主簿董薪廠于易州規畫  
綜覈卓出時儕大司空以為難薦於銓曹曰才  
堪大受抑在下僚宜艱重厥肩以章丕績乃稍  
遷兗州府知事俾總一郡薪政焉居無何以內  
報歸服闋不復出宴息丘樊踰二十年以壽終  
配魏氏生子四府君長次則先編修公也府君



早端確承庭訓喜誦書通諸史業精熟事父母  
以孝稱弱冠值諸叔飛輓實邊慨然請從遂受  
齏符賈淮海謹飭自樹兢兢恐弗當諸叔心終  
日戶闕無輕出一錢尺帛取予必與家衆同之  
不侵為已私真率悃悃略無游詞飾態諸叔交  
予其賢貽書為先祖慶焉然剛直少容見有作  
偽者則顰蹙曰彼胡為耶人有過正色面言無  
所諱言已即不復記存人知其無他亦不之憾  
中歲家指衆多生事消落乃稍近醇醪以釋胸

慎修堂集

卷六

二十

中魂磊酒酣慷慨悲歌輒舉前史興替乘除之  
迹以自廣纒纒無少遺聽者為之灑然撫育公  
輩恩義懇切又時時面命之曰吾先世以淳厚  
朴素承於家絕無浮靡偽飾予耳目所覩記則  
曾祖壽近百年予祖及父率踰七望八是豈易  
易致哉予日孜孜懼弗克紹前休若等其毋遂  
時態而忘先烈也噫有味哉府君之言乎嘗輸  
粟邊庭得授七品散官之配孔氏處士瓚女  
宣聖裔也抑畏温恭出自天植勞瘁拮据相摩

厥基嗣後見府君念家之瘠也愈勵勤約彌塞  
隙漏俾無內顧憂故如賓之敬終身不衰乃嘉  
靖丁巳八月初九日先卒距生成化丁未十二  
月十九日得年七十一子一諱濯嘉靖戊午夏  
卒娶張氏儀賓琮女生女一適今山東徐憲副  
節蒙 恩封宜人繼亦張氏廩生文玉女生女  
四一適聽選官吳宰一適郡庠生高揚暉一適  
宋時儒一適王廷極竟無子伯兄之歿也府君  
悲悼殊甚既而曰命也夫吾其安之耳時公方

慎修堂集

卷六

三十一

視學中州馳書言狀公哀痛不能讀及公歸自  
西川府君懼迎於間曰汝至矣吾今後奚憂公  
竊識視之步履健捷飲食如少壯時日惟怡然  
靜處不聞嗟嘆聲且不以死為諱曩公夙為備  
終具聞之欣欣然私念明達靜適若斯期頤必  
可踰也迺隆慶己巳秋患目昏然無他苦辛未  
冬忽脾泄不可藥至壬申正月五日終生成化  
辛丑十月初九日壽九十二先二日呼侍者曰  
再越日吾歸矣及期果然惟府君誠篤質直機

械伎害性所未有天錫穹齒壽考今終福善不  
爽矣而伯兄淳謹孝友直諒坦夷未三十即蔬  
素誦經漸親永命乃生子不育先府君而逝年  
五十二耳謂之何哉往伯母卒葬孟莊祖塋之  
次卜茲二月十日啟窆奉府君合焉泣而為之  
銘曰 世降偽滋靡靡致飾孰為障之府君是  
力纖妄不存光明正直善匪近名行求我得豐  
約屢遷無陂無側大耄康寧天祐罔忒偕老有  
家刑于維則鬱鬱幽宮全歸同即於惟府君允

慎修堂集

卷六

三

矣潛德勒銘考祥後昆其式

勅封太孺人先母合葬墓誌銘

太孺人姓鄭氏考諱世威福之閩邑人世隱農  
田正德中先考編修府君自臨汾遊於閩適前  
母賀孺人卒乃配太孺人賀孺人者江西按察  
副使東園公女也先君棄代子公甫十齡家事  
漸凋落太孺人艱貞自誓拮据以力於衣食擇  
良師遣子從之遊每曰汝父未亡之數月酒酣  
輒慷慨悲歌憤不自勝曰吾以家累而罷學未

始一日釋於懷也汝其督兒于成俾以畢吾志  
乎始深訝其言孰知其為訣辭哉汝其識之公  
旦暮或少懈即涕泣不食曰小子而忘汝父之  
言耶日諭月省冀承考意閱十年公幸舉于鄉  
又十年餘始成制科入史館迎養都邸得日食  
大官時諭公曰汝家故貧賤吾處之素矣毋慕  
紛華而忘勤約也壬子秋公奏三載績蒙  
天子推恩贈先君翰林院編修文林郎母得  
封如今號公奉 制書歸母涕泣盈襟曰汝父

慎修堂集

卷六

三

積行累功未食其報 皇恩有赫汝父之貽也  
其毋忘所自哉公祇製翟冠錦服以為壽太孺  
人一再御即函之歲時慶會服飾如故時公屢  
以命服言則曰翟錦輝煌吾非不知華頰服之  
得毋近炫乎且汝父安在吾忍獨享其榮耶丙  
辰夏公視學入梁每出試諸生太孺人必誠曰  
諸士黜陟繫汝茲行夫陟者榮一鄉黜則一鄉  
棄之矣陟固宜慎黜其可易耶甲子夏公以夙  
釁構讒歸自西川方懼無辭以白也太孺人言

笑自若曰汝疎慵迂執不曲適人情不求知當世吾嘗虞汝賈禍深也賴天子聖明得放歸田里幸莫大矣他又奚念哉公竊識視太孺人神完氣定耳目聰明步履康強食飲如壯者方自慶得娛侍於期頤也乃丙寅正月十日漏下十刻矣周行視孫曾依依不欲寢既入臥內命侍者治櫛沐櫛畢苦頭眩頃即口眼閉喉中時忽忽作聲諸醫環視百方無所濟蒼黃叫呼遽罹大罰蒼天蒼天有如是耶病之第六日也嗚

慎修堂集

卷六

十四

呼痛哉太孺人敦樸純誠解書知大義生平不能為一誑辭絕口不談人得失一畝之室竟日不聞笑語聲與妯娌居厚讓無所爭油油然不隨不激終身無或怨嫌周睦姻鄰禮愛有恒雖人涉微弱未嘗有怠容撫賀孺人所遺子思中備極恩義命公為翰粟得七品散官云年雖漸高值歲時享祀籩豆必躬修語諸婦曰吾不逮事舅姑惟此用誠耳賓至必自理庖饌諸婦或踈踏不自安則曰此主母責也豈以老而怠耶

御家衆尤軫念其寒饑一或未食箸不忍下膳婢有所適者或以不足言即簪珥衣物無所吝故卒之日自族姻以至戚獲哭往往過哀問之皆曰太孺人於我有德而各有述焉夫太孺人於吾宗躬勤履約振世保孤其德備矣顧養不肖待痛何如哉痛何如哉語曰種木成林未息其陰天乎神乎其忍是乎太孺人生私治戊午八月三日壽止六十有九悲夫思中娶劉氏繼

慎修堂集

卷六

十五

孫男六長孟禎幼失母太孺人育成之為諸生有俊聲癸亥秋以寒疾卒太孺人悲慟幾不能生禎娶王氏引禮志繩女次孟禧邑學生娶宋氏舉人國卿女孟祺娶郝氏指揮尚賢女孟祺聘張氏國學生崙女孟禴聘楊氏進士沐女也一尚幼聘李氏女八一適胡從唐一適刁桂一適邑學生劉應春一許聘李喬蕃國學生光淳子餘許聘崔巍趙希儒張一正一幼曾孫男一以恒女一早夭葬以卒之年三月二十九日啟

先君之窶合馬從卜期也時日既迫公泣血而志之顧悲痛無文不能彷彿先德若溢美以厚誣則非所敢也銘曰於惟我祖始卜孟莊川原隰膺風氣允臧先公茲從歲月遂長吁嗟太君胡遠祔藏太君天錫柔嘉維則苦節立孤先公齊德發祥肇祉燕翼后昆帝原所自綸綍草恩媿子迂庸未能建立苟曰才賢何慶不集有鬱佳城體魄寧止揭石書銘用告來祀

長男邑學生亢懋符墓誌銘

慎修堂集

卷六

三

嗚呼禎兒何以遽至是耶往歲其母盧孺人亡予嘗銘之矣嗚呼痛心今又何忍銘吾禎耶初嘉靖乙未秋盧孺人未歸閤三歲再孕不育已亥生子章未幾殂于痘予母太孺人深念之庚子秋予晝寢齋中感奇夢頃之兒生七月二十八日也乃名曰孟禎太孺人以得之艱也朝夕拊視惟恐其或痛疴惟恐其或失墜壬寅秋盧孺人卒癸卯田孺人來繼其所以撫愛禎者周悉備至禎依依係戀自幼迄終若不知其非所

出也五歲即喜作字予口授以古詩六歲授以論孟不數過輒成誦丁未予舉進士取至都亭躬督課之壬子夏為舉業文即時有奇語癸丑春延鄒生一麟授以易鄒拜官延何生炯林生庭彬繼之丙辰春予出視梁學過里舍禎生十有七年矣迺為納婦王氏明年學憲紀山曹公錄為邑庠弟子員戊午曹公再試益奇之真優等食廩祿秋試下第歸大梁痛憤不自持予時時慰止乃愈奮于學所造日益邃庚申試于

慎修堂集

卷六

三

學憲仲石宋公侍御容堂具公二公特稱賞皆以其文冠諸生吳公仍拔置河東書院躬親指授至刻其文示式焉辛酉秋試再不第痛憤甚眠食為損予時長憲關中貽書諭之意乃解壬戌春女淑生其夏郡守九川江公課諸生仍以禎文為冠夏末從入東藩予簡齊士之秀者與為會率五日一課文禎復以其間取題之未課者自為文經書皆成帙仍讀書執業不廢蚤夜癸亥仲夏子以恒生生之次日予遷左使莅西

川孟秋携之抵里中踰月偶感寒臥病五六日  
 溘然長逝八月二十二日也僅二十四歲耳嗚  
 呼痛哉禎生質甚穎八歲時得予同年字號錄  
 玩閱不旬日凡姓名邑號漫叩之無一謬者通  
 史業精事必究其始末不為涉獵計為文會理  
 措詞纖息備具連累統貫指趣沛然事太孺人  
 及予及田孺人孝敬曲盡下氣婉容未嘗少忤  
 撫愛諸弟怡怡愉愉真如手足然出而禮長和  
 衆察言觀色油油然惟恐傷之試雖屢優務自  
 慎修堂集 卷六 壬九

多疾十四時病眩藥之吐痰升餘自是體漸豐  
 家人以為慶然相者每曰豐厚宜遲星者則曰  
 日干宜盛子聞深惡之以為妄且意禎孝友之  
 行足以履祥寧靜之質足以致遠仁慈抑畏誠  
 恪寬和皆永年器度也詎意其短折若此竟中  
 小數之言哉子生方四月女方再歲日呱呱而  
 啼予奚能為懷耶仲子孟禧等卜茲九月二十  
 七日葬禎于孟庄祖塋之次泣以銘請予噫子  
 奚忍銘吾禎耶痛楚薰心言無倫次蓋不啻一  
 慎修堂集 卷六 壬九

字一淚已矣銘曰 吁嗟昊天成之胡艱摧之  
 胡亟賦之質胡奇昇之年胡嗇豈遵值之偶然  
 抑至理之難測嗟嗟爾禎爾學淵邃爾行溫淳  
 懿善克備未食報于爾身惟天福善尚俾于爾  
 後之人

慎修堂集卷之十八

慎修堂集卷之十九

河汾亢思謙子孟著

傳

初贈兵部郎中北原劉公傳

劉公諱朝用字汝賢北原者學士大夫即所居稱之也世為關內高陵人姓著邑中高祖義曾祖能皆有隱操祖昇仕河南汜池遞運使父鐘以厚德聞公甫成童汜池公携之官俾從里塾師授四子諸篇不數過即成誦識大意一時學

慎修堂集

卷元

者未能或先也稍長博涉經史傳集旁及稗虞伎術百家之言靡不綜述迺父母春秋高晨夕為就養圖遂棄去服勞隴畝樹藝甚時不少遐逸獲入恒有秋父母訢訢如也父疾躬親藥膳承侍致養不出閭里及終痛辯悲號目因以病事母仍以孝稱行役咸陽聞母病中夜馳歸足重繭不覺也母久未平屢祈玄嶽延誦科儀願以身代母疾竟瘳及壽終哀毀如喪父時目遂失明叔子世昌垂髫即俊穎超恒日能誦記數

千言公口授書傳故迪有方及就外傳每夜歸

靜對耳提督課無倦叔子讀易至積善成名則

曰汝不積善欲成名得乎讀史至賈臣傳則曰

賈臣未達欲不負薪得手讀孟子至舜發賦賦

章則曰古人皆自困而亨况末學耶義方規飭

隨觸而見類若此叔子連舉丙辰進士授巴郡

司刑便途省覲以俸易幣獻于公公峻拒之曰

汝以是為足華吾躬耶汝能貽吾令名即華踰

文繡矣矧一帶直數金汝始階榮進可遽違素

慎修堂集

卷元

二

履耶迎居官邸日惟杜門危坐不妄接一人恒孜孜語叔子曰黎元之命懸于理官與其深文初法以賈聲華毋寧晦明疎網以惠蒙昧耶叔子遵其訓蜀人戴焉公尋卒于巴年六十二配安人李氏有賢行初佐公持內政拮据惕厲家用以充公居父母喪族姻欲公稍從俗尚安人曰孝宜循禮舉必隨家延縉黃侈觀美堂所以為訓耶劉公曰是固吾夙心也黜華崇質據禮致情里閭迄今以為則安人從叔子居太原每

聞刑人聲輒愀然而忘而父之語耶叔子祥  
刑績最 天子徵為兵科給事中懷誠奮往條  
刺屢陳衆咸為之危安人曰茲而職宜然毋庸  
他恤也及下 詔獄竄炎荒叔子以侍養違遠  
悲慕不敢言安人怡然曰而父期而以令名茲  
殆庶幾乎行矣勉之母以我為念而父之期未  
止此也里有惡少使酒恣橫于門僮僕欲為應  
安人捷關不聽出明日召至從容詰其由惡少  
愧悟易行焉嘗捐金恤宗人之困推食周鄰婦

慎修堂集

卷九

三

之饑蓋得於劉公之化者尚多也叔子謫二年  
再遷留都司馬郎值 天子覃恩劉公得贈如  
子官母封太安人尋晉守青州迎安人就祿卒  
于青年七十五子五人世榮世華次即叔子青  
州也李世遠世寧孫四人叔子甫免喪銓知特  
薦起補平陽廉潔光明忠誠敏達真古循良復  
見矣君子以為有所本云 贊曰成周以鄉三  
物賓賢能而六行之孝先焉漢策賢良文學士  
矣而孝弟力田之科特崇其秩故周漢才俊之

盛萬世稱之者不衰近代得人必歸科目外無  
他岐敦行務本之士惟魯少文不自表見率沉  
淪草野焉終謂非求之未盡其方耶若劉公者  
竭力耕田親心怡順終身悲慕遂以喪明雖周  
漢所舉奚以加焉使得有所試則其風猷鼓動  
必有踔絕乎時者顧隱處不仕教僅行于家化  
僅及于里君子不能無惜焉然公有子登制舉  
值 盛時司刑而明慎不寃司諫而直聲震溢  
剖符齊晉而政平訟理民愛戴若神君焉謂非  
慎修堂集

卷九

四

公之教耶行且秉樞筦鑰明德善施矣公之教  
不由茲大顯哉噫公足以慰矣

劉節婦傳

節婦姓王氏汝南上蔡人父某歲貢入國學未  
仕卒母周氏某省憲副改菴先生汝勤女兒也  
周夫人聰哲絕人通經史大義動靜有則節婦  
少漸禮訓閑於矩儀年十九適邑人廩士劉君  
守志二姓皆衣纓舊族劉君敦朴力田刺厲自  
樹迺嬰疾甚恐不起時子汝觀生甫五齡撫之

謂節婦曰天數倏遭不能視幼子成立矣而育而訓寔惟汝勞顧俯仰無資汝其若之何節婦曰吾惟填溝壑以從君耳他尚奚恤哉劉君曰是豈吾所期忍令孤嗣無依耶節婦兩泣不能言夫卒整跣號痛心不圖存常為身殉計周夫人與同臥起跬步不違時時指幼子諭之曰劉氏如綫之緒惟在此兒汝族鮮莽功家無奴姊吾齒髮非壯恩勤顧復將疇焉依詎忍忘若夫垂盡之言不為宗祀計耶言至再三節婦乃幡

慎修堂集

卷九

五

然悟曰誠然哉微吾則兒將罔克資以生與其從夫君之歿毋寧植夫君之遺乎於是忍情飲泣斷髮毀容與母氏相依以居鍵閑靜處防遠嫌疑雖至親不踰閫見也日理絲絮為布帛間治女紅易菽麥以資養生艱貞孤苦人視之不能堪而節婦安之子成童即檢先世遺書俾從名師學暮歸必稽晝所業章程既即燃膏令誦習身績維以臨之汝觀未弱冠藝殖茂異砥行履方嘉靖戊午余校士莅汝南得一卷燁然有

輝心甚奇之遂錄冠諸生比啟封則汝觀也時令長博士交陳節婦孤貞善教狀余嘉慕高行嘆賞不能已然以年未及制也屬師帥禮異焉歲丙寅節婦踰五十矣父老諸生列其事於學憲達先生先生廼顯異其門檄郡邑為表奏節婦曰未亡人宜然耳何足以聞力辭不願越明年汝觀舉進士試政銓曹念母德不可終隱也遂具疏上於朝天子下禮官禮官下郡國按覈無間言詔錫褒表樹闕衢途皇恩

慎修堂集

卷九

六

蔚赫一邑以為榮節婦曰實非鄙人庶幾所望也已已冬進士授司理太原躬迎節婦就養官邸每語司理曰元元之命繫於主刑詞貴明徵罪宜審慎探情露訊非所以禁邪暴而育羣生也司理議獄致刑周歷并冀忠愛哀敬明啟簡孚法平民服聲實冠一時部使者屢以祥刑嘉績薦上公車與司理遊者咸修詞以賀謂節婦慈訓足徵也節婦歛然曰未亡人奚有哉母亦庶幾克對夫君及吾母之遺訓然耶君子愈賢



之處士歿時節婦年二十九今五十有九司理  
名光國汝觀其字云 贊曰昔趙容議立孤與  
死之難也曰立孤哉太史公曰非死者難也處  
死者難有味哉其言之乎夫計重綱常則軀命  
非所惜義烈憤激視死如歸噫是豈易易言哉  
然斯須勇決即生平之大節卓然矣若夫盛年  
守貞矢志銜恤迺資儲困乏微弱寡親教孑孤  
燈躬拮据拊茶以自存立而能卒保遺孤屹有  
樹建俾宗祀綿於雲仍休先延於邑里非金石

慎修堂集

卷九

七

其心圭璋其質瀕九死而不渝者能底是哉視  
夫慷慨殺身殆未可同日論矣若劉節婦誠其  
人哉身被 寵旌子躋膺仕非天之所以右善  
人耶粵稽往昔賢母隆慈誨之能淑媛亮潔白  
之節各舉其一耳紀錄徽美皆照耀簡書良以  
人所未易能也節婦實無之豈不尤難能哉是  
宜昭布未祀俾為婦為母者象而則焉

墓表

待贈君康生對泉劉公墓表

公諱淮字必東姓劉氏曲沃西許人對泉先生  
者學士因所居稱之也五世祖敬禮為郡庠生  
有俊聲敬禮生亨亨生福福生鑑世以隱德聞  
是為公高祖曾祖祖也考璉邑庠生奮志墳典  
習與時乖授儒官終妣薛氏生子二公其長也  
幼即穎慧聰悟志踔功勤下惟誦讀謝遠紛華  
弱冠入膠序為弟子員嘉靖丙申岱麓王先生  
試公文亟稱賞不容口拔居選首食廩餼復携  
入河汾書院躬指授之嗣是詞藝日新聲華籍

慎修堂集

卷九

八

甚每典學使者校諸生公必列高等迺七試有  
司竟無所遇時人皆為公數奇嘆公曰為之自  
我者非也數何尤修業弗少怠同母弟漢亦為  
邑庠生公啟導懇切蔚有令聞繼母張育子三  
公撫恤周至俾各有所營人不知其母之異也  
用能得張之懽心伯子朴甫解事即躬授章句  
日勤訓誨總非亦補弟子員公謂之曰自余先  
世迄於今講詩書之澤並英俊之遊蓋六七作  
矣門庭承授學藝研精力非不專也而未有能

奮漸鴻之翼章稽古之榮者謂非命也今汝復得預茲遊厚幸矣可弗圖所以自振拔用光顯於前聞乎夫器博者用斯大往勇者造必深蓋志士仁人所為根心而俟後者也小子毋忘哉伯子詞藻議論已卓然不羣而期承公志也益探索往籍至日之蚤暮或忘歲辛酉中式鄉闈人咸為公賀公曰未也士所當為止此耶戊辰伯子舉進士驛書至公欣然曰是迺克成吾未竟之志聞先人世澤之遺矣進士授令壽光便

慎修堂集

卷九

九

道欲奉公就養宦舍公以繼母春秋高弗忍違遂不行語進士曰夫吏之近民莫如今民之情謂視已異耶察施已之願廣及物之施一夫得情千室鳴絃矣肆威以刺下近利以肥家吾深不欲聞有此也進士奉若訓詞顧諟匪懈羔羊素絲之頌洋溢東藩監司表薦異政于朝凡幾上矣辛未春上計還自都再遣力迎公時繼母終大事襄公迺從子志入壽光敕屬門內謹肅無與比暇則溫習舊業若子未第然者進士

君晨夕造寢候安否躬具旨甘侍食飲及暮公必詢晝之立政宜民者若何居無幾命駕欲歸進士跪伏固留公曰自吾之至也汝日屢入而屢吾省將無隳迺公事乎且吾所為悅者在是耶一乃心堅乃節樹偉績揚令名吾雖隔千里悅於面談矣勉之哉進士君隨送再舍揮涕而歸公行歷懷衛踰太行抵澤郡旅舍忽以痰疾卒距家僅三宿耳隆慶辛未九月五日也距生私治乙丑八月五日得壽六十有七然明年即

慎修堂集

卷九

十

正貢而不待悲夫配常氏生子四長即進士君娶王氏繼衛氏次格娶賈氏柄娶楊氏枰娶許氏女四楊得佑李櫛王三聘王三重婿也孫男四養心養性俱先卒繼業繼善尚幼孫女三俱幼公純誠和易篤厚人倫著族譜以聯支屬定鄉約以睦比鄰尊禮師儒慎擇交友故凡與之遊者薰其德而愛慕之櫬歸自途無問識否率悲慟會迎若其所親是可以徵公之素矣哀訃東聞進士君驚惻幾隕旋即號泣西奔下以壬

申十一月十一日葬公于村北之新原先期謀  
伐石樹表迺徒跣踵門手狀徵詞於余余弟思  
禮與進士君同舉于鄉雅知公潛德之美是用  
表其大者焉嗚呼公學求自得而科目竟違貢  
已屆期而須斯弗俟誠命之為矣然有子象賢  
巍科蚤掇廉平豎績臚仕指期食報于後昆謂  
與身親異耶矧 天庥方至 貶贈非遙 綸  
綍褒嘉又真及其身乎 皇恩有赫作德用章  
東西行過是者尚式旃哉

慎修堂集

卷九

十一

行狀

虞士李公孺人郭氏行狀

李公諱鳳良字某世為太原榆次人曾祖景賢  
祖志遠父文玘率隱于農以淳朴稱里中文玘  
娶趙氏生子四季則公父母以幼子特鍾愛公  
孝誠性植復得父母心質直寡言笑躬勤稼穡  
日與老農量晴雨課桑麻經歲不一再入城市  
見胥徒引避不交談足跡不踐吏治所繇賦率  
先輸不俟期會初諸兄子姓既繁父母令分異

公叩頭爭不得乃治田益力數年業大振諸兄  
改服賈于遠公獨與父母居晨夕走堂下上食  
父母忘其異也非客至不肉食一布裘服數年  
如新製治父母喪則整整具備然悉自出已貲  
事諸兄恭遜周至諸兄出則為持門戶歿為撫  
其孤底成立孤亦父事之終身與人交無一妄  
語鄉鄰有爭輒就之平不數語率犁然當其心  
配郭氏相對如賓竟未嘗有反目態子琦生甫  
解事即訓誨省督少有過必詬責改乃已居常

慎修堂集

卷九

十二

無惰容時獨立于庭子姪無敢輕出入者孫敏  
生閱月聞啼聲喜曰大吾門者若耶必早令務  
學以成之又顧琦曰子孫必以學而成然非先  
世累善以基之未有能興者也汝其識焉迺正  
德壬申十一月某日卒距生成化某年月日年  
僅四十 耳郭孺人者邑虞士曇女五歲喪母  
哀毀如成人愛敬繼母不異所生十八歸李公  
即能養舅姑姑每曰吾甚樂與新婦居也家鮮  
僕婢身操井臼暇則事機杼刀尺無停晷如嫗

族姻來省舅姑必具精美饌俾厭飲乃歸李公  
歿獨拮据家室勞苦倍往時每泣語琦曰爾幸  
無忝先人也孫敏成童即令就外傳每雞鳴必  
令起誦讀夜燃燈績紵以臨之敏既長力學忘  
寢食復止之曰毋勞過而疾生也日恒皇皇然  
若不自安及敏薦于鄉乃稍怡逸敏登進士捷  
聞始大喜曰夫君之言今果然矣吾可以見夫  
君於地下矣敏簡讀 中秘歷踐諫垣數使往  
迎每曰努力聖明汝父能吾養也平生食取充

慎修堂集

卷九

十三

口罕茹葷然少不潔寧不食衣無華靡亦未見  
有點汚痕素強健寡疾病嘉靖甲寅八月二十  
四日語家人曰吾逝矣吾逝矣明日端坐而歿  
生以成化己丑閏二月二十八日壽八十六子  
一琦 勅封刑科給事中娶趙氏 封太孺人  
女一適郭堯學孫男二長即敏今刑科都給事  
中配王氏封孺人次聰散官配白氏女二溫思  
明鄭忠壻也曾孫男四之春娶朱之陽娶孫光  
祿丞允中女繼姬保定判輔女皆邑學生之夏

聘張女五一許寇一鶴國學生陔子一許朱光  
祖吏科給事中繪子一許順天寇通判陟子一  
許董國學 子一尚幼封君卜丙辰二月二十  
七日合葬于南岡新阡公與都諫舉進士為同  
年讀秘書為同館相得甚驩獲聞世德詳且久  
也爰次其大立言君子庶採擇焉

西河恭定王妃楊氏行狀

妃姓楊氏西河恭定王配也父節母祁氏楊為  
襄陵世族門舊植雙槐弘治中羣鵲忽巢其上

慎修堂集

卷九

十四

晨夕鳴噪喧呼識者異之時邑人都運邢公方  
為兵部郎夢黃白雲擁女童自天而下于節家  
迺弘治丙辰正月十九日妃誕生邢公適以省  
謁歸里謂節曰君女貴出恒格予夢兆之矣妃  
稍張即以令德稱恭定王初配馬妃卒無子迺  
具疏以選繼請于 朝 制可之時恭定母葉  
太夫人憂未育孫方慎簡求以廣嗣續然未有  
中選者占諸神得利西南語乃于襄求焉妃以  
名家子有譽聞且貴徵種種太夫人深奇之選

乃定遂以封號疏聞 毅皇帝命重臣持節捧冊錫繼妃位父節得封東城兵馬副指揮妣封孺人鵲巢之慶信天定矣其來歸也葉太夫人性嚴重恭定日問寢視膳惕惕恐違親旨妃躬調滌灑俯首側侍視姑顏色為欣戚迺事當太夫人意懼其心恭定以妃能得太夫人之懼也於是舉內政悉屬妃妃又事事當恭定意懼其心嘉靖甲申 晉端王庶恭定純孝錄實舉奏 肅皇帝下璽書褒表世以為榮寔妃相

慎修堂集

卷九

十五

之也今王初生恭定以育嗣艱鍾愛特甚妃曰是非所以成子也甫童年即節以禮導以義端其師保慎其交遊制其出入與居舉有恒度今王又率履而不越悅禮而敦文至于晨昏省候左右躬勞以承恭定及妃之懼者猶恭定及妃之事葉太夫人也嘉靖癸丑今 晉王以王世德作求孝愛誠篤復錄 上其事 肅皇帝再錫龍章命儀曹禮異寵嘉游被于昔有先寔妃訓之也妃少出溫裕長極貴富然日兢兢懼或

侈驕歲時廟享必潔且虔蠶桑織紉必躬且慎待姻鄰睦而有恩御妾侍肅而不過雖詩傳所載古昔賢妃謂視今異耶歲丙寅妃壽七十今王圖所以稱觴上壽之儀心力畢致縉紳學士發為聲詩頌述者盈積几筭至其日妃坐殿上王拜賀於前諸孫曾羅拜於後若金英玉樹者十餘人退而王妃帥諸將軍夫人及諸女孫曾拜跪祝賀其麗相若族姻觀者遠邇聞者罔不嘖嘖稱賞美妃福履之盛王孝思之純焉越明

慎修堂集

卷九

十六

年妃患痿王惶懼涕泣延醫慎藥走祈露禱周於神祇妃忽夢瑤珮仙姬來撫視語諄諄然翼日乃漸瘳隆慶壬申疾再作十二月初九日薨得壽七十六云生子一即今王名表相別號玉峰先娶王氏封夫人早卒繼王氏生員王騰女封王妃孫男五知燧封王長子聘張氏廩生朝政女知饒配劉氏散官學詩女知熊配周氏典寶官女知焯聘高氏生員尚漸女知杰幼孫皆封鎮國將軍配皆封夫人孫女三隆化縣主渠

江縣主武陵縣主儀賓侯炳李薰師鯉壻也皆封亞中大夫曾孫男六饒出者新堽新蓋新塚新墳皆封輔國將軍熊出者二尚幼曾孫女三亮寨郡君適儀賓張邦治碭山郡君許李承恩一幼恭定之薨 勅葬于雙河之原及是如制遣官致祭 勅所司開恭定壙合焉萬曆元年五月十一日也妃初薨今王哀擗悲號見者心惻再閱月縗經手行實踵門屬公狀之公自舉鄉試即被知遇于先王嗣辱 今王道義

慎修堂集

卷九

十七

之雅習聞妃懿行非一朝夕矣媿寡昧不文無能少有發明惟立言君子裁焉

慎修堂集卷之十九

慎修堂集卷之二十

河汾亢思謙子益著

祭文

祭岳武穆王文

昔宋祚式微翠華北狩惟王精忠智勇天授義旅奮揚虜首顛踣恢復指期權邪讒構業廢垂成民嗟遺孑志決身殲賢愚悲咽惟此郟城膚公昔揭勝筭丹衷于今為烈廟貌聿興式懷報德祇潔尊牢英靈來即

慎修堂集

卷三

一

祭上蔡謝先生文

嗟孔孟之既沒慨斯道之火湮幸二程之崛起得千聖之統真時惟先生授受獨親升堂親與造詣溫純發伊洛之秘邈洙泗之濱力去矜而入德闡聖學於維新卓彼先覺風我後人公課司文教課試時巡途遵祠左祇薦明禋尚祈默相俗化風醇

祭忠烈許公文

嗚呼君臣之義等於天地烈士仁人舍生取義

公見既明公操愈勵罵賊奮身致命遂志萬古  
綱常一身獨寄生也不虛死兮不貳勁節精忠  
後先鮮二 聖代育材義盡仁至報 國如公  
庶幾無愧公東髮知名仰懷寤寐課士天中新  
祠祇企遺像拜瞻如臨往事式薦生芻毋我遐  
棄

祭漢舞陽侯文

惟神奮身豐沛翊戴高皇純忠偉績踔絕輝煌  
自霍定代功溢薰方欽茲遺澤廟祀莫忘季春

慎修堂集

卷十

二

既望享獻有常佳辰每值風雨時颺今春少旱  
苗麥就黃民方致禱神即降康霖霖膏雨四野  
溥將甫田或或錫福穰穰旣倪士女懽悅無疆  
受神之惠愈久愈長敬修報禮黍稷馨香雲車  
風馬駕自 帝鄉

祭少師虞坡楊襄毅公文

維公挺生降神河嶽博大端方允矣先覺弱冠  
制科英聲昭踔摩撫疲人為魯為卓公去愈久  
民滋咏歌其咏維何遺愛孔多廩廩禮讓永世

不磨擢贊邦政秉德匪他十年郎署丕奮訐謨  
巡行萬里期滅狂胡封章上逮 天子曰都惟  
昔文武二柄同途汝憲齊魯以育譽髦道術經  
義惟堅惟高有德有造濟濟入豪河湟弗靖賢  
哲獨勞臨戎仗鉞我武惟揚師虞經畧既有典  
常恭布屬國遠徙氏羌外夷內夏屹立鉅防力  
摧逆帥屢蹈傾危奮然國討奚恤家為 帝心  
簡在爰立台司兵樞艱大曰惟汝宜腹心手足  
百世一時韜鈴禮樂用對 上知獫狁匪茹連

慎修堂集

卷十

三

結姦穴竊伺城垣虔劉赤子 詔奪公情俾戢  
邊鄙拜命不遑宵征几几公在師中威名愈熾  
壁壘改觀旌旗易視醜虜潛奔五兵不試惟  
帝念功錫命三至赫赫本兵虛席以遲塞塵既  
清賜環正位 帝勤吏治簡陟阿衡甄別流品  
允公允明若彼哲匠巨室是管榷楠梓杞梁棟  
榦楨密勿入告莫匪周行寔隆鴻業遽結鷗盟  
義方訓誨詰嗣于成謝蘭實桂競秀同榮惟是  
伯仲並擢魁名叔兮試武首舉蜚聲勛庸門闕

海寓莫京胥登華秩奔走王程舉還膝下侍色  
終身非公景福疇克是臻惟公樂易觀若飲醇  
惟公勁直峙若嶙峋公之顯融贊揚 聖真公  
之來歸佑啟後塵衆期勿藥鼎鉉再先民生無  
祿倏迈帝鄉貫古之識命代之英胡不少延曷  
其能忘公鑑知夙被大國于宣範模伊邇期以  
周旋在公夙夜莫即几筵絮醅馳奠涕泣如漣  
祭太子太保紫巖劉文安公文

慎修堂集 卷二 四  
繫公挺生孕靈河嶽神解性成日嚴追琢濟發

洪源並驅先覺鶴舉鸞翔瑜懷瑾握寶興總非  
嗣美魁名茂揚 大對鼎甲臚聲抽書石室載  
筆 承明舒華雅什金石鏗鉤逆豎簸張出貳  
郎屬夙夜在公憂勤檢束天宇廓清 賜環史  
局晉秩青宮爰資啟沃四司明試賢雋彙升敷  
求吉士師席特膺勞來匡直規矩準繩譽髦咸  
造有翼有憑 飛龍御天簡在左右講幄弘開  
三接晉晝忠赤自盟雍容敷奏嘉猷嘉謀期格  
我 后孚尹上達 天聽昭垂錫予蕃庶寵擢

匪夷秩宗典禮作朕夷夔太宰經治南國表儀  
甄別品流惟明惟允 詔覽戎機赫赫留尹禮  
樂詩書訓式戈盾茂烈訏謨于今為準 帝求  
良弼召我舊臣遺榮鑒足抗疏乞身冥鴻高舉  
晦跡恂恂令名雅致海寓完人子奮孫騫遐齡  
景福天不憖遺中台倏伏節惠貞終 皇儀郁  
郁寵異儒英論思在夙公鑿坡厠跡曰有後先  
典刑匪遠寤寐周旋哲人殄瘁悽惻同然綴詞  
寄奠寫此誠虔

慎修堂集 卷二 五  
祭太宰西磐張恭肅公文

吁嗟我公孕靈河嶽弘大溫恭寔惟先覺蚤冠  
譽髦蜚聲峻倬筮令山城風還淳朴十年瑣闥  
謹議諄諄薊門西夏仗鉞經綸勛猷震疊邊鄙  
清塵輝煌玄袞錫自楓宸不績載揚入司臺憲  
夙夜在公用逾尺寸直道興讒潔身嘉遁一紀  
明農恬無外願 帝懷耆舊起詰戎兵 國儲  
司計爰正冬卿緩急劑量不震不驚百工信度  
宿蠹載清留都考校正是庶職 特昇宰衡往



典黜陟惟公惟明允矣司直閱歲南曹迄今垂式帝眷方殷簡在左右抗疏來歸幸全去就逸豫康寧方期遐壽胡不憇遺百身奚購惟公飭躬性成清約八座踐更寒士如昨惟公立朝頻歷變故一德自持罔移其素齊眉伉儷白首與偕有膺孫子蘭桂盈階望茲九秩綽綽令終兼膺景福海寓疇同公叨塵鄉誼夙籍典刑緬懷往昔共被德馨哲人修萎曷已涕零陳詞寄奠期格冥冥

慎修堂集

八卷千

六

祭吏部文選郎中王湛泉文

嗚呼王公胡適若是止耶夫其剛大之氣直亮之節孝友之行康濟之才寓內儔公者指未易多屈也胡厥施未竟而適遽止是耶惟公弱冠成名司理南服祥刑令聞洋溢三吳及簡屬天曹主持銓選也甄別才賢升沉淑慝獎靜退而進孤寒抑競躁而摧奧援一時士習遂駸駸然向風矣抗危言觸權宰天子為之動容百寮因而生色於斯時也直氣震疊於八荒風采想

聞於萬國邦治清頽風息而公之靈孽亦孔棘矣解組來歸丘園自樂遐覽靜觀幸求先覺誠鴻奮雲遠蟬蛻污濁矣然蒿目時艱怵心民瘼未始不若痲痺在躬執熱願濯非果哉於遠邈也泰運開新茅茹斯拔天下方喁喁然冀公身以時升道隨時達也而天不憇遺本實先撥意豈命數之適然抑生民之無祿耶河山靈秀孕賢幾何得一二如公復苦於取數之不多噫嘻志雖齋抑而未畢名固與天壤而不磨吾徒幸

慎修堂集

八卷千

七

投閒於林壑方期與公修先王之訓以作乎鄉鄰天胡此時奪我依仁追惟聚樂往迹遽溼臨榻笑語詎意茲辰生平交誼骨肉相親討論夾輔披豁天真奈何永別祇隔數晨沉珠韞玉欲見奚因顧瞻總帳曷已悲辛籩豆孔潔牢醴式陳臨風哀慟庶幾有神

祭贈君劉公文

節惟省吾尊人

嘉遁丘樊葆真林谷謹恪居身惇夷範俗履坦守貞徽猷卓犖義問昭宣流輝河朔德厚慶長

惠迪逢吉詰嗣發祥蜚英茂實射策 彤墀用

賓 王室司理冀方惟欽惟恤明慎不留有孚

惠德若鑑若衡庶司是式薦剡交揚公車生色

徵詔即期為邦司直揆本邇原義方有力擬

親 馳封公如子職胡不少延仙遊迺亟哀訃

遠馳輿情悽惻惟公考終亦既踰六子奮天衢

即筮華軸 紫詰龍章行賁泉域繁祉咸宜四

顧疇克惟我邦君時懷帖陟擗踊涕洟茲奔鄉

國公厠部人眷知夙辱敬致一觴冀鑒情曲

慎修堂集 八 卷十

祭蹇夫人許氏文

名哲嗣興天作佳配承休華胄詩書訓誨婉婉

聽從作式壺內齊美同芳好速俊又弱冠英聲

奉常高第試宰中都溫恭愷悌移劇大梁艱貞

愈勵惠愛覃敷內則允濟廩廩德讓上逮宸聰

帝旌循吏簡直南宮經綸玉制揚權國風寅

清夙夜敬代 天工禮明樂備茂實昭宣 皇

言敷錫表我臣賢褒及夫人女德莫先鸞回鳳

詒燦爛雲烟春曹陟外司憲東藩昭我紀度鵬

鶚高騫夫人克相澤物洗冤捷關飭從水蘂饗

殮惟昔秉禮抗議不回含沙俟射晉如而推典

州倅郡淹抑遭徊居榮稱約處困匪隕幻化伎

倆等視浮埃氛霾消釋天宇私開股肱名郡

帝命求才玉符載剖朱紱方來熊車入境竹馬

懽迎思見太翁棠樹敷榮布德施惠克類克明

農蠶盈野結誦膠費凡厥庶民胥匡以生禮讓

有永遺愛愈光中饋無遂允矣贊襄四駘自皖

趨命傍徨 王事靡盬就養不遑有懷二人道

慎修堂集 九 卷十

阻且長魚軒言邁旨甘是將風雪凌厲迢邈川

梁庭闈聚順樂也洋洋盥饋佐餽婦順明章天

誠難諶未秋忽霜得正而畢胡悼胡傷夫人之

生冠裳鼎族夫人之歸世豸華轂夫人之伉行

司樞軸夫人之封流珠象服夫人之德孝謹端

淑夫人之胤鳳毛郁郁備美你程總是百福不

朽萬年奚承奚速公等奉土冀方郡公下屬微

菲發蒙慙深義篤祗奉化條胥奮胥勗窺公悼

衷羣情如燿遠莫致哀竊擬芻束千里馳忱尚

祈來贖

祭知縣封檢討王公文 座師雅川先生尊人

惟公瑞世大造降精清通中啟和豫外宏淵源  
雋永家學是承遐稽丘索直究聖貞幽深蹟隱  
秀燭惟明德完器邃邦國維楨露穎膠庠前修  
避路卓彼空同特隆春過廬阜蜚聲雲衢振步  
筮仕山城克區盜聚義肅仁綏力敷王度教典  
弘施頓開沉痾革心向化荒壤欣欣政成道洽  
共仰神君江湖迹遠廊廟憂殷懃忠馳馭擬徹

慎修堂集

卷十

十

天聞立孤言激衆怒紛紜怡然解組隱矣馬文  
彌傲丘樊迄于初服遭際難堪安貞自淑真樂  
融融鄙宗惇睦庭訓孔嚴義方式教龍蟄存神  
慶貽秀毓天定錫祥純嘏景福卓哉詰嗣寔我  
宗師魏科夙擬詞苑荐居文章煥發奎壁昭垂  
經綸弘負光大匪夷敷宣 帝制謹恪沉思簡  
嚴典重 綸紱攸宜畢力殫勞 帝嘉乃績推  
本覃恩 龍章顯錫愛 國懷親師心交揚方  
慶承軫懽承色覲詎意凶聞哲人寂寥謬列門

墻同此悲感吁嗟我公道積于身仕雖偃蹇素  
履則伸發祥食報天眷方新綿祉垂裕廣博冀  
垠公遐鄙對菲鯉庭桃李過荷栽培因知仰止  
嗣復同迎興懷曷已千里一觴道遙心通

祭先師蘇門高公文

嘉靖丁酉某月某日 先師蘇門高老先生以  
荆南觀察使卒于官嗚呼哀哉神聽伊遠天弗  
愆遺國傾宅俊士失羽儀百身莫贖多士同悲  
寔惟道計豈曰私哀門人亢公時殄伏蓬茅側

慎修堂集

卷十

十一

聞驚絕位哭禮陳攀號莫及心喪義切執紼未  
由辛亥歲孟秋廿六日始得祗詣中州展謁墓  
下緬懷知遇之恩竊痛幽明之隔瞻拱木而淒  
其履宿草而哀慕式陳絮酒爰發蕪詞其文曰  
於維我師天民先覺毓秀孕靈降神河嶽膺哲  
匪夷神解超卓束髮蜚聲清時鸞驚龍飛射策  
弱冠登朝志存匡濟迹擬夔繇絲榆揚盛烈周雅  
虞韶金聲玉振駿發宣昭藝圃持衡詞場擢綵  
學士宿儒傾心莫逮神宇永凝玄襟川匯寓內

名流想聞風采歷歲銓曹門無私謁精白一心  
權邪罔汨時宰黨同遂投簪笏嘉遯丘樊若終  
林樾勸駕既屢幡然乃起恒德自持詎為時靡  
羣陰交擠出叅晉鄙慈惠保釐西方多社救荒  
賑貸以植以生濟除巨盜不震不驚幽寃夢辨  
政曰神明燭奸止水渠號嘉平敷惠撫摩修文  
訓誘士仰嚴師民戴慈母歷考前聞莫之與偶  
尸祝是宜與晉悠久 帝嘉迺績權憲荆湖肅  
肅王度明慎敬敷祥刑以格世有真儒方期大

慎修堂集

人卷十

十二

作胡遽長徂天禍善人中道夭折良驥康莊方  
馳而蹶珪璧明堂甫薦而缺膏沃徒免人惻井  
漑吁嗟我師飭躬峻潔寒素始終萬鍾不屑文  
柄再司知人惟哲桃李陰濃並稱俊傑宣父傷  
麟賈生賦鵬繫望徒殷蒼生無祿人亦有言不  
朽惟三我師寔兼俯仰奚慙祚胤孔淑克濟厥  
美玉樹金英凌霄可俟光同日燦聲與世存淵  
促跖永亦奚足論予眇小子狂鄙顯蒙辱年初  
試冰鑑躬逢力障羣議昭晰大公特監臨公禮  
經也蕭泉飲

以禮經為解首公曰當論  
文不可論經羣議遂定 對非采拔叨冠河東  
龍門幸際訓我周行離堂面命椽筆瑤章識非  
粲類名以邕彰才慚機比譽自華揚感恩知己  
夙昔稱難緬念深恩曷其可諉媿予躋蹙屢困  
春官局促無地玷我師門久躋而亨僅售一第  
制試對颺復遭排泥期望云何顧茲所詣隆想  
天人敢忘奮勵茲踵鄭鄉敬吊陳墓鬱鬱堂封  
零零朝露孺子生芻橋公夙遇千載心期無由  
仰籲國士感知哲人懷德淚徹重泉神憤衷盡

慎修堂集

人卷十

十三

鍾期既遙小子何即爰難千里敷此胸臆  
祭歐陽太夫人蕭氏文  
嗟惟太君慈明天啟克相夫君含貞秉禮閨壺  
雍穆賓祭允修孝敬勤約懿德咸周慶綿善積  
篤生我師遠承聖道卓矣先知識身格物妙契  
玄機主盟斯世髦士依歸 帝眷真儒兩師國  
學因材曲成棟梁榘桷輔德青宮總裁史局中  
秘範模南宮甄錄休命對揚克艱厥職推極由  
然慈訓之力有赫 龍章自天三錫鶴髮麗眉

聯翩珠翟輝煌 綸綍發揚德幽我觀今昔寔  
罕其疇學繼真傳才猷佐 聖有子若斯令終  
得正矧在夫人獨全五福大耋長齡養承康祿  
善行性成坤道無忒強駛安康順化不惑有膺  
孫子新沐 國恩濟濟羣彥如璣如璫心勞肇  
始躬親其成天錫繁祉人仰今名公顯蒙弱質  
叨廁師門竊聞懿範景慕恒存丹旆南指潞水  
源源潔觴一奠曷盡心煩

祭門人太史溫以庸文

慎修堂集

卷十

十四

嗟嗟以庸胡迺遽至是耶夫其純粹之質古朴  
之行寧靜之器經濟之學與夫冲雅之文予固  
以君遠無不屆受無不宜也而竟若是已耶自  
昔有言曰天必祐善人君衷無巧偽之萌身絕  
非僻之累人過不談已勝不忌與之居閭閻然  
而可親與之言汪汪然而莫可浹仁人善士世  
君若者幾哉是宜君之履昌也掄魁甫擢奇禍  
倏逢骨肉之慘今古罕同悠悠蒼天果何謂哉  
傲者曰天之害恒在善人予昔每病其為言之

隘也自今觀子無乃信然耶人之君子誠天之  
小人耶不然胡有恒久之德而中道殂亡無鬼  
責之行而荼酷非常耶或狡或貪或險或肆迺  
貴迺亨而康而壽惠逆無徵善惡非常若是者  
誠莫致而至一命之為耶嗚呼懷瑜握瑾世莫  
我庸命之塞者誠然矣君謙言登對 渥澤即  
承玉堂華貫鼎甲鴻名司命者不可謂無意於  
君矣培植幾何摧折繼至生之胡艱喪之胡易  
卿雲輪囷方煥而曠祥麟瑞時甫出而斃天其

慎修堂集

卷十

十五

有意耶無意耶或者奪若躬而後有所畀耶或  
者屈於此而別有所伸耶或者榮名壽考人不  
可以兼得耶或者生死修短天固不規規為人  
庸心耶嗚呼弱嗣幼女孤苦徬徨萬里凶問垂  
白在堂累累旅櫬道阻且長興言至此中心若  
戕吾自君得道義心期努力千載茲甫及期既  
致其愛祗極其悲長號一奠知乎不知

祭中丞王良齋公文

代作

粵稽海岱自夙鍾賢扶輿靈萃川岳氣全克生

夫子卓矣無前神穎駿發學殖靜專遜志儒林  
周派丘索兼總百家直探奧蹟發藻舒華暉光  
有赫譬彼驂騑天衢振策遂魁多士河朔蜚聲  
荆璞三黜晦養心亨遭時邁跡大對 承明玄  
端秉禮四牧于征今聞昭宣中臺掄陟正色危  
言邦之司直歷按諸曹擿姦糾愚攬轡冀方羣  
工敬式蠢茲醜虜入于太原薄張殺伐禡鬼宵  
奔匪惟功懋寔曰道尊簡司邦教範我前門行  
樹表儀政先化導藻鑑中懸準繩外蹈擊節發  
慎修堂集 卷二十 十六

蒙忠誠懇到愷悌弗渝小大成造晉佐廷尉天  
下司平簡孚明慎寧曰寃氓雲蔚吏士饑告于  
京僉謀食足屯牧是營 帝曰中丞汝其往理  
剪棘披萊疆分畝履豪并草心耕耘喜起方輯  
成功入報 天子睠懷故國歸俟 綸言歲月  
曾幾遘茲凶屯宏猷未究遺烈具存 帝酌茂  
績覃錫 鴻恩嗚呼先生令終奚忤雅識高標  
寸尺謹恪大節隆名星虹昭卓緬仰範模九京  
願作于儕小子夙荷陶甄周行惠我面命諄諄

德音在耳夙夜惟寅尚期矩矱勉終身哲人  
云亡曷資軌則義切心喪情踰旬旬目泣哀摧  
莫酬罔極千里緘詞寫此哀盡

祭僉憲楊舜原公文

緊公挺生孕靈河嶽剛大瓌奇展也先覺遐覽  
丘墳詞華昭卓試宰邠西絃歌禮樂 帝眷循  
良中臺峻陟獨抱風裁危言正色淮海澄清羣  
僚矜式分臬兩川宣猷益力衆望方殷一丘自  
足孝友刑家惇夷範俗族鄰改觀風行河曲卓  
慎修堂集 卷二十 十七

矣義方日嚴嗣續積厚慶鍾發祥元哲定命訂  
謨孤忠茂烈惟 帝念功 殊恩森列 紫誥  
推封崇階昭揭子奮孫騫如金如玉景福家聲  
咸欽芳躅河嶽匪夷公罹荼酷天實難堪人奚  
能贖公昔獲同朝胥規胥飭仕或後時聞風慕  
德凶問來聞曷勝悲惻千里茲觴公其來即

祭大名兵憲劉栢山文

剛毅質直自昔稱仁僕巧便給殊態競臻公稟  
矯矯獨契道真超然物外寧雜埃塵奮迹西河

中臺司直勁節獨持純誠內植擊奸替否危言  
正色歷忤大寮徽纒慨即嗟古直道疇曰能容  
左遷秦隴復適吳淞怡然就道肯或懂懂量移  
遼左旋入眉印淹歷遐荒德深施普 帝念直  
臣擢憲中土爰陟戎行鎖鑰畿輔盡瘁鞠躬王  
事靡盬一疾云何遽隔今古公叨聯官守遙景  
德輝誰謂河廣願言竟違賄賂肇備馳達郊畿  
臨風長慟神恻心飛

祭紹興節推羅容齋文

慎修堂集

卷十

十八

嗚呼容齋胡遽至是耶追惟丙辰歲暮秣馬南  
征梁園執手劇論深更予視君神完氣盛音吐  
鏗鉤意君榮名之始奮邁勳烈於周楨也竭來  
幾許君遽至是耶自君入越上下歸賢聲稱方  
布哀訃來傳予獨疑出於嫌忌者之口揆諸理  
豈曰其然蓋君舍私之度克勝乎大受濼龐之  
德宜躋乎高年而今竟已也謂之何哉謂之何  
哉賢科初試數月不延老親弱子旅櫬通旋知  
君之目未瞑矣嗚呼禍福修短誰執其機茫茫

天道孰叩其微春華倏萎晨露何晞撫棺悲慟  
魂今來歸

祭先師艾峯姜公文

倬矣我師降神海嶽學為儒宗道寔先覺絀緒  
丘墳沉潛禮樂弱冠巍科蜚聲遠逸南宮通籍  
始試山陽南北孔道將迎未遑我師莅止庶軌  
畢張民嬉政成絃誦洋洋嘉績流聞蘭臺召陟  
正色昌言邦之司直繡斧玉書省巡代址獨振  
風裁式是庶職維時悍卒憑竊堅城振揚天威

慎修堂集

卷十

十九

反側以平維時鼠竊潢池弄兵廼殲渠魁腸從  
更生饑饉流移開倉誕賑宗子喧阗正靜以鎮  
考俗省風周歷三晉糾正官邪貪夫解印再按  
畿服臺府風生惟 帝念功遂貳神京翱翔  
龍陛寤寐鷗盟明哲在躬竟迈茅衡謝傅東山  
溫公洛下望繫蒼生聲揚華夏獨步詞場寧知  
代謝曾幾何時奄然乘化追惟甲午典盛賓興  
簡司明試我師是承寶鑑空懸若水若冰棟  
梁榱桷明堂並登小子顛蒙自惟擯棄曲荷甄

收謬叨上第示以先民栽培激勵錫以瑤篇星  
虹昭揭訓誨周至思私郵隆惟茲罔極寔並玄  
宮驚傳師計方伏蒿蓬漣如淚涕五內悲恫往  
出詞垣茲藩東國伊邇門墻幸懷明德驅車裏  
糧展謁瑩域炙雞絮醅爰寫哀盡古云知己奚  
翅感恩生平遭值我師兼焉迂庸踴蹙良愧師  
門如一之儀寤寐存存吁嗟我師宏猷未究自  
今小子取正奚就期克有樹以對高厚英爽常  
存故其固陋

慎修堂集

卷十

二十

祭門人知縣李西澱文

吁嗟西澱胡止於茲宏猷卓識百未一施盛年  
射策公輔方期山城小試上下咸宜罹疫來歸  
羣黎戴戀尚冀飛鳧再臨畿甸德教大行陽和  
普徧夫何閔凶游臻災變骨肉險釁自夙罕聞  
作德賈禍迺見於君都亭聞訃悽惻心薰茲緣  
奉土特吊荒墳皎皎風神依稀在目咨嗟涕洟  
詎云匍匐子矣遺孤孰為撫育紛若橫侵孰為  
黜伏惟君與我道義交深緬懷今昔千載此心

甘馨在几旨酒盈斟靈其降止鑒此悃忱

祭封君郭清泉公文

惟公挺生孕靈河嶽弘大溫恭允矣先覺內朗  
黃中外尚渾朴探討典墳從容禮樂含貞履素  
賁于丘園淵冲玄嘿謝絕囂喧永言作德垂裕  
後昆發祥介祉子奮孫騫倬矣阿衡詞垣矩矱  
作帝股肱贊襄帷幄謀猷入陳孤忠譽誇品  
流出甄棟梁丹腹百官董正邦家之光鴻勳嘉  
績照耀旂常邈本探原寔自義方 王命三錫

慎修堂集

卷十

二十一

玄袞五章紫誥鸞回金緋鶴賁玉署天曹華堦  
並馳承命益恭不求不攸自視猷然始終一致  
杜門掃軌寧靜無營仁周族鄙義洽鄉盟優游  
物表洛社耆英兒童走卒莫不知名眉壽萬年  
假樂百福天不翫遺大命奄倏哀訃上聞 皇  
恩輝煜鬱鬱佳城清漳之澳維公壽考矍鑠康  
寧踰七望八為世儀刑維公福履頭黑紆青蟬  
聯金紫偕享遐齡維公儉祚濟濟後先阿衡一  
德格于 皇天五福具備衆美無全考終歸命



奚憾登仙子眇小子往奉顏色訓誨殷勤示以懿則哲人云仁曷勝驚惻千里緘詞用告哀盡

祭進士楊新齋文

惟公以沉潛慎密之資勵剛毅堅貞之志方其為諸生也討探墳索奮然欲得古賢聖之心及舉進士令青齊也拮据撫摩慨然欲並古循良之烈焦思殫慮任怨任勞日孜孜然以一政未敷一民失所為已罪中晷不食而又繼之以夜身雖臥疾而惟欲物得其平誠所謂鞠躬盡瘁

慎修堂集

卷十

三

以死勤事者矣可不謂賢乎夫賢越乎時則宜大行于世澤及於物則宜受祿於天此理之恒也夫何秩不過中士仕未及再暮年甫踰強仕而遽齋志而終耶長途方騁大數倏窮豈天固難堪而理不可必耶蕭蕭丹旆千里來歸慈親垂白晨露晞微寡妻弱息斃子疇依公之歿謂非君子之深悲耶公既聯世講復締姻盟心期既久共示周行昔送公往笑語橫生今臨公殯入門失聲歲月曾幾永隔幽明式陳薄奠詎盡

哀誠

祭外舅雲泉田公文

惟公性植真純行持抑畏外示渾涵中區涇渭敦族睦鄉居仁履義束髮華顛無載爾偽經營四方以大門祚振起方隆云胡曷獲匪謀弗滅匪人疏附損益盈虛亦時與數豈弟得祿仕籍揚名衡門卒歲泉石佳盟烟景自賁退讓無爭機械淨盡心迹光明壽考強健宜介遐齡云胡一疾倏即杳冥里傾善士族失儀刑追懷太息

慎修堂集

卷十

三

輿念匪寧公情聯骨肉痛切肺腸沓若涕隕戚若心傷顧瞻筵几祇薦馨觴靈爽如在鑒此徬徨

祭彰德二守同年阮相山文

追惟早歲明試于鄉司我衡鑑時稱大方胥以文售連茹賓王並遊英俊其樂洋洋公獨惠我示我周行共期祇植丕績奮揚公仕郡邑于雍于梁于迺嗣在再謬臬章道義交勗永矢弗忘公撫疲瘠允矣循良天水之野蔽芾甘棠閱歷

時歲令聞彌彰投閒林樾歛德潛光良朋選勝  
竟日徜徉方綏福履與時行藏神不可度倏爾  
云亡惟公位秩象服輝煌惟公壽考踰七而康  
濟濟胤祚如珪如璋奮翼豈遠雲際高翔聯榮  
競秀文業彌昌寔惟訓誨永世與長公同袍契  
誼曷任悲傷公其聞乎薦此豆觴

祭叅軍劉中軒文

惟公植性溫恭和平易直外著中含渾無矯飾  
弱冠明經日勤學殖揆翰搗文蔚然有則卒業

慎修堂集

卷十

五

辟雍馳聲京國慕切親闈承懽奉色萊綵踰遷  
舞前戲側並奏壻箎愉愉抑抑和氣充庭親心  
大得銓試天曹雄文炳焯異等優居贊襄帥幕  
雅志尊鱸不縻好爵神武掛冠飄然有作高蹈  
林丘優游綽綽玉季金昆蒼顏共樂或勸或酬  
聯翩矍鑠蘭桂盈階芬芳灼爍競秀駢奇率循  
矩矱百順方殷介茲景福壽考康寧期頤可卜  
未疾云胡遽罹不淑玉樹霜凋虞淵日伏詎意  
幽人云亡奄速善類心摧輿情凄蹙公道義心

期定交自夙形迹兩忘情逾骨肉昔及公門懽  
迎鼓腹今陟公堂悲傷滿目皎皎風神猶懷往  
昔藏棺蔽帷幽明遂隔撫膺長號五內哀迫奠  
筭陳詞庶幾昭格

又代作

嗚呼惟公與予締交卅角接席連床師門共學  
公器溫純若玉在璞龜勉自強若加追琢與物  
坦夷宅心端確蟬蛻渙阿光明卓犖有善我同  
有疑我覺麗澤相觀胥期嶽嶽迨乎弱冠同入

慎修堂集

卷十

五

成均並遊英俊友誼愈惇中年筮仕結綬 楓  
宸銓曹異等首幕戎賓衆為公悅膺任可因飄  
然遐舉志在鱸蓴 清時嘉遯丘壑仙真予羈  
東土遠遠三春懷公非邇伊鬱疇伸遂投章甫  
故國相親風晨月夕野服綸巾婆娑林樾漁釣  
河濱爰敦世講復結良姻徜徉投老擬共終身  
无妄邁疾勿藥已臻步武輕便談笑紛輪云胡  
永別祗隔昏晨童穉相依于焉四紀倏異幽明  
悲辛曷已莫挹儀刑莫隨杖履淚灑總帷哀興

蒿里薄奠式陳澗壙沅止懷愴曷窮靈其鑒止

祭經歷周龍田文

惟公之心光明正直惟公之貌溫恭謹教克孝且弟懿德性成惟靜惟嘿寧有譏評抗志先民覃思丘索駿發文詞鏗鉤繩尺秀拔儒林業成國學英俊並遊咸推先覺棘園屢上壯志彌銳人擬掄魁詎止一第命不我符竟乖知遇晚試銓衡名邑司賦謂志莫行脫屣奚顧嘉遜丘樊鴻漸雲路冠冕羽儀鄉邦矩度余來自西仍借

慎修堂集

卷二十

二十六

樂聚考德論心罔間晨暮有疑必質有速必赴水滋山巔時親杖屨繼締姻盟寔綠表素三紀情深道義旨趣公不少留天胡可籲昔人所嘆朝露易晞后昆克振不朽所歸惟公諸郎學勤熙緝競秀象賢揚休山立有膺孫曾如圭如錫寶桂謝蘭濟濟惠迪世美若斯宇內疇匹門祚闕崇帝眷可必如公疎慵夙資三益不觀幾何生死永隔昔踵公門懽迎笑語今望公筵心摧色沮醜醜駢羅清尊頻注追念舊遊出涕如雨

祭徐母袁淑人文

河南金憲蓮峯臨汾令蓮渠母

於惟淑人克全懿德名聞承休世臣作匠內政虔共肅雍壺闈繁藻靜嘉士女維則克相元戎翼嚴宣刀爰整六師以楨王國載育二龍義方訓切璧合珠聯顯印純潔萊射巍科鴻名昭揭德望文聲如軾如轍澄清中土有美長君天錫仲氏福我河汾士遵啟迪民樂耕耘廉平偉績卓矣不羣薦剌廷揚宣昭義問樛厥由然亦云慈訓循陔思養人吏交迎兩署迭就今昔莫

慎修堂集

卷二十

二十七

京方殷燕喜修奠兩楹令名壽考寔備哀榮順化而往亦復奚恨仁侯于征曷適我願旆旒有翩首丘故里祖祭尊卑庶格筵几

祭陽曲輔國將軍無逸文

惟公 天之胃也福豐而澤遠秩峻而地清古所謂盈滿不期而至者世方窮心志之所欲為以明得意也公獨悅禮樂而敦詩書取元聖格君之要訓作所以自規而動靜食息未始或違焉且嗚然言若不出口退然身若不勝衣儒

碩未能或之先何哉蓋公孚誠之質易直之心  
溫恭之度其植諸內者深以厚也故能蟬蛻疇  
尚之中挺立高明之表寓內可二三見耶上邇  
丘墳旁搜圖史韋編綺籍充棟盈庭俯首下帷  
日親賢聖湛然世慮恬不嬰情閒則闢芳園開  
曲徑喬松脩竹異卉奇葩芬芳馥郁於清池白  
石之間日延賢士大夫探討古今上下其議論  
若饑渴於食飲然者名流墨客陟降徜徉竟日  
忘歸豈直以地幽境勝然哉覲德飲醇如麋好  
慎修堂集

卷二

二

爵自依依不欲違耳夫以公之冲懷雅度樂善  
好施雖躋上壽介繁祉宜也胡一疾而遽至斯  
謂之何哉然令名卓行百世不磨玉樹瓊枝充  
紹懿矩公又奚憾耶公生平契篤道義交深別  
公幾何胡乃永隔每過公居未始不軫雍門之  
涕興西州之悲惟堂一慟公其知乎

祭高苑知縣同年劉金溪文

韋懷甲午明試給鄉鑑衡司柄側陋明揚脊以  
業進連茹賓王英遊先後其樂洋洋公寔惠我

日示周行共期奮績於主用光公尹海岱民教  
政荒蒿目觸念矢志恢張心勞力殫期底民康  
上不見信謂循為狂齟齬裁抑萑菲若黃良驥  
方迅反玄為黃長劍甫試摧鋸折銜尤豈自致  
人之無良臧否變幻夷貶已羊冲懷超脫得喪  
兩忘石田荒野耕鑿徜徉遊情詞藝短什巨章  
詩書繼業世澤允長訓誨嗣續式毅義方惟公  
雅度處約若常惟公膺質練習典章惟公高識  
不計筐箱位未稱德志願莫償尚期遐壽俾熾  
慎修堂集

卷二

三

俾昌睽隔曾幾遽哭棺旁四紀契誼情若刀傷  
風儀莫挹痛寄茲觴

祭長男邑學生孟禎文

嗚呼痛心汝年幾何而遽舍汝祖母父母及妻  
子弟妹而何之也吾生之困頓苦辛坎壈摧挫  
抑至此極也吾十歲而孤零丁子立世味備嘗  
矣二十乃幸舉於鄉二十六而汝生汝祖母以  
予早孤且得汝之艱也拊汝育汝豈啻若子已  
哉汝生七年而知勵學十三而能屬文十五而

塲屋之文習熟予每督課汝必竊自慶曰生子若是慰人心私懷所希冀汝者何如而今乃如此耶汝祖母所祝願汝者何如而今乃如此耶我之遊梁也校文問俗遍歷封疆在外者恒十九汝率先諸弟爾門禁密防閑一水一菜不輕入俾吾得馳驅畢力而無內虞者以汝也自今奚賴哉世之短折者類於器識行履古之矣汝生而凝靜端重人之敬羨出自其素心稍長即條理分明幾微洞識間嘗以疑事試汝不數

慎修堂集

卷二十

三十一

語輒犖然當予衷與人居沉嘿淵涵訥然言若不能出口退然若不勝衣吾每察識汝自幼及今未始有一念之乖違一言之誕謾至於非僻凌蕩之事日惴惴然惟恐或免乎其身純一之心確然其未失也故宗族稱汝敬朋友信汝忠鄉黨悅汝遜師帥與汝賢予每意汝器足以致遠學足以潤身才足以利用行足以流光而今不然也謂之何哉豈脩短有定人事莫能預耶抑吾愆深戾積神明降罰乃奪我佳兒之速耶

垂絕之辰尤力視祖母及于疾首感額屢欲悲號而不能成聲執弟之手而不能成言汝心之痛楚憤抑誠不能舍汝祖母父母及妻子弟妹而他之也汝之心予知之矣汝之痛予何日能忘耶吾平生勤苦僅能立門戶今年近始衰所賴以督率諸弟紹續箕裘者以汝也而汝乃溘然長逝矣自今已往予尚何意於人間事哉惟當杜門掃軌率汝諸弟上奉老母以樂天年次撫汝妻俾完弦節下育汝子女幸其長歲以慰

慎修堂集

卷二十一

三十二

汝於冥冥而已嗚呼言未出而淚已零言有窮而意無盡汝其知之耶其不知也耶嗚呼痛哉

祭長男婦王氏文

嗚呼長婦汝年幾何而遽棄汝子而長逝耶汝子之孤阨險艱一何至此極耶汝子生甫三月而汝夫見背時汝年十九耳即堅貞勵節矢志匪他保育遺孤心勞力殫今幸而成立七學可承汝之有功於吾門豈其微哉今夏汝子獲列膠庠頃迎子婦來歸而汝竟未及享一日之養

也任其勞而莫食其報謂之何哉謂之何哉春  
初邑大夫嘉汝之行欲達于憲使揚美表閭予  
以汝年與制格且懼于名力為沮止令待後期  
孰意汝遽至此耶然汝苦節貞心可貫金石今  
名卓行永世昭垂生順死安亦復奚憾但我及  
汝姑衰年值此情奚以堪繼自今惟訓育汝子  
及婦俾克有樹立以成汝志以慰汝於無窮茲  
當首七特設奠筵親族咸在汝其格焉

慎修堂集

卷三

辛

慎修堂集卷之二十



慎修堂集後序

余竊不少揆遙意黃金臺高  
而揖之自方弱冠不靳遠遊  
履也著而受經術其下事在  
嘉靖庚戌辛亥間吾郡水陽  
亢公者懷老成絕茂之才際

慎修堂集

後序

俊又清升之祀新授國史編  
修挹華仙掖都人有盛觀三  
晉有羽儀也望風思涉其門  
舊矣癸丑余旋釋褐為郎侍  
公出入承明三四年所公與  
余座主閩中林先生寔同臭

味緣以獲拜下風周旋燕誨  
所資皆文章詞賦非但謂一  
經也於是分宜當機憎疎端  
士公顧趣不共登舍遠約絲  
呂張補外鑿坡無再入之榮  
而余亦飄寄塞遠陵隰相望  
慎修堂集 後序 二  
虛盡年齒即欲發蒙厭義漸  
公之教如向承明時也奚繇  
哉然溯自既往亦既耳而目  
之矣不須更陳然後乃見公  
故攻古文詞而尤精意經史  
居恒自謂曰其寔可提身而

用則師天下故其為文宗經  
制紀芟截浮疑適民生日用  
之常非若世之幽昧瑋奇使  
人讀之邈為絃匏鳥跡之難  
詰有時體物寫志鋪采摛文  
詩賦準清廟升歌靈光景福  
慎修堂集 後序 三  
之篇班諸結言桓韻小制區  
畛奚異喻畎增於滄海所遺  
慎修堂集若干卷家服父訓  
簡蠹帛裂鬱湮不欲眎人積  
歷三紀三衢  
濟源詹公建節河東暇乃尋

諸盟府始表而出之付劊劊  
氏其嗣孝廉孟禧等徵言於  
余余惟東觀儒林之府飛翰  
馭藻立言自其能事不有先  
立乎德不朽之上術乎蓋公  
他日深念自為史官閱貢千

慎修堂集

後序

四

百曠然恕之不忍寘一下列  
督學中原尤重詆訶曰清熙  
之世昆蟲草木咸遂長養奈  
何錮人於寸晷尺幅之下夫  
校藝程才具嚴功令一切矜  
其不能視若昆蟲草木惟恐

傷之此其言篤矣乎仁人君  
子之情哉苟尚敦龐道術斯  
遠吐納眉睫之前曄燁易世  
之下乘文施代言與金石相  
傾厚故也時否俗薄有文無  
質即讀淹素豹才通班馬歿

慎修堂集

後序

五

世而秀義零落無傳於草木  
埒耳果且獨立於世乎蓋余  
之於公鄉也生同其世道範  
親炙今也後死於年遺言雋  
永昔召伯所憇愛流甘棠宣  
子所游封殖其樹思其人尚



及其物況忠厚之言在耳則  
其人在目誦其言也有不愛  
之芳如椒蘭者乎則詹公之  
斯契也金石草木不可並日  
而談矣公負經史名學馳騁  
半塗未躋三事九司效彌綸

參贊之用而寬鄙敦薄其風  
可師天下與來世是故立德  
立言而於功兼之曰三不朽  
噫人懷桑梓非斯人吾誰與  
歸降今而後誄德銘功乘景  
鑠於無窮則斯言之傳其亦

有功於公哉公出入本末具  
詹公前序中

賜進士出身累階資政大夫都  
察院右副都御史鄒陽七十  
四叟何東序崇教甫頌首拜  
書



〔明〕傅夏器撰

重刻叔祖錦泉  
先生文集五卷

明萬曆刻本

刻泉罷傳錦泉先生文集目錄

贈座師章陽華擢南太僕少卿序

贈薛南塘授南刑部主政序

贈昌鳳岡寧波府節推序

贈袁莪溪泉州府節推序

贈譚少石令魏縣序

贈徐寒泉令臨川序

贈毛野直令鄱陽序

贈趙晴原令上杭序

贈錢州令江陰序

贈門年丁樂亭君令內黃序

贈李少峯南戶部主政序

贈劉鶴洲令翼城序

贈顏雙塘令海陽序

贈林鶴山令餘千序

贈王新泉令秀水序

贈鄭越渠令婺源序

贈王龍池守鄧州序

贈朱肖若授南工部主政序

贈張養齋吉安節推序

贈錢後軒令晉江序

贈方篆石令順德序

贈黃六橋令宣城序

贈周屏山節推保定序

贈朱肖簡尹清江縣序

贈郭柳菴令太平序

贈省文林雙臺憲副督學湖廣序代省文作

贈張清江令文昌序

贈張星湖歸任遂溪序

贈徐鴈洲授瓊州府節推序

贈謝景山令四會序

贈孫宜山受旌并擢達州知州序

贈唐次梁擢江西上猶縣序

贈黃歐山知撫州府序

贈黃小竹擢南太常寺少卿序

贈林象川僉憲江西序

贈史觀吾謫判泰州序  
贈王育泉擢江西屯田僉事序  
贈猶子際熙掌教從化序  
贈黃瑞峯司訓興化縣序  
贈王學溪之廣西太平州序  
贈林子太學歸省序  
葉南溪山陰司訓序  
潘知軒從事南通政司序  
蘇子順德丞序

三

贈泉郡經歷周中谷序  
黃阜溪司訓績溪序  
黃梧浦司訓增城序  
王西梧司訓海豐序  
贈猶子君任歸善司訓序  
陳弗齋清豐丞序  
贈尤子魚臺丞序  
王子會霖泉府照磨序  
曾子陶館典史序

石崑峯永豐倉使序  
李子永定驛宰序  
辜春崖嘉善典史序  
潭南道王塘南任滿保留序  
邑侯涂桂泉旌獎序  
贈涂侯桂泉入覲序  
巡撫趙寧宇擢總薊州序  
惠郡守李九疑旌獎序  
南安學諭陳蓋臺旌獎序

四

晉江侯梁元沙兩臺交薦序  
揮使歐陽新田守銅山序  
唐子喬楨襲泉州衛揮使序  
晉江邑侯譚敬所啓榮取序  
贈卓尚麟尹新昌蕪歸省序  
壽張岵峽大母太夫人劉氏序  
壽年伯曹鵠川六十序  
壽年伯衛介菴暨孺人李氏序  
壽年伯李角山序

壽年伯荀迴山暨孺人雙壽序

壽年伯王隱軒八十五序

壽年伯田蓮溪序

壽王晉齋祖母太夫人葉氏序

壽南海靈四園序

壽南海靈四園序又

壽郡守熊北潭序

壽涂太夫人陳氏序

壽丘恭人黃氏六十序

壽余侯桂泉太夫人陳氏七十序

壽王太夫人李氏序

壽焦二尹太夫人迓氏序

壽封中舍薛泳涯六十八序

壽泉通府陳赤沙序

壽漳郡守羅南泉序

壽二尹方東谷夢陽序

壽區練塘七十五序

壽歐陽太洪人洪氏七十序

五

壽洪英涯八十序

壽鳳山五叔父八十序

壽蔡纓泉七十一序

壽豫章李見羅先生序

楊貞婦旌獎序

郭白峯奏議遺藁序

揮使童新泉哀榮錄序

宜水餘波集序

鄭海亭文集序

中丞陳幼溪子婦林烈女冊葉序

安溪縣重修文廟序并歌

清溪林氏族譜序

郡侯汪雲陽荒政歌頌集序

傅氏族譜序

江右舒梓溪芬先生傳序

碑記墓銘祭文共四十首

吉安府通判楓山楊公墓碑

漳州府同知北門許公祠碑

六

晉江大尹復軒錢公安氏碑

南安縣重脩儒學記

南安重脩城隍廟記

仙遊羅峯傅氏祠堂記并詩

福清縣儒學新創學田記并詩

重脩大盈橋記

海澄縣尹王公生祠記

見龍亭記

天心洞記

蓮花石巖室記

脩南安萬石陂水利記

山東僉憲石坡趙公傳

綸卿字說

習甫字說

贈刑部主事史商涯暨安人包氏墓誌銘

處士郭梅峯墓誌銘

處士黃南湖墓誌銘

湖廣叅議黃鰲妻宜人吳氏墓誌銘

天台縣尹洪方山墓誌銘

簡州守呂壘石墓誌銘

工部營繕司郎中王九峯墓誌銘

湖廣羅田縣蕭太孺人胡氏墓誌銘

浙江食憲莊方塘墓誌銘

南陵府知府陳滄江墓誌銘

知南陵縣晦吾暨孺人王氏墓誌銘

揮使唐半瀾暨林恭人墓誌銘

林新漢暨李孺人墓誌銘

仲弟廷爽暨弟婦黃氏墓誌銘

祭大宗伯歐陽南野文

祭况年伯文

祭太學士少保張龍湖文

祭同年蔡蕪峯文

祭衛滋川侍郎文

祭揮使董新泉文

祭王太夫人李氏文

祭李安人葉氏文

祭家宰唐太夫人鄭氏文



祭周太安人文

詩五言律 共七十七首

贈方雙江守松江

贈葉越山之臨桂

贈張湯齋晴江學博

贈林子之南海

庚申燕邸候補 三首

元正對客

春日懷舊遊

卷之一

春日登樓遠眺 三首

春遊雜興 十五首

夏賞雜咏 十二首

詠荔

秋興 十二首

冬懷 二十三首

植庭桂

葺敝廬

詩七言律 共八十四首

春日望春官應制

興慶池應制

立春遊苑迎春應制

香山寺應制

嵩山石淙應制

揚州遇進白兔上 聖壽 二首

遊鯉湖仙宮紀跡 二首

壽學士李石麓椿萱

逢壽蔡可象太夫人

卷之一 錄

送鄭篁溪督學江西

送方存吾之柳州永興

送吳自湖守揚州

送林少雲僉廣東海北道

贈同年麻養靜令杞縣

贈林雙臺督學湖廣

贈溫省吾之徐聞

贈李后齋之博白

贈年元唐小漁給假奕漁石公

贈泉通府張本泉入覲

贈朱肖簡四川僉憲

送蔡梅臯之南都

贈况舟湖貴陽督學

寄江雲石二首

題張月洲朋紫樓二首

續雨哀王絮

覽仙遊諸宗懷古

示諸姪

卷之一 錄

十一

登萬松閣

直沽阻水

楊村阻風

月食中秋

惜時

桃花口水次獲雉

秋日聞警報新設督撫四首

看荷花二首

贈堪輿蘇思中

感懷自嘆

北上長江過金山

贈陳仰雲司訓擢九江德化

春遊八首

夏賞七首

秋興七首

冬懷十二首

北二過閩嶺遙望

舟次錢塘懷古

卷之一 錄

十二

小樓夜坐

詩五言絕 共二十九首

早春

過山寺

題菜花圖 二首

春遊

夏賞觀東湖荷花 三首

夏夕對月 二首

秋興六首



冬懷十三首  
詩七言絕七十五首

鐵

看鏡

烟雨二首

新春三首

京邸候補遣懷八首

對月

東齋即景三首

卷之一目錄

十三

次蘇東坡梅花十韻十首

秋感三首

已未夏北上過督漕稱病戲題四首

觀荷二首

冬咏

京邸過舊館

渡杭口二首

過建溪

春遊七首

雨後遣興

盛夏二首

舟蒞下

秋興六首

冬懷九首

渡前洲

題登萊

虎丘吊古二首

題墨菊

卷之一目錄

十四

窮途吟

五言古風計三十二首

春望

春遊

春日邀客飲

春日有感懷

涉園遣興

為人題五老圖

頌晉邑大尹欽秀南均田茂績

贈喬純所榮擢江右大叅

為陳盡臺題菜圃

春雨行

春遊芳草行

初夏感懷

伴客行

苦暑

見龍行

清秋吟

卷之一目錄

一五

倚樓歌

望泉山

暮宿白葉山庄

秋樓吟二首

清歌行

寒風歌

岩野行

山僧對話

冬夜夢

又圃行

贈唐子喬禎掌嘉禾篆

吊支推府子夏

壽劉大尹

贈尹斗山大尹去思

壽劉二尹

七言古風計十二首

淮陰舟次吟

長安道

卷之一目錄

十六

行路難

贈司訓鄭子雲誕長孫

題張星湖遂溪遺愛歌

壽王紫南七十

壽陳志齋太安人莊氏六十

壽堂兄廷文八十高州通守春容父

為陳心庭題蔡宜人像  
題蘇海東孫士瑜塘東水亭

題青芥圖贈程龍湖二守

錦江行

登望行

重刻叔祖錦泉先生文集卷之一

庚戌會元錦泉廷璜甫傳夏器 著

姪孫庚午文魁相峰則弘甫

癸酉文元朋台時化甫

丙子文魁鳴山存周甫

庚辰進士八石則庸甫

丙戌進士鳳崙則及甫

丙戌進士積呀有積甫

丙戌進士承宇寅修甫

戊子文魁和宇宣夫甫

巳丑進士騰阿邦瑞甫

庚子文魁葵菴有遶甫

壬戌進士潛菴見卿甫

戊辰進士念介曙卿甫

戊辰進士幼心子叔甫

巳巳貢生奏五有璧甫

癸酉文魁退翁伯奮甫

丁丑貢生有鼎甫

履重

道禧

秀

履禮

履階

慶昭

道統

樂

賓鳳

國俊

文龍

落光

元物

奏奎

元楨

出震

卷之一

丁酉文魁 然夫甫

都督僉事紫園爾襄甫

通判石濟世揚甫

州同介如世朋甫

孫郡庠生

邑庠生

邑庠生

郡庠生

宣全校

贊重梓

為霖

君錫

瀚昌

之琅

之積

網勳

全輯

卷之一

贈座師章陽華權南太僕少卿序

陽華章老師以考部大夫權南太僕少卿行之日諸

門生祖道左屬某序其事某聞豐山之石其為鐘有

九焉懸之窮崖蹤跡弗至非考擊所及也乃至飛霜

之晨鏗然鳴有聲夫鳴信異矣而氣符實應天地精

肅之氣布而成秋凝而為金秋氣成而霜降金氣盛

而鐘成一氣響應其鳴也動此通彼遂以異聞天下

鐘應乎霜其猶物之一音若士處世以知音聯合精

神也寧惟鐘於秋霜然秋者收也物至此氣成先生

詩書文質之雅仁義經綸之具為世宗工海內傾嚮  
德業成矣置之刑而刑平置之禮而禮秩置之課衡  
黜陟幽明而百工諧瑩潔精烈鳴聲震寓內秋霜之  
鳴鍾無過此者天下士子和其聲而應之南宮之掄  
選也夏器以哇音荷知拔先二三子鳴其廷對也呂  
子調陽以第二人及第鳴諸子二十人又皆當時人  
譽各以其所長鳴聚首燕臺鍾牙投遇洗心探止脩  
要歸抵掌而談世務先生坐而唱之二十人者從而  
和之先生天下之烈也豈雍容廊署是鳴是和將磅

卷之一

二

碑九有輝騰八紘勒崇垂鳴東西南北馳驅經營以  
佐天子涉五帝之寥廓登三皇之階衡秉鈞政府  
察其成而擢之其擢也以南岡卿南都鄉秩階崇事  
簡詎非優養樞執之地哉先生秋霜之烈鳴聲胡注  
不應即三年不鳴鳴驚人矣不知秉鈞者其將以節  
鎮鳴先生經畧耶其將以台鼎鳴先生謨猷耶不知  
先生之南棘也二三子其誰與鳴耶鍾之西廡車之  
指南潛氣聯貫非几席前矣故士有跬步而越秦有  
千里而如面惟所與輸肝膽者奚若也庸詎知先生

秋霜鳴穎二三子之不以竅吹鳴應耶陸宣公放榜  
拔士三十人名公多入其殼當時以龍虎榜稱自今  
考之名賢多矣而不類者未嘗無也又不知二三子  
之以鳴聲應也其有鳴之善而為韓愈李絳者耶亡  
亦有鳴之不善而為王涯皇甫鏞者耶先生於二三  
子號知音矣精神感召惟我昕夕之有搏拊焉如歌  
有雅如絲有匏其率和聲以相從也曰庶無鄭衛乎  
今夫子之南也吾無以為雅矣即謂二三子無與鳴  
焉可也此其所為惘惘也

卷之一

三

贈薛南塘授南刑部主政序

古人四十而強始仕力充之謂強德充之謂強知通  
萬曠而是非利害充然無所眩焉之謂強守立萬仞  
而繁劇艱大充無所撓焉之謂強人喜耶動於好  
人怒耶動於惡人憂耶動於窘人懼耶動於迫人矜  
耶動於盈人蓄耶動於歛人狂耶動於肆人感耶動  
於憚強則不可動而好惡窘迫盈歛肆憚之感如浮  
雲之過太虛若無有也蒞事當官碧乎遊刃有餘地  
矣故易於四陽盛長命之曰大壯而子輿子亦曰哉

四十不動心夫不動而于四十乎待此古人所以求仕於四十之後也薛南塘君同余成庚戌進士皆當強仕年然予之強年耳南塘君氣豪而養粹學博而志遠其議論走坂上尤以東西南北縱橫而不蕩於法外其存心欲進於古人而俱未能力之充而德彌不動此為強立時矣茲當入仕始天曹以次授留都刑部主政又及此強時用之也夫其用也當其強其強也惟所養君子之強仕焉而用學焉而養有以養之其餘莫能當無以養之其強且億試以予証之

卷之一

四

予嘗終日倦矣而力若不勝衣焉又嘗終日奮然孜孜矻矻矣則是力若有或生者何也養之以倦怠而力亦倦怠養之以精勤而力亦精勤也故養此有術泮以恬澹之清波礪以辛艱之砥石煨以鼓鑄之洪爐馳以追奔之鐵駟人之養力無過此者以是養德術可知也易之壯曰君子以非禮弗履禮者理也一有非禮之邪斷斷乎不以干於我即一視一聽一言一動純然天理而至大至剛之氣直養無害者塞天地配道義德乃充然不動矣其謂之壯乎其不謂之

壯乎其謂之強乎其不謂之強乎人生而年之為十者四如月之方望日之丁午過馬晏缺故光被萬物容光必照惟此時為然及至翳之以雲霧移之乎晷缺也其為晦冥不久孔子曰年四十而見惡其終也已余年四十脊二矣君亦少予一歲將上達而聖賢乎惟此四十將下達而見惡乎惟此四十今與君俱侍金馬試通籍年則強矣君其試以養德之說自考驗而以其暇餘為予考無虛此強壯時徒浮沉入仕也則予大幸

卷之一

五

贈昌鳳兩寧波府節推序

同年昌鳳岡君授寧波府節推子為鳳岡君賀也君曰奚賀哉予釋褐蒞民而縻茲劇理讞辟事且左右惠文君激濁揚清寄耳目軒輕察之太盡則欽怨容之太廣則惠姦禍福之門難為關予茲懼焉未知免日也予曰圖難思惧事之集也能事旌伐福之黨也吾知免矣且君之所謂難者何哉將惟讞辟之重輕是難則四明瀕海之數勾引貿易連際乎日國富商巨室權侔於大吏一扞文罔不縱不隨有熙朝之三

尺在將惟惠文之耳目是難則官吏功罪之實郡邑  
任遊之奸摘鈞距之隱伏持案牘之平反鏡別不差  
擊斷無諱公是公非有三代之直道在君無謂任事  
之易又其無惟畏難之謂其謂糾諸司以法難絮上  
下以正難而惧夫典刑之不做易也乃日兢兢矣不  
然夫豈不知臣職之亡避難也以君二難吾為君解  
以一懼為步履之傾顛不傷於畏途鉗鼎之羸闕不  
廢於戒手何者知惧之時無縱忽而倉卒投擊之無  
足以為傷廢也庖丁解牛目之所視未嘗見全牛也

卷之一

六

然至於族則為之怵然止為之踟躕回顧非為其難  
故惧之耶故遊刃無忤十九年若新發於硎然後知  
其無難也夫折肱三而為良醫傷弓驚餌乃高飛而  
深逝故知阻知惧多得諸老成更事之後而君以英  
妙之年初試之刃遂知難而惧也距有阻哉豈惟禍  
是免將上下福澤是戩東甌之民有幸矣

贈袁義溪泉州府節推序

年友袁義溪君授泉州府節推維泉介在海隅去京師  
八千里而遙其去藩城亦無慮三百里故下民之困

抑不得其平者上不能直之于輦轂次不能直之于  
臺省皆求諸府而直焉入其地阻山跨海奸宄剽盜  
出沒濱海航漁之民習見擊刺武勇驚悍動以忍怕  
相刃相靡殺傷不避誅其於獄訟為繁節推司刑繡  
衣使者行部輒以節推隨允民間獄訟皆先以節推  
訊服而後上之臺故節推代兩臺蒞事其斷獄又為  
繁夫典刑者民之司命也君非泉之司命而泉民之  
所為生死耶言刑則律令具矣豈其所以具哉昔者  
聖人議事以制不為刑辟世之偽也滋甚堤防不能

卷之一

七

也乃徵於書而律令定若以聖人意注胡不慙焉故  
得其好生之意即法令具備而不為苛不得其意而  
惟法是徇執盈尺之紙鍛練囹圄中罪狀某也當某  
律令某也當某律例格式具備不過費一朝檢閱而  
足也如此則一吏可矣菓菜之饋集之可以成賦言  
笑之微摘之可以為罪誠所謂大可論而小可斬者  
而民始無所措手足老子曰天地不仁以萬物為芻  
狗聖人不仁以萬民為芻狗其言則過然自用刑者  
之不得其意也而民始搖首觸目輒扞法網桁楊桎

桔相望聖人之智故亦亡乃盡天下而芻狗之耶世  
常酷趙禹張湯矣見知腹誅之法自湯作始深文巧  
詆得酷名宜矣禹常據法守正亦不免焉者夫不深  
其意而惟文法是繩雖以蕭何之律案劾民之不聊  
生者已過半矣雖比之湯亦可也義溪君明經高第  
其立心常以龔黃卓魯自期抱豈以申韓刑名為君  
過計哉君董刑法而于教邑之萌諫是董故為教邑  
昌書之也

贈譚少石令魏縣序

卷之一

魏於唐為雄鎮歷五代常為國梗至宋未幾而遂陷  
于■此其極衰之候矣入我朝為京師內輔逼近  
日月漸染雨露斯又毀又向盛焉古今地靈感哀之  
候相仍其由天耶其不盡由之天耶夫其哀也不自  
哀必有人焉殘之其盛也不自盛必有人焉昌之當  
唐氏之季如田承嗣之徒竊其雄柄八分子弟腹心  
以為民蠹賊者數百年氏必不知有生之樂有君之  
尊是之所以乃哀由人哀矣今之盛也詎不由人感  
耶迺予所覩記未有布帛和之政希循良之跡反汚

濁之民舉之三代之上者將予聞見寡陋魏有其人  
而予未概見乎亡其地運雖向繁盛而應運之人猶  
有待而未易得乎余同年譚少石君以盛年擢魏科  
清逸之才明敏之識龍泉之鋒淬之以清波歛之以  
越砥德器深厚如圭如璧其試於政確然可知矣豈  
非古之循良而今所謂應運之人與余於君為同年  
友又同為章陽華公門人其知君也不庸當今之輔  
邑魏為大當今之魏郡視前世之魏為盛當今之治  
魏視國初之魏為難外悍驕黷內控諸夏實維腹心

卷之一

九

通者沸胥擾塞垣力役之征芻蕘之供百需辦也百  
疲羸也益錯批扶折衝任席鸞鳳膏澤詎不難哉  
難而集其易撫運而躡其盛少石君得無奮然憤  
使魏民襲見三代之治乎君惟是 萌黎所以治平  
則仲由之治蒲孔子所稱三善者其去魏也不遠遺  
風所傳猶或可以私泚此吾先賢之所畏也以爲君  
願奚如

贈徐寒泉令臨川序

臨川介江湖之表地大民稠冠蓋接踵天下以劇縣

名同年徐寒泉君令於斯君天資質直樵朴未雕訥  
乎其言若好閉粥乎其貌若怯而耿耿然若有以自  
憂憂臨川之治不易也予曰濟天下之事惟誠與才  
誠本之而才用之誠基之而才合之此豪傑所以易  
海內而奏膚功也若論其大較誠勝多功才勝多害  
誠勝之人淵蛸蠖濩之中恤恤乎垂思儲精循循乎  
坐功效如紅女之於紡織也縷縷而計之積縷成筐  
寸寸而尚之積寸成丈其成也不易矣而布帛之用  
卒不能廢於天下何者誠壹所致即至難極鈍亦可

卷之一

十

以成章皦皦曉曉不汗則缺奚績之能成試以臨川  
先輩言之宋之晏元獻王荆公皆天下偉人也元獻  
後時號稱儒雅質實王荆公之才與元獻殊絕當時  
以才望歸之彼亦以才自負其議論如輕舸乘流水  
下長江如駿馬馳熟路其意氣欲使其君為三代而  
已為周公言治孰有易於荆公者以今觀之何如哉  
故與其才勝也無寧誠勝質直如君慧巧不如人乎  
奚恤論篤如君口給不如人乎奚恤和易如君精悍  
不如人乎奚恤予與君上下魚水謹有日矣真倪之

所流貫步趨之所矚矚將惟君表裏一醇是虞度為  
君憂矣乃惟兢兢日不足也而謀所以植臨川政本  
則厄言為君勗有之凡薦賢之人當達已所長而本  
所短木訥少文者戒於苟簡慈惠和愛者戒於姑息  
浩心寬大者戒於後時以至內之尊德性道問學擇  
善固執以脩其身而新億兆人之汙染乃真能達已  
所長懋養真誠也者形著動變將無不感化而何有  
於臨川是予所以為君勗也

贈毛野直令鄱陽序

卷之一

士

同年毛野直君在京師邸舍與余為莫逆交大都篤  
信古初鄙薄世態以聖賢之學為必不可師而世俗之  
自棄於聖賢至以為聖賢相詬病者野直疾之尤深  
予曰無怪吾屬以為己之心為古人則何所往而不  
可以為人之心為古人則何所往而可聖賢之道至  
易至簡易知易從人愛人敬無惡無射今為古人者  
或至飾智以驚愚諄論以惑眾揭揭乎如借人之珍  
寶而銜之於市如襲人衣冠以示庸夫孺子而夸耀  
之欺偽勝而薦實衰辭華侈而忠信薄聚黨徵會樹



門立戶群不逞之徒望風蒸附妄相標榜希圖幸進其漸必至於索隱行怪率天下為偽無恠乎天下之疑且怒至設為浮言而肆力以攻也予屬自反馬爾矣未幾野直君授鄱陽縣令又論所以為鄱陽者予曰為治之事即為學事也以為己之心治人何所往而不可以為人之心治人又何所往而可語有之矣今夫狗利烈士狗名夫役役於名者其視利之乎役役者奚甚徑庭哉狗利之害亡論已若乃所謂狗名者志豈民萌是為惟名是徵以得意於上為知以集上之事為能勢必峻其刑苛其征急其期會培克聚斂以成吾所以事上者其或惡彼所為則又峻刻以為高警擊以為快為下則難為上為上則難為下又其浮慕奇異者取法度而紛更之以為聰明若是者名為奉法而法蠹名為治民而民擾此予所謂狗名之害而願吾子之治必且以為己之心為之也鄱陽於江右為巨邑自周陸以來有志於聖賢道學者不少時為世詢病者亦數數有君素有志古人至鄱陽試為吾以前所稱為己之學參驗諸邑先生譚說矣

卷之一

三

若以後所稱為己之治奉法循理無愧古人則幾矣  
贈趙晴原令上杭序

國家曠社萬方窮山谷之深靡不設官置吏以艾治斯民其近者懸帶日月而常照臨之漸染雨露而常沾沐之其咻噢為易其遠者日月之所照臨漸以舒雨露之所沾沐漸以微故遐方民萌每以不遇王化而惟蓄是惧 聖天子在上平不肆險仁不遐遺公卿祗承德意至於窮鄉之長吏尤慎其選汀之諸縣層巒複嶺是為閩中與壞涼僻之限其去京國以南七千里餘其民居錯緣陵阪潛穴林篁聲教壅閑俗至陋又其甚者獲之倫乃或縱其睚暴蹶刑掌藜業葢為之生塵上杭諸汀即號知詩書善地揔之有諸叟之獷悍焉政府之選也以晴原趙君令於斯豈以衆選之碩望而投諸荒裔哉其謂君訓黎庶以德教易蠢蠕以文明揭令甲而示以罔之不可扞也君敦厚而不迂明達而有守靜而毅簡而方布德行威茲其人矣君亡謂封豕之頑民難與興化彼其採山儲澤治生計常饒而稚埋築營則教化法令罔聞知

卷之一

三

豈盡為頑民過亦司民者之過也有循良長吏為整  
齊其政化導其德醇醇然漸摩薰染一洗桀黠而新  
之使俱曰明之鄒魯閩焉且且惟我諸虔之應運獨  
汶汶乎則汀杭之教化行也君又亡謂更化善教為  
迂譚也而徒襲故常簡書是塞夫長民者侷於天地  
以權人物擅山川之主發山川之英吾閩山川自贛  
而來汀為首會是山川之秀氣乃惟汀先得之秀氣  
在山川發於物為寶發於人為賢汀當宋時常產金  
銀銅鉄宋人治之以佐國課豐於物必蓄於賢宋之

卷之一

十五

陋也宜今諸治罷矣山川精氣所鐘在賢試嘗論之  
必產育賢俊無疑也玆寶盛而府庫充其興作實維  
有司賢才出而風化易誰作興之其無乃惟君責耶  
子游為武城宰而邑人絃歌夫子不謂迂也君若不  
迂于游乎則試以教之大者為上杭山川發靈寶也  
乃設官柔遠羨意不虛矣若獄訟簿書之事即君口  
耳酬耳余何辱辱者據梧瞑可也

贈錢鶴州令江陰序

予竊伏田里備嘗庶民疾苦水旱之不時穀菜之不

登亡論已至如天時順若地利後育五穀豐登氣稷  
不倫民猶憫憫然若負痛癢此其責在守令而患  
莫甚於賦役之不得其宜今觀天下財賦倚辦於東  
南蘇常為淵藪財帛之供力役之供所需以辦經費  
居天下十之五六而民之痛憂不可解於豐年者又  
有甚於曩所觀胸通者日城之警遠人荐告內  
帑報乏中外騷擾催徵四寓之民罷焉江淮吳越之  
間蕭然特甚以今之蘇常視昔之蘇常又何如哉是  
予在田里所患未若所見蘇常之患之甚也予觀往

卷之一

十五

日蘇常之患未若今日蘇常之患之甚也錢鶴州君  
為令於常之江陰居其地又遠當此時得無患耶士  
君子入官所揆圖者事孰非所事所照惻於天下者  
憂孰為可樂其上整齊之其次撫綏之不害公不傷  
民必有石畫焉而鶴洲君以俊逸之才和易之度精  
詳而萬寶博雅而明快其無錯節於斯可知也夫  
國家開基克建業不數月即取江陰當時士誠友諒  
交侵之禍滿天下而能以給食當食者且使仁  
聲先路黎庶樂業當今戎馬未至國初百一昔以區

區之地抗天下之●今以天下之地抗一方之●其勢難易懸絕矣而鶴洲君為之解紛循理其必希循良之軌反罷救之民而登之三代又可知也哺嬰孩者無忘養伏雖有饑饉流離捨椽供養孝子不廢何者心誠孝慈其所需奉靡不具也如惟睢厲固恒即庖餘梁肉而士不厭糟糠廩餘菜粟而民菜色者有之君亡謂蟻蚤亡庸恤而日屋孝慈之所以為養也蘇常其有息肩哉

贈同年丁樂亭君令內黃序

卷之一

十六

子考載籍觀子路治蒲未嘗不喟然嘆古人之學足以用於世如此也夫治蒲三年亦未幾矣孔子過之入境而善之曰恭敬以信入邑而善之曰恭敬以寬至庭而又善之曰明察以斷所以知其善者以田疇辟矣民盡力矣其恭敬以信可知也墉屋尊矣樹木茂矣民不偷矣其恭敬以寬可知也公庭閑而民不擾矣其明察以斷可知也今其地豈非今樂亭君所灌之墟哉彼其當時地屬晉衛之交兵革之役朝聘之供無日無之國小政繁而子路乃能以煩為簡與

萌隸休養為善治今國家幅員萬里供給不於四垂而茲地為京師輔郡逼近日月漸染雨露宜元元得以保安要領於草澤乃數年以來外徼沸騰役及內地催募之需藹焚之供騷然震動而畿輔以近地尤甚以古如彼以今如此計今之民豈甚異古之民也毋亦子路實不可得而效乎非耶夫由漢以來至今良吏在其地者不少又何畏於子路毋亦其人固有旣待乎非耶予同年樂亭君以盛年登第予從其後且同為章陽華公門人歡最深接其貌溫如也領其

卷之一

十七

譚論確如也由外以察其心則信所謂金玉之芳布帛之素其施於政者卓如可知也今之內黃其無如古之蒲乎可知也雖然余竊有必於君也曰心者才之本也恭敬者治心之法也古人蒞事而事治也非各異故則惟恭敬是爾亂也非有異故則惟慢易是爾夫子三善子路而以恭敬稱也豈非子路固治心以恭敬而兢業以當盤錯哉方今事故多滋科條稠濁態偽並起不勝辨理胡可易視以君之慎勤故竊評之於君必且惜介陰履薄水戰戰兢兢以効善治

此豪傑聖賢所用以治人世也者余故為君必之也  
贈李少峯南戶部主政序

予鄉李抑齋先生以詩經魁閩省登進士職天官出  
憲臬於湖省其弟少峯君又以春秋為閩魁同余登  
進士授今南戶部主政古人家學傳授兄唱弟和戴  
廷君之弟次君魯恭之弟丕其卓然者也然皆以一  
經顯門傳授講習未有如君伯仲自成家學借為天  
下奇異者夫豪傑之士其興也無所待其學也不一  
足易詩書春秋之經皇帝王霸之業隨所取而自得

卷之一

六

其焉不學乎其何常師乎今之入仕也將窮經致用  
矣董仲舒以春秋發憤下帷其平生操持論建皆春  
秋大義以此度越諸子君治春秋也試與君為春秋  
言焉春秋之謹嚴也亡亦謹於義利之大閑耶亡亦  
謹於夏之防耶達於義利之大閑成身則優達  
於夏之防從政則裕君渾厚而精明質朴而博  
雅義利大閑其範之為身矩者乎則君必嘗研究允  
蹈焉乃今君懺悛塞垣烽擾至如管仲勇犯先軫  
魏絳知瑩之烈內脩外攘以成石陵城濮蕭魚一詩

之勲予所謂察於夏之防者君得無講乎夫南都

古六朝之墟而戒太祖廓清之蹟也等一地耳六

朝譚虛從靡至使中華淪左衽而不能救我國家

定鼎創基掃除而化為華治亂殊致雄弱相

反豈氣數使然哉祖尚浮華而亡義利正軌故胥為

振飭紀綱士敦摯尚故永保昭夏而功君百王也

故嘗論江左士習玄譚曠蕩其惟為遠乎則有迭檢

踰開傲物溷利不恤者而義滅優養豪侈其惟為恣

乎則有鬪巧積賄沉聲溺色嗜利無厭者而義滅組

卷之一

九

織辭華其惟為誕乎則有風雲月露靡靡不經盜名  
利罔顧者而義滅董仲舒有言皇皇求仁義者為君  
子皇皇求寵利者為小人彼士習而盡以利終也矣  
而弗哉君之南都事簡矣心逸矣其惟肆力於學  
問乎即以春秋義利之閑精而究焉試觀國初江左  
士習與近日奚如大江之濱君且中流砥柱也乃伯  
仲所為窮經致用者不虛哉

贈劉鶴洲令翼城序

翼城古晉之絳邑也予讀柳子厚晉問自多其陶唐

之遺風晉文之餘業及考詩唐魏二風大都民偷極而纖奮動極而迫促樂不至淫荒動靡華侈惕惕乎其憂深慮遠之民乎故有德以化導之則陶唐熙風至今號稱上治有法以齊之則文之教也亦以主盟方夏古今時雖不同然自今有雍政於斯者導民以德乎其政渾渾其民醇醇帝之為帝矣齊民以法乎其政赫赫其民謹謹伯之斯為伯矣德之與法其惟所為耶余同年劉鶴洲君以進士授翼城令君天資篤實器深厚加以積累於學問跋涉乎艱難其取德也弘矣其閱事也熟矣且君生於杞杞夏后氏之後也夏禮人能言之俗能傳之典則所貽習尚所漸其為忠乎則君必先得焉渾厚之質優於德化尚忠之習優於誠感計君之所以為治必唐也而不為晉也今之號為汙吏者亡論伯已而以俗吏名者深以為威察以為明汲汲於聲名駭人耳目以為觀而民病且不勝夫惟安靜之吏悃幅無華碌雕以為朴破融以為圓於是乎民蒸蒸馴善不至奸以若所為較彼所為孰得孰失君必能辨於此矣世常右刑名而迂

卷之一

十一

德化且謂為循吏無赫赫名耶謂為循吏無歲月效耶彼龔黃卓魯皆當刑名繩下之世樹勳勒名治雜伯亂絲之民化頑易暴捷若應響動如發機惡在其為迂也君以夏餘之淳風撫陶唐氏之淳黎底績之後而吾知其熙熙成風也如柳河東氏且不為君修化日也耶諸同年謂予之期君也大因命書以為君贈

贈顏雙塘令海陽序

卷之一

十一

山循賴汀連亘以倒海埏其南為潮北為漳壤地相接語言相通相去不數百里間亦異省之同鄉者同年清漳顏雙塘君令潮之海陽縮銅章帶黃綬以臨民于鄉邦之側詎非從政於其鄉昔人所比畫錦之榮者耶雙塘君又以親老奉就官朝夕王事而養不廢此非王事驅馳而兼盡孝養之節者耶畫錦榮名也孝養盛節也人蔑不顧矣而得之不可必也雙塘有烏雙塘何幸予亦樂雙塘之有幸也雖然士君子立身其仕也以為道不以富貴為榮其孝也以揚名不以就養為大如其滋罪戾於百姓也怨誅噴詛遠

猶聞之况在鄉鄰之側其能塞乎若此者即三牲之  
養日用吾無下咽矣雖謂不養親可也故錦繡誇於  
鄉閭不足為君榮班爛戲於親側不足為君大惟德  
浸百姓勞動家國伴窮鄉荒谷謳吟化澤以及其親  
是吾所為君禱而求也君以篤實之資沉潛之學閱  
歷深而世故熟才氣高而精誠定其於古人所榮與  
所大及世俗之所深幸必有能辨之者夫潮韓文公  
過化之地也遺芳在人潮人至今歌頌世世尸祝所  
謂匹夫為百世師一言為天下法者載在史冊可則  
效也君仰而思思而法得其所為脩身善世者乎即  
衣錦之榮何必顧孝養之盛何必羨而年籍中光寵  
何如也

卷之一

三

贈林鶴山令餘序

林鶴山君以進士尹饒州餘干縣余往餞之鶴山君  
曰惟余與子年相近也術相若也同舉於鄉又同舉  
於禮部余子之異姓兄弟也今將有吏民之責諄諄  
而教之互莫如子夫余舉於鄉時弱冠耳余於鶴山  
君雖稍長然亦不謂不早余羨君之夙成君亦未以

余為遲鈍及今十九年疲風雨之櫛沐厭倦車馬奔  
馳始獲同登進士則皆遲暮時矣天意不可知將老  
其才而大其用耶抑數實然而余二人適適其厄窮  
耶然觀天之生物性也若惡之而實成之遲也若棄  
之而實大之榘楠杞梓為世棟樑良工擇焉夫豈朝  
夕為大滋之以雨露鼓之以風霆摩之以雪霜漸而  
靡之以歲月彼不歷襍百千未脩脩然也故顛培困  
抑非身之災也艱難險阻非德之害也困惟身地逆  
乃順機由斯以觀天意或有所屬乎未可知也昔晉  
文公之霸也勇犯趙衰諸君子寔左右之文公績著  
於城濮名樹於踐土征虞夏商周之胤而會同王帛  
實惟諸臣論者固為諸臣偉其烈然不十九年於外  
則其才未可以相國而歸不必伯吾屬際休明綦運  
即未有戡定雄圖而經綸調燮之策何時忘兢兢天  
或使吾屬如晉諸臣乎又未可知也予幸得侍從容  
臺漸濡禮樂以觀殿省之光而君竟補於外事之業  
積方始心之痛瘁日殷視昔尤甚余觀晉之諸賢薈  
之從亡者入蹈要津而賢勞如趙衰且屬之守原天

卷之一

三

欲豐其功則必重其勞天欲闢其施則必親之民天之所以厚趙衰者其將為君厚焉又可知也君之祖司馬省菴公頌德重望知名海內世有賢哲而君承之以德副直而和明達而煉重以十九年世務之嘗其視古之賢佐也亦若此矣餘干之治乎何有雖然百煉之金天下無逆刃庖丁解牛十九年而刀刃若新發於硯豈能用其利之難哉則善用其利為難矣余又懼君以十九年之煉而為一割之用也以故為君錯意也

卷之一

高

贈王新泉令秀水序

往余計偕南北馳也道出秀水竊詢其風俗疾苦聞之曰嘉興今繁庶富侈地亦易疫之鄉百年來見其富十室無一馬五十年來見其富十室無三四馬二十年來見其富十室無五六馬所不墜家聲常為巨室於國中者惟世宦若屢畝百姓一世之間十年烟火貧富異狀予愀然悲曰若法毒之乎若為政於其地者毒之乎予觀天下財賦仰給東南而蘇松常嘉湖五郡為大下以給羽騎糧饟上以充百官祿俸而

卷之一

注

糧庶長之轉運害尤甚為政茲上者又苟惟罪戾是免民困之罔恤征歛無藝經制無法而人始重困則嘉興今日百姓之疾苦將委之法乎將罪之人乎法之所病不能以一旦受其在人者而獨不以人之競競解倒懸乎夫人如傳舍馳而莫之能解也亦可悲矣年友王新泉君為政於秀水君寬而肅儉而勤和厚而不流廉介而不苟論時事輒扼腕感激常欲與古人爭先詎非今日解倒懸人即至與余論秀水事果惻惻然悲夫不以民力之既竭而國法之為我掣耶造父御馬雖馳以千里而足不蹶匠石之運斤也聖畫而鼻不傷彼其人馬之所調停心手之所神運必有進乎技者故無廢途無佚馬無輟斤而造父稱善御匠石以運斤神萬姓一馬也法令一斤也今之司牧試以造父之御馬者御民而以匠石之神運運法其有病法乎又其有病民乎陸敬輿嘉禾先達也當建中時宦官亂於內藩鎮橫於外盜賊竊發猖獗國計不充間架有稅陌錢有稅民幾不聊生而陸公敷陳制置動中機互鑿鑿可行况今承太平

之隆撫尚大之運釁孽雖萌其於荼毒未數數然也  
猶有所可為者也是其調和蘇息陶鑄將猶昭登乎  
虞周者也孰沕沕乎而徒以憂為如君上之負天  
子下不負所學前不負陸敬輿豈惟秀水之民憂是  
解即所憂東南財賦亦惟君倚賴矣余而後乃知為  
杞人

贈鄭越渠令婺源序

昔紫陽朱先生倡道於新安金華呂成公和之上下  
議論馳驟古今而內聖外王之學由以不墜予往計

卷之一

七

借都下道出金華欲求其聚講之所而故蹟湮沒漫  
乎不可指識也至其地憮然踟躕回顧見其山川風  
俗雲煙浮動萬千物類繁蕪衣冠踴躍濟濟依稀乎  
猶想有呂成公文獻之遺焉及至庚戌成進士同余  
年者八人皆英畏之士乃信呂成公文獻猶存而鄭  
越渠其一人也已而越渠需次於天曹授婺源縣令  
則又得以日涉紫陽公故蹟而呂成公之所相論辨  
與予輩之以為則者君且委蛇其畔岸而身枕藉之  
也夫君產於金華得呂成公之遺宦於新安得朱紫

陽之遺昔之學業呂成公為之先今之治業朱紫陽  
為之先在昔二公相友以天下之善士今君上友二  
公以百世之善士君之幸也甚予之羨君幸也滋甚  
君之所則效以治者且惟二公子所為君規畫治法  
者亦惟二公二公注日講明治民之道亦既詳且備  
矣即時有異變也而必通異亘也而必遠勢有所不  
可循禮有所不可襲講而明之烏乎而非吾學舉而  
措之烏乎而非吾治君胡求哉高山仰止景行行止  
詩之好仁也如是吾儕齊心好仁其心夙昔潛紫陽  
公遺訓尚肅肅然懷敬惕况履其地也親親像也目  
瞿聞名也心瞿其有聳然思法乎否耶法之足以治  
矣婺源今日之民其無朱呂乎乃吾儕蚤夜所勘破  
穿貫者功用始彰彰也

贈王龍池守鄧州序

國家嚴藩王之制凡有戚於王府者例不得為吏乎  
內行之彌久其防益峻至有王府之親已盡其宗屬  
猶以舊禁為礙使清才竟不得與內選非法之過行  
法者之過也王龍池君奕沙其年駿發其才全予欣

卷之一

七



進士千里之駒嘶日而耳揚含風而蹄輕鳴和鑿於  
鹿衢騁長途於萬里如君肩天下鴻鉅遇都歷塊忽  
若掃篲耳如君委蛇館閣臺省中崇論宏議汲鄭無  
能為補拾王魏曾何得以及顯謙鑑而格於王府已絕  
之親以知鄧州出凡君識者皆為君惻而君遠適然  
弗改素若不知其為州也士君子致身行道一身利  
害且不計其知有官乎官非吾有也其知內之為優  
外之為劣乎龔遂為昌邑僚屬以昌邑王故不獲顯  
仕其後渤海有潢池警乃起家為渤海守更始治絲

卷之一

廿六

與百姓休息而枹鼓晏息化刀劍為牛犢易兵戈以  
耕稼列之循吏傳至今仰之有奕輝焉後之入為水  
衡也雖或越從卿士之列與觀朝宁之光然今所以  
仰慕之者不以水衡而以渤海向使龔遂即為水衡  
而稱職亦一稱職吏耳其功澤加百姓詎如渤海焜  
耀古今而人之仰之也必不如渤海事之膾炙人口  
無疑也使龔遂而計此度彼又必不以一水衡之稱  
職而易渤海政績無疑也故君之內也不必喜而外  
也不必憂惟竭股肱之力布之以德惠不愛膏澤以

庇民也曰必而不朽寧為龔渤海知惠微于鄧之先  
哲以大造于我有民則脩灌溉澆澹農水利教化大行  
吾不知召信臣蒲鞭示辱講經垂訓吾不知劉寬于  
為之歌一鱣之儲吾不知元德秀九原而可作也將  
是之與歸鄧州中邦其無渤海乎其亡汗青乎將為  
君惻乎將羨君榮且羨乎為其所可羨無為其所可  
惻惟君所為也

贈朱肖若授南工部主政序

國家入仕之資自縣而府而督學自督學而省試登  
薦者為舉人自南宮而廷對登選者為進士凡六  
轉而任之官若是謂明揚重典賢豪不偶官人若斯  
之難也故有窮其力而後得者焉亦有終其身而不  
得者焉而吾同年朱肖若君以少年一舉於督學再  
舉於鄉省三舉於南宮一二年間遂成進士授南水  
部主得之何其易也夫士也耦猜惟天浮沉惟天窮  
通得喪惟天其有莫之為而為者乎故遲速早暮有  
離易焉無惑也至如學其所以仕之理惟人而已矣  
於此有序焉而序則何容易古人之學明明德於天

卷之一

廿九

下先之有齊治之事又先之有脩身誠正格致之事  
自離經辨志以至於知類通達非假之年則不可得  
雖以夫子之聖亦自十五而至七十然後學大成則  
信乎其序之不易也故肖若君之所易者余為君喜  
之而不欲君之以自喜也其所謂難者余願肖若君  
常以為難不欲君之以自忽也君嘗觀於稼乎農祥  
辰正春水既至此萬物萌動之時而苗忝漸滋之候  
君得時候之先其種種也蚤矣其得地力也深矣其  
植根也固矣其用力易矣而庸有豸乎種而溉之溉

卷之一

五

而耨之旦旦於田疇矻矻以終日雖衝風雨冒寒暑  
田功不廢然後可以收其成奈何以易故荒也夫士  
窮居時內持家計則有衣食之累出從舉業則有鉛  
槩之累今二累釋矣且優養於南都其職簡其心逸  
其地多古蹟其友多賢士大夫君為鶴鳴也靡好爵  
和德音予將九皋聞焉易耶難耶其無易無難耶予  
此時羨置喙矣

贈張養齋吉安節推序

予在學校時獲交養齋君於尤思所館中越明年為

辛卯君伯兄淨峯公於君深器異擬惠安是歲之入  
選者則康盤峯莊瓊泉及君是歲康莊二君與予同  
入選而君出所擬外至己酉始領鄉薦而連捷於庚  
戌然予謂賢豪君子困之愈久則積之愈鉅淨峯公  
豈阿所好人哉時已超超然穎異矣繼是年之為十  
者二涵養又何如也如予之鈍也而困之久尚以有  
所進自覺况君之穎異勳歲月熟世務若龍泉大阿  
淬以清波而飲以越砥若蒿楛而羽之又若喬栢森  
松披拂於烈風層雪而枝幹彌堅然雷之穿石綆之

卷之一

廿

斷幹豈其漸漬歷久而靡有增進必不然矣茲以選  
次授江西吉安節推夫吉安剝府也節推刑官也天  
下之為省者以十三數而江右地大民衆邑多豪傑  
巨室其治為難江右之為府者以十三數而吉安之  
豪族巨室視諸郡為多其治為尤難節推典刑民命  
寄焉豪家作權民家朋勢治之太剛則有反噬之變  
假之以柔則有不行之令假非剛明才賢欲令刑罰  
適中而籍治聲於上下則烏乎有以君之穎異如此  
又以十數率之涵養如此惡知世之所難者非君所

易也惡知石礫沙礪不由是以澤潤其玉質也惡知天非將以大任降而王汝也金鍊則剛馬習則調平易之途多窘步艱難之秋有達才今以吾子之吉安卜之也諸大夫謂予於養齋有同年之雅也屬予序焉

贈錢復軒令晉江序

余同年錢復軒君授晉江令予家南安於晉江為鄰相去不十里墳墓宗族親戚在焉予固晉民也晉之得賢君亦予之賢君也予侍錢復軒君嘗挹其德範

卷之一

世

孰其論議矣簡乎水玉其潔矣朴乎布帛其質矣溫雅之辭而以誠實明辨乎當世之務而卒嚴於道憲仁義也賢君無過復軒君者將行諸大夫祖道于郭外予諗于衆曰惟余邑得賢君而煦育之不亦休乎維我民屬望於賢君不亦重乎民喜其如何諸君喜其如何可無辭以過其行乎夫晉敝邑也土宇之隘生齒之繁竭土之毛不足以供其土之民民之饗殫取給回方遠至於廣之高浙之溫海運一月不至則粟價踊騰古人男耕女織予邑男耕而女亦耕女織

而男亦織其于田者終歲動勤夫婦耦力然後得足衣食其服賈者遠至萬里或累數年不得顧桑梓其為士者多室窶蓋一邑之中享安樂者無幾其困憊轉徙仰給於奔走糊口於東西者常十室而九也民窮則呼天疾痛則呼父母君非邑之父母哉民且以為天朝夕呼焉而望其仁之也以君厚德而為政茲土其蓋蠕蟻也如所天保赤子也若所怙恃庶矣而加以富富矣而加以教天其以人文而黼蒞晉邑之繁庶如栽獲培其終榮鏡寓內焉惟君蒞此而後

卷之一

世三

可知也或吾幸而得請歸榮故鄉入其境田疇治農桑力禾麻較於野果實垂於途入其邑老者熙熙少者恬恬士循循民黽黽上其堂公庭間聞獄訟哀息因時從公暇席賓客之餘歡慶治化之熙洽擊壤叩角稽首颺言頌天子太平之功思詠復軒之遺愛詎不猗與皇哉諸大夫曰然請書以贈

贈方篆石令順德序

踰歐閩而南為廣州巨之以崇山環之以巨海自省西行八十里為順德國家威德覃敷地平天成

之長要荒之民各以其地所有賈於斯珍寶叢集貨  
貝流通香之而榷楠明之而珠瑁動生而犀象齒革  
植生而椒蘇桂若水輸山積紛聚交易夫其於物也  
為寶其於人也為賢余閱廣州誌得寶二鳥吳隱之  
以清為寶陶侃以勤為寶二君之在廣州山川播其  
聲教廟宇永其英靈至今輝光爛焉寶為大矣然猶  
季世也價其楸乎若我國家教化浹洽學校陶鎔則  
宜有寶之非常者出于其間而使之君長其民檀楠  
為香珠瑁為明犀象楸蘇以為異若吾同季方篆石

卷之一

世

君茲其人矣君故雪筠公之孫而靜軒公之子也自  
宋安撫鐵庵以來及至方伯雪筠公刑部尚書簡肅  
公族益大此有朱綸為世名臣相門必有相將門必  
有將君以家學毓德練才冲淡以培之奮揚以昌之  
其玄譚闊論每上下吾未嘗不謂獲圭璧也榷楠吾  
知其為材珠瑁吾知其為玩犀象楸蘇吾知其為麗  
至於君則吾不能知其如寶之聚歟乎武庫耶順德  
得君主方物而事其謂君發車匱珍韞而沽鎮諸黎  
以良美而潤生萌以穆和也君子之為是邦範世勵

俗非清不成折紛辨錯非動不治高山在前仰止在  
目君亡物寶之謂其謂飲泉節乎如其清其謂運甕  
勞乎如其勤當此時聖明普照遐邇從風有一日登  
使車圭璋廟廊黼黻衣座而倒寶藏也者陶耶吳耶  
彼其福矣惟君圖之

贈黃六橋令宣城序

予癸卯歲壯上黃君六橋以經元與計偕予卒邁於  
逆旅而識其人廓乎高明也而非亢儼乎齋肅也而  
非厲于時竊臭味於胸中矣今庚戌予登進士而六

卷之一

世

橋為同年予又盡索其所有則瓊茅蘭若並桂申楸  
馥馥乎襲也以今所聞比昔日所觀尤輕及至論時  
事激昂豁達有古豪傑之風予皆親君之貌乃今觀  
君之心也需次於天曹授寧國府宣城令將行諸同  
年往餞之予颺言曰種德廣業樹名策勛始此行矣  
百里君侯不為小矣物不素具不可以應卒事不豫  
計不可以畫功宣城作藩南夏據吳上游其土之毛  
分奉兩都民庶之豪猾風俗之淳詭治亦不易矣君  
之初涉川也試發掉撓於此其無湖海乎予不暇遠

引請以寧國之事為喻夫寧國大江濱也其人之易於水也操萬斛之舟凌百仞之淵風起而颺至波湧而霧紛魚龍雜沓驚目駭心而是人視之若無觀也其疾若神此豈一旦能者其始必或試之洲渚之間日而開焉積習成能積能成巧而其技之精乃至此方今天下履太平之威溺豐亨之樂人心靡靡不可收拾萬目睽睽將成弊端此何異大江之浩浩蕩蕩有其濟之則惡作舟楫如以不試之才臨不測之壘一任風波而吾憂其望洋失也如必豫具絙楫練習

卷之一

其

標縱鼓柁乘航而放巨壑乎則於今乃嘗試之必此宣城矣夫誦詩三百授之以政必達六橋以詩魁多士其為詩不既多乎其於政不既達乎詩曰愷悌君子民之父母愷以強教之悌以悅安之由是道也是謂好民之所好惡民之所惡由是道也是謂民之父母是詩也附比象志膠連群情試以宣城焉而達濟以萬方焉而達象上理贊穆猷無過此詩者果如所窺索六橋君之風論而以為芬馥者也

贈周屏山節推保定序

國朝於治郡官僚設節推焉司刑獄同年周屏山君以春秋高第授保定允明春秋者之於功罪也其是非灼於心如鑑之受形而妍媸自定其定功罪以評當否也如權之平物而輕重不爽萬不疑蕭望之皆以是決大獄以君而理於刑也保定之民有幸哉君以近輔而言則亦京師之幸也於是諸同年起為賀君曰子不佞職在理刑天下事孰重焉然子所得及理者子勉為子之所不得為者美以哉方今沸胥天驕持擾塞垣下殺人如麻保定密邇邊垂走箭飛簇

卷之一

其

茲乃及矣子惜一人之命而所不及惜者常千百而未已此誰非王赤子而置之也子曰壯哉君之念此也兵刑一也舉陶作士明刑弼教而蠻之猶夏寇賊之奸究皆所事焉假使舉陶為士天下之民無冤於刑然且咨嗟乎蠻之不靖民猶常冤於兵也又豈得謂好生之協故至蠻屏息然後舉陶明刑之功乃見也自兵刑之職分兵以韜略刑以法律兵不問刑獄之寬刑不問屠戮之楚知恤者鮮矣壯哉君之念此也且夫天下之英雄豪傑固未遠以一責

塞也君如求理刑之事則宋有張知白作推於斯矣是以善聽訟稱者也若庚以古人軍旅之事是而則燕之樂毅邊風其猶存乎君履其地思其人歲而謀猷勉焉以成勲業又試求保定舊時宋遼之畏名臣碩士經營勳勳偉績猶可考而鏡也異時者蠻與寇賊屏息明君之德究察臣之勲爛皇唐之世曷以侈茲子故壯君之志而嘉君之必大有補於國家也寧以春秋明刑乎寧以一保定理乎回書以贈

贈朱肖簡尹清江縣序

卷之一

六

朱肖簡君既成進士出授臨江府清江縣鄉先生相率祖道肖簡君曰子初筮仕於邑子初親民也百里之命寄焉草茅甫及此將曷以親斯民而使民親也子知我必規我其毋以我貽鄉邦羞嗟乎余與君相從鉛槧間二十年君倡而余和君行而子信君之性慈仁而有斷篤厚而多智簡而靜雅而飭文章亦類乎其人父美子之知君也而亡寧余知君哉若大宗伯徐存齋吏部章陽華公及石溪陸公蒲山俞公皆天下英偉人也君鄉校時陸公俞公奇之以第一國

學時存齋奇之以第一在場屋時陽華公亦奇之拔入毅以有今日天下豪傑爭知君矣然予友也微子之言予且以責善之義規也往爾祖都憲簡庵公正統景泰之變出入三十餘年勳烈勒於景鐘君常為我言牀第間今每牀第未嘗不在簡庵也詩曰無念爾祖聿脩厥德君念之矣雖然效簡庵者不必簡庵即富於稽古人之德力於行古人之事膏澤流寰寓榮名照汗青其不為簡庵耶其不為親民耶昔周公命康誅責以祗適文考保和殷民然使之敦求于

卷之一

七

殷先哲王又使之求于商焉成人又使之別求古先哲王是何也則欲其求諸古求諸今以親和萬姓而祗適文考也詩有之矣愷悌君子民之父母君之清江稽古求今將無有考成人通達政體而可咨者乎將無有鄉先達風彩矻矻可象可仰者乎將無有宦績於斯其建明其樹立可為師法者乎劉氏敞放二先生有公是集有公非集墨莊遺蹟至今在焉窮經親民道不捨遼君試博而求焉以所講明於經傳者而參酌焉是是非非好惡不偏豈惟如祗適是則是

效清江日所稱愷悌父母者必君也我所以規子者  
不過此矣肖蔭君曰善哉請書以贈

贈郭抑菴令太平序

予與抑菴君辛勤於風塵馳驅乎南北至庚戌同登  
進士共風雨而柳沐之者幾年於此矣智調見於倉  
卒懷抱發於論議取與利害當否機宜已稔於見聞  
括羽之矢鍊金之刀仰落鵠鴈俯斃犀象當其所至  
靡有為其艱者烏藉如置之名邦鉅都授之至劇至  
繁詎不屢采錯事哉而為政於太平以二十里之境

卷之一

四

崑爾土疆馳驅千里驥足踟矣然予謂士君子立心  
無有小大無有眾寡無有敢忽有萬物皆春之懷則  
雖放之四海九州而不以為難有一夫不獲之恥則  
雖授之匹夫匹婦而不以為易孔門弟子若子夏仲  
弓皆為邑宰於魯嘗時所宰之邑比若彈丸生齒走  
集視今日南畿諸邑又其小者也以子夏仲弓之才  
設而操縱鎮而督帥宜其易易者而猶汲汲然問於  
夫子若以為難焉者蓋存心於物則雖一物猶懼其  
不濟存心於民則雖一民猶懼其不懷君子之存心

物皆吾物民皆吾民所難者不必其大所易者不必  
其小操一民怨不足恤之心雖小亦難之而邑孰為小  
操一民怨不足恤之心雖大亦易之而邑孰為大君  
無以太平為易而易圖之也語曰日中必晝言成之  
不可常也明興二百年來聖聖相承天下幸無事景  
運泰隆文治赫奕流俗綺靡此亦時之極盛已威極  
必有意外之虞慶孽且萌生太平北控江湖南連嶺  
嶠密邇留都內甸雉薄出沒之先鱗潛蛟蟄弗備亂  
胎將釀成君得無難哉得無以為據哉書曰思其艱  
以圖其易民乃寧此太平所望於君而予所以為君  
圖也

卷之一

四

贈省文林雙堦憲副督學湖廣序代省文作  
予備任使禮官常從事於儀禮見其親疎有序吉凶  
有節重綬有辨祀事有秩封爵有制盤石之宗貫魚  
受寵纓緇之君稽首承事喟然嘆曰美哉洋洋乎禮  
教之流而人文之昭也蓋自建極庸禮掌之宗伯刑  
予萬邦彬彬然百八十年於斯矣貢舉時予以職與  
試事見青衿之士濟濟歲歲敷闡經史筆削古今

橫乎禮樂步趨乎聖賢詎非禮教人文而士得以成其章耶以此知禮者教之原也化者禮之成也禮以出教教以成化古人言諧萬民言教民中皆歸之禮以予所見質之詎不信然林雙臺君以辛丑進士出吉士而為禮官自容曹而祠曹而儀曹聖人所以化民成俗之禮具習矣其義精矣其肌膚筋骸立於禮而安矣辛亥秋出督學於湖廣又將惟荆楚之教化是董余意君之教荆楚也亡出此禮教外矣禮也者天地之經常也生民之典常也自禮教不立故人

卷之一

四

士各荒唐謬悠其說恣睢猥狡其情好肆不守折而驕而惰而侈而昏高而清虛卑而污濁果敢者妄作篤厚者鄙庸凡以禮教不達而俗不長厚也張子教人以禮為先閔中宗之與伊洛並豈非吾師哉湖中諸士子俯仰衡湘之氣槩吞吐雲夢之繁華江漢發其襟懷翼軫兆其光彩且以若教屈原中包胥杜東韓昌黎遺風及周濂溪聖賢道學正脉至今士知自奮以與梗楠杞梓金玉丹沙淅泉締紵爭研奇光耀以彼才俊游禮教胡作不與茲獲雙臺君模倣人士

蔚然虎變矣君和易明暢春風和煦其節清爽嚴毅秋霜栗冽其氣能以禮成人可知已予忝同官於其行也故贈以教之大者

贈張清江令文昌序

聖天子有不忘遠之德萬里之外守令皆慎選以充張清江君以科目之秀應是選令於瓊之文昌瓊在大海之中四環海也今天下郡縣遠者信無過瓊矣張清江子泉之聞人而文昌乎令也則信遠矣然子方幸文昌之得所天 聖天子之不遐遺以此知世

卷之一

四

運蒸除海隅之耀於光明也又胡暇以其遠者為君戚將行予往餞之且告之曰昔夫子嘆吾道之不行欲乘桴以浮海君今浮海以行道昔以海外為荒遯之阻今以海外為文明之區吾屬之際戚時如此君如時何哉夫其濟天下也猶濟大海也計郡縣之在天下不似大海中之一扁航乎百姓其乘除之人也治百姓者其操舟之子也操舟有工拙則乘除者有妖祥文昌將為國妖祥乎無遠君將為文昌妖祥乎亦無遠五嶺之戍劉項之爭烏而始安南之後龐勳



之亂焉而始事始於遐阻禍綿于寰寓由此觀之勢  
非緩也况以壤土遼絕在裨海外黔黎赤子愁苦於  
日月之翳隔雨露之壅開承平日久萬事玩愒內之  
犷俗漸滋外之鯨鯢竊發上之功令紛碎下之民俗  
墜窳蒙端漸萌若涉大海之難而尤甚焉人之望於  
君也謂何君之自責也謂何子聞古之君子視小如  
大視遠如適任延衛颯不以遠在交州而小其治故  
處閭沔之地高不取之節臨几席之安懷惟遠之高  
治不治之

卷之一

四

贈張星湖歸任遂溪序

張星湖尹遂溪政成入覲以晁得復舊職或曰星湖  
君學廣而行雅志勵而節脩其言論疊疊汪洋豪邁  
上薄古人摠括物情世變質之所行亦如其言以遂  
溪荒蕪炎海之鄉徃先朝常為遷謫地久留君辭鬱  
居此何遂溪之幸而君之不幸也予曰是何言哉矣

謂君而不幸哉世之治也君子之道行於蠻貊之邦  
適可知矣天下無不漸靡閭澤而得所焉世之亂也  
君子亦困跡於蠻貊適可知矣天下罔不沈厄壅閼  
而化離失所焉周之盛也為政者率皆賢良東強朝  
鮮亦得其子為之君其治至道不拾遺外戶不閉東  
漢盛時任延衛颯為政於交州而俗丕變侵有德  
讓之遺焉及至衰亂君子離於諛慝嶺南炎鄉始為  
安置君子遷謫之居君寇準二蘇趙鼎李綱之在雷  
陽是已故世治即蠻貊盡被君子之澤世亂即蠻貊

卷之一

四

重見君子之跡由此觀之治亂否泰之端觀胸於前  
事矣國家撫運文明之盛葺及八荒不惟近之黎庶  
飲膏澤乃至於海隅遐陬草木昆蟲皆欲其保有天  
仁而常選文學之士以為之牧星湖君應是選而遂  
溪始得蘇息即遂溪而天下可知矣乃今而後以遂  
溪之治卜天下也星湖君常耿耿然抱天下憂即未  
獲大有建明以蘇天下然際此之盛時而洋為任延  
衛颯之為變蠢茲之陋習勒成文明偉觀此有乎古  
良吏視諸賢羈迹於雷何如也奚謂君而不幸哉予

於君為鄉年友故其於行也不徒以頌而以古人之事勉

贈徐鴈洲授瓊州府節推序

天下之勢有古人之所輕而今人之所重者有今日之所忽而後日之所憂者夫珠崖在大海中所謂島者是已漢時嘗恃險以犯王畧歲動材官車騎賈指之議欲罷其郡當時以其議為偉今日則編戶矣昔以武衛威之而不足今以文教綏之而有餘不惟天子郊廟服玩之需于此乎給而俊乂之士亦彬彬

卷之一

四

然與上國齒予謂古人之所輕而今之所重者非耶然其地內之則黎徭患外之則鯨寇患嘯聚出沒無期編戶之民肉為之肉而又番舶所交珍寶所興珠香象犀玳瑁奇貨充牣於境宇產於茲者或自靡於脂膏之中苟且玩愒以延歲月此郡之民自處於日月不臨之地而以自湛此郡之為民蓄者又幸其邈習而以自恣漁牟日甚釁孽日深惡知其勢不至於蔓綿而弗可救藥也予謂今日之所忽而後日之所憂者又非耶夫此郡今日之重也非一日必有以致

之此郡後日之可憂也亦非一日必有以致之其重也由有司慎德之故而生齒日繁其可憂也亦亡惟有司之政刑有關而釁端漸啓耶保今日之重杜後日之憂轉憂以為豫乘明時而葺牖戶非良有司則惡責功矣徐君鴈洲選於天曹為節推於瓊節推又刑政所由飭也舉陶明刑嚴於寇賊奸宄而帝以時叙風動為乃功向之咨嗟乎蠻獮夏者乃釋蓋海內始澄清也崔與之嘗巡珠崖興利除病瓊人次其事為澄清錄君至瓊式來賢者而先受坐之士試求其遺事而參驗焉憂庶有瘳乎徐君浦城人日天子新貢例命選庠序之彥者以充而徐君應是選余故述瓊之勢以告謂知乎天下之勢者能成天下之治也無忽

卷之一

四

贈謝景山令四會序

嶺南之氣否於古而亨於今予何以知氣運之否哉又何以知氣運之亨哉四會舊新州之地唐宋以來士大夫之遷謫者居焉胡澹庵胡致堂皆以忠憤獲罪寄寓於此由今考之其時亦可悲矣以此而知其

否也 國家發文明之祥極於南表疎遯荒薄之區  
瀕海之岳率爽其閭習要闕焜耀乎光明而君長茲  
土者具以各科之俊選而任此非氣運之亨耶謝景  
山以鄉進士授回會令君志純實履畫一其立心以  
聖賢為期而世俗繽紛之務華侈之態不譙成於身  
中至於吏之以賄敗名以苛敗政者疾之尤溪介乎  
其不可撓古之所謂狷者景山有焉以是卜之豈非  
四會之幸而文明南發之祥哉夫應地運之勝者必  
負絕俗之資懷聖賢之施者必操摩礪之實古之君

卷之一

四

子其學也以養性情為先其仕也以所養而施之  
矯其性情之所餘而濟其性情之所不足日積而  
累焉乃棄上治奏膚功悉茲出矣請誦所聞而君擇  
焉嚴毅自樹者戒於寡與風節自厲者戒於上物規  
矩自束者戒於煩瑣明察自裁者戒於逆億鎮重自  
守者戒於後時凡此數者狷者必有也而又必戒也  
今奚有奚戒奚偏奚全激厲而歸於中令治乃澤生  
萌於嶺南文明之祥乃日茲熾哉予於景山生同里  
聞又以兒子之戚交莫逆也故以此規

贈孫宜山受旌并擢遼州知州序

通守孫宜山公竭股肱於泉累年矣以政聲受知獎  
於都節使李公士大夫方為公賀越數日而榮擢遼  
州知州之命至焉諸大夫相與語曰盛德之士不赫  
赫而名峻不矯矯而位隆宜山公之政德是宜其有  
茂典也既而嘆曰可親亡如仁可懷亡如舊宜山公  
之仁可親也舊可懷也茲行矣如吾民何且鸞鳳芝  
蘭條烏置之遐方殊黨也如宜山公何予曰吾輩惜  
乎公矣而公亡自為惜也是且必有樂其易而以為

卷之一

光

榮名者也 聖天子治洽寥廓民靡土分士君子重  
身弘道席已成之化當繁華之衝頑民競以豪猾之  
奸抵隙扞網其治似易而難至於僻壤陋邦其人推  
魯其俗鄙朴感化易入治之似難而易其易而難者  
匪有循良卓異之能未易以朝夕奏績其難而易者  
一遇德讓君子奉法循理即德流化濡事半而功可  
倍故鸞鳳翱翔不以深林而掩上瑞芝蘭叢秀不以  
蒙谷而隱幽芳文翁之治蜀也當時豈不稱陋耶至  
其風教謳吟黃耆蒼童熙熙澱澱變而文雅方夏之

盛何以加茲而胡遠之為陋達州介在一隅未有指  
然者聞於中州山川遼絕尚阻於聲教風嵐草野不  
躋於文明陋則陋矣而以文翁之化蜀者化達州其  
勲名榮鏡寓內易爾宜山公將無樂此行也歟哉  
其惜矣其惜余邑侯桂泉涂君聞此言也喟已而曰  
宜山公之厚德也其見思也諸大夫之念功也其敦  
舊也惟子也苗宜山以不朽之榮名也皆可書也  
為宜山公贈何如遂為之序

贈唐次梁擢江西上猶縣序

卷之一

序

唐次梁某教授余泉以最擢知南安府之上猶縣  
近典不由太學擢親民事者貢士資格所鮮今特而  
授次梁君也亡惟嘉乃茂績而時出例外之典以相  
褒勵乎次梁之獲有斯舉也榮上猶之獲吾次梁也  
幸何者次梁固余郡所望以為民墜者也次梁之掌  
余郡教也恂恂脩飭有德度其取予必慎不可犯有  
布帛之風素焉及余觀學士于楚楚說說行脩言道  
及入夫子廟登彝倫堂觀夫神座樂器池井橋道屏  
几碑額事事中律度器飭而禮行物備而文昭并流

芳而藻發祥為高飛而魚深躍用能甚周溥其司於  
教者如此舉而措之上猶之民有厚幸矣夫次梁松  
產也余聞松多秀氣士得之而稱才為女得之而稱  
工為故松之布帛稱工於天下霜借之質月浸之光  
華而不靡細而中於度通乎上下用之故阿縞之衣  
錦繡之飾可於上而不可於下草衣之黃毛衣之褐  
可於下而不可於上用有所局也惟此布帛之工上  
下宜為才識如次梁不露圭角渾然深潛不以奇巧  
炫人而自中於度豈非松之布帛哉惟所用之為佳  
以贈

卷之一

五

四不且彼以司教四受特拔其將以治縣卓異起  
乎必也陳生子貫莊生宇毅率諸生來請余言因書

刻泉郡錦泉傳先生文集卷之二

贈黃歐山知撫州府序

予友黃歐山君以比部擢知撫州府事予與君聚首相從燈篝間講師說習道藝久矣知君之必有造於撫也幸撫之得君又惜端士之不久於內而驅馳於外也竊為內朝惜然予友也相責以義者也於君之位不當嘵嘵然為君擇惟君之得行其道於撫當為君歡而相責以成速猷也憶在紫雲時與君為匡山之會然業以經史而時發揮於繫鉛講究討論所涉

卷之二

一旬之中操鉛繫日少而講經術日多俯仰今古其有所善而贊揚之為國家生民利者乎未嘗不反覆咏嘆而欲以身嘗試也其有所刺斥不善為國家生民留者乎未嘗不深惡痛絕而怨其身一日蹈場也及今也二十餘年來聞見於奔走而國家生民之利病備嘗之矣遭時多艱杞人之憂所夕懷之矣每以今質古以古證今而恍然得其當否之故彼其事之遺天下禍者詎非不齒於經史者至其事之貽天下福者又知經史間之所侈以為美談者一週知古人

之言不誣而昔日之所講明可行也今君為政於撫

矣操縱翕張由已蚶蚶漢垂思儲精喜則生民以為雨露怒則生民以為雷霆此其可行之時已昔臨川王氏以文學雄一世詎不以誦說經術自負抱矢口擊景仰孔孟鄙為漢唐而欲其君之為堯舜其身之為伊周也然卒以紛更釀亂天下群起而攻之至後世亦詆為宋之罪人何者偏拘一念積於膏中歷時既久前日之所講明者日銷而朋友忠益之言不復聞於耳故其詖謬一至於此經術之謂何弗善用

卷之二

之乃至以經術禍天下也予與君治經術有日矣乃茲蒞政於王臨川之邦也可無懼耶倘異日者任臨川之事有鳴鉅之責無論棄而弁髦即善用而繫矩操縱之機宜若何且於撫州之治占之也

贈黃小竹擢南太常寺少卿序

國家以宗伯掌邦禮而分祀事於太常太常者宗伯之貳祀事所司也予從宗伯屬僚嘗稽祀典自郊社以及宗廟自儀文以及樂章仰見國家之盛施於神祇者日星其燦奪惟為觀於古之祀禮行於廟中

則於百官化於萬民馴及百獸彼以廟中為境內釀之為和平嚙之為位育其道非異即回表八絃措之聲響應矣方今天子撫運盈成齊理克舜內外神鬼罔有怨恫寓內無虞秀三岐駢穗於園遊黃龍靈龜於沼來麒麟肉角於郊棲鳳凰神雀於林天地四時之氣秩而有常順而靡忒豈非興禮樂之期耶借以行之廟中者施之天下稽中正之典播和平之聲與天下共登黃唐虞周之化必有掌其盛者非盛德之士曷能當此者乎君亡辭也君以辛丑弟二人登

卷之二

三

第治遂昌擢天部累官考功署大察遷太常于茲誠實端重表裏如一予見於庠序之中此登第後無改焉予見於筮仕之初及今官成無改焉至如平易之政綏於遂昌精明之績著於考部身去而民見思事竣而人無議豈其誠與才合乃盛德之士而禮樂之所由興者耶予縻寸祿禮官竊思一代制作闡而不明鬱而不宣而自惟菲薄學不足以該括古今才不足以發揮功德職不足以專統論議兼括六典勒成天下之大法君之權也且有禮樂之寄矣闕宮墻者

觀青黃黼黻之交而思揖遜詠雲門者聆鈞天霓裳之奏而思搏拊余故以其興禮樂之思蘄之君豈私爰是為亦惟熙朝盛典是畜也小竹君 父竹溪公以癸未進士僉憲廣東文學儒雅傳有自矣子於君蟬鳩世姻也其行也屬有諸大夫之命僭書以贈

贈林象川僉憲江西序

豫章寶藏有干將莫邪焉是其為物也陸斷犀象水截蛟鼉運之無上按之無下直之無前其始之兆先芒也氣成蛻虹陵千仞隱隱然上薄斗牛之間流丹

卷之二

四

瑕以成輝而芳名傳豫章至今不朽惟賢才為天下之寶亦然陳仲舉之氣節張曲江之風彩皆與干將莫邪同輝而名山大川垂其藏焉勳名爛矣今象川林君以僉憲屯田使江右象君 其今之張陳耶曩予弱冠時游鄉校見君 父六川公温乎其如玉也潔乎其如水也清白傳世君掇其餘芳以有今日登進士服官政出入於錢穀者五年裁理有度不可欺以毫毛而民亦以為使其清節久之益瑩又豈非寶劍之露其精焱而騰蜺旖虹於斗牛間者耶江右巨

藩也狡猾其民豪舉其士竇偷鑿齒之奸比有磨牙而伺誠劇職矣君奉德意而布功令茲土猶寶劍出匣精鏗閃爍即盤錯堅連迎刃解也又奚難焉抑君仁恕長厚人也余嘗與君跋涉南北見君謙諱和惠也襟懷和惠也交上下使僕御和惠也仁者不以鷹鷂為擊以巨藩劇省司振肅之權得無溺其質乎是不然設官以為民也守令養民者也監司者督其養民之政者也其振肅在精明不在鷲擊其疆察在行惠不在立威抑君又精明人也以君仁厚出君精明

卷之二

五

何憂乎猾民何畏乎豪士何苦乎竇偷鑿齒磨牙之奸余知君必能盡督察之術也異日過江右闈寓聞有如陳仲舉張曲江以與干將莫邪同不朽者非君也耶承諸鄉先生之命因書以贈

贈史觀吾論判泰州序

兵部郎楊子繼威以上封事極言得罪天子震怒逮之獄觀吾史君朝賓司刑部適任其事獄成獄之天子謂楊子罪重法官議稍輕弗當旨詔下點爵外補而史觀吾論判泰州子注餞之君無幾微震愕怨

悔於顏面惟以不能委曲全楊子為負以不能善順德意盡忠愛之心為歉戚然若已致楊子於罪者余曰是仁人君子之用心非人所及也夫人臣之事君猶事父也其職列于朝者厲行以浚先肩駢以左右猶吾昆弟也昆弟不幸有過賈惡於父罪不測為兄弟者將惟嗔惡是迎乎抑周旋其愴憾以全之乎無事有手足之戚有事有保護之義情所固然仁人君子之處僚友義可知已故有獲譴於上者苟非罪無可赦法無可生不必且暮樞伏雅故雖回海九州之

卷之二

六

人偶同位于朝而有憂同憂有患同患奚至一入井投石也楊子以危言廷諫指斥君側城社之靈批鱗折檻而君敢為調護雖不獲伸雪然卒不依嚮上意所便不惧避中傷之誅以成直道之名張說證魏元忠宋璟猶勉以同死權路之可畏乃自古記矣君孰畏而孰勉之則惟義故之以即不至同死亦惟有天幸矣吾固曰仁人君子之用心非人所及也推此心也一事不得其宜一物不獲其生君其有身乎泰州雖小其民皆君赤子也君當危難時而不忍於兄弟

豈當平居時而忍於赤子 秦州得君子知有幸焉  
亡事予之喋喋也君中嚴而外寬志高而守篤與予  
分燈燭之光者二十餘年於此矣予心艷慕焉於是  
乎謫判秦州朔風吹雨之思不勝也於其行矣而借  
書以贈

贈王育泉擢江西屯田僉事序

國朝以兵餉不足而分其計於屯田取沃饒之地業  
隸籍之卒而收其利以助什一之供兼之以水利欲  
其因水陸之便且以盡地力督之乎監司肅奸弊也

卷之二

七

而常以文學之臣司之不惟其疏通於古今之變縱  
橫利害之源斟酌時宜詳察民故而措之可經邪余  
同年育泉王君銳志聖賢精春秋舉於鄉而魁一鄉  
烏舉於天下而魁天下烏行篤而志潔知周而意和  
歷虞部兵部而擢茲選謁余曰學以仕也仕先事也  
外宦之煩劇誠不如內職之安逸然於民親矣也田  
詎非親民巨務執余束髮從學以耳目所親記見古  
有養民而善者心輒豔慕如其不善則惕然戒懼庸  
詎知昔日之所指數者迺於今日身肩其事也古之

人有杜元凱者明於春秋之學其在襄陽常脩屯田  
嘗激用淪清之水嘗開楊口內瀉長江之險外通零  
桂之漕夫杜元凱豈非前脩之景炎哉豈非吾師哉  
士君子患不適於用苟於用而遠胡投不可若乃商  
官守之崇厚計職事之清濁耽耽於虎視營營於蠅  
逐與世浮沉蒙滋垢負謗訕而曾不知惡戾矣余偉  
其言而序之為之歌曰公鳳舉兮遊帝鄉德輝睥覽  
兮寥廓翔翔冥搜蓬堵兮千仞迅颺文明積案兮絲  
綸盈箱公旁牛斗兮出豫章左右龍阿兮金精光鋒  
鏗泮礪兮風采揚惟公則陳仲舉之好脩兮下視糟  
糠

卷之二

八

贈猶子際熙掌教從化序

猶子陽明際熙甫掌教事於廣東從化從化者廣之  
僻壤嶺嶠之奧區也際熙經明藝脩敦忠信之質力  
孝弟之行有聲于庠序薦名於京國吾黨未有為之  
先者也以數奇屈志於此或惻之予曰不然王化之  
盛衰也隨仲尼道化遠邇天啓 皇明道洽化溥覃  
及于殊方南嶺瓊崖西場寧沙北燿宣同東燭遼海



咸設學校授師傅取之歲貢又取之科目之秀者以  
司督率豈非仲尼道化闊遠與我明教化之邱隆也  
夫理膏肓之疾者不可以常藥留荒蕪之田者不可  
以抗器變荒僻之際際文明之化而能以尋常世窳  
之材任者無有任延衛颯史以為美談交州之南要  
荒之外非此二子之賢風箴有變矣迺至德流化  
洽令蠢蠕徧曉聖明皇威宣暢王教淳同是天以二  
子發顯蒙而達仲尼之道以助聖化也且夫君子之  
學苟志於其大則胡投而不宜潮州柳州曩時所稱

卷之二

九

嶺嶠逢艾極南之莽墟者韓退之擲子厚居之而文  
章日益富子厚且能變其壬習以成君子蓋歷覽山  
川之變間閑險阻之多跋涉荆棘之厓備嘗榮頽之  
態鬱之為奇思激之為豪氣含英咀華拓迹啓疆乃  
捐夔臚而翼龍黼矣際熙之計偕而北也觀泰華之  
巍哉瞻黃河之澎湃至京師見館閣崔魏袞旒藻燦  
若日煥而星懸天下之奇觀瞻矣獨於嶺外蓬茨輿  
龐之區未有覩也今宣布聖教於從化并羅浮望南  
海酌吳泉想陶齋步曲江白沙諸君子之遺芳得無

勃然興哉際熙嘗為我言古人事業即吾身事業也  
推此志也即與韓柳爭光可也奚側焉

贈黃瑞峯司訓興化縣序

黃瑞峯於子為姻戚之家子在邑庠中知之其學問  
之宏博質性之高爽予每期其用之大而以不得意  
場屋為之恨乃竟以貢入仕命也需次於天曹授高  
郵州興化司訓予曰教也者治之大者也君無小鳥  
夫天下之才一而已其所以成之者在人淮南當劉  
漢時王安招賓客致幕下誇博為奇織文為富卒父

卷之二

十

子再覆亡其人 則淮南產矣我明應恭運淮南為  
帝鄉南國之豪傑奏之為昌言奮之為奇勳羽翼洪  
業永保昭夏茅胙其人亦淮南產耳之士也豈時而  
愚時而智哉感召有機應求有傳其成而致之者異  
也當其聚精會神而致也以草昧開創之初時方匆  
匆事方睽睽學校以養士未盡脩明及至於功令規  
畫以作其勤警其惰者視今未十一而所得之才已  
可用若此矣况於今日道化洋溢令甲之所繩束師  
儒之所講明煥然如日中天殫極其幽隱而畢照之

也則其人為天下倚重者曾未一見何哉蓋嘗論淮南豪傑大都聰明俊拔遠觀淮南王之所招致者其文章藻繪天下莫能加也近觀我 國初之所以成勳伐者其英烈雄畧天下亦莫能加也又觀 國初所以多才今日所以不如昔者其故奚以昔之感召應求也以實今之感召應求也以文昔求其可用今不求其可用而求於詞華之間奔趨之末至於躬行之帥禮樂之養邈乎未有聞安求其才之可用如昔也世稱秦少游英邁而陷於浮華謂淮南之才則

卷之二

十一

然子謂少游所以入於浮華者二蘇成之也使從游於周程之門庸知其止此耶故從以二蘇則二蘇之徒也從以周程則亦周程之徒也今之乏才也非才乏也教之衰也成才而致之者從非其所從而亡務實績也君以司教行其有成才乎惟君之能其不有成才乎亦惟君之疚責莫大焉君無以小忽之也

贈王學溪之廣西太平州序

予始識王學溪君問曰何哉所謂學溪者學溪君曰學北溪也北溪予鄉之聞人蓋嘗與朱子相上下

其謀論羽翼朱子以傳聖人之道者予後公生鄰公居其近之不能私泄也烏能及遠故竊以為雖雖未之能學竊有志焉予壯其志叩其學見其孜孜矻矻在國學者歷年不窺家真有學北溪之志者庚戌會都下以親老故就祿仕為吏目於廣西太平州見子若有撫然者嘆所用者非所學也予曰無然官無大亦無小用之以大則大用之以小則小士君子擇於所學焉能擇於所用夫北溪何如人哉一布衣耳當時盛漳諸君子摠科目趨朝列衣而青紫鞞而丹朱傍而扶戟旌旄以豪雄一時者不可勝數至今仰芳烈而名之者惟曰陳北溪氏北溪何如人哉布衣且爾况有官乎且余聞君子之居何陋之有詩書足以化風俗冠帶足以儆觀瞻一言一動廉於聖賢禮義之教皆足為民則傲而革其暴戾之習柳子厚之在柳州陸續之在鬱林文彩華世遺愛澤人深谷茂林皓叟蒼稚至今猶咏吟其烈君學北溪而以追法吾朱子也亡寧陸柳即問學也吾與建安其問學即治行也吾與建安其治行燭炎暉樹高標不泥沉不墨

卷之二

十二

廢自疎濯卑眇之中而頽脫格外以追先脩此吾所謂學溪也函冶氏為齊君買良劍君不知善越人請買之千金折而不賣也死屬其子曰必無獨知君且折而賣之矣無獨知之契子聊以觀子之於太平何如也

贈林子太學歸省序

予讀陟岵蓼莪未嘗不三復慨嘆憫其情之切而辭之迫也嗟乎父母之恩詎有極哉人子之情亦詎有極哉陟岵感念於親存之時而悲其養之不可得蓼

卷之二

十三

莪感念於親沒之後而悲其養之不能逮蓋人子之情遠則思思則悲自古至今一也然古之行者無過於其國遠不出數百里外生事死祭猶其奔之也而情已若此矣又況於後世天下一家行者動以千萬里計哉子家五嶺之南去京師七千里而遙尚賴有天子幸全葆所天而每一念來常懷戚感雲動而風浮山高而水漲當其茫然而感也涕若刺心子家更在子鄉之南已不遠養其父矣而以貢遊太學以予之情推之益可悲已此子所以為君戚也雖然子之念

親也豈其惟日念之存沒之感是劇固極之報是尚必有道焉膝下之承其歡遠遊之揚其美立身成名之錫其顛皆惟孝思之永耳東漢時四方遊太學者幾萬人如郭林宗諸君子率依依於都下夫豈無存沒斯行義以成名也林子遊太學奉詩書禮義之訓濡直溫寬簡之習業成也而歸所以慰父母之心而父母之報者不有烈於此矣此余所以為君喜也異日者名德之成也對揚天子之問鋪張皇王之業以其孝移於國遺父母令名而人稱之曰善哉有斯子庸詎知今日遊太學之不為膝下歎耶庸詎知今日者問踈之不為定省動耶此又予所以為君勉也林子廣之揭陽人家世詩書自其祖大理評事以來及知府林竹洲公鄉進士林益家學累世世重矣予誦陟岵蓼莪之詩有感焉因子之志未已故不憚煩道之也

卷之二

十四

葉南溪山陰司訓序

陽明王氏起於紹興以明道為己任其言盈海內說者謂其簡易之教善學者由之固易於自得不善學

者由之亦蕩乎無據夫傳陽明之言詮者惡知其言之果陽明也又惡知其言之果不為陽明也竊欲釐效其地新與諸先生親炙於陽明者周旋上下亦學一先生之言尊其所得稽其所教補其所未備以泚諸身其或發吾覆激吾溺長驅聖賢之轍豈非吾生之一快者而地也參商已而馳驅於宦途纏束於轂下則無由得至焉縱或得至亦烏能如昔日之頤友士子而相摩焉以有成也吾郡葉南溪司敬山陰群俊又而以為徒矣聞陽明之所聞見陽明之所見者

卷之二

五

友之不遺其人矣予願也而未獲君行也而獲予願聖賢之學術其由是發明乎未可知也夫聖賢之道不明故道德之趨不一學校之教不脩故豪傑之才不聞予忝禮曹與聞學校之事竊有憂焉非敢以教人作士任也固且以循資學督為例有而外補不可得請則心甚闕君有教人之責得親所教之人相晨夕又以陽明之鄉流風餘教未衰惟當今天下盛推道學最所宗重講說者無如陽明先生惟近世之以功業自樹稱一代人豪者亦無如陽明先生惟宦途

之可與諸士講究正學者無如師儒惟宦途得以謂說躬行與諸士子淬勵以成豪傑之才而樹不世勳業者亦無如師儒意者南溪君由是而究聖賢之道以為之師且以躬行先異日毋亦有如新建者出國家重賴焉皆君教誨獎就南溪君之有功於天下詎不大哉又其或者予之有便道也得以迎君之轍叩其所發明者以為法君又予之益友也故序其說而告之

潘知軒從事南通政司序

卷之二

六

兵部尚書潘襄毅公頌德故才負海內之望予以後進不獲覩其風采而猶見公之子知軒君陶乎其類也恂乎其慤也即公子貴胄乎常若有以下人者於是知潘氏之教嚴以正而襄毅之德懋以遠也初白石倫公涇野呂公以文章德望名天下私心翫慕焉而竊恨乎其見之不及君在二公教下皆為所賞拔予知君底蘊未悉而以其賞拔于二公也君賢而後可知也茲以蔭補留都通政司經歷或為君屈或又

以君不求知宦道為恨君曰是予之命也夫子奉先

人遺德以有今日首無罪尤於先人雖小安之矣其有尤也即載高位食厚祿吾滋戾焉予聞其言而偉之曰臨取而思足知命之士也履威而思挹保家之主也潘氏貴威甲天下襄毅公壯猷大司馬而司馬裁峯公少宰寒泉公相繼出入侍從樸溪公又以大司徒大司空翱翔兩都故吏賓客遍天下矣君若無止足倪首於權寵賈譽於知舊高可以侍清班循次而進亦不失北都要職而君一無所求惟命故之以其安分恬退如此哉漢袁閎當諸表貴盛時子弟皆

卷之二

七

務驕奢閎嘆曰先公福祚後世不能以德守之此為晉之三卻矣遂閉戶高趣彼當亂世其自謀完身隱遯以為高固然如君則居平世乃能安命達分卓然如鳳凰翔寥廓不自芥蒂也使郭林宗遇君且當表閱君其稱贊何如也予同季方聽泉君為余道君之賢請為表而出之夫春秋之法賢賢及子孫公孫會自鄭出奔宋書曰公孫賢之也會何以書進退之得禮也得禮常事耳而書為公子喜之後賢之也君之有斯美也况以襄毅之子乎故論而序之以為貴公

子法且以旌襄毅之德之遠也

蘇子順德丞序

予同年方篆石君令順德予贈以言大較言廣州寶富天下物有寶人亦有之撫柔茲土者當與天下之寶爭環奇具隱之以清為寶陶侃以勤為寶懷瑾握瑜古人之自究其大樸如此以故韞精光而流澤美至今熙號爛焉此予之所以為篆石望也然道一而已矣所以為令者即所以為丞者也 國家設丞以為令貳豈入仕之途是廣亦惟縣之不能以一人理

卷之二

六

故設之丞以為之貳而為之佐分職奉法如棟有楨其惟夾輔以贊襄也梁峯蘇子授廣州順德縣丞固鄉求子言以贈夫子日已為篆石君道廣右往哲事相抵掌今之所以為蘇子運斤者亦不過此矣飲泉之節焉而勵運甕之動焉而勵如子陟明功能與蚌珠為耀檀栢為香犀象牙栴蘇璫珠珣為異亦從篆石君後塵而稱寶於天下丞價乃增重矣聞子也事繼母孝事兄恭居父母兄長喪附身附棺之事一以誠信而于糈財乎不吝其推之民可知也其或如子

之所浮望又可知也竊嘗悼海宇彫敝七死七生之說日甚一日謂諸君子之拯之也非清罔以立本非勃罔以有功非大小臣工恪共厥職罔以使萬物各獲其所故因蘇子之行而以誦於篆石君者為之誦贈泉郡經歷周中谷序

予讀相如子虛賦賦乎雲夢之巨麗奇富也嶂以巫山襟以大江其中靡靡郁郁無不有土之為丹青赭堊黃白石之為琳琅琬琰玳瑁而麋獐犀虎植而梗楠桂楸以至一芳一茁一鳴一吟皆足以稱

卷之二

九

吳為珍用於天下蓋山川之氣廣大磅礴而物類之生糾錯續紛其大者固為天下之奇其小者亦成人間之用今黃州故為雲夢 迤區 其所產乃惟相如所稱麗 山川之精英發於物為珍奇發於人為賢才賢才之出不必皆同用之大則為大用用之小則為小用黃州山川之盛寧惟發於物產者相如賦之予未暇別論惟是周氏一宗自周耕叟以詩書世業而兩山公遂以文章魁天下督學廣東煥翼軫之光芒為文學宗匠烜赫寓內此為大矣詩書沉浸人

以儒成業而中谷奮成均即阨於不遇為泉州經歷然觀其風彩領其議論玉質而冰心篤古初而陋世態豈又雲夢中有所珍奇者耶非也予鄉咸曰維我邦得公相邦治不亦幸乎惟公有茲美出而用之以相我邦伯宣布惠和不亦休乎九我人士見公之衣服見公之車馬侈邦之得我公而冀公夾輔於我邦也命予一言以述其行於是乎書倘其政成之後思及百姓德鎮雅俗與雲夢中所有爭先為予雖不佞尚能為公記之

卷之二

十

黃阜溪司訓績溪序

昔者夫子之道每以忠信文行教諸弟子七十二子之徒相與講明而躬行之為萬世教學正鵠炎劉李唐之世閭焉至宋朱紫陽氏後明紫陽徽產也而居於閩賞時閩中諸弟子雲蒸霧集究義利之辨廣格致之功操涵養之教篤躬脩之實奮然用力於聖賢時則有若黃勉齋蔡西山諸君子而閩之儒雅於斯彬彬盛矣然當時猶訖以黨禁至我朝掃除維新聖學庠序師儒之設聯亘乎八紘俎豆乎九微議

正印布功今獨宗紫陽氏考訂海內無他師說選士奉為試宗主司用以持衡而紫陽所明夫子之道乃行績溪微邑也余邑阜溪黃君以貢司訓於此君產於閩訓詁紫陽也蹈履紫陽也今之入官釐文正士又紫陽也入績溪望紫陽之故鄉山高而水冽林鬱而雲翔將亡有俊髦卓犖之士絃誦紫陽者出奇有其人也將群于學校乎鱗集矣有其集也將于君乎陶鎔釐正矣今士操鉛槧括帖見謂窮經博文也而彌曼支腐矯者務為吊詭漸且侏儻其言周規折矩

卷之二

廿

見謂約禮躬行也而卑爾委靡其過者乃為奇服玄譚聚黨徵會陽搏道名陰襲種利究且欺世亂真率天下而偽愚不肖者不及賢智者過焉忠信之實靡存文行之脩徒佞安所謂夫子之道也今當嚮屬朱學時而君又以教事宣德意於績溪抱朱子之道由閩而徽朱子之徒皆循循然於文行忠信之教脩身止善蒞政事廉踰闕視今時所稱講學掉舌鼓唇競為巧飾不守拆及其任職所至輒敗露相去何如哉事定然後知賢不阜溪誠勉於朱子之學以為士也

師績溪誠群一方之秀士以為朱也徒志相合而益奮道相得而益章風融而水釋雲曠而鳥飛裊然一鳴而鵲起一對公車試研刃而績溪賢才視如昔日閩中可知也余於君手延領矣

黃梧浦司訓增城序

君子之教貴以耳目之所不及者遠而難明引以耳目之所及者近而易入何者教生於習者也居處之相及則親感發焉風聲之相聞則企慕生焉一鄉之士有一仁人為表豎風致於前庶頑立懦敦薄寬鄙

卷之二

廿三

於以感動人心也豈不易于鄉黃梧浦君司教事於增城增城者陳白沙先生之故里也里之人豈非聞見於白沙之餘芳者哉夫白沙生於世教衰微之後以興聖學為己任于雖不獲見先生然竊聞其風旨於言語文字間指聖賢之真以開聞見之牯沂人心之靈以會至善之歸奉此所風雖于愚鈍亦有興起焉况漸染於白沙之鄉有聞見焉而神契洽其真有清風高節焉而家習曉其俗有長老子孫焉而士傳誦其教少之習而壯之安山為高而水為長推而進

之聖賢之道易矣君之蒞茲土也必無遠慕其語諸  
士子曰 聖天子在上將惟如白沙之賢是用諸君  
可以勉矣庚為語曰朝廷以篤行為先言之則必行  
其亡或言辨行偽陽自附於聖賢陰即乎匪彝一交  
羶利而棄之弗啻弁髦豈惟得罪名教自招姍詆其  
如弦誦白沙何其如國家庠膠意何子實俱焉余與  
君辱有世講之雅於其行也借書以贈且以致于化  
民成俗之願云

王西梧司教海豐序

卷之二

七

天下之務有若迂而實急者學校是已學校者治之  
所以治也自漢以后說者謂西北感而東南衰夫所  
謂衰者無亦以荒服之外蠻貊之民五帝三王常不  
能臣治今日乃盡馴伏文罔中而所以治之者又無  
亦以詩書化其陋習禮義馴其桀性以故消其剽攻  
爭鬪推髻斷髮之俗而歸於法制仁義益教實使然  
則非學校無以矣予故曰學校者治之所以治也國  
家庶運文明章章乎南矣自嶺以外邑有庠家有塾  
絃誦俎豆之彥比肩而接乎黎儂視唐宋尤有光焉

何以知其然耶予鄉王西梧君者司訓電白電白五  
嶺之荒徼唐宋遷謫者之所投死也王君教於是邦  
遂以所學為師言易言禮彙之成編予讀其易經講  
義小學禮畧以至所脩郡邑誌嘆曰美哉王君之用  
心也民士其庶有興乎卒為惠文君薦獎於是知遠  
荒靡不嚮學也知文明之所以益盛而東南之所以  
益衰也又惡知非學校有師儒而以尼父之道馴之  
故然耶王君以制終復起任海豐司訓嗟乎海豐又  
非嶺南哉以君電白教者即以教海豐可矣吾又知  
海豐之日文也易曰習坎君子以常德行習教事習  
坎者重險也喻人心之險於水也所以治之者詎非  
以習其教事乎所以習教事者詎非以常其德行乎  
嶺南雖王化所被其人比中州猶然桀驁其人心之  
除固不可測而教事之不可不習為尤甚夫事出於  
常所試者規模條貫已具其習也易君之教電白者  
已許可於當路君矣今揭而之海豐也無亦惟是德  
行以習教事而奚有於重險吾故知海豐文治之日  
蒸蒸也皇哉僭為君序

卷之二

七



贈猶子君任歸善司訓序

天下之旺氣自北而南而其盛也豈武衛之奮是以則文教之脩以然若稽諸古周肇於岐豐當其盛時分治於周召為二南而化於江漢則行於汝濱則行章章乎南國是極非以文教衣彼之邪秦漢而下拓矣而旺氣遂彼於嶺外然猶常威之以材官羽騎樓船調發相屬至唐而宋雖日就奉法循理兢兢於令甲矣然文教之脩未盛其地猶為遷謫之居及至今日郡縣始各有學學各有師長以文教鎔洽而其治

卷之二

五

乃浸淫衍溢彬彬乎涉三五而登閣之以是知天地之氣日休隆而我皇朝之化日察遠也夫際宇宙之嘉隆躋文明之熙諧詎偶然哉况紆軒冕於斯乎况得歲鴻生鉅儒脩揖讓之事乎况其才學又可以應醇運匡雅頌而增茂世之績乎余猶子君任夙侍乃祖上猶司教盤石公乃父上饒司教寅軒公家學藉聲序序間二十年歷文宗使者率居等之最優其詞源如三峽水其才辨如太阿出匣即青衿一時人豪咸竊竊推重以為國士無雙海內寡二者也乃竟

以數奇厄貢而授司訓於廣東之歸善縣余方以服

閱候請煥臺喟然嘆曰其子之命也夫庸詎知非子之幸也夫教之其行學之所得施也履運以興化君子所以易於教也蘇湖之君子萬世矣望至今爛焉由斯以觀天其或者不有薄吾子也乘氣運之昌詡訶蛟螭之月珠載道德以為師附仁義以為朋山川之鬱然秀者默與人會而君子假之以成其章韓之於潮柳之於柳由此榮鏡寓內好歸善乎行也羅浮擁之而鼓角導之而東西江環之大海界之巍巍者

卷之二

共

為精采洋洋者為氣脉天下之奇觀振耀而嚮習詎不有文章出於是邪夫天飛之麟蟄深而震凌霄之翻伏脩而奮如子之才學無以屈也必此信之為今之蘇湖乎而以澤物為今之韓柳乎而以潤身皆卓乎可也皆余所望於子也吾子尚之

陳弗齋清豐丞序

古者王畿之內出賦萬乘於是乎有馬政今之清豐其地則王畿內之地也女元夫陳弗齋為丞於斯馬政職焉余嘗讀詩至車攻吉日而知周之所以盛宣

王之所以中興也夫馬之同車之攻見之采薇而獵  
狄格見之采芑而荆蠻威畜威以昭德脩武以佐文  
茲非其盛耶然周之政索其賦於民今之政寄其養  
於民其政不同而皆以治兵其治之之官則周自校  
人之屬以至於遂師縣師而下可數也今日自太僕  
之官以至於外之通判而下至邑丞又可數也其政  
之理也非以人得耶其壞也又非以人失耶陳弗齋  
若從事文學連不得志於有司乃就太學以茲職選  
若豈入贊希面精利起家人哉自乃祖其以貢登仕

卷之二

七

版已而諸昆仲稟然有由鄉舉者有由歲貢者有由  
曹監者一門之內若纍纍錚錚未艾裔之出自名家  
也濟其美矣而產贊積紅朽閭里備嘗屑瑣事萌隸  
之情偽盡知之矣天假之厚得成胃選而以丞主馬  
政其將責償利乎其將責榮名乎利者疾疾也名者  
風波也君篤於詩書又敦禮義動以古人自期與余  
相從問學之日久矣知君不沉溺於疾疾以求償必  
也乃徇名則有之夫殉眾喜眾怒之名此天下所難  
也眾喜必多入官之姬眾怒必多吹毛之疵故風波

入焉汨沒君不以其難者為畏而又以其難者為戒  
丞乎丞乎其成名可知也於戲是行也將惟熙朝庶  
官之得人是慶庸詎知馬政之理中興之盛事攻吉  
日之政不乃以安中國而攘回邪是為序

贈尤子魚臺丞序

子曩者接吾子於一見之中固疑其有異焉及詢其  
姓名則年丈尤思所之兄思所以鉅望登巍科文學  
風采世無侶矣而子在伯仲間沉醉於詩書之鄉枕  
藉於禮筭之席宜其異也天曹之選也授魚臺縣丞

卷之二

六

辭子予嘗讀韓文公藍田丞廳記知丞在唐時徒有  
其名例不得可否事故唐人有余不負丞而丞負余  
之嘆嘆丞之不得有為也國家設丞以為縣令貳令  
在則分治其事若清軍若水利若馬政各惟其地之  
所宜令不在則代之署事其責所重於丞也如此丞  
固不負人也人其如丞何然子蘭尤子種才弘溼初  
為書生操鉛槧挾筴鼓瑟于郡縣再不售乃倪首而  
就役路進以茲職選志固鬱鬱乎困矣而所職乃馬  
政故今猗猗沸突戎事荐興馬政尤其急者也而魚

臺密邇京師事至繁劇子以抑鬱之餘而從事於昆  
急之務以泓涵之才當此繁劇之責宜其沛乎若困  
魚凌陽波翼乎若籠隼縱雲遼胡試不辨知子之不  
負丞必也思所君茲典大縣有日民之情偽盡熟之  
矣事之利病盡鑒之矣官箴之當否盡剖之矣子若  
以共丞之事是問則思所君當為子尋尺畫也此非  
吾之所能贊也即有喙三尺矣

王子會霖泉府照磨序

王子會霖以上舍生授泉州府照磨謁余詢其鄉則

卷之二

九

常之江陰襟江帶湖萬水之所環縈也泰伯仲雍之  
遺墟季札所經禮讓之遺風也詢其家世則先世有  
在勝國時發解浙省而世有聞人君則刑部負外慎  
齋之孫也楚府引禮舍人省勤之子也四川兵備前  
山之猶子也第弟登朝籍布列或先祿或鴻臚班  
不一二數是縉紳之裔也禮義之黨也余因地而知  
其所鍾孕因俗而知其所馴習為吾郡中得人賀矣  
而王君心歎甚余曰君奚以哉惟君自待何若耳自  
待以重者人亦待以重自待以輕者人亦待以輕飾

以珠玉衣以文繡觀者釋擔而趨擁以車騎耀以旌  
旄見者屏足而伏載以鎗重挾以重寶聞者褰糧不  
遠千里而赴何則彼所重者在也照磨雖府屬然設  
一官則必有一職其無用能乎有其用之而以其身  
重人且我重耶人且我輕耶且子居江陰知天下之  
水莫悉焉吾試以水喻之巨浸所會為大江沂而上  
之派分滙折有湖有河有浦有港又分而有溝洫其  
大者萬斛之舟之所出入也次盡舠舫之利次資灌  
漑之便大以大用小以小用夫非地利耶君其得乎

卷之二

三

水之一勺以適舠舫用而或自效於灌溉之便者耶  
苟其用之而遠而便吾惡知其輕者之不為重也吾  
惡知溝壑畎澮之不為江河湖海也王子躍然曰聞  
古昔盛時大小畢力以度元元政出於公卿大夫而  
詳盡於黨族比閭功溥於朝署方輿而細及於草木  
昆蟲職無小而不盡才無微而不效而能以萬國咸  
寧迺至庭零甘露唐流醴泉園臻麒麟林棲神雀巢  
鳳凰於其樹遊黃龍於其沼其是謂與余因吾子之  
言遐想古昔之盛因以自勗焉遂書以贈

曾子陶館典史序

國家設縣邑以分天下之治有令有丞有簿又有典史今之典史古之縣尉也職追捕盜賊伺察奸非故其在縣常掌民兵于居家時見其試閱民兵也闢地數十畝為教場中設將臺民兵挾弓矢蒙甲冑前阿後隨甚尊赫流外入仕者此為美官人亦以此為美而樂為之也子鄉曾子龍湖選授茲職治臨清州之館陶縣謂子問治焉子曰設官以為民君之職於斯也非以衛一縣之民邪夫臨清南北之襟喉天下之

卷之二

世

都會言繁華者莫先焉館陶其旁邑也天下有變則臨清必受兵兵禍中於臨清則館陶亦不能以無事北於臨清夫惟寐忘之若從紫荊關入南掠臨清憑陵我邑聚抗扼我咽喉回鄰且震動館陶騷矣是事之不可知者一也歲多則誨盜物聚則興戎以臨清之繁華又亡惟雀澤之章竊柔願是備偏介之閔狙獵伺之肩牖之樞鳴吠間之烟火之聚兵刃剽之是事之不可知者二也子之館陶也司逐捕乎嚴其伍候緝其走集詰其聚散不貪惜不耆懦先守備以

待不虞民知有衛矣是吏治之選也宋熙寧中縣尉改用武弁蘇軾力言其不可請更用選人夫其改用武弁也豈不以武夫習於督察盜賊邪而長公甚言其不可則以介冑之士多酷暴麤鄙之人鮮廉恥其治如狼牧羊然故欲以選人為也然選人之用必有別於武弁而後可若惟苞苴是恣饕餮是嗜則于武弁奚異長公又胡取焉委而畀之豈其能勝億兆人望治之意曾子家世業儒常篤志於儒術其謁予也倘亦有歸儒之志乎故以儒治告之

卷之二

世

石崑峯永豐倉使序

予與石泳川君上下遊每壯其英邁亡泙恣累因泳川得接其兄崑峯君又見其颺雅委蛇安然靡分外慕自成一事故泳川不以小就屑念不入巍科不仕也竟曲躋以窮終而君不卑小官云昔馬援慷慨多大志而馬少游以安分為節曰士生斯世為郡掾亦可矣君之於泳川也予嘗比之馬氏弟弟焉及予職禮曹而泳川君錮九原矣君選於天曹授潮州永豐倉使夫泳川為馬援而不成君乃成乎其為少游者

也君子之仕也惟其成而已苟其成也雖以倉庫之職而不為歎其不成也雖以卿相之尊而不為寵何者立乎人之本朝而道不行古人耻之故有辭尊居卑辭富居貧為委吏而以會計當者為成而已矣蜂釀之僵仆不如螺蟻之蟻似犴犢之敗群不如鴉鵲之郊抱呂霍之勤滅不若徒隸之執鞭心予資珍鬣鬻燕市上之不能以尺寸報補下之且以言語為罪掛口結舌旅進旅退惟無成業是惧其視君從容於海濱會計考成獲意歡樂奚啻霄壤吾觀伏波在浪

卷之二

廿三

泊西里間蠻未滅仰視飛鸞因而自傷乃卧念欲如少游言而不可得也使泳川尚揚眉世間得遂所志祿縻於國職繩於事若予懷悚悚焉或如伏波之所念於少游者羨君之得意而且以自傷耶君試以予言成名焉是脩士之所求而弗得者也

李子永定驛宰序

余讀史至田叔孟舒未嘗不為瞿然二公皆自髡以從趙王者也方貫高之事覺遠趙王繫詔獄雷震之威不可測九舊為趙王吏雅有旦暮偃伏愛聽平生

以氣緊相許者皆凜然自危避之惟恐迹不遠獨二公從趙王周旋為之盡力竟以脫王於禍予讀其事三為之瞿瞿竊以為二公終身之事業其已定於此耶故嘗論大丈夫立身必有不屈雅故之節然後能忠於君而盡於所事予鄉有李子者當侍御何古林公以諫獲譴萬里遠繫罪且不測時為古林屬吏及受古林公知拔者不少君毅然獨行萬里依依為之擁護而古林卒全其身以歸君其有古人之遺烈與非耶以君事長知君必且能事君即有患難必不肯苟免以負所事即當蒞官必不肯怠若職以速官謗其或任大乎吾知其能勝也于一驛宰乎何有不意田孟二公之後又有如二公者也諸鄉人曰李子質而不迂敏而不躁多才而周慎臨事有智慮其於又官裕如哉今驛宰於永定小矣嗟乎古之人有言官有大小愛君之心則一惟子持二公風致而念念無忘君也

卷之二

廿四

辜春崖嘉善典史序

予鄉先生辜敏道公登永樂二年甲申進士南安甲

第自公始其後子孫散居或在南安或在莆田而在莆田者有春崖起家掾吏任嘉善縣典史子去敏道公已遠然得見公之子孫猶見公也亡寧茲公子孫在南安者微矣而春崖能自奮於莆田官於四方竊嘗悼公之哀而今猶為公慟也夫念及敏道公則念及其子孫况春崖於余莆中宗屬又有世姻之感者我子聞春崖之言曰子役吏也子家儒也良治之子不能為治猶借術於治治以為裘良子之子不能為子猶借術於治子以為箕子業儒之後也今雖以吏

卷之二

世

奮能無念箕裘乎且夫此類以成行者達士之能也世業以立名者孝子之節也子雖出入於法律瑣屑於簿書而六勃惕然惟不得聞君子之道是懼嘗時名公若劉南郭黃我齋朱可山宋少宅子皆從之而求緒言焉非咳唾是飾將惟儒術是求也子誦其言偉其志因以儒術告之曰儒者之術在能推其心試以君之心求焉當平居未遇時見有司之不率厥職而或以貪以酷名也得無憤然嫉之乎見一民之饑寒或嚴乎罪而不獲所庇也得亡惻然憫之乎有一

政績焉足以聽聞於人也得亡慕而法之乎此天理之真心而治民之表也夫儉人者嗑口而談利機茲乃牯馬君試求其真良善乎為之充拓惡乎為之冠艾儒者之術如斯而已矣于嘉善奚難哉夫敏道公遠元氣之方掃際 皇明之隆興當時儒業未章章也而敏道公力學於儒奮自遐方以與上國爭先公真天下之豪也君以吏業而汲汲於儒是問其洵敏道公之子孫也哉君之嘉善其長君則予同年友陳絳渡公也聰明英偉忠厚仁恕必有以勗君者君問

卷之二

世

而請事焉且質之曰予之所以告君者如此也

漳南道王塘南任滿保留序

王塘南公備兵於漳南之三年將以其成奏績巡撫王方湖公巡按樊斗山公議曰惟茲地控山襟海北走江右南馳粵東而萑潢之首渠其間乎出沒也柔弛之不可剛急之不可不剛不柔坐而視之又不可王漳南慶文武之間飭結撫勦為能其任必借公一年以奠南師也急於是各保留公以免公行余聞之嘆曰王公真能以德庇我民底寧四方兩臺使君真

能為我民惜賢以對四方之望何者閩郡八而汀漳為難治以山為寇者必來自汀以海為寇者必來自漳故閩中之患自汀漳始公之鎮柔茲土也不解衣下令甲存慰屬邑窮鄉黎庶各業其生者勿擾惟鋤其莠良者治民治兵擊有統紀經畧莊明旃孤齊一已而狃討南島倭孽隆冬戒嚴肅霜應律我馬嘶風我師挾纊賊徒遁逃俘馘奏捷天錫輝煌俸加四品金帛荐揚已而北討山寇於上抗奮電鞭耀日旌伏關徽駢頤眈獵榛龍決蕘藜於是乎鬼雄神警狼窟

卷之二

世

熊賊按堵如也已而鎮漳城夙夜勞萃內設扞以固圍外調兵以協勦賊嘗以烏合之發殺日翔雲卒不敢近以去蓋公之治官治身終始斬與水俱烈而其施之政也剛柔中節以故能秉其命賜形鉞之威芟平韋豕苗萊之不恪且公常語人曰民性無常惟所御之汀漳即多盜賊詎可盡以盜賊待邪御得其道則汀漳民可即戎失其道則盜賊亡惟汀漳惟上之盜賊其民也東而刈之薪草不如蒸而熬之蚌蛤無異重斂以困其衣食之源繁刑以使其手足之無

所措惟民也此而見利之在賊而不在民於是乎始以其身棄之盜賊而亡暇他計則知百姓之心愛百姓之深未有如公者也其有大庇我民不虐矣兩使節偉之而為民挽留莫釋也宜昔潁川盜起借寇恂以一年卒以底定余見汀漳之日就底平也余以制家居竊觀記兵禍如火之燎于原焦延草木腥穢魚鱉猶賴贖大夫以見聞漳南之奏留幸餘澤波及不覺喜蒸蒸矣長泰大尹蕭瑄謀余序以垂於水也余謝不獲因次其事而序之

卷之二

世

邑侯涂桂泉旌獎序

余邑南安瞻比府城不十里而披山帶海故泉之諸縣而山而海有事則南安均受其瘁以其瞻比府城則承府事又與附郭無異故南安於七邑為劇涂侯桂泉以大理寺司務拘王國例出掌令事始余謁侯於京邸見其慈然坦然不矯異不詭隨知其為德讓君子也而竊意余邑之必受其福及至余以制歸籍親見其政如春風披拂物品慘刻不形民亡幸有屢于法者為之戚焉憫焉原反欲恤之廣開其生出之

路即事關上官有直之不得者乎亦且言之弗置或以取尤於上亡恤至如細務尤番情自朝視事至晏故余邑雖劇以侯之寬處之無病民亦罔廢事則余向所臆於侯者果其然也雖然篤實者乏皦皦之績平易者無赫赫之名以侯之恂幅寬厚或者於近民易而獲上為難及至當道諸大吏譽侯不置吻而巡按湖潯南公又特旌獎獎其賦性溫醇用法平恕勤政而廢墜畢脩宜民而循良允稱可不謂知侯之深哉則侯受知於上又有出余臆計之外者也然余臆

卷之二

九

之嘗中矣則南安民有幸焉而出於余臆外者則尤為天下民也幸蓋自循良風邈吏以酷為威以刻為明東濕繩於氓疇救火而揚其沸其烈已久至於忠誠惻怛置之和平之鄉與以安全之福而吏治蒸蒸世少其人焉此由上之大吏以所尚慘刻者風之故與厝薪赴火亡異此民所以益彫敝也侯治以循良而許南公又以循良獎彼居官為長吏者知上之嚮用而象指於此也則誰不勸於長厚慘刻之風庶有瘳乎斯天下有大幸矣余托桑梓沐在侯涵煦之中

羨許南公之知所尚而余邑之得所天也又以所尚之風乎天下而天下之盡獲所庇也於是乎紀其事而縣丞焦子主簿應子典史倪子以侯僚屬來徵余言因為諸公叙之且以俟觀風者

贈涂侯桂泉入覲序

天子以賓禮親萬國率三年而天下之省府州縣各以其職入覲丙辰歲屬當其期歲乙卯南安涂侯桂泉以十月北轅諸大夫祖道屬予序其事以祝其行序曰粵古初平世禮行而法立惟茲禮有朝覲非以

卷之二

四

諧萬國之情耶而省成之法寓焉按禮歲必有戎百官所質司會所考冢宰所授皆以成言夫勞施於事而事立焉之謂成勞施於民而民安焉之謂成涂侯桂泉之蒞南安治也成矣吏事無曠民情罔譴四野之外靡警四業之民弗遷以仁用刑不怒自威以清行政不令自服以禮觀之洵可為成也以是成也可藉以見天子矣且夫禮之有覲也猶水之宗于海也水順其道而滙其潤故海受之以為大子觀其潤下之性山下始出涓涓乎漸漬草木固已滋養生息



於此矣及其盛也騰為百川為四瀆以資灌溉以利舟楫成其功於萬物而後放之于歸墟之壑水之朝宗也愈遠故海之裨納也愈大百川致成物之功而海受之百工致成民之功而王受之百川不盈海於茲乎成其大庶尹克諧王於茲乎成其大一也國家威德洽於遐方儀禮被于殊俗異域絕黨之君長靡不來王來覲况我南安雖遠在萬里阨海而鄒魯其鄉洙泗其人又以桂泉公為之長治也三年之內勝殘若未期於以課成於考功也已晁亡亦如水

卷之二

四

自崑崙岷峨以朝宗海東耶於此見我明太平綦隆薄海內外物亡不得其理而吾儕躬逢盛際與侯之丁其盛也詎不猗與休哉於是乎孕虞夏之輝炎陶殷周之砥範煽臯夔之翔風襄衡爽之藻黼而奏功成也在此行矣涂侯桂泉公曰子何敢言成予日思勦焉期無戾於法爾予曰此侯之所以有成也諸君子曰然命予書之以為桂泉公贈

巡撫趙寧宇擢總薊州序

天下之勢殊南北而戎兵克詰搃搃擗擗非豪傑不

能任嘗讀詩至六月其垂北之成功者則自獫狁之平至于太原時有文武吉甫而萬邦以為憲焉又讀江漢之什其垂南之成功者則自江漢之平至于南海時亦舉召公之文武以為召虎命焉自古拓迹開疆武以振其烈文以善其謀文武異用濟濟以勦崇勳南北異宜比比以熙榮躋非豪傑之士則惡取功矣閩中督撫趙寧宇公其今豪傑耶我聖上繼中興之盛英豪並出公出於蜀奮魏科往奉尺一備兵而南也歷廣而閩乃陟督撫掉雲梢瓊狼孤馨日鯨

卷之二

三

雄翰鰲召虎之責非耶是惟公未三年天子聞公問謂鎖鑰北門重也復以薊之督撫委公於是公又揭揭而北吉甫之責非邪亦惟公不識廷議重北垂而輕南耶亡謂南國功已有成故更以北之成功責公耶公之文德武功焜耀閩中可謂成矣嚴以樓船之備馴以保甲之法風發電拂煙靜浪平三年之內靡有萑薄之竊唐潢之警至如內地黎萌不幸卒遭凶人酷丁焚毒告訐風行獄訟火煽恥愿遍及於士類濫役不遺於軍伍幾致大亂公急為驅除告訐之

奸檄禁而頑訟消開溪之事奏寢而臨阱杜文以綏  
閩黎武以靖日國可不謂成耶以此推之北土其成  
功可知也地中有水卦名為師其辭曰丈人吉以公  
豪傑才畧南撫北征迺遺甘棠之惠秉彤鉞之威耦  
臯蓋之倫搜伊旦之謨於是厚鏤燕然之峻陲躡不  
周之透崑天驕無所跳其鐵錚沸脣曾胡汙以噴其  
呀喂其行師之文乎繼此而上其成功又可知也四  
海所望是惟戢兵將在行師乎將在不師乎將在偃  
武功脩文德以贊太平乎肯構者琢之丁丁鳩之鑿

卷之二

四三

鑿丹堊巧絕南奔北馳不知其勞距其落成也鍾鳴  
芋吹匡坐而積紅朽歌雅而脩揖讓亡務以庚作擾  
之為其作之之疲也亡務以釁爭啓之為其爭之之  
靈也時勢有所葆而謨筭有所完其在公乎其天下  
所望於公乎不佞與沐倒懸之解年友薛南塘之子  
應鍾於公又有舊雅謂公豐功在閩不可以莫之揚  
也因序以賀

惠郡守李九巖旌獎序

東廣惠州鯨鯢之不靖者累年恥及城下留都兵部

車駕司郎中李九巖公繼守是邦於今乙亥適二年  
餘其地三面距海上連汀贛奸宄出沒穴為雀巢而  
生齒常患寡且貧嶺表諸郡其勢為難治而公承流  
亡之初定撥拾之餘燼草膏野骨披披藉藉網解維  
弛靡靡紛紛其治之時尤難公至郡下車問民疾苦  
求便宜一舉而新之大者申聞小者立變風飛而雷  
厲雨盪而日烜浮煽而動者娛噫以定走集而歸者  
儲與以成叢棘之總葺捐窳窳之陸架乃使文身  
萌黎休息乎農桑鳴生鉅儒裁衣裳而匡揖讓脩極

卷之二

四

於爐焦鼎沸之中而人各自蘇於魚餒肉爛之後於  
是乎惠人以治平為公功惠文使者以惠人之歸功  
公也為公獎獎其庶事之練也其百廢之興也其擔  
當果而顏風振也其稽查嚴而奸盜肅也夫公之治  
蹟惠文君其盡知之耶而惠人猶以為未也未知惠  
文君所獎果未盡公功耶果未為不盡公功耶未知  
惠文君之深知公耶惠人之深知公耶大諦憲檄獎  
公功能自今日之平定言之也惠人念公功澤思昔  
日變故言之也平居無事視所親惠若無異也饑渴

焦朽見沾沾者而喜十倍倒懸陷溺見狂奔者而喜百倍忠濱海也嘗譬夫操舟者之出沒於海也其遇各異當其薰風和暢水波不興上下天光表裏日景鷁采凌雲蟠文映水此則平定之景而人熙和及其衝風熒起水波洶湧蒼蔚雲霧昏朦咫尺蛟蜃騰樓龜螭噴梁此則變亂之景而人悲悼惠人詎非悲悼於變亂之景者耶當是時不知我之有生耶其且無生耶不知世之有我拯耶其亡我拯耶夫既有所拯矣有今日綏定矣感極而喜其喜之也甚則其美之

卷之二

四

也溢宜惠人之交口頌公而猶以為未足也憲激所獎庸詎非公之循良所以易亂為治而轉之靖謐乎定者耶是皆深知公者也非是惠人又胡以頌公美耶余於九歲相知雅矣猶予陽道司教惠邑屬公下吏又蒙通家視千里馳使以惠邑庠博其諸生某等請余言以紀之余樂公政化之成也遂為之序

南安學諭陳蓋臺旌獎序

天地一氣生萬物象著而日月星辰形成而立嶽河海風雲露雷土石草木變化參差其流行於兩間也

為浩然孟子曰我善養吾浩然之氣蘇長公於韓昌黎記亦以浩然為昌黎頌夫公探墳典窮經史蹈禮義孜孜矻矻窮年雖在遐方不廢學如進學解佛骨疏宣慰魏博軍節氣貫宇宙光日月駭陸梁扶稻稭舉世遇之失其所恃超乎尋常之中溢乎尋常之外是非其善養浩然耶是非維不廢所學故然耶莆田陳蓋臺君少年舉於鄉以祿養就署南安學諭入仕者多廢學君即從宦途而其天性沉深好書常以其暇與諸生賢豪日約課文藝相磨砭焚膏繼晷不以數奇漸靡而以浩然不屈不阻者日益礪其平居接遇介然不近利不及私肆力詩書之圃優游禮義之場一介不苟所謂善養浩然之氣者非君也耶於是惠文使者乃君獎其云端嚴見行已之恭博雅堪作人之範取與甚嚴事業可卜果以予之所謂浩然者獎君也夫浩然之氣在人身如水之在地中氣配吾身之用亦如水配天下之用刺之不斷也用其利射之不入也用其堅焚之不燃也用其潤湧乎其不蓄也投百仞之谷不折也乘萬里之流必東也用其勇

卷之二

四

推原其本清而且漣清而且漪應青一洗浩光萬頃  
乃成是用於宇宙間以吾身論必有一介不以予人  
不以取人之節然後能以取譬盡仁而非勉強  
立人欲達達人之公然後能以取譬盡仁而非勉強  
學問萬折必東之志則且退然餒以君強學余未知  
其於韓公何如也以君所養予又未敢不以浩然者  
許君也聲藉儒林不虛矣惠文君廉而獎之其知君  
哉

晉江侯梁元沙兩臺交薦序

卷之二

吧

萬曆之五年梁元沙公令晉江三年政有成撫臺龐  
公廉其賢且能也特章薦之朝按臺商公又廉其真  
賢且能也復交章薦之如龐撫余邑父母斗山尹君  
為余曰猗哉朝廷之網才而得才也以公之才網而  
登薦於俎豆也詎不侈哉詎不當為天下賀哉余曰  
有是乎 朝廷以拔擢之典寄耳目於兩臺晁書交  
為用之鉅也胸可俟也若以公之才而月旦評則有  
淵源焉而今乃得其波瀾公瓊人也瓊居大海之南  
南方之學故常得其精華我先正丘文莊公產於斯

涵滄瀛吞目盡闕大博深大學衍義一書具載治國  
平天下之典纖悉殫極備用成務儲清漂濁浮天浴  
日望鴻業於上肇茂功於下直與滄瀛爭奇公後文  
莊而景其學業余見其丰度雍雍矣霽若水平焱如  
波蕩風月聊浪雲霞輝映海孰為濛余見其學術汪  
汪矣苞舉蕤林縱橫今古穀羅才俊式友仁賢海孰  
為富余見其令行禁止矣保甲嚴明盜賊屏息條編  
均平黎萌循軌海孰為威余見其布德施惠矣小大  
之獄必親羅織之究獲雪催科有度撫字靡置濛孰

卷之二

吧

為恩夫滄瀛之波濤其乘潮四溢也岬岬滄亦泰  
天秀岬江岬河舟楫通利又有盛焉濤氣溢而升騰  
天以為道而時雨降潛氣溢而滋灌地以為道而寒  
泉溥宇宙間功用無與比矣公之于晉江也其猶岬  
滄邪其猶江河始出邪萬姓之所揄揚當道之所推  
薦其猶拘於墟邪其猶束於見邪上焉者聶龔黃之  
遐跡軼文莊之高蹤道援天下之溺才濟天下之險  
外而風波不揚內而龍見施普茂蜚聲煽炎烈以與  
天下長享太平此余所以為公望也此諸縉紳所以

為公許也敬因尹斗山之命而序之

揮使歐陽新田守銅山序

銅山水關缺守將督府上其事於朝以歐陽新田君樞掌其事君東田公深子也公死事於莆推其蔭次及君遂由增廣生世襲指揮僉事又推公績進襲署都指揮僉事又以斬獲崇武倭級進署都指揮使守銅山將之鎮僚某等請余言以榮其行余於東田公為舊知聞之喟然喜既而嘆曰古之名將多出於死事之門何者其忠烈義勇之氣感天地靡日星凌

卷之二

兗

霜雪貫蜺虹不可磨滅故舉而鐘于其商嘗讀五代史晋王克用破黃巢復帝京史敬思為先鋒當上源驛之變免晋王劍執間而以其身死其子建塘繼父卷甲持戟并朱梁柏卿之捷策疆之捷梁日以感而晉業遂成有父之志有子之功有為之前有為之後此非忠義銳烈而天道顯忠之常耶公之勇於義也倭倡獮民不識兵望風奔靡公奮自民間犯白刃蹈流血與稀突角於武榮之野卒招撫以安遺黔及至莆郡攻陷公又承檄救莆率群帥衝焱鋒為東蕭

之戰以力不敵墮于陳今子某襲公後累掌軍政累樹勲閱嘗營屯糧而督徵高浦所崇武所屯糧能其事嘗營清軍而得逃亡軍士三百餘營脩葺衛署宇而功成士悅其軍政甚嚴肅守崇武所而生獲倭級於大乍一十有六名其軍績甚著東田公之以身殉國也新田君之以子克家也處危處平奉職事無玷缺肯堂肯構萃忠孝於一門于史氏奚異焉或謂新田業自書生媾茲平世文墨之儒乃疎於劍術太平之世安所奮於武衛是又不然 兵以政立武惟文

卷之二

平

經東漢盛時祭氏之後有祭彤耿氏之後有耿秉皆名將世家 際太平起儒業揚勲數千里之外降車師撫鮮卑文墨之儒太平盛世其能樹功乎其不能樹功乎余即新田軍政積閱知其必能揚偉績而萬里之勲自銅山始也余將日望焉新田君謂予言何

唐子喬植襲泉州衛揮使序

皇明起淮甸掃校氛英傑貴獲之倫電森騰趨  
附後先唐公益為淮之六合人際風雲掉旃旄因獲  
勒崇垂鳴啓家分闈而世為我泉衛指揮傳至泮濱  
君以及見榕君始大而見榕累擢僉書東廣都司壬  
戌告老子喬植襲故爵植於余為門婿既襲將就職  
謁予曰天以唐氏邀恩榮于我 聖朝寵有勳庸錫  
之爵命世家於泉子子孫孫繼繼繩繩敬戒不忘以  
膺秩祿者二百餘年於此矣今傳世及植將何以酬  
主恩何以承先緒何以効驅馳于世難大今日夫夫  
也而柱石宇宙立身鉅節將無惟在忠與孝哉而子  
所處吾以為又有難者何者士君子文學成名號為  
竭忠亡亦惟夙夜於廟廟運籌於帷幄其勞者不過  
靡盬於四方子之武胄方且出入於金戈鐵馬摧陷  
乎獨鋒地陳方且惟斷脰抉腹一瞑不視之計是惟  
文學之孝立身揚名有崇其爵置其祿以榮父母者  
有廣其爵終其譽以榮父母者有勞其身載其寵以  
榮父母者武胄之孝方且披堅執銳積多以為祿方

卷之二

子一

且破軍斬將勒銘以為譽方且捍邊疆賊狼藉震足

以承寵文學處其平境而子處其危境由文學以為  
忠處其易而子處其難由文學以為孝處其易而子  
處其難湯之始煖火之微烘就而炙手不見可畏及  
至陽沸燎原入焉焦沒莫敢向通夫兵及之無所避  
也豈特湯火之熾哉蹈兵刃赴湯火方且以為難乎  
不邪誠知為難方且兢業危懼以圖報塞乎不邪况  
今天命隆威世故滋艱陸之所可通者豺狼其居水  
之所可通者蛟鰐其藏是志士肝食之秋為忠為孝  
之日也古人有言功崇惟志子求其志乎將三軍決  
兩陣法在孫吳矣書傳人世子以兢業心取而熟試  
焉為忠為孝惡待乎余之危言為獨計哉 國家取  
法商周以處勳舊有世選爾勞之典必有世篤忠貞  
之良有念茲戎功之仁必有弘乃烈祖之孝大風之  
歌曰安得猛士兮守四方其歌也於豐沛其望於豐  
沛之舊者厚也子非豐沛舊裔乎况子又素有激昂  
慷慨之志乎又可使 國家無商周之臣乎吾故以  
志孝之大節為子勉之

卷之二

五二

晉江邑侯譚敬所榮取序

國家以天下庶務責言於兩臺而取其才於郡縣之能吏豈不以天下庶務民瘼為大民瘼之求郡縣為詳其事甚重而其究摠之乎為民嘉靖丙寅冬晉江邑侯敬所譚君應其選夫有道盛世堂陞不隔喜起交謹百僚皆得以其昌言奏海隅上徹乎清聽閭沕獲耀乎光明又奚設之言官若樹贊相而導俯仰為及至尊卑之勢日懸閭閻情偽日滋林又摠又披又籍又風雲不能勝其變析揚不能勝其威七死八亡

卷之二

五三

之疾苦遂不可盡窮措置乖方豺狼當道有司者孰曉曉焉以指斥為事如是能無委之言官乎言之所是而是言之所非而非是非之極果未易晰晰定也無人適越投之山谿林谷之阻一俟御尊而里落弗昧彼其畏塗之迂折旁岐之西東必夫經歷而熟識者也郡縣良吏是非民事之嘗經歷者邪歷其利病言其利病孰其是非言其是非乃無為耳食矣泉羅倭患以來煽以焚掠屠以毒厲困以師旅因以飢饉在潰爛之中公之撫循茲土也適承亂餘能運民

卷之二

五四

前所欲惡披之以清風洒之以甘雨民於是歡更生轉輸餽餉應之有緒不決雍不滅趾民於是順生擊死除駟傳之夫保均里甲之徭役賦額微限取之有度不病官不畜民民於是仰事俯育有厚賴其法身也介潔若冰雪溫和若陽春民於是乎懷德其下令甲也嚴於吏胥剔奸刷蠹靡遺網民於是乎畏威是其於民情也於利病也猶懸鑑照也彼而處言責爭國是也猶會簿數計也將激濁揚清登三五之治平躡王魏之高蹤亡寧晉邑之民也幸龔遂治渤海亦當亂綏後易佩刀以牛犢化奸宄為良善確而入見王生教以不言功夫遂以少府擢其寄也不過一有司公之擢將以言責民瘼萬災係焉號之為功可

行也云

行也云

泉觀傳 泉先生文集卷之三

贈卓肖麟尹新昌蕪歸省序

同年卓肖麟君成進士尹紹興新昌縣予從鄉先生  
饒之郊外肖麟君登高南望慨然曰簡書可畏也桑  
梓亦可懷也余茲試硯及於下邑幸有便道焉而余  
父麟峯年六十有三母六十有二自今以往依依乎  
皆可愛之日也余將歸省獲以一日膝下歡稱觴上  
壽惟君有以祝之也余曰世之祝壽二有以永年祝  
者有以榮名祝者蕪斯二者夫誰不為上願而不可

卷之三

必也今君與麟峯尊公別號皆干麒麟山乎取維山  
之英降生卓氏其精采浮動凝而為石茂而為木散  
而為雲烟融而為雨露春秋代謝日月交易而其精  
采常存體骨不變二老也優游具慶其間永年之筭  
必如此山矣無寧茲二老之壽如山斯永而是山之  
長永又且以二老壽夫其峙於遐陬粵壤非有強人  
游士歷覽之娛非有泰山梁父泥金檢玉之表而余  
之識是山也以二老二老有辭于世而是山遂為天  
下知天下有是山是知有麟峯公天下知有麟峯

公是君遺二老以榮名也名與壽兼得君無以為偶  
又無以為易也君誠起家士籍尹新昌新昌且視二  
老為大父母藉令君有庸于新昌覃及天下為仁人  
君子二老將不為仁人父母乎麟之歎以瑞名於天  
下也則惟是生草不踐昆蟲不滅以仁瑞焉故詩美  
周家之忠厚三而嘆曰于嗟麟兮是以仁麟之也藉  
令君有視民如傷之盛美殺一不辜不為之實惻  
萌之濡君仁也夫豈不曰于嗟麟兮又豈不曰麟峯  
其為麟兮而是山亦固有榮名於天下山以一老而

卷之三

壽而二老之壽雖與山同存可也得何容易肖麟君  
曰善哉吾請服子之祝以壽吾親焉  
壽張嵒味大母太夫人劉氏序  
古之至人化丹砂為黃金其壽筭延永至參三光而  
配合陰陽化金之術曾于吾生何與而養生者取以  
為訣微獨取此之術養此之生而後延永迺其精誠  
之心極於百煉冶物而物隨心化養生而天與心合  
外丹成而金化內丹成而壽延故養生者合以為訣  
天固謂得於彼遂得於此能化金砂遂能以延吾生



也子以其術推之天下之人九壽其生者皆其精誠  
之人能格乎物者也凡弗壽其生者皆其殺蒙之人  
反困於物者也子同年張岨岨祖母太夫人劉氏作  
配予張遭家之屯上無舅姑執執然于疚也而能勤  
以經營儉以節制不數年間化貧為豐迺篤生年伯  
南溪公僅僅零丁而愛亡姑息延師取友出入飲卧  
其語之皆斬然有度南溪公卒成學業知名當時則  
能化朴陋為詩書於是乎君伯仲承之而夫人母教  
益顯君以已酉領鄉薦遂成康成進士宰滑縣則又  
化家食為自公食是惟夫人精誠格物而物隨轉化  
與化金之術同一變幻哉則夫人之壽也乃有自焉  
而非偶然矣今享年七十有三西方岷峨岨洞洞天  
其間舊多道人煉化秘地壽可知已君蜀產也蜀人  
李宓有云臣非祖母無以有今日祖母非臣無以終  
餘年夫豈其終餘年是賴將惟永不朽是寄君茲階  
廣土之封握民兆之符且樹勛業於時流輝炎於後  
以與名山大川同垂無窮於以為夫人壽也不亦休  
乎君和厚而明快篤實而雅飭望之如春風嚶其和

卷之三

三

醪醪揚其香一遇事倉卒立應當機迎解亦如至人  
脫化不可測識其必建不朽之業乎又可知也夫人  
之壽無疆也子辱與君同率籍稱觴遙壽於是乎書  
以贈

壽年伯曹鵠川六十序

曹濱湖中書君 父鵠川公壽六十五月朔日公初  
度予於君有同年之雅又同於比部試政今俱居侍  
從遙為公祝兩人相視歡融融也子曰天下之不可  
逃者詐非數哉數之十千以十二支配焉循環變化  
陰而之陽陽而之陰否而之亨亨而之否皆必至於  
六十而周六十者數之一大會也公之初度五月一  
日則又一陰始生之候數之否也數窮六十然後陰  
始盡而陽生為亨焉陽既生矣數既亨矣亦窮六十  
然後陽始盡而陰生為否焉故公之自幼而壯也學  
雖篤而不揚於時行雖高而不驕於用能使其聲稱  
洽於鄉泮溢於成均受知於張角川費鍾石諸公而  
不能致其身於一第如是者幾六十年然後陰數之  
既窮否數之已盡而公之雛子遂第庚戌讀中秘書

卷之三

四

而公亦以舒其素積推公之始考公之終以其得陰  
數之否六十則亦當得陽數之亨六十知公之得數  
必至於一百二十而後盡也或曰萬物皆數矣而其  
有脩有短何嗟乎物數則然矣而所以稱是數者不  
惟德乎有有其數而無其德者物類是也故有春而  
不知乎秋有有其數而寡其德者衆庶是也故有幼  
而不及乎壯至如德之所鍾數之所厚即彭聃喬松  
久視大塊之間箴言永也予聞鷓鴣川公以孝弟著於  
家以好義樂施聞於鄉則公德固足以應是數也者

卷之三

五

予以公之德知公之應是數觀於始生之數而知公  
之壽未艾哉抑人之所謂壽又其有不朽者乎非此  
其身在其子孫如公永金石之聲垂汗簡之譽以千  
斯年其令榮也必君也於是濱湖君又歡歡然南向  
稱觴拜予言而為公祝也

壽年伯衛介菴暨孺人李氏序

同年衛析鸞君寓京坻一日過謂予曰惟天遲予之  
成而移其慶於親也余父年七十有五余母亦如其  
數天幸多矣敢請吾子祝之予曰君澤人也亦知澤

州之崇山峻嶺乎迤自大行突如其聲呀鬱如其盤  
紆如鳥之翼而飛如獸之張而躡終古不去祝君二  
老之壽有如此山又其下以流所經也泝如其騰駘  
浩如其濤瀨看魚鱗之相次若軸轡之契轉百折不  
迴祝君二老之壽有如此水析麓君曰美哉吾廬於  
山之下子言之而山增高吾廬於水之上子言之而  
水增深吾二親者優游於其間鶴髮兒齒悠乎與瀨  
氣俱而莫知其涯浩浩乎與萬物游而莫知其極豈  
非幸哉然而吾父介也而號介菴始嘗治舉子業已

卷之三

六

而高尚于山林勵之以勤厓守之以節儉鄉黨推之  
有司聞之以鄉大賓請者累不一樂而就也澹如矣  
惟母亦以慎德相其壺範之所自毓則李經元之裔  
詩禮世業焉夫非二老所以有今日乎予曰然哉我  
聞澤國是陶唐氏上聖之遺也箕由洗耳於堯讓入  
能道之故時有清脩之士興焉急荒作戒於禹謨故  
至今民勤茅茨土階其治故至今民儉補瀉納嬪虞  
其化故至今婦人多脩禮風遺俗染習漸性成齊民  
已若此矣又况於澗挹山川之秀沉浸詩書禮義之

世澤者乎二老所以有今日也吾以是有感於聖化之遠也然猶其遠者也請言其邇夫澤潞者豈非天下之脊兵馬之交哉天下有金革之變則澤潞為兵衝苟變而金革也雖善為偃仰嗟吸以享天年不亦難乎由此觀之二老之所以壽者又亡惟聖化邇洽神威外鬯永無兵革之災戰鬪之事故得優游太平以今日享也君且登庸矣將為二老壽乎感吾說而思之甄虞毓夏術殷釐周漸為 聖主登壽域也必有設也日更為我傾王武庫奚如

卷之三

七

壽年伯李角山序

辛亥歲李角山公視其子海宗君纘于京師十月為公誕生之辰角山新見其子之貴又丁茲辰諸大夫相率賀之予曰國家用夏時以寅為正起數於寅自寅至亥其數十焉歲之亥歲數十也月之建亥月數十也亥以加亥十以乘十而為百茲賀也適符其時是惟公來日之祥百歲之徵已夫亥之義於曆法為大淵獻淵言深也獻言顯也公之數於是乎符也是其為福祉也深是其為慶祥也顯且是月也為陽月

言往歲之陽終而來歲之陽始也李氏自先世以來潛德弗耀久矣至海宗始以禮經魁閩又魁於天下李氏之有光耀也自海宗而公實啓其秘其窮也豈非數之終耶而其通也又豈非數之始耶予知公必且以子之故而藉聲於天下也天下而知有公勦勳景鍾垂名南簡胡必公七尺軀自奔馳哉以子之貴烏而貴以子之賢烏而賢以子之榮名烏而榮名人之生也丁歲以為期而勳業之鏡寓內也百世以為期八寄勳業於海宗亡寧以歲期矣晉王祐植三槐

卷之三

八

於庭也曰後世必有為三公者其後文正以相業稱而植槐之契至今膾炙人口吻不磨距一植槐使然哉以有文正耳有一文正而王氏之槐遂與文王俱永夫使公而子文正也吾知公壽且如王氏槐矣果有符大淵獻之數而亡寧以百歲期也

年伯荀廻山暨孺人雙壽序

予讀無逸篇言壽生於艱難未嘗不惕然懼聳然思仰周公垂訓之大也試推其術以觀天下之人兀嚴肅之人壽而輕浮之人不惕勵之人壽而放恣之人

不規矩準繩勉焉日就收斂之人壽惟情之安溺焉  
不能自振拔之人不何則人之生也神而已矣神運  
而不息故形有所資以自立惟無逸之人奮焉而神  
精明強焉而神堅實歛肅焉而神內固不浮果毅焉  
而神循軌不滯此善養生者之所以壽也豈惟壽哉  
徵斯之勤功足以崇業足以廣借令以無位厄其名  
無以自顯而貽謀積慶亦有為之子若孫者自樹立  
焉而名亦因以赫赫於天下使後世沂而稱之曰某  
人之祖之賢也故嘗試論之人之生也貴壽之其在

卷之三

九

勤乎人之名也貴壽之其在勤乎同乎苟和溪君祖  
迴山公於今壽九十矣祖母蘭氏壽亦八十一問平  
生則惟田桑之業是厯至其所以教訓子孫者老孜  
孜不倦由此觀之如周公所謂知稼穡之艱難而所  
其無逸者非耶及今九十八十鶴髮並儕未有艾也  
可不謂壽乎和溪君癸卯舉於鄉成庚戌進士若所  
謂得其壽而又得其名者又非耶君授金壇令便道  
過故里舞衣堂下祝公壽也雖然和溪之有身也惟  
爾祖父母之身 和溪之有所事也亡亦惟爾祖

父母之事。立身行道祖父母之晦而未光抑而未  
揚實惟和溪壽與名不朽騰蜚聲樹茂實而后之人  
知有迴山公夫婦亦惟和溪使吾和溪今日金壇  
而循良以綏遐萌若卓魯諸君子進而居諫垣居烏  
臺直聲動天下若王魏然功烈銘於鼎彝典刑垂於  
汗簡累百世世沈樂胥推原所自出天下以迴山公  
夫婦何如人哉公所戡穀於無逸者永永無疆也此  
子所以祝二老壽也君其嗇之

壽年伯王隱軒八十五序

卷之三

十

予考紀載鄭之子皮宋之子罕皆以饑饉之年廣賑  
施為民望所歸宋鄭無饑人而二氏世為上卿晉莽  
向論之曰鄭之罕宋之樂其後亡者也考其壽子皮  
執政於襄公之二十八年至昭公十三年猶存凡執  
政二十年子罕執政於襄公之三年至襄公二十有  
七年亦二十餘年執政如此其久也則其以甲子筭  
者不啻矣考其後子皮之後至罕達猶以上卿帥師  
子罕之後至樂祁猶以上卿會盟夫以一賑施之德  
天錫之年錫之後若持左券以責償也天人之際不

奕也子同年伯隱軒公當正德之季歲大饑傾廩以  
施日食數百人其死於草者代為瘞埋惻然靡厭倦  
夫子皮子罕秉國之鈞有君大夫之寄焉其饑也我  
饑之其斃也我斃之一能賑施猶民見德而天報以  
車厚也公微有位於國乃汲汲然憮心醮戚賑贍商  
人轉糴被盜亦饋之粟以全其歸而晨昏弗曠於父  
母有無不辭於嫺族其行義卓異若此不知子罕子  
皮視公何如也故天錫公壽則年八十有五未艾錫  
公後則長子以庚子舉於鄉季西塘公成進士於唐

卷之三

十一

成豈其積慶三十餘年而嗣世日昌謂亡冥冥默春  
顯佑必不然矣繼自今西塘公弟廣公意以錫類  
展遐前所挫詘瞻黎庶所絕乏在郡縣使郡縣無哺  
饑在天下使天下無哺饑其為種德孰大焉其為福  
澤孰厚焉夫罕氏樂氏雖子孫常世其官然而罕雖  
之變大心之變罕樂子孫之慶澤微矣叔向謂樂氏  
之德加於罕氏以公之樹德視二氏又有加於宜王  
氏之餘祉多也是祝公壽窺管得一斑矣

壽年伯田蓮溪序

田燕山君於子為同年友且南官僚也嘗述蓮溪翁  
之教曰有積未施其後必隆有業可繼其傳必遠我  
祖忍翁之守均州也意氣磊落磅礴衡嶽包括湖海  
不爾爾卒排陷於閹宦開施弗究命也夫粵祖伯寶  
慶守南山公文章德行與我祖同時藉聲詩書之遺  
也舊今爾乎鍾羨必無忘故業矣日子父年五十有  
三以天之祐見子之成而且以康曾稱也子幸子親  
之壽而愧無以壽之也蓋自閩至京師八千里而途  
禠縻於禮曹事不出國門役不及郊外非有四方之

卷之三

十二

命可以便道歲月省覲吾曷以為情哉子於老親之  
思惟日惘惘聞斯言也若刺心因默不語已乃解之  
曰蓮溪之思燕山猶燕山之思蓮溪也燕山之思蓮  
溪也曰吾胡以致吾養蓮溪之思燕山也曰吾胡以  
成吾名燕山思致其養以為蓮溪壽而蓮溪思以自  
為壽又有大矣蓮溪所思將所謂不以體養而以志  
養者也韓愈有言歐陽詹在父母之側雖無離憂其  
志不樂詹在京師雖有離憂其志樂也若詹所謂以  
志養志者韓愈可謂得歐陽子之心矣假令燕山朝

夕出入於蓮溪側而承其歡不尚謂一時之慶而蓮溪向日所以教子者意鬱鬱不發其亡戚戚乎假令燕山君由是效節致忠淡聲稱於蒼生耀勳業於社稷而蓮溪公得為名公父子不知蓮溪之心視燕山在家日何如也意者燕山不遑於養也無亦蓮溪之所樂乎樂蓮溪也而壽乃無疆矣燕山君有內顧之悲予故論其揚名之大者以祝公壽而因以自解也

壽王晉齋祖母太夫人葉氏序

天地清泚純粹之氣囊括陰陽輝映日月其流行於

卷之三

十三

天下也山得之而為高水得之而為長松栢得之而為茂金玉得之而為堅其鐘於人也為賢人得是氣以為賢也為壽為福皆一氣之自然而有不然者非氣之不足也無以全之也是知天地之氣播在萬物為萬物壽為萬物福而人得天地之氣有毀有全縱有厄於數者不得於此亦必得之於彼不得於前亦必得之於後其於婦人也亦然予同年王晉齋君乃祖母太夫人葉氏及笄歸王其事舅姑也孝其相夫子也敬其理筐筥也勤婦德可謂賢矣意其天地之

氣所厚乎而以年三十七而孀以蚤而棄伯子何其毀也及至矢志靡他絮已保家以督其若子若孫之成茲年八十矣尚康強未艾則山與高水與深松栢茂而金石堅豈非所謂不得於此而得於彼者耶年伯愧予公遊邑庠有聲以貢入官有日矣而晉齋君登癸卯鄉薦今庚戌成進士以南戶曹主政選又豈非不得於前而得於後者耶天地間泚氣人得之全於身流於後全於身者為百年之壽流於後者為百世之壽夫人之有斯壽也百斯年不遠也數全矣若

卷之三

十四

乃洽芳聲於無窮遺令名於不朽使百世後知有夫人此豈夫人所能為者將在晉齋君乎君嘗為予言曰爭利於市亦市乎喪利爭名於朝亦朝乎墮名求欲於人先劫吾欲借譽於人先損吾譽吾寧尚楊子之玄甘劉向之銑亡寧奔走於王公之門為顯閔所笑子以其言偉其志知君之有所不為如此則異日之有所為也必不可羈而太夫人之百世壽其無疆也已

壽南海盧四園序

古之善養生者必有以寧其志而完其神人之一身心為之主神者心之精也志者心之用也神之听存者微志之所馳者廣以其至微者役其至廣者六鑿連環續錯而真倪殆已故善養生者必寧其志焉使不蕩乎其神何者士君子在宇宙間其生也可貴其閑於天下也不小詎不欲自適其身哉而名為鄒魯之士褰衣博帶頌詩讀書則澤及百姓存撫天下蕃息儲調若弱孤寡為意亡日忘之是故身隱矣志逸以休矣而不足以發其神鬱而弗舒日焉達矣志足

卷之三

十五

以發矣而或傷於抗瘁其神動而靡適道術之君子有不能兼乎此者南海四圍盧先生慕其術而樂之先生星野公父也少業舉子補學官弟子已而雅意丘園構隙地於疊滄村界為四區而垣之識以東西南北因號為四圍先生以其暇餘飲醇烹肥請呼所歡秉燭涉游盡四時園沼之樂儲與乎中林聊浪乎溪溥曰我獨與造物精神往來足矣我且無鬱鬱哉我且高傲乎救世之士哉先生志不忤時不妨自適已而星野以戊戌登進士第歷職秋官擢督學使

者校文於閩中先生以子封為郎又進為大夫思榮之典兩及矣星野公德行學術人士宗之其議論以古人為法而咀為文章也如驅溟海之波濤乘風颭走龍蛇其政教有紀能以諸士子翕然向風先生即不自為乎而有子焉亦足以達其鬱鬱之懷而放於無入不得之境先生真天下之達也有丘園以為娛足以遂先生之志之高有星野以為子足以遂先生之志之大及至四圍中之景色樹翳而風動花發而烟浮鳥高飛而魚深泳先生以黃髮嗜然優游其中

卷之三

十六

水同流而山同時天壤間無以易此樂也若是則裨乃故全矣天之所保者定矣先生之所以壽或在斯乎或在斯乎余以庚戌從廷對後時星野公校文簾內因得望見顏色而聞有四圍先生繼而吾鄉唐子堯賓具譚所聞先生之事益詳也蓋唐子官於南海得交於先生而親之甚丙辰歲先生六十有一矣唐子徵言於余以祝之於是乎序

壽南海盧四圍序

士君子之在天下其樂樂天其憂憂世余讀東漢書

至仲長統傳其卜居篇樂志於良田廣宅背山臨流  
溝池環市場圃菓園之間 何其能樂也及至讀昌  
言諸篇類皆發憤之作激慨抗厲則又憂之不能免  
馬何哉蓋君子有一身之責有一世之責責之吾身  
者為遠而已矣責在世道而吾無如世何也則憤斯  
志士所以不豫而亦以此累其生然余謂士固有志  
不必皆其身之自為也身之所不得為而有子焉以  
為之亦足以達其鬱拂之情而放於無入不得之境  
以葆吾真 奚而憤而傷而激以自湛其身為以余

卷之三

十七

所聞四園盧先生樂晁造而憂卒不少憊累此何以  
故焉先生少業舉子領袖青衿以詩書禮樂自矯任  
世之臧否豈一日忘天下者及席珍弗售乃懷卷丘  
園構疊澗村之隙地介為四區以四園為號若將終  
焉要之非其志矣有志之不畢脩士之憂也已而星  
野公成戊戌進士歷秋官擢憲使校文於余閩德行  
有章政教有紀諸士子以為宗若流水之於江漢眾  
星之於斗極而先生以子貴封為郎又進為大夫其  
功亦因其子以自表見於世彼其身不獲以自試而

以試可之責遺其子子我之期抱畢足而滿天下傲  
意忘物之真焉而遠救世憫俗之憂焉而遠願精攝  
神以與至人無極焉而適豐膏澱澤至使萬物咸若  
焉而適是其樂也能樂不以天下之故累其身是其  
憂也能憂且以天下之心盡乎物所謂樂以忘憂者  
非乎今享年六十有一康強未艾得意全真奚必嗟  
吸吐納如喬松乃稱壽考也夫仲統之詩所云抗志  
山栖游心海左元氣為舟微風為柁教翔太清縱意  
容冶欲與太虛同流其志豈不偉 而時也不偶竟

卷之三

十六

芥蒂於物累卒汶汶焉今聞四園盧先生樂事不朽  
乃知士君子在世其樂之得不得固有命哉日唐生  
來徵文余已備述其意為先生壽矣乃邑庠博李子  
傳子又以為言也因有感於仲統之篇復為先生申  
之

壽郡守熊北潭序

古之言永年者人與天協祥德與數符禎於是乎享  
有悠遠長久之慶北潭熊公知泉郡三年政成人和  
上下交豫適年四十百姓欣欣然相告曰公體貌此



舊益厚公庶幾其無疾病以享壽考庶幾終能寧子  
余曰公惟其體貌執公其能以純德終始順天有之  
真而定保于天公其能超然於尋常之外以德自勝  
外形骸旁陰陽浩然而獨存孟子曰我四十不動心  
夫四十也詎非年壽方壯時耶而以不動言是其為  
德守也堅是其為天和也固變態不能震撼是陰陽  
不能薄蝕是何其受之首也而實則曰我善養吾浩  
然之氣又豈非定人以完天葆德以俟數而不二者  
在我故能不動也者嘗試論之天之與數其有定乎

卷之三

十九

其靡有定乎陰陽有參差氣化有絳揉純雜判於初  
分脩短隨於所遇智不能察明不能齊我未知其亡  
有定也我亦未知其果有定也惟吾一身天理渾然  
在中者為有常流動貫徹浩然充大如有善養者乎  
噓之而為陽吸之而為陰炎之而如日肅之而如水  
居常有不挫不折之守臨事有不震不騫之勇參差  
紛揉純雜脩短之故如蚤蚤雀蟻之相過吾前也疑  
一無二乃能游於世而不披是之謂定人以完天是  
之謂葆一德以俟數北潭公之蒞政於茲也介以立

身仁以布德麻襪一致其不愧不作所以養吾浩然  
者無害矣至於當大事臨大寇整然有條談笑麾之  
不擾民以自削不輕動以速變卒之不勞力而紛錯  
迎解萬變遇之而不驚百折挫之而不撓所謂不動  
者非耶於是乎百年事業累期耆而定蓋公之所完  
者天也天之將厚爾全數俾爾禎祥其所以協之符  
之者人也德也余昔從公觀政於西曹公已而守救  
邦德洽萬姓壽以百世予於公無能為役而年愧於  
先之仰所庇焉亦不自知其言之喋喋也屬吏南安  
知縣涂公沐公德最優欲從諸大夫祝公壽而北行  
急乃預布腹心余不自揆因為涂尹述之

卷之三

二十

壽涂太夫人陳氏序

涂桂泉公蒞政于南安奉太夫人陳氏以從越明年  
政成太夫人熈熈然蒞其會維時太夫人之壽六十  
有七矣九月十四日誕生之辰諸士子請于學博劉  
宜水公曰惟我諸士子得賢父母以庇家庇身也而  
可忘所自哉惟桂泉公之賢則夫人之教之以惟桂  
泉公治官如治家視民如視子以勤為能以清為守

以仁用威我南安黔黎維荷所仰藉以煦育哺熙揆厥所自則夫人之教之以夫人之壽也亡寧桂泉公之厚慶即南安有厚賴焉因請其序於余以賀予曰夫壽者詎非仁之徵哉賢如桂泉公夫人之仁可知又詎非夫人所以壽我彼婦人之稱仁也徵於子矣子之為文也而太任仁子之為武也而太似仁以桂泉公之柔我南安也南安之萬姓攸賴仁孰大焉而夫人之仁也徵子將以百歲期之詎惟今日之壽耶夫物莫壽於名山大川溫陵山川其勝者紫帽朋山

卷之三

廿一

之峙金溪黃龍之流秀拔摩空濟礪巨地此亦一方之奇觀已先達諸君子蒞政於斯多矣惟深仁厚德之父母稱焉王梅溪氏真西山氏皆以仁父母樹不朽之名稱山同高而水同潤以桂泉公今日仰止景行焉知不與紫帽朋山金溪黃龍也而同不朽耶則夫人之壽其又在此矣子竊依桑梓際芳辰之佳會樂壽考無疆且冀桂泉公為吾邑開壽域也於是乎祝

壽丘恭人黃氏六十序

嘉靖戊午大中丞丘集齋公恭人黃氏年登六十於孟秋八日為初度之辰諸鄉先生徵余搗毫管以祝夫人壽夫中丞之遺德也恭人之盛福也奚待予搗辭揮言哉里閭黃童盡能言之矣乃其言之所罔圖寫罔盡必者天也天欲大有造于人國則必為之篤生賢輔天欲大有造于人家則必為之永樹賢配其生也既有所為則其享年之永與不永也皆天也而國家隆薄之祚卜於此焉余觀中丞以鈔年登甲科邁迹於劇縣翱翔烏臺入持國議出督學政歷開府器深而學廣識明而才敏宦跡所經無艱大而游刃有餘竅天下望以為公輔者在朝夕余意天之生斯人也將永之以為國率也而年弗克永及茲多事秋兵車歲駕國務殷殷思得如公者與宣力九域而不可得則余於天意不無憾焉倘謂天之厚公也非耶中丞即世恭人拮据瘁瘠以成丘氏闕堵中丞忠於狗國而未遑恭人為之匠其成中丞有子與姪恭人誨之中丞堂構恭人營之中丞汗邪恭人拓之天之生恭人也將惟丘氏是為恭人之壽也將惟丘氏之

卷之三

廿二

世祚流膏是沃是衍天意不能使中原無事則使中丞不得於勲遺天意欲戰厚丘氏福祚則使恭人得享有壽考倘謂天之不厚丘氏也非耶恭人諳書史內則列女傳諸書皆能通其大義事父母孝已嫁而不哀於舅姑處兄弟友已嫁而不哀於妯娌事中丞二十餘年其身已貴而敬於采繁勤於鷄鳴以小星逮其下以羔羊相其夫中丞之靡內顧憂終始宦節者恭人佐助為多由此觀之恭人之德以致壽也天耶非耶恭人余邑黃氏之所自出家世以詩禮著聞

卷之三

廿三

余於丘氏為姻家而黃氏亦世姻故得詳恭人之行而反覆其不可盡必者以為恭人頌

壽涂侯桂泉太夫人陳氏七十序

桂泉涂侯治南安之明年夫人壽六十有七余從諸先生後以祝夫人壽大都言婦人之仁無大於有子天下之壽莫壽於不朽士君子盡瘁所事以勒榮名山為之高水為之長而為之親者亦永以垂芳于世世及今戊午夫人壽七十而侯且奏有成之績仁行而有紀義昭而不苛寬而能容清而不詭民順其政

無有怨謫事得其經無有怠毀古所稱良吏不循於此矣是余之祝行也余祝之行是我民得有所庇而後世世知有夫人也夫人之壽七十七曰老壽之成也三年奏績治之成也夫人之來也豈惟其子之養是就亦惟子之成功是省人孰不愛其子又孰不欲子之膏澤洽蒼生而成其績以鳴于世然有天之所厄邈而不及親子之成者有有壽考而病於子之弗任反以為憂者夫人壽矣而親見其子之成政成矣而以其成為夫人歡洵可賀也 國家之制吏

卷之三

廿四

以三年考績而績之懋者推寵及其親侯以治成績績將錫命之自天而夫人以七十之壽承之白髮金章蔚蔚乎相輝盛美之侈會數之適然也而事詎偶然哉丞某君等徵余言以賀余故述今昔之意以為侯為夫人祝焉

壽王太夫人李氏序

王太夫人李氏誕生之辰六月某日於年七十矣遵巖公以德願養全葆天和東臺公以宦成歸田里逢吉丁辰夫人立二子於膝下擢金紵朱諸子諸孫誥

詵錚錚是其天倫之樂也完是其百順之聚也備第  
乎康哉試嘗歷數往古婦人之福若蘇太夫人程氏  
篤生二蘇以文章德業冠天下聲稱烈後世天之福  
婦人也詎有若其盛者乎而年弗克永覩二子之榮  
於世也未覩其成及紹聖之禍作二子在黨籍中且  
遺夫人憂福之難全也如此迺今太夫人以稀年享  
眉壽遵巖東臺公以文章德業聳宇內二公少而仕  
壯而成倦而歸始終履歷皆安排夫人眉睫間二公  
又已脫宦海之風波而曠遊乎衽席之安靡為夫人

卷之三

廿五

憂蘇太夫人所有王太夫人之所同也而受養于鶴  
髮享成福於生前無遺憂於身後庸詎非王太夫人  
之所獨而蘇太夫人所無耶余少而遊世伯方渠王  
公門與二公及諸弟交鉛繫習見夫人所以處身  
治家斷斷於禮皆足為訓昔為尚寶公之子及歸于  
王方渠及今以子貴窮達豐約若兩途截而夫人之  
豐也不以驕貴聞約也不以菲薄欲以禮終身焉是  
太夫人至德之一而福之所以同也壽之所以日臻  
未艾有由矣余邑庠司教李融川公欲尊夫人之德

以風世屬俗謀所以祝壽者余曰君之情余之情也  
雖微君言猶將畚之因借為序

壽焦二尹太夫人述氏序

南安丞暨湖焦君以文學聲于庠序入太學授南安  
丞携太夫人述氏就養居官之二年職事恪脩百姓  
歡洽而夫人年登六十適逢其會桂泉徐公小溪段  
君以僚友之情款於七月初度之辰稱觴壽徵文於  
余余嘗讀秦少游送孫誠之尉北海詩泱泱乎大風  
也哉其寫高郵烟景備矣若所謂吾鄉如覆孟地據

卷之三

廿六

楊焚脊環以萬頃湖黏天四無壁余衝涉其地四顧  
踟躕比質所插鳥信乎地蟠無際之缺天注不夜之  
垠動而碧颺靜而黛隴舒而縷練耀而鋪金魚舩旅  
舩出沒其間不可狀殫此真天下之奇觀而衆美叢  
藪於斯也地勝而有英髦者出所謂靈氣續鬱駢生  
群材各為荆山之璧者詎不信耶又况於今日為  
帝鄉神武之所震動山川之所融結其無聞人乎暨  
湖君知敏而篤實才爽而恭慎授之以事若無所難  
而持之以詳審將之以兢業事成而法無戾以故上

樂其能下安其政才固如少游所稱矣試推所自不  
有堂宣之賢又其有甘棠之佐耶太夫人生於帝鄉  
漸染於二南之化嗣以徽音壹範閨雝之協社麟趾  
之賡祥其有子之仁以為世用也必而墅湖之從政  
和以致祥德以成福其壽之享乎太夫人也宜余為  
諸君祝太夫人壽則又致意於墅湖之所以壽太夫  
人如少游所謂勿云脫方仕勿云名位卑而以幽求  
之尉朝邑元振之尉通泉為誠之勉者惓惓焉以古  
人事為墅湖高之也於是諸公謂予之期墅湖也大

卷之三

廿

而壽夫人也遠因請次其事以為序

壽封中舍薛泳涯六十八序

余始識中書郎南岐薛君於京邸溫和而有則質實  
而有章其謙論敷陳古今不詭隨浮沉而條折於人  
情物故心竊賢之已而聞之父泳涯公在京師余嘗  
以語人曰余未接其人也知其賢矣或問奚以知之  
余曰以南岐君知之矣凡人之形也影嚴而聲也響  
成形有枉直而影必從聲有大小而響自訕影不夾  
於其形響各應乎其聲因形知影因響知聲余殆見

公形聲機也已而聞之人公之積厚德於履旋也幼  
則已然孝施於事親惟洽於宗黨其養已也薄不尚  
名求其待賓也豐不辭有無治舉子業不售而教授  
鄉塾必於孝悌禮讓與人無忤而規惡勸善亦斬斬  
於是非可否不惟鄉黨雅推重即盜賊亦知其賢其  
被執也不忍加害而卒以全免嘗又以語人曰公且  
必有壽或曰奚以知之余曰以公之賢知之矣人之  
生也照之以日月經之以陰陽紀之以歲時宰之以  
鬼神德則百順駢臻壽所基也不則盡焉德以祈命  
仁以致壽應若執左券余殆見公善應機也已而聞  
公年六十有八庚申歲之孟夏某日適公懸弧辰中  
書君考績 榮封以其日俱至余曰天以其榮予公  
為眉壽公挺然以其鶴髮享嶸而封哉南岐君以成  
績選之吾屬家鄉在萬里外夫誰不榮封而公親承  
諸闕廷又誰不榮且壽而公壽辰適考績期特與吉  
會不識天之以榮寵面命也將章公德乎將責公報  
乎不識公父子其以天寵為國報也將惟箇榮乎將  
竭忠乎積瑣之潤來剝琢積蚌之華來採捕積忠之

卷之三

廿八

晁來寵榮積榮之慶來壽徵又不識今之言公壽者將在其年之永乎將在其慶之不朽乎不朽之畜則有中書君異日之鳳鳴在因以為公壽因以為中書君勗鄉先生曰君之祝公遠矣哉夫人黃氏與公齊德而壽又齊也亡亦以公之祝為夫人祝焉

壽泉通府陳赤沙序

陳赤沙公以郡通守署南安篆七月十一日公辰初度士民欣然曰公首蒞南安政平民附今茲再來清德無替於初人和有加於舊時又以績成將赴考部

卷之三

二九

時又適開府旌獎我諸黎于數不能知知天人之交與必也相率請予言以壽公余曰天下之壽詎有壽於金耶金以百鍊而精亦以百鍊而堅禹貢荊州乃非貢金之地哉奇秀若荊州產於物為金產於人為賢賢若赤沙請借金隄夫金之為物從革其性鑄陶其用築甍之攻治質氏之灑削淬以清波歛以越砥是非以百煉而成其利耶自古及今利用成器與天無極是 其壽矣赤沙公 荊產也抱珍韞利懸解以為精迅決以為鋒之用也直之無前回之無後舉

之無上按之無下又不以煉而成邪當其業舉子時師模周孔友朋古今經籍其襟懷禮樂其軌範此固已成兼金之鍊一矣至登仕版令南平當南壯之要衝兵戎之甫定承之以明敏植之以鎮重民懷其惠上課其晁此固已成兼金之鍊二矣由南平而判泉州精儲是司兵餉惟急上之誅求不限於歲月下之供應多窘於荒蕪公以仁智撫以恪勤任賦無迫而民樂輸威不怒而民比志始署晉江繼署南安繼署同安又署府篆又署南安無施不理無投不宜此固已成兼金之鍊三矣內者練吾德性外者練吾才猷精明之極愈堅固純熟之後愈悠遠以理推之吾以為久練之壽與金同永也豈其誕矣長沙公陶侃之在荊江也篤之以忠貞勵之以勤力惜分陰運百甕非其以自實耶非其以自練耶以故八州督秉形鉞四十餘年功冠列辟勲鏡殊寓今之仰也有遺烈矣而後乃知其壽以百世夫非楚國先達乎如公仰止於陶荊州而以大造于我溫陵庸詎知公之所以自煉非公之所以無疆其壽也此區區所以為公祝

卷之三

三十

也

壽漳郡守羅南泉序

羅南泉公知漳州府事姪孫履重以庚午試闈入公  
毅重也於公為國士知已余也於公為世誼雅故某  
年十二月某日公辰初度余先時曾於傾蓋間接詢  
公論譚汪汪相投合即如故知膠漆骨中已醉公酥  
德矣及今重也謀祝公壽請余言以贈夫言者糠粃  
也功業芥粟也道德築梁也公既以其築梁澤躬以  
其芥粟澤生萌而余奚嗟嗟焉以糠粃于公揚為雖

卷之三

卅一

然漳泉鄰而隔則猶遠也遠必傳之以言夫傳糠粃  
之言亡以為芥粟築梁重而菽粟築梁不以糠粃之  
揚不重也試以公之菽粟築梁揚焉公德性強毅而  
質直其腔竅常持平恕至遇事安排布置博練達  
卒投煩劇不震動與之而天文地理之書巨之而兵  
伍刑讞之律瑣之而草木軒岐之劑隱之而閭閻遊  
猾之奸靡不淹貫剖折公嘗謂士君子不難博古而  
難于通今以故時務盡通識而治漳之政嚴明而民  
弗敢犯公平而民弗忍欺窺伺海島者聞風竄伏嚙

聚藪澤者畏威解散潮之吳曾孽黨僅此鄰不敢地

首而鳴鏑境內之縉紳巨室細民椀革安堵仰德若  
赤子之面慈母公之德立于身公之功侈漳南菽粟  
築梁弗重於此矣其且以天下重耶其且以百世重  
耶古之君子以天下為壽域以百世為壽期公蜀人  
也文翁在蜀以德化民功垂漢簡至今千餘年膾炙  
人口是非其壽耶世稱不朽三公有二焉洵奚以揚  
余之言為抑以地之弗及面而傳之以言亡亦惟是  
附公不朽者以傳諸後也於是乎序

卷之三

卅二

壽二尹方東谷夢陽序

萬曆元年方東谷公某丞南安也二年於此矣士民  
歡忭稱仁正月二十日為公懸弧之辰士民將致祝  
焉謀於余余曰公之仁壽有自哉方氏世為安慶名  
家方佑顯於烏臺方向聲於諫垣適西川公克守吾  
泉郡仁恕長厚不伐忘形積慶于東谷闕宮之詩頌  
魯侯之壽如岡陵也本始於后稷歸美於周公推所  
自也世德如公其所自豈渺淺耶而猶其遠者也公  
慶餘于而子而孫子則學尹聲邑庠學惠聲太學孫

則大美千里駒如日方旭嘗以文業見示尤穎異三復賞嘆孫女配吳自炯先生成壬戌進士今任符州瓊瑤輝潤牆闌溢喜既醉之詩言君子之萬年介福也至釐爾士女從以孫子究所終也吾觀公之慶餘振振眉睫其所終豈不戩厚耶而猶其流也公生德獨得天醇其存心則善推隱惻愍若赤子是保德醇者無所待而為善必亡以暴德易寬善推者無所往而非愛必亡以所惡施物古之人有言一命之士存心愛物於人必有所濟公之存心如推之於物

卷之三

卅三

豈惟敝邑是賴公德之光公壽之臻且永永無疆是究昔韓退之藍田丞廳記記崔斯立之名至今稱之其言有丞負余之嘆嘆丞之不得有為也然則崔之竟於不泯者僅以退之文焉 國家丞以貳令於縣為重令綱之而丞紀之令始之而丞終之與令同事上以職事責公公以職事自奮兢兢業業赫赫烈烈百年而下指其君為仁君垂而汗簡其壽不朽奚於不文乎待也意者余文紀公政德亦藉公以不泯乎也而下公有聞焉藉余文也余有聞焉藉公政也

公以政立不朽又未知余言奚如也因有諸長老之請為公頌之以發一笑也

壽區練塘七十五序

區太野君以文學舉廣東署教事于泉之南安縣惟是親老之故祿於學以為養季春之月 父區練塘公就養邑庠舍壽七十有五矣康強如壯年榮竅聰明勛骸堅利論議包古今幽雅故禮度中規矩蹈準繩脩然德君子其粹意固非浮俗者比邑之黌舍環群山迤林麓泓然溪流浩然海潮太野君舞綵衣

卷之三

卅四

其中山映層翠川蕩綺碧橫波中湧陵烟上樓羽觴飛翔絲鞞激越熙熙乎歌娑娑乎舞其樂孝養之樂也如其造如其達十月某日練塘公懸弧之原野君已擢令 川岳此與君純朴温恭恂恂如不能言至其教人條約講明諄諄不倦諸生沐雨露仗栽培有日矣感君孝養之誠謀預為公祝也嗟乎天下之情有不能已者誰非手之於親哉古之君子貧不能為親悅則有祿仕為辭尊居卑辭富居貧即抱閔擊析而宜謂之禴養 國朝於鄉舉例未及第無以為



綢養則使之署教事循功令傳授俊乂不以奔走拘不以文法煩豈祿養是寵其且以道養耶公之就養也養於道也道也者將以致之民也始之學以道明終之治以道行公已溫飽今日道養矣太野君情少適矣自今君以老老之養養民以教士之教教民苞之以仁恩章之以化德發揮乎聖賢之籍馳驟乎循良之軌以與蜀文翁相後先則練塘公之受養無方壽考不朽寧惟杖於鄉國耶子之情無已也太野君以此壽練塘庶幾哉乃因諸生之請而序之

卷之三

卅五

壽歐陽太泚人洪氏七十序

坤道以無疆在宥天下默成於無效形於有華岳以為崇江河以為潤草木以為茂金玉以為章其體也安靜而其含弘光大之德於昭萬年以無疆惟婦道之在天下也亦然貞靜純一徽柔溫恭上以相夫下以教子鷄鳴之詩勉勵其夫陟圯之詩勉勵其子聖人列之國風垂淚勸學截髮供費後世有如許升樂羊之妻公甫文伯之母李景諫景莊之母或以織或

以埋錢默成內助顯其名於汗青則婦人之以夫與

子壽也亦且萬斯年無疆也東田歐陽君泚人洪氏某月某日壽七十七子八山君以憲副入覲過歸省稱觴為淑人壽夫東田君激昂慷慨多大節至其輕財締交走豪雄於千里聳風采樹勛庸泚人洪氏實相之什佩之問什佩之贈助於內多矣東田以一劔報主恩垂不朽於泉泚人固以壽於不朽及至諸鸞驚振羽喈鳴長公則八山君模以鈔年甲第奮別歷中外揚休令牧及今憲副懋績著於邵陵先聲熟於邊郡次則新田君樞起自庠序襲公蔭父之績子之

卷之三

卅六

述尤泚人所以不朽其壽鷄鳴之戒忠所由也陟圯之命孝所出也庸詎非淑人相夫教子之大而其所以壽邪余望東鄉山川鬱然蒼蒼悠然湯湯風高草茂雲飛木盤意者東鄉遺芳以泚人生色於山川及觀八山君諸身季文也經綸武也捍衛草木珠玉衍光芒發晶瑩其麻姑擲米紫衣破石之餘烈與其坤道之無疆與倚與壽足多矣乃因諸親友之請敬序以賀

壽洪英涯八十序

而周六年戊寅洪英涯先生壽八十孫啓棠以正月  
舉壽觴同年陳某鄭某等請予祝夫英涯實濟公之  
震子也英溪芹谷洵齋見英之長兄也有第有復有  
降之伯父也質齋公毓美英山為郡巨擘必有震子  
以揚其光天生英涯詎無意哉而諸弟姪多先以科  
第奮美涯積學成貢終於蘇之教職至丙子其孫啓  
棠始奮高科謂天無意於質齋公之震子耶則必不  
生德於英崖及其孫也謂天垂意於斯耶何其歷  
年之遲也是不然天下之物各有時春之以雷鳴也

卷之三

廿七

亦時耳雷在澤中其時為隨君子以嚮晦宴息雷出  
地上其時為豫君子以作樂殷薦故時之未至也雷  
收其聲而君子為時晦時之既至也雷迎其鳴而君  
子為時奮古之君子有年齒人先而功業後人者時  
也有功業不顯於身而顯於君子若孫者亦時也英  
涯之諸弟姪先以科第奮者時也英涯年近八十而  
其孫始奮於科第者亦時也余又聞之善言天者驗  
於善言福者徵於德若質齋公發迹於歐畝擬錄  
於素封而諸子諸孫振振各以事業奮也天地

能為害蓄江河不能為漏洩詎非慶之積而時之豫  
耶侈汰縱心者接構紛華視不勝豫也而以自鳴矜  
高怙寵者負恃門地惟豫是求也而以為盱英涯履  
規蹈矩無過飾入室綺錦居以不驕填門珠履恬然  
無求車馬在前琴瑟在後詩書在側禮法在席此豈  
鳴豫此豈盱豫此豈非得豫之道而守以介石耶以  
介石之守立身以由豫之美垂人德固積乎厚哉所  
以餘而慶也天假英涯君以時君以期頤享乃今日  
橋見諸鸞鷲翔翺堦庭稱南山勳也樂融融矣余以

卷之三

廿八

祖母之眷於英涯為中表而啓棠先女兄之外孫骨  
肉婢媪與有榮焉因陳鄭之請遂序而祝之併附以  
詩

蓬海求神仙黃白之事信渺然  
閉門者紫氣老聃應  
在春風前春風紫氣英山入南極  
老人星夜懸我尋  
武榮公家宅芳菲氣象已萬千  
八龍擅藝荀或又賢  
諸謝揄業更有謝玄瀛洲草綠日  
芊芊浩蕩春光不  
計年  
韡韡李桃脂粉色  
霜霜華髮玳瑁筵  
壽鳳山五叔父八十序

我大父電山公以鄉進士諭高安請致歸隱有諸父  
六諸父皆新錦田居五六叔父別居鳳鳳山之原鳳  
鳳山者二十二都山林叢茂去邑郭幾一舍許有隱  
遯風致焉五叔父居之因號鳳山鳳山叔諄謹誠慤  
其於昆弟子姓親睦友愛靡有疾言遽色其於鄉黨  
大小老稚怡顏溫語歡然罔崖岸如不能言及至遇  
鄉鄰紛構事輒徐以一言解以故鄉里推重每有不  
平必以鳳山之言而釋都之鄉約衆常以約正推聞  
之令尹以冠帶錫馬叔以餘蔭委分安命隱約田畝

卷之三

卅九

問自完大璞固然至其貽謀訓子孫延師友敦禮讓  
率不以有無辭未嘗為木石居故自沉廢嘗命諸子  
曰吾之以鳳鳳山居也豈非天哉吾承先世德類而  
以此終非自世澤之棄而惟德之哀詎不欲鳳舉咸  
世與賢豪翱翔啣冊書而下舞應九成以來儀覽德  
輝於千仞鳴朝陽於高崗其如天之不戒與何止於  
山竹為食遊於藪霞為侶兢粒於鷄鶩嗟藻於鳧鴈  
解世累於紛罔雜歌舞以般樂非鳳鳳山之盛也今  
道解在爾必亡忘故業矣戴德纓義負禮蹈信朝

遊紫霧外集阿桐出丹穴而徵瑞降彤庭而道光惟  
爾之能夫叔以鳳德隱而以鳳德之盛待其子孫由  
叔所自處觀之固隱之為高而歛六翮以漱清流由  
叔所命子孫觀之又不忘鳴世而翔九霄以應德瑞  
楚狂接輿歌鳳德之衰以訊孔子其意在隱而鄙人  
世之不可同群有心絕世離俗如華仕流相率背公  
必於上不臣天子下不友諸侯非中行矣叔之隱而  
不忘世也詎非鳳鳳之為祥邪詎非鳳鳳山之靈將  
自此黷邪歲在壬午茲年八十康首如壯亡或天將

卷之三

四十

永其年數以觀鸞鸞鳳鳴而邀福於先大父未可知  
也於是屢載酒擊鮮呼諸子孫而為叔祝因序而系  
以歌曰層山幽兮媽禪叢薄篠兮萬千枝節  
分兮附鳳公獨長往兮履玄聆咸韶兮音杳追蕭史  
兮路綿棲紫梧兮吸繁霧飲石流兮漱清泉涸跡鹿  
豕兮控瑞景於仙徑德音虞夏兮焱清風於前賢孫  
子兮鳳毛詩禮兮鳳園一舉兮出雲霞再舉兮觀天  
地之方員享壽考於百歲貽令聞於千年

壽蔡纓泉七十一序

封君蒸縵泉壽七十有一子拱朋君國炳以東廣大  
參舟至部便道歸省稱觴上壽諸親友榮其會相與  
繪圖賀其圖左有萬歲松焉夫以君比德於松也其  
以松比君壽也松之德堅壽永植物茂有踰矣脩幹  
挺也其高干霄柯葉蕤也其姿蔽日觀瞻聳於馳道  
根委盤於峻阜聲觸物而絃韻色凌冬而翠後日炬  
之而陰翳月臨之而光涼星燦之而彩煥風颺之而  
氣肅雲麗之而烟簇雨裊之而榮潤有時君青葱之  
慢有時君佳氣之鬱自歲寒驗之而君子之德見自

卷之三

四一

疾風望之而大夫之表樹其長久也千歲為飛節為  
伏龜萬歲為偃蓋為青牛偃佺赤松子以是羽飛而  
登仙縵泉其人中松乎余嘗田里間上下遊雅知縵  
泉君行素君家筍江之南而以縵泉號泉者水之清  
也濯纓者清之用也筍江之水上之三邑巨漚下之  
裨海巨浸是為泉之大川物莫貞於松莫清於泉君  
以泉之清自比動于古人清節是取泉水之潛山以  
為用者君用之於詩山泉水之入海以為用者君用  
之于潘湖此地歐陽詹所生所遊歐陽豈非先達之

清聲垂耆吾泉者哉古人以和嶠之森森也此千丈  
松以李膺之烈烈也比長松風君以清泉璞性靈作  
用啖躡先達諸君又以松為縵泉比以此祝君壽松  
高水長矣先聖本紀稱許由欲觀帝意以坐華堂面  
雙闕為帝榮以坐華堂有松雲生於牖為自榮昔之  
許由希皇上人今之許由耳目橋胸迺今日於縵泉  
君且暮遇也因序以賀

壽豫章李見羅先生序

予從弟士志甫大馬齒七十餘皤然一翁美往司訓

卷之三

四二

電白時為李見羅先生屬及至先生入闈倡道青於  
茂齡脩贄之士如雲志弟木石居已多年一日聞先  
生至迺往稟學北面講弟子禮嗟乎壯哉不知其迫  
桑榆蘄還映景為大昕也夫年數先後亡以而將道  
是聞近惟董石蘿於陽明氏與志弟而二矣非卓有  
見安身立命一大事詎能摧剛為柔而同立靈之侶  
乎志弟聞先生正修之道歸心折甚欣然自得也七  
月十七日為先生懸弧辰請予言為先生壽予自東  
髮從學場屋間僅守鄉先正蔡虛齋說上沂晦翁拘

學官功令不敢逾越尺寸即時發管窺且惟商駟馳  
河冒誅僭王是思竊自意儒者出處從身范職抱之  
躬行不欺斯以真儒稱不意當時乃有叔闢門戶如  
陽明氏也者搆主上震怒今先生非固與陽明朱程  
分門又互躋而上之以與曾思鴈行錯武如登萬仞  
陟絕之嶠足參三垂令不佞從卑通地視之神越心  
偷先生之擔當世道何其勇而嘉惠後學何厚也是  
可以壽先生矣予讀先生書要其闡提聖宗條天下  
國家心意知物而約之曰脩身為本以一腔子通貫

卷之三

四三

渾淪包攝無極是不以天地萬物合為一大身邪合  
天地萬物為一大身其且以吾身生壯耄耄為年邪  
之身也先天而不為先後天而不為後放在六合之  
外而不為大割入塵世之微而不為小而人奚獨乎  
棄隋和之珍而寶燕石怪形執有其身之縣贅亦隨  
之蒲柳望秋老子曰吾所大患為吾有身若真身又  
何患仙家以吾身喻爐鼎藥物而曰壺中乾坤又曰  
壺中日月是猶曰吾身自有天地云爾庸詎如吾儒  
之即天地為身也儒者之言曰人者天地之心吾為

天地之心則天地之為吾身也詎不明甚邪故天地  
爐鼎也格致誠正修齊治平藥物也本末始終先後  
抽添火候也止至善脩身為本聖胎也天地所以不  
壞惟是一道精神命脉而管歸於生生一心命之曰  
仁仁者非以天地萬物為一體邪合天地萬物為一  
體而後謂仁亦惟仁而後其體始聯合為一長生  
而久存凡天地間有孰非吾有川岳流峙日月升沉  
風霆作止孰非吾精神發竅豫允天地而在即吾身  
在矣壯矣老矣生矣滅而矣數數鼓蕩聞乎昧此真

卷之三

四四

身為也自古聖人代作區々為一道脉正天綱奠地  
維亡亦惟是真是完是葆不佞所為有躬行不欺  
之說焉先生之止修也非其一體仁身邪是非其壽  
邪吾志弟之忘年先生從也亦知先生所以壽邪或  
曰先生功在滇粵不幸中說鋒今投杼疑釋拊髀頗  
收先生日復用矣先生而復用也勒銘垂青是為先  
生不朽壽噫嘻仲尼賢堯舜邪抑堯舜賢仲尼邪是  
不可不謂先生壽而先生所以壽將所謂不在彼而  
在此者也

楊貞婦旌獎序

余讀國風閔雉鵲巢諸詩是為風始焉以內及外而風生以賢帥不肖而風行以女貞之利使天下家道正而風定其事在衽席居處之間其習不外葛卷蘋藻之細其行典以則其教端以嚴其被而聲之詩也和以雅風之正也二南之化熄而變風作邶鄘以栢舟冠天以自誓之死靡他一念純白持貞靜沒身其介超邁塵物是風之變而不失其操邪之操也日月以為明霜雪以為厲風俗之源以為上下關係豈耿淺哉聖人所以列於變風之首而司教化者以是為勵世具也邑人黃玊妻楊氏二十于歸僅兩載而寡誕兒從湛方十日是時家計寂寥幼孤在抱人謂百瘡楊氏矢心磨肌憂骨相依為命蓋益菽水度雍孫飛蓬衣救不禁寒暑惟鞠育碩復之事是勤惟蘋藻藻蘊之事是供惟以無玷亡人無忽諸先祀是求享年六十三而孀居四十一載純白無瑕類鄉黨學校榆言無間上其事有司持旌獎以為世勸或曰此亦其常耳無它奇異嗚呼道豈非常邪不常不可以為

卷之三

四五

道道惡乎盡而亡惟常是率耶人惡乎賢而亡惟常

是昭耶婦人惡乎貞而亡惟常是守耶常道盡矣故女名為貞也乃若節烈垂於汗青或毀髮膚或經首領則適時勢不得已而感激以全其烈豈其所欲馬故聖人以常道為人教司教化者亦惟以常道為人律譬如風之拂乎物也中和之氣吹而煦育之者風也凜冽之氣吹而振肅之者亦風也至其甚者揚之如怒震之如訢其號也或折其颺也或起所激然乎哉曾足以滌掃煩穢而造品物正風變風其於風節均也奚必致命之為難而守常之非難也又奚必守常之為是而致命之非是也楊母之節也吾將惡乎此風哉彼亦直拳拳焉以為存沒者憑依也風霜凌冬惟松栢獨也在風教範世惟楊母獨也正常道一轍盪徹乎九垓億兆人觀感習漸倘有一人踵而起興焉是猶接踵遇之也乃因某之請而為之序

卷之三

四六

郭白峯奏議遺藁序

嘗讀蘇文忠序田錫奏議集曰古之君子常憂治世而危明主何者明主無可難之事治世無可懼之民

也憂常起於所易危常發於所安故君子頂柱焉田錫在端拱咸平間宋德隆興英辟繼作主之明而世之治也而田公侃侃於諫垣不少恬默所指之事皆當世所諱辨河潰於螻隙樸原燎於星爆洗刷日中之隱憂虞防意外之變態然田公亦不能以安乎其位出副河北轉運出刺陳州是知言之固難信亦匪易言之於諱直之時固難言之於無諱之朝亦未有能諒其直而安之者及讀余邑郭白峯先生奏議遺藁則所謂田公難者尤為先生難之也嗟乎先生方柱下侍政時主上之新政也聖政維新萬機振肅海宇蒸蒸號稱中興治平而公不敢自默默北巡諸奏摘其積蠹之由發其場竈之實除君之惡靡有遺力其奏處諸紀綱商度詳盡鑿鑿乎如五穀之可以療饑藥石之可以代病而雲南一疏尤覲切犯龍之鱗而探其睡甯時公亦以死自安矣幸賴 聖明得以全軀歸田雖復起廢吹枯拔之泥淖之中投以民社之寄而終於一郡不及大用以歸蓋田錫遇太宗之明而不得以言大其用白峯遇我 皇之明而不得

卷之三

四七

原缺第四十八葉

之功令垂之訓典者固已黼黻廟廊棍擢圭璧鏗然而金石諧蔚然而龍鳳翔天下之觀莫大焉及至雜見於歌咏贈遺亦皆炳炳烺烺聲之而成歌列之而若繪寸楮尺牘寶之于人傳以永久不廢於稽其時蓋文明之祥發於重熙而諸公以文佐理亦倚與其有章天人交和靡有金革之虞上之見於治以文為尚而其時習亦以積文為富圭璋亡以為嗜綺縠亡以為華惟得諸公之題詠如獲重寶家藏世守至今五六十年若存余生其後鋪誦昭夏之文藻崇論奕世之人豪於是乎愉神爽魂抵掌稱嘆嘆今文治若斯績盛也惟是太子太保禮部尚書文僖張公昇以成化己丑第一人及第翱翔館閣宦成於大宗伯致臣而歸嘉靖丁巳公孫于岸適判敕邦得其在史館時所贈同年吾郡憲副莊公詩於其家出以示余屬予序之將裝卷而傳諸世且曰是蹟也所以發孝思者大有聲律以鳴意有穎墨以畫神自不佞之卒觀斯卷也觸而咏焉側而展玩我文僖生平忠愛之悃膈與夫動作之真速燎若在目彼留畫扇以資思慕

卷之三

四九

存昌猷以追嗜好孰此之為真繼自今張氏孫子規  
卷興思聳然惕厲相與聿念厥祖恥列凡儔伍也毋  
或由此耶余昔列容臺竊竊落恭館之秘騰詳覽故牘  
得公所為經緯邦國和諧神人者固已仰之曾中矣  
及今一諷誦心復悚悚乎萌也彼特以物為遠而心  
猶慕之而况其精注乎彼特以好樂為疑似而心猶  
櫻之而况其真倪乎公之子兩山公先達名卿其孫  
又能茂循良以世其家比者時遭多艱師旅之事歲  
興禮樂之務不遑思如公以文鳴盛雍容於堂署風

卷之二

五十

動寰寓詎可得哉故誦公詩 喜論其世而序之

揮使童新泉哀榮錄序

嗚呼甚哉死之難也自非君臣之義激發於肝膽造  
次顛沛以義自安利害無以眩其趨白刃無以怵其  
守則於殞首褰尸未有能哲然者也余讀歐陽公五  
代史有死節傳死事傳歐陽公之所謂節若劉仁贍  
王彥章非耶之人也不可以禍怵不可以利誘卒完  
義烈以忠所事節矣春秋垂不朽矣死事其次乎夫  
死事之死詎異於死節之死耶亡亦以其素悃未可

知保而或迫於事勢之無所逃也是之為次耳乃其  
感激馭於風雷奮勇忘乎身私先登陷陣而繼以一  
死則死節死也死事死也死矣以異故歐陽公雖列  
死事傳而於王清史彥超之死深有取焉詎亦偉其  
事以勸天下臣子耶自倭煽禍浸淫於江之南北  
浙之西東乙卯又突出於閩福間民不識兵遁逃而  
殲夷者藉枕相望泉州衛指揮僉事童君新泉受檄  
當鋒焱奮身轉戰至福清海口鎮約分道並進及至  
鼓係殺獲方酣而所期不至賊遂從後擣君也急或

卷之三

五一

速君走君曰命也吾死乎遂力戰死夫王清之死杜  
重威之不救威之罪莫寔也君之死與王清不異而  
當其勇憤颯發左右雷擊列皆無避王史曾何得以  
顯餘勇或疑稀律倡儼君以徧師阻隘不量敵不徵  
會輕焉取敗予以為不然賞勅敵在前我兵屢挫微  
公衝堅搶脰則胡以鼓三軍之義壯而上有國法之  
嚴下有督府之威君又惡知軍令之敢於期而不至  
哉至出於意外人心不可闕測亦有死而已將焉逃  
之然以一身之死愧鄙夫退懦之心以膏雉薄濶土



壞之餘魄而屬霜雪光日月扶人紀於不墜則身雖死猶而不朽也今畏懷觀望誤國者亡數不此追議而於君乎摘疵何其惡成人美固設浮辭以釋偷生者之惡而助之攻也余竊取歐陽公之意直欲進君於王清史彥起之間而憲巡王賓湖公嘉君之義致祭賻贈以異禮繡衣使胡許南公奏叙君績擢級兩諸大夫又各以詩文發君哀榮也嗟嗟秉彝在人心固不泯泯哉君之忠烈雖與古人爭光可也

宜水餘波集序

卷之三

五二

宜水劉子司教事於南安越三年以母喪歸諸士子戚焉相與歌咏以寄時思彙而集焉為宜水餘波集屬余以序余曰諸君之名集也何居諸士子曰教猶水也水在地中浸淫衍溢竅於墳壤徹於高深澤而膏潤草木蒸而翳翳山谷孰機絨是孰運轉是則天一混混不息元氣是流是貫今諸君得宜水君為師宜水君清苦自勵言不及利常施俸餘以振諸生之窮者其清德固足以範物而躬行講論壘壘引掖子員如不及諸生誦咏教化各習其德而忘鄙吝心譬

諸水木吾惟君浸潤也如以制歸何然而德音在人波有餘矣諸弗敢忘於是取其義以為贈余曰美哉宜水之德不可忘也余亦美諸君之不忘也於是知宜水之德與諸君之化於宜水而德日盈科也自廟學校以來法令徒具博士與諸弟子判然不相蒙矣矣宜水乃能得士如此哉故嘗論夫學校者諸士子會精聚神之地至其達士子之精神以潛化不測則學之師長實使然諸士子之精華含畜也其如泉之始達耶有一盛德之君子時而達焉其煥然浩然不

卷之三

五三

倦自得也且若没人駕輕舟凌順風隨波以直下矣若決江河以疏蕭葦之壅滯矣若捧土之燥以就濕矣邑之聞也日可幾也有宜水為之師都人士之精神將為宜水達之也毋寧茲去有餘波馬廐有流潤乎繼自今司教事者觀其所感其或以斯集觀之也茲余所以詹詹言也

鄭海亭文集序

余為弟子負時同海亭君試執於有司而海亭常為諸士子冠讀其文究極經傳旨趣不為滑稽堅白浮

言其節秀發而清亮其味雋遠而明顯讀之知其為  
誣養君子也先君於海亭為友常指以示某曰數十  
年來無此文字泉之將興吾見其兆矣不數年泉日  
向盛而余亦附海亭君領辛卯鄉薦海亭連捷於春  
官尹無錫入戶曹以至雲南大府而學常孜孜焉不  
輟時或發而為文見於贈遺形於歌詩皆政餘居閒  
據已試之韞抱紆憂世之惻懷抽管撰玄反復崇論  
而以為表見者也久之彙成編太史吳澤山君為之  
序矣而公之子復出以示余謂余之於君也不膚知

卷之三

五十四

奚而微一言嗟乎斯集也豈為公有無惟公之學不  
以官成倦則有可見於斯者古之君子學優則仕仕  
優則學豈仕也而學是廢哉學也者學其所仕之理  
仕也者行其所學之實如伊尹傳說亡論下如樂毅  
之於燕昭孔明之於先主一會晤間從容數語而破  
齊之策興漢之謨遂定於衽席之上是非其學問素  
豫耶然古人猶以孜孜沒身為言豈如後世學以博  
榮華其幸而獵爵祿也遂舉而弁髦之故後世持一  
國是輒首踈畧無端緒以至敝國殄民其故非亡務

稽古不見古人利害之實使然耶余時脫脛牛馬券  
常取前輩文集而觀之觀其文而知其學也知其學  
而知其政也然則斯集也亡亦所以知公也耶余竊  
一官舊學落矣因公之文序於簡末以致僉警之意  
云

中丞陳幼溪子婦林烈女冊葉序

天地正氣於人得之在臣為忠在女為節其成之也  
人而有天以定其命其命之也天而惟人以發其祥  
定命於天者忠節安於所性有其名而義生成命於  
人者忠節激乎所處指其軀而義立義以繼殉而之  
死靡他豈非難耶乃其名一與許而義結則又難矣  
丈夫子沉漸詩書禮樂其竭忠行義豈非難耶乃至  
女子生於幽閨之中長於簾箔之下目不適編簡之  
文耳不盡古今之說得全於天無所倚而為義烈則  
又難之難者也長樂陳幼溪先生次子長源聘大叅  
林北堂先生女未及笄而長源卒林氏悲慟却簪珥  
謝綺縠以死自誓請守喪弗獲命卒不食嘔血死由  
此觀之所謂天與之義無所倚而為義烈者非耶或

卷之三

五十五

曰男以妻質成臣女以子歸成婦若以婦道責之女  
難為女矣是又不然君子固不以天下之難事為人  
必亦不以能所難事為人病聖人之清取於伯夷伯  
夷固未為時中也而聖賢取焉亡亦以廉頑立懦之  
風足以師百世耶君子取女之節猶取伯夷之清也  
魯童汪錡固男子之未妻質者當齊人伐魯與公叔  
禺人死焉魯人欲勿殤孔子以執干戈衛社稷可之  
蓋與其勿傷也魯之童與之勿殤以旌其忠豈林女  
之死迺不當與之貞烈以表其節也余昔在義省中

卷之三

五六

稽故牒見刑部尚書張鑾為次子呈聘都下趙氏女  
志未笄而子卒父母欲奪其志女曰我許張氏矣將  
安適乎夫人衛氏迎以歸終其身天然完節天所命  
也至弘治壬戌旌其門後嘗考湘江誌竊詳尚書行  
已亦于鄉評靡瑕疵則趙氏之節惟張公發之矣林  
氏之節之烈也亡亦勿溪發之耶德至淵泉明珠出  
焉照乘媚川昔聞出於赤野產於丹淵盛於霍山今  
天下惟廉海為最其生也又以其人之清而來貪而  
去考諸詩行露死麇女子之以貞潔自守也亦惟當

時士大夫家以禮義自厲故里閑以禮義成風漸靡  
使然幼溪君事父至孝家庭儼若嚴君昏定晨請出  
告反面之禮不以貴少衰百順聚矣予因曰林女之  
節幼溪君有以發其祥也不知後之觀風者其且以  
錫趙女之典為林女錫乎否也 國家有節婦之典  
百世之婦道成有烈女之典百世之女道成二典並  
行世道之風表滋樹亡惟忠臣孝子是旌乃尚維大  
風化余於幼溪家雅以年誼世講又况節烈若彼庸  
可泯乎而縉紳先生又各以詩冊表章於是搜舊聞  
附管見煽流芳播徽烈萬一世道少有裨益夫節烈  
固天地間砥柱也因姪孫履重履階慶貽之請遂為  
之序

卷之三

五七

安溪縣重脩文廟序并歌

惟文教闕於天下雖以兵燹之餘剝極困極而文教  
不可一日弛嘉靖末倭煽亂延蔓陞薄安溪縣文  
廟學舍燬蒞政茲土者循故事憚興作退讓未遑也  
祀位具於頽垣講座鞠為茂草文教罔乎若蒙矣陳  
侯某蒞政于茲仁恕清慎抉剔興廢惕然以文教為

已任一舉文廟而新之當此時寇盜竄平兵甲未解  
帥臣開府於閩中東濕需儲剝膚推髓催徵不以威  
月誅求且累億千有司竭力慕上意指日不暇給胡  
所齒塚于他務是畝安溪邑治又居萬山之中巨家  
名族率走集郡城生徒家居業館郡城之中者十而  
九不復目擊其事安所樂于赴工是輸陳侯志決而  
勤事棟而簡捐俸出帑庀材鳩衆選者營廟之貲或  
以千計侯直縻金一百八十餘選者營繕期或以一  
二年侯直數月而卒事役不踰時民不知勞工師奏

卷之三

五八

功生徒仰止地仍舊趾其貌維初教緣舊法其令維  
新周旋俎豆威儀翼翼振衣升堂中衣楚楚對揚天  
人開闢謨訓豈非太平盛事耶豈非天之未喪斯文  
耶列聖道學垂統先賢講學立教地緯天經輝古映  
今綱紀人心無亦惟是一脉以相維持必惟瘡痍之  
甫定是曳是掣而曰焉用文之奚而不喪也繼自今  
邑之與斯文者升堂入室耶而思夫子之宗廟百官  
奚若其有見乎亦無見覩貌像恍惚耶而思夫子之  
高望前後奚若其有在乎亦無在親師儒講揖讓其

問耶而思夫子之文章性道奚若其有得乎亦無得  
思感發則有立志有立志則有工夫工夫砥礪則自  
格致誠正以脩其身而王佐之才可成王佐之才成  
上以為國家用中以為斯文輔然則是一舉而得英  
才以事君也令臣之責可塞也昔魯泮脩而史克作  
頌晉雍啓而王廙擢詞侯之始至豁無名之綱以千  
百計審編戶之役必輕重均斷獄如矜不事鞭朴遇  
旱而禱畫蠲贖金政教兼舉神所勞也於是學博先  
生其等諸生其等慶茲盛美同言侯績於榻座之間

卷之三

五九

其因為之序而系以歌歌曰青溪之上天構名邑惟  
此廟泮教事攸習豨獐其突孰隆棟宇師儒所依亦  
窘風雨侯羸斯舉屹奠神棲美輪美奐如璧如奎有  
才欲達侯闢之門有德欲迪侯闡之倫躍淵戾天陳  
侯歸矣鵬搏鯢遙自今伊始

清溪林氏族譜序

古者徒不出鄉宗法立而九族之親疎以序後世則  
不然人以世分居以利擇勢不能以相聯於是乎通  
之以譜譜者宗法之條列也栢葉山林氏始祖宋乾

佑十年自德化梓溪廷清溪大帽山子三為繼為續  
為紀嗣之神人授夢馬指栢葉以為號遂為栢葉山  
林氏螽斯說詵瓜舛綿綿子孫益以繁衍地不能容  
遂散而居居新康之弓坂者為弓坂之林居新康之  
仙境者為仙境之林居新康之赤嶺者為赤嶺之林

居洪岩之侯山者為侯山之林居新康之虎丘者為  
虎丘之林居新康之夢亭者為夢亭之林居依仁之  
龍門者為龍門之林居新康之美山者為美山之林  
其派有八皆裔自繼紀分枝栢葉林氏遂有聲於泉

卷之三

六十

其始脩譜某年某又重脩之余女弟夫仕光以其序  
見屬夫古之治民也有君有宗宗也者綜也佐太君  
以綜屬庶民者也君以法治民則有冊籍記民隸之  
數登之天府而治民之政行宗以服序親則有書譜  
紀子姓之數歲之家室而治家之政行譜之立也所  
其世而論之數十世以來自某而分宗其繼祖宗其  
為繼禰宗其為一世宗其為幾世本支別而序秩立  
血脉貫而恩情藹詎非惟世澤是廣而相帥仁讓和  
數其人而指之詳論其世某也孝弟廉潔某也不某

也克家某也玷家聲發潛德之幽光刺奸回於既死  
景前脩於已往樹勸懲於將來詎非惟風操是尚而  
相率慕義邪親疎有所乎聯淑慝有所乎別世數嬋  
嬋相屬於無終紀而莫為混忘彼直以譜徵也非是  
也且孰為之綜余於是猶想見宗法之緒餘也

郡侯汪雲陽荒政歌頌集序

萬曆癸巳之歲天禍我州雨暘不時旱沴為災相仍  
三年于茲而虐益甚俾蒸黎罔獲享其土利令牧弗  
能保其赤子雲陽汪公甫下車遵茲役會既已展采

卷之三

六一

錯事用是痼痲疚心咨嗟蒿目條所為救荒事宜凡  
十八策上兩臺使諸監司皆檄報可頒行諸屬邑於  
是全活億萬澤浸昨萌咸欣欣然慶更生天乃悔  
禍轉而降康也於是乎呵風伯叱雨師駭震霆沉豐  
隆冬澍沾足來年瀰野稔有日矣薦紳大夫士庶奇  
其事乃相與歌盛美鏤之汗青垂不朽余老幽棲霞  
谷間久不問點陟事惟是桑梓理亂則時帖帖聞泉  
故瀕海彈丸少有衍壤之饒半為薄鹵之區地褊齒  
繁古者男耕女織泉之民男耕而女亦耕女織而男

亦織古者百畝而田泉之民上農不過二十畝其下  
不能十畝其不耕而食者半即歲豐時已仰給海舶  
矣以歲之不易流茅蔽野郵卒踵武戶室懸磬鷄犬  
靡當此時且有抱鼓竊發之憂救荒無奇舊矣微公  
條教約束諸長吏歡騰諸萬姓乃至感回天意即有  
賑恤之恩安得人人而濟之惟濟之以天而靡流離  
乃見公之策奇也堯有七年之水湯有九年之旱水  
旱之數堯湯厯焉竊怪堯之有水猶曰降蕩未治湯  
之於旱則以六事自責而時雨降豈湯之明德直至  
九年之久乃知自責耶九年之內湯無日不自責也  
積以九年而天意始回則感回天心而轉苗為祥也  
豈其易矣今泉之荒也甚而公之回天也不一歲即  
有幸也亦奇也奇公之政此萬姓所為交頌也合雅  
而吹其人之歡動也旬若雷鳴粟帛見者靡不心愉  
為其樂我生我也士庶之同聲也豈大府循良卓異  
是為將郡人甦生是慶公治平易而躬廉約選賑閔  
中推淮南陰陽下民非一日矣積而治泉默通冥冥  
天之降康則其固然匪公之幸惟泉民有天幸焉不

卷之三

六二

位與有幸哉因諸士庶之請序之簡端

傅氏族譜序

古之有家者上治祖宗以明尊尊下治子孫以明親  
親治者理其世而分之也系有本支屬有遠近情有  
親疎分有尊卑而皆于譜乎秩之非其所以治邪國  
有王謀家有譜夏器備負禮官時竊于王謀窺其秘  
滕未嘗不嘆其仁之至治之基也宗廟以世分子孫  
以廟系自世廟之子孫以至祧廟之子孫自親王以  
及郡王自將軍以及中尉別之以等而不紊系之以  
籍而不殊豈非慮親親之殺易竭而因其瓜瓞之綿  
延通以肺腑之連連哉以國鏡家可知也傅氏自唐  
來由光入閩銀青僕射公啓之左寺禁兄弟承之子  
孫派分閩中在泉之南安陽山石湖在莆之仙遊石  
碑在福之後溪在漳之長泰而南安晉江與仙遊猶  
獲以其親屬相通也豈不以譜邪其餘諸宗支夫豈  
無后聞而絕不聞問又非以其譜不傳邪以前鏡後  
可知也故譜者祖宗世跡所紀也子姓戚屬所貫也  
分錢百萬不有繩紆之校則散佚而莫摠挈米粟布

卷之三

六三

非縷無筭其攝以革置載以緇車也揭之東西南  
北纖毫靡滲漏其所貫統然也天下之道凡言自吾  
身推者其數億萬號為物類親親之道言自吾身推  
者屬之于毛離之于粟是為骨肉道之以類推者貫  
之以令甲而治法行道之以骨肉推者貫之以恩義  
而治本基自吾身骨肉而上有嫻有祖又有曾祖高  
祖高曾之上又有高曾其世次雖遠氣脉聯貫旁而  
推之上而祖宗之源派分為兄弟子孫者可知也下  
而子孫之流派分為兄弟子孫者又可知也揔之皆

卷之三

六四

吾區區一身婢貫人誰其身之不愛而昧焉寡恩春  
鷄飛而友生不如葛藟翦而本根無庇晉之公族傷  
於詛秦之公族懼於邊則亦弗思焉而以此身外物  
視之也噫惑已譜存而人存人存而愛存然則茲譜  
也亡亦所以貫屬骨肉而永親愛邪明興以來傳氏  
譜一修於敬齋公凱再修於石崖公浚長洲吳公寬  
華亭錢公溥既序其端矣今且五十餘年陽春思其  
久而多遺也踵而續之夫豈其勤瘁亦惟孝友睦誼  
允敦豈非子姪中之最賢者邪謹為之序

江右舒梓溪先生傳序

士君子窮經致用其正學講於平日其節操植於處  
困志士仁人以身成仁無悔也說在易困矣君子以  
致命遂志夫當困之時憂患叢生有困于株木者有  
困于疾藜者有困于金車者有困于葛藟者何怫怫  
也而君子不以求生為吾仁害其困以寡怨也為德  
之辨也而履以為基謙以為柄復以為本恒以為固  
損以為脩益以為裕井以為地巽以為制揔之養吾  
德性成吾真是砥柱橫流以處憂患如金石之為堅

卷之三

六五

如松栢之為茂窮也而樂憂患也而樂故聖人以困  
而不失所亨為君子與謂秉正道植危行若斯之難  
也而說者藉口東漢黨錮率警殺身賈禍為大戒則  
彼成仁遂志之君子何以稱焉嗟乎君子當困阨憂  
患時惟去就時宜奚若耳遇可去時則抗知幾遇無  
可去時則耽成仁謂蹈死為是遠難為非若非也謂  
遠難為是蹈死為非者又非也梓溪舒先生以  
武宗丁丑廷對首賜及第已卯春議東卒時宸濠蓄  
兵臨人情恟懼先生連疏入諫大臣莫能奪杖幾落

謂建提舉及至 世宗即位初政精明天下濯磨  
述聽望治詔起先生憂廢之中侍從脩撰甲申夏議  
大禮先生又以疏伏闕復杖幾斃罰俸由此觀之先  
生所處困邪非邪先生其以遂志成仁乎非邪先生  
所遇時可默又去乎不邪夫子稱殷有三仁謂比干  
之諫又而心得是諫而仁者也先生之諫非其諫以  
成仁邪先生雖於書無不讀惟聖賢之學是勵端居  
終日無倦色夜必計過自訟謫閩講靡輟好周禮釋  
太極通書最喜濂溪尋類子樂處其養性於憂患粹

卷之三

六六

如也因而道亨幾於不違仁心是為正道學先生著  
為文章制策封事諸集志氣激發義理純宅不為回  
互隱伏吊詭以故操履端慤風猷骨鯁忠義電激稱  
所為文通年士多粉脂語調鉤竄文字捕歎譚玄至  
吐揚義理反若桎梏行弊且行飾而實違身汗而寄  
治惜無有如先生者出而悅之惟先生之文為正文  
章先生忠孝天植其見不可而諫又而罪幾死不死  
而復諫憂患始終無二操要以遂志成仁不負所學  
不徒前言非徒一諫而博名高者比如先生之節驥

正節槩平生一介不苟毫髮弗渝今天假之年  
以所學所志效明時其重功盛烈當與聖賢比肩不  
幸早世迺茲禮官建言追獎贈謚夫今天下誠未有  
正道學節槩兼而始終弗改者天下而有斯人廟祀  
之典吾不知其誰與以先生道德文學節槩因而彌  
堅如其仁如其仁天下後世必有表章之者惜乎愚  
非其人也因讀先生之傳想見先生德操而先生之  
孫琛二守泉郡清白鯁介有先生家法焉是以志其  
固陋而序之

卷之三

二



刻泉肥傳錦泉先生文集卷之四

吉安府通判楓山楊公墓碑

予讀太師楊文敏公年譜觀其相業... 衽席處從金鼓之間追攘桀黠至於榆林樂安之變... 公績尤偉微公天下幾大震動予謂勒勳景鍾者必... 其報武臣從成祖皇帝靖難其子孫得以侯伯... 茅胙至今而公有大功其報未稱故天錫公特厚自... 太宰公以下及吉安通判楓山公皆藉公垂鳴而繫... 公休烈不衰楓山公諱眩字孔升別號楓山祖諱恭... 尚寶司卿父諱仕信以孝廉舉卒都下公其遺腹子... 也生而同母兄司訓公亦幼俱撫育於嫡母蘇氏及... 長以世系繼叔仕偉後公事母孝事兄恭聰敏豪邁... 奮志學問弘治戊午以麟經舉于鄉卒業太學授宣... 平令宣平地徧隘多豪猾時扞文網更數令莫能振... 飭公至均徭役振孤窮鋤強暴理犴狴修庠序百度... 煥然士民胥懌三載遷吉安府通判吉安多巨室宗... 強比周輸賦率多後期公征撫不苛不縱豪民振頽... 寧庶人干紀江右騷動公與郡守伍文定公協力治

攻戰具親行陣冒矢石乘風縱火鼓停寧庶人兵潰... 遂成擒奉檄稽府歲秋毫無所訶論功錫金幣方將... 顯擢公而公適懼霜露之恙脫然告歸無意於仕矣... 年方五十有五葛巾野服擊鮮烹肥日與弟弟親朋... 為歡呼之遊優游林圃間二十年餘夫以太宰公在... 大位公以干進為心固不止於尹宣平及破寧庶人... 有功使少需以歲月亦且列大用而公也樂恬退不... 希世耽慕寵利勇於為義其中介然莫能免達士也... 夫甲午歲千年友黃國寵以病主其家公撫之如子

卷之四

召醫為理躬視且衣服飲食恂恂惻黃子雖甚病... 亦忘其為族次子因黃子得矯胸顏笑時聆德音侃... 侃油油雖枯槁不憚也古之傾蓋知雅無過此者公卒... 於嘉靖甲辰距生於成化戊子享年七十有七子虛... 豈非確云云予聞言宗派之盛者首文敏公太宰諸... 公予不及見矣見公而諸公之風度可知也以公家... 之教澤風論繼是而為公之子孫又可知也於戲太... 師之功矣其艾矣其艾茲於子某之請也為銘其碑... 銘曰於赫太師維國之禎謀謨一施四方底平維烈

無競維報木盈天意昭然在彼後生爰惟楓山亦紹其彭温如其玉磨之益瑩穆如其風久之益清和也不流剛也靡爭仕不希世有駿其聲隱不絕俗葆全其真垂裕未徹光啓儀刑吁嗟乎太師之風百世錚錚

漳州府同知北門許公生祠碑

嘉靖丙辰仲夏漳庠生魏文翀沈震監生張甫舉人顏若愚介於蔡子烈以漳鄉先生及其士庶之意謁余曰戒漳二字北門許公德成政立所至俱不可泯

卷之四

三

忘於民而生為祠維戒漳之受惠渥而祀禮弗可廢已也請有以紀其實維侯名鑰字準卿浙之錢塘人舉辛丑進士授進賢令改教授松江晉贛州推官以及今職淹於宦途者十五六年于茲矣而持身居官終始斬斬吏初謁時例有公堂供奉侯一無所受至於饋遺蒸糈纖細率盡却不染冰乎潔也漳俗囂於訟而事繁侯素無留積朝至夕發處之若無所事其精如此而尤恤於刑獄最詳平縉紳有過力為保全不以精故為深文刻詆當此時海防急議者欲增稅

橋房灣船命已成矣侯執不可大畧言橋房水波蕩折之所小民無以為生者厝屋其上以資糊口課額不可為常舊額已為民累矣而况增之乎至於灣船捕採水居之匹船筏之小者課無幾乃方艘巨舫今編號聽調用已出不得已計若復徵其稅則必以為名而陰搏厚利莫之能禁也若奸巨猾由此造番舶生意於海外為患大矣於是議遂寢并增浯泂等處課益俱不行龍溪八都港口衆謂可以築陂興利侯親為相度籌利害溉田無慮數千龍岩礦賊千餘勢且煽亂侯命武舉生林時化諭以威信中其忌諱賊遂遁去威信旁孚至漳平感化之寇聞之亦盡解甲其有德於民甚溥乙卯之夏淋雨不止且害稼侯齋戒徒步涉水以禱於神神應侯節雲駁日穿天地開除暴漲不涌禾乃大熟及丙辰春歲事將興又久不雨民皇皇侯自引卦齋為禱雨雨亦應侯節如往歲之禱晴者府治之東有虎七八為群侯為文以告於神募民驅之無何虎遂引去禱晴而晴禱雨而雨禱虎而虎害息其精誠之格於神明如響蓋侯孝友稱

卷之四

四

於家學問聲於世秉身潔已一介不取有四知是畏  
之節毀譽顯晦不入其心有三公不易之操而其施  
於政者如此夫禮法施於民者皆從一代之祀典朱  
邑之於桐鄉文翁之於成都所居民治所去民思為  
之立祠久以不廢漳人竊二邑之高義遵前世之大  
禮欲永永傳誦以慰思慕惟先生有以發其思也惟  
先生面許侯之德於永也於戲循良之風邈矣以刻  
為明以矯為高救火揚沸者此比而民滋擾不聊生  
許侯利方為負琢琢為平與民相安而民自不麗于

卷之四

五

網且感恩而生願為之祠乃知天下之吏治在此而  
不在彼漳之祠侯也匪私亦以勸天下之為吏者也  
余嘉其事因為之序而係以頌曰於休許侯金玉涇  
德學積淵泉至性惻悞匪擄春華乃見秋實漳俗器  
器惟侯正直漳俗桓桓惟侯允塞一誠所通百偽俱  
息天應休徵隨禱靡或物從風靡咆暴感格漳山哉  
哉漳水湜湜有鬱佳氣作廟翼翼侯之在斯父母是  
即朝夕敬事如恐不克侯之去思雨霖萬億漳沾餘  
澤時致矜式於休侯德悠哉無極

晉江大尹復軒錢公安民碑

晉江郭外安海鎮環諸山以為隩區左襟大海其居  
民奔走於市貨轉徙通番舶徵貴賤於東南諸邑由  
是■人狡焉漸啟戎心因緣剽掠為海居之民患錢  
侯復軒蒞晉邑令于衆曰維海有禁而民玩之禍熾  
其無日矣茲鎮去縣治五十里餘防之為難惟是因  
民便宜為令甲聯之以社屬之以長廉察之以官領  
禁寓於鄉約嚴比鄰使冒利者無所潛其奸庶幾海  
禁可立而蠢茲睥睨之禍熄乃選擇於鎮中素以良

卷之四

六

善稱者為義長四人為社首二十八人司檢察民始  
惕惕然於三尺矣侯之未至愚民扞文罔者紛若自  
侯之有斯舉也義長等朝夕察焉愚民懼鄰伍之戮  
其奸亦自脩戢兢兢焉罔犯於憲章官亦無煩追捕  
者民某等感侯之德欲紀其事以柯少海公狀徵文  
於予予嘆曰偉哉侯之政也簡而宥寬而嚴何則海  
寇之窺伺竊發也其隙起於愚民之睥利齋之糶糧  
資之器械誘之緇帛水通其有而與其所無冒利之  
民實勾引之可無禁乎然或覈之失宜則乃并奪良

民治生之具於是乎海之十板有犯漁家束手其所  
以治生防寇者盡已落然而奸民之不避長誅也又  
且冒明禁乘民之無避以煽其奸故良民日窘而盜  
賊日滋其禍至於不可殄絕侯之政使民自相司察  
而奸靡容足俯今思昔使侯之政得行於沿海十年  
之前奚至有今日橫發哉宜予之感極而嘆也予考  
典籍九法之因乎民者良民之賴乎良法者安是故  
因其民而聯之以比閭族長周官所以致太平也因  
其民而聯之以軌里什伍管氏所以伯東海也地利

卷之四

七

以興奸慝以察富強教化以起安民之策無過此矣  
侯之舉也寧茲獨行於一鎮也與我侯名之選蘇之  
常熟人庚戌進士夫其善政也不可不為之記

南安縣重脩儒學記

學校之關於天下也詎不稱盛典哉唐宋來郡縣始  
各有學有廟貌以致尊崇有明倫堂以萃英俊師生  
瞻依講習其中南安儒學在邑治城東郭外黃龍江  
之灣潘山之陽朋山之原村落聯繞靡防禦嘉靖辛  
酉壬戌之亂倭憑陵震蕩我城郭掠燬我邑廬黷

宮微有天幸無煨燼惟是歲月之侵淫風雨棟倚趾  
顛是咨博士停講諸生廢業不振甚矣知府朱公炳  
如雅意作興署縣事同知丁公一中謀脩飭未舉也  
丘侯凌霄以鄉進士知縣事而來慨然以為任廼鳩  
材敦匠董甚勤而學博樊其亦宣竭心力各捐俸助  
經始於隆慶某年某月棄事於某年某月瞻依之地  
聚講之堂煥然新矣公凌霄乃立諸生諭之曰學校  
弗脩責在有司學之不講德之不脩則惡乎責古者  
設為庠序學校以教非責諸生以脩德講學邪學以

卷之四

八

明道道在彛倫而君臣之義事尤處其繁觀洪範所  
陳彛倫之叙與敷九百政事布滿宇宙敷錫謀猷者  
孰非彛倫九倫之以協而叙以僻而敷者孰非皇極  
之用以盡其義於君臣五行五事弗叙不可以用極  
而事君八政五紀三德弗叙不可以用極而事君微  
疑福極弗叙不可以用極而事君君臣之義講明而  
攸叙之以聖人為瞻依以稽古為實務明經則標的  
端習史則變故審詩書說則嗜欲淺禮樂敦則中和  
生好善惡惡之念焉而實念慥好樂憂患恐懼之發

為而平親愛畏敬來矜賤惡傲惰之偏焉而正老老長長幼幼之施焉而擴興孝與弟不倍之化焉而成是諸子之脩身叙倫以事君也吾有司聖聖之忠庶萬一塞乎若徒蒿夫是僥弁髦是棄又其矯者不師古而師心言空言玄以資清談樹風度塗糜塵裁繪土繡木措之天下國家一無所用亡寧上以土直置即諸士且職而設之責之謂何是非建學之意也於是諸生唯唯與學博其等述侯教於夏器也因援筆而為之記侯凌霄唐之雷陽人

卷之四

九

南安重脩城隍廟記

邑有城隍其神佐官長安治百姓天所司也以幽佐明以隱佐顯春生開陽秋殺閉陰俾無縱洩天關為生靈蓄民於是事之如官長水沴旱燥於是乎禱之牟蝗癘疫於是乎禱之善惡辜戾於是乎鑒之夫既已神事矣得亡為廟貌重乎既已重廟貌矣得亡時脩乎南安邑治已舊城隍之有廟則在邑治東偏其來亦已舊唐公愛邑宰時常增脩其制未幾遭日本東寇艾我邑廬廟雖幸不燬而殘破已甚見津立

公凌霄蒞任之二年政治人和乃慨然嘆曰廟宇之不脩勢且日就圯有神不能事其焉能治人兵餉之不充將安所取辦於是捐俸以為倡而僚屬百姓皆承公德意欣欣然子來共成也乃飾前堂宇以雘外觀乃廣後堂署以邃內居棟樑楹楠代其腐者瓦甍磚石易其甍者丹堊圻青新其漫者像之金碧望若瓊瑤貌之威嚴嵌若干戚旁之羅絜森若椽曹蓋規制乃備而一新也古之君子勞於民治惟日不足明之而制政幽之而禱神宣化洽教之和明罰勅法之

卷之四

十

嚴歛賦調役之均興利豫惠之勤雖日孜孜而適乎天災流行何代蔑有猶然為民憂亡惟求諸已而不足也復于神乎是求庸詎非惟日不足感心哉公之舉也其心惟不足耶公明察而有威清惠而有節不苟媚不詭狗可以事神矣敬為公記

仙遊羅峯傳氏祠堂記并詩

仙遊羅峯傳氏是為余宗建祠堂於薦井東其地自龍頭徙而左紆迤盤結于茲其功自提舉公寔肇建屢燬屢復以至積顯體結彥植彥清曰仁可以等漸

經營而苟完嘉靖戊午春余至其地適已落成登堂  
瞻拜未幾倭賊煽殃余惧其燬也已而竟徼福於戒  
祖慶餘保有天祐廟貌如故曰仁可久等請予記謹  
按戒始祖自光入閩居泉東郊有子八人金吾仁裔  
公其四子也早世夫人鄭氏與其子遷于仙遊羅峯  
之下至孫楫以治平四年登第暨重德世濟其美元  
祐六年若權若希龍若求紹聖元年若諒友若巖元  
符三年若誼夫政和元年若佇宣和三年若知柔紹  
興二十四年若牧紹興三十年若淇淳熙八年若誠

卷之四

十一

若丙淳熙十一年若誠若公稜淳熙十四年若益若  
大聲紹熙四年若熺加定十三年若燁寶定四年若  
一新景定三年若炎發咸淳元年若夢澄咸淳十年  
若登炳若虎臣若雷龍俱以進士策名過歷中外而  
特奏名自芸以下大學出身自詒度以下任子自謙  
受以下亦多附末炎瓜陔秀其芳萼鸞鸞翮其毛羽  
衣冠稱奕世榮桐矣而楫深自刻勵事徽宗於端府  
於初政以敬嚴見憚以安靜論政贖鄒浩以得罪抗  
曾布而不屈事已具列傳中至嘆時事妻異急流勇

其子孫亦家法是守獲履不及權門嚴於禮義大淵先  
德所風也仙遊在宋蔡傳二家俱修書盛蔡氏以進  
士登者二十八傳氏以進士登者二十五蔡以忠惠  
風烈暨門地至蔡京父子煽禍忠惠之風烈亦微矣  
傳氏於蔡頤頑當時夫豈無葭葦其親卿也其情而  
罔有一人薰炙以希榮寵惟元祐黨籍則有入者流  
風皜皜固可尚哉天若惟不盈之善慶是衍傳氏其  
將復興也已乃今煥而立廟萃而假廟以成天明燔

卷之四

十二

燹無燬天意昭然其又可知也謹為之記而系以詩  
曰天作高山傳氏所荒神啓其秘世發其祥令名令  
德如珪如璋其麗濟濟其流洋洋我生已後孰究其  
詳但觀京下威赫何張孰不朶頤孰不承眶孰不附  
手以取熱孰不附臂以騰驥而傳氏藐之若無視之  
如常惟法是安惟理是強我觀天道其意未央有廟  
翼翼羅山在前高有橫雲低有流泉以祀以燕其鼓  
淵淵有廟翼翼孫子周旋郁紉芹藻躍飛魚鳶以歌  
且舞其鼓縣縣神明在天賓御在筵禮樂在廷詩書

在賢惟世德是求薦福萬年

福清縣儒學新創學田記并詩

永康徐某以甲戌進士視福清縣篆冰清以樹化澤  
宵勤以飭治平政肅而不苛民順而有耻越一年乃  
以其章教之志命于眾曰君子以人事君亡寧宰臣  
凡宣德意於下邑者率以此面報稱文翁守蜀選郡  
縣開敏有才之士詣都下受業齋之以儲胥脩起覺  
官教子弟而西蜀文學禮讓遠比齊魯任延尉會稽  
問所部高行士厚禮待其掾吏之貧者賑給之於是  
多士雲合蒸蒸奮而會稽以人才鳴至今夫得人以  
事明君 上臣之節也養賢以及民 經國  
之遠猷也教以董其成養以資其源功相須待不可  
闕江皋沃土播樹嘉種灌溉培植勃然豐茂鹵莽滅  
裂日就荒蕪福清僻在海陬雖夙稱多才地有其作  
之胡教弗興胡才弗達弛而棄之將惟荒是惧於是  
捐金脩廢創學田隸邑庠為畝五十以資多士之貧  
者署庠事尹繼禮共成其事庠生陳思謙俞元芳等  
以繼禮之言徵某言以記之於戲 國家學校教養

卷之四

十三

有考校有廩餼

總然詳且備矣顧人才日繁感

其勢乃至不給而生徒貧以廢業漢元成間有謂孔  
子布衣養徒三千而增學官弟子後無以給之遂罷  
而漢末人才因以不振夫謂三千之徒聚食於孔子  
之家固已妄矣然即事而論之漢昭宣以上人才之  
盛也非文景餘富表章經術之效耶元成以下人才  
之衰也又非天下不給罷弛學官弟子故然耶才之  
盛也以天下養之而不足况福清海表遯徼士得以  
自給為尤難宋初應天嶽麓嵩陽茅山為書院者四  
皆民間自致養聚徒遂使天下里評分為州縣之學  
鄉黨之學其學之出自州縣也有司循功令彌文不  
免徒具至其鄉黨所附和士大夫留意倡率乃以盛  
典名彼移文獻於私家變公道為私恩此豈天下一  
統之盛哉詎如良有司加意而以公田致養也惟我  
獨倡而人其有不倡者乎邑之人豪必自此奮矣朝  
廷得士必自此侈矣臣某之舉也得人之功及天下  
裕後世矣不可以弗記因為之記而系之詩詩曰玉  
融山下裨海際環於惟君子戴命經綸司聰秉直百

卷之四

十四

里翹殷翩翩飛鳥和鳴關集我君庭歡呼往還且而舒之五彩其斑風而翼之萬里其飄竹實之哀鳳德之艱鳳德之艱君子之嘆籍我東郊芳樹秀苗山滌祥霽宇廓虹霄有風自南蓋實維天饗留瑞應焱騰鳴條雲衢旭路闡苑縈標雅頌其聲登拊九韶王融之光君子所招茲擄鴻茂百世暉遙

重脩大盈橋記

甘侯宮以江右餘千鄉進士令南安飲水蒞政越二年能以政和其民而民是用休蒿視我南安之民困

卷之四

十五

於倭燼諸營茸葺廢謂亂緒也不可以怠弛地理既脩萬石陂水利脩西山埧千石陂以溉近都之田百廢蒸蒸起矣而康店驛之南有大盈橋上吞大羅山東來四十里之水以注于海旁溉溪南北腴田無慮萬畝其路通閩廣往來衝唐部使按郡邑及裔旅之負販陸出者皆經由此尤關切創于宋嘉熙間屢圯屢脩近復以倭亂圯來往艱涉至移驛傳於晉江安平鎮以通使客甘侯乃愀然嘆曰橋梁之不脩詎惟行旅阻嗟實王事不供是思而胡以邑為胡以守邑

卷之四

十六

為於是以前石役委耆民某等捐俸首倡鳩材聚徒而砌焉不徵遠不煩公期令旁居近民以成始終於是乎騰游龍於陸埤棹星旃於雲衢即時水湧波砰過若履塊其轍迹遂能以南北通天下經始於丙寅年二月初三日橋成舉人林大柱生負周濟耆民陳登之等請余記其事夫此一橋耳脩圯而治亂徵焉昔之圯也以倭亂也今之脩也亡亦惟天其悔禍而假手于我甘侯以鋪治平耶使車電拂旌塗虹通方來無虞利往有功亡惟惠也政其有知乎昔者人謂斯何今者人謂斯何侯承亂餘勤此明功余承亂餘勤此明功秉筆揮槩感極而傷而幸幸治平之情不自勝也因為之記而系以詩勒諸道左詩曰維彼大盈水自中注迤北而南萬里通度天作之橋以代方渡嘉靖己未倭作蠹浸淫不已四塞豪霧蕭蕭飛風冥冥亂雨蛟起蠶騰莫測變故我侯之來泝慎舉措廢者以舉頽者以固有橋中峙惠聲載路我水維悠其流播播淺有葦葭深有魚鷺我道有蕩我行于于公有車騎私有轉輸侯在有懷侯去有慕此邦是



有無我遺教

海澄縣尹王公生祠記

嘉靖之末年初縣海澄以控海島隆慶五年台州王公某以鄉進士視縣事始砌石城完雉堞當是時披翦荆棘月窟日域之警時揚波濤樓船出入如織公外應內撫裕如也築輦役告竣庶務亦畢舉而此邦遂望然雄視海方內之全漳有藩屏外之雕題震攝而彼焉封疆之思寢邦人以為維公功也萬曆元年相帥立公祠生而事焉某生請余為之記夫事難於

卷之四

十七

創始此邦跨海為壘創迹開統凡百營堅執非與斯民始為邑新執在易卦為也乾坤始開侯邦建焉雷兩滿盈天造草昧君子以經綸言治此邦時猶治絲之紛也政有大小揔其類而挈之謂之經理其緒而分之謂之綸余觀公之於政其大者城堵之築守所防也學校之教士所養也講武之場兵所飭也奢之蓄積恃之以平糶渠之滙浸瀦之以灌溉振振乎既以次第舉至於布功令張弛出納一惟三尺法是持革公堂之常例除流畜之雜綱官櫃糧料納戶各台

包封灣頭貨物牙行不得私充監法靡及輕罪銅錢尤嚴私鑄詭名稽而冊籍定詞訟清而官轍省迺若毒賴則禁賭博則禁私宰則禁凡公諸注措其于吏胥甚嚴其于豪猾甚峭而其于良民甚便赫赫宏綱惟公張之禁禁條目惟公折之屯之初九利建為侯聖人以為大得民其所為經綸者周且密也公豈其人邪以故天地鑒其惠德佑其精誠禱雨而雨至拜火而火滅天且弗違况於民乎繼自今海澄乃為名邑雄鎮鑰於一方耀炎暉於海宇將自公始矣古之

卷之四

十八

君子視民如子民亦視君如父母其相率而祠公也父母公也公之精神凝注謀謨運畫其不舍於海澄必也昇時海澄蒼生登公堂宇瞻公貌象瞬若影動眇若咳響愛其人者猶于其屋上之烏是愛其沒世之不忘公也又必也昔朱邑為桐鄉曰必葬我於桐鄉桐鄉民愛我也公父一江公叅政東廣樹功德百姓亦為之祠至今前有朱桐鄉遺意後有先公遺事公之謂邪是公所不獲辭讓者也公諱某字某台臨海人先世祖惺庵工部尚書祖木訥院檢討祖愧齋

常寧尹以至。父一江公世積慶矣。公其世美之賢云。

見龍亭記

南安邑岸上迎大朋山大葵山之水下通黃龍江之潮環岸為泮旁溉民田一望汪洋先是邑大尹唐公宴江改岸前馳道築石橋於田中以通行旅望之蜿蜒若龍少鶴丁公署邑篆廟謁畢覽而嘆曰茲非龍與在田見龍象也而首下伏其蟄未伸因捐俸築亭以象其首命之曰見龍亭是亭也前向黃龍江而昂

卷之四

十九

此江之神騰怪兆文自石起宗以來咸以此徵休祥公之作斯亭也固非知往事也詎有神默相邪其成也若神所使其兆也人世所異公清德仁政視篆洽旬聲稱炳蔚神之相矣天造地設而默以兆啓乃今而後有應龍祥者乘瀚雲翼疾風聳九閩而耀八紘也詎不稱異邪亭成諸士庶謹然嘆南安人文之盛自茲愈熾也邑博樊桓王士魁屬記於夏器於戲易取龍象飛象君也見象臣也見龍在田臣之盛節也龍能噬風雲騰霖雨散燭蒸以澤潤六合萬物所以

蕃盛也易之見龍傳曰龍德而正中其所以為龍德惟是庸言信庸行謹閑邪存誠善世不伐德博而化夫乘時以澤物龍中之龍也懋德以應時人中之龍也表裏山河襟帶日月亭羅景也朱拱翔雲飛冕騰霧亭告兆也秦之以煙兩濯之以清波長其鱗蕭布其爪牙有司之德而學博之功也持之以敬慎主之以誠信善以一世德以天下諸士子之成龍而有司所畜也樂其成而共其事大府和州萬公慶也其作亭二守丹陽丁公一中也其記亭邑人傅子夏器也其時日則隆慶二年孟夏之望日也

卷之四

二十

天心洞記

昔傳仙之所居環瀛海以為島三山是名黃金白銀以為宮闕蓋居大海之中在粵之南今觀仙之所遊環崇崗以為區九鯉是名山高湖朗以為靈勝蓋居崇巒之中在莆之北天心洞在泉峙其中南觀三山之勝北原九鯉之逸山人類良教始以九鯉之夢繼得鄭應鳴之地遂止於此依山為屋仰勝成洞有水從上而下流若織練響若操琴若混天心源融以其

清徹激烈之氣流去污濁滌盪世界故名其洞為天心轉而北築九仙觀以歲仙靈又下而當道築更衣館以便客遊環以山中之秀連以界外之觀前望溟涵波蕩吞吐烟光中瞰山高澗流雲浮霞繞嘉木奇草之繁秀躍魚飛鳥之遨遊熙熙然接開山阿日與會而成色耳與會而成聲心與會而憑虛神與會而生靈其三山九鯉之遺勝與前者地方以競利故爭之於郡守朱白野公乃斷令收產為永業以杜後爭夫仙家風致千古同美詎惟廬衡華荆台姥微如丹

卷之四

廿一

山方山之屬亦且噲炙人口表章諸縉紳大夫若金華叱石赤城見標杏林治病菡潭流響者豪傑之士朝風而坐月闔陰而闢陽心通乎天地萬物之中氣超乎風塵糠粃之外而奚屑屑於瓊末為况天之所相地之所鍾以遺其人而神護鬼翔常昭明於千古之下可無毀也因書以遺後之君子俾勿壞云併附以款

乾坤廓闢到三洲帝遣天吳振海流凌仙山之縣圃香天路之脩悠於惟控會河洛朝宗江漢而以為施

靡兮則有長風鳴蹄抗日月以上浮巨壺冠山長鯨吞舟走沙危石慄膽駭眸波浩蕩以路絕景慘憾而風秋吾欲登蓬瀛之閬拂瓏龍之鬚以請恩澤兮何異於乘槎上薄夫斗牛臨津兮長嘆動考槃之新情山人兮歸來洞天與子兮為盟門以草為徑居以藤作城白日新寺青泥芝萸林慮李熟綏山桃紫圍棋值客照鏡壺精永霄王以一瀉烏向春以萬嬰倒景飄飄而上下烟霞漠漠而縱橫羌獨導此寥廓兮悒室山以若驚子已棄俗我亦掛纓風雲吞吐喬木購英蛟蜃出沒遊魚潛羊何所怨兮泊羅以騷而靡靡何所慕兮蹈海以說而靡行吾雖高二子之清致而不能學其矯節駭世惟隨鷗鷺兮嘯鳴

卷之四

廿二

蓮花石巖室記

南安附郭之勝有蓮花峯層巒疊石壘若蓮花之錯落崙者几張卧者繡盤錯者棊設架者鐘懸擗者劍斷呀者鰲伏怒者虎踞貫者魚頰突者鳥跼地南崇崗磷磳竅然為石室如豎有棟如覆有翬上有箭道通天光朗融下照增宮嶺熒而差哉與蓮花峯對

施簪益爭奇現向之藪藪土湮草翳蕪蕪者不知幾  
麻襪矣姪孫履約始披翦蒙薄艾刷荆榛鑿石門關  
石徑甃涼亭砌欄榭雜植嘉木異葩被蘭桂鬱移魚  
而紀以八勝余履峴岩攀危石攝衣而上四顧嶄又  
尊又崔巍壁立稜嶒聳骨竦丘跳陵騰清霄而馭雷  
霆山水大觀有在是者古之賢豪覽其勝而樂之則  
有抗節危言批鱗拊檻即百折而不屈姜公輔氏以  
是流寓此間今北望姜相峯是也余至石室入坐烟  
火迥杳靈霧蒙矓軒婢約窳廓靚邃水瀾不驚山

卷之四

十三

青長綵迥絕乎塵瑤山水大觀有在是者古之賢豪  
覽其勝而樂之則有挂巾投劾錐采埋光即沒世而  
不悔秦系氏以是盤隱此間今西望隱君亭是也余  
縱登其巔遠瞰目盡海色烟浮天光霞繞列嶂雲屯  
溪流蜿蜒吞吐萬千曠若躡閭風闔闔之闕閱山水  
大觀有在是者古之賢豪覽其勝而樂之則有神契  
真倪與造物遊障百川迴狂瀾宇宙無能為廣大江  
海無能為盈虛朱紫陽以是曠覽遊戀此間九日而  
還今西望九日山是也子之構茲勝也古未有聞茲

之自子始不知山川有助於人邪不知子助山川靈  
邪不知吾子與山川之靈兩有待哉邪因為之記  
脩南安萬石陂水利記

南安邑治朋山起之清源大蔡倚之蓮峯迤之自是  
彌為平原闌堞建焉山環水匯左自朋山東北拆而  
西又拆而南至鵬溪入黃龍江右自朋山西北拆而  
西又拆而南至萬石陂入金鷄江維陂障水東注抱  
邑聚與鵬溪合是為山川融結迺壯都會大觀歲久  
陂壞水奔放入金鷄東流不交地脉鮮竄負郭田畝

卷之四

十四

苦西流靡蓄既易於旱傷山谿暴漲苦東流壅淤陂  
不任洩又易於潦傷建邦拓迹相度陰陽決排地利  
之意閤乎沒矣其侯官以嘉靖乙丑蒞茲土誠篤其  
德平易其政明答嚴於吏胥節儉蠲于繇役用能惠  
懷于我有民登臨縱眸慨然嘆曰美哉洋又乎邑有  
山川相之在人邑有水利興之在人惟我畎澮之有  
灌溉焉我利導也涓滴珠玉乃畫便宜上請捐俸首  
唱計畝均力庶民趨事來若鼓若子於是乎疏圳道  
自萬石陂引水東行經延福寺達城濠以會鵬溪陟

門於金鷄陂口兩旁浹岸度水勢與田高下築堰堅  
厚其灰石蓄水之滙洩水之溢以待旱乾備泛濫統  
邑南門東會鵬溪阨門入江潦則兼由金鷄而洩相  
度水會若天為整若神輸工乎疇耕作轆轤成龍激  
水上施亢炎若雨一望千頃秀實離又渙若橫雲錯  
若綴珠民於是乎仰事俯育有厚藉實惟懋功有事  
則濠塹廻環隍積水而深城憑險而高守禦不鑿而  
固實惟懋功無寧茲陰陽會合山川孕毓衣冠之英  
日熾龍虎之榜增輝實惟懋功考之元至正張養始

卷之四

廿五

建此陂今二百餘年矣惠澤猶在侯茲脩復每二百  
年惠烈邪陂以萬石名侯方起家縣令數未盈漢萬  
石君家祿秩亦惟子之數而滿意者侯必有後乎山  
川靈秘茲始兆矣儲為勒諸石以俟後

山東兗憲石坡趙公傳

公諱勳字彛伯廣番禹人宋太祖裔也少聰敏過目  
成誦弱冠遊郡庠博學有重名德性凝厚器宇軒昂  
督學歐陽石崗甚器之戊子領鄉薦辛丑授瑞金令  
瑞金土著民以多寄籍賦役不均為民累公至卸

知其弊立法均編民疾苦延釋已又處兵役以復民  
業興學校以作人才謹婚禮以正風俗重喪禮以隆  
孝本皆鑿鑿可詔後世而於學校尤動日與諸生考  
課論藝講質經義一以成就人才為己任冬暇復習  
冠射禮皆邑士素所未聞時邑寡生徒大射耦亡以  
備乃選民間俊秀而補初庠之科目久闕及至是科  
丙午戴生汝器遂中式邑人謂公作人果應若符契  
也縣務簡時委署別邑篆或賑饑或均田賦或覆疑  
獄處分無不安服稱效黃鄉賊巢曾氏代夫帥洞賊

卷之四

廿六

肆掠材官屢為所敗中丞虞公聞公方畧召畫策公  
請卑騎往諭可不討而服虞公壯而許之遂入巢推  
誠撫慰宣布威德賊果信服自縛者惡十二人以獻  
誅之復請曾氏二子於虞公赦其戾送入郡學觀禮  
仍往築城寨設巡司以守其地經營凡數月往返巢  
穴十餘次初入賊猶驚疑再入則如家人子矣黃鄉  
底績虞公上其事于朝具疏公賢勞由是聲名籍甚  
任政五載而兩臺之交薦者四丙午歲六月赴都下  
考績以治行最優欽承 綸褒以父桂為瑞金令

梁氏為孺人時二親俱存邑士庶與鄉邦人又以為公福慶戩厚且承綸封奇遇果若日升川至也會天官奏缺風憲行取天下賢能公與其選擢侍御史遂陳時政五事曰禁無名之差役曰革官司之借辦曰罷竊盜之工價曰嚴巡捕之考覈曰省引稟之賢勞皆一時之弊而引稟事乃公侯宦寺因襲舊例害民尤甚者八一疏革之輦下民賴以安業時有武臣犯法憲臣窮治太過波及無辜公聞命參襲獨持風裁元惡首服無辜獲安不動聲色平決大獄其後數

卷之四

廿七

年軍士有求糧之激竟成其變乃知向之消禍未形功匪淺也壬子春晉山東僉憲巡東兗歲大饑以州縣拘文移不即發廩躬自馳賑復移檄旁縣賴以全活者幾億萬轉巡濟南審錄囚徒平遣寬抑多所釋放囹圄為之肅清蓋公之才其當務者固無不盡至於平黃鄉之賊決大獄之變賑饑民之急又其應變而當大艱錯不撓者豈非所謂賢豪閭者耶甲寅冬以母喪釋政繼丁父喪服闋遂不起賦急流勇退以見志廣藩表恭議嚴分宜壻也要公歆以不次之秩

公謂兒輩曰吾生平履歷砥礪至此今晚節乃濡足繼膺仕哉固托烟霞成僻不附也甲子歲以壽卒于家於是見公之才之優又見公之德之貞是可以不朽矣瑞金人士思公德澤久愈切立去思碑名宦祠春秋尸祝之具載郡志萬曆七年廣東按君懷川龔公廉公仁賢行實特行督學使孫公舉祀于府庠鄉賢祠至今兩省俎豆公咸得享祀焉公子趙思基以鄉舉司教南安學行淳雅類名家子乃得詳公政蹟及承郡大府姚洞庵行狀并以瑞金及廣中立祀之

卷之四

又廿七

事信之也因為之傳論曰古人不朽以德以功德豈不在民哉漢世良吏如文翁黃霸朱邑龔遂召信臣者徒所居民安所去見思生有榮躋死則祀焉是足不朽矣然王成猶以偽聞余觀趙公功德施萌隸莫社稷事至偉終不耽中貴以希炎煬也此豈粉飾文具人耶時平有甘棠之咏時蹇有枳棘之歌山垂峴碑之淚水永賴川之思豈惟瑞金天下其孰不仰之

綸卿字說

史子書言既冠其祖父西崖君字之曰綸卿謁予予告之曰若知而祖命字之義乎綸以治絲其義關於天下甚太用之王政為經綸用之王言為絲綸史氏之先以典籍命氏成周以前在王左右于言則書于事則書今日其事彌璘璘矣寄其職於翰苑若脩撰若編脩若檢討其職掌也始之為宰屬極之為宰執國之官治詎有重於此者天下之治安常無事則經綸之用為要排亂解焚則經綸之用亦其急者也唐

卷之四

廿八

武宗削平僭亂李德裕一制而三鎮奉命恐後拔城毛楮之間折衝纁管之上行之如風動之如雷威嚴百萬者則此絲綸之功也功業一旦振耀絲綸為天下重命之曰才積學也者非以養其才耶匹士身在天下卒然過之至大不驚至煩不亂一言而定國是非以其所養者鉅耶吾觀德裕才氣無雙至其諫書箴銘論議其學有過人者是為名家之子孫而不以名家累所謂富貴不能沉溺者非耶吾子之積於學也於絲是做已矣觀綸之事而學亦庶有成矣仲春

之吉蠶母是調稀用清明浴用穀兩言及時也爰求柔柔切若細縷燥濕是候起止得所言致功也東愛日景西望餘陽逍遙偃仰進止自如仰如龍騰伏如虎卧此綸之始縱者相屬橫者交連解以湯火擊以織指其縷萬千其白霜雪此綸之成起於綿綿成於翼翼時積日摩殷斯勤斯君子之學亦若此矣史子坦腹予家子魚有父師之義故詳其義而告之

習甫字說

卷之四

廿九

余女孫塔張子以翼新名而字習甫夫人心本來明德不染焉用新不倚焉用翼不學而能慮而知焉用習是性而明之者也以習而成以翼而新是明德之復其本初者耶盤銘有之矣曰苟日新日日新又日新聖人以器喻德器之新拂之而塵淨濯之而垢潔功無過旦夕而成湯以又日箴若無已時不知湯之洗彼以其器耶抑不知湯之洗彼以其德耶德主於善善聚於學學成於習時習不已是謂日新余嘗讀易得聖學焉亡亦惟是明德之新日無已息時乾之自強不息也聖人之學取焉於象為龍漸之前進

不息也君子之學取焉於象為鴻乾之龍風雲翼之也其動也至神漸之鴻羽毛翼之也其動也有序聖人之學象諸龍若潛若見若躍若飛雖所處不同手而其進德脩業忠信立誠以仁禮義智而脩身見世一也君子之學象諸鴻于于盤于陵于遠雖所處不同手而其進德脩業忠信立誠以仁禮義智而居德善俗一也聖人之習出於自然賢人之習出於勉然奚必謂習之自然者為日新而習之勉然者為非日新耶又奚必謂自然新者之為聖學而勉然新者

卷之四

三十

之不為聖學耶日日而習之日日而新之時不可失矣于也懷穎異之資逢進正之日橋鴻舉之志乃當此于于盤盛時胡進而不可以有功胡進而不可以正邦即此明德日新者措之勲業鏡寓內矣若吾老在漸達時已出人位之外其羽僅可為儀耳不遠於天下大用亦亡願吾子之至此畫也

贈刑部主事史商涯暨安人包氏墓誌銘

公諱宏璉字伯器別號商厓官金壇縣學訓導以子朝賓應之貴 贈承德郎刑部主事夫人包氏處士

包哲女封太安人余友於應之晨夕得侍公見其德度坦然而不為斬絕吊詭之行而其言脩行謹約之干繩墨尺寸介然自脫於卑繭辛卯應之與予同領鄉薦哀然為舉首而史氏自是日彬彬若公之從弟宏詢公之姪朝宜朝富朝宋壻張喬相賓薦于鄉制科于朝鳴朋飛而鵠序立翼附風而首翔雲淵源所自商厓造就之功為多公始從講於粘淮樓李筠溪立省養諸公尤遽於易待諸子問答批卻導竅當肯綮如良工馭馬絡以衡軛連以轡銜而教之不易其性

卷之四

卅一

策之不抑其能義之君勿有敏質日誦萬言公固喜之甚而每痛繩以法應之節之君天資少錢則常以優游不倦誨且慰其苦夫人問故曰宜也速駕之駒緩之且破車賓與富款段之犢也急則蹶步耳是不一律矣故其所造就敏者不失為千里之馳鈍者亦應乎八鸞之節於是見公愛姪與予之均而善因篤其才宜史氏之多賢也辛卯以選貢上京師壬辰就金壇司訓携二僕往官舍蕭然與諸生日講肄不廢為瑣瑣諸生多就之如內翰曹大章侍御于業大行



王樵皆當時所識拔士無何丁父坦齋公艱回籍服  
闋以母何氏老矣遂不仕而終養焉已而先何母沒  
蓋公之不躋於臚仕與年之不登六十也豈其命耶  
而其卓然行脩者自足以永世孝於父母友于兄弟  
沒齒無間言遇人恂恂雖童僕不忍以睚厲加至於  
侯門雖素所善耻曳裾炙手熱也其鎮重如此而顧  
不壽乎憾哉夫人佐公事舅姑孝遇妯娌睦又以勤  
儉拮据持其家商厓既之官堂二老在二女未有家  
幼子朝守董呱夫人仰事俯育各有條商厓以無

卷之四

廿二

內顧憂高厓沒六年而應之登第官刑曹又五年辛  
亥奉檄淮揚事竣過家致寵命夫人悲喜不勝曰  
爾之有今日也先人之教不行乎不至此先人之教  
行乎願子盡行之而以慰先人地下應之受而歲之  
腑及楊子繼盛上封事下應之治獄以不死忤上  
意左官泰州夫人乃喟然而嘻曰有是哉庶無負先  
人矣夫人自于歸以及高厓公入宦及以子貴終始  
如一史氏之興有由然也公卒於嘉靖辛丑距生成  
化丙午享年五十六夫人卒於嘉靖丙辰距生弘治

已酉享年六十八丙午七月十七日應之奉商厓公  
葬于南安二都霞美山之原坐巽向乾而墓銘未備  
蓋有待也至是歲丁巳十二月二十六日拊葬夫人  
於其兆求余并為商厓公銘夫史先四明人六世祖  
宗馬徙晉江為晉江史氏生元吉惟公高祖又為惠  
以孝旌以長子盛封戶部郎中惟公會祖又為騰惟  
公祖又為時泰號坦齋惟公父娶何氏惟公母子二  
長即朝賓云云史氏至中書始有聲中微至商厓公  
始大士君子處世上而揆策襄理下而講德垂教即

卷之四

廿三

身焉隱約而抱遺經稽墳典與諸俊人相磨切仰窺  
帝王鴻烈殫究當世條務成德達才為天下裨益其  
功不少若楊伯起明經教授而一門賢才輩出豈非  
古今所希觀者耶是可為商厓銘矣銘曰史氏之先  
由史著姓詩書之澤宜其所兢抑其流也孰濬而其  
休也孰迎我銘公德式昭餘慶祔以夫人千年鬱鬱  
乎其同馨

處士郭梅峯墓誌銘

祠部李君海宗狀郭梅峯公之行實曰公諱恭字士

讓別號梅峯先世自光州避地於閩中為莆人元至正間慎德公徙于泉之北孝友坊因家焉遂為泉人曾大父宗回大父濟父體毓皆潛弗耀至公漸有聲公以能幹其家冠即事事不以勞遺其父母鄒氏蚤世事繼母陳氏如其母母弟寬異母弟森與賜撫育之教誨之如慈父之于子至其孫猶然公之孝友天性也有子良璞良琛幼即授以義方為擇嚴師儼然立之約束之中不以愛故少假借故二子甫羈非各以文學聲於庠序間璞領甲午鄉薦成唐戊進士授

卷之四

廿四

寧國府太平令公每貽書輒以仁廉為訓璞在太平輕刑節費不適於貨賄存心於獄訟以無速官謗遵公教也予自弱冠時遊學郡中即聞有梅峯公息產業家聲已蒸蒸然大矣及南北涉舉子途常從太平君遊上下庚戌從太平君年籍益論公詳知公行素如李君所述亡浮異然而公德之積豐茂徵於有子也亡亦惟善慶之餘是符至其論封之崇褒朝廷所以發潛德之光慰膝下之思公將身及焉而有俟乎其沒也豈數固有限耶非也公生成化癸巳卒嘉

靖癸丑享年八十有一娶孫氏先公歿有子四人良璞云云以乙卯十二月十六日葬于晉江四十一都黃枝山之原負良揖坤子於公有世講之誼不可以不銘銘曰於維才難子之能家臣之能國有赫郭公過矣其燁子道以已臣道以子雖不生享其榮終有辭於不訾

處士黃南湖墓誌銘

黃春元君一棟為予狀其祖叔南湖翁之賢也且曰士之聞於世也有幸存為爵位足以自崇而聲因以

卷之四

廿五

表見士之幸也而不可必也至如窮於身亦聞於後則得有所附於當世之君子而以文顯焉叔且矣矣英而銘必以傳先生余於公為姻辭弗獲也按公諱建字建暉世家晉江之龜湖考遺安妣林氏生公兄弟三人兄建中弟建垣公居仲而性果敢勇為義慨拓家計以及堂溝業有新產處有新宅寢息有室燕飲有所祝享有堂孫子繁殖秩秩濟濟攸濟攸寧實惟公功鄉有溉田湖水逞陂長常以水利扞罔于官嗣之者率以為成苟且仍事已而次及公公命諸子

若姪受事焉其舊奸宿猾仍恃據上流如前武不即  
工瀦洩不以時也公隨持澆規聞于官官為監築立  
石禁至今堤賴無圯水得所滙春作秋繼荷挿醜輓  
交灌互澍壠畝之間通延野綠遠際雲黃實惟公功  
夫有功於一家者則亦一家之善士有功於一鄉者  
則亦一鄉之善士豈亦不可以聞哉配吳氏靖山閑  
泰翁季女亦克相公以立其家公生於成化甲午卒  
於嘉靖壬寅享年六十有九孺人生於成化甲午至  
今壽八十有六尚未艾云承黃子之意其狀無所溢

卷之四

廿六

美銘有不容辭者銘曰有私其佚以適其身一毛不  
拔如越視秦公之辟世不及於施居家居鄉出其餘  
奇有勞在人者述在詩後世耿光此其兆之

湖廣叅議黃鰲妻宜人吳氏墓誌銘

周時公侯大夫之妻脩於閨門播於天下來世樛木  
小星諸作至今述焉何者其事至微淺而風教攸闕  
其播之聲歌聞而幽微則賴有士君子之論著也故  
湖廣叅議黃三峯公鰲宜人吳氏卒于滢等求余次  
其事以銘三峯於先君電陽為執友余以小予奉教

誨几席間幸卯又得附齒錄於三峯後且姻家也恻  
之以世誼重之以姻親而幸從大夫後亦得以論列  
其事矣宜人吳氏以三峯公封安人進封宜人父諱  
宏遠本邑之三十七都人母盧氏宜人幼有至性盧  
氏多病宜人奉湯藥供蕩滌不離床褥及歸于黃又  
能移其所以事父母者事舅姑蔡太宜人及東野翁  
甚宜之三峯公學于外宜人為之拮家計蚤作夜繼  
日積月累醴漿於賓客案牘於祭祀織作於生計靡  
不盡力至又有難者婦人之性常妬席寵專愛即景

卷之四

廿七

迫桑榆猶以妾為忌至嗣絕不悔而宜人於方感之  
年即為置側余氏數歲嗣後乃有子其婦亦有子與  
女撫育亡異三峯宦遊以及即世諸子多在宜人左  
右其所以教之尤勩嘗曰自吾歸于黃事太宜人東  
野翁以及爾父見爾先人安其分所當為而未嘗以  
伎厲屬人也見爾父之積於學而未嘗以憚間遠也  
吾占卜之不能知知先公之必有後也又知爾父之  
必有成也今澤在爾輩矣爾也才惟先慶之餘爾也  
不才惟吾之教不行故諸子奉宜人之教也謹由此

觀之如所謂膠木小星之夫人非耶三峯公之妻其  
已為之銘其世矣諸具前誌中宜人生於成化壬子  
卒於嘉靖戊午享年六十有七卜以臘月合葬于三  
峯桃源洞域余乃為宜人銘銘曰猗與宜人膠木之  
德歟小星之德歟郁郁蘭有在天天薪有棘維後之  
祥維德之禎錦韜象軸天寵維奕幽宅之下兆此新  
勒

天台縣尹洪方山墓誌銘

天台知縣洪公諱熊字世英別號方山其先光州固

卷之四

廿八

始人也少聰悟過人以文學聲于庠屢異於當道  
治春秋不守舊說應癸酉鄉試憲長劉公奇其說與  
世儒異拔登薦書是時公年甚富也三試春官不第  
遂授浙平湖司訓所賞拔士如督學俞公咨伯大叅  
趙公伊正郎俞公乾二守曹公金皆為時名臣一時  
科第爭喋議者歸公善誘之功焉擢天台令天台以  
勝聞天下士大夫至台者靡不遊覽供億竭里開存  
走散輿皂公鎮以靜因斷其橋道艱其跋涉自是遊  
者廢少不擾民以藉聲譽也歲大饑公竭力賑救平

糶民賴以全活甚衆而又厚其士之貧者與夫鄉墮  
之商不以糶費吝吝之庫後掌一邑之輸奸民出入  
輕重乾沒為利公一裁以法嚴為禁止奸民無所肆  
不以平易故縱弛台喜爭訟官亦藉以為利公於一  
切小訟諭之使歸悔公庭幾刑措追呼之胥不突於  
里閭邑中翕然以循吏稱然公亦自知朴率不能脂  
韋於時鮮附離無意於仕矣辛卯遂棄官歸家居杜  
門以北海樽自娛蓋公之治官治身一意安靜正直  
冲泊淡素其進而之官也不知於名謂何其退而之

卷之四

廿九

家也不知於利謂何余業舉子時見俞公之守于泉  
也於公為姻戚故知當此時若有所攀援炙手可熱  
嗟氣可風且適有官鬻寺田之事士大夫一啓口即  
阡陌雲連朝貧夕富而公恬然其間絕不以干謁求  
多累也余所見於公者如此其所聞可知矣平生寡  
嗔怒意不平則托而發於酒喜怒窘窮憂悲感憤愁  
嘆思慕抑鬱無聊之懷寒暑慘舒之變有動於心皆  
於酒乎發之時或以酒忘事乎然視夫浮沉塵沙酣  
飽利欲逐逐於聲勢之場憤憤乎除陷之塗以夢生

夢死而不悔者其於為人何如也公始祖評事諱廷賢者徙居南安傳至高祖諱明曾祖諱一中祖諱能質俱隱德不仕云銘曰倬彼方山素以為絢名也不趨利也不眩冲淡一味沒身靡變出智之餘施及一縣噫其葬矣百世之下者予所撰

簡州守呂疊石墓誌銘

公諱文緯字道充別號疊石宋時南安有樸卿先生者官禮部侍郎其後裔遷於同之梧州居焉數傳皆不仕高祖逢哲曾祖應保祖陸宗父竹菴諱明自奮

卷之四

四十

學舉子業以不就為恨比弄公璋喜曰吾志有托矣稍長遣就學顧落落數十年間竹菴公病且死張目謂公曰吾死不足恨恨汝學業未成名未立使我不及見其他日也公泪簌簌下而竹菴竟適去公既痛父臨沒時言愈發憤備求名師而事焉習麟經不憚千里從游壬午補博士弟子辛卯遂舉于鄉又連不得志于春官以母老求祿養乃以辛丑歲銓受湖廣藍山縣知縣公至官殫心竭力務為民求便利而才識敏瞻庭訟一言而決胥吏受成靡窳手日搜其邑

之蠹敕而突除之政以益清舊有徵輸餘銀吏白以為羨餘例充私費公請一歸之官監司大其請為教移秀邑曰令不當如是耶往上官按行部邑庸鄙者或有所需求至藍獨無私饋吏惧見謫公獨不顧其人益敬重公藍介居荒徼間蠹蠻蕃其中數苦患民黎一日掠至城下公勒兵追捕俘數十以歸公度其勢可盡殲因建平徭之議當道有難者公指畫陳其可取狀遂以平徭之役委公公按地畝部署兵所從入率敢死士搃其巢窟徭窘乃求撫公曰聽撫即吾

卷之四

四一

民也定為約束而遣之徭遂平當道上其事于朝民為立祠焉丁未擢四川簡州知州未赴官而報罷公誠實而志立果敢而義奮追父遺恨百憤學成絕島中在官私例一歸之公絕不以苞苴竿牘汚染及至平徭事其績尤偉夫徭豈非三苗遺種耶當堯舜時以大禹狙征猶然逆命至舜干羽于兩階又七旬乃裕公一覩其害治征撫方畧不煩騷擾師徒無久暴露豈不偉哉而卒見排不錄也亦命矣中丞劉嶽齋公在湖藩時詳其事及撫于閩也乃甚重公允時政

得失陳說往往愛聽公之大者如此至其仁孝施於家所遺田宅盡以與弟仍出所買田三十畝充祀先之費廟貌常新祀禮常肅公於家政靡遺憾矣宜人黃氏黃選之女年十八歸于公婉婉恭順事舅姑各得其歡竹巷捐館舍二弟一妹俱未成立宜人善體公意撫之動送往事居動中禮節內外賓婚各盡其道公學未就時款款語惻藉夜坐晨起動執業逮公入官不改采蘋鷄鳴之賢婦何以修諸公治域於長興里烏石山之麓歲戊寅奉宜人以葬及今公卒琬

卷之四

四二

等持年友許南峯之狀來請以甲申奉公柩落宜人窆而合焉余既知君之槩而許君又狀公之詳銘其奚辭銘曰烏石之山維石昂昂雕不增文磨不增光含滋土潤毓奇孕祥有封突如吉人之藏配者伊誰惟德之行孰瞻孰依維珪維璋比于孫子百世其長

工部營繕司郎中王九峯墓誌銘

工部營繕司郎中王公諱良柱字全宇別號九峯唐刺史王潮之後世家于郡城古營巷高祖諱紹宗遷南安四都以貲產雄一時號初齋曾祖諱尚瑀祖諱

諱皆有隱德父諱海別號東浦以文學聲邑庠與先君子同時為文學友余於公誼世講而跡相左余學庠公舉子余舉子公宦途余宦途公山林矣而知公甚真公和易渾厚平居無戚容接物無戾色資穎悟能自不厭于學且昕夕適庭訓步趨睦塵以故卓然早成立以易學顯門名家旁及諸經史及太玄恭同契等書皆窮其奧唐宋以來百家詩俱領畧其關鍵文章古雅諸吟咏聲口殊超絕有選詩格調乙酉領鄉薦己丑不偶遂入大學遍友天下士文學日有聲

卷之四

四三

國子先生龍石許成名公課其文驚嘆置殊等一時名動京師天下知有南安王其矣諸名公爭延致門下命子弟師事之趙伊者都黃門趙漢子也後業為門人壬辰公第進士伊亦與同登授官中翰益得以公暇進脩名稱籍甚滿考奏最率擬兩臺待公以同卿私憾於當道騰無根之謗公辭不赴選乃轉水部郎臨清厥缺分司當道廉公才也推使督之是時朝廷方隆大孝興九廟及南北郊壇慈慶慈寧兩宮需碑百倍臨清又四方舟車往來之衝商人射利權

勢請托之私奸究出入之蠹罅商領納之法舟船楫  
運之費嚙啗咨咨公至設便宜法動采錯時給發公  
私亡困撥遂晉即中回視司篆奏華錦衣衛備駕香  
燈奏停西宛大工奏乞因雷火脩舉應天之實皆得  
溫綸褒諭或罷或行擬公大用有日矣而太夫人之  
哀計至奔喪南歸於是又以厥務摭摭流言而排當  
公任職時嘗手書見論謂入湯甚矣又蹈火何哉當  
時未以為然而公尋不免也庸詎非湯火之懣耶及  
至歸田後卜築精舍于祖居旁鑿池其中朝夕課童

卷之四

四四

僕耕種課子孫讀書蹤跡不淺及有司公門良辰嘉  
節擊鮮呼歡相與盡登臨遊眺之樂晚經寇亂村落  
殘燬殃及墳塋念若刺心雖其城中居第亦足容膝  
父母遺樞旋失旋復揔之竭誠無憾終鬱鬱不樂時  
托諸歌舞以遣懷讀其復葬墳誌亦可悲矣乃其考  
友天植篤愛弟穢割已田以補之而時瞻其乏絕家  
庭細行皆足以訓俗不縷論其宦績云云公生某  
年卒某年享年若干觀音山有祖墳注堪輿家常指  
以千豪貴公疾革時遺命附葬其旁因治厝焉從公

志也子冽等以黃中田公狀請余銘遂為之銘銘曰  
王氏之先於泉有功中徽載昌公也其逢其昌維何  
錫寵輝煌奮庸司空其終維何附骨爾祖式固丘封  
生榮沒寧永世是顯

湖廣羅田縣蕭太孺人胡氏墓誌銘

湖廣羅田蕭公繼美尹惠安以太孺人行狀抵某曰  
惟母有大德而孤謏焉寡陋無能有所聞於人至今  
周表章敢仗君憫焉而賜之銘以發幽光庶幾永不  
朽且曰母氏冰霜其操玉石其介殷斯勤斯以成環

卷之四

四五

堵侍御沈侯為邑時聞之人深嘆賞嘗曰吾蒞羅鈞  
微剔幽周弗盡稱貞婦者惟二人一孺人一胡王官  
妻毛氏耳以年未六十格於例未奏聞特扁完節以  
旌云嗚呼沈侯豈徒徇虛聲輕以盛典獎借人哉彼  
固為羅田樹風聲也而孺人大節槩可論已謹按孺  
人姓胡氏行三世居羅田族牒繁衍為邑首富曾祖  
廩膳生昂宗生月臨月臨生大武大武配陳氏子三  
女一即孺人也孺人生於良族毅然殊異幼即專意  
女紅不見有嬉慢態年十九歸于蕭公某亦望家公

父時臣與兄時賓全登弘治壬子鄉榜任上蔡尹上蔡姓嚴孺人之歸于蕭也於姑樊氏為繼而孺人事之以孝聞內外親戚吉凶疾患周恤補助意懇懇以睦聞上蔡卒喪之齋三月以禮聞蕭某公以正德庚辰捐館舍孺人年二十六遺孤繼美君甫一歲孺人筑筑憔悴僦居外氏謝膏沐去鉛飾課諸侍女宵晝紡織內外昆姪歲時罕接其顏面以探聞嘉靖辛卯外舍燬于盜繼美君年十三矣始構室廬于邑之西家烏拮据治產業佐君問學以幹聞孺人之孀居也

卷之四

四六

恬恬言及往事率無異平時不見嗟嘆聲夜則孤燈母子獨對寤寐相依無解顏如此者三十餘年不改其喪夫子也哭泣雖甚哀乎不以廢聞及在辛丑哭父喪哀毀過慟至骨立成疾鄉人無不聞也豈其情歸于禮衷中其節乃敬姜所謂不以情累夫者耶彼其氣傑出於從容禮義原乎天性庸詎感激焉以成其烈者之為也繼美君領丙午鄉薦孺人始一強顏含悲慰君也曰庶可下報先人乎壬子將北上畝祿仕為就養計孺人竟不及享而卒卒之前二日夢與

夫交拜燕燕然醜也曉而占之曰是其為從先人地下與完節下報其兆先見亦異矣或姻戚撫其行而謚之曰懿節紀實也孺人卒於嘉靖壬子距生之年弘治乙卯享年五十有八子繼美君娶王氏孫譽聘胡氏亦孺人族以隆慶元年某月某日合葬夫以蕭君尹惠安終始清德夙夜勤政持官持身惠人望之為仁父母是孺人教行也孺人之教行即孺人之令聞達也而君猶責余言余將為言乎言者實之徵也余將為徵乎是為銘銘曰而志榮榮而行侃侃生以

卷之四

四七

江漢濯以江漢生世何窮荼苦推燠取德何厚金輝玉燦泛泛栢舟在彼中流木蘭為楫桂樹為旂濟彼道岸為世大猷江漢化遠喬木脩脩哉 皇所風有周同稱赫然有聲我惠政平原厥所由母教已行母道已成則篤夫慶宜享君榮

浙江僉憲莊方塘墓誌銘

公諱用賓字君采別號方塘系出永春桃源宋少師忠敏公夏姪孫古山遷青陽為青陽之有莊自古山始傳至公十一世矣祖父現娶蘇氏生巖岩娶蕭氏



生子三公其仲子公生而卓犖聰敏年十八陳紫峯  
試庭草交翠論嗟嘆稱異明年壬午補邑庠生乙酉  
以未遇歸不窺家直抵秀林山中發憤專惟經子白  
文諷誦俯讀仰思刻苦為詞章起越馳驚無塵凡氣  
而自縱橫於經子史間丁亥督學邵公試居高等食  
廩餼戊子督學吳公試冠諸生適以子憂去位衆入  
辭即以首解許公及同安劉公汝楠以內委主試乃  
四明陸公銓貴溪江公以達文學奇氣素熟識也已  
而放榜果首劉而公以拙於書為外簾所抑僅得第

卷之四

四八

七後陸公甚以為悔己丑上春官借后峯石山二公  
同成進士公已屬內翰王三渠首卷時泉中文運振  
振向感而未發簾中如劉汝楠已為霍渭厓推許果  
學泉卷亦屬李古冲首薦相競不決迺他屬而公又  
僅得第八蓋氣運使然而其感則自此始授行人出  
使蜀藩盡郡供餽常儀轉司副刑部負外郎滿秩堂  
考以冢軍汪公倨傲故入言之座師張羅峯為汪公  
所怒出為浙江按察司僉事分巡寧紹台道所部故  
號頹劇公風裁振肅剖決如流素無留贖紹興有一

書生以訟黥潛入京師夤緣相君門下奏下辨覆株  
引累百人公卒論如法不以相君故私假借四明里  
老又號禁黥公乘其入謁披籍在手若有所訪者於  
是各吐露無敢隱狀因得其尤不法者痛治之一時  
神其事祿曹肅清陸石溪嘗戲謂公曰外間以子自  
出密訪邪何其神也仕中不廢學多記覽益精於文  
藝臨歲比時缺督學公署事校寧波郡揭以袁元峯  
公煒為第一某次之時元峯久困未知名諸生遍認  
請以某當為第一公曰不然某子今當決科矣袁子

卷之四

四九

今年即未可必肯天下已而果如公言至今侈以  
為神餘姚令顧存仁以不阿權貴得謗公庶知其賢  
特誇獎之遂得擢黃門以直諫顯寧波府營宮久傾  
坻公議脩葺請於直指君直指君以費帑金當疏請  
為辭公正色曰此得院移某縣某鄉士夫餽金若干  
為表宅費亦疏請耶直指君語塞對之甚公乃自括  
久近贖金及犯人鄒七等入官杉木委通判薛甲等  
竣事廟貌一新而論劾之報至矣夫公之質性始終  
一直斷之於心順之於理嗾之而剛果吸之而淵浚

然諾以立信節，以成行完潔，以垂聲奮勵，以濟變其氣。幾於浩然積學，以養是積直，以生是其所以有聲於天下直也。其所以見阻於天下，亦直也。公固謂以直而往，何所不可，而直道之難容，則自古以然。公不計也。時方以壯年歸田，囊僅餘一二金，而公又能以計然之策治產業，事祖母及二親，俱獲其歡。積而田，割以與弟，又積而田，割以祠祖，又積而田，割以祠蕭外祖，又積而金，數十與石山公共。鬻田益大宗祠，中歲時之需，祠宇燬於寇，則與奇峯公重葺，至其脩誥，諱明世系，揭行義述起家，表賢婦詞，懇懇其義，尤足以風世。是不顯於職，猶能友兄弟，施于有政，然此猶易為耳。當后峯公沒於非辜，公號慟奔訴，當道哀痛，迫切其黨，卒以輕重伏法。壁崖公卒於官，扶植諸孤，廉遺力盈塘，溉田數千頃，患淤公鳩民濟渠，時蓄洩歲賴以熟。塘民以洪新齋公之文立祠，祀公深滬鎮，苦剽奪，眾走白郡，願奉公約，以黃東石公之文勒石嘉靖間，永寧軍校脫巾懸其帥于旗，將甘心焉。眾以為非公莫解也。屬公公遂直入其營，譬以禍福，軍

卷之四

五十

校乃頓頹，唯命皆人所難，是不顯於職，尚能以其餘奇解禍於鄉黨，然此猶居常耳。及至東，發難海山，沸騰延蔓，歲月寇掠，無所得，迺為發塚計，索富家金，公父塚在發中，公號慟誓不與賊俱生。當此時，群盜熾，至盜起八郡，充斥攻陷城邑，亡敢攫其鋒，公以義激，備兵使萬育，吾公及揮使歐陽東田，公自與弟率敢死士百餘人，直擣賊巢，賊倉卒望見鋒，銳甚奔潰。二公亦各麾兵，競進斬獲不計，公以遺骸歸，而弟晦竟斃鋒，鏑下賊，自是喪膽。聽撫東之誓，遁則是公一勦力也。督撫游龍溪，疏薦於朝，謂公在家為孝子，在國為忠臣，亡論其功，即其卒遇變，故孝烈奮義，勇震動，不顧殞身，陷陳衝鋒，率先詎侈譚口說者，所能為也。他如居鄉慕義，節豪諸不縷述，摠之為人，排難解禁，而無取夫以公之志之才之節，假令世得盡用，必有以掀掀天下，顧欲有所為而橫有所制，欲直其行而橫以口語禍其平生，相知前則張羅峯霍渭崖，後則袁元峯吳霖霖，前則相知之師，後則相知弟子，若肯多求推挽，亦自不斥斥之後，且必復用而公

卷之四

五一

絕無沾沾意袁元峯入相府嘗寄語公以厚雅公不為動也山之為峻水之為清霜之為烈日之為輝視夫熾趨倭幸枉尺自直包羞自滿雖比周附離為將相一時其於公未霄壤若也公生弘治甲子享年七十有五云云卜藏于大鵬山之原將以萬曆某年葬余於公為金石友乃為之銘銘曰是其為莊方塘公之宅青陽舊梅之芳也味之所由調以成羹也大鵬今擁風之運也鷗之所由化以乘風也惟公之神之光也爾木之拱爾後之昌也我銘以章之直道之

揚也

卷之四

五二

南陵府知府陳滄江墓誌

公諱健字時乾別號滄江先世自穎川陳太丘氏數十傳至宋南渡時入閩居涪州陽翟遂為泉同安人大父諱光澤父諱禎貢而授廣東長樂縣司訓以公貴贈奉直大夫毋季氏贈太宜人公自搃角精敏洞達太宜人已知其不凡教督此諸子尤嚴隨司訓公泮宮習舉子業根極理要發揮今古出入經史詞源如下三噴水盡屈一時疇類人稱陳氏飛兔有子矣

十五即補邑庠弟子負二十四饒廩生二十九領鄉薦三十六登丙戌第是年丁司訓公艱服闋授刑部主政擢員外郎奉命審錄直隸江南徒囚全活視前所平反為多人稱平允又遷四川司郎中時有某黃門者以忤旨下公掠治又有某工部主政者以忤執政意按劾下公簿責公一以正法決讞不阿嚮上意所便希愉快卒皆獲俞釋人稱鯁直旋擢江西南安府知府竟以抗直不阿調貴州思州府士論稱屈乃復以廣東廉州府量移而太宜人之艱報至服闋乃

卷之四

五三

起知廣西南寧府公之持身任職大抵以撫綏為動而不務因循媿阿以此所至搏聲譽而亦以此不滿上官意忌其在南陵適有調土兵及刷船事公於調兵則力為申飭以為土官聞調發輒至其畏法可知矣迺所過肆掠即府城外不免豈土官敢爾桀驁哉由本差旗牌官利於搶掠賊貨陽掩而陰主之今宜於調兵指揮嚴加戒示坐以搶掠之罪庶幾前弊可杜至於刷船則力為申革以為凡調兵至南寧等處而給與船者豈非憫其陸行之勞特以水船節其力

哉而狼貪豺奪輒多剽民船至前途乃放賣不如意  
即加凌害又船一時不能具官常預拘以待附郭不  
能辨又常搜之窮鄉客商為空良民滋擾竊計南寧  
陸路至潯州無過六日之程潯至梧州軍門無過一  
日請南陵勿給船量加二日行糧又加犒賞銀三分  
以償其勞至潯陸路頗艱方給與船蓋水近船既易  
辦而賣放得利無幾不至奪賣庶民困少紓嗚呼觀  
此二申公之制置又豈不稱壯猷哉至如點閱有方  
彊冒以戢皆足以警服軍旅先聲穆徃者夫太平之

卷之四

五四

世患在邊郡處之得宜則熊羆之士如屏如翰處之  
失措則熊羆之士如焚如棘便宜陳而隍中定息信  
開而隴右清以公才畧電拂颺發趙充國之在隍中  
馬援之在隴右茲比績矣迺竟不獲終譽於一郡即  
其身亦且廢置抗直之才多不容於人世君子固為  
公惜然其矜恤深仁王賀陰德天鑒之矣又且為公  
之後必及至歸田課子孫崇先祀惇睦無間然諾不  
苟以其才之不竟於仕宦者而竟之於居家即累鉅  
萬皆公餘奇非其質也宜人宋氏潯州董林宋元平

女貴而能勤富而能儉孝舅姑睦妯娌待媵妾以恩  
撫庶出如已子即以宜人封而縞薦終其身見者不  
知為宜人也豈如張安世夫人自衣皂綈家八百人  
皆有執仗以此居積富於霍將軍者邪公生某年卒  
某年葬云云孫榮祖榮選以公所自狀請余銘也因  
為次其事而銘之銘曰陽翟海東孕秀重瞳于張厚  
騰延颯垂鴻紆施行尼歸田歲逢宜人佐之少君其  
風俾後昌熾而積愈豐富豈其興暴而炎烘烘有銘在  
壙百世下兮知有公

卷之四

五五

知南陵縣晦吾暨孺人王氏墓誌銘

南陵令傅子陽明字際熙別號晦吾我始祖唐銀青  
公實之二十一世孫也父為翰英際熙少聰敏工文  
學束髮遊邑庠每校文輒居高等文宗金公潘公汪  
公皆極口稱賞人擬高科竟為數厄嘉靖丙午歲以  
貢入順天秋闈濟南滄溟李公拔登薦書歷丁未庚  
戌不偶乃就教職于廣之從化居五載遷寧國府南  
陵令南陵素號饒邑際熙下車即詢民瘼為之節浮  
費却常例毫無染至理獄訟決枉直罔罔稱平人謂

不究數月間薦紳大夫士翕然向風慕德以為卓譽  
來也然地頗當煩劇衝苦於送迎適罹風露之恙即  
飄然引身告休士民相率保留有稱其四知自盟者  
有稱其五刑不用者有稱其寬平鯁介者有稱其醇  
朴智慧者有稱其里甲節縮者有稱其獄訟平允者  
迺其歸志已決固辭病甚即就道卒莫能挽嘗以時  
不惟南陵士民共追攀即號傾蓋一日知雅竊竊然  
具以施為未竟為際熙惜焉際熙生平惟持一清白  
絮介其遇事輒敢赴義勇往直任在從化時與諸士

卷之四

五六

嚴立條格惟勉以績學提身之事而束脩問饋有無  
多寡絕不計糧膳收支羨例率革除及至聖廟賢祀  
之類圮與簠簋籩豆之缺陋則倡議脩整自捐俸金  
率先罔惜其解綬歸惟與宗黨之聲氣同者聚會譚  
古今世故娛歡笑至於公庭非公事不促跡從化有  
舊弟子負以進士宰晉江際熙終始執師禮不先投  
刺竟三年弗通問其介如此見人之惡深嫉痛斥至  
微色發聲其人諸不具指乃如邑有便利事鄉人有  
善行輒為贊成表章初為舉子時適邑宰唐婁江愛

素見重每事詢問若查盜丁之詭寄除同安之借編  
定加禾之串價革攬戶之宿敎允諸善政其贊決之  
功居多詩山黃元謙之拒賊則為立義士傳屠戶巨  
必墳之事父則為作孝子傳里婦黃氏之事姑則為  
作孝婦傳且達諸邑父母旌之以扁夫其少而學將  
老而仕不久而歸其歸也猶然澹澹一矣素士其介  
如石遯世無悶豈人所及晚見諸子諸孫振振遊邑  
庠而其四子履重其五子履階全登庚午薦書其二  
子履禮登癸酉薦書猶於遠去之辰及瞿然聞今禮

卷之四

五七

以庚辰成進士階以丙戌成進士餘孫子未艾也豈  
楊伯起以清白名世如此而子孫奕世烜耀布列公  
輔如彼乃非天之以善人報施耶配王氏婦晉江王  
鎮之女歸吾宗時家窮菽粟給王婦以勤儉佐舍  
簪珥治絲枲茹辛攻苦息有無令庶得無內顧憂家  
人無間言舉丈夫子五舉女子三婚嫁之費皆出自  
經營婦人之德也亦若此已矣若有他美茲不具溢  
其享有福慶非偶也云云余於際熙為叔行愛最深  
於其葬也哀而銘之亡浮美銘曰維出不竟未大其

施惟施未溥更遠厥貽孫子繩社有表有箕二誰濟  
美為熊為鳳山之原韞德之基徵福之符百世其  
始

揮使唐泮濱暨恭人林氏墓誌銘

泉州衛指揮僉事唐泮濱公諱鉅字廷貴先世直隸  
六合人也始祖益以從 起惟甸勲得世官益子  
廣授平海衛廣子海調泉州衛是為公高祖海子勝  
為公曾祖勝子凱為公祖凱子睿為公父五世傳無  
旁支至泮濱始蕃衍泮濱生而穎異軀八尺以長雄

卷之四

五八

氣昂聲美鬚髯標望絕人懷奇負理不媿媿蕭蕭居  
人後有古名將之器以平世無它奮効年十六襲前  
職視泉州衛篆操屯捕局諸紛錯一時委積公抱功  
俯職超距蒙盾賁育之倫杖鋌錮而駭輜旆者抗手  
按節嘉靖壬午劇賊號九十三甚剽銳卒犯旂蠹邑  
聚披靡電駭鏖鞞公時督戎永春據堡阻猛拒之賊  
卒曲隊佯陳不敢肆陸梁時號唐公猛丁酉移愬小  
埕海寨寨多鉅鱗京魚警公至申涕令嚴烽候斥刀  
斗乃使夷獲之技水格鱗蠹薄索偵傾海波晏焉又

移視永寧衛篆月朔讀法以無事時講明 聖訓為  
教民即戎紀律部下有孝子順孫必致於庭禮待而  
厚遣之行伍無不感動其自處亦不以絀綉自安雅  
尚儒術博聞識日與邑文學才俊相上下譚吐事素

齋公孝其歿也哀毀骨立祭殮以禮有儒將風年踰

知命即勇退歸老林泉與朋舊倘狎杯酒間優游願

養二十餘載篤愛弟某為之卜宅治產飲食服用必

及無爾我也卒之日其弟哭之躃踊呼號若喪父然

友愛可知矣恭人林氏父為南安林勝十八歸于唐

卷之四

五九

事勇姑以孝固其常分至其營家贊躬績絰植桑麻  
息有無權子母通穀帛蓄財貨前此宮室田產未有  
豎立至恭人始拓迹創統有子四人各豐折著別業  
第有輪奐宅有果實六畜肥楮阡陌連登唐氏之寢  
昌則恭人之為也此豈一女誠中人哉五代時李嗣  
昭起戎馬佐唐控梁而夫人楊氏蓄積鉅萬嗣昭彌  
年用兵及至夾寨之困乃括夫人畜積佐軍需卒以  
滅梁史氏持表而章之以恭人之才不多讓也子某  
云云以萬曆二年閏十二月十四日葬于某余以姻

故為之銘銘曰唐自六合入泉有聞世德世祿有子  
有孫長山之下落其外而坎其中是為唐公恭人之  
墳內兮雙玉韜光外兮世胄列雲吁嗟兮百世之下  
有徵斯文

安溪林新溪暨孺人李氏墓誌銘

林新溪先生以嘉靖某年謝世孺人李氏後先生至  
萬曆四年始從九泉下方新溪之謝世也山寇張皇  
葬禮粗備誌銘以叙先系發幽光未及至孺人  
李氏之終仕光等追痛先德未揚乃一其表兄李君

卷之四

六十

瀾狀請銘於余按狀先生諱曰字文淵世居安溪  
山其後徙郡城西曾祖諱媽惠祖諱俊春父諱新  
俱雅遊以行義著於鄉先生舊家新溪之上學者  
為新溪先生資稟高明恭儉孝友天植其性警敏  
夙成方勝衣識見煉達即如老成人鄉之望者見而  
撫其頂曰是兒必抗林宗矣年十六以俊穎見器於  
主司補子弟負輒試異等督學邵公奇而廩之自是  
以文名讀書不屑屑於訓詁務得其精意教子必擇  
忠信純確明於經傳準繩約束者為之師日課藝

便罔夫馮居旁闢齋館雜植名花脩竹時使諸子賞  
玩以頤精神蓋先生所以學所以教惕焉循焉勉焉

悠焉皆可一詔後學而著於春秋世宗中興議大禮  
新一時庶政下詔增廣太學生員先生聞之作曰士

際昌明時可以自豪奮能徒鬱鬱處一方已乎遂挾  
英北上卒業成均未幾循次歸省壯志弗耐卒豈不

命耶孺人在家以孝友為父母鍾愛歸林氏林氏族  
大尊行不數同行不數平行亦不數孺人入門親疎

咸屬目贊賀相新溪三十年其相新溪也家事治家  
人宜內之舅姑享祀勤禮敬外之賓客于孫循禮教

近而減獲幹辦遠而出入盤費事得宜新溪所理孺  
人所助也其後新溪也攝家政而家事日昌教以

訓諸子諸孫或貢或廩或在庠其外孫鄉舉其餘桂  
蘭燁燁競芳馨未艾新溪所遺是孺人之所成也新

溪以乾道始孺人以坤道終云云是宜述以銘銘曰  
維林維李安溪世華天作之合李氏有子林氏有女

乾其始耶坤其終耶奕於時若火在原炎炎其燁燁  
於餘若蘭有茁秩秩其芽九安山之原過者日見其

於餘若蘭有茁秩秩其芽九安山之原過者日見其

卷之四

六一

輝煌薄暮霞動昏鴉

仲弟廷璉暨弟婦黃氏墓誌銘

仲弟廷璉之疾革也余執手與之訣嗷嗷不自勝曰  
天乎余與汝同學業而汝當厄余稀年相從而汝先  
逝數亦何酷璉曰不怨天不尤人吾無悔於我不援  
上不援下吾無求於人厄也命矣夫夫亡之命矣夫嗟  
乎怨尤之不知而遯世無悶貞之至也上下無求可  
不謂剛乎葬之日余乃與諸親友題其墓曰貞剛先  
生夫易名亦猶古之道也子宇容泣請余銘嗟余

卷之四

又六一

胡忍為吾弟銘然而仲弟賢者也宜有名於世而名  
為造物者厄微一言以表幽貞懸藁干鏤終沉沒泥  
沙乎則余滋慟余胡忍不為弟銘念吾先人感德弗  
當世厄舊矣我先府君以始祖銀青公十九世孫居  
錦田有子四長為余次即璉商器其諱廷璉其字別  
號錦里先府君待我祖智電山公家學電山以鄉進  
士諭高安為督學印一泉公愛重手書大披會狀一  
兀字遺之入試春官既繳羽恥就縣職請致而歸此  
為造物厄一及先府君以邑青衿領袖廩費官辛卯

已及貢試弗利即余幸附鄉榜垂弟璉亦以儒應試

而先府君強年飄然謝業高隱此為造物厄二廷璉  
博通五經於易尤邃旁及十九史諸子簡編靡不淹  
貫為文如懸河東注幽蘭莊芳潘公樸溪江公午坡  
田公豫陽絕器異皆拔置第一當辛卯南安應試儒  
僅一人為廷璉南安儒之有應試自璉始江公廩之  
庫甲午場中題名已登画一矣適當事者持館賓舒  
難者卷至爭之急遂為所奪而弟僅獲獎此為造物  
厄三庚戌余博一第廷璉益工學業耻伺候門干請

卷之四

六二

歷文宗使者輒置高等場中屢獎弗偶甲子歲已當  
貴尚以優最入試而貢例反為班俊黃姓者刺奪璉  
第竟以命數自安不爭辨丁卯試弗利引身告休蔡  
文宗撤留不就遙授以閩學訓不受此為造物厄四  
正平自負貞高有弗事非君弗友諸侯之介瑣祿  
利視若芥物謂數奇屢蹶此天之厄我既罔有大建  
白當世則已耳安能復悅首浮沉鳥雀間為五斗折  
腰當余守銓時璉弟素藉声庠序每以德望見推獎  
有司多愛重而弟璉半度儼然巖、山立非公事不



造跡憲廵育吾萬公余年友轄泉數年以世誼雅愛  
理自衆見外無私謁公聞璉弟精星平至遺術士何  
武生以星學通慤勤邀致卒辭不濡躡見人之善如  
琴瑟在御其遇不肖嫉若烏喙不厲声色而見者知  
不可犯其貞剛類如此痛惟我祖積善困學而來子  
姓奮於詩書者幾百其人伸而厄之而伸即余幸從  
大夫後亦以貞孤故不能附離荆棘噉噉挂冠歸田  
與弟璉及蘆與球也徜徉木石之間而三弟皆倏為  
過去璉又以教育為天厄抱鬱蓋棺諸不理於黨評

卷之四

六二

者其後卒享天助乃弟璉獨遭困畜范滂有言吾欲  
使汝為惡則惡不可為欲使汝為善則我不為惡不  
知天之陶鑄分與何如耶抑德不當世將必有達者  
于厥後而未發耶嗟之者天余胡忍不為吾弟銘第  
婦黃氏海門學教諭黃金綬之女黃於先府君為金  
石友年十七歸吾家德方而順精而勤事先府君先  
安人府君方嚴能委曲承歡妯娌四皆能和樂相耽  
宜以順吾二親未嘗有間言遺吾鴈行憂仲第一意  
學業不問家而黃婦能為無以拓資產余四且弟

者折著同一第田画而居至今小大靡噴：余處分  
為是弟璉未嘗以為非余指画諸宅兆弟璉未嘗不  
以為是余為弟卜英山藏即有頌言弟璉竟弗改其  
画是其肝膈與我同則黃婦內助之德其有為廷璉  
生於正德壬申六月十一日辰時卒於萬曆辛巳八  
月初五日巳時享年七十黃氏生於正德甲戌二月  
廿六日丑時卒於萬曆乙亥六月廿五日巳時享年  
六十有二子一宇容府庠生娶陽湖楊廷實女女一  
適府廬主陳敦升先弟卒孫男二長國俊娶蔡未進

卷之四

六三

士授行人司行人林寅賓女次國璉聘庠生洪其猷  
女孫女二長許長沙府知府許自新男爾璉子應曙  
次許鄉進士韋國賢子嘉余未艾以癸未臘月二十  
日葬于南安三十二都上英山之原坐壬向丙夫惟  
吾弟知我亦惟我知吾弟於是乎銘之曰  
維子波臣東海兮將翼搏于北溟維子志凌華岳  
兮將翺翔乎泰清揮千軍於筆陣兮一狐橫梗蓋  
倍從於莢稗兮五柳爭榮九經盈笥兮鐘采上英  
雙燕飛語兮嚙相佳城真無已太醉兮桂蘭尚

祭大宗伯歐陽南野公文

嗚呼賢才之生闕乎氣運宋之盛也重熙累洽至于  
慶曆廬陵有歐陽永叔出焉明之盛也重熙累洽至  
于今日廬陵有老先生出焉觀乎一門卜乎天下夫  
其忠誠貫於金石學術富乎古今議論足以定國是  
政事足以裨皇猷此先生之所同於永叔至其發天  
理之真以求人心之是聞聖教之微以振俗學之衰  
不知永叔之視先生何如也某輩辱在函丈蓋非一

卷之四

六四

日於先生之威德懿行莫能形容其毫末然見其氣  
和而莊辭溫而確啓我後學則以作聖為期論及時  
事則以負國為愧寸心炯炯將謂蒼生有福後學有  
造光休命於皋夔振大雅於伊洛詎謂止是嗚呼生  
負天下之望沒闕天下之威某輩有慟豈獨以其愛  
私

祭况年伯文

公發科壬午試政僊居賢聲上聞擢守連墟牛刀之  
割五年有餘善政滋多不可悉舉吾輩不復見公狀

貌矣幸獲見公之子奇乎其氣廓如有容朴乎其貌  
輝如有章儉乎其節卓如其不可羈苟無君子斯焉  
取斯聞先生之居鄉居官也剛於立身古之遺直廉  
於居官古之遺節惠於治民古之遺愛觀先生之有  
子信吾聞之皆然嗚呼前之庚戌公父開先今之庚  
戌公子象賢先生雖位弗滿德壽匪著年而無憂之  
福芳華之聯所所燎燭孰如公鍾美於蒼蒼之天

祭少保張龍湖文

嗟嗟彼蒼數何酷耶嗟嗟夫子往何速耶九士所貴

卷之四

六四

身名俱全寸長尺短物理常然惟若夫子百備靡慙  
初發禮闈天下子先職司翰苑群公曰賢雋雅節  
侃侃正言擢華發藻燦如霞炯探微鉤隱奧若河淵  
擢居坊局補衮細旃往諭交趾尺一旬宣乃登少宰  
兼司翰苑之權乃登冢宰以統留都之官 帝曰予  
究乃勞汝遂予輔位之東閣以貳天樞加之官保以  
彰恩殊蓋八轉乎要職皆不出乎皇都想風采之矜  
矜見訐謔之瞿瞿至論其望式和王藻鏡青錢四主  
衡棘得士維千門墻桃李斯又古人所鮮凡我小子

亦與甄收之末造傍函丈之後挺嘗辱教誨見其剴  
諛質實如秋之霜如夏之日常恐直道難容高明取  
疾而終始寡尤家邦罔窒君子有所畏而成身小人  
有所畏而遠慝故仕宦三十載私不染於里評公不  
傷於譴責雖 聖明之保佑亦公德之靡忒嗚呼衆  
萬之生同歸一盡身名之全則又何期而某輩又戚  
戚然者蓋傷天下之不幸而悼吾輩之無師

祭同年蔡蕪峯文

嗚呼蕪峯執行不止孰生不死行自有分胡恤萬里

卷之四

六五

生自有分胡計皓齒拂簾拂墻花墜之理或赤或白  
廉壽之紀勿穆推遷同歸一軌嗚呼蕪峯孰有如子  
天植敦素內藏文綺異於世人王表石裏芙蓉秋色  
恨非桃李初判于廣方維其始繼判于台將振其地  
將振其地反罹其毀計君之仕如花方蓋計君之年  
如月方瀾并調南中一眠不起嗚呼天台仙路胡麻  
見挑蒼梧帝墳黃陵告兆而公未望蒼野之雲已離  
赤城之標咫尺風雷瞻依日月獨立烟霞之縹緲想  
公葵藿之心是惟在易蕘之表羨公桂蘭之芬且宜

有箕裘之紹

祭衛淦川侍郎文

中原正氣磅礴南陽方城為城淦水為隍清秀所鍾  
挺生賢良有赫衛公天植其芳天植其芳學成其章  
一舉殊科遂試武昌再居諫垣四長藩方進之太僕  
進之太常帝念邦刑擢公侍郎公亦知足因災告歲  
昔在 武廟江彬煽映乘輿日南朝野蒼皇公處其  
愚身計不遑捧疏而跪不震不眚繼遠 明聖國運  
休昌庶政承平或弛不揚公處其智經理有方邊歷

卷之四

又六五

中外有弛有張嗚呼南陽多士自古以然以公盛德  
孰能為前有張衡之博學不以術數而偏有朱穆之  
貞孤不以匪人而愆直如韓歆而智則過才如左雄  
而行更淵古人如或可作遺芳固亦難專某輩與公  
之子忝為同年見公之子想公之賢雖容貌之未接  
信儀刑之可傳所願菊潭留聲崆峒珍玄庶有事於  
河洛得領公教詎免優之一化而大雅遂湮

祭新泉童揮使文

嗚呼新泉天地有正氣鐘為男兒一氣浩然為忠為

烈適其有變吹風怒震亂雲泣雪晦冥兩間神鬼駭  
慄萬物遇之隨手摧折至其餘輝譬如既霽景霄瑩  
察天地賴以不墜日月賴以無蝕嗚呼新泉平生孝  
友忠義奮發倭賊煽禍萬民暴骨惟公受命不震不  
忽思嚴並立以率士卒分道進戰賊幾敗屛援師不  
繼公力遂竭殞身陣前怒氣冲髮至今誦公遺事猶  
昭昭乎日月自有倭寇塗炭吳越當我諸臣或以釁  
端坐受斧鉞古人擇死先軫先胄於赤狄來濟投身  
於突厥蓋寧血膏乎草野聲名猶不至於有闕新泉  
雖死其亦足以不沒予獨悲厲血化螢亂魂棲埽草  
色短兮烟青霧光冷兮冰滑更千秋而萬歲兮誰識  
公魂於荒野與斷碣

祭王太夫人李氏文

惟靈李樹兆跡瑤池垂精德與性植福與壽并生篤  
慶於家邦沒耀魄於辰星元婦人功業豈在身為篤  
生哲人其及無涯譬如喬嶽大川雖不見其轉移而  
吹風流雲騰雲行兩百物膏潤孰非其施赫惟遵岩  
早歲名馳仲氏東臺和墳以麓二公英邁放為文辭

卷之四

六六

大孫錫錦天馬脫羈炳炳烺烺為國瓊琚二公著績  
表表特奇即事事治即民民思軒昂崢嶸為國棟樑  
稽二公之事業皆慈訓之所詒况其諸子諸孫方進  
未艾者尤振振乎其不可期嗚呼東海若木已長出  
輪之枝西極老人將行百歲之籌孰謂奄忽世事如  
秋某等與令子遊義屬通家情以世網傷一往之不  
返薄陳辭以薦羞

祭李安人葉氏文

嗟惟安人質賦清泚心秉柔微葉蓋名門安人所育  
李亦名門安人所歸方其桃之夭李之穠也相夫而  
夫貴祈子而男育朱紱來於及笄前星耀於弓鞞其  
福之并集也如此及其籍氏士版荷寵 朝章人謂  
其與夫偕榮百年其宜詎意不測災生見子之甬不  
見其秀見夫之貴不享其成不遵崇疾萬里歸視其  
福之并集也如此嗚呼福也何由寧非命耶禍也何  
由寧非命耶命也則然人又何悲予輩獨慙夫安人  
之禍發於孝慈禍之始也以子之殤哭子之慟禍之  
成也以姑之歸念姑之勤惟二念之并集竟一往而

卷之四

六七

莫追

祭家宰唐太夫人文

祭封一品唐太夫人鄭氏曰蘭陰之秀鐘于唐卓  
生夫人于此鳳銜維此夫人克篤其行詩書世澤科  
甲家望不驕門世允踰婦常家事方窘弗愛穠莊姑  
病方寢弗交睫睚予相夫治予執姑喪予雁夫感夙  
夜惟皇既孝且敬以履天祥篤生賢子委蛇廟廊文  
摠百辟武靖三疆載生賢孫進薄馬揚士中冠冕天  
上仙郎凡諸孫子既多且良凡諸孫子載錫未央一

卷之四

六八

品之秩 帝然弗忘九十之壽天眷方將嗚呼金華  
間氣百年一揚若宗留守誰嗣其芳若陳同甫誰追  
其躋夫人有之萃于一堂匪唐之榮維國之光嗚呼  
兒孫之忠兒孫之孝兒孫之孝夫人之慈于國赫赫  
夫人所貽天亦福只人亦仰只縉紳楷範鄉邦典彝  
忽不憖遺吾輩且悼內教之無師豈獨惟世誼是悲

祭周太夫人文

嗚呼世有慈母始有賢子其教既成則命之仕東西  
南北惟天子使四牡之役不遑北山之勞無已子

予恨母尸饗母兮嗟子無棄至於夢斷南北恨遺生  
死吾意京國人士榮宦故里母子依依不出都鄙生  
兮子依死兮子視生者死者耦俱無訾咎意夫人恨  
遺沒齒子使河南丕宣 帝旨北風蕭蕭一眠不起  
誰啓手足誰齊衣履痛之何三慄矣孰擬嗚呼子之  
未仕維母之身子之既仕為君之臣既仕於國不有  
於親自古以然亦何足輦况中槐君才高於儔類而  
行出乎古人往擢鄉闈義經絕倫繼登春榜奉命紫  
宸學博而奇行端而淳維母之教維母之仁百年之

卷之四

六九

訣母有遺暝百年之名母有遺聞某等情屬年誼分  
聯縉紳有感伊戚而薦以文

刻泉麗傳錦泉先生文集卷之五

延陵多秀士。茲邑亦其墟。地向江波起。人疑季札餘。  
山川迎日麗。桃李紫風舒。教化得吾子。蘇湖應可知。

送林子之南海黃鼎

莫厭南州尉。看君揔為貧。業儒家世舊。防海旌旗新。  
守廓天誣水。煙青與鄰揚。帆破粵浪自。此靜無驚。

庚申燕邸候補越年

萬里懋余駕。蕭然寒與盟。哀榮靡定。松柏性惟貞。  
天道富能賭。世情貧自輕。窮年吐藻繪。不憚一蛙鳴。

又

朝天耻北闕。玉女不吾携。夢繞寒雲外。徘徊落日西。  
生涯老歲月。食性甘鹽齏。何得如桃李。無言成徑蹊。

又

高舉八千路。雲霄訪舊居。積新羨後至。認庶夢前虛。  
咫尺天門遠。二三世態疎。關西聞伯起。貧也常晏如。

元正對客

上月凍冰解。中天華色開。雲光翻樹影。鶯語雜山埃。  
席似竹林會。人疑園綺來。據床聽錦瑟。遐想鳳凰臺。

春日懷舊遊

卷之五

遨遊憶暮景。耆舊各分風。車馬雖遺跡。聲容半屬空。  
水浮清勝遠。鴻怨羈途窮。世事春波泛。徘徊四顧中。

春日登樓遠眺

野眺春思永。柔枝含綠縈。華光初啓曙。鶯鶯怨忽流。聲  
繚繞萬家井。縱橫八景情。登望欲鶴嘯。耿耿愧嬰鳴。

又

樓下春風起。四望到處浮。斷崖分勝氣。高嶺簸天遊。  
花草看新雉。雲煙籠素蚪。試聽天遠雁。畫畫過前丘。

又

登高聊一望。春色幾芳菲。野氣浮仙掖。天文涵紫微。  
鶯遷繁巧態。日出燠新暉。誰忍孤遊客。曠念自依依。

春遊

我築傳巖下。深藏布褐身。倏然玄運轉。不覺歲華新。  
室裏掃愁網。梅梢彈指神。撫心灰默默。差次後先塵。

又

行行天路霽。寒意轉成春。雲外水寰濶。風前野氣新。  
當年來往跡。昔日詩書塵。更賞東山月。殷勤駕一真。

又

卷之五

陽暉春樹綠。到處各依依。月影山涵盡。水流雲引飛。  
行間元自得。天際看孤暉。謾作反騷賦。芳菲芳路歸。

又

隱几讀書史。春芳相映深。素雲長掛鬢。飛鳥各知音。  
身外多遺恨。鍊中成變金。空留愛日意。畢我白頭吟。

又

高羈山海跡。憑堞四望通。景引日天月。歌披春水風。  
艱難話稼穡。去住任西東。更悟真空訣。不須寶座中。

又

試論園圃興。踏踏各成歌。雲蕩碧孤影。水搖綠漾波。  
風吹律應黍。電過珠翻荷。物數由來定。天倪是錘和。

又

春風吹雨夜。翳翳高樓陰。忙裏傷十變。靜中托寸心。  
山川憶舊跡。絲竹聽新音。東北青天望。白頭月下吟。

又

山中風景清。到處新鶯鳴。泛泛戶庭趣。喧喧絲竹聲。  
高連金粟杳。奇接鹿僊坪。吾欲通玄理。遙尋塵外盟。

又

卷之五

未賈乘桴勇。悠悠花草間。功名與日卷。農圃對風閑。  
瀛渚白雲遠。泉源綠竹斑。從茲揮手去。烟景誰追攀。

又

金洞隱淨域。仲春常迫寒。生涯采蕨易。迷路出花難。  
江靜日初就。雲歸龍已磻。更悲淒切處。萬里見長安。

又

春霖憑高檻。夕陽倚樹斜。幽情小澗芳。勝對雲謔。  
野色生空谷。燈花落片霞。與中言不盡。夢寐自成家。

又

冥想白雲外，春風同一襟。氣連星極曙，聲厲天和深。  
已住明時願，猶懷愛日心。楚騷不忍賦，山郭聞禪音。

又

高閣清溪邊，抱芳一味玄。山容花借影，風響鶯調弦。  
幾處陽春曲，欲揮碧玉緣。自憐筆夢斷，空闕小娟娟。

又

岡頭鳳一毛，今日在蓬蒿。春草迎衣袖，晴花映佩條。  
孤雲愁自遠，流水意更騷。向晚登望處，風烟萬里高。

又

卷之五

五

默然無所為，春色相追隨。花柳開帷幙，烟雲作指麾。  
夢中如有約，心裏更無私。耿耿芳遊意，天涯語燕知。

夏賞

雲山新瀉暑，焦沸起炎暉。新景天來逼，流風火掛飛。  
荒村謬評錦，浴地羞稱沂。隨意春餘燼，王孫草色菲。

又

衰年杜障業，沉默忘機心。豈不哀其如，還舊林。  
天中涵遠意，天外散幽襟。空惜荷花彩，隨風向日森。

又

海天去已遠，居復海方南。萬水東歸盡，四陽壯氣酣。  
薰芳蕩橘柚，華艷渙纓簪。潮漲會宗念，時應折北瞻。

又

自憐不得志，出入水雲間。風景似相約，相約相共一閑。  
江山几座伴，花柳簾帷班。萬里天中意，戀戀心所攀。

又

自厭炎蒸氣，高樓憑扇風。青岑抱水綠，喬木掛霞紅。  
禪持三摩戒，心舍一寸空。從茲清類處，塵蹤四望中。

又

卷之六

六

暑色延幽徑，層巒起正臺。行雲朝解霧，飛雨暮吹埃。  
劍落南津近，夢翔北極迴。傳聞宋玉賦，何必空中煨。

又

削跡避暑地，都無人世喧。氣濂曾作雨，地僻別成村。  
水木涵清景，漁樵寫寓言。山翁莫道老，忍負炎曦恩。

又

平皋逼暑威，徙倚欲何依。竹動翠荷披，水上暉。  
景排天外盡，心寄風前歸。相顧無相識，放歌採采薇。

又



炎光烘萬里風發微薰消朱實似披錦艷花疑列朝  
壯心時折葵忘味欣聞韶妃子何須笑紅塵處處置

又

時物兩餘變盈盈川谷新榴花沉春色笙筍起朝筠  
偶此賞心路渾忘機巧神不空杯酒興獨葆天倪真

又

壯志與時盡謀身半未安春歸田祿熾暑威祝融殘  
燎日風颺爍連雲莎蒿乾試觀鵬鵬賦天外顰眉看

又

卷之五

七

寂寞蒨荆扉青嶂隱夕暉解風如有約湧月欲誰歸  
門外當遊席熱中引綵衣若逢舊伴識笑指釣魚磯

詠荔

吾愛嶺南珍扶蘇繞四鄰色香奪菖射翠老比松椿  
羨釀上池醴膚疑玉液津不知妃子笑幾種颺紅塵

秋興

木落滄波動微茫野氣凉烟浮  
王  
暑風發自吟商  
流水潮頭轉白雲天際翔冀方予日望歸鴈引愁腸

又

草閣倚山顛清秋縈晚烟華  
通一視牛斗掛孤筵  
散髮衝風戲冥心對月眠因知高世士頭上惟天懸

又

欲學竹林賢洒心泉水前桂蘭芳不盡風月來無邊  
南矣憐吾跡蕭然草有玄此情何處道夜夜憂青蓮

又

草閣明秋月玄華浮碧雲星河天外出熒越樹移分  
地靜無僂影景清多顯曛灰心何處托惟有韶聲聞

又

卷之五

八

涼氣草亭多王孫此日過出門當旅路行色引烟波  
綠樹悲風動青雲羨鳥歌聖朝無棄物吾老空婁娑

又

歸來秋興動倚杖閱僮耕露白傾真醴菊黃冷落英  
那堪鳴鴈侶更續絃歌聲去去雖行樂無能負此生

又

遊旅山中去秋風似送行偏餘  
影獨自起新情  
興動花閨潤興殘月貫平倦時憑一几夢覺釣天榮

又

天高涼氣多秋色滿江河  
蘭蘭方將舞蕭蕭忽起歌  
身餘看有幾意動遊無何  
誰把此中景逍遙春夢婆

又

蒼翠空山路晚來曇氣幽  
秋光豪遠意明月伴清遊  
芳會金花徑長歌蘭槳舟  
側聽款乃唱第一此中洲

又

山中卧一丘蕭瑟寡同遊  
琴撫雉飛操窓聽鷄語調  
雉飛憐舊跡鷄語益新愁  
天上視明月悽涼萬里浮

又

卷之五

九

清源圖畫裏平豎畫成秋  
錦水我家宅龍江獨步丘  
浮雲海色歛碧磊天心幽  
曾想龍門會雄豪一嘆收

又

紫帽秋江月青霄無片雲  
登樓四野望空憶范希文  
天引先憂念人開後樂薰  
夢中栩栩遠楓葉落紛紛

冬懷

濱江不繫舟汜汜繞泉丘  
浮世幾多變吾生惟一憂  
雲寒北嶺閣日入虞淵幽  
自嘆倚天末蓬蒿湖海遊

又

萬里江湖望皓然霜雪游  
風高木似怒雲急水疑浮  
五嶺女分野三山海島州  
此心隨所適直到天涯休

又

清時誰著先獨抱寒芳眠  
雲從物無意水浮天似懸  
汗編歸六一色界瀾三千  
若有高人會齋心莫逆傳

又

天際青雲客寒山抱日歸  
故園人接踵平野鳥孤飛  
霧暗錦川色波淘黃石磯  
凌霄如可問飽食何時肥

又

卷之五

十

紅葉風前望塵紛天際飛  
不知人萬里惟見鳧雙歸  
故跡連芳草錦江一白衣  
縱懷報國意對日徒依依

又

黯然默抱悲落日寒風時  
身外浮雲變心中忘物羈  
馳馳三島望赫赫八神知  
無異登玄圃飄飄自得師

又

高歌歸去辭蕭爾仰陶公  
五柳門前月孤桐雪裏風  
江山回指盡松竹黯塵蒙  
此際拂衣袂遲遲步蒼嵩

又

留連烟水潤世事任浮沉月色通仙掖風聲彈劍鐔  
艱難勵壯節淡泊養真心對景無多事興來惟撫琴

又  
歲暮啓天關歌聲白雪閑五經萬里外百舌三更間  
地僻無朋侶林深有草管不知濱海意戴日時來還

又  
山居倦世態緬想欲登瀛始探蓬壺妙旋知天地輕  
風回物籟亦雲淡芳情平自嘆茫茫裏神遊惟一清

卷之五

十一

白雲臨去路新想合新悲涼月寫清意殘陽惜舊奇  
江山思窈冥賈董魂流離欲折寒馨薦明神詎得知

又  
惆悵朝雲地行行一徑通已停青瑣思試望紫山風  
京洛潮橫外巢由花藏中自慚憔悴後到處惟譚空

又  
南中山水地半為趣懷開風落寒聲斷月明蟬語來  
斗牛劔氣路把梓楚方材天緯不窮意條從素菴回

林居窮歲夢籟語憶京華雪看今冬夜梅思舊日花  
老農戀聖節晚景迫天涯蒼翠茫茫裏東望瞻北極斜

又  
試觀白雪興因起愛梅心野曠霜華入日臨霓彩森  
含章飄下影綺里煮中金維是春來兆更愁華髮侵

又  
五嶺南來遠况居五嶺南江流天地迥山勢風雲驟  
道味歸滄溟真源自斗參然登欲作賦一醉寒更耐

卷之五

十二

日霽幽深處門堵不蔽風雪山如有待花柳半成空  
白雪悠悠調寒梅處處紅遠懷千萬里歲晚滄流東

又  
莫怨羈孤愁風光動滿樓從來吟咏發更勝管絃浮  
天靜雪霜路月明江海流悠悠懷不盡懷惋望中立

又  
歲華看已晚原野散冬暉萬木忙歸路餘生觀化機  
塵心付一照愁意常多噫業作百年障蒼翠徒依依

不繫天中情坐看物累輕風霜一片影應承兩扶持行  
黃石垂攷畧見醜化雨聲東溪總問月垂老何須繫

又

寒梅寒裏忙笑日向東粧六出先春噴一枝魁衆芳  
風雲早醜醜蘭桂嗣薰香惆悵洛陽錦飛花何處揚

又

閑中寸日愛灯影更相親落木烏啼亂空山鹿夢頻  
步塵天寄跡覽勝道誣真抱趣寒威逼羈情俯白蘋

又

卷之五

十三

南中冬晴路乘月傍山行縱是逢佳景那能寬老情  
松聲韻絕嶺燈影搖孤城不作干時計何由說姓名

植庭桂

為問山中桂歲寒更若何月輪搖翠蓋天際挺芳柯  
色比槐庭媚香如梅徑多數株階下樹對酒紅顏醅

葺啟廬

王叔執周政華門吾自安鵲風穴壁入鱗雨穿梁彈  
曾見構堂易今知綢繆難故人数仍上呼我是稗官

七言律詩

春日望春宮應制

春入宸郊寒改盟離宮景色四垂生樹從雨後青青  
出花列仗前象褭縈行問番夫數不億笑看仙女樂  
初成微臣幸際芳菲運翹首薰風眼向明

興慶池應制

昆明池沼觀神功十里和光更受風河漢分流浮日  
表樓臺寫影滿寰中淵深百尺鼉鼉折勢入五雲淨  
藻紅聖主思深遠有度微臣奏頌愧揚雄

卷之五

十四

立春遊苑迎春應制

候臺吹律破寒灰春溢人間浮酒杯王宇高傍日月  
煖上林新鳴地天開風光漏洩先占柳野豔橫分不  
數梅勝景何妨綠仗轉威儀喜見漢官來

香山寺應制

剎相誇綠與繡飛翔體勢若為雲樓臺倚薄青霄  
近鍾鼓高標紫極聞路入蓬萊金障度鏡開蘭若塵  
沙分雄才猶惜漢天子樂地何須遠渡汾

嵩山石淙應制

崇巒回薄翠波紆宮殿增壑盤此隅物外真遊被王  
几人間勝事排金爐日光天語瞻雙喜水色冰心駢  
一壺曾道太平胸有象山川千士襲宏圖

揚州進白兔上聖壽

淮海賀童奏九重一雙瑤兔祝華封水精陶鑄清淨  
骨月姊浩涵魄借容天上神丹看已擣人間玉瑞歡  
句逢霄肝有傲猶如昔望極虞淵四外烽

又

皓質理姿來自江長開壽域鏡神邦靈通月窟開三

卷之五

十五

穴景落桂宮成一雙四海同書歸管子中原拔穎看  
嘉幢堯天極首人渾醉葦鼓放聲轉辭

遊鯉湖仙宮紀跡

靈岩縹緲窮幽玄俯隔塵沙路似千戶牖高懸日月  
上禽魚馴集湖山偏金丹玉漿漫無跡流水落花別  
有天因問黃梁炊爨頃吾鞭孰與祖生先

又

烟雨沆濛古殿陰一燈明滅翠光沉清都杳杳鈞天  
夢方丈懸懸化極心萬里功勳生枕席百年懷抱意

衣襟此身自惜悔無著起坐聊為梁甫吟

壽李石麓椿萱

第一仙郎舞袖張金章焜耀髮華黃瑤池西上觴王  
母函谷東開迎伯陽昔道夢中聞鼓角今同老裏拜  
君皇愚生抗祝南山壽八百春秋從老彭

遙壽蔡可泉太夫人

王母行籌蓬島間春風拜舞五雲端珮聲杳眇鳳毛  
在舞袖翩跹鶴影盤楷範百年瞻嶙峋精心一斤憶  
熊九樽前三復馮勤傳遙瞰倚門心未寬

卷之五

十六

送鄭篁溪督學江西

赫赫泉阿閃豫章斗牛之際露精芒石為磨礪不為  
浮霜借嚴稜日借光北顧已曾避象虎南驅應是起  
龍風旖霄燦氣擬人骨刷掃詖淫承聖皇

送方存吾之柳州永興

湖海聲名二十年塵沙吹髮欲蒼然仙鳧初度衡陽  
嶺秋水應浮橋井烟半世功勳鑄粵鼓百蠻風俗播  
位絃愧予無策驂行旆惟祝祖生快着鞭

送吳自湖守揚州

維揚寥廓盡江皋君去盛年試割刀司寇扶宗燕受  
玦長天秋水欲爭豪無雙亭樹迎車至九萬里風看  
鶴高二十四橋人望處誦聲應可繼謳騷

送林少雲僉廣東海北道

壯懷矍鑠據征鞍銅柱銘勳意未闌萬里問津通海  
角一車甘雨起秋寒天容海色和相入漢語蠻音靜  
不謹更值明珠田浦日隨光焯燦炫奇觀

贈同年麻養靜令杞縣

吾兄意氣吞洪流磅礴中原百二州郎宿昨宵辭紫

卷之五

十七

極華輿此日向雍立祖生祠下丹青舊夏禹墓前蘆  
荻秋君去應饒懷古思水心似月掛東樓

贈林雙臺督學湖廣

濂溪溪上荷花香君去荷香若為長清賞如今屬夫  
子計程何日到衡陽長空宿雨月初霽碧水漾波風  
正光極目川原同一色蘇湖象景滿瀟湘

贈溫省吾之徐聞

南去徐聞萬重山孤城縹緲蒼波間地隣蛟宇長疑  
夏色雜黎居半是蠻漢村威傳銅鼓豎萊公名寄竹

浪班誰知氛靄漸消日木鐸一聲鬯海寰

贈李后齋之博白

黃綬分符出上都秋風八月下蒼梧九疑北首天何  
遠匹馬萬蹤興不孤郎位列星瞻百里雲間飛鳥落  
雙鳧此行豈為丹砂藥直憫蒼生播令圖

贈唐小漁給假葬漁石公

獨獻萬言動紫宸青袍荷寵及先臣玉堂舊骨息新  
向衣鉢遺經跨後身衡部事功烜日月永康學術貫  
天人秋風分手悲歡併遙寄寸情到澱濱

卷之五

十八

贈通府張谷泉入覲

一望溪山訣別中雲遼萬里惜匆匆由來家世玉堂  
後若論逸才馬顛空墟落耕桑占愷悌行裝琴寫看  
豪雄羨君此去日邊近搔首春風顏自紅

贈朱肖簡四川僉憲

樽酒相逢意未窮離亭行色更匆匆却看燕蜀幾千  
里不似朱陳共一風萬丈天梯懸日月兩涯劔水瀉  
玲瓏王尊許國何愁險匹馬蕭蕭出棧中

贈蔡梅臯之南都

瑞氣金陵爵不消神功猶可問漁樵山環吳會青  
出水引長江濟濟朝文獻亡勞訪秘室威儀復得觀  
官僚壯懷此去更悠廓南狂橫涵吞賈晁

况丹湖貴陽提學

莫於天末惜離群歌雅吹聲見國聞奎宿昨臨午夜  
動春風直到百蠻分大馴雪裏無驚態豹變霧中多  
蔚文漢吏任延今慣見南中何處更揚氛

寄江雲石二首

逐客飄然剖珉分崑崗嘆惜玉俱焚江湖生業隱高  
卷之五 十九

處琴酒流風失舊群萬里重霄春縹緲千方跋路  
氤氳烏鳥一曲堪腸斷天祿何時君子雲

又

憐君萬里豫章歸遙憶燕臺情更悲海內弟兄逢有  
數天涯風雨來無期麻姑洞裏論山勝盱水江頭理  
釣絲欲候起居杳信息東臯楊柳帶新吹

題張月洲朋紫樓二首

勝跡何須塵外求市廛不覺層樓幽水浮天際如千  
尺山引江南第一丘日月吐吞同笑話烟雲來往對

冥搜高人未許登臨數目極長安轉百愁

又

君築高樓五架餘生涯藜藿典圖書曲蘗積意歸毛  
穎豪逸披章凌子虜野色背城迷去路春聲隔水起  
弁鸞青青惟有孤峯在坐對吾廬意不踈

積雨哀王燦

身世蕭條吊古悲淒風吹雨黃昏時西京烽火詎堪  
說南國湖山未有期積水平原看浩浩漏光夕照轉  
遲遲登樓欲賦愁添長不覺片雲暗入詩

卷之五

覽仙遊諸宗懷古

二十

喬木相誇奇與蒼羅峯深處舊家鄉尾箕列宿歸天  
上花萼餘輝半水陽兩地山川嗟濶別一根瓜葛惜  
芬芳春風惆悵千年業黃鳥嚶聲鬧白楊

示諸姪

吾宗淳朴由來傳一部詩書十畝田家慶積餘宜有  
後流風如此豈無賢三視影動尚留月五柳氣浮欲  
上烟若憶龍圖應好念殷勤為誦高山篇

登萬松閣

萬峯聳翠倚雲霞  
龍鳳飛翔作帝家  
玉輦亡後歸汗  
土錦帆應是到天涯  
六陵事業沉流水  
一代文謨空  
落花猶有長松傳  
慘恨不禁秋色盤昏鴉

直沽阻水

浩蕩橫流一葉舟  
菰蒲何處覓芳洲  
滄溟會合雲遠  
杳村落涵吞世界  
浮慚我已非  
援溺手觀時誰為濟  
川謀夕陽縹緲西風急  
湖海孤臣萬里愁

楊村阻風

淒颯蕭索半成秋  
一棹猶萬里流  
歲月不禁悲老

卷之五

廿一

大江山何意苦濼留  
玄際海開蜃宇白浪粘天起  
玉樓安得乘槎興  
未盡馭風直逼星河遊

月食中秋

萬里涼風秋正中  
冥氛藹氣貫天宮  
四旁光射地遮  
畫一鑑水懸蟾食  
空奏鼓不妨闕里脩刑  
幾處覓豺能至尊屬是  
憂戎日海寓何時奏定功

惜時

江水無情日夜流  
百年身世一孤舟  
朱顏倏似驚風  
度白髮勝於野草  
稠新息事功嗟已晚  
永康學術愧

難酌憑君欲話前賢  
市廬荻蕭蕭起暮愁

桃花口水次獲雉

野水漾光浮霧端  
春風暫與寄江干  
百年際會開離  
象一片飛旌引雉  
盤華羽垂榮  
雉色絢紅顏掩映夕  
陽丹顧余無足瑞  
當世何物文明得借看

又

吾身涉世一舟輕  
文鳥何祥伴此行  
在旅不須費  
矢如臯豈為賈才名  
鼎中高食勤三施  
堂下彩紋觀  
九成莫怨德哀空  
自殆棄年猶識翔時情

卷之五

廿一

秋日聞警報新設督撫四首

八月秋風下九垓  
飛聲蕭瑟送悲哀  
鯨鯢吹浪欲沉  
日觸腰卧沙半縵  
苔舟楫寧辭湖海  
濶龍阿曾應斗  
牛間如今明主憂  
尚切寄語諸公心  
自摧

二

孤城海上倚雲間  
半屬滄波半屬山  
貧薄何堪言樂  
國旌旗空復借高  
班層峯落木塵沙  
粟滿渚哀荷野  
水灣為是平居多  
感慨不勝秋色損  
朱顏

三



高臺北望紫雲深，錯莫塵沙千里陰。  
鴻雁聲悲天路斷，樓船水戰夕陽沉。  
飄零江漢六年事，淒愴藤蘿一片心。  
此夕更逢黃落節，秋風漫漫入哀吟。

四

門巷蕭條經過少，幽懷山色兩嗟峨。  
十年風景拋三尺，萬里勲庸寄一歌。  
地僻浮丘隱日月，天寒秋水謝菱荷。  
梁園對酒欲為賦，縹緲烟波不禁多。

荷花

十里迴塘遶水鄉，荷花婢約占年芳。  
神搖光幻吳人

卷之五

廿三

世天放妖嬈，當女粧舞散霓裳。  
憐影醉步連結綺，覺形香與君俱是日。  
邊客盱頡樽前說上方。

二

隱几蕭條坐水鄉，南薰吹送菖華芳。  
寸心中赤何須秘，一色天然不用粧。  
雲霧翳山姿態別，鉛丹浮鼎麗塵香。  
前生應是赤松子，羽化華池索妙方。

贈堪輿師蘇士中

先生抱隱荀，江蘅增嶺山。  
故有情覽勝，千峯窮野島。  
披輿萬里見，蓬瀛雲浮翠嶺歡。  
登凌日轉滄浪任。

灌纓法眼重逢今，郭璞乾坤何處不分明。  
感懷

世事艱辛畏惡多，此身苦似涉風濤。  
臨岐欲問心先折，彈缺歸來意更豪。  
海上旌旗蔓歲月，人間粟帛算秋毫。  
龍阿出物無奇畧，空負斗牛一氣高。

過金山

鐵作孤峯巨，浸中盤根深入蛟龍宮。  
四垂漠漠渾無地，相對颼颼惟有風。  
境界涵天吞浩蕩，精光浴日透玲瓏。  
更看浪湧橫流處，一柱砥空千古雄。

卷之五

廿四

送陳仰雲司訓擢九江德化

陳君詩禮陸隨文，此去絃聲江上聞。  
豫叙皓光動夜月，泉源芳景隔青雲。  
二孤水急灘聲轉，三笑亭高樹影分。  
烟霧遙連歸鴈信，試將消息對南薰。

春遊

東風吹綠散江沱，萬里氤氳天一羅。  
極目波浮槎影斷，回眸日煖泉烟和。  
花間酒氣渾相入，松裏鳥聲各自歌。  
雄念猶傷話不盡，逢人嘆息春夢婆。

又

天涯行運遠通閩航水梯山欲暮春只覩芳菲供吻  
笑誰知辛苦掛眉輝烟光變動劔華外荔色破津泉  
海濱聞說莫方堯日煥修看雷雨起龍鱗

又

若在天涯幾十年每依南斗扶飛仙百花風色供障  
曉一掬天和散几筵銀海日迎樹影動金箋彩鏤賞  
心懸行行物理堪言樂何用浮名駕鷲前

又

和風吹律散幽芳海國瞻天氣溢張積翠雲山疑似

卷之五

廿五

畫含薰松栢列成粧只知十極遙隔景無數荔華更  
着香嘆息夢中何作苦差從隙裏過浮生

又

宦客歸山何處依門墻桃李闌芳暉桑麻四野通堯  
日絲竹數聲舞魯沂望斷長安附鳳輦愁看磻谷釣  
漁磯垂垂草樹無窮意朝夕催羨倍慨噫

又

春日陽春煦眼前更逢花柳掛雲邊波光浩蕩蟠龍  
窟亦勢參差黃石淵意外竅驚瀛島濶心中遐想斗

辰懸逍遙北面冀方澤欣頌南山壽萬年

又

春雨晴餘曙色先霏霏萬里散花芳雖知堯日初開  
景已說湯要今括囊與入深山霞繞動笑隨流水風  
扶行最傷哀謝子雲宅閉閣草玄模太蒼

又

擦落梨花姿態輕春風送過蝸盤城夢中左右鳴翔  
勢醒處高低鶯怨聲秦地石橋空遠跡周家土德遠  
流名逢人相說乘浪事羞把白毛引旆旌

卷之五

廿六

夏賞

南島蓬瀛煩燠天衝逢風景艷華胭乾坤萬里煉中  
石日月七枝焰裏烟宦跡已從枯草老壯心猶落葵  
花前請曠與相憐處不盡芳菲彌錦川

又

高山深處識孫登用火與才究所能保焰已從薪積  
術全年不必枝多稱道心淡：伏來水世事競：獲  
下冰若使稭康得此意應同松栢結親朋

又

荷香浮艷氣蒸蒸勝似天然一味水抱日葛水垂兩  
襯乘風紗帽動微稜登筵不受汚泥染出水絕無塵  
態澁濃興已成解愜調花中君子為誰稱

又

積翠中天紫帽臺登臨曙色嚴晶開朱明燎灼憑誰  
畫錦地幽荒悲自裁隱見九龍乘化境高低黃石授  
書堆不將風景供遲暮猶想涓涓蒼颯埃

又

炎暑爍傷荔樹陰奇氛無處不相侵蒙枝積翠終成

卷之五

廿七

幄結子連環競列琛頻令入唇飽食客何妨餘啄肥  
山禽分明時屬太平盛色色天香滿巨林

又

嶺袖高棲炎氣熅扇搖奴子逸風薰南臨燧木陶公  
治北接瑤池王母雲舊舊已憐白芭老燕鴻應惜舊  
鷄群江山兩地萬餘里長計何由謁聖君

又

二紀孤懷倚層巔斜陽引去又孤還大羅天外雲飛  
綺丹竈火前霓舞烟往往花間逢綵石時時照慶訝

國淵暑中散鬱尋幽勝連老涼芳一線懸

秋興

秋聲吹透茂林陰浪逐白雲飛處吟曙色碎分鳴鴈  
影夕陽遙寄竹松心山盤瀚海鵬程濶槎去星河天  
路沉對景繁華式望盡那堪風外笛笙音

又

窮居無處不傷情況自孤高秋浦行辛苦送歸湯月  
影繁華引入列風聲龍江波漾見潛態洛水橋橫南  
北程宦業嗟予已似夢百年暮說六階平

卷之五

廿八

又

零落餘魂棲錦埏忽逢萬曆神充年星飛海國灰成  
夢恩晉日邊澤一天宋玉樓前嘲落帽子游邑下篋  
聞絃自知白首無高志獨抱清風秋夜懸

又

秋色浮雲忽掃開試供芳餌釣深淵隔溪寒洎月初  
湧倚竹悽風鶴更哀山翠萬重雉尾影水涼一抱魚  
竿臺不堪哀腐窮經處空說涓濱弔伐材

又

萬里凄風萬里秋紫峰絕頂見瀛洲  
闕山應霜凌雲  
霽仙島瓊烟旁日浮覺處無心看  
鶴運定中有約與  
天游蟬蛸顧化何能駕夢到閭闔上玉樓

又

涼山老去獨含悲對酒看花讀黍離  
羞把風雲論際  
會却將葵藿淨心知浮煙亂颭闕門影  
曉霧長攀仙  
仗儀秋菊落英那可道疊騷天外綉蛾眉

又

重陽媿媿獨遊身倚杖登高自苦辛  
九月寒砧催落

卷之五

十九

葉百年玄草迷平津霜飛瀛海仙  
獨澗鶴嘯異方聖  
德新不羨茱萸看細插秋花最喜浪  
涵春

冬懷

曾以辭華隨斗極不堪寒影對孤雲  
生涯已看鷓鴣鳴  
落四壁還旁蠻蝠群簇紫胭花嚼霞  
茁高歌白雪凌  
霄聞愁來欲作反騷賦眯日流芳天  
外綺

又

幽芳碧草坐王孫  
茹飯烟光共爾論  
風御不知幾甲  
子羅張惟有舊  
圭門闕方曾網  
半浮海至日山  
川萬

紀元對體慚無平世策  
抱逢霜雪盡君恩

又

颺威稟栗香紛盈獨坐危樓世態輕  
吹雨陰風千鎖  
瞥飛霜寒露一天清  
黃公石上蒐書訣  
陶令門前抽  
菊榮忍耐江山寒  
落處猶時起舞撼  
鍾鳴

又

曾見黃龍江水清  
龍蟠泉窟轟聲流  
漸臘月重淵  
注光射星墟一劍  
橫得兩摠歸天上  
物失時誰識鐵  
中錚  
莫將柱下姓名道  
魯國多儒無兩生  
前江名黃龍江

卷之五

廿

又

景界蕭慚蝨蠖連結茅種樹急流歸  
銓衡昔閱經綸  
策電徑今紆蘿薜  
永葵藿有心愁  
靄動橙梅留恨對  
風揮最嘆草閣兩  
三友脫節常看落  
日暉  
居後山名

又

行吟林畔惹風塵  
隱隱經箱愜寤身  
已與三冬殘景  
泛更聽一曲嫺音  
新梅花雪裏歌無  
和栢葉風前韻  
有神萬事到頭休  
唳問倉悴汗愧效  
眉顰

又

垂老側首華鬢綠幽林道是白雲師開田種玉伺仙  
侶閉閣談玄怕鬼嗤萬里灰心歸馬命百年抱赤舞  
鷄思風前遺恨何由寫到處醜陳嵩岳詩

又

海濱風景復如何孤對寒松歡自多曙色撲來荆蒿  
障蒼霏拂起霾塵波蔓荒三徑羞迎客肥趣百年愧  
問科性僻不耽爐火灸逢人搔手說摩訶

又

寒威觸處倍傷情况在江湖懸玉京萬里文華浮水

卷之五

十一

影千山鳴籟夕陽聲書傳橋下隣黃石星列巖中流  
傳坪故事悠悠何足問鴻飛雲遠日邊紫

隣御名黃石頭

又

海峽浮世一椀輕出入風雲踏行窮海天中分兩  
岐隔簾月裏嘆三更騷聞天籟倏成夢寐挹王休仍

對揚性拙自知頭白盡洗心堅作雪松盟

又

短景陰陽催促盡天涯波浪栗寒中萬吹之夢風來  
相六出之花雪作宮黃帝鳴名河水遠齊宣高苑華

堂空青山迴首無能語掛在萬年枝葉東

又

滿鬢霜華種又絲傳巖居士欲何之天高萬里若開  
幌潮蒲三洲各聚奇白雪幾歌催歲變錦江一色對  
風披恍然妙悟心安處綠水青山莫謬悲

北上過閩嶺遙望

閩山霏霧暗濛濛此去京華縹緲中建水重經九折  
險桐江遙送一絲風釣臺高掛嚴陵節磻石侈揚尚  
父功自是行藏隨用舍由來出處不言同

卷之五

十二

舟次錢塘懷古

嚴灘東下過錢塘三跳驅迴倒海浪江畔吞聲故野  
老籬邊太息古賢良鷗於邑吳門恨金字款獻報  
國腸惆悵九原如可作壯魂孰與怒潮強

小樓夜坐

孤樓獨坐三冬晚不寐逍遙欲二更文史昔人誇足  
用汗青此日愧垂名嶺松層翠寒霜積庭桂交陰冰  
月馨君子固窮常忍耐故交惟有鱸葦羹

五言絕句

早春

岸聽鳴心鳥起看奪目花始知春色遍浪入山翁家

過山寺

寂寞欲參禪愧無相識緣梵山今日過惆悵阿彌前

春日種樹

官途不得意澤畔度芳春可愛新桃李莫愁種樹人

題菜花圖

青紫垂芳藻行客帶笑粧臨軒曾入夢此味更馨香

卷之五

卅三

又

一團清白趣留與子孫知咬得此君慣做成萬事時

春遊

春從何處來風送自燕臺山鳥歌聲嘯岸花綺色開

夏賞荷

蓮船乘晚浪歌舞迎風歸人競摘花去誰憐花摘稀

又

瑕紅落日時花亂晚風悲湖裏水深處賞心惟水知

又

嘆息倦遊人落花滿水濱莫將郎面比博得灑

夏夕對月

蟬鳴催夏暑草腐化螢光不厭風花馥披襟乘月涼

又

月色海東出蛩聲夜半聞鬱鬱宵起坐遙睇廣寒雲

秋興

鳥跡風吹盡孤雲山際開逸臣不盡意隨日到函關

又

夏盡炎薰解火微涼露飛開窓通月色卷幌引螢歸

卷之五

卅四

又

朝暮錦山景凌霜秋色凝梳前方寸地風外一片冰

又

鮒池滿壁月桂露翔箕風徙倚堦庭玩余香襲綺籠

又

露滴秋光縈天高月魄清但逢寒飈動更作落花聲

又

清霜初落翠叢菊競抽芬欲冷不忍摘留景邀陶若

冬懷

日月年間促乾坤望裏新朝朝沙上路不忍頭白人

又

梅花悲笛引栢葉恐風欺霜雪朝朝落貞心誰有知

又

岩隱問津路偶逢沮溺耕忙忙兩不識惟見隴雲橫

又

高閣南望遠雲山一障長人心似汝水相送出水鄉

又

殷憂苦不寐寒積朔風哀天白鴈行斷雲陰鶴舞來

卷之五

卅二

又

憔悴歲寒節來春計幾辰朝朝明鏡裏無語對風聲

又

行負青山影聽吟白雪聲風流無屈宋騷怨累紛縈

又

已見寒梅發復聞啼鳥聲春前放物景不盡化工情

又

園林積樹藝樓閣避霜寒堪賞懸珠綴倩君帶雪看

又

哀願無穉日潮水有歸期安得如窮歲明春花滿枝

又

岸楊呼倒插庭桂催新栽根帶固須有春前自發爰

又

辭榮莫北闕淒惋舊山泉日暝天寒淺鳥聲風勁遑

又

歲窮除夕促人困粒囊傾不見陽城吏猶聞接摺聲

卷之五

卅六

七言絕句

鐵

鑄未鑄鐵華沉一氣錚錚已有心  
大冶但逢莫自躍怕人笑指不祥金

鏡

勲業無成引鏡羞影形相吊一雙愁  
蕭蕭眼底江南岸白盡蘆花滿地秋

煙雨

烟靄含風暝不收楓蒿未心已知秋  
江流夜漲欲平岸瑟瑟飄蓬一片愁

卷之五

卅七

又

淫雨霏霏白晝昏高山深隔幾重雲  
清風洒落未應斷吹播氤氳四野聞

新春

青春湮鬱孤雲愁細草悠悠迷古丘  
昨夜月明燈下夢飄然身世在瀛洲

春風吹綠漲橫坡輪輿人間千尺羅  
借問王孫朱戶裏此時光景更誰多

冰入東風水自浮柳條新色覆河澗湖光渺渺春千頃  
吞納人間不盡愁

京邸候補遣興八絕

塵漲長安陌上陰寒聲散入五雲深  
獨騎瘦馬衝殘雪世路茫茫何處尋

朱閣曉開鴉乍驚蕭蕭車馬雜風聲  
繡帷深處人沉醉夢裏翩翩過客情

風鳴萬竅暗塵飛彈缺孤歌何所依  
輦下若無容足地海濱應有釣魚磯

卷之五

卅八

十載郎官為世輕春風未改布衣情  
皓光一壁寒吹骨絆坐東窓欲二更

水飛風浪陸飛埃天入蒼茫漫不開  
郎署十年未徙舍無端猶夢得禾來

壯心零落幾經春眯目不知問要津  
陌上渾無傾蓋遇眼中惟見入襟塵

清時讓與祖生先愁卧牛衣又一年  
更作書生辛苦態孤燈殘照亂風烟

春歸屋上報新杓天放陽光破窳寥  
日御猶愁雲路



隔車塵今喜雪花消

對月

天迤北斗掛高樓別引人間撫髀愁對月醒吞巫峽  
夢着雲拖佇新亭憂

東齋即景

奔馳南北二毛侵淡蕩春風葵靈心翹首國門無限  
思五雲遙帶夕陽深

昨夜東風上柳條萬山明媚雪山消白雲不解春中  
意一片清陰引寐寒

卷之五

廿九

雨後春深靄半空蒼茫景象有無中偶來風落太陽  
路萬點山尖萬點紅

次蘇東坡梅花十韻

冥冥千里亂風號萬木棲寒雪正多瘦盡青山惟有  
骨編衣仙女悄為何

老蒼曾厭寒威歷故遣陽和次第回碎剪碧綃懸絲  
壁翻飛玉綴幔蒼苔

萬木傷春日望回不勝寒颼鎖難開素君為有回天  
力一發珠離結綺來

凌雪幽花墻角芬陽和布嫩媚黃昏烟光四照綠紅  
粉佳厯一枝牽旅魂

雪雜寒風紛似麻花魂消削堦姿斜來春去此無多  
日放盡幽芳織素家

調羹世味先盞梅繁盡今為結子催五出寶粧風引  
去同心紫帶雨携來

寒心吐盡菲芳時一點微酸已着枝天借名山開勝  
景烟浮蘇苑錫名醫

卷之五

四十

嘉實披連瓊燦奇三三五五挂高枝煮金綺里渾閑  
事調鬲商丘計幾時

朔風吹盡雲山平洛溪繁花次第明一色乾脂不  
畫何人素得懸冰情

琅玕紫府仙人家綠萼瓊華枝半斜借問霜標誰得  
似白頭猶說碧蓮花

秋感

追尋舊跡意茫然古木蒼藤自一天夜半秋風江水  
白五湖烟景夢成干

靄靄蒹葭陰環舊山生涯埋沒蒼茫階自憐白髮無成

紫幾種朱丹照醜顏

枯桐落葉瀾天愁野眺歸來更上樓山郭水村風月

夜猶疑光景在孤舟

已未夏北上過督漕稱病口占

中夏炙曦焦半空流塵散入萬山紅越人何處逢甘

雨惟有白楊一蓋風

羽檄如星旁午馳茸茸細草競含悲朱門一徑垂楊

閑好似東山高卧時

楊柳蒙枝一院風角門高起旌旌紅烟塵坐覺清氣

卷之五

四一

掃談笑兵戎帷幄中

風塵車馬日交馳策士豈無在旅羈一帳轅門千里

隔深謀欲效伏誰知

觀荷

錦浦迎風自漾波芙蓉國色噴天和朱顏不盡巫山

夢半入楚中一笑歌

綠蓋紅敷濃露香長傾儒雅風流腸花中君子評芳

品豈入幽閨嬌婦粧

冬味

千山殘柳萬山雲塵况依依欲日薰惆悵一年陰景  
盡春聲不識誰先聞

京邸過舊館慨嘆

人世周回欲盡路故花追認無多荒此身南北成何

事滿目煙波醉夢中

渡杭口

萬里倉波送羽旗一望烽燧倍淒悲錢塘渡口問消

息雨濕衣巾忙不知

世事多端日日新非才何敢薄今人出門偶與靴塵

卷之五

四二

會嘆想先賢俯白蘋

過建溪

箭激建溪南向流劉安畏道是閩州只今北上衝瀛

濫為報涓涓前席籌

春遊

春風淡蕩燕雙雙飄送花芳過錦江清興已隨芬葩

盡書聲猶似南窓逢

溫陵洲景新春調秦系青山聯洛橋無限日斜江上

趣蕭蕭笙管泛清潮

枕花半染胭脂紅零落翩翩泛錦江蝶醉驚慵蜂迷  
亂館催珠帶任東風

萬里同春一統時草芽更積膏梁悲孤村樹色凝烟  
暗野店鷄聲徹曉遲

離別京華時日多白頭意氣未消磨春風自有幽具  
趣散入錦江作太和

紫陽岩下是鄉閨粧點樓臺雲水間翠蓋春山單月  
色碧襟滄海卷霞顏

五柳先生本在山浪逢春色溷人間今宵萬里酒清  
思夜裏開籠玩白鷗

雨後遣興  
唧唧池邊促織兒忽驚震電起龍螭一聲旬磴千山

雨沒淵接願掛短籬

盛夏  
祝融舒轡聘丹衢腐草為螢繞碧窓徙倚登樓看月

色心閑何處不生風  
朱炎燄暑倦柔肌蝴蝶入夢栩栩時喚起不知人懶

僻聲聲啼繞上林枝

丹荔下

荔子青時綠滿空熟時荔子滿空紅朱唇不厭瓊膏  
飲為惜嶺南天路窮

秋興六首

金粟洞中九日天層巒鬱翠積風烟不知蕭瑟夕陽  
下一行鴈歇一聲弦

京國常悲南竄路潮聲更掉北望愁一杯獨酌黃華  
酒兩引淒風萬里游

紫陽霧蒸天閣高皎鏡澄潭風更騷春色消磨應不  
盡秋聲別有蜚鷹豪

一碧露華濃草香巫山雲雨夢中涼月規嚙到襄王  
殿別起悲秋宋玉忙

北斗天迴出鳳樓指揮秋色萬山浮落英踏盡跋遊  
處好向江頭問釣舟

極目紫峯溪海濼聊浪風景玄關清迴流抱掛中秋  
月一片水團處明

冬懷

離葉天涯晨暮吟園林蕭瑟水中雲欄干掃盡飛烟

卷之五

四三

卷之五

四四

遠張作雀羅網鳳群

渡前洲

前洲渡水嚴冬寒盪漿  
師向北看寂寂飛花啼鳥  
慶日邊遙指是長安

冬懷

躑首鳳池兩華門容臺  
賓客慕燕雲芳時已逐  
雀蚤過寒靄今籠錦綺紋

生意摧殘離葉落灰心  
寂寞慢雲陰青山層嶂  
風哀嘯明月孤高竹和吟

卷之五

四五

雪掛東揚水練清寒風  
林裏杜枝輕燕山路遠  
空悲

苦夢寐依依殘月行

耐風松栢翠山岬忍寒  
竹梅縈圃間偃佺羽化  
授真

訣姑射丹成傾玉顏

歲寒莫念老將至日短  
且呼酒看花滿地綠陰  
棲昧

夢道遙勝種邵平瓜

霜華浸迫月華清寒入  
衾裯冷似冰獨宿孤房  
二十

載憑虛欲問安期生

黃石洲前好月明錦山  
岩下暮潮平荒涼自有  
沙鷗

伴何事羊裘動客星

題畫菜

列鼎飲吞肥膾醇對爐  
煮喫小巢根試看數朵  
清芬色一日誰能忘此  
君

過虎丘吊古二首

虎丘山下垂楊柳揚柳  
枝頭舞媚肌陌上清歌  
闌子夜猶恨沉醉西施  
時

吳宮沉醉越西施甲楯  
孤棲渾不疑忽嘯秋風  
膏膽夜螳娘有恨向黃  
池

卷之五

四六

題墨菊

露裛秋華逼歲寒瓊英  
璀璨聚出琅玕松滋莫  
妬幽芳

色須盡陶令百斛歡

窮途吟

窮途衝冒風騷行色蕭  
然一緼袍驛驛江湖歷  
塊

阮鷓鴣戀聲啼

五言古風

春望

雨施千峯春柔條含紫蘼廣陌雲凝翠深林草接茵  
我向東窓卧起望西山曠雖知烟景媚曾奈晚照淪  
正歌無共和磬聲誰過聞光陰如激電苦樂比轉輪  
且歡良辰會齊呼唱舞人書餘娛笑樂游絲枉喧奔  
市上嘆黃犬樽前飽肥豚試與較長短誰肯舍身殉

春遊

草堂暘終鼉出野瞰天宇雨氣衰輕塵鳥聲和振羽

卷之五

四七

山川本降神芳景知何許時邀五柳春共過三徑主  
錦水向東流岩野賞前宇廣成是我身憂戚庸王汝  
緣合鷗亦親心灰鹿為侶不見屋上烏不知人餘糈  
莫誇豕白頭莫騁鷄金距惟我直道行杳默舍鼻祖  
春日邀客飲

萬景愔一天憂喜不在年朱顏吟歌笑垂老亦同然  
曾見冬寒盡又見春風還時換賞心蕪物育和氣宣  
歡逢群英會呼設肆席筵喜結海上契浪稱天外仙  
風運鯤已化水釣魚忘養神對清景晤興逐亂流翩

不慣斗石飲不詳宮商絃所欣與衆樂最惡苛氣煎  
清道崎嶇障縱情浮雲邊

春日有感

芬馥東風秉繁華為誰披綠葦結羅幄紅英粧綺帷  
我觀五侯貴輕薄遊俠兒陳朽積富衣服統纖麗  
足下綺紈頰頭上簪玳琦與馬裝牙鑄羽蓋飾翠綳  
層宮五雲出金埒九霄迤朝白金張約暮從許史期  
僮魚頰列唱女鳥旰歧左枕藉孺子右抱樊素姬  
頽傾城國千金買盼眉激楚調聲越陽阿舞態垂

卷之五

四八

流連浮白飲酒沉投月時燭繼暮霞艷絕醉筵私  
如彼春輝爛萬紫闕芳菲侈極不可縱樂過自生苗  
呂霍終勦滅王寶竟文何曾萬錢食季倫綠珠姿  
一旦烽火熾盡化為塵糜宴安皆疾毒何獨一西施  
人生如浮寄留福與騏驎馬用多厚積腹利民膏脂  
驕養不肖子沽寵自隳危落花辭故條飄墮於糞埽  
當此光榮節想及凋零悲但須克勤儉蹈規執禮儀  
書讀香不斷身脩末自治放歌一曲請君時細思  
誰得曲中意年年春在茲

涉園遺興

春山春草芳春日拂衣裳開我東窓坐試向東浦望  
新綠染新色秀榮發秀香桃李自家植蜂蝶此際忙  
紅妬臙脂錦碧練琦玉瑞應須借一朶持此侍花王

為人題五老圖

白髮五老公披齒觀太極元化亟冒冥渾淪安可測  
五行迭循環端倪日滋息大塊當穹疑層空積厚德  
慶之落川圓生又自家色時嘔炎伏蒸條吸商飈正  
畫由一實分即從神解得而公拂鏡臺燎然在霄臆

卷之五

四九

涉微研至精舍默藏真識吟象朝風宵弄九彈月  
鼓聃但櫻孩松喬更羽翼綿綿齊二儀為我開壽域  
逍遙偃仰間乃與天無極

頌晋邑大尹鼓秀南國光均田茂績

地利天終始稅法時變遷嘗聞李安世於魏奏均田  
項畝自官授公私以法編庶幾九一後喜看古意傳  
兩稅之法行庶民之弊延不識擊壤事價永種玉仙  
水起錢神浪風舞文法箋閩陽野換色開陰羅噴烟  
我公作霖日域中欣泰然仁流天澤溥令下鏡華懸

遐想荒土績高詠徹田篇尋尺經地紀阡陌應天墜  
漸鳴通海島舞鶴盡晋川安世以地定我公以產平  
責投本有異上功俱稱賢羨羨陽春路肅肅重民天  
泉山四國仰滄海百川戀兩師溢恩濺風伯飈聲綿  
何須鄭國水盛德自千年

贈喬純所懋敬榮擢江右大叅

六條憲天下專塵出海隅山河襟帶國日月炎離都  
陸贄經綸業機衡文藝儒延津度劍氣温陵廓雄齒  
憶轄蓬瀛近嶼燻雲蛻殊憶公分閩日方痛脫巾呼

卷之五

五十

膏血愁猶在老穉息未蘇束薪過毒冠熬骨如洪爐  
公按七邑屬鏡洞仁亦孚墨吏不敢肆良民無冤辜  
式瞻帷寨去遂覺化覃敷草染和氣潤花競清霰腹  
漫漫烟歸渚烜烜星燦湖雲間鶴傳樂海上龍還珠  
已識范滂志還駕黃石符回天資漢策破浪假  
搖羽胡笳徹揚旌重譯輸燕貉無後至庸濮兢前驅  
連雲樓船會拂電鬪士趨鯨鯢當日翦豺虎百年無  
海曲宣風地草茅沐化軀未懷硯岡碣尚想隆中圖  
濤白雪霜節山高江漢謨春風橫野望曉日觸心瞿

留犢敢操筆挂牀願效愚思君豫章去化伊二江息  
校戟今北指人馬望踟躕

為陳盡臺玉策君題菜園

望望洛橋南翹首壺山看兩勢相經亘海濤轉迴盤  
陳君早拾芥試研文學壇經籍攜鉛槧黼藻煥琅玕  
後繞蓮花綺前瞻金粟丹初履清霜暑頓覺小巢歡  
藿食懷長策柔根耐百艱最喜葵蔬畫青紫光樊欄  
以君太素質對此澆絳觀腸腑與滋味淡泊恣一般  
此徒助鼎俎不當為素餐此兆八宸夢曾聞冠金鸞

卷之五

五

皓清源景洋洋黃龍灘始知祥物現都在壁上純

春雨行

輕風細雨後草樹新含春雷出驚閃電烟霏凝紫茵  
薄潤浸日色紅碧聞花芬化工播淑景歡遊及佳辰  
我行巖野下試問負耜人春深已如此天澤未洽淪  
豈不沾沾至依然煤如焚曾傷雲漢電誰知今轉殷  
往歲春雨少祈禱屢屢喧天公漫不應雨師來不瀕  
下田激潮水播種已畢耘高田菑種豆華實落紛紛  
一朝滂沱俾百尺漲江濱連日沉港浸高下同蕪黍

少時渴涓滴多時苦渾漚室既如懸磬色亦無輪囷

彼蒼不假恤何處愬慇勤但仰海飛龍筋骨備爐銀

日換升斗粟且供妻豚吞若無苛猛虎粗可啗褒殮

傷哉追兵突吃哮東西村鷄酒長鯨吸孔方不饒文

係累公庭候木石亦生真索我催勾例索我保押縲

輸負三厘半票飛一卒跟又有征稅外公私無觸藩

胼足車田畝忽兮惡聲聞稱稽古絕業并及寺佃民

持此奉中責騷騷羶豕塵當此荒祲日逐捕蒲四鄰

報傳糞倉粟平糶振饑貧良善豈望惠豪猾僅得官

卷之五

五二

即沾鉢兩便半為胥徒分發糶曾未幾糶穀如束薪

大戶蝕百十小戶損釜鉤我本農家子敢希一粒陳

多為買倉粟里甲通融均雪上加霜露菑禍雜紛續

何如勿誤賑寬得一分仁佇聽老農訴悵然默嗚呼

誤倉古羨事民今不為恩况如奇政酷可知百倍寬

多制非國福勿擾吏治循只見春光好豈意春膏屯

只道天隔越豈虞人盡秦綵歡遊得侶今我眉轉蹙

歸去衡門掩東窓鎖白雲

春遊芳草行

鬱鬱道相逢萬事來填委春色豈不歡此時正蓬壘  
高歌喬林下忠憤不可揣目極燕冀雲氣劇屈賈墨  
遠徑惜草荒流水看魚唯草不厭荏蘭魚不厭魴鯉  
皇皇聲利塗何獨惡哉你

初夏有感

大明馭海內太陽煥其精赫矣沅珠狀皎然連壁形  
吾觀鬻子說每日景屢更旭炎曦耀曠曠茂禧榮  
加以嚮晦處更存遵養情天地生萬物一陽通元貞  
舒之容光照動之物類亨嘆息成周治泰階何其平

卷之五

五三

於今懷長策叙述聞賈生

伴客行

桃李垂街實倒履賞濃香飄然清風至薰爽天際涼  
煩疴已消散伴侶忽同翔公門今羅雀佳實何穰穰  
自慚遜跡早幸遇世界康障破是非遣神和爾我忘  
近自山樓上遠暇奪利場達順自為術抱冲惟守常  
新荷芳過浦橫笛聲繞梁到處是嘉會琴酌清光長  
炎暑短歌行

南星流大火熱中人不妥鳳歌知已殆龍劍望自寒

孤雲遠岫宿吾心天地寬

苦暑

繚繞倦炎燠沉默俟風清暫輟魔筆翰奔惡隈送迎  
聽鐘禪意動捲簾物態平暗覺靜中景微涼此際生

看賈玉行

赫赫豪遊子勢利起炎氛忽燎崑岡火嘆息石俱焚  
爰憎生豪末禍福變風雲曾聞握白瑾光涵虹彩文  
君子以比德王度是式遵六瑞等邦國三棘寶瓊璫  
山韞木含潤積藏席抱珍其用隨時變其權盡在君

卷之五

五四

亦有觀王父亦有泣玉閭不貪自為寶賈害何足論  
賜玦非福至缺齒豈祥臻箕山有高致湘水有清芬  
皜皜完大璞千古其誰群

見能行

吾觀龍變化乃是至陽精小如蠶蠋狀大涵江海波  
形之延劔動變之周繫驚古稱神幻物信與元化並  
五彩舜圖負六乘羲卦成登仕龍門閃鑄鼎剝山崢  
苟將為世用亦異几類生衆人迷道術禹步改繩橫  
最惡桓溫盡遠羨南陽耕形象誰能測玄冥恭無聲



一朝雲雨作旬然迅雷轟

清秋吟

遠遜無高興清秋伴白雲辛勤古昔事沉吟風雅文  
霞谷何寂寥煙景自昕昏簾幙隣烏鵲戶牖秀眉云  
瓊靡和露飲菊英陪酒食飄零已如此暮蟬豈堪聞  
收功功何似騷騷倚章門

倚樓歌

新居傳巖下馮峯結小樓俯仰乾坤濶枕籍溪海悠  
秋色溼煙碧涼雲繞岫浮關山塵界外業障錦江頭

卷之五

五五

江頭學釣魚魚戲不上鉤我年如呂父安得岐周侯  
周侯不世有呂父空猶問津過楚岸端冕思禹疇  
孤舟泛覺海一柱砥橫流橫流割方寓偽譚亂真脩  
上寡知已遇下鮮同志儔少壯不如意老去徒悲秋  
近水常得月我今見月愁月光長四照何我獨幽幽

望泉山

北石泉山洞泉清爽氣多風高塵盪歛境靜俗情摩  
蘭桂聯芳笑鸚鵡兢巧歌日落淨夕影江流起逝波  
生涯杳入夢世事嘆成瞞蒸杖全孤節菊華養太和

已追孔北海更學蘇東坡江南雲帽紫兩山峙崖崱  
此中潛大隱物外任拋梭靈均不敢吊反騷更若何

暮宿白葉山莊

寂寞深林下幽貞誰與群落日憐過鴈青山伴旅魂  
世業寄鳳龍丘墳望鵝敦莊館煨燼後荒址羨魚存  
呼僮翦荆棘樹藝葺籬藩今秋禾稻熟輸負滿前村  
農家時作苦樂歲兢歡欣太平如有象何必悲秋雲

秋樓吟

十里平原徑結樓倚木深中有誦仙隱都無人世心

卷之六

五六

凌霄我繼祖舉目紫雲侵清源作賓主縱望台光臨  
門前席芳草宅畔象脩林梅李景初歇龍荔叢更陰  
絲竹歡嘉會鵲鳥送好音暮蟬聲入幔疎螢飛撲襟  
陶籬菊蕊爛謝皆蘭玉森詩成不憤酒伴至但聽琴  
休憇秋色悴且對秋吟吾已休世事開懷願影衾

又

樓上常極目世情似已閑綠樹夾流水白雲掛遠山  
黃鸝求何處翱翔烟波間羽毛參天宇東西搖風圍  
雲漢兩撇荔飛旂將誰攀孰與白鷗鳥水際自開顏

興隨潮沙泛機忘飛宿閑錦田恣飲啄龍江時往還  
九日登望瀾一見意開清孤樓傷寂甚畏途苦行難  
寂寂猶全璞行行悲倚蘭况復凄風動蕭蕭鉦鐵班  
此身忙何事起趨罹百艱

清歌行

魏闕曾承之江湖放遊還浮雲京國變流水蓬瀛環  
對此丹林樹悠悠強破顏塵襟常抱瘵遠志惟慕閑  
故人來問訪清夜叩玄關道同新調合味投淡芳殷  
天闕桂蘭徑月瑩瓊玉寰長歌、寡和短歌又未闌

卷之五

五七

清歌又一曲沉響徹空山蕭蕭又嵇老嘯幽谷是所攀

寒風歌

風勁霜威揚萬象歸深藏行邁無前侶御風意洋洋  
風蕩自廣莫颼來在我旁我昔抱小草欲乘破長浪  
今已灰心老空爾號傍佳文明慚虎變迅飛悼鷗忙  
知風不能避北風不能強翼風不能搏終風徒自傷  
傷我寒芳質一水倚孤序風霜中挺拔龍鳳共翱翔  
絲桐韻風雅鶴鳴唳風光敢云君子德歲寒拂衣裳

巖野行

家在巖山下巖野主人居雖邇郡城外摠為小隱靈  
本分傳巖派今歸版築餘隆冬土功動般鍾并鉏鋤  
巢燕初落構旋馬僅容車垣墻不巧飾茅茨不翦除  
三千望裏界六一窓前書點探草玄訣白守太素初  
朔風常作客秋霞時映渠學曾聞一貫騷乃此三閭  
嬾人斤質亡伯牙桐音疎孤庭嘆涼月耐寒獨晏如

山僧對話

山人與僧偶幽林俱避喧風霜稿草色淨空寂教門  
君子有高躅忘骸相温存浪說因緣法了然次第禪

卷之五

五八

碧山住真慧流水洗六根顧我何煩惱不入削髮群  
刹終見一復貞下起天元絕無芥慧累自是性道源  
盡為化身計誰可撐乾坤性界自無欲優游度斯昏

冬夜夢

滿日蕭蕭望常在枯稿中身寄竹梅秉心與松栢同  
那堪歲芳盡更使春夢逢夢遊三山上飄飄紅閣風  
仙聖擣丹鼎雲鶴盤瓊官棋看柯未爛桃食樂無窮  
雪雨鳴籟森驚醒霜半空變化非一狀夢覺別雌雄  
登世已息念戀闕徒飛蓬不知炊梁枕何緣遣呂翁

冬園行

七嗟天地閉貞元剝復時韶華歲已盡啓籒物先知  
荔挺凌霜出梅花帶雪麗古稱隱君子安土隨所宜  
南方和煦地隆冬亦委蕙賞心看物曠潛神對景怡  
曾遭世味變混同世情熈動處天心見靜中天樂順  
四時皆佳境何事戚又悲

贈唐子喬棧掌嘉禾篆

高天明太白瀚海未銷戈吾子分符去予心柰別何  
長風移武座擊楫渡鳴珂風仰敦詩禮掌閑學牧頗

卷之五

五九

泥丸封倒海強弩矢迴波水晏鯨鯢盡天清日月和  
遙搏萬里程羨軼自嘉禾

吊支推府子憂去位

楓樹千聲滿秋風森氣豪喜看戲綵會帥痛視衣勞  
曙月慈烏轉背園玉笋高野花愁對客泉水咽歸濤  
憶昔陟岵話逢君飛鳳毛舞衣偏籍杏獻壽豈論桃  
日月開屏几風雲掛芣袍地播膏腹澤天寵綸綉褒  
川逝嗟何及民望今已牢暫收白雪唱更調陽春歌  
宇宙論勳業山河豈鳴波無窮未炎耀翹首三江整

壽劉大尹

聖神念遐陬銓部簡諸侯文學結符綬海國分隱憂  
惟君起江右拜命承天休匹馬燕臺出一星嶺表流  
雲麗彩繞座兩施澤露臨地迥蒼垂幔風和轉互謳  
昔以文章著今以政事優此邠鄰日域城雉望滄洲  
屢樓常噴霧鯨浪時驚鯨物繁釀怒臂網漏失吞舟  
林鹵半原海雀藪伏貙首我公來暮月千采壯謨謀  
魚監填里巷禾黍盈田疇易俗無猛虎安民仰遺裘  
上祭已歌德小黃更願留適此陽月至正值水德浮  
乾權坎位乘鵬壽盈數酬天開將履瑞春迴自秦餉  
操典冬水潔王母今行籌

贈尹斗山大尹去思

仙鳥起萊縣龍劍度延津送鶴琴伴蕭又車馬塵  
貪泉猶覺爽采蕪一何貧參收不歸吏續留特贈人  
公道摠在世憶公當似春

壽劉二尹

水秀沅湘上山聳衡岳中公家棟蓐映鬱為荆楚推  
佐理融風日斗杓建交逢壽星天中系片詞祝華嵩

七言古風

過淮安舟次吟

戎為眼闕赴燕臺琴聲未調筑聲哀一望洪水連天  
 濶挂蓬撐過臨淮來臨淮訪古更悲傷聞說淮陰款  
 斷腸勝下忍驚一市笑塵中誰識國士強漂母不過  
 憐王孫扶劍西歸未有聞不是滕公奇言貌烟樹畫  
 籠十葦魂將壇數語三秦定迭出水鬣背水奇囊沙  
 堤决龍且碎假王勇畏震一時一時雄傑誰與比拔  
 山力盡舟空艤江東子弟看何往赤帝山河真昂寫  
 三分固謝前通策偽遊始信良弓藏不賞高功無退  
 地萬家廠塚枉在旁若使學道知讓能破軍何必王  
 齊楚寧獨龍準生疑嗔已招附耳躡足語流言赤鳥  
 猶居東成王感悟緣天風功成惟有拂衣去扁舟駕  
 泛五湖中五湖便無隱身處辟穀應須從赤松自古  
 勳烈既震主又遇坦中猜忌重由來難與同安樂孰  
 似蠶良最高蹤煙霞遙嘯會稽月口吻絕譚黃石書  
 自名俱全號上節豈戀秦越駟馬車沉吟往事淚滿  
 襟淮水東流夕霧陰騷吊湘纍我扼腕族如信越我

酸心不知持盈揔有道靈誇短赫忽西沉

長安道

青眼陽春白眼秋世事炎涼巧拙謀薰風拂袖烟飛  
 度雪山眇日冰消流榮枯自有蒼又命高低為我問  
 君平君不見呂霍焯時客丹轂朱輪聘柳陌瞥似齒  
 華落玉魄

行路難

鵬搏扶遙九萬里燕越雲程已八千自裁間閑牛馬  
 走爾來跋涉三十年水濶天長無羽翰魂飛魄苦摧

六之五

六

六之五

六二

心肝滿目風波荆棘道蕭瑟方知行路難宮中妬殺  
 蛾眉好席上侈珍金穴寶綺紈俠客煽炎灰輕薄少  
 年侮犁老方柄員鑿空相摩翻雲覆雨安可保招招  
 舟子渡頭喧叩頭戎友問叩津黃河水底長鯨窟鋸  
 齒磨牙競食人莫滿舫蓬飛箭鏃莫摧馬足眯車塵  
 又有畏途干戈阻窳偷咆吼橫黃昏昔日曾隨春風  
 起三素雲中拜紫元忽聽子規啼夜月重垂烏鴉嘯  
 寒雲朴忠自古無與立直道由來最難容况當嶮巖  
 嶮岩路使人見此心恟恟嗚呼難哉南北名利相奔

遂側身何處是高蹤

贈司訓鄭子雲誼長孫

四望泉山春色懸更有二扉來帶烟座上文明風教  
適天中斗極化機連歌麟趾方振振動歌鳳雛兮嫵  
嫵翻可畏後生吾老矣試咨黃石圮橋前

題張星湖遂溪遺愛歌

雷陽襟三島濱海億千家下有溟洋之波濤上有巖  
障之樹花張君作宰於其地邑播絃歌饒桑麻煥如  
瓊海明珠碧皎如南斗星斜濡如甚露衰秋草青

卷之五

一三

如皓月照仙槎齊民痛痛厓君憂上官意忌不能投  
挂冠已去二十載邑人遺愛猶未休東粵憲使史夫  
子烈霜最喜揚潔修行却按轡問遺俗父老語及張  
君涕泗流嗟君林壑埋清白空餘濺澤潤田疇因為  
君樹遺愛碑硯山時羨晉黎思循良有恨蒼生惋揮  
毫便作遂溪詩自古賢豪不遇多如此請君排遣莫  
凄悲

壽王紫南

南極老人星蒼紫帽萬丈參玄光烟霏浩楓梧

景曇霽沉又蘭芷芳我向其中訪古蹟是為金粟真  
人飛仙之幽方古之歷數如彭聃古之脩隱如綺雷  
望歌夜來緜嶺月鑪烟朝起博山香百千三萬六千  
日看君今稱七十觴筋力既壯錚又鐵鸞鷲又多再  
弄揚金坑自有煉真訣試方諸老孰短長

壽陳志齋太安人莊氏六十

積翠兮青陽揚芳兮梅岡上有古栢之可舟下有長  
楸之可傍江都人豪陳太守拱梓垂陰蔭壠北山  
不還將毋劬南山遙拜觴毋壽春風吹綠溫陵草夜

卷之五

六四

壽錦峯兄八十

月隴深越國雲瑤池籌筭桑榆始百年之樂樂醺醺  
紫帽一氣凌泰清紫帽一氣連滄溟回颺吹散八方  
壑遙看南極老人星吾兄戩福有如此大耋之年望  
錚錚箕裘磊落錦江艷詩禮芳菲傳野馨嘯發白雲  
祭三島目極瓊樹茁千枝荔栢高連綺電幔竹松裊  
挺鼓雷旗春風若解天外意喬木應先物數知青青  
長繞白頭在把酒臨風試問之上燕百年之風景下  
貽百世之丕基

為陳心庭題蔡宜人像子獻樞余孫婿

衡州別駕陳夫子宦節清如楊伯起十年川郡四壁  
家宜人遺像掛在此瓊姿水質映丹青霞帔霓裳燦  
繒綺妙齡蚤沉香佩璵一兒今能讀父書文史三冬  
曾足用摠角浪吹泮水魚坦我東牀誦我詩三復慕  
我涕交頤云我有母童年背今我有父萬里馳時命  
未濟途多舛浩恩罔極報何時空對形圖井水寂心  
非木石能勿悲嗟子勿悲且奮思聽我低聲歌一行  
不見孔門曾仲閔鐘釜豈盡及親嘗備罹荼舌涉艱  
辛慈顏香絕見無因立身揚名今稱孝徑須景行古  
時人織縑織素休笑問母愛子抱情所至如彼階前  
玉樹花陽春華秀正嬌媚鳳侶此時應笑看豈繞夜  
烏悲諄、瀉水平地東西流宦途藝林各好修一朝  
汗竹跨前武玉顏壁上祥光浮

卷之五

又六四

長短句

題蔡海東孫士瑜塘東水亭

君家何在名塘東長風萬里送秋鴻昔日海東最豪  
蕨常懷逸興摩吳穹經史文章擬揚雄直上青天覽  
華嵩戒昔少年與君駟攜手斐遲天路長君今孫子  
又清芬其中繩繩何從揚俱懷雅思眺盧眉款馳聞  
闔秦宮商邈仙山之凌兢兮聽天籟之汪洋浮瀛海  
之波濤兮振大雅之鏗鏘盤沙石兮月垂鈎擣軒  
兮雲對揚近之濫瀏乎洙泗遠之摧破乎天荒君不  
見瀟溪一石臺耳水內環以茫茫山外蟠以蒼蒼清  
風明月長在望功業烜赫何可當塘東邨海東岡表  
裏江山正嵯嶭左右詩書憶古堯到處形勝縹緲  
便蹤先達數低昂

卷之五

六五

題青芥園呈程龍湖有守 二守

高堂壁上箇山水看見蓬瀛巫峽列繒綺高堂壁上  
圖神仙看見倭倭仝鼓聃在尺咫壁上誰為青芥園烟  
生細縷青紫裏青紫垂色水火變取水兮取生恍若  
洞庭湖中魚龍旌火兮形熟恍若渭水臨中監

原缺第六十六葉

和日煖常啣恩竹林七子賒去路蘭亭雄筆何足言  
舉頭向天天益遠酌酒開心心亦煩眼中惟見將暮  
日別意與風繞背萱

登望行

登高閣北望冀南望海冀中六龍飛御天海裏三山  
流成禹倒凌南斗看仙城風雨一聲巨鰲待鯢鵬翼  
搏扶風搖日月槎浮祥烟豈三十六曲水縈迴一帶  
中散萬花秋意氣當時傾九垓誰信飛零閩國來朝  
宗打東壑畔痛乘桴笑取洙泗材蒸雲霞之蒼蔚網

卷之五

六七

珊瑚之琅垂樓登噴霧騰蛟鼓潮似驅燕石更憐楚  
招撫為飄風催蘭挂角巾南下滄州遼雖既還山尋  
故巢猶似長安門下渡石橋君不見公子年身江海  
心殿闕望中似以管窺天心裏常疑冰就熱黃梁炊  
枕車塵喧醒時空悲草芳歇修魂憐以風動恍神駭  
而電惚世間萬事枉紛奔古往今來風花瞥樞衣歸  
去錦山下聽風聽雨駕吾說



題叔祖錦泉先生文集後

余小子往計偕強而服官延接寓內諸薦  
紳豪雋肅揖一二語寒暄外即問錦泉先  
生余曰唯唯已即舉其制義且誦且誦美  
弗置已又問先生它雜作余索諸行囊得  
一二眎客仍詫美弗置恨未覩其全也茲  
集梓行余作而嘆曰夫文果雕虫技哉  
門家以制義囿士士亦以制義自囿剽外

後序

一

予歿餘醜僅以獵取一第而止試質以秦  
漢人語輒面頰無以應若墳索無論已適  
來士慕古此比知有秦漢語然不會其意  
徒掇其詞遷固老莊幾無完膚其高者鈞  
為隱語屈為澁體眩眎駭聽不則緣飾以  
內典色相業障異端紛疊文之盛也惟今  
日而敝也亦惟今日三復先生之文沛若  
江流藹若春溫富若武庫誠足以砥柱橫

流稱一代宗工至其時發為詩歌聲律陶  
寫性靈體物含象天趣溟如也雅以躬行  
隱約鑿采埋光不欲雕垂牛耳諸賓客毋  
摘其一二付之梓輒不為心喜以故集久  
未播詩文且散佚十之五六甲午歲捐館  
舍諸子姪迺檢故笥得其僅存卷帙緒言  
嗟又豈以先生砥古論著而可勿傳昔人  
以言為心聲又曰文以氣為主先生髫年

後序

二

一惟發憤自籍經子史以逮季主計倪之  
書鮮不考究而宅心醇易沉厚絕不如有  
伎倆雌黃習態惟其氣完心正故揆而為  
文大都肖之今集播矣和白雪者當有定  
評諒不以小子阿所好云

萬曆丁酉正月上旬姪孫履階頓首書

居甫  
誌



伍輯 21 - 526

〔明〕朱載堉撰

紹易詩集二卷附錄一卷

明直敬堂刻本

紹易詩集卷之一目錄

諸體詩九十三首

雙梅書屋東梅初花

山居

送南洄上人北遊

暮冬雪夜與沈克昌話舊兼致別意

送張山人良玉東歸

春日遊水冶孝親寺

紹易詩集卷之一目錄

直敬堂

九日北城懷張石河先生

郭西別業遇風偶成

遊山公禪院

別業雨晴閒步

二月七日登北城樓有懷黃戶曹元

登漫賦

遊郭西別業登水心亭值風雨作

二月二十六日同頤齋弟復齋弟祝

家君壽

恭題此君亭上 枕易伯父

贈錢從聘之鄖陽

春日病起

重遊梵宇贈林泉上人

公子行四首

北書院對雨二首

夏日擬山家六言四首

紹易詩集卷之一目錄

直敬堂

秋興

雪

邊警

病中久雨

和陳元卿郡侯登黃花寺遠眺韻二

首

附 枕易伯父次元卿韻一首

寒食遣懷

早行

送趙兵憲萬舉北伐

苦熱

月夜聞鴈

七夕

送諸生赴舉

中秋東城同諸友翫月

圭塘懷古

紹易詩集 人卷之一目錄

三

直敬堂

胡明府子充謫成都教授賦此贈別

送陳使君元卿入覲

題雲表仙鳧卷爲盛二明府啓元入

覲

送鄒汝鄰程仲觀鈔右賓北試

見草中有名夏枯者五月卽死感而

賦此

張二惟序卧病戲柬一絕

雪中烏題扇

賦得榮榮桂之樹

送竇生歸淮上

送李洞崖明府入覲

秋日重遊孝親寺

東有韓魏公祠

春夜曲四首

秋夜與二三子共酌分得留字

東吳叅戎子揚乞竹

紹易詩集 人卷之一目錄

四

直敬堂

詠雞

園中偶書

遊盤龍寺書蘭公壁六韻

端居

銅雀妓

送黃審理東歸

登天寧寺浮圖同諸會友賦得中字

春日西園懷張良玉蕪東方景孟

附復齋弟次韻一首

寄贈方湛一道人

對兩東馬使君國華

送賈明府宗聖宰鄂縣

遊五臺寺

除夕待家君宴同弟願齋復齋賦

得來字

送顧聖甫還吳

紹易詩集卷之百錄

五 直敬堂

送張教授東歸

復齋弟新莊落成走筆志賀用壁間

程生韻

千秋頌上枕易伯父

十一月十一日初雪

和成皋王傳易賞梅韻

附傳易原韻

立春夜鄭中伯張良玉謝茂秦盧少

榭程子仁李承華六山人見過留酌

同願齋復齋二弟賦得心字

重遊資公禪院

排悶

過郭惟韜茂才別業

中秋夜感懷

九日述感二首

登國主思訓樓應教

紹易詩集卷之百錄

六 直敬堂

送友人之關中

送鄭子南歸時乃父一陽寓鄴

送周山人才甫之楚中

寄尤逸人子嘉

題玄易姪便面竹

暮春鄴西園亭與諸弟游眺漫爲吳

體用紀狂興

紹易詩集卷之一目錄終

紹易詩集卷之一

大明九世孫江寧王紹易載堞受甫著

雙梅書屋東梅初花

獨愛冰魂樹能牽幽思長暗香來石几踈  
影動方塘野意催詩句仙姿對酒觴凡花  
不敢並檻外出寒芳

山居

長夏林皋靜科頭坐日晡雜花明掩映一

紹易詩集卷之一

直敬堂

水暗縈紆竹杖門前路蓬山壁上圖逃名  
復誰侶二仲可招呼

送南洄上人北遊

大士遊何處還疑折葦行寸心孤月迥萬  
事片雲輕衣鉢誰相授山林偈自成歸來  
坐月下聽爾說無生

暮冬雪夜與沈克昌話舊兼致別意

十年成遠別此夕復連牀雪裏虛簷白梅

邊舊席香地爐煨榾柮茶鼎煮旗槍明發  
東歸後孤琴離思長

送張山人良玉東歸

樽酒西園會翻然遽此行祖筵留道侶別  
思寄文旌海岱春雲渺關河夕照明遙知  
觴詠處殊有故人情

春日遊水冶孝親寺

萬綠延幽賞留春只酒杯亂霞天外變獨

紹易詩集卷之一

直敬堂

鳥水邊迴石磴松花墮禪窻竹影來興高  
殊不倦箕踞坐莓苔

九日北城懷張石河先生

秋色滿山城秋雲入望平桂疑朝露冷菊  
帶夜霜明揚子逢當代侯芭媿此生寒暄  
隔千里翹首不勝情

鄂西別業遇風偶成

倏忽狂飈起盈階有落花偏教窻竹響更

拂檻梅斜小徑翻輕蝶閒園亂乳鴉垂楊  
無定絮飛去又誰家

遊山公禪院

不得幽人伴來遊大士家山窻搖竹影塔  
院落松花閱世塵何擾談禪日未斜無由  
耽習靜徒此羨煙霞

別業雨晴閒步

一雨塵氛息雲開見遠村孤煙墟里出群

紹易詩集卷之一

三

直敬堂

鳥樹頭喧入院花香細當階草色繁杖藜  
隨所適相對已忘言

二月七日登北城樓有懷黃戶曹元

登漫賦

極目天涯外憑高思有餘美人今不見歸  
鴈意何如河柳風前裊林花雨後踈相思  
春又暮其奈綠樽虛

遊郭西別業登水心亭值風雨作

我愛亭皋趣藍輿日日過山雲來忽雨澗  
水落還波野客情偏洽狂飈勢幾何飲酣  
歸計晚帶月出煙羅

二月二十六日同頤齋弟復齋弟祝

家君壽

卿雲垂綺席春色藹庭闈鳳管花前度鸞  
駮天際飛歡歌愛永日抃舞媿斑衣共喜  
莊椿壽千年願不違

紹易詩集卷之一

四

直敬堂

恭題此君亭上 枕易伯父

結亭當僻地獨對碧琅玕色照虛窻靜陰  
移小簾寒雨餘分紫籜風入舞青鸞最有  
貞堅操應同歲暮看

贈錢從聘之鄖陽

吳門客子俠氣雄嘯歌掀髯誰與同古劍  
佩靈湖海上孤琴託興煙霞中每思故國  
聽鳴杵幾向秋風嗟轉蓬歲暮征騾挽不

得楚天莫負南來鴻

春日病起

伏枕不知春半過  
經旬藥餌奈予何  
竹扉雨歇風塵靜  
茅屋日斜鶯燕多  
說劍樽前仍慷慨  
吟詩月下任蹉跎  
壯懷無那嫌蜂蝶  
眼底紛紛竟若何

重遊梵宇贈林泉上人

捫蘿石徑轉幽深  
寒溜潺潺下碧岑  
竹籟一庭疑漱玉  
松聲滿谷寫鳴琴  
還丹肯效淮南子  
問法堪從支道林  
自笑生平耽勝事  
招提幾過靜塵襟

公子行四首

挾彈歸來興轉賒  
胡姬馬上抱琵琶  
相逢九陌無人識  
笑把金鞭指落花  
綠衣白馬立花陰  
不惜樽前買笑金  
遙指青樓莫相妬  
春風隨處結同心

紹易詩集 八卷之一

五 直敬堂

大開綺席百花香  
座列金釵十二行  
恠殺當關頻報客  
從教荆棘長門牆

酩酊不惜醉顏酡  
指點樽前教艷歌  
笑倚闌干問明月  
人間天上幾嫦娥

北書院對雨二首

白鳥翻翻下遠灘  
忘機相對一漁竿  
城陰却近三秋早  
竹密真成六月寒

驟雨飛來滿戶庭  
沒階積水帶龍腥  
倚闌薄暮殊無興  
不見西山半點青

夏日擬山家六言四首

百畝桑田遠近數  
椽茅屋高低花下一  
樽綠酒牀頭半瓮  
黃壘

竹影頻搖踈牖柳  
陰低拂方塘睡起  
翛然無事箇中日月  
偏長

野鶴相依庭砌孤  
琴獨撫松陰對客  
一枰碁局半簷日下  
西岑

紹易詩集 八卷之一

六 直敬堂



礪水粼粼觸石停雲疊疊遮峰客至旋敲  
石火烹茶煙出青松

秋興

秋色上林巒蕭蕭異壑寒煙霞抱迂拙獨  
自理漁竿

雪

白日凍雲暮紛紛雪舞花階堆鹽虎伏松  
偃玉龍斜

紹易詩集

人卷之一

七

直敬堂

邊警

胡虜何多事于今戰未休塞雲低朔漠漢  
月照邊樓壯士冰霜苦元臣日夜謀誰能  
拂長劍北指落旄頭

病中久雨

久雨侵吾病寒生六月初暗藏仍白鳥濕  
壓幾紅蕖欹枕呼丸藥推窗坐檢書重門  
斷塵跡何異野人居

和陳元卿郡侯登黃花寺遠眺韻二  
首

一覽西山勝還登大梵臺踈鍾乘晚落古  
刹倚雲開楚徑林間出飛泉天外來興高  
明月下五馬踏香埃

登眺此禪境悠然斷俗囂林花燦文錦石  
溜雜清韶鶴唳惟滄渚鴻飛已碧霄使君  
正憂旱千里復青苗

紹易詩集

人卷之一

八

直敬堂

附 枕易伯父次元卿韻一首

暫着登山屐聊看掛鏡臺禪關依礪轉關  
若倚天開撫景空花落談玄法雨來何時  
息塵鞅此地避浮埃

寒食遣懷

又值芳菲節吟邊意不窮壯懷惟短劍雅  
調自孤桐野水蒸雲白林花奪日紅西園  
多賦客樽酒共春風

早行

曉發太行路遲遲獨馬過濕衣晴露重拂  
面谷風和帶月穿林莽披雲轉薜蘿悠然  
興不已吟嘯憶羊何

送趙兵憲萬舉北伐

五月邊烽急君侯復此行天開納款塞雲  
護受降城何日寧中夏連年事北征漢家  
有麟閣誰復擅勲名

紹易詩集

八卷之一

九

直欽堂

苦熱

獨坐高齋午炎蒸勢益強火雲當院合赤  
日轉階長據榻心成醉科頭意欲狂何如  
御風去雪嶺一披裳

月夜聞鴈

入夜聞征鴈其如秋思多數聲天外斷孤  
影月中過別塞橫銀漢銜蘆度碧波明春  
遲爾至莫遣負雲和

七夕

長空回暑氣閣道兩星臨鵲渚晴雲沒銀  
河秋色深纔歡今夕會遽別隔年心拂曙  
殘機上徒聞軋軋音

送諸生赴舉

槐花黃滿地祖道別情多策馬衝殘雨揚  
帆渡大河青雲齊奮發白日謾蹉跎激志  
看鴻鵠無令鬢欲皤

紹易詩集

八卷之一

十

直欽堂

中秋東城同諸友翫月

為愛秋來好無如是夕清金波浮廣席玉  
鑑傍高城招隱同斯會耽幽信此生坐看  
天上月作意向誰明

圭塘懷古

幽人昔遯世結屋鄴城隅地擁千竿竹山  
藏萬古書素懷耽水石清夢入樵漁獨吊  
圭塘路高風尚起予

胡明府子充謫成都教授賦此贈別  
順邑稱賢牧胡爲西蜀行江山遷客計猿  
鳥異鄉情執戟嗟揚子題橋羨馬卿青  
羶猶有待聊寄錦官城

送陳使君元卿入覲

曉色動雙旌衝寒直北行清漳千樹隔絳  
闕五雲橫召父才名重文翁道氣平朝端  
如有問應是爲蒼生

紹易詩集

八卷之一

七

直教堂

題雪表仙鳧卷爲盛二明府啓元入

覲

洄上送郎官時逢歲欲殘霜風吹驛路曙  
色動河干迢迢蒼山迫透迤碧水寒還應  
待聽馬春草出長安

送鄒汝鄰程仲觀鈔右賓北試

歲暮動行色離亭錦席張情深仍駐馬歌  
輟更傳觴黯澹山雲度縈紆野水長杏園

春得意聯步入明光

見草中有名夏枯者五月卽死感而  
賦此

萬卉正崢嶸彼芳獨枯稿盛衰各有時雨  
露非關少

張二惟序卧病戲東一絕

爾來何抱病伏枕卧煙蘿欲駕剡溪棹閒  
門許暫過

紹易詩集

八卷之一

三

直教堂

雪中烏題扇

風雪集寒柯徒負排空志連翼何翩翩猶  
帶夜啼意

賦得榮榮桂之樹

榮榮桂之樹當此搖落時金粟一何盛白  
露復垂垂上有雙棲鳥羽毛常相依所愛  
比松栢群動焉得知

送竇生歸淮上

憶昔寄吾門今爲千里客皓首莫耽吟  
山當問宅風景一樽空江淮幾年隔別後  
定相思窻虛涼月白

送李洞崖明府入覲

君今宰鄴已經時北去朝天歲暮期郭外  
衣冠殊有賦漳南父老更多思春生九陌  
聯驄馬上重霄集羽旗 聖世祗今方  
側席山公應啓內庭知

紹易詩集卷之一

直敬堂

秋日重遊孝親寺

東有韓魏公祠

千林搖落已深秋覽勝重來續舊遊曲磴  
每從雲外轉寒泉時自樹中流魏王碧殿  
空山隱梵宇金輪暮靄浮歸路翛然有真  
契松門蘿月更遲留

春夜曲四首

繡幄低垂幽夢醒金爐香盡翠寒生愁人  
今夜應無寐莫問西樓月正明

滿庭明月總相思嬾娜纖腰妬柳枝倚遍  
雕欄成寂寞春來翻作斷腸時

踏月瑤階款步來遲回無語立蒼苔中天  
悵望停雲處幾樹桃花春自開

河漢微斜明月低曾携素手過樓西花茵  
柳幔情無限夢裏相逢路不迷

秋夜與二三子共酌分得留字

霜氣澄澄值素秋一樽傾倒共淹留高燈  
吐燄垂金粟鴈帶邊聲夜度樓

東吳叅戎子揚乞竹

分得淇園物色新拖煙帶雨興無垠敢期  
彩鳳來棲息祗合幽窻伴野人

詠雞

身有文章萃花陰逐侶行已知全五德不  
爲稻梁鳴

園中偶書

松下茆椽穩閑中白日長地偏人不到吾  
意卽羲皇

遊盤龍寺書蘭公壁六韻

龍藏依山麓閑來愜素心水鄰禪室靜雲  
護法堂深覽勝披蒼靄談空坐古林半生  
三昧覺百感二毛侵猿鳥啼幽壑松蘿雜  
暮陰重遊更何日聊此滌塵襟

端居

紹易詩集 入卷之一

圭

直教

端居何所事性逸愛江鄉一水抱幽徑萬  
花明草堂鳥飛穿竹葉魚戲亂蓮房誰更  
能迎送年來物我忘

銅雀妓

玉輦絕遊幸草荒銅雀臺總帷人不見沙  
浦月空來柳葉煙仍鎖桃花春自開西陵  
徧荆棘風雨重堪哀

送黃審理東歸

魯生起歸思趙瑟動離聲芳草春來色王  
孫別後情河山直甲第雲樹定陶城平樂  
有樽酒池臺空月明

登天寧寺浮圖同諸會友賦得中字

層塔倚長空登攀此日同梵音天外落寶  
氣斗間通窓映西山雪簷收北野風分題  
有群彥高詠夕陽中

春日西園懷張良玉蕪東方景孟

不見故人久西園花又開鶯聲歸弱柳野  
色上層臺已負春初約誰同月下杯憑君  
共吟賞無愧建安才

附復齋弟次韻一首

片兩息氛埃園扉樹裏開感時堪作賦  
覽景獨登臺柳暗煙籠徑花明霞照杯  
張衡更愁絕知爾亦憐才

寄贈方湛一道人

名著竟何事相聞那可攀  
文星照荆楚道氣藹河山  
片月心同靜孤雲意共閒  
嗟予限茲土徒爾仰仙顏

對雨柬馬使君國華

入夏雨無際偏生五月寒  
接雲時黯澹滿地更瀾漫  
禾偃知秋早窻鳴聽夜闌  
鄴中廉叔度能使萬家安

送賈明府宗聖宰鄴縣

一鶴遽辭鄴雙鳧遙向秦  
清朝祿食輩玄髮宦游人  
樹色函關道花香渭水津  
夜披循吏傳秉燭好畱神

遊五臺寺

策馬西原上聞尋支遁居  
階前惟水石門外有樵漁  
雙樹依金刹重輪倚碧虛  
我來塵慮靜獨坐磬聲餘

除夕侍家君宴同弟願齋復齋賦

得來字

此夕歲將盡明朝春又來  
當筵動絲竹列炬照亭臺  
蜡意隨殘雪陽和逼早梅  
彩衣同拜舞光映紫霞杯

送顧聖甫還吳

拂曙發征輪三臺草色新  
追遊知興遠惜別見情親  
鄴館虛良夜吳門度好春  
楓橋一樽酒應逐踏歌人

送張教授東歸

宦遊聊鄴邸解組忽東歸  
古道頻驅馬春山獨采薇  
溪聲喧石瀨野色靜林扉  
應憶西園賦迢遙夢不違

復齋弟新莊落成走筆志賀用壁間程生韻

別業開洄上悠然絕市紛  
還丹得靈氣種竹愛斑文  
棹弄滄浪月亭畱碧落雲  
坐來

幽興劇歸鳥隔花聞

千秋頌上 枕易伯父

瑞靄動瑤臺宮花寒尚開席同平樂宴詩

逼建安才海上紅雲出天邊青鳥來趨陪

叨獻頌又進九霞杯

十一月十一日初雪

短日嚴威重濃雲接地賒曉風鳴竹葉初

雪到梅花遠塞來寒鴈深林集暮鴉因思

紹易詩集 入卷之一 九

惠連賦自古幾名家

和成泉王傳易賞梅韻

歲杪寒威薄梅花雪欲消風來香更遠月

上景偏饒清影窻前動春聲笛裏飄何由

共觴詠促席醉深宵

附傳易原韻

乍破南枝萼渾疑雪未消搜詩情更逸索

笑與偏饒影逐寒光轉香隨朔吹飄移樽

坐相對况值可憐宵

立春夜鄭中伯張良玉謝茂秦盧少

樞程子仁李承華六山人見過留酌

同願齋復齋二弟分得心字

物序驚春早時同六子吟坐來宮漏轉興

到酒杯深絲管此何夕風騷誰會心因思

建安盛八斗愧而今

重遊資公禪院

紹易詩集 入卷之一 辛 直敬堂

地僻塵氛少重來景更新漁樵常作伴山

水自為隣鳥語閑中趣花香靜裏春此中

能遁跡疑是葛天民

排悶

秋墟動寒色相對轉凄然時序成多感糟

糠負百年月低孤榻靜夜久一燈懸謾說

安仁賦傷心更幾篇

過郭惟韜茂才別業

何處堪幽討尋君郭外居避喧成別業養  
浩對羣書松徑鶴聲遠花亭人事疎相板  
殊不倦日暮尚停車

中秋夜感懷

清秋重悽愴寒色動嚴城鬱鬱今宵思依  
依往日情西風吹萬木涼月照三更池上  
芙蓉落含悲賦未成

九日述感二首

紹易詩集

人卷之一

三

直敬堂

歲序驚重九清商欲暮天候蟲鳴暗壁朔  
鴈度寒川黃菊霜逾茂丹楓秋轉妍茅齋  
棲息處形影自相憐

平野秋容澹龍山興有餘登高俯河嶽買  
醉問村墟白露千林遍黃花九月初坐來  
成寂寞搖落正愁予

登國主思訓樓應教

疑是神工構真成過鯉庭窻開邀疊嶂棟

起接高冥灌木雲邊暗群峯雨後青我來  
叨侍立復此肅儀刑

送友人之關中

郭外霜初下涼颺逐馬蹄渭河官樹老鄭  
谷嶺雲低去烏煙中沒荒林天畔迷行行  
君不見孤月太華西

送鄭子南歸時乃父一陽寓鄴

之子獨懷歸關河一鴈飛寒風吹去旆春  
柳拂征衣路轉吳宮近天遙越岫微懸知  
重回首鄴下有椿鶯

送周山人才甫之楚中

爾家鄰鴈宕攬勝自平生燕趙今多賦西  
南更一行曉星趨驛道暮雪醉江城會見  
荆王寵當春肯寄聲

寄尤逸人子嘉

詞賦浙東客論交日已深乾坤醒醉眼湖



海去來心遠意寧芳草幽懷寄素琴明春  
有歸鴈莫惜惠空音

題玄易姪便面竹

名家夏昶筆法古清勁天然爾為主亂葉  
渾驚渭甸秋幾竿恍對湘江雨捲舒瀟灑  
見陰晴水墨能分重與輕我欲同遊非大  
阮竹林試寫寄幽情

暮春鄴西園亭與諸弟游眺漫為吳

紹易詩集卷之一

三直敬禮

體用紀狂興

五枝十枝紅較稀兩樹三樹綠將肥遊蜂  
舞蝶不同采榆莢楊花相逐飛把酒從教  
幽興遠吟詩要識正聲微王門勝事在吾  
輩共踏月明騎馬歸

紹易詩集卷之一終



紹易詩集卷之二目錄

諸體詩八十一首

元夜答張雲谷山人用來韻

題夾竹桃花

春日有感

送秋斗菴羽士

冬夜二絕

雪中懷張石河先生時在都下

紹易詩集卷之目錄

一 直敬禮

擬妾薄命

擬無題

春夜養正堂與二三弟聯句

方右史挽歌

久雨北望書院寄意雙鶴四韻

送胡伴鶴山人

病起示復齋弟

送方景孟歸閩中

喜雨贈陳太守用陽

早秋遣興

別業與二三友話舊

九日登樓懷張武選子繹

附復齋弟次韻

送孟二從善

九日懷古

哭四弟蒙齋

紹易詩集卷之二目錄

春日同孫侍御益之洹上泛舟分得

天字

過復齋弟別業即席賦

過秋羽士故居

贈林泉上人

楊柳枝二首

春洹漁父自題

禡李尤山人繪四景圖紀予別號愛其古

雅漫賦四絕云

水竹居士

介石山人

雪行樵夫

春日泛舟洹水予先登岸清風樓候

家君駕抵暮而歸與願齋復齋二弟侍

宴聯句

村居即事

歲暮

紹易詩集卷之二目錄

少村書屋題壁

附復齋弟次韻

送李使君廷實擢代州兵憲

贈潘太谷羽士

憂居聞成皋王傳易恭謁壽安山不

與用復齋弟來韻

峯泉兄欲過山莊因雨不果會

送吳篠菴還金溪

直教堂

送蔡中丞子木擢少司馬北上二首

秋日同諸會友過別業登臺間眺

贈別張逸人懋復

題兩山樵隱卷為吳叟賦

九日對雨入午偶霽同復齋弟書院

謾酌

過雙泉別業漫賦

西園秋興二首

紹少詩集卷之二目錄

直敬堂

水竹別業漫興

送會長謝茂秦復之上黨

雪中張逸人懋復見過即席因贈願

齋復齋二弟之作次韻以答

春日復齋弟招飲舟中賦得春字

贈上海孝廉朱邦肅

西園雜興二首

秋夜聞笛

送內弟楊子成應試

送江間山逸人

四明草堂卷為吳汝震題

歸隱卷為峯泉兄題

過林公禪院不值

遊蓮花洞

歲暮病中書懷

寄贈西亭宗丈

紹少詩集卷之三目錄

直敬堂

送曹洵川使君移刺東萊六韻

鄴東望亡弟願齋別業賦此志哀

坐雨有懷尤逸人子嘉

送許致齋計部還京

讀竹齋弟童觀集率成

題望山宗弟卷此詠物體而不著迹

送李蒲溪侍御按吳中

題王穆庵郡丞山水圖四首

寄吳鵬峯監察時按齊中

宴集隱耕園留贈西谷宗文

送劉雲谷山人北上謁張太嶽閣老

夢中得句遂成一律示弟復齋夜夢竹下

携兒因得有兒鍾  
愛深知孝之句

附十友堂記

紹易詩集

卷之二目錄

六

直敬堂

紹易詩集卷之二

大明九世孫江寧王紹易載璞受甫著

元夜答張雲谷山人用來韻

暫携琴鶴別仙鄉筆底生花劍閃光燈月

滿城絲管沸蓬山目斷海茫茫

題夾竹桃花

綠玉枝頭一段春芳姿霞色媚天真相看

不必相驚訝我亦玄都舊識人

紹易詩集

卷之二

一

直敬堂

春日有感

多病逢春百感生敝廬蕭索掩柴荆西原

望斷松楸合白日黃泉空愴情

送秋斗菴羽士

送爾移居迥出塵澹交幾載媿比鄰他時

九轉丹砂就莫惜刀圭寄故人

冬夜二絕

寂寂虛堂夜氣清南華讀罷世緣輕焚香

默坐澹無語隨意松花帶雪烹

凍雲四垂飛鳥絕野客閉門孤坐時亂雪

打窻耿無寐梅花不見橫斜枝

雪中懷張石河先生時在都下

凍雪侵階勢欲平踈梅岑寂傍虛楹問奇

安得携樽酒薊北漳南歲暮情

擬妾薄命

妾薄命薄於紙憶昔深閨未嫁時承恩選

入昭陽裏朝歡暮宴不解愁三千佳麗寧

同流誰知一朝人事變賤妾獨守長門怨

朱顏綠鬢委泥沙秋月春花成慨嘆君不

見玉奴蓮步媚君王東昏荒淫那久長又

不見沉香亭前睡海棠環子棄置馬嵬傍

古來美人有如此自嗟薄命何足齒昔日

妖嬈枝上花而今嗚咽溝中水綉幃寂寞

坐深宵獨對銀缸冷鴛被妾薄命亦何苦

樓斷朱絃慵自撫幾欲裏情說向天天高

不言又風雨萬縷相牽無盡時妾心向君

君不知何當化作九臯鶴叫徹中心有所思

擬無題

衡陽空望鴈書回惆悵朱顏那更來抱恨

綠珠終爲主傷情碧玉豈勝哀魚翻水面

開銀浪蜂落花鬢點翠苔腸斷蘭闥成寂

寞恐將心事付寒灰

春夜養正堂與二三弟聯句

中堂共酌興悠悠紹獨媿陳思鄴下流僻

巷春回芳草合順齋崇臺雪霽暮雲收靜看

月色低臨檻紹易謾聽鐘聲遠度樓幸對仙

才樂何劇復齋不須采藥訪丹丘紹易

方右史挽歌

賦鵬非佳兆文星隕昨宵才堪資鄴邱名

可動天朝官舍琴書冷鄉關霧雨饒銘

旌渺何處海上壠雲飄

久雨北望書院寄意雙鶴四韻

草堂十日雨誰復伴孤吟秋色來西浦  
疎雲斷遠岑已諳依竹態更想薄霄音  
好待月明夜相將對素琴

送胡伴鶴山人

相逢苦不久相送轉情多  
白首仍為客清秋幾放歌  
去畱淹杖屨消息阻兵戈  
別後紹易詩集八卷之二

甘幽寂孤樽對辟蘿

病起示復齋弟

一病驚春暮翛然卧敞廬  
庭隅幽鳥集門外故人疎  
藥餌仍堆案星霜且著書  
西園負吟賞花竹近何如

送方景孟歸閩中

年少閩中客揮毫能賦詩  
三秋成遠別十載媿相知  
江樹愁邊度鄉山夢裡思  
西園

有松桂莫負建安期

喜雨贈陳太守用陽

一誠通碧落甘雨為蒼生  
簷溜聲何急池波勢欲平  
滂沱失野徑黯澹壓山城  
理郡憂時切應齊廉范名

早秋遣興

商意來何處翻階梧葉多  
溪平雙鳥下天遠一鴻過  
幽事堪汀渚閑情在薜蘿  
月明紹易詩集八卷之二

時獨感無奈壯心何

別業與二三友話舊

群彥過西墅開樽當素秋  
溪虛寒色動山迥翠光流  
曠達追元亮孤高憶許由  
塵纓堪一濯幽事在滄洲

九日登樓懷張武選子繹

層樓暮徙倚北望思悠哉  
鴈影雲邊度秋聲天際來  
乾坤吾自拙廊廟爾多才  
千里

美人隔誰同黃菊杯

附復齋弟次韻

憑高片雨歇秋色信佳哉斜日低簷外

西風入座來已聞金闕疏更見玉堂

才由翰林吉士選御史安得同臨眺賡歌對酒杯

送孟二從善

未識已先聞相逢信不群琴猶嵇叔夜賦

擬鮑參軍桂冷西園雨秋高中岳雲悵君

紹易詩集 卷之二

千里別何日挹清芬

九日懷古

爽氣澄方沼寒飈動遠林清樽酬令節黃

菊助謳吟秋老丹楓色天空白鴈音龍山

輕落帽誰識古人心

哭四弟蒙齋

阿弟掩泉扉吾家減白眉連牀仍有夢把

臂復無期墮淚殘燈夜傷心月落時鵲鴿

在原上回首重堪悲

春日同孫侍御益之洄上泛舟分得

天字

上客同遊日林花春欲然斷雲低遠浦疎

雨爭遙天歷歷吳歌調泠泠趙瑟絃無由

駐驄馬暝色起長川

過復齋弟別業卽席賦

兩歇塵氛靜亭臺復此遊波光搖片月樹

影亂平洲坐裡多黃葉吟邊正素秋墳篋

殊可聽桂楫任遲留

過秋羽士故居

惆悵舊遊處衡門晝亦關水邊幽徑寂竹

裏小窻閒草合燒丹竈雲封采藥山飡霞

人不見空自聽潺湲

贈林泉上人

林扉掩十年大士斷塵緣定裏蓮花漏香

餘栢子禪講移松杪月鉢注礪中泉已悟  
恒河劫身心獨了然

楊柳枝二首

絲絲楊柳拂渠頭含雨和煙映畫樓樓上

美人春夢覺憑欄望斷木蘭舟

柳渠渠上板橋橫曾與佳人話別情二十

年來景依舊斷腸今又聽啼鶯

春洄漁父自題

橋李九山人繪四景圖紀子別號愛其古

紹易詩集卷之三

八 直敬堂

雅漫賦四絕云

柳色浮煙沙際平東風裊裊一絲輕臨流

不學羊裘叟春水桃花自放情

水竹居士

萬玉蒼蒼近水涯溪風山月滿幽懷北窻

高卧羲皇上不放紅塵到小齋

介石山人

秋晚千林已着霜黃花采采傍寒塘興來

坐石忘言處不減當年米芾狂

雪行樵夫

腰斧衝寒獨採樵凍林石徑任迢遙山中

誰識朱翁子風雪迷茫過野橋

春日泛舟洄水予先登岸清風樓候

家君駕抵暮而歸與願齋復齋二弟侍

宴聯句

綠水縈紆遠接天紹易朱欄徙倚望樓船風

紹易詩集卷之三

九 直敬堂

吹平野搖春草願齋日下層巒起暮煙一派

絲簧鳴柳外紹易幾家燈火映溪邊追隨賦

就歡無極復齋帶月歸來復盛筵紹易

村居即事

長夏村居景色幽青山當檻翠如流松花

亂點莓苔徑燕子斜飛杜若洲世態漸疎

成一笑年光轉大陪多愁湘簾高捲誰為

侶賴有閒雲半入樓



歲暮

忽忽歲云暮零霜皓前除寄傲南窗下所以心性疎不敢嬰世務世務與我殊興來忘物我頽然卧敝廬

少村書屋題壁

獨愛煙霞趣郊居罷送迎門前流水合座外遠山橫斲藥雲相伴攀蘿鶴共行自緣迂懶性不是為逃名

紹易詩集

八卷之二

十

直敬堂

附復齋弟次韻

茅堂近流水地僻絕逢迎日下孤扉靜秋高四字清雲霞堪作侶猿鶴可同盟吾羨陳思賦應齊百代名

送李使君廷實擢代州兵憲

幾年能理郡白髮見憂心劔戟生寒色旌旄蕩夕陰威揚狐塞靜春入鴈門深父老頻相望遙聞奏績音

贈潘太谷羽士

邂逅餐霞叟仙顏迥不同一心隨處靜萬慮坐來空石逕扶筇轉雲林采藥通何時謝塵鞅訪爾碧山中

憂居聞成皋王傳易恭謁壽安山不與用復齋弟來韻

時有羨牆思偏聞烏夜啼山川自為壑松檟儼成溪出水衆魚躍隔林班馬嘶嗟予

紹易詩集

八卷之二

十一

直敬堂

繫憂戚未得共攀躋

峯泉兄欲過山莊因雨不果會幽逕青蘿合山居客到稀雲陰迷石磴雨氣暗巖扉破悶杯中物逃名水畔磯惟君知懶慢良晤奈多違

送吳篠菴還金溪

季子之南國離筵柳漸彫行邊秋思迥江上鶻聲遙白杜頻携酒青山好問樵會期

不可定幾欲挽歸橈

送蔡中丞子木擢少司馬北上二首

文翁兩化俗名已徹 皇州節鉞威今日

帆檣動早秋雲低官柳色風靜御河流此

去登臺省人看丙魏儔

河朔瞻山斗思君隔渺茫才凌楚詞賦氣

奪漢文章聲譽南來遠風雲北去長匡時

司馬策好為達明光

紹易詩集 八卷之二

直敬堂

秋日同諸會友過別業登臺間眺

散步過西墅花深小院幽竹間踈雨歇天

外斷雲流野色搖晴日嵐光入素秋時同

諸子賦儼在竹林遊

贈別張逸人懋復

羨爾扶藜杖寰區能討尋應懷子長志未

愜向平心蘿月千山杳松雲萬壑深真圖

倘相授為我寄來音

題兩山樵隱卷為吳叟賦

自得逸名趣漁樵物外儔水光澄可鑑山

色翠如流歸路煙霞暝行歌天地秋一聲

九臯鶴此意共悠悠

九日對雨入午偶霽同復齋弟書院

謾酌

小酌淹吾弟秋高雨復晴慙予何興減羨

爾又詩成虛閣涼颺入踈林返照明還頃

紹易詩集 八卷之二

直敬堂

罄樽酒促膝和金聲

適雙泉別業漫賦

選勝成佳第探幽始一臨透迤松徑曲窈

窕竹扉深黃菊明寒沼丹楓出遠岑憑高

有真契相對豁塵襟

西園秋興二首

向晚閒雲踈澹連空草色萋迷緩酌茅亭

簷下醉眠水竹叢西

纔過中秋翫月又逢重九登高遣興一樽  
菊酒催詩萬壑松濤

水竹別業漫興

遙天雲浮晴還陰竹院水穿幽仍深曉山  
盡出共佳色時鳥各鳴俱好音車馬無聲  
地何僻葦門長掩斷塵迹野人過午不梳  
頭移榻松間讀周易

送會長謝茂秦復之上黨

別來楊柳幾經春此日逢君何愴神道路  
間關千里夢江湖去住百年身劍花照夜  
心逾壯詩草揮時意更新舊杜凋零少知  
已西風物色正愁人

雪中張逸人懋復見過即席因贈願

齋復齋二弟之作次韻以答

吾生性僻愛幽居蓬戶重過長者車自媿  
河間多禮樂惟知架上有圖書千山木落

凄風後四野雲垂凍雪初欲折早梅催客  
賦從教寒色滿庭除

春日復齋弟招飲舟中賦得春字

雨氣茫茫正暮春桃溪竹樹絕無塵愚兄  
共賦懷堪遣難弟開樽意更親白鷺傍船  
偏引興青山對榻可爲鄰中流向晚不歸  
去况有漁歌起綠蘋

贈上海孝廉朱邦肅

蓼莪讀罷慄無休翁子思親春復秋夜雨  
猶傾斷機淚夕陽曾對倚門愁杰嘗每覺  
冥中享顏色還應夢裏求遙憶江南故丘  
壠傷心落日照松楸

西園雜興二首

茅堂背郭枕平臯翠篠丹葩物色饒野老  
杖藜塵事絕看山行過竹西橋

竹樹籠葱繞戶庭池中山影半涵青一雙

燕子知人意春色相將入畫屏

秋夜聞笛

搖落清商夜虛庭月影流遙聞三弄笛散  
作萬家秋欹枕思何極開窗坐轉幽柳條  
折欲盡蕭瑟倚西樓

送內弟楊子成應試

原上相携手西風吹素襟槐花黃滿地桂  
樹綠成林鵬舉天門近鯨翻海浪深隔河

紹興詩集

卷之二

六

直教

望梁苑計日聽佳音

送江間山逸人

羨爾江南客探竒恣遠遊煙霞五嶽盡風  
雅一囊收不作鄉中夢寧知世上愁武夷  
多勝迹高卧幔亭秋

四明草堂卷為吳汝震題

舊知吳季子莫訝四明狂幽興耽松釀閒  
身愛草堂有情皆道侶無夢不仙鄉時復

一披卷悠然與世忘

歸隱卷為峯泉兄題

結屋青山下棲棲了此心高眠輕俗務獨  
坐就繁陰蘿月橫琴靜松雲護榻深慙予  
徒有念望望隔重林

過林公禪院不值

塔院無人晝掩關采芝何處覓仙山竹間  
香積茶煙斷踏遍莓苔空自還

紹興詩集

卷之二

七

直教

遊蓮花洞

石磴縈紆掛碧岑禪扉蘿影更幽深來遊  
此地煩囂息盡日焚香禮梵音

歲暮病中書懷

寂寞書齋晝尚眠病容吟骨兩翛然詩題  
藥裹閒中課杯茗爐香靜裏綠幾樹歸鴉  
喧薄暮半庭殘雪逼新年自嗟門巷誰乘  
興不見王猷剡上船

寄贈西亭宗丈

相知來去兩書聞南望高居鬱紫氛梁苑  
暝連平樂兩漳河晴度太行雲隨身氣壯  
星辰劔信手才工黼黻文謾說陳思擬勳  
績豪雄今有信陵君

送曹洵川使君移刺東萊六韻

齊東萊子國四月促巖程林外旌旄出郊  
西父老迎無言心自遠有道政能平島月  
沙頭白天風海上清循良千古傳感荷萬  
家情卧閣無餘事垂簾聽雨聲

鄴東望二弟願齋別業賦此志哀

吾弟逝何早斷腸空賦詩群鴻感同氣叢  
桂憶連枝野曠憑軒處林空步屨時漳流  
一灑淚西返永無期

坐雨有懷尤逸人子嘉

書齋獨坐情片雨暗王城不見遠山色惟

聞近雀鳴余懷泉石癖爾抱歲寒盟采芷  
秋江上相期一寄聲

送許致齋計部還京

俸薄清名著家傳正氣多餉邊臨碣石揚  
旆涉滹沱烽息兵思戰時平虜請和應知  
報消息鴈下鄴城阿

讀竹齋弟童觀集率成

著述古人事王孫鄴下才星辰誰並摘混  
沌自能開海送層波轉山將群秀來馳神  
動萬里斜日幾登臺

題望山宗弟卷此詠物體而不著迹

高興棲何處群山眼共青中懸月晶晶西  
向樹冥冥步轉隨雲氣神遊會地靈層巖  
有白鳥時復下閒庭

送李蒲溪侍御按吳中

淮上名先著吳中威欲臨楚筵酒不盡趙

悲意何深風振東南路霜飛日夜心斜陽  
遽此別驄馬去駿駉

題王穆菴郡丞山水圖四首

山擁烏雀林橋通漁樵路不見采芝人煙

霞自朝暮

野情居自閒樹色煙相似誰識窻中人草

玄心萬里

鄰崖草屋虛泊渚蘭舟靜水清風不來閒

紹易詩集

八卷之二

干

直敬

殺白雲影

山深樹參差野曠雲來去遠近秋色佳幽

人復何處

寄吳鵬峯監察時按齊中

皇華使者昔年來讀禮中庭泣正哀千里

報書淹此意兩朝簪筆見君才乾坤忠

孝乘時出海岱風雲拂曙開東向迢遙隔

驄馬旌旄猶憶過三臺

宴集隱耕園留贈西谷宗丈

有客停車乘午涼參差翠柳陰池塘花間

酒氣因風遠竹裏棊聲消日長席就廣除

低燕雀詩留四壁幾冠裳雨來不盡登攀

興清夢悠悠到野堂

送劉雲谷山人北上謁張太嶽閣老

少年楚客赴燕京薊北行歌正偃兵主將

知機從納款宰臣能斷見承平邊庭氣色

紹易詩集

八卷之二

主

直敬

天俱遠江漢波瀾霜共清東閣廣開應有

日莫教聖代老儒生

夢中得句遂成一律示弟復齋夜夢竹下

携兒因得有兒鍾  
愛深知孝之句

天許夢蘭心事足年垂五十未成翁有兒

鍾愛深知孝厚祿多慚豈盡忠夜轉星河

瞻北斗秋高梧櫝感西風聖朝不負趨

庭教吾弟銜哀涕淚同

卷之二終

附錄

遵訓銘有叙

昔我

皇祖肇造區宇建藩篤親

恩寵周至然猶慮其凌德滅義自戾匪燹

漸底弗類著為

祖訓一編垂憲萬代

命誠孔昭至精至備誠

紹易詩集

皇極之敷言啓佑之嘉謨也璞自成童承

王考過庭之教時佩服之冀免愆尤愧

未能也乃以遵

訓名樓用示警策而此心怵惕夙夜祇懼

尤自歎然竊惟爵以命德非其人則

玷祿以資善浮其食則蠹璞踈庸寡

昧無所猷為託以

宗姓優游藩服安享世封析圭僖爵以

隆其位袞冕黼裳以華其躬鼎鍾祿

食以侈其養使或不能敦倫正紀禔

身潔行則奉藩修職之有怠矣曷以

報塞

天恩于萬一也哉故必竭忠貞以媚

主無涉于欺崇孝友以正家無飾于偽隆

道誼以一趨無納于邪端好尚以養

心無荒于僻重名節以礪操無失于

紹易詩集

矯遠貨色以塞違無比于溺戒遊佚

以窒慾無耽于樂黜聲華以斂實無

詭于隨非經弗嗜非仁弗為非士弗

友非善弗從不為俗靡不為習固不

為氣移不為物屈庶無負

皇祖之明訓有以昭前德之光矣爰述茲

銘刻之貞石藏之

家廟與我子孫世守之銘曰

聖有謨訓德音秩秩昭回雲漢炳然星日

詒謀式穀垂裕后昆丕承丕顯如綉

如綸惠迪斯吉履錯斯咎居寵思危

持盈思覆曰忠曰孝有翼有巖逸心

作德安貞守謙率由典常恪慎服

命踐修嘉猷景行

烈聖不睹亦式常目在之服膺勿失惟日

孜孜此身克正其儀不忒毗予

紹易詩集八 附錄

三 直教堂

一人以蕃

王國凡我孫子一德是承萬世無斁永鑒

斯銘

十友堂記

紹易子曰余性迂踈動與時違非不能澠

泥隨流不甘為大塊軟美之物爾年四十

懶慢尤甚遂厭煩喧好居幽僻丁卯夏啟

止隙地築堂三楹扁曰十友蓋所藏聖經

數卷名畫數幅劍一不加粧飾形甚古朴

鋒白射人邪不敢近簾一上刻丹山鳴鳳

四字月下風前聞弄數聲雖不成調如雲

鵝翔鳴古瓦瓶一凡浸梅杏暨牡丹之類

數日不萎冬月不冰硯一端溪舊坑物也

貯水終日不竭背有和靖先生之銘榻一

斑竹所製周設木榻中實湘竹余嘗偃仰

其上寤寐中如在瀟湘洞庭之野鑪一三

紹易詩集八 附錄

三 直教堂

代古物殊非博山奇狀杖一藜為之杖頭

生成五嶽真形雖倚壁靜含遠意琴一背

刻玉壺冰撫之泠然聲出九霄之外十友

足以永日門外塵囂耳不與聞聞亦心寂

當其春也草生階下花落欄前當其夏也

雨過新涼北窓睡足當其秋也蟬吟樹杪

蛙噪池塘當其冬也爐溫火深香餘几靜

偶爾天風一起草木皆聲此又十友之潤



益也大丈夫不能為千載出塵之事不免  
居塵以自拂耳蘇長公詩云無事此靜坐  
一日是兩日長公為余異代同心漫書於  
壁以俟來哲

附錄終

紹易詩集

附錄

五

直敬堂

〔明〕馮惟健撰

陂門山人集八卷

明宋氏鈔本

陂門集叙

初治泉馮子卒於青訃至南都既與諸舊游為位以哭久之予上京師時其季氏駕部君汝言適免喪待次公車會其姪氏汝行上南宮自其家携所遺稿授予俾任後死之責既定著為如干卷為詩若文摠如干首駕部將刻梓以傳屬予為序序曰治泉馮

陂門集序

宋氏抄本

子者臨胸人也一號陂門山人名惟健字汝強中丞可泉胡公為易曰汝至先世成遠左治泉生於遼左隨宦南北游學金陵先閭山翁時為南戶部郎也方弱冠文名嶄嶄起聲聞士林乃都人士無不知有馮汝強者予少業鉛槧忝竊鄉曲之譽汝強偕其仲氏大行君汝威因馬子原明以

交予汝言兄弟尚幼也予方與所善

諸文學紳為文社修業清溪之上若今揚叅知全卿盧罔伯國賢則又與予同棲郊壇之野汝強最先識二君亡友金方山子有令弟子坤適歸自大召又目識兩金子乃後為馬竹山承道陳淄川孟錫許奉常仲照諸君亦無不願交馮氏者馮子與諸君交

陂門集序

宋氏抄本

也談道陳藝金玉交應綺繡瑣錯照映一時乃汝強則又才情駿發縱橫揮闔弗狗時好超然絕塵諸君又靡不傾心馮氏馬歲甲申閭翁出守予京從而北省墓臨胸遂定居明年子及揚子許子金子舉于鄉戊子馮子亦舉于山東爾後國賢孟錫諸君暨汝威兄弟皆次第舉予與楊盧許子

及汝威汝言先後第進士汝強竟不  
第齋志以歿嗚乎惜哉惜哉馮子初  
自江南歸青也青之人士睹其文筆  
異焉以為野王再生敬通復出爭相  
引重摹其點畫擬其體裁樸楨之俗  
份份藻雅閻翁有子五人家庭自相  
師友咸以文賦流聲藝苑胡公因以  
一椽五桂顏其堂擬諸燕山竇氏乃

復門集序

宋氏抄本

汝強則不惟以文顯經綸內蘊知略  
輻輳閻翁雖久宦廉靖自好比卜居  
青家徒四壁反以憲副罷歸行橐蕭  
然汝強能拮据生業以供菽水二親  
安之弟妹昏嫁亦克時舉衆孫其才  
孝友天植閻翁留青久及之平涼平  
涼業已置佗守矣艱關塗路往來齊  
魯燕趙之墟叩閣白其事曰獲移守

石阡石阡西南裔土閻翁之石阡先  
大君番青已乃奉母氏跋涉萬里省  
父貴陽語在所著南征賦中汝威扈  
從

南狩將

命播告圻輔旅卒廬江方歲晏匄匍  
走廬江觸冒冰雪歸其壑其妻孥居  
京邸又謀返之于青聞者義之家雖

復門集序

宋氏抄本

貧克己為藝每天日清晏帥諸弟奉  
藍輿游于郊墅歡讌賦詩以故閻翁  
雖食貧兩巷壯子有以自慰甲辰再  
上南宮復下第予守比部數過予夜  
談語及時事輒抵掌自奮有四方志  
若憤世不已用者謀謁選予沮止之  
會奉常在銓部亦沮止之諭期乃歸  
予送以詩卒章云莫以

獻王心諷詠再三語予曰君教我矣  
比予攬轡豫章君亦居閩翁憂子遭  
諛量移次且家園駕部君來官南曹  
問君起居云遘末疾方瘥及駕部奔  
先太君喪歸亡何有自青來者傳君  
死矣嗚呼惜哉惜哉方山既亡治泉  
復爾二君皆有黼黻之華經世之略  
乃今咸困躓以死也胡天子以才不  
使門集序  
五  
宋氏抄本

予以年邪治泉既齟齬于時奇思健  
氣溢為詞章然多酬贈游衍之撰本  
其志殆不徒以文人自命思欲為  
國家輸誠效節著功業于春秋退而  
抒意綴詞成一家言卒未之能待也  
今觀所遺稿多手所著錄南徵聖舉  
二賦楊班傳也餘得之漢魏騷選為  
多擬四愁詩雖效法張平子然根極

倫彞意義過平子遠甚五七言近體  
一似開寶以上名家書啓誄詞超軼  
峻整使出晉宋人口皆成奇語至於  
記叙諸篇命意深厚敷言爾雅不類  
文士之詞嗟嗚馮子此亦足以不朽  
矣區區名壽何多較焉讀其稿世自  
有知予雲者子二人曰子益子咸能  
脩其業庶毋忝于前聞人予聞諸駕  
使門集序  
六  
宋氏抄本

部君云  
嘉靖丙辰春王正月南都友人陳鳳  
元舉序

破門山人集目錄

卷之一

賦二首

聖泉賦

南征賦

古詩

蒲柳阻雨也雨沾衣不怨苦早甚矣

東山思親也

雄思弟也

秋草思友也

山雲望父也父居南五年其子思父不見南游至

七盤山而作是詩也

散門集

目錄

宋氏抄本

鴻鴈憫弟也陸義姑姊有弟給事黃門以直諫謫

喪方母老而盲婦喪于室有子男若女靡所怙

恃陸義姑姊爰始撫之比陸子之歸而作是詩也

望遠歌

煌謠

君馬黃

公無渡河二首

五歌贈胡益都梅林并序

卷之二

古詩五言

送張汝實侍清溪翁考績北上

苦雨

飲馬長城窟行

王郭二公同難詩

東湖壽親詩

贈劉東嶽兵備密雲用鮑參軍出自薊北門行

贈劉平嵩先生請居江右

送郭同年君弼識獄獄內

詠成趣園卷

秋日邀惜翁劉范泉遊冶泉無呈鳳臺邑侯

郭外別田莘野

過南陽田子孫子出

漁磯灣作

題慈節卷四首

出京詠言二首

挽劉丈一誠

送張太室之金陵

夜酌黃公簡園中作

散門集

目錄

宋氏抄本

為人贈師二首

將東還示兩弟

董君雙挽

侯純菴雙挽

送羅欽齋翰林還京師

西廬篇贈趙工部

送海亭黃丈應召起參江藩

別傅伯奇伯良

弔凌川翁五首

清明後三日山莊侍饌作

寄贈達平令董西峽

贈冀康川令興

送王丞北上

題贈陳敬亭

七言

龍泉歌贈花廷用

京師邂逅金方山陳玉泉許石城

擬四愁詩 奇序

為薛雙槐將軍題四駿九龍圖

代贈李西坡將軍 明妃辭

過王忠肅祠 觀蔣少濟家藏古刻歌

晚李公夫婦歌辭 贈鄧陵陳生

東渚朝暉畜歌壽大司馬陳公

余別金陵廿有六載已酉秋南省載臨江潁慨然

念舊擊舟渡江遂見故人對月飲酒感歎成詩

卷之三

微門集

目錄

三

宋氏校本

近體五言

舊歲八月送舅氏及弟至下關今秋出饒蔣丈復

來江潁觀山河風景有慘舊別

過紫筠山房遇雨 神樂觀中滂興

過清溪書舍和金子有韻

燕齊道中四首 至京二首

瀋陽道中二首 登觀音寺

元夕携酒登樓諸友咸集次韻

憶遠 道中有懷竹坡牛丈

臨邑邂逅田莘野為留五日

清夜更飲王孟村將軍宅聯句

臨朐張氏園亭 登石門

觀刈麥三首 登卧龍崗同孫夾谷三首

孫黃驛次韻二首 元宵日沽酒遲李江臺

元夕飲李子館中二首 春日暉舸館中

送人還越二首 送李西坡將軍赴廣西

與江臺言別二首 謝朱鶴溪大參遠使 見

重贈 村居二首

清明同諸弟奉侍 家君游歌別墅和韻

燕中別田深甫

微門集

目錄

四

宋氏校本

別栗仁甫道甫伯仲仁甫陳州守道甫下第西歸

贈德山覺仙禪師 病中簡張鹿園明府 二首

送周泮西北上和五弟韻

馮南江尹嘉祥 投贈使玉泉

馮子却居未及典許子別於其行也追而送之河

之許復即卷中諸韻聊摠別思四首

江湖萍跡 禮萬壽戒壇和沈玄洲

遊北固山甘露寺五弟嘗登有作因和其韻

再和唐孫舫之作

春日果上人小集得虛字

京師一陪童道峯行人遂使上堂酌酒言別得字

詠人送衣香 九日集孫比部宅得

五月十一日客邸脩會得鍾子

贈趙總戎東漢

長律

乙未四月六日觀進士釋褐

贈蜀令周翁

送少宗伯東渚翁還朝

孤雲主人榮壽詩

絕句

姑孰道中四首

早行

伎門集

目錄

五

宋氏校本

題畫鴈

古意十四首中元夜飲朱九山邸舍客有吟夜深

池上蘭橈歌斷續歌殺得太微者遂次為韻

卷之四

近體七言

歸讀書處作簡汝成弟

謝侯方山見過追送外

送陳蔡菴東歸

度辰溪

秋征八首

沅州館中竹和壁間韻

送夏文遠二首

至家示諸弟

贈陳克棟

送王汝敬還金陵

清明日同諸弟奉侍 家君游歌別墅和韻首

洛亭雨中杏花同周伯霖鍾大岳弟敏賦次韻

兩弟登第志喜

三月十五日群士應制吾祖弟於 關門遇雨二

十九日傳制兩弟為余道其事喜而述焉

駕出北郭

望海

余歸自京師道臨渚然有遊龍池之興旋憐獨

往至別與諸友人遇為交觥余遂宿于齊北郭

寄題龍池主人

送使為齊別駕之金陵

限門集

目錄

六

宋氏校本

仲秋晦前一日序菊蓋開同弟敏訥直侍 家君

送遠樂華長史歸章丘和韻

贈蘇道士湖谷和韻

贈梁西川

寄王開塘大儀和其來韻

送許書先之任吳淞別駕

蟠桃園為王松亭乃堂作

送胡時軒長府

同朱九山送中州客

馮子與許子別清溪書舍二十年矣乃後教會京

師甲辰之冬許子自銓曾遷南秦常馮子嘉其

孝能致主官不辭家甚為許子樂之



送郭似菴節度京東諸道

朱射波使雲中即玉泉席分得留字

潭柘山寺和沙門重玉韻

西園宴集

送張榕洲侍御進倉潞河代人作

秋日侍謙東渚翁別業和韻

與黃海嶽夜宿聖水別業復韻

登焦山寺和遠庵相公

為王鑑川題晚關橋帶卷

慈仁寺奉送王比部鑑川守皖城得輕字

段門集

目錄

七

宋氏校本

送曹紫峰請晉州別駕送朱九山尹泰興

奉送龔鴻洲侍御還留都

岱東翁分教寶應小詩奉贈

送國博劉雨山赴家陽別駕

奉贈若源翁

蕙坡為馬侍御乃翁贈

奉送舜澤燕相公節鎮雲中

過天津謝林主政遣使

絕句

送客東歸遇雨二首

適興

京邸得石研寄書

宮辭

柳堤曲

讀成詞和成小峯

連東曲和小峯

桃源洞二首

猗子墓前五詠

還青途中作三首

遊龍池寄題龍池主人二首

駕遊天壽山歌十首

贈麻南莊隱者和岳雲石韻

與南莊花下酌口占

南莊入城遲之下至臥病走筆

和泰浪詩二首

七夕冀康川見招走筆謝之

段門集

目錄

八

宋氏校本

是日康川再使促入城為會席上賦得

吳子雲窠見招余方避喧却外怪余所往

送陳西坡還中州

詞一首

醉落魄和朱九山

卷之五

序

送朱伯雨尹巢序代人

賀高伯登任臨海醫師序

贈許問泉先生考績北上序

介石史題

贈石谿韓公權參貴藩序

送喻斷事考績序

賀郡守紀公序

送齊女士歸閬陽序

賀益都陳令序

送壽光楊令權工部主政叙

贈東岡種少尹叙

送壽光令羅南江入

觀叙

奉送觀察孟公考績序

即可山邑長燈勵叙

書海翁哀挽冊後

卷之六

彼門集

目錄

北

宋氏校本

記

遊治泉記

貴陽善院碑記

四友亭記

說

治泉說

觀魚說

書啓

與張二書

上王稽勳順渠書

與李參將書

與胡伯淵先生書

與管復齋給事書

上徐東巖書

答宋銅仁書

啓東渚

上牛竹坡書

與子乾書

與同年董勵卿書

寓沅州與邦儀

上東渚書

上黃海亭書

與陳子羽書二首

啓沙洲徐公書

上黃安厓中丞書

上張儀部書

與李伯華吏部書

啓黃海野

復胡可泉翁書

與傅伯奇妹文

與張臨邑維陽

上黃安厓書

卷之七

書啓

彼門集

目錄

十

宋氏校本

廬州還留謝蔡可泉郎丞書

啓劉臨淮

謝稽子興子行昆仲

寄謝廬州友人

與內兄高西墅昆弟

寄答傅伯奇妹文

答宋仁夫

答胡順川

與黃公天妹文

與徐昌樂

寄謝少溪侍御

啓高唐齊東二殿下

寄葛與川文宗

弔王邦儀丁外艱

復陸三象給事書

議婚禮書

與陳玉泉比部

啓火濟將公

與張才甫書

寄金平洲

與王吉山

簡陳玉泉

簡石城許子

寄宋仁夫

答吳霽寰秋官

同五弟與劉兩山博士書

上王尊師換畫書

小簡附

入東京文會簡金子有子坤

謝陳東清借書賜箋

與永平二守孫洙濱書

簡成小峯

簡稽鳳臺邑侯

邀稽鳳臺尊甫翁啓

邀稽子行子興

復門集

目錄

二

宋氏抄本

與鳳臺三首

與王臨淄

謝丘少峯書

上王雙溪書

上羅果亭書

上朱鶴溪

簡回安節子

謝東清翁宴會

啓牛竹坡翁

與四弟時弟將通濟南越二日為弟初履之辰

簡張大行於溪

招鹿岡邑令遊治泉池

答嚴石路廣文

啓東渚翁

索馬南江大書止其西山之遊

簡郭似菴

招種火嶽

兩後違客

卷之八

誄

和金曾誄

高海隱誄

傳

淳安楊尹傳

墓志銘

明故壽先李公墓志銘

明故寧遠馬君墓志銘

明故張翁合葬墓志銘

復門集

目錄

三

宋氏抄本

明故南田張君合葬墓志銘

祭文

哭六哥晉晉於鳳臺門蒿里

廣爭先禮蓮童告文

祭大恭人傅母文

祭陳寒溪夫人文

封孔都左侍郎海春陳翁祭文

祭趙清溪司寇文代人作

祭衡恭王文

哭亡弟汝威文

祭婦母高孺人文

祭外祖母文

祭邑令張東川文

祭邊母太孺人文二首

答洋溪北新兆告文

遷枯骨文

祭張南田翁文

先府君從祀齊郡鄉賢告文

附臨朐鄉賢告文

祭梁母文

祭奠母文

祭安柏軒文

祭亡妹傅家婦文

雜著

墨卦

陂門山人集目錄林

陂門集

目錄

三

宋氏校本

陂門山人集卷之一

北海馮惟健著

賦二首

聖泉賦

泉在貴竹城西北十里其泉修盈忽虛莫測其機因謂之聖觀者異焉馮子為作賦以解其惑其辭曰

執微子從玄化子飄飄說世遠遊四極雄覽八埏至于祝融火皞之墟憇乎玳瑁蒼梧之間傍皇相羊息徒解裝言往觀乎聖泉於是披雲霞啓蕙路乘清風騁輕脚振衣手高岡馳情乎太素爾乃遠望其地則東據銅鼓西眺木著

陂門集

卷之一

一

宋氏校本

南逸芳洲北拱翠屏近察其勢則縈以重阜經以長川覆以華棟甃以石淵承曲池而構閣龍首以揚消其樹則楸楓檟榭柁欄棉栝其草則葳蕤蘅蒨蓀芝萑蘭阿那被麗破風凝煙黃鳥好音鷓鴣翩其陂池則參差刻鏤騰疇龍鱗農民荷鋤將有事乎春田唯消之不竭故比澤於玄雲爾乃覽其風氣之所聚萃景物之所披敷如遊方丈典蓬壺鬱乎西南之奧區於是相與造于泉工凭石欄而觀之洵乎其流之自滿也憇乎其源之自遠也洵淥瑩澈滂澍滴延行有頃蓋五六而至焉執微子怡然駭曰異哉豈人為之機械抑天地之自然何預盼之頃更觀消

長之無端玄化子莞尔而笑曰子何異茲耶夫大鈞播物陰陽陶蒸萬變錯詭不可殫形世乃有陰火不焚沸潭無冰灼突騰珠火井飛熒柳執使之耶吾且語子以天地之大怪終古之常然變子之疑永宏子以達觀且渾沌之初寧有天地豈鴻濛之剖判黃承而玄茫伊方員之始凝羌川湧而嶽峙何浮沉之殊裁而剛柔之異齊時遠遷而稱今忽激茫而云古四時分糾以文化歛燁濕而寒暑既融朗以開曉復黝然而淪夜何日月之雙懸遮靈曜乎天寓蚌蛤形於海朔潮汐應于旦暮坤北游而上浮日北陸而地下觸膚寸以興雲沛虛空以流而紛雷馳而電燦亦復閉集

卷之一

二

宋氏校本

寐然其何虛斯天下之至神羌誰為之使者夫哉消息手一陰一陽一闔一闢萬有之教窮諸此域吾方有感於斯泉也無微於有兮教于無：用之極兮有利之暇天地之化兮周流六虛於穆運轉兮宛單扶：盡兮養兮衆變不居地兮塞兮為識其趨虛兮盈兮虛之虛復始共軸兮屈伸兮區鼓予身之崇奮順節耶以吸呼既因往以息來亦上下其相運草無權而道霜桃李燁其春敷物欣欣於所遇時冉：而遂徂暨陳迹之可懷煥日新而如初玩尺蠖之為利探野馬之玄樞推通變以隨時固聖哲之所圖首非而以教化繼一神之為如蓋乾坤毀則無以

見易易不可見則乾坤之理或幾乎息矣子徒異泉流之無端而下睹天地之變態效罔兩之青影而不知操持之有待也不亦惑乎子諦觀焉尔其出也浸淫漸澗映叩披離沛驟轉兮其四旋也尔其入也鈴鈴琳瑯啞嗶播禱洞瀟灑兮其寥窅也渾渾沌沌放乎無恨香：真：歸于至真降以胎升動以涵靜滿而不溢縮而不窘動兮為乾靜兮為坤大以乾生廣以坤存易簡理得為易之門其源滴瀝中涵太極其比方丈渾含萬象莫知其端莫究其狀觀之者妄觀之心平操傷之欲降坎坷之氣舒踟躇之情暢不窺河洛而圖書之理章不濯滄浪而清濁之有量此伏

東門集

卷之一

五

宋氏校本

義氏所以玩於環中尼父所為歎於川上也且夫天地一水兮太虛一源古今一瞬兮萬有一消巨細殊形兮理安有異久暫異時兮安有二致知未藏往義軒得之以神德兮翁受教施堯舜得之而為治出日入月彭老得之以養生兮流行坎止孔顏得之而履世微教通言合體自然天是之為聖泉執轍子蹶尔而興日達人之言哉吾於是手喻道焉叢子有蒙固之疾幸見燕於吾子乃今朕然愈矣蓋俯仰無保洋：然而退

南征賦

咨思文之遊緒兮亂離熙之繁祉懷忠塞白首於漢庭兮

兄弟繼治而相似佐中興而附龍翼兮勳業存乎天紀  
洛中而高會兮亦俯仰而無累曰予父其懷寶兮流惠  
於南裔嗟予年其撫壯兮恐世業之奄墮歲序忽其不  
兮日冉兮其時暮駕鸞鷲而騰虬龍兮予將高翔而遠  
日暉兮其臨衣兮蘭菊菲兮其襲裾吾今豐隆乘雲兮  
風伯使驅路朝予登夫泰山兮翼清氣而翱翔壯天門  
直上兮覽二儀之洋洋兮登日觀而迴皇兮六龍輓赫于  
桑不崇朝而兩滂沛兮一繼目而眠八荒何人世之塵濁  
兮紛隱隘其助勳拂衣冠而升闕里兮鬱孤檜之菴藹遺  
象俄其猶存兮蕭蕭兮其如在固萬世所以生死兮編

復門集

卷之一

宋氏校本

竟舜其猶未大彼蠅蛆之與蠛蠓兮於天地其何芥蒂  
額頊之故域想歷山之慕觀登聖人之大孝夫何慕乎海  
濱購阿谷之幽情覓瓊環之遺迹善龍蠹之扁舟固三代  
之遺哲亂大河而迳度兮召童童其濟予龍馬神龜其相  
翼兮波澎潭其來下俟河清之未期兮帳徘徊而延佇  
大禹之受圭兮肇真寧乎天地彼石室之神書兮冥幽漠  
而未晰原夫九功典九歌兮孰非天之所基何西人之獻  
說兮比折胡而改徙其說雖詭壯而可愕兮美未識乾坤  
之經紀頌後世煙廢之不能兮矧欲興怪而造異伊宋  
祖之創規赫魏以弘敞廣仁政以布信帝王之為量

閻薇宗之好文豈桓靈之浩蕩唯厥德之弗類輕民力如  
土壤遵蔡丘而歎桓桓制四海如運掌苗一朝其振矜判九  
國其如響轉中州而長邁騰嵩嶽之嶺思幽人之髣髴  
屹室石其相望聞神杵之響像動羈旅之思腸諱昔日之  
神呼何幽冥而有此異也將武帝威靈兮抑玉杯之故態  
也成茲滂濛之廣志兮曾宗元之不建也道方城而軼葉  
兮晒沮溺典葉公待丈尺以量天兮執蠅蚘以嘲龍固衆  
見之乖錯兮謂泰山為卑謂蟻蚘為隆旋予駕于其於魂  
悅其欲迷契黃帝之典大隗兮固大道其何思雲氣洶  
穆而升隆兮信靈圖之在茲行潁川之故邑嘉群賢之所

復門集

卷之一

宋氏校本

治霸圖暖其崑崙慨魏武其何之快淫水之一戰先赫  
其配離固世祖之神武曾天命之所基爰及南陽釋子馬  
子蘭唐言眺草廬陔卧龍乎高岡蜿蜒穹隆遙接華嵩葛  
井滄澄伊漢之精將漢社為之在蘇此虛之獨存舒一嘯  
於林薄紆經略其誰論汨吾乘舟而度江兮望葉樊之宏  
宇蓋江陵而費漢沔兮面巴蜀而臂淮楚想文王之淳化  
兮觀漢濱之游女跨驪駒之危橋兮節司馬之題柱瞻岷  
首而正衽兮襲戎懷之至今其猶未泯將德惠之在人兮  
今與古其何異問杜預之沉碑兮淵夫君之遠慮八陣巋  
焉其向託兮崑山乃道千載之穢思嗟當世之過圖兮固

聖人之所弗預宿宜誠而歎息末宋五之文藻不能正諫  
 以反原兮徒九些而終老荆門雙起以關練兮信三楚之  
 庭戶羌風物之一變兮雖信美而非吾土人狃之而獲狎  
 兮湘漢紛其糾鉅曠武荆楚域據漢沔兮東連吳會通巴  
 蜀兮利盡滄海楚隆中之草昧固欲蕪荆益而控攝邇英  
 雄之高覽唯為漢之為大何俗儒之拘之執小義而肆喙  
 彼劉氏於何有如機南之終响信大義其不爭雖繁費其  
 何害尔其禮江武陵孫黃馬廬郡邑間設置郵猶峙白雉  
 絳其北馳冠蓋翻其南指火朝觀而逐第草節解而梁地  
 燕樵蕪以躬炊詢居人以司里念曩時之拓宇擠百萬於  
 陳門集 卷之一 六 宋氏抄本

高山峨峨兮分雲所霏侯德愉兮毋所遺佳敏熙兮民  
 所懷斷機絲兮業振兮翦白髮兮思下賢誨思柔兮持杯  
 捲荷我侯兮治獨先  
 侯之來兮澤育土零忠貞兮不得將母日歛暮兮望江滸  
 白雲渺兮侯心苦侯心苦兮可奈何素節翻兮獨悲  
 陟雲門兮浮海濛侯今去兮吾實恃雨冥兮雲翳兮洪  
 水隘兮安得洛顧一見

陳門集

卷之一

七

宋氏抄本

途之將窮豁蒙茸而迴復忽巖坂之造天兮攀葛藟而躑  
縮緣磴磴而下墜兮若深淵之無谷悅周流而盤旋兮迷  
不知其所出也歷一山而未半驚白日之西匿也瘴雨膏  
雲而無涯兮峭窞傾洞以黯黑蒸風鶴悒於崑曲兮毒霧  
靄靄而回塞恒陰翳而不賜兮巨憊雷滑而不可破態羸  
振頷於林莽兮數覆吟嘯而跳躑鷓鴣奮翼而悲鳴兮猛  
虎攫人於我側夔魍魎往來倥偬兮鸛鶴高張而翩翩  
巴蛇蜿蜒而出象兮萬々瞶瞶而據食顧予志之方厲兮  
杜宇悲號而不息悵秋冬之短景兮瞻靈曜於中極紫微  
搖搖逝其渺茫兮魁罡乃施於東北參商歷於上首兮觀  
陳門集 卷之一 宋氏抄本

台星於左側兩陽霜露之不時兮寒暑繆以相襲星分參  
井之裔兮信天之窮闕劇漢武之威靈兮悍唐蒙之南  
擊若較其險阻隔閼兮奚啻巴蜀與梁益五丁縮手而斧  
金牛兮巨靈却倚而息惕尔乃居爰雜沓或構巢兮山頭  
結華兮豐草百里兮一覆千山兮一徼鳥言卉服椎髻獸  
瓜衣皮垂其絡洞之毫雕題髦首苗蕪之燎猎居民以觀  
化薄羸靡以馴擾莫不服厥象鳥貢其秬稻莠夷給整獲  
治危道余觀而歎之曰廣於逸乎  
聖人之化霜露所墜日月所照罔不需需嘔吟舞蹈殆所  
謂德同蒼昊者耶至乃 皇木之來巨餘負顛厥大百圍

長千尺蔚藹之區頽年艱赤甬復窮谷致彼深澤逼巖  
則高擢揆道值林則修平蕩滌傾危則百夫自斃路躓則  
千人辟易盛夏則灑汗流血冰雪則肌趾隆裂然皆不懷  
怨恨子來不日曰  
聖人將以興禮樂之事隆三五之業九布永信所以脩制  
度而觀萬國也予觀而歎之曰信哉悅以使民忘其勞  
忠信之行壹霜可服於是山偏橋之道並夜郎之境履東  
陂之上有二老麗眉皓鬢荷篠相和而歌曰山有百兮堤  
有揚我公為政兮使我不忘歸家視之兮子孫行兮予下  
輿而問之曰夫歌為誰也曰為太守也曰太守有異政乎  
陳門集 卷之一 宋氏抄本

曰太守不好異而有惠澤及民肅之如秋涇之如春吏畏  
其公民懷其仁蓋太守之來也六載于茲矣不携妻子浩  
然獨處崇尚簡靜敦履朴素事唯求實不于名譽用民如  
若幹蠶如鶩媚上如懦臨祭如懼官守其法而存心甚恕  
期會有程而檄宜中慮不輕舉以擾之寧慢遊而廢度宣  
楊詔書勞承鯨察人負鋤犂家有襦袴室虛漸野桑麻蔭  
宇若乃萬影之首龍泉之長恃險阻以倨傲橋拒命於草  
莽公乃遣一介之使馳尺檄而往咸恐懼怖奔走脫喙  
交臂受事稽顙奉享播凱而首之構隙也歷年茲多蓋兵  
威所不能奪知謀所不能加我公奉辭而撫諭以



天威之浩蕩王道之下願離其黨與割其藩籬唯貞燕而無私故能洗穢場之毒擊靜百年之干戈又若擊鉦營厲於南鄙鋒鏑橫流於赤水居民反側應嚮而起乃往贊謀猷制其軍饋缺定道黎恤閭貧悴不戰而回事乃大已繼真州其震驚羽書紛其並至精成械以訓師躬撫循手戰士何民工之弗諒擠轉運使併致匪我公之抗言嗟吾屬其無道齒故至今夫安其妻父保其子皆我公之門宣弟君子民之父母明上德之如綸謫遠垂之慈苦使我民忘其夷居如僂游手戲字今待憲臺省最廉墨正王度存金筑定榆都風行雲被而我民猶蒙其福祐此野人之所見

陳門集

卷之一

十

宋氏抄本

古詩 歌 賦 樂  
蒲柳阻雨也雨沾衣不怨苦旱其  
六月炎暑蒲柳戴寒僕夫駕車吾將東征  
車行轉、僕夫施輔南山興雲和然作雨  
不雨稿禾雨則沾衣禾稿何食衣沾可為  
蒲柳三章章四句  
東山思親也  
瞻彼東山有竹有筠行彼周行有懷二親  
瞻彼鳩鳩載鳴載止我行未已憂我父母  
父母懷矣天各一方亦有諸弟在親之側  
東山五章章四句  
雉思弟也  
山有慶矣原有雉矣之誰之思維吾弟矣瞻寐懷歌爰出  
涕矣  
旨酒在尊御諸友矣疏核且陳弟燕喜矣瞻望其兄存萬  
里矣  
釣魚于淵水泮、矣種竹于園長籜簞矣舞袖翩、承高  
堂矣

雜思三章章六句

秋草思友也

秋草離離河水流言念之予在雲之涯  
秋草萋萋河水澗言念之子在山之隅  
言念之子如玉斯璞我不見兮言何其樂  
言念之子德音孔彰我不見兮子何可忘

秋草四章章四句

山雲望父也父吾南五年其子思父不見南游至七

盤山而作是詩也

英英山雲蒸之則雨浩浩河流舟之則渡瞻望衡陽歲月

其阻

卷之一

主

宋氏校本

我征我邁及於湘渚陟彼七盤曰可望父人之岫矣爰

我旣我邁及於湘渚陟彼七盤曰可望父人之岫矣爰

我旣

誰開夷道新兮誰瞻浮雲幾兮誰令留滯衡南

山雲三章二章六句一章三句

鴻雁憫弟也陸義姑姊有弟給事黃門以五諫謫戍

方母老而育婦喪于室有子男若女靡所怙恃陸義

姑姊羞始撫之比陸子之歸而作是詩也

鴻雁于飛亦附其羽嗟我同生亦有兄弟

鴻雁于飛其飛孔揚嗟予弟矣維國之英

鴻雁于飛載飛載鳴之子矢謨嘉言琅琅曾是誓御惜不

用明哀璞夫篤言遐荒

鴻雁于飛其鳴厲矣弟邁于南婦去室矣宛彼二雛啜其

泣矣視天蓋高我心疚矣

維彼飛蟲尚或負之相彼伏蟻尚或羽之子弟有子子其

有之哀此荼苦予其母之

瘳者與不即途止弟亦有母胞以劬止曰子有子尚亦

克家庶子未亡甘心二雛

江漢湯朝宗于海弟報天子予獨無母弟死王事子

狗二子無勝二子式終王事

彼甫集

卷之一

主

宋氏校本

日照林止中林孔先征夫歸止天子明服其命服珮

玉瑋亮烏瑋邦家之光

烏棲于木哀鳴渠子侯于途其願且都歸視于室女績

于纏弟尚其弗渝兮吾以返吾家兮

鴻雁九章二章四句七章八句

望遠歌

馮子居青其父官石阡其弟還閬陽馮子憂思於是作

望遠之歌

雁耶鴻耶衡南海耶父乘五馬耶

雲耶霏耶嶺東海者醫至閬耶弟將歸耶

蝗謠

蝗高飛兮無

君馬黃

君馬黃臣馬驪君馬驪行臣馬馳我欲為君出汗泥

君馬黃臣馬白君馬不如臣馬力我欲為君逐胡貉

林有虎豹淵有龍蟠我日思君不我知君不我知兮將

李之何叶美

公無渡河二首

公無渡河浩兮洪波中有鼉鼉公其逝與妻誰與居生欲

使門集

卷之一

古

宋氏抄本

何如

止公渡河公不止公不止兮竟以死水面不見波清起水

中淵潭深無底

五歌贈胡益都梅林并序

馮子躬耕雲門之麓滄溟之野澹焉日守脫略世故預

獨胡子與相心知於是胡子有母之喪馮子不勝為切

子悲既胡子將解位去則又不勝為念民悲爰作五歌

以擬之以舒我東人之思焉

林有飛鳥兮淵有蟾我侯為政兮人莫知宋氏抄本

磁其系系彼野兮黍離



陂門山人集卷之二

古詩五言

送張汝實侍清溪翁考績北上

霜露被籬菊寒風碎幽蘭遊子侍筵興遠一向長安萍梗

逐波轉與君滯江南未芳陰松柏長歌行路難相望兩山

陂向苦會面艱况乃阻閑寒何時見容顏憶我鼓城友底

月忽復遷或奮青雲翼或蟠泥中翰出處各異路尺書誰

為傳念此悵中懷送君長江干願言崇令譽努力愛盛年

苦雨

使門集

卷之二

古

宋氏抄本

驅車馳廣陌遊子歸故鄉中途阻霖潦平地流湯萬川

赴大壑斷懷絕橋梁僕夫滯空泥河水濡我裳板榮向前

去仰睇閑塞長樓鳥失其枝繞樹正徬徨人生會有息吾

行香無方白日倏冥晦言懷滿瀟瀟湘不可見陰憂從

中腸願展凌風翰瞬息一南翔


飲馬長城窟行

朝發三屯營莫出居庸城荷戈越胡境感激寧論生下馬

解銀鞍上馬揮金鞭雕弓白羽箭胡兒不敢見送一涉河

水悠一念故里故里室不念誰當為君死不惜死無時但

傷不我知主將如我知百戰安足辭



王郭二公同難詩 溧源中管給 事津為之傳

上黨先控馭河朔橫稜象 天子奮武怒傲騎氣如雲五  
郡騰揚士四省孰敢群擁旌不敢動坐令雲嶽焚二子誓  
中流擊楫清河汾橋首建長策典世古猶薰攝險踰虎口  
迷義尊我 君片言解逆党完壁歸趙軍復起贊帷幄乘  
勝揮螭蚊身全事亦濟氣屬志不分古來無定功道路徒  
紛紜逃速有德績良異無顯 開 志在報國長揖譏高勳

東湖壽親詩

流波赴東海飛鳥翔北林白雲在萬里遊子有歸心承命  
出閩闔返棹歸東湖上雙桃樹輝輝春華敷輝輝九春

東湖集

卷之十

上

宋氏秋本

華離：千歲枝登堂林兜觥萬壽以爲期祚觴東湖上湖  
水深且廣罔極故難量 聖恩斯浩蕩

贈劉東嶽 叔相 兵倫密雲用鮑參軍出自薊北門行

詞

閩代鬱壘：壯哉古漁陽近擁 帝王居控制雄一方胡  
弓千鈞勁胡馬百戰強射虎互出沒健騎相追望甘泉接  
烽火連海通津梁朱旌耀白日玄甲明秋霜迤 詔寧遠  
必先毅胡漢揚賢王遠霄避控弦不敢張北門鎖鑰重帷  
幄籌策良咄嗟擊鼓地不復悲良鴉

贈劉平菴先生謫居江右

肅：承命廬文典造雲端彈仗列天內濟：皆莫賢一朝  
被 寵過披腹罄所言憂懷獨取：致身為足患江右借  
高卧良荷

皇春寬委綬出國門鼓棹遊湘沅但念去國遠卑接誠所  
安

送郭同年君弼獄獄內

雲屢集層寧歎言酌金壘宜伊盤盤薄暢我同禍懷高會  
良不易以乃各飛樓我迴并營駕君歷易水淮依：二三

子踪跡不可期執手蹊路側遠望令心悲辱牧兼素秋潭  
涼屬寒威清霜被廣野草木萎以乘萬類藉神裡豈盡根

東湖集

卷之十

上

宋氏秋本

芳摧節存修以易寧不莫餘輝決斷理則然愚良良可哀

詠成趣園卷

成趣卷正德中以御史歸林  
今上登極召入九年建節速東

崇林歸倦翻深淵返逸鱗景彼陶淵明寧獨為松筠閑閑  
性逾靜自矢無懷民慶雲薄汾陽霖雨康世也保障奏殊  
功表取須補細諒矣出虛節時哉道所真

秋日邀褚翁范劉景遊治泉蕙三鳳臺邑侯

駕言治泉遊所延無俗賓秋風爽初霽萍藻綠以新崖阿  
眺水涯宛若俯江濱重淵潛蟠龍堂伊于時神：物有詭  
歲清流世所珍雅趣習池賦詎非延平津胸識陶鈞理自

謂泉工人命畧入叢蒲揮觴烹鮮鱗商皓翳華芝公幹詩

思真少孫其未來危駕安可虛

郭外別田莘野

異鄉總為客出野即征鞍傾蓋諒非偶臨岐別故難君才  
既浩蕩吾意亦嶺岷世路有遭遇無為怨苦歎華野洛下  
於此故曰  
世路云

過南陽田子孫子出餞

吾土去已遠誰為相識人日夕捲旌蓋嚴駕趨及晨遂  
入南土親我平生親握手展燕婉集送此城闔散核充圓  
方絃歌愴我神義為贈饒教感此情話真征夫懷長遠山  
東月集 卷之二 四 宋氏校本

川浩無垠驅車策駿足但見道上塵雖一馬南游毛羽不  
可川將就衛陽樓誰能懷苦辛

漁磯灣作

隱淪藉幽深虛舟屬雲嶺出城稍遙運入溪已翳會雜居  
閑聞端如處塵氛外出鳥已忘機獨爾能制天洗耳宜要  
攀更塗終遠害道遙得所珍繁華焉足賴境靜慮自寡意  
適理亦會願言當路士眷此折腰帶腐鼠嚇鷓鴣飛石重  
隋貝寔彼並共蘭佩此菊共艾俯仰任翻覆思好話否秦  
鼓柝發浩歌臨淵動長慨敢擬磻溪釣似得嚴陵賴

題慈節表四首

為王侍  
御作

志士恒艱虞烈女多苦辛天道諒可疑吾心良獨真所志  
在高潔寧當論屈信

屈信無定端之子厲貞淋烈性自所秉豈云願絕俗中聞

月露寒桂樹風霜感哀哉天運艱三孫勞鞠育

鞠育良多艱中心何怨悔不隨蕭父生之死佩蘭諱福祐

旌孫子天道固應存

天道遞虧盈禍福亦有因譬彼秋穫田種蘇貴及春豫章

宜萌發和璞乃所珍之子秉大節浮譽何足論

出京詠言二首

朝出春明門南望海上霞噴飛燕其巢嘶馬亦念家鳳皇  
東月集 卷之二 五 宋氏校本

擊雪漢陌委噪城鴉晚日將暮曠野吹風沙路迤浮丘

子招我登雲車舉手揮世人吾將採瑤華

悠然大化運萬象何冬差瀕洞洪濤傾誰能辨龍蟠采薇

餓西山笑里繁易辭得喪固其常賢聖貴自持千載觀白

壁蒼蠅逝何之較彼尋丈間徒為達者嗤

挽劉文一賦

朝出北郭門凝霜沾野草鄭冢何蕭條朔風吹古道南極  
隋星耀東齊妻遺老鴉鷺獨鳴漕離長浩丈夫客宦  
宇所貴在終考

送張太室之金陵太室自礼部郎謫青州別駕復遷

留都代作

金陵信佳麗江山互盤踞定鼎紫洛重天聖峭崿出宮殿  
鬱鬱：鬼神守鍾虛冠蓋集如雲朱樓夾廣路禮樂洽百  
年流風尚朴古子音淹盡省豐邑懷伊祐群賢何季蛇劇  
肅千仞羽卓矣太室子不與世俗伍卧郡辭禮闈齊人歌  
杜母駕言登仙舟香為江左去良翰動南國江離獨愁予  
君揮大臣斤侃：厲高鉅顧親卒攸無為悲聖處

夜酌黃公簡園中作

颯：松風清霏：竹烟靜小園動春酌高懷忘夜永主人  
歌未林山客醉能醒後琴坐池上空林際深景

陳門集

卷之二

七

宋氏校本

為人贈師二首

嶧陽之孤桐亭：邇風日礪斲無完枝樵子互摧投匠氏  
一顧之厥材中琴瑟自非片斧功將能比梨栗  
鳧氏鑄鐘履陰陽向中寫歐冶成于將神功故無假橫海  
無細鱗豫章豈容把萬物會有成所貴大陶冶

將東還示兩弟

成茂

黃鶴遊四海悲鳴長恋群風颺在萬里並翼凌紫氛典子  
長相近中更有離方日月流雲漢客心愴以懸桃李競春  
葩蘭桂吐秋芬萬物各有宜俛仰異朝暉吾歸事舍群汝  
覺策高勳遠哉大夫業況當 聖明君

董君雙挽

峻嶺德南郭廣原開北峴峰壘婉孌柔石間紆徐注浩若  
風雲翔蒼然龍虎聚原上松柏枝墓前楸桐樹孤鶯日悲  
鳴將鶴自翔者弱羽凌高飈殺翻拂朝露徘徊吐哀音蒼  
茫在雲路

侯純菴雙挽

嶺蒙聖賢輔艱危作明哲君家亢世曾中葉值嶺折明珠  
蔽空塵豫章提苞孽屈信：恒理况乃素光烈  
集：孤生柏託根南海隅下臨寒冰谷上宿孤鳳維自包  
絕俗姿望顯典世殊偉哉孟母節軻也成大儒

陳門集

卷之二

七

宋氏校本

送羅歐齋翰林還京師

步出齊城門饒子淄水涯春風吹綠草恒為懷路歧周王  
卷畢即召伯將謙師親勅亦已敷顧念有所懷遠望傷我  
神蒼梧雲此馳于羽日夕至君其早還歸高鳥相值翔悠  
悠我所思何以慰遠人持贈璫瑤枝

西廬篇贈趙工部

代作

昔我遊南嶽振衣匡廬巔九疊象雲霞五老何聯翻石鏡  
懸明月白鹿相與還足持塵網中羽翼如登僊登于反初  
服結屋康良川俛仰憶昔遊夢想垂十年忽覩西廬子乘  
雲來日還手持白龍節授我南障篇突元香爐峰瀑布如

眼前長嘯薄東溟，使我心茫終期煉靈藥。跨鶴凌蒼煙。

送海亭黃丈應召起參江藩

朝日照雲門，運車出城關。父老集路衢，言慰遠離別。鳳皇凌高漢，舟行向江越。遊子志白雲，徘徊不能發。頭蓬未足論，所念周君業。君子致身賤，士行採廉懷。此江上音冷，冷向溟渤。

別傅伯奇伯良

遠別故里忽，腹十載餘遊。子志鄉園遠，望望正閭閻。鷲鷹倏相薄，感慨為所如。骨肉有乖別，親愛念離居。誰能喻中懷，有此尺素書。莫將百身徒，希世工譽。

假周集

卷之五

宋氏抄本

平凌八翁五首

晨起發皇都，暮宿路水湄。春風吹曠野，陰雲結素旌。孤鳥翔故林，匹馬頓轡悲。悵望即長路，閑寒趣難期。皇天無停運，寒暑忽復易。飄風西北來，吹塵閉寒暄。客有悲心臨，流長嘆息他鄉難。留久留鬼兮，返故園。昔賦長楊賦，相親神風怡。浩蕩及世故，樹立相與期。今來邂逅地，孤燈照。維惟氣咽不能言，淚下如綆。歷宦為親故，感此國士知。迢迢凌水波，壘壘正閭松。秋石何許慨，為懷故墟靈。輒望不極反側何如。

東園桃李燁：吐芳姿春風飄林薄，零落將何時。澗中石磊：松柏揚枝丈人遺，勲業榮華空尔為。

清明後三日山莊侍饌作

牽車出城隅，溪流自田湫。芳蘭被石壇，叢陰散金谷。波流可濯纓，餘馨尚堪掬。仰視鳴春鳥，比翼棲灌木。奄忽春風翔，雲表互相逐。憶我同袍人，昔日侍藍敷。舞袖何翩翩：題詩秉華燭，曠茲遠行遊。聊以繼遐躅。

寄贈建平令董西峽

我友令江縣，中心恒惛收。案送建平來，解我長相憶。建平凋傲餘，况復歲不殖。一食尚不充，喧飛弄矜棘。董令躬耕循朝餐，恒至具不愛。倉庫費寧辭，股肱力在幾。年麥成田子，時歸穡仲由。昔言志兵荒攝，大國之屏重。三輔屹然拱，南極屬節極。危難念子企，明德玄澤令。滂沱蒼生得，所思

假周集

卷之五

九

宋氏抄本

贈冀康川令典化

王者之迹熄，麟趾竟誰陳。元化日以索，無乃傷至仁。治功太炫赫，猶為屬吾。齊魯近多儒，講道滯漫濱。異子最俊雅，氣象良門閭。鹿里或相遇，時與談經綸。一及之治問，洋洋橫沾中。瑞續循吏紀，慨然康世也。卓哉治安策，侃對楓宸。聖人愛眷致。命子往煦之，外致平望春。在昔和侮，陵地僻民俗淳。水隈圓田圖，廣利維蒲荀。似

聞龜陰田見侵於比鄰子欲王政復會令井地均處此有  
要術上下無異論翼之康川子臨事如對宿昔授晉政者  
何以愧斯人文正有遺軌治化無難馴頌子卒斯業吾以  
觀龐厚

送王丞相上道都

漫水何湯一雲峰何巖嶭離亭花正殷青門柳堪折居人  
企行旌僕夫懷往轍瞻茲吏政循安念催科社京邑香何  
許中懷取悞一行邊問桑梓可以慰勞結

題贈陳敬亭

靈齋司絕公違左遺高矩西朝巨濟業經略存西土鄉里

陳內集

卷之二

十

宋氏秋本

稱文範 朝是嶺山雨懸車富江左樓止無完字繫我營  
丘東山川何勝之百年發靈秀人文頗足數卓彼暨閭君  
斯文蔚齊魯當代崇三友治策隆 明主我公庶帝載聞  
譽亦謂之家君景道老小子識斯語白首卧郎著條刑尚  
及觀一別江左乘兩家足貧寒余方為觀出子亦絕方武  
既受褚茶讓錫光更高枯最教亭子慎勿忝尔祖

七言

龍泉歌贈花廷用

昔人鑿劍名龍泉流落吳中知幾年鬼神藏護竟不沒光  
烟萬道凌青天白日退合玉山剖風霜颯至蛟龍吼驛驄

出塞嘶一殺千人萬人皆授首憶昔尔祖東丘公此物無  
之成大功惟陽豈意馬賊死鋒鏖取取貫白虹今尔提攜  
入 帝都叱咤曾中豪氣俱王公往一垂拂拭黃金如山  
不敢沾塞上上馬肥秋風高雷鼓動殺嗜一何當囊中脫  
穎出靜掃胡沙奪紫袍

京師邂逅金方山陳玉泉許石城

交游江左馳聲譽賦詩入社多佳句扁舟一別歲華改烟  
波回首滄江暮鷺鷥驚濤凌風雪濤富驛驄失足泥塗汗春氣  
蒸閣上苑花海風吹動長楊樹我覽名嶽談公卿君向金  
門獻文賦長安道工人如緒訪君終日不可遇忽於馬上  
識君面遂向樽前倒情素酣醉何須秉燭看雖然夢寐亦  
奇晤君不見人生萬事只夢但得相逢莫問故

陳內集

卷之二

士

宋氏秋本

擬四愁詩并序

漢張衡寄意於君作四愁詩然實一愁止耳北海馮惟  
健賦命塞收守道自信皇之京國于時文守石阡母弟  
僑于青妻子遠閭陽朝夕懷念不寧厥居乃若所愁真  
四愁矣故擬而賦焉然衡託物之興遠余述事之意多  
期于道實不論工拙覽其作者可以流涕矣

我所思兮在衡陽欲往從之湘水長父兮驅車五馬良為  
國經營勛力強坐軒籌策副堯堯指揮軍餉收夜即出門



四顧誰相將賸依斗極懷 君王思之不見心煩傷

我所思兮在青州欲往從之路阻脩滄海東下何悠一滿

園布教鳩鵲母兮綠絲妹結袖弟兮刈麥行西曠道逢

鄉人寄衣綢履承佛神雙淚流思之不見心煩憂

我所思兮在整閭欲往從之路崎嶇淒涼霜露臨丘墟鹿

場叮嚀依吾廬妻兮抱子愁獨居昨聞邊關飛羽書胡見

殺人如匹維將軍飲兵不敢驅思之不見心詩弼

我所思兮在燕京欲往從之憂盈一青樓有女穴清楊晨

理機杆織未成我欲贈之雲錦屏羅綺結成雙鳳刑懷之

中夜共前橋長歎空轉誰為聽思之不見心煩其

為薛雙槐將軍題四駭九龍圖

薛君示我四駭圖絕處威景海內無淋漓汗血萬里至東

征高麗北擊胡唐主好賢如好馬雄俊俱屏衛繼下一朝

仁貴展驥足驍驍驕無人駕雙槐堂上一尺素幻出九

龍神氣聚浙港九席來清風蒼茫度除生細霧荀氏八龍

君九龍靈異造化安可窮丈夫倘赴風雲會請維遠東舊

代贈李西坡將軍

木稀閑頸風日昏悻河江上波濤翻危城擊鼓四面至樓

櫓殺氣如雲也將軍仗劍去 門誓將一死酬 國恩墨

翟金城豈天意田單一炬燕人夸孤身橫當百萬師此然

遠作西南藩我將轉運供樵薪眼見士女歎塞途沉氛毒

霧淨如掃為爾長吟金僕姑真州之後更奇絕楊旂回指

孤鼠驅將軍之名威百越拳頭不愧貂蟬夫人憐李廣未

封侯豈知蒼莖還置誣古來成功每如此此尔且共揮金

壺起來拂拭舊唐書當西北誅羌胡丈夫經略報

明妃辭

人皆重朱顏豈必西施能勝人皆賤貨賄何物黃金能

贖身縱然妾能買延壽那有黃金齊此斗琵琶馬上思怨

深翻得長在君王心世人那知妾心悔漢月孤懸心不改

世人那知妾心安不向琴如行貨賄臣妾有身當報國寵

極昭陽竟何益高皇公主出和親朝在漢宮暮冒頓

過王忠肅祠

山濤秉哲鑑司馬質無私府有聚善閣聽無旋馬墀兒童

猶說尚書里祭秩能傳家宰詩孤客停車重塔拜而還清

風柏子垂文夫生來為世師安用雖齋崇耀為君不見忠

肅祠

觀時少洛家藏古刻歌

少年浪跡山海間西登華嶽南衝嶂酷愛古來金石刻懸

崖斷碣探幽藏火洛東齊文獻家獨起書樓倚高曠不數  
勳侯藏巨萬未論歐陽集兼兩開堂展卷娛衆賓牙籤錦  
軸林相向檀山石鼓盡神品磨礪瘞鶴皆絕倡奇如鷲崖  
下懸石壯若峻坂走新漲龍跳鳳翥自俊逸驚猿渴驥勿  
奔放首健轅門列戰矛沉渾平寧畫鉅枚態外生態未足  
珍筆中有筆其柔尚達士得意只劍舞世人盡欲看肉相

夏周之際鳥跡遠晉魏以還鍾馗喪季斯小篆差近古至  
今刺落峰山上榻予平生頗好奇對此不覺心神壯臨池  
秉燭意興真空研心畫窮偏倚女得義會几席間一掃繁  
蕪掃罔象

復內集

卷之六

古

宋氏抄本

輓李公夫婦歌辭

嗚呼杜衡羅生兮江滸芳華兮媒人黃鳥翻兮來下臺  
獨立兮且修玉佩兮瑤琚手撫兮長劍環劍鳴兮廣衛間  
閭闔兮九重駭赤豹兮駕蒼龍東招標兮容與並參商兮  
陟階坡何為兮木上狸何為兮江中雲冥兮水滌兮我  
思君兮君不還雙梧兮修百層城兮蒼柏思遠首兮誰遺  
芳愈久兮未

右路公

蘭襦兮桂帶典子來兮偕逝吹洞簫兮美猶懷佳人兮雲  
際望長江兮無窮同人命兮有終延佇兮日暮臨岐悅兮

冲！冷！兮凄風凜烈兮寒霜所思兮天一方騁余馬兮  
烏行木有枝兮烏有翰我日思兮侍君之顏伏歎兮魏！  
東海兮漫！潮洞兮白日之子兮我特緣申楫兮為惟葺  
白芷兮為室晞余髮兮鄧林濯余珮兮湘南風颯！兮以  
水深百歲之後兮知予心

右公夫人

贈鄧陵陳生

燕京城關中天起高門車馬如流水長卿四壁蓬蒿中鄰  
居近識西坡子西坡意氣坐相邀長歌燕市行道遙黃金  
盡散竟園容絲筆造凌麟閣標朝來長揖貂璫鋪日暮垂  
復內集

卷之六

古

宋氏抄本

鞭玉水橋頭上倒著明月冠座中長臂清雲鵬回首崧高  
香鄉縣三秋倏忽輕飛電吹蓬龍鍾作鳳鳴抹壁虎頭藏  
豹變毒巷恃迎長者車高風擬並詞林君興乘酌酒滿玉  
斗手中

破門山人集卷之三

北海馮惟健著

近體五言

舊歲八月送舅氏及弟至下閩今秋出餞詩文復來

江許觀山河風景有慘舊別

不見渭陽信空懷秋社臺寄善驚別路送客感深秋見說之河洛何時到錦州遠人應佇望去共莫淹留

過紫筠山房遇雨

題詩蒼鮮石高枕紫筠亭直覺無拘礙何須問醉醒藥欄花灼灼松徑雨冥冥童僕將簾笠移舟過鶴汀

破門集

卷之三

宋氏抄本

神樂觀中滯興

天教村巷遠霜氣玉臺高守拙憐谿谷忘機愧禔禔讀書寒漏短憶遠客心勞何事雲林外慈鳥獨夜號

過清溪書舍和金子有韻

疏窓臨剡水隙地德丹丘鳥語花叢短書殺竹樹幽人掃門倒閉潮落水西流早帽違東客追隨共一州

燕齋道中四首

歷下進元旦當花獨惘然故人贈榼酒推子具蔬筵劍拂齊閩外車迴易水邊樓南有歸鴈嗚嚶向蒼烟使節西秦至吾今又帝鄉一官三閩歲萬里半室囊盡厭

風塵寄其如閩塞馬香花禹城路島煥正蒼！

春風雖云萬不寒遊子不詩情花共發鄉思鴈同歸橋瀉

文龍水榭閑瀟海靡旂常候裡祀早晚出却幾

魏閣上元夜車書入魏時烟花雜環珮星月共華夷短褐

看鷺鷥長吟託鳳池蓬飛上林苑飄轉附春暉

至京二首

地麗青春早山靈紫氣新日開金殿霧風靜玉隄塵車馬環馳象旌旗烈解神運思獻納者說侃策天人

長劍趨京國金門望紫霞物先雷帝澤誰更人天涯蒼

風臺雨縷合龍浦沙東風過平月始見上林花

破門集

卷之三

二

宋氏抄本

潘陽道中二首

絕塞馳孤騎空懷壯士憂風生鴨綠險鈴急虎營秋南有營城草色橫沙積雲山湫戍樓近閩經國議開石舊邊州

帶甲東閩固飛書朔漢寬山河當百戰霍衛控三豎公子

猶傳箭胡兒不解鞞清下野草趁堯夜生寒

登觀音寺

天削孤峰峻巒閣最上頭窮巖邃曲迤邐石更危樓閣瀑千林閭松門六月秋夜來卧禪榻天漢掌中流

元夕携酒登樓諸友咸集次韻

元夕共行樂登樓月色清星橋搖海嶠火樹入邊城綠竹

從塵市盤觴道故情  
浮生隨處足何事  
苦求羸

憶遠

萬里身孤寐三年湘水春  
懷君雙白髮報國西朱輪  
憶極翻書劉謀窮數故人  
長安車馬客萬一念清貧

道中有懷竹坡牛丈

宛：雅歌勝悠々羽扇楊行間  
得張籍綺帶侍馮唐南掃  
峰峰碧西臨隴月蒼人猶倚  
曠遠世已說旂常

臨邑邂逅田莘野為留五日

跨馬還東海風花處々宜錦鷄  
隨去住朋舊任栖遲紅豔  
櫻桃孰青林杏子垂偏逢蒿  
火客高瞻亦吾師

懷門集

卷之三

三

宋氏抄本

兩獻金門賦長沾紫陌塵  
春歸滄海盡興過故人新  
河洛遺章在高陽舊蹟  
真平生好古意開卷對吾顏

清夜更飲王孟村將軍宅聯句

花落春醪去杯深客更來  
竹黍雞如有待雲月為誰開  
灑落荊州識清新司馬才  
當筵初授簡漏盡未須迴治泉

臨胸張氏園亭

問舊遠城郭看花到草廬  
石榴開樹淺乳鶻出巢初  
移坐盈尊酒窺空滿翠書  
未應平子宅端作野王居

登石門

窮谷栖懸構高雲溜石渠  
濯漉春雨後開洞夕陽初  
童子

落佳果山僧進野蔬  
吟詩坐樹下風葉瑤珠々

觀刈麥三首

望雨還收麥其貧獨感時  
雖無高原入已共物情怡  
澤並沾三白人誰頌兩岐  
山農得佳穗遙想獻彤墀

閱世珍農務行歌絕稻梁  
春雲看何錦晚日坐移床  
削木何能似遺舟意不忘  
愉然詠梁甫敢謂在南陽

流浪悲生事開山翻自憐  
三春惟二麥白日到青坪  
舊是遠東隱新耕稷下田  
夜來官稅急得免會租錢

登卧龍崗同孫夾谷三首

崗下有泉 孫諸君并

僻性好游覽况茲諸葛臺  
雙旌于野駐孤閣晚秋開  
地接

嵩山起泉從漢水來山川  
靈異氣千古使人哀

此地煩三顧當年豈故交  
龍潭猶白日羽扇向青却  
細草寒螢照疎松野雀巢  
尖精如可駐寧羨一衡茅

游子辭行役未登岡上樓  
懸魚王勃賦絕喜登蓮遊  
折竹雲在手坐泉露入瓶  
冥鴻暮南向巴蜀一含愁

孫黃醉次韻二首

日臨湘水北天遠漢雲西  
遠尔遠東鷗來聞江上鷄  
買魚還慰母涉險怯携妻  
慙驚人地臨橋未敢題

家在并營微人行越萬西  
長天惟見鷹駉舍不聞鷄  
野獠驚看客山民解媚  
妻自無終畧策吾亦頭封題

元旦日沽酒逢季江臺聊遣春興夜涼不至傾壺獨酌醉筆成詩

未聞春猶淺備量氣尚嫩散稀出林鳥綠帶護塔坊望斗  
迥難見懷人醉自憎尚有送氏壁亦有讀書登

元夕飲李子舖中二首

西蜀卧馬司遠東滄官守乾坤任一醉燈火但孤亭朗月

照指樹涼屋麗座屏真成爛熳賞相對一忘形

客即春意動山城蕭鼓稀醉看明月上遙共飲剡輝紫序

昔鷄陪身名紫塵肥敢言詭國計萬里想承衣

春日泮河館中

陳用集

卷之五

五

宋氏校本

春風無百越烟霧暗三巴自慙高堂舞誰憐漢水樓白日

從栽葉紅塵下看花恹來吾性懶豈謂厭紛華

送人還越二首

送憶西湖水塵纒將奈何君婦理桂楫吾欲弄春波洲映

寒瑤草烟霞問碧蘿輕風信浩蕩取意越中歌

婉委青春子香涼白雉亭酒杯亦愁思花鳥故艱零儂醫

下屏石飛挽出洞庭太初遺跡在為我訪文祠

送李西坡將軍赴廣西

南橋春草色烟雨故離人枉惜衛公去人憐代守移柳營

懸豹韃挂水捲龍旂于羽遊遊地威名百粵知

與江臺言別二首

此尔本異地萬里來趨庭未擬南軒政選刊劍閣銘赤日

子控轡白雲吾著經誰能九折坂叱馭迴韜韜

巴梁自險豁江上渡孤臺玉壘參差近長重烟霧開山川

信靈異登眺亦悠哉潤泉祀懸知作賦才

謝朱鶴溪大參遠使見道公別刺湖士夫有贈鶴從記者公為留鶴賦答之

未跡登龍履先聞後鶴人如何錦綺贈忽到白綸巾報李

愁長跪聞賦意獨真江湖久寂寞誰道有垂綸

重贈

霜柏久逾翠紫微閣更新居始知惜勉征憶忽愁人天入

陳用集

卷之三

六

宋氏校本

羅浮瑞雲蒸溼海春未須論百粵能使鱈魚馴

村居二首

十畝青山外雙溪聖水東海雲遙帶雨樛櫚盡當風牛眠

唯近草雀乳不驚暑日下農務息酌酒與鄰翁

霞濕碧山逕雲浮到野廬已於城郭遠漸覺人事疎含露

意自適耕田力有餘向來十萬春不及一稜鋤

清明同諸弟奉侍 家君游歌別墅和韻

風雨遲佳節遊人殊未還芳蘭搖綠水春樹暗青山瑤草

誰相問金尊心自閑佳人不可見遙在白雲間

途中作

行後未百里春風漸不同  
芭蒲侵坂綠桃李近村紅  
生計甘貧拙人情淡世通  
浮蹤寄天地蒲酒塵寰箇

燕中別田深甫

漢室開金馬克遼問側微  
誰令中獄彥還米北山  
薇風塵令白髮交識盡形  
闈獨有馮驩子狂歌意不違

別粟仁甫道甫伯仲仁甫陳州守道甫下第西歸

海濱聞大雅京國聽論文  
康樂才無敵慈明意不群  
桂枕漳浦月推屋太行雲出處  
皆吾事胡為歎落暉

贈隱山覺仙禪師

大覺真如境名山孤獨園  
晚風當寶樹秋月在天飛  
錫杖用靈巖卷之五 宋氏秋幸

招玄鶴談經駐白猿  
老師持正印萬法總歸源

病中簡張鹿岡明府二首

山城開岱麓仙令抱高風  
柳色延青海花光照雪宮  
龍嶽雲嶠春慈翼玉京  
神誰識中牟政歌從渤海  
有旅食京華地飛騰憶見君  
長瞻衛源樹猶臥海山雲  
貧病漸知已迂疎合離群  
春風到小運送章瑄紛

送周洋西北上和五弟韻

送子河橋路孤旌正北翔  
風花辭五嶽烟雨憶三湘  
道阻經仍富情真賦獨長  
居人懷魏闕雲際千行

馬南江月嘉祥

金臺下論文絳帳前  
袖逢今出幸慷慨欲籌邊  
濟水流隸雲門買薄田  
無為重言別齊魯接風烟

投贈陳玉泉

河東來江許傳君白  
下名教椽臨御水西賦  
動神京落魄屠龍技  
頻繁下榻情素心知不  
變持此報清平

馮子郊居未及與許子別  
於其行甚相念也馮子聞  
之追而送之河之許復即  
卷中諸韻聊聽別思四首

時許石城自登却還南奉常

馮子向南國王臣悲此  
幾遲一辭帝闕日近親  
聞俄惜山濤去驚傳季子  
歸長于雙翠柏風日白光  
輝

改門集 卷之三 八 宋氏秋幸

離懷安可喻瑞水有難窮  
衡柱留余贈鱗鱗念我公  
世情還過旅客路任飄蓬  
登棹滄江渚望瞻天際鴻

少逸惟吾子峻嶒已抱孫  
紫魚腫象魏絳鵲泛龍門  
周寶岐雍重容臺禮樂存  
只今將母意即此答君恩

黃龍壯江依白鷺深自緣  
琴興嬾敢謂知音

江湖萍跡

東覽到滄海南浮極湘沅  
慨彼乘桴歎關茲川上言  
庭養如臯鶴花園吏隱軒  
官心已如此况尔脱塵喧

礼萬壽寺禮和沈玄洲韻

理壇通八極玉座逼三臺天淵車營路雲伍羅帷臺雲花  
卷外轉白鹿坐中迴如何迂道駕波海間蓬萊

遊北固山甘露寺五平嘗登有作因和其韻

且楚分星紀茲惟南北閱憑江天作整障海玉為山水積  
方壺外風清接櫓間 聖朝無北顧典爾棹歌還

再和唐孫躬之作

岩窈駭北回蜿蜒翼龍形地蓋三江險山留六代青客星  
依海激漁火隔波汀多景成塵劫長歌月滿庭

春日果上人小集得虛字時程玄海見過同趙少虛

賦

彼門集

卷之三

七

宋大抄本

蘭若經塵市頻迴上客車春風珠殿瑤夜月綺窓虛上苑  
看花處長楊聽鳥餘幸逢 明聖世何用賈生書

京師一晤董道寧行人遂使工黨酌酒言別得依字

使節下霄漢天書出瑣閣春光尚冉々別思欲依々馬度  
壺闔隨人看燕樹微君扇應獻納 明主正宵衣

詠人送衣香

此沅湘佩分沾德上裾已云更服後况及落蘭初不畏

秋常懷霜露徐美人尚逢暮符贈獨躊躇

九日集將比部 得城字

晉尚薄開

日臨松檜靜風以菱荷清浪跡

同王燦高篇得子荆暉觴與不推騁鳥鳴重城

五月十一日客邸會諸客夜深逸遊而至分韻賦  
詩未及成篇各輒解散獨余與舍弟期而不負約耳

得鍾字

風約蓬下至佳辰豈易逢松扇依皓月蘆筵度微鍾客斷  
却中調余希塵外蹤清尊能不負聊以懣歎

贈趙總戎東溪

威令三轄外勲名百戰間曉霜明組練秋月靜關山龍積  
微兵急燕然牧馬還老臣上方畧早晚懋 龍顏

賈門集

卷之三

十

宋大抄本

乙未四月六日觀進士釋褐

聖代崇髦俊明時產異才蒼生霖雨切太史慶雲開錦浪  
排雲出殿雷接地迴鳥窺春苑馬花照曲江柱異敷增奮  
厲鴻恩任覆培藍梅存壘理梧鳳屬徘徊匠氏誰堪琢冠  
師莫浪裁行看玄化決長袂未須哀

贈蜀令周翁

巴梁控百粵川甸輔三秦悃幅光時若瓊夷沐 帝仁瑤  
漢陽嶠遠青如雉子嗣霜毛清蓋舸王軫靜芳塵曉風正  
峽曙夜雨錦江春自信意鮮叟誰為泣玉人飄然青竹杖  
交爾白綸中庭有雙槐樹層霄雨露新

送少宗伯東游翁還朝

丹旌懷 明主笙歌慰遠微蒲輪泰岱龍節照滄海日

月丹霄迥蓬萊絳閣層上台旋斗極東海運鷗鵬實室愛

龍重周廷樂、興銀臺間玉匪天閣秘金滕 九石齋常

集 諸陵劫馬登鮒陽祥霧隱豐沛瑞源澄金粟雙峯並

瑤池八駿乘臣却瞻赫、宿後蓋競、歛納當朝望都俞

氣象增殊儀酒景伯賈正色待長升劉綬扇隨車轉朱明

麗蓋昇松亭餘舞鶴石岫接垂藤地境雲光瑩天齊兩氣

蒸歌隨林鳥變思共暮烟凝牛角悲歌寧龍門喜御曆十

年還載鶴十里欲搭簪勳業寧金馬身名豈玉纒塵鋒類

使門集

卷之三

七

宋氏校本

自拭鍛翮尚堪騰敢謂吟梁甫誰能著茂陵雲門請書處

日暮倚峻嶂

孤雲主人榮壽詩

孤雲者 潘國陵川南鎮國將軍也年七十主陵川宗約

當初慶辰上堂王子裕齋索余壽章將道人馳獻為詩

王子為青州駕別云

環錫先齊魯文分視霍邱實沈聯上堂參野朔神京河朔

藩離固臺閣控制宏北辰瞻魏闕南境引漳衛爰有孤雲

主送希三代英倭川崇 玉牒磐石締宗盟奕、珪璋集

洋、禮樂成尊吳推季札扶漢識更生德邁人咸服能兼

世必驚日華臨杖柱曲觀子干旌書有無樓管心無百慮

嬰尊中天地闊杖底海塵并漢室威靈遠成周景運盈

驚風浩蕩天地業崢嶸派接億源潤光聯瑞日明 九重

殷若臨百辟倚維城白晝著三錫青陽問五更懿親留

聖典元老篤 皇情特制類頒綺常珍或賜鞭 龍章鳩

杖麗鶴髮鳳函瑩花照天閔駿風迎工苑鷲彩鷲迎便舞

青鳥向堦鳴九月秋香發三峻曙色睜柏梁閣桂閣瑤瑤

紹朱樞山象蓬壺峻池方宿海紫長筵披玳瑁廣坐散瑤

瑛月殿分蟬藥仙臺閃鳳旂羨門能擊鼓神女喜吹笙客

駕冲天鶴賓如吸浪鯨珠簾迎霧捲寶瑟拂雲嶺象笏開

使門集

卷之三

七

宋氏校本

籠鶴霞觴憶授籥朝聞歌白雪人盡醉烏程自顧蓬門士

長帶蕙畹榮春風揮綠綺夜月引清萍惆悵雲中旆蹉跎

北海縷眠猶慙正則書或似虞卿授簡遠珠履陳詩擬玉

璫壽棋選引翼庶敢告司觥

絕句

姑孰道中四首

獨眠山館夜微鐘度江口幸帷語僕夫起視天雲否

烟起樹亦暝水生江岸宿夜來別故人風雨最蕭瑟

樂、田上草落、

樂、田上草落、塲中稼兒童不解愁公然牧牛馬



早行

曉月在山巔蒼然烟霧聚林深不見村隱隱聞人語

題畫鷹

日照蘋洲白蒹葭兩岸秋如何霄漢翻只為稻梁謀

古意十四首中元夜珠九山即舍客有吟夜深池上

蘭枕欲斷續歌聲格太穠者遂以為韻

金紫蓋珠絳寶鴨烟銷麝何處閑秦筆在人坐涼夜

花下三尺琴長卿一寸心美人望不極湘江秋水深

皎皎春花姿步月何遙遙青鸞舞階下忽似在瑤池

巖畔忽奇峰空中餘色相不向楚王宮徘徊巫峽王

霞門集 卷之三 宋氏抄本

白日惜紅顏金鉤耀琴聲臨風一長歎江草委幽蘭

音商奏廣韻高樓吹玉簫相將洛浦際典爾共鳴梳

烟霜坐柔臧長歌正悲切山風吹羅帶四野鼓秋歌

暗魄淨如洗仙樂耿然散行雲暮欲頓客子魂應斷

平生願好奇被服不期俗不遇鍾期子傷春安可續

石磴綠羅根長萼亦多莫將斑竹淚洒向白頭歌

園中有奇果葉實欲成不底嚴霜至唯愁風雨殺

人生會有時丈夫輕離別中心宜不念笑語何當接

空閨愁顏色驛路望飛蓋喜意誓不改君心良已太

入室下綺幃出門牽征衣君當志四海吾身一何微



陂門山人集卷之四

近體七言

北海馮惟健著

陂門集

卷之四

宋氏抄本

秋征八首

岱宗直下澗關前越萬南盤瘴瘴多一綫路如天上去百  
迴人似洞中通江風颯飛旌旆峽月昏淨祥籬槃木  
白狼馳工國葛巾回首一高歌

前山阻絕未可度下馬石磴晚鱗此溪水不愜意何  
處舸船堪問津落日魚樵香難見穿雲虎豹時近人山荒  
野鴨有何興極浦雙翻白蘋

客子萬里路益險瀟湘十月雨不休山深自鬱雲霧濕地  
燧翻金霜霞流江上寒雁香雙去樹巔老猿相對愁中京  
風日晴正好放歌騎馬何悠

何時清浪石頭城曾駐先帝龍尾旌音壁皆看秦塞月  
黃雲南盡楚江毅錫鞬已復百年事餽餉還燕五路兵西  
鄙一聞擊鼓動僭侯即守蓋軍營

共傳朱輔益州時誰念馮唐老髮絲聖代坐牧迎郡績  
馳名無賴世人知青霄騰閣日千里白鶴看人長九夷懷  
石據鞍俱寂寞翻雲點任走離

南征苦憶長安信消息時後驛使聞三輔河山依紫極九  
衢日月自青雲欲遠海內飄搖客重振閣東獵虎群繁感  
起看真退舍定飄烟尚餘氛

千年風物古青州十二春閣據上游繁筵船松供大內丹  
書玉匣走諸侯鴻濛高磬雲峰斷虛尾東方滄海流形勝

幸先海岱想蕙懷愴有孤丘

乾坤東北控鑿巫塞工風烟近有無玉帳新開鴈門守羽  
書孫靜鴨江湖五營七枝連兵氣湯海金墉瑞帝圖終  
古祖龍遺恨在營州封域自唐虞

沅州館中竹和壁間韻

封岸叢雲氣深石潭蒼壁盡陰移居海園憐新籜見  
尔天涯減客心雪後總留丹鳳實歲寒誰共白頭吟婢娟  
莫點湘沅淚渭北淇南是故林

送夏文遠二首

風烟漂泊西南州北鄰賴尔消甯愁賦詩騎馬客送盡看  
東門集 卷五 宋氏秋序

劍著書吾且留雲板百折鳥窠山雨十日猿啾藥欄  
不愁長落莫誰典釀酒吟高秋

送客來登萬仞峰衡陽留滯鬢茸雲中野岬如亂竹天  
際楚江疑白虹細草無緣朝並馬前洲何事暮掃鴻仲宣  
莫作登樓賦家更錢塘江水東

至家示諸弟

京華北上雪初飄海國南來見稻苗烟迷斜開新島岬雲  
門重開舊漁樵烏啼瓊樹滄洲近鶴下丹霄北關遙詳報  
惠連吾潦倒葛巾負聖明朝

贈陳克棟

滄海嶂前草光瑤黃金臺下柳條新彈琴獨看山色送  
酒時有里人鴻鵠慚余千里翼禱袍愧尔百年身丈夫  
事業真無定不見元功數漢臣

送王汝敏還金陵

花報重陽露氣清看花對酒旅兔驚即辭海嶂樓中月  
遙報龍閣江上城三山白鴈後來遠一葉偏舟好是輕  
與尔未須論遠別青春還棹歌聲

清明日同弟奉侍 家君游歌別野和韻二首

藍輿遙度青山曲倚杖後看郭外花柳拂洞雲其可折酒  
鄰村老不須賒綠水亭上沾春雨白髮尊前惜歲華莫笑  
東風抄本

頗年貧到骨猶能十畝菰桑麻

藥圃新栽元亮柳菜畦蕪種印平瓜捲簾獨放青谿月拂  
枕高樓碧洞霞天際真鴻卷共遠風前沙燕暮巢科壽額  
醉酒歡無極徒倚疎林看杏花

雲鳥舊連東郭近漫溪長棹北山流盤餐旋剪畦中韭風  
雨來登海上樓黃鳥不遇紅杏鳩白鷗飛到綠蘋洲綠水  
並舞清尊晚政擬華林洛水遊

洛亭雨中杏花同周伯霖鍾少岳弟賦次韻

細雨池亭花滿樹階前片玉瑤霞流山蜂避濕翻窺野  
雀隨風故倚樓濃淡仙人辭漢閣沾衣神女立玄洲待余

晴日曲江上與尔携壺爛熳遊

西弟登第志喜

群英盡是金門侶汝亦叨稱作賦才滄海風雲雙翼健瀛  
洲宮闕九天開驚駭羈旅隨歌曲花萼窮途照酒杯即有  
鵷章光鳳製况將夜譙入春臺

三月十五日即士應制吾視弟於 闕門遇雨二首

聖主平明御紫微絳衣捧制下彤闈八音統殿鈞天樂五  
色當庭瑞日輝筆氣欲依龍展動墨花時向侍臣揮定有  
賈生能獻策莫令空負洛陽機

重門金爵曉煜煜千載蟠龍待 聖君星輝絳闕流仙掌

氣拂承明作慶雲縹緲漸於三殿合霏微忽向九霄分稿  
贊江湖真落亦從雨露識龍文

十九日傳制西弟為余道其事喜而述焉

雨薄晨交玉座烟姿髮新集建章前祈當欲動星辰轉執  
扇齊開日月懸御墨真從天上至 綸音遙自殿中傳拜  
舞乾坤何以報敢於江海効微涓

駕出北郭

西湖東嶺靄春晴玉帳金輿出帝京鳥轉山花迴鳳吹雲  
屯堤柳結龍旌諸 蓋向蒼梧繞闕道遙看紫極明茅屋  
山疇閑 聖慮風塵盡日捲簾行

望海

析木扶桑曙氣通十洲三島日華東雲依絕嶼終同色水  
與長空共不窮星樓萬里迴天上層閣千重入鏡中幸親  
聖人今御極寄言重譯早來風

余歸自京師道臨淄沛然有遊龍池之興旋學獨狂  
至則與諸友人過焉交觥余遂宿于齊北郭寄題龍

池主人

龍池春水千尋碧花鳴泉流百道分池深禹穴來滄海龍  
向天奔紫雲草樹凌歎流潤色驪珠射屋動星文莫使  
幽潭滯雷雨蒼生憂早已如焚

東門集

卷之四

七

宋氏抄本

送陳為齋別駕之金陵 代作

伯玉吟詩卧東郡孔璋秉躬向南州鳳皇近接吳門樹鷓  
鴒倚臨漢樹秋紫氣鍾陵長鸞青天江水日悠々碑梧檻  
竹青華地綵筆金杯憶昔遊

仲秋晦前一日序菊盡開同弟敏訥直待 家君讌

却園種菊早秋迴諸後送扶鶴駕來月暗草塔真欲盡霜  
經花蕊色相催海東看有靈椿氣接外翻起常樣開不足  
青山風物勝併將綵服照金童

送袁樂繁長使歸章丘和韻

秋策風塵已十年青山忽憶種瓜田三陽過雨草初嘗

洞蒸霞花欲然作賦豈應枚并老論經只數猷王賢白駒  
未度長亭柳彤管猶傳空谷篇

贈聶道士湖谷和韻

羽客初迴天工撻瑤壇玉洞訪南華吟詩暮別滄浪月伏  
劍朝餐岱嶽霞牛入函閨瞻紫氣鶴從勾漏負丹砂聽君  
坐話長生事天地茫茫亦有涯

贈梁西川

淄水西來歷翠微梁鴻高卧此荆扉分流種蕪餐社玉聞  
渚裁荷製綠衣飲犢日經雲口渡釣魚時坐石頭磯長天  
漠々蟾光滿唯見汀前鷗鷺飛

東門集

卷之四

七

宋氏抄本

寄王開塘大儀和其來韻

草堂回首蕪葭際尺素遙傳春暮時五嶽綸中塵世別十  
洲情興故人知水還未石江流穩雲去凌歎鴈影遲若過  
海翁相問訊蕭々短髮尚支離

送許壽光之任吳淞別駕

許遜來彈單父琴馮驩高卧白雲林不緣信宿齊門月誰  
識樓連滄海心三卯風花看越近九龍烟霧入江深垂亭  
白鶴翻々下借尔雁前棠樹陰

蟠桃園為王松亭乃堂作

南閩王母珊瑚彩袖新承膝不歡雲繞松亭飛白鶴風

迴竹相舞青鳶東方浪跡誇金馬武帝虛疑對玉璽未若  
蜡桃真饒賞蘇第選在白雲端

送胡時軒長府南還

春雪初晴朝霧凝天涯歸客度滄滄南皮宿從惟王絮西  
蜀園廬有茂陵履野花迎蓋妨冥江雁避雲繒春先  
此去應無限况有峨眉興可乘

同朱九山送中州客

自識卽忻出世塵空同無復著書人清歌綠酒尋春地岸  
柳汀蘭送別新書火雲中雙度鳥洪河天際一帰輪年來  
短髮後人白鬢裏蕭見尔真

費門集

卷之四

一

宋氏秋序

馮子典許子別清溪善會二十年矣乃後數會京師

甲辰之冬許子自餘曾還南奉常馮子嘉其孝能致

主官不辭家君子三樂可謂不悖甚為許子樂之

昔日論交莫以年驛踰萬里獨君先瀛洲勲業雲霄上南

北京華日月邊玉戚朱紱泰帝化錦衣絲袖照江船故人

留淘金臺下掃踪松筠草太玄

送郭似庵却度京東諸道

街寒缺騎發邊城聞道風烟向紫荆即有傳正徵國士獨  
合廊廟念蒼生九霄部下天顏嘗萬壘雪色明白  
是前門依比極如旬况畏令功名

朱射坡使雲中即玉泉席分得留字

朱雲使節出蓬州詞客東秋賦遠遊背月獨過玄鴈嶺看  
花且醉白雪樓寒鴉細兩夜初靜霜擊江菰典未休北去  
長纒酬壯節臨南四牡莫淹留

潭柘山寺和沙門重玉韻

京華旅食幾經秋每到春時自勝遊列棟迴瞻寫彩鳳諸  
峰西去鬱蒼虬古栢十圍珠樹台寒潭雙帶玉泉流赤軍  
暇日多乘興吟眺何人健惠休

西園宴集

趙王公子愛群才春日西園勝集開導水曲從銀漢入引

費門集

卷之四

七

宋氏秋序

峰遠有太行來臨溪投簡綠瑤草選陵分曹獻玉柱自昔

鄴中多勝事因題珠筆寄鄒枚

送張榕洲侍御巡倉洛河作

頻年遼海劇臨戎國計何人第一功擬絕天驕窺塞上故  
持霜節下雲中迎秋暫喜張網駕入洛仍乘鮑氏戰十載  
天涯惟汝共自憐萍踪又河東

秋日侍譚東渚翁別業和韻

汾陽山第俯丹丘竊竊仙臺玉洞幽竹裏長看黃鶴舞溪  
邊時放白鷗遊蓬萊曉日千峰出秋水秋風一線流長安  
陌上多車馬誰道中林有鹿裘

與黃公大夜宿聖水別業限韻

落魄歌魚卧雪宮迴船溪上恰相逢雲門濟水秋風早綠  
樹蒼巖暮色同山谷興能隨杖屨鍾期意不在絲相聞亭  
露氣清無限對榻燈花午夜紅

登焦山寺和蓮庵相公韻

珠林天際曙光初綺閣中流島嶼孤採藥身輕看獨工受  
風中側倩人扶金盤盡結橫當海銀漢橫迴香入吳對月  
水晶亭 冷然神女弄冰壺

為王鑑川題晚閣捲荷卷

道遙江海一間身鶴髮全章相映新禁苑鳥窺青竹秋御  
瀟湘拂白綸中整於京國隨鷓鴣更向河汾狎隱淪况是  
王陽乘傳日併時綵服照芳春

慈仁寺奉送王比部鑑川出守皖城得輕字

西曹久借鷓鴣侶北關遙分龍虎旌攬勝夜吟天柱觀瞻  
雲峯下石頭城亭、江上三山近裏、風前五兩輕此去  
淮揚須長孺應將卧治卷昇平

送曹紫峰謫晉州別駕

君家詞賦擅南皮蕭散才名衆所推四海交游皆禁掖十  
年蹤跡尚天涯春銜澧水征輅度路入恒陽獨鶴隨憶曾  
趁庭朋舊石道全華鬢負 明時

送朱九山尹秦興

誰向空同狎隱淪愔然鄙子謙松筠天涯杯酒論心事容  
衰風塵別故人鶴度黃橋汀草細危還淮海岸滿新東南  
民力依稀盡况復年來水旱頻

奉送擊鴻洲侍御還留都

玉驄信宿返江臯紫陌遙遙擁使旌臺對黃龍澄曉露舟  
迴白鷺聽秋濤燒燈作賦催行色彈劍逢人感髮毛豈有  
高誅驚稷下即看抗疏動蘭曹

於東翁分教寶應小詩奉贈

風塵客舍共支離送別江鄉惜路岐白首一官叢桂履青  
楓孤舸射陽彼斗牛入夜瑤光度桃李迎春鶴色披帳下  
不殊掃虎觀南中早已徵臯北

送國博劉雨山赴襄陽別駕

劉楨意氣風相期佐郡遙臨漢水湄志主寒隴辭舊館照  
人寶劍結新知秋深山郭銅鞮曲月淨江樓白雪詞前輩  
風流君不減有時乘興習家池

奉贈荅源翁

官源今北都嘗蒙之受以御史按廣特  
貴人熱尋進山東觀察副使以親老乞  
林三薦  
不起

擬築幽棲宮水陰丈人中歲三後簪青鵝獨過羅浮峰飛

旆遙迴嶽峯舞袖田疇蘭蕙滿微書三下薜蘿深鳳毛

早見凌雲出畫省時聞遊子吟

蕙坂為高侍御石翁贈

乞得西湖百畝寬幽人種蕙遶江于碧光遠汎山鷓白芳  
氣長隨野鶴冠望極合迷湘女夢拾來不為楚人看更憐  
繁苑瑤華別併入蘭臺玉露寒

奉送齊澤相公節鎮雲中

天兵早下燕山路雲塞多看漢將旄六月拍揮惟羽扇三  
邊經畧有龍韜室書夜白中朝發京邑秋迴北極高去縛  
左賢應計日存臣無使 聖躬勞

過天津謝林主政遣使

東月集

卷之四

三

宋氏校本

他月集

卷之四

三

宋氏校本

飛、征旆拂晨氣下馬却亭坐日懸懸榻誰為徐孺子窮  
連唯仗蜀將軍旋移華戶依青浦送暉山居送白雲自覺  
笑衣無滯礙夜深彈劍動星文

絕句

送客東歸過雨二首

送客金川遠寄書獨憐吾弟隔壑聞出門咫尺猶風雨况  
復聞山萬里餘

雲樹冥冥故國情扁舟飄泊旅魂驚香然欲作對朱夢夜  
半春江風雨殺

通典

落時聞哭聲

桃源洞二首

萬峽山中見一川  
靈苑猶自有人烟  
無勞細問桃源事  
能避秦人即是仙

桃花流水春復春  
蒼峰翠嶽開嶙峋  
周行歌賦者誰子  
盡是桃源洞裏人

錢子惠前五詠

霜飛八月湖水清  
楓林空復釣魚情  
獨有知章舊時月  
夜深向鑑中明

右柳湖

峭峰如筆高挿天  
長空燦爛垂錦箋  
太白拂衣跨羽鶴  
醉

復用舊

卷之四

古

宋氏叔奔

援形管揮雲烟

筆峰

滄江狡岸如秋水  
六出霏微傍月迴  
山陰不見有乘興  
溪

畔小舟來未來

簷花噴雪

蹲崖鷗子勢欲立  
黃鸝野雀群相喧  
何當風颭翠霄漢  
坐

令毛血揮平原

橫秋

石崖蒼壁桐栳雲  
上有鳳雛雙嶙峋  
不見湖上飛來石  
長

風毛羽誰能馴

風山舊雲

還音途中作三首

黃鸝東飛思不群  
前門回首出塵氛  
霜翎朝刷秋桑日  
風

翻晴翻動解雲

東門集

卷之四

五

宋氏叔奔



霞靈光樓上京 恭陵遠望翠華明侍臣腸斷御恩日

抱遠弓說太平

可畏輜重塞晴川

觀軍賜禁殺小民夾道傳呼日喜

呈周王八駿還

玉泉官道接風烟

日月邊最是老臣承寵隆節

輪長道一聖人前

穠李花開香氣柔

長隨離聲伴春遊龍馭未離鸚鵡渚珠

雲先出鳳凰樓

懷豐燕洛中興年

形管瑯弓時御蓮千載 聖明非漢主

詞臣莫獻上林篇

東門集

卷之四

去

宋氏校本

贈麻南莊隱者和晉雲石韻

燁々瑤之玉洞開冥了紫氣自東來拂衣海上携龍杖抱

膝雲中養鶴胎

典南莊花下酌口占

黃花白花相問開主人的酒流霞杯山雲狀然度滄海吾

彼因之訪蓬萊

南莊入城遲之不至臥病走筆

海鶴西飛過儂陽蓬萊城市迫相望青樓羅綺塵光滿石

榻松山露氣涼

和春浪詩二首

欲從海上望黃雲先向灘中泛碧故張爲天漢窺露錦武

帝昆明試艦軍

漢之風濤捲綠時便從山外瞰江流野亭對接三山近竹

簾翻疑月四秋

七夕莫康川見招走筆謝之

一見牛郎語未休整時相對却深愁向來不是成都卜誰

信張騫犯斗牛

是日原川再使促入城爲會席上賦得同黃霜各張

靜泉陳行委烏龍江四子

莫缺進前敵月華天孫今夜看還家坐中羞是乘龍客自

復門集

卷之四

去

宋氏校本

笑河橋亦泛槎

吳子雲家見招余方避喧却外怪念所注

玄鶴翻之暮未還飛霞片一鎖松閣道人來往無踪跡不

過燕雲山水間

送陳西坡還中州

陳琳去作梁園客絲筆兼爲遊子吟 帝里麗花三月後

嵩山烟樹萬重深

南省十首 并序

及府居嘗合華亭爰歷三紀季弟惟訥復坐松郡奉

母祿養母懷歸送已京口而作題詩

朱明陵此穆陵原秋氣橫舟白浪翻估客近傳南菓信陵

風絲鷓鴣度吳門

相柳棠樹鬱歲疑行人看岷首碑音並彩旆翔玉關獨

乘玄鶴下瑤池

莊生垂釣北溟濤季子還殷捧檄心駭入九龍黃鶴舞舟

迴三岬白雲深

澱湖島自清波花甸重看翟茀過居人競上三遷頌父

老猶傳五袴歌

飄飄羽鶴度青冥中夜孤雛暝亦醒白露凍下寒廓臨

風長是刷霜翎

雙門集

卷之四

七

宋氏叔李

風雲丹鶴鶴奈客思依對海門青鳥東迴風日麗好

聯絲服獻金尊

音楓隔岸望雲車掩映朱轡五色霞咫尺金山不見可風

波對面即天涯

可憶逍遙萬石君歌鐘群後日欣雲山澗水胡麻飯絕

勝江南碧澗芹

年侵常操倍深憐共護萱花媚綺筵何時廣陵江上鴈忽

迴青嶂隔風烟

百年悲咽昔人稀秀野橋邊臺榭非愛爾慈明嬰夙譽併

將惠澤報春暉

詞一首

醉落魄和朱九山

世態更迭只好典魚熊共說簷前螢火作乍明滅草露蘭

風柳絮團香雪玉堂天上徒清切已瑟牙琴為誰設履

裏乾坤休浪演拂袖歸還弄滄溟目

雙門集

卷之四

七

宋氏叔李

破門山人集卷之五

北海馮惟健著

序

送朱伯雨尹棠序代牛竹  
被依

丙戌朱伯雨登第越明年丁亥復有自京師來者告予曰  
伯雨尹棠邑予聞之喜而不寐或曰伯雨邑不稱其才何  
喜若是予曰縣令親民其津易施業邑政簡其事易治予  
見今之筮仕者釋儒生服未數月輒委以繁鎮大都固有  
能勝其任者然事未練習其可悔而議者多矣夫千里馬  
其始未必能千里也業邑者古棠伯國也瀕于江饒魚竹  
實門集 卷之五 宋氏抄本

之利地狹而民醇財賦輕而人之責望者淺地狹民醇則  
得以事盡其心而易與為治人之責望者淺則怨詢希而  
譽日隆治且有譽為益大矣及伯雨之任道故都謁予而  
問政為以子薄劣非知政者然予嘗尹益都治邑之政實  
所與聞矧吾與子故有相長之益可獨無言夫為政之道  
在於守法然民之於令也猶赤子之於母也又在達情法  
本以利民然法立之久於民不能無不便者拘於法則傷  
民拘於民則廢法二者皆不可以為令惟夫酌量時宜使  
不至於廢法而可以行吾愛民之心者天下之良吏也且  
以賦稅一事論之 國家之賦有定額而一夫之產實富

異狀有地在而戶亡者有戶在而地傲之他人者輟而不  
征則非法征則民之轉死者可憫也於此有慮焉蓋賦雖  
有定額然不無輕重緩急之差苟取重而輸之輕紆急而  
納之緩則賦法不至墮壞而民不大困矣其他政事可以  
類推程伯淳之尹扶風宜用是道吾終自所以臨民者亦  
惟以是吾子非百里才倘不以吾言為迂或亦可為行遠  
之一助耳伯雨唯子乃命人檢五善篇并善以贈於其  
行也且告曰吾聞棠有八公山王喬洞者慕其名舊矣其  
雖大雙鳧遺跡猶或有存者手絃歌之暇幸為我一訪焉  
賀高伯登任臨海醫師序

實門集 卷之五 宋氏抄本

醫家者流肇自神農周始備官疾瘍食飲皆有醫而醫師  
則掌醫之政令聚毒藥以共醫事九邦之有疾病者死傷  
者造焉則使醫分而治之歲終則稽其醫事以制其食我  
朝酌古建官京師置太醫院郡縣有庠序者咸置醫學飛  
自胡元北逐全遠遂為空虛之地乃簡徒以成以居生齒  
鮮寡百廢朴簡醫惟初司設官 國家承平百餘年如天  
汪濊惠施無遠雖遐絕徹咸被需需齒業繁富土邑闢  
廣商賈貨賄輻湊交集禮讓彬彬：蓋于上即政治以漸更  
新于星守城於列城 奏置醫學以備制度官惟其人馮  
子之妻之兄伯登高子實謀臨海夫臨海僻介一隅實遠

不通駢駢巡歷罕得而至為其俗健訟然治化所及已非  
曩昔結誦寔興且控據專城足為益之利是以鄉大夫建  
議開設學校而有司廢格不果士論惜焉夫軫念疲癯故  
制度以醫學為備察其輕重則政教以庠序為先臨海無  
庠序而秦置醫學蓋真鄉大夫之議為有成耳然前緒未  
竟而後議獲建遇同幸朔羊之或存也昔朱子悼樂律湮  
滅欲立一學俾講習討論必有精通者出東土固未嘗  
有醫然藝成於居肆業精於專門自茲以注惡知無有如  
東垣仲景之流者出乎吾閩設學以育材未聞借才以飾  
學也醫道有然矧吾儒陶鎔漸摩教化有司乃謂才寡  
實附集 卷之五 五 宋氏校本

邑敝不足庠序吾甚為其說不取也高子注焉粗豆揖讓  
之化將必嗣有興之者而良藥醫國牛刀小試愚氓健訟  
之疾其將有瘳乎若乃西之以九竅之變象之以九藏之  
動酌之以陰陽之判稽之以世運之數微詞與旨存乎素  
問不復叙述

贈許澗泉先生考績北上序

我師許澗泉子晉青教九年將考績北上或謂愚曰澗泉  
子之京師子昌言其所以教青者愚曰澗泉師知愚知  
澗泉師今行矣能無言以章無師愚仲春居京師大人有  
貴臬之命大人蓋窮處商郡者五年矣愚即走書報敬奉

母南省馳歸青待命時遠善適至愚輒後白曰不肯有甄  
省之役羈絏之務奈何雖然期以弗忘愚退而束裝戒僕  
安車奉母發齊魯涉河濟歷大梁之虛並荆漢亂於湘澧  
窺九疑躡夜郎自秋徂冬冒履霜雪窮歷險阻蓋數千萬  
里乃始見大人暎柯之館健進而伏謁其言也戚戚退而  
而稅駕其樂也與於星賦陟岵之章嗣是自視飲食寢  
處外未即他務追惟宿諾仰思模範有西河索居之想於  
是賦著我之章馮惟健曰師不同有一藝之師有道義之  
師一藝之師乃故不得與道義之師並何者一藝之師吾  
報其藝道義之師吾報其德澗泉子於愚蓋道義之師云  
實內集 卷之五 四 宋氏校本

往愚移居青即居門下每對人稱才識者必曰馮生馮生  
凡可以成愚而益其學者無弗為也後舉鄉薦為吾綜  
理其終大人居官謹慎儆居青日同床假諸人諸子分大  
無以養母師察其不足傾時給生我者又知我者師又  
師於文字中有政事焉時攝事即無廢事其奉上下下與  
善懲過成中理道事即可言難上官怒直言之無所避其  
遇諸生可謂恩義兼之矣如有知之者俾得一展其用其  
設施經濟必不徒尔或曰學校有師天下師之也其於受  
教宜未數也矧知子矧以子吾子胡弗釋焉曰惡是何  
言也民生於三事之如一先王有訓健弗感弗踐也義以

載信：以成義以諾後人健弗敢弗後也於是賦崧高首

章而寄斯作

介石史題

予往寓留都與初門王子寬友蓋教閱其父介石翁云後  
別去壬辰春子寬以諸薦紳先生志介石傳若史寄我京  
師子讀之曰考我子寬匍匐而顯其親夫人子孰不欲顯  
其親乃其心弗絕至則人固顯焉匪其人則亦因終顯也  
介石沒數十年而行炳一蓋章子寬之用心至耶弗至耶  
夫三年不改猶足稱孝矧久而弗忘諸心矧能章之馮子  
曰吾讀介石志潛然而歎蓋數世也夫自里舉族党之法

健門集

卷之五

五

宋氏秋序

廢而孝弟力田曾木儉朴之夫乃不庸於時自非直心實  
行邁絕倫輩者則鄉閭亦莫之宗也介石居鄉一里人咸  
噴一敬慕之賢年劫疑皆謀問業者必曰介石翁介石翁  
云諺曰鄉有明智毋趁縣吏言鄉近而縣遠更且未必賢  
尔也夫介石不任人預事之事不嗜利預利遠不善不善  
預翁愧盖亦有其先世祖烈之風矣顧汶穆無聞不有諸  
薦紳為之贊詠後世安知有介石翁哉君子曰介石謂父  
子寬為子吾昔聞翁無詔行無續文守於身正勅於身順  
宗族孤貧者無失所蓋終身豫也斯其為介石也大矣是  
見幾貞吉之先民哉

贈石谿韓公權參贊序

石谿子與馮子同為郎留都後馮子守石谿石谿子則貴  
集建節威清乃石谿子參藩政則馮子代建節焉於是馮  
子問政石谿子唯之而弗言馮子曰曩共事南曹唯朝夕  
規誨得免於戾守石谿子怒愚而矜不能輔傾布譽相見則  
握手道情素樸一商土非吾子幾不改矣今復得承接下  
寮固所謂舊令尹之政也顧弗以告何也石谿子曰唯  
夫貴州雜居荒服然一列聖弘德群黎佐賦寢一乎與於  
禮讓蓋商而華也久矣其治易行也是故因土俗以觀風  
察險易以設俗立首世長以維勢聯渙塵遠以兼制持明

健門集

卷之五

六

宋氏秋序

懸平以直憲清而勿介直而勿執以虛來寬善以明惠  
重懲以威暴酌時從權潛消曲導以濟變措斯九者難九  
譯之地而法可行也况貴州乎夫人患不遠時變耳謂貴  
之人之難治者妻也馮子避席再拜受教焉石谿子曰藩  
臬異體而殊務將何以教我矣馮子曰予何知焉予何敢  
越樽俎而妄對雖然予往治石谿蓋窺有所見云夫石谿  
山谷艱阻居民鮮寡曠耕歎穰無終歲之計徵求橫溢百  
後填委故民往之亡匿經國議論各不相下狗執已見故  
事禁而難守亡部真州之役執事者所親見也併數路之  
饋賚之疲郡舉千金之費倚諸宿民此決不可為者時尚

知乎為政矣於是賈客稱善咸稱詩論志焉戴魯溪歌曰  
普天之下莫非王土率土之賓莫非王臣言公之賢而久  
於外也鄒南江歌曰無以我公歸兮言邦人幸公之留也  
羅果亭歌曰請共尔位正直是於言石谿子與馮子得友  
僕門集 卷之五 七 宋氏秋李

之道而久莫違也

送喻斷事考績序

愚未嘗試喻西臯嘗聞諸閩山夫子稱其為雅重之士焉  
夫子不喜人諛亦不喜諛人不喜人諛故人有善必知不  
喜諛人故善或鮮知於人愚往年自京師來定省時有諂  
夫子者或輒咎之曰子為人不求人知而求知於鬼神子  
為政端一唯恐非義之說也一毫無所利於人亦無一  
毫以利於子顧直工而蔽下何以處茲世矣夫子喟然曰  
已則有歎而人譽之獨不愧于天哉無聞而毀至吾心安  
為人則弗知天可欺諸人患己不修無惡人笑惡有以人

事君者而患其不知人乎我於是程蕃有方微之警議所  
遣夫子曰喻某者其可為議上而遣之告急者踵至夫子  
曰喻其必濟已而果濟或者乃頌曰道不同不相為謀舉  
措之際好惡斯存以是觀之詢殆不售已而果不售夫子  
能舉善達人能用善喻西臯能不負其善詩曰請共尔位  
正直是與神之聽之式穀以女又曰無縱詭隨以謹無良  
式遏徂僇惜不是明柔遠能迩以定我王夫上哲下忠遠  
詭惡近正直政之本也君子是以知喬覬之且不安也喻  
子考績將行趙子則告我曰喻子九載矣守官慎重未嘗  
見其非分悅人循一如也愚曰貴陽地僻閭幕位卑九載

僕門集

卷之五

七

宋氏秋李

任久地僻則不樂仕位卑則易諛任久則心懈於此為事  
人能不失道優游以考績行可不謂難乎夫子稱之曰雅  
重焉其信然乎哉其信著乎哉

賈郡守紀公序

吾郡守獻翁紀公為政之六月中丞于公旌書至自河上  
于時鄉士大夫相與慶曰賢哉太守志行上官矣其為議  
庶者曰蒞六郡者無如我公賢我公其久撫我民也或曰  
夫賢也豈俟彰而後知公之賢將無庸於彰也愚曰不然  
好惡殊方毀譽不同火蕪而先鐘叩而敲太守誠賢於公  
之微將不為發殺揚光之地哉或又曰中丞治河太守牧

民河治之務一牧民之政繁自齊陸走千里而至洛上太  
守視政未數月也于公烏得而真知之若是過曰不然德  
政之行不疾而速國家之政養民為急京師之供漕運為  
急漕河之治得人為急擇人之責守令為急守令之賢不  
肖固于公之所深注意也知我者廣其德益長令閭閻流  
厥政允修况于公取善不必一道而太守仁政素著海內  
者乎是故尹白容而民庶懷平邦刑而明允著贊地官而  
後教理斯足以觀政矣或曰太守之政可得聞與曰厥初  
領郡吾於京師見為其容也默以和退語人曰吾郡得賢  
守矣既於郡齋見為其政也固以達退語人曰吾嘗得觀

東門集

卷之五

九

宋氏抄本

善治矣其守已燕靖而過士大夫以礼教奉俗崇化尚  
簡其古之所謂循吏者耶夫古之論循吏者莫如章帝班  
固之所論傳蓋多能吏焉吾未敢盡謂然也章帝之詔曰  
安靜之吏惻愍無華日計不足月計有餘其溫淳簡易廓  
然可想誠哉所謂循吏也獻齋子之政實類是于公蓋識  
之矣夫王道之不成吏治之不得也吏治之不得舉措之  
不明也舉措之不明好惡之不公也故君子慎其好惡嘗  
見世所稱良率皆樹穀威作名譽以後時好將使其身卑  
卑以求一日之譽自以為得所安矣然不知作譽之勞甚  
於力政苟利其身而不顧其民為濟其事而不恤於國夫

子曰非政况其下焉者乎取人者方且毀譽任諸已得失  
詭諸人一不當意雖有中年穎川之政亦為後尔以是而  
望治遠矣夫太守務實而不近名好古而不求合于公之  
知不亦難哉

送齊壯士歸閭陽序

齊壯士其先青州之日照也人甲午歲壯士登第并魯  
同薦京闈歸見閭漢翁於醫巫閭之陽閭漢翁曰嗟現吾  
先世嘗有聞於海岱之間汝曹既獲與諸士齒其勿忘吾  
祖矣邈左乙未之變適二子歸自京師翁則又誨之曰吾  
聞之順士不倍不替人不懷居汝曹不見閭山居而復旌  
閭門集

卷之五

宋氏抄本

胸陽遂首丘之額燕嘗分守道者賢之義吾竊慕焉汝其  
行之矣二子曰諾乃改歲春并魯舉進士翁遺并魯書曰  
此蓋忠報國時也復擬東連四事其一曰復歲輸全運衣  
布仰給山東又佐以登寧諸鹽場後海運阻絕詔需費廣  
所儲鹽場歲額輸十萬金至運軍士賴之今併此亡矣而  
以是田供軍正賦旁溢而經費坐耗甚非所以經國也二  
曰季邊儲遠東當諸夷要衝朝貢兵戎所費不貲祇仰京  
運往時商賈出閭并告身者皆輸銀度歲計二千餘緡  
置糧橐要害實項以撫臣奏借賑飢宜後之以紓邊用三  
曰嚴馬政夫邊政以馬為急遼東設苑馬寺丞寧監深清

二死地餘四千頃重馬政也述者成法散於因循糧餉浮  
於募牧園隸役於私門軍士苦於羸弱誠不可不為之所  
也其四曰明功賞夫勇敢者人之所甚難也死者人之所  
甚惡也行所甚難得所甚惡而不辭者必有所以激使之  
者也今當先被傷衝敵破陣至數千餘人而賞不及非所  
以勵勇敢也又曰茲地方利病之大者吾誠不能一日坐  
視汝能言之耶臣有知而不言非忠其君者也其識之哉  
其識之哉復遺林士善曰曩吾所慕於閩山君者曷行諸  
二書者吾居京時益親見之云其言皆懇中事理 三  
復之未嘗不歎其高識忠悃也夏五月升士至青州見閩

東門集

卷之五

士

宋氏抄本

山大人為道其父翁平日之言大人瞿然曰吾何以知其  
然哉吾昔授平涼守時邊徼寇虜猖獗勢不能挈家欲往  
令還閩陽則又聞塞迢遞妻孥遂僑於故鄉後官途多遠  
乃遂不能歸然祖父墳墓之在東者安可以乏主也故命  
兒重守焉此事勢之不得已者尔安知其他翁以若輩  
歸我過矣過矣齊子再拜而南既詢其族止二人而一人  
通拜諸墓其不為新者尋丈而齊子乃始惻然曰嗟乎庶  
幾哉非吾父其況！笑乃酌其鄉士大夫親戚父老而告  
之曰自吾祖戍遠今四世矣今始來歸而此諸公飲也不  
其樂哉衆皆稱觸而有水木之感比其旋也語健曰吾茲

游遂矣子將何以益我愚曰閩溪翁舊見推於鄉人故言  
居身則無如翁賢論治體則無如翁達吾嘗得諸所以教  
二子者夫欲訟不忘謀國忠也千里不忘復祖孝也忠孝  
者士君子立身之道備矣詩云無念而祖率修厥德又曰  
夙夜匪懈以事一人君子居則孝出則忠子持此可以復  
閩溪翁矣其併以語并魯時同饒者董子、滙李子文明  
石子應文黃子、登宋子仁甫楊子惟猷吳子季修吳子  
純夫黃子翁大惟健與其弟直共十一人

賀益都陳令序

馮子歸自京師道值有騶車者行李蕭蕭、尔問之知其為

東門集

卷之五

士

宋氏抄本

北麓子也曰嗟乎是琴鶴之遺風乎及治益都其所從游  
皆賢士大夫長者焉其典士語也每及政治得失民風習  
俗閭閻細務馮子曰此表裏、久矣是其為究之詢雅敬  
之致乎推是道也獨尹益都乎哉居無何北麓子以喪子  
故浩然欲棄官去郡守紀公曰如子去誰為吾牧民者觀  
察沈公曰尔遂尔志誰吾典明憲而過魁士大夫曰北麓  
子舍我手札護其安典里胥究正者黎百姓號泣而從之  
侯去吾美以生馮子觀之曰是棘軌之愛乎吾聞之當  
者唯事上官難唯得民心難夫古也善事上官者必得  
心今也善事上官者未必能得民心古也得民心然後



能事上官今也得民心未必能事上官乃此蔡子蒞政未  
久其施德澤未洽也上下咸悅然惟恐其去此古今  
之遇為政之資也既乃邑勉從政往滯而積民悅其敏平  
從從而民頌其均果哉其能得民心矣郡守安仁蓋資  
法匪懈可泉胡公駝檄旌焉果哉其能事上官矣夫可泉  
者當世之所謂名公大夫也其所執異必不偶矣既恠風  
誰又享官譽茲不足為此蔡子贊哉曰可也吾又聞之治  
人之術將在治性矣事人之術將在守道矣治性守道將  
在有終矣詩曰昭名有融高節令終此蔡子固將傳試茲  
教之化以迄有世之治者哉

復門集

卷之五

主

宋氏抄本

送壽光楊令權工部主政叙

夫政典時升降惟官亦然司空在古為共工官最為崇重  
禹以司空總百揆至周官備列之六卿漢乃以名三公夫  
經國定制莫倫於周官六卿分職各率其屬各官雖止其  
屬可以類見唐則象周官而為六典冬官之屬為工部虞  
部水部也田賦 朝折衷百代參酌周唐六部建官故冬  
官為工部而營繕即唐之工部部也其在晉宋以下為起  
部郎中起部者凡朝廷宮室宿宮室則權置之事已則省  
今雖有常員祇事已緩急則官之隆殺因之亦猶古之道  
也往時工部官寮於諸部若稍殊焉

天子興禮樂備制度故所明楊率皆一時之選而額外  
員往之間置蓋事殷而過隆也諸縉紳由茲其選者亦  
奮庸熙載利用大休不汝諸部矣豈非泰道之會哉楊  
尹壽光之三年民阜政平行將奏最而拜營繕之命卿  
大夫咸為楊子榮也謂康濟之績其可小試於其行而  
之曰夫官有顯微者過也政有隆汙者時也因時有為  
所守不易者道也楊子際時乘過固將有為則執此道  
矣吾未卜楊子之為營繕給知楊子之為壽光均後薄  
蕪靖不擾蓋愜情之吏也其毀也猶是其譽也猶是故  
上信而下安之文近可以知遠小可以知大楊子之為縣  
復門集

復門集

卷之五

主

宋氏抄本

今猶是則其為部署也猶是則其為卿為相也猶是豈其  
以崇庫而易心焉且吾聞之君子議事以制而信工以度  
議事以制故政可則也信工以度故法可守也政可則故  
國有經也法可守故工有藝也國有經則民聽不惑工有  
藝則國用不匱詩曰訂謨定命以制之謂也又曰式如玉  
式如金形民之力而無醉飽之心以度之謂也楊子由是  
道也可以佐司空之政矣

贈東園蘓少尹叙

任之稱為難者必曰今而承為尤難諸司之責紛若蠅毛  
民情之願隱不可見一邑之政唯令是萃而丞皆與焉然

馳張子奪令得專之丞又恒多細碎之務然歷於令事必  
閉白乃行故士之幸意有為者不安其位其靡弱者則又  
遇為迎悅事或廢閣不以為意則為用丞為裁量東川張  
子令吾躬勵精綜覈政治日舉既而東國蕪子未佐之警  
敏恭順故能師善讓能相與有成君子曰張子能令言能  
丞者必首種君乃者此虜犯塞東川子則修城隍繕甲兵  
選丁壯峙藁粟為預備之具壬寅之歲邊報日急

天子肝食重臣率師內外臣工咸奔走禦侮青齊之境僻  
處東海虜臣所及視中原稍遠即縣皇各為營衛監司  
之苛迫於星火官用不足則歛諸閭里丁壯不足則役及  
僕門集 卷之五 五 宋氏秋奔

婦人虞騎未入雲中而海嶠之民已極困敝矣時則種君  
攝邑事政遵畫一民用弗擾當道聞而嘉之檄下有司以  
彰厥美西溪賈子下車之始則告子以其故子曰予曩時  
亦嘉種君云諺曰外狄易防內狄莫當往歲之後郡縣之  
患乃狄為甚乃種君弗風靡以媚上弗飾政以敝民海岱  
之間晏然獨為完邑以成張子之善政得丞之道矣狗邑  
雖小可以喻大逆者

聖天子加意用人登進大司馬育成閩內於紀綱賞罰略  
加之意而大漢之南已無王庭用人之效焉可誣哉傳曰  
勤明祿吾亦若奉法力亦猶敵不如清平為政者其殆未

之思耶西漢子方有意於宣第之治無往不復胸治其將  
典 益怒乃續以佐德化則協恭之美寵綏之秩  
是者是其之所願也同舉賢者安子璉珽王  
浦人種子閩人安子寧國人

八十文

柳漢氏改康既教子孫謙侍熙而樂鄉之大  
者黎逸老謀往稱慶乃徵言於彼門山人馮惟健  
避席曰我先君者宿之會十人焉今其存者幾矣翁  
最 亦唯翁健喜至感深予其能數言以為翁壽請者固  
曰子其言為健不獲已乃揖或人而問曰子知翁所以壽

僕門集 卷之五 三 宋氏秋奔

乎或曰翁秉稟氣完有異人者翁善飲然不至醉登處有  
度茲維其壽曰得壽之願未究其基或又曰翁善方術方  
術士有志自方外者翁必致之家呼吸偃仰翁宜典能茲  
維其壽曰得壽之助焉識其故吾請為子原壽夫壽有壽  
者有壽者有壽而弗壽者有弗壽而壽者今天鄉里常  
人緣竹守溪無所長短以終其天年則亦壽而已矣其或  
行有不謹深犯忌諱不齒於人政使百年極且增詭顏  
子深居陋巷未壯而夭好學禮名無窮奚真於壽夫  
政壽有原存乎其人優游夷愉以俟其天年之理勝天定  
氣亦因之矣是故壽者徒壽也壽者完壽也弗壽而壽

其壽以天壽而弗壽於人矣乃若翁矣則謂之何翁自  
少與人不欲上文其禮敬士大夫出於誠心力田自養屏  
跡立園石疊李公海內名碩昔令諸城蓋雅善翁莫翁有  
請而翁竟不為一言名疊公心重之登無中州猶寓善問  
遺使者相望蓋都曹尹服翁高行單辭隆禮致之御飲翁  
曰吾田間老人尔豈堪揖讓寧不愧章甫士耶田是翁行  
愈益重觀舊造請吐哺率先凡民急難經往救茲蓋人  
心為贊好德不倦夫翁也後壽也與我翁舊居七里灘  
上植柳因踞柳溪又翁堂東近人澹然自處石橋茅屋竹  
樹花鳴每於客洛歌於柳陰之下望之如德者故人皆以

東門集

卷之五

七

宋氏校本

柳溪稱之夫樂易無求則百慮不好於心萬事不撓其守  
澄神定慮鮒背黃者令聞令德益著永久矣請歸之完壽

送壽光令羅南江入 魏敏

壽光古斟鄩國其瀕海疆域斥廣賦繁務劇視他邑倍其  
其民風朴而不野勝而好義疏通以知服廣大以尚功  
國朝成化以來緒老維作人文勅典好惡別白事得所趨  
故為之上者政修令行則譽益遐邇通令茲邑者心慮之恐  
及於過亦異他邑南江羅子蒞蒞政餘暇門山人馮子  
株風於北海之濱游歌於丹河之澗見者黎孺子相羊而  
歌乃始知候政之庇之也曰羅侯之政及民矣乃後數月

返邑里中結歌洋、詠德之章曰德建枝庠矣再期而

則見褒衣長紳垂珮委蛇賓階揖讓頌言莫遠馮子觀之

曰心乎大夫矣夫羅子不為赫、之政既久而民士大夫

因不安焉其設心豈難、肝、設取予作名譽以役時好

者於歲丙午羅子當述職而北當述尉單泉李子將之官

而南見民庶之志、於公也李子趣裝乃遣其二子遺書

馮子曰維是邑候率茲歲事邑人懷為其何以解於我民

乎馮子因以詢諸二子予因知壽光治然未知所以治壽

光者其伯曰任蓋有實德於民者之事靡奮迅亦無因循

民固柔族亦無豪斯之也知侯不獨其任其季曰年居門

東門集

卷之五

八

宋氏校本

下親觀其行服善謹能居之以正橫逆舍卒以安靜勝年

也謂侯不獨以政馮子聞之曰貞以達政其以行化為治

之善經也如君所稱庶幾手古劉方之傳典宜其毗庶安

懷而化行海表也

明君在上必見甄異循良之詔將輝耀於北海之濱矣二

子蹶然起曰茲可以尉齊民之望矣遂書以復季子而贈

南江子

奉送觀察孟公考績序

嘉靖丁未桃林盜起浸淫茅孽流虐即邑徐濮之間震

駭動至屢 宵旰乃以 命諸撫臣其所倚重者則

臣以兵為重兵以戰為難戰以勝為功戰勝安民乃其大者夫疆場之臣能上優廊廟下惠蒼生俾四方無虞一人以寧斯所謂

社稷之衛績孰有大於是者執此以往其可以敷奏明試對揚於

天子之庭矣乃合言稱詩曰樂只君子殿天子之邦樂只君子萬福攸同于焉太史氏採之協之風謠附之江漢以觀王政馮惟健曰公治齊三載其清靜好學下士膏何芻蕘之知深慙彼姝之吾溪山之間時奉觸咏於公之行不能忘情矧目睹勲業之盛敢闕其文哉故叙而識焉

復內集 卷之五 宋氏抄本

邵可山邑長獎勵叙

馮子歷覽海內采風齊魯喟然嘆曰甚矣為吏之難也司園計者唯催科之急也徵輸火緩則為違

詔以及於戾收民者唯養民之務也民不加多則為曠職以速厥辜斯二者相持若之何官不敝而民不流也於是鳳山洪子以 王人奉部撤河南山東十年通負成在昔理車蒞齊境訪於馮子馮子未對吾胸戶淮川王子朝夕憂惕奔救災告曰百姓離散其誰與居民之不保一官何為夫不徵則

國計無出徵則縣令無民上下無象政墮不流馮子見於

鳳山子曰民困極矣願少寬之汲長孺矯詔河內顧為武帝所重洪子曰諾往復見於淮川子曰民力當重國用非輕處有經權其可以濟於時却使者下慶旱之條有司有賢遷之舉鳳山釋慶淮川受賞上下皆濟君子以為得也

今觀其於長山令可山邵子有優廢之概予胸人也以胸為喻知淮川子其知可山之所謂乎夫可山子閩中豪傑也少負該博之譽抱經濟之畧其事君澤民之道淫野諸公講之素矣吾昔年同試京師見閩中得雋者皆擬君劉黃且高其行詎僕因得以受知於君今牧民鄰境循良之政又所習見得以采聽風聲淚沫波澤知君必以不苛為

復內集 卷之五 宋氏抄本

政者也而乃得催科之譽也其處之必有道矣僕不識時務請言其畧即今內帑空虛儲懸整軍士待哺已一歲矣一旦有急邊臣誥之戶部戶部責之諸使其利害誠有不可測者催科之急却使宜欲之哉至於齊民歲供已竭其力况旱蝗為虐斯民嗷嗷有百畝之田者迄不能售里社負累度不可支皆棄而走所謂強弩之末不能穿魯縞者奈何能復輸積逋也不事催科亦豈有司之心哉夫事際其難不慮則廢斯必却使為民任怨有司為國盡力事亦可行功收蕪濟如其時勢之難則自請自歛以求無媿天下豈有難處之事哉吾嘗見却使旌節所至上下風靡

無敢前却有司一奉成命不俟計議應孝毛繫縲絀僇倍  
相屬於道畧不以動其心剛難得卷上官三遷九遷僕不  
與也其視可山子上以為國下以為民不激不阿平易得  
譽者豈可同年語哉其移文之日士族忻：耆林野老環  
與觀望皆曰洪公知我公也即此可以見民心矣馮子乃  
現俗未諳而為之紀是非何可山子者可山子亦必曰馮  
子知我

書海翁哀挽冊後

予先大夫自少年即懷丘首之思既從事於 朝每鄉人  
至則詢土風人物里俗則閱有張海翁者云先大夫以嘉  
慶甲申為郎留都六載考績上京師道親帥報擢守平涼  
時 上方用兵洮慶間邊鄙震聳未敢挈家欲往還關陽  
則關塞阻修不能具道里嘗因計曰是未可以復我邦族  
乎遂取道徐藤抵胸山謀諸鄉里長老張海翁則毅然曰  
僕第定之在郡治者唯君取之時先大夫囊無長物唯空  
券相符非海翁則先大夫之志莫償也尔後歷官南服垂  
十年歸鑿其所得俸祿未能酬諸通貢家以故海翁之室  
尚未完壁時翁物故蓋久其子汝珍君與子交獨孳純無  
幾微見於言面可謂克承翁志者矣夫人之好義自非中  
心慕悅則孰能有意以成業授人而畧不自有方之古人

假門集

卷之五

三

宋大校本

雖好學篤行之士授璧分定之德又何過焉吾行海內見  
好義者翁者蓋鮮其人嗟乎仁人義士千里而至猶為此  
肩孰謂父子相繼有若海翁者哉吾聞翁善撫諸侄族之  
飢寒者衣食之不能婚葬者與之資文石祀做翁觀之曰  
茲尚可以風化乎哉遂鳩工庇焉古陳劉子姑種周子繼  
尹胸邑不理於口主翁家教載禮饋弗渝正德壬申賊曹  
猖獗破城屠邑翁慨然出金以給軍餉年飢民皆走死翁  
傾原舖之多所全活此皆其慕義出於誠心而汝珍君教  
教為余言之健曰吾讀海翁紀述擬其行事因悲先志之  
有成而又歎世德之不墮云

假門集

卷之五

三

宋大校本

假門山人集卷之五



破門山人集卷之六

北海馮惟健著

記

遊治泉記

齊地遊觀之所臨胸最勝吾自居青獨不忘遊治泉

遊治泉者何泉吾所取號也疏治泉者何志故鄉也自吾

祖以王命戍遼居今五世家居官南都以事至京師道

臨胸省備襄還語健曰吾將復矣余應曰話而退疏治泉

成父志也乙酉家君移官平涼遂留家人居青泉距青數

十里未能一至焉乃戊子冬余乘暇携鄉人始觀于泉傍

復門集 卷之六 宋氏抄本

夙願也泉在胸之治原以政治子嘗鑄劍于此故名源出

山石中其平上出者亦皆泉也滙為池流為川達于滌河

幽奇澄澈光整秋毫雖亢旱未嘗竭絕朝有霧氣鬱蒸而

上有魚蒲藻苑有江南風泉上有祠以懷命人極斷碑

讀之知為大孝王祠早禱雨于此禱輒應泉下數十步有

淵俗傳有神龍焉其南山屋之半有亭子孺然下厥瓊流

為題曰小蓬臺余臨屋而坐命漁人取魚烹魚酌酒作歌

詩三章屬鄉人歌而和之自幸得所託也歌曰泉源盤迴

兮流湯兮遊子樂兮歸故鄉 雲氣鬱蒸兮波蕪兮潛龍

出兮澤吾民 神功陶鑄兮淵沉兮光涵太液兮照我心

貴陽書院碑記

貴陽鎮守中官創截去遵 祖制也其所著存稱宏侈焉

乃予自京師來見之嘆曰歟我足以成治或問之予不答

數月吏之稱書院焉拔俊儲良講禮興讓視德觀俗表衷

迪選士彬為予現之歎曰述哉可興興化或又問之予

亦不答他日與客語及天下之治豈所以化乎應之曰夫紀

綱貞純存乎治視聽不慮存乎化治之升降存乎時化之汗

隆存乎機治成化興存乎其人故善治者惟一其政去其

撓政者則政一政一則綱舉網舉則施順施順則治成吾

聞之根鉅者唯拔病癘者忌醫動惟厥時非斷曷濟矣善

復門集 卷之六 宋氏抄本

化者惟明其教風其率教者則教明教明則志定志定則

民從民從則化興吾聞之博施病克立變舉帝幾弗動則

弗變匪倡曷效矣善苗者去蠹善室者聚材客曰乃今貴

陽書院之建也化其有興乎曰夫書院者聚材以風教者

也貴陽書院者其治成而化興者耶貴之有鎮藩郡縣學

校蓋已百餘年是舉也則紀綱視聽焉存值其時作其幾

愉一乎一變我其故裁冗以育俊約渙以樹標代應以昭

義刻龍以興禮四政既立四教是成惟斷惟倡不令而從

不肅而成不費而惠不賞而勸上下相濟因革有物是謂

一德其明良之遺手書曰元首明於股肱良哉庶事康哉

夫治觀難化觀速海內其時康乎吾於貴陽書院觀焉吾  
又聞之行百里者年於九十是故君子之於天下也裁之  
以斷身之以倡守之以恒若聚於斯者而嬉而遊而荒則  
無乃墮浴而玩化吾為諸子懼矣鎮守幸於嘉靖辛卯書  
院建於癸巳並撰卷翁徐公實倡之書院祠瀛溪周子配  
以二程子張子朱子僅乃為詩三章俾歌之以祠其詩曰  
猗典新宮乃因乃崇肇維裡祠廟：雍：下民所瞻髦  
士攸同敬敷五典亦先率後庶幾明德來游美宗

右迎神

乃考我鍾亦擊我鼓維此髦士珮玉章甫何以昭德廣  
以明澤何以祈神迪以多祐載瞻載詠爰及斯所

右降神

於赫 皇猷廣運四極肅：武功優：文德九夷率服  
于戈載戴苞孽爰代王化允韜神其陞降永保翼：

右送神

四友亭記

吾聞諸君子富以重義情以類物義重則德弘情類則譬  
近：取弘觀志斯諒矣故志者植德而定者也夫歲寒  
之標莫尚於松竹梅焉之三物者得天之良氣正而  
守貞 元亮絕交而盤桓東坡抗志於忘田和靜循徑塞

庚申集

卷之七

宋氏抄本

以對月終身樂之不厭乃其人則故指介有氣節皓然莫  
渝志之所尚足以類情成義矣未有燕之者夫一足以自  
勵矧燕之手燕之而守有弗貞者乎守貞則親心釋氣正  
則懦節固執釋則安主節固則存性遠觀諸物近學諸身  
默成之心故曰志者植德而定性者也夫虛窮斯澁弗達  
斯沮澁以競流沮由懦蓋趙子懷才而不庸不窮手官卑  
而能不得展不沮乎頌曰吾典貞守而正氣者友也若人  
者無亦欲類情成義也乎哉趙子曰吾登亭而望則徂徠  
之幹嶰谷之稍孤山之華拱而列巍：而皎：尔餅：尔  
若不可犯吾日諒其閒坐卧食飲俱不替舍去乃三子  
者當隆裂孤危之際亦罔乎棄也懦立貞遠弗沮弗澁吾  
志安焉竊比三子故號四友且德懷於寡黨美成於 里  
仁類情成義或是焉在馮子曰獨哉群哉夫類情成義本  
乎觀物定性植德原乎立志三子者舍元抱靈天下之烈  
也戴記尚其有心衛人德其精剛曹詩風其專一天下之  
美德茲亭焉萃美趙子者類焉謂之善取友者非也趙子  
居官不疑不執質完而氣剛心直而行潔官卑而志達士  
之良也所謂性定德植者也是進不負其志退不愧其友  
馮子聞之曰趙無君子者斯焉取斯遂書以貽四友

說

庚申集

卷之七

宋氏抄本

冶泉說辛巳歲作

凡物必成於鑄。鑄者，易數之屬。人得而鑄之，善者更千萬世而不朽。物之形於西問者，鑄於化工，鑄天地而翻萬物。此鑄之大者也。聖人之於人也，因其材之高下而造就之。有鑄之道焉。古人之鑄，顏淵其弗信矣。手自後鑄者，蓋多然。皆弗能為孔氏之鑄焉。而自鑄，雖然，天地不鑄，則萬類銷。工匠不鑄，則器用熄。聖賢不鑄，則人材窮。夫苟有鑄者，則不必荆山之陽，劍戟金鎗皆可為器。是故大小者，材也。粗精美惡，匠者之工拙也。可鑄而弗鑄，棄其材者也。余不自識其可鑄，以吾然氣剛而質脆，方員不適於

覆用集 卷之六 五 宋氏校本

用世之當鑄者，莫我若也。故以冶泉自號焉。泉在駒山之陽，殿治子嘗鑄劍于此。嗚呼，安得若人者以鑄余哉！他日，歸隱臨駒，觀於雲門海岱之間，構治亭濯泉，水浩歌自樂。與造物遊，有知我而訪於其中者，猶能大其說，以為陶鑄斯世者告。

觀魚說

坳之有昔，昔者數十魚，余每觀之，亦足以樂然。其形累數月，不能膚寸。意者其居便之然，和嗟乎！使自人為，豈魚而後之，洪波為庸，誰知他日之不與鱸鮓鯉鯪也。使有人為引，余而遊諸巨海大江，以現諸所謂鱸鮓鯉鯪者焉。

則所樂誠亦未可量也

書啓

與張二書克輔其兄克臣

某頓首。昔人相知，或得於傾蓋之際，而吾與子乃神交。典未相親，觀之時，曩登觀音閣，觀所詠歌，率尔嘆曰：東方有人矣。慨然相見，丰采曠若，相知及造，候乃更獲親。聯璧蓋復，自重敷暢，情素良愜，所志前者，願臨舉枉，未叙，匆別去。每用東望，隔一河水，企子之思，良不可任。昨令兄來，得惠札，燕賜佳章，輝然艷發，欽然標舉，展翫不已。悅復若面，時屬仲冬，廣野飛沙，羨途慘烈，僕不復為行計矣。故園悅

覆用集 卷之六 六 宋氏校本

仰時，與朋舊往來，筆墨自娛，紛華不好，其志斗酒論懷，好色不渝，其樂，僕長袍蕪履之想，不知執事亦有命駕之興，否慎冬自玉不宣。

上王楷勳順渠書庚寅八月十三日

嘗聞不避險易者，人臣之節也。急難赴義者，人子之心也。振幽顯，良使天下之仕各得其所者，知己者之義。當路者之責也。得所宗而不以告為智者，所不取也。惟健敢窮告于下，執事家君投居商土三年矣，不肖懷憂結慮，無所控訴。今春寓京，郊聞執事起自東山，復贊銓衡，重地四方之士咸仰高韻，惟健日是其家君同年，存相知者，同陌之懷。



其有所致矣則沐盥馳往候焉且上所嘗為四愁詩執事  
感然曰聞尔事父蓋詳且看為語其故惟健避席曰是誠  
知無父矣是誠知無父矣將奚言已復謂曰尔父心跡近  
亦白于官路者惟健退而喜忻忘寐仰天曰嘗恨吾父  
心跡不白于人乃忽為大君子所知殆不徒談論之與矣  
相府政繁再數月朽涸之待噴澤未可涯也曩時之喜  
幸轉而為懼為疑雖然無所矣詩曰何其久也必有以也  
又曰其方伯方廉所共同意者執事其有待邪將必有執  
者沮者無與共成執事之義者邪惟健被吳清嚴敢運陳  
詢然所謂赴歲之息方寸術實有不可居者伏惟吾亦

傳門集

卷之七

九

宋大秋序

魯之士學術行義德音彰海內者誰與惟健未聞道其  
知所宗矣身常務執干謁之學宣敷誦心于門下以負知  
我者哉是以東裝欲東奮激不發復進狀而不辭焉亦惟  
以父子之衷笈有足致俯聽者乎夫聽之寧有預于執  
事之介乎古人曰舉不道親人曰親固尚不知其賢刻知  
天下士碩望惟所當汲抑亦執事之者責也伏冀鑒  
察火舍矜念高再惟家君事宜他有所德詎暖昧論說未  
可以明目蓋言者乎家君性直質恬淡雖為祿仕至于紛  
垂務利之際惟不挂于中曩時甲申寓留都六年考績君  
最條友咸趨之行家君曰無所顧不敢侈以吾年資將四

轉郡必復磨勒而進邪

吏格北上歲秋

至徐得守平涼報時通有西事不敢携家以行欲令還閣  
陽又無以任僕馬嘗則還青立券僦屋以居日用蓋假于  
今鄉士所共知者乙酉三月始定居方欲借平涼肆僕  
之任忽得實某補平涼之報則蓋遣僕馬使婦及五月聞  
實君調鳳翔時則喪子染疾百事墮坎九月力疾西行至  
則楊總制遂菴所保陞者已親某三日矣遠地孤之且貧  
實無肯為一慮者則又驅馳東來俟查行履奏殆歷三  
年夫始也待命江游于垣故都繼則實君補平涼莫測所  
自何得者行造實君五月得調家君九月赴任罪固難逭

傳門集

卷之七

宋大秋序

以事勢之不一為甚選置重任守德後容領郡邪奔馳萬  
里坐受困屈當道不察謂為避難益致石研之役夫以廿  
年進士六年即署而得邊郡以數年辛勞而適夷方乃是  
縉紳之所堪邪即今遠善不時至老母守偏廬生於海北  
官于天南相望萬里骨肉散居且不習土俗居常抱病官  
者欲歸不能懼無以供饋粥虛者欲行不得實無以資囊  
橐愚父子進退實為狼狽之狀在吾民亦宜矜憐矣若曰  
恃親識交游輒欲得美官被光寵廢公道以干移進焉非  
惟健所敢望亦不願執事者有此舉也所願者但蒙援手  
之力量移近地復守小邦庶父母兄弟得一聚首道生存

義州當新破之餘撫定瘡痍振揚靡散非智通謀畧人素  
所畏服者不能僅東來則聞執事適當斯任可謂擇得其  
人矣

宋氏秋序

宋氏秋序

大笑僕不知兵至敗衄之恥深所扼腕私居嘗念料理之  
直往事已無及其死傷之家深可哀痛古人謂理亂民如  
大亂繩緩之則治此不可不加之意也其上策則訓兵養  
所及冬末春初持其巢穴一戰而殲敵人之氣次則嚴為  
脩堅築邊垣不為故事使無驚擾圍此故主帥之事莫  
有不得辭其治者只今人心皇皇行旅盡斷豈可坐  
為之所執事素負文人之具必有以處此謀畧事宜  
言之其誰不聽徵君賀公天下士大夫所共推重世  
之熱矣政暇時一就訪必有宏略遠猷以資帷幄狂  
實亦有所聞繫敢私布之不佞

典詞伯淵先生書

宋氏秋序

伏惟執事與家君有一日之雅家君游宦四方愚兄弟值  
侍在外無由得敦世誼之誼叢舍弟惟重還聞陽執事碩  
寓書惠詩惠父子兄弟感德音此固足以見故舊不遺  
之義自於平日未嘗執筆視一侍左右而動懇若此竊以  
為過厚矣日微車臨散邑介紹增重且豆有輝惟健方有  
節事比首進謁旌旆行矣及今以為恨曾因馬伯誠道焉  
執事年逾杖鄉聞隆東土且日典賀徵君游德益進詩學  
彌淵宏矣只尺鑿無凌水後深企望聊裁尺素附告僕夫  
時下邊嚴伏冀以膺壽考遐祉不佞

宋氏秋序

宋氏秋序

宋氏秋序

與管復齋給事書

僕時賴陽誼提見照臨延致推引不厭卑陋先施之道可  
謂備至執事釋常褐歷金門登青瑣凡我同儕咸欣相  
謂異日待正議恤國是扶善與直說侃進諫不阿者必執  
事也東還邊塞僻左不獲親聞所建白自信昔言為然曩  
索上王順導書聞刑企曾言執事仁勳於中義形於色謂  
王之自守有若此者懷焉欲垂拂拭誠不自諒相感何以  
至是而受傾蓋之知而懷國士之報矣別來終日自念企  
為引領西望夢想幸師而衛陽羈旅益獲消息潤疎柳仁  
亦有言觀望深於一語伏冀鑒察企曾音問相聞近來想

復安居肆力學問昨得報見一川年兄台還事雖未竣  
然不任咎冬寒自玉不宣

上徐東巖書

某居門下與諸子等列雅言緒論時窮能閱難未獲教經  
伏自擬有南風昌黎之義焉夫後生小子窮經好學尚不  
聞達人君子之論雖敢萬卷終無所聞蓋此其所以窮自  
幸而為東人慶也某四月念八日始克披青僕夫委御聊  
遂栖息登堂壽母至樂有餘第羈衡南者路廣數每感  
事自歎宜善人運元竟皆寥落不偶如是或遠惟冀藉權  
吧抱痛胡野措想俱西矣寤寐無與萬里極目紀孝之  
實則集  
宋氏校書

答宋銅仁書

鏡字  
進之

忽奉教札知榮擢銅仁銅仁密近石什家君得以鄉誼舊  
雅日夕旋侍頌教言矣幸甚幸甚第念家君以塞薄遠道  
美方同其所宜執事榮聞重望傳播久矣乃亦有是矣當  
路之所以待善人其何如也小子之惑適甚嘗聞家君言  
貴石風土亦自不惡其民鄙質而畏上其政簡靜而上寬  
其地僻介山谷中風氣宜人冬不泛寒夏無酷暑其物鱗  
鮮杭稻四時蔬菜不絕其調攝慎督處節飲食時作齋醮

此自北人處南常事至腐瘴之說絕無有也其樂醪酒養

魚植蒲與僚友賦詩其事頗出辰是時為上官委任乃或  
奔走外郡至淹時歲其譽至京師萬里傳播恒後他人其  
官宜守故人當道念且不及其思懷 君志困徒抱忠悃  
妻子不見者四五年矣繼言至此不覺淚下嗟夫率士之  
濱獨匪人耶家君亦抱明農之思久矣第以無負郭數畝  
有不才子數人不能自奮以紓其憂銅仁視石什為勝其  
風俗諒亦不殊執事第當携家以行為久安計庶可免此  
苦餘非所慮也自顧荒陋明春之事萬不敢望倘得酌醪  
是所願也家君出處遺際與執事甚類故不覺發露悃素  
僕門集  
宋氏校書

督東渚

聞祭即台司 春過日重休問章布幸甚幸甚七月初具  
程疏奉候倘能一致下吏朕石什家人至言家君為御史  
所論 制碑事不識所論云何碑亭自去歲十月誌工首  
先諸郡不知何以論之疎直之性動致尤愠命矣何言前  
宋銅仁遺書問風土則告之曰云々家君勤勞商土將無  
一二可指陳者往年臣部構障四境震動出從諸路葉粟  
風馳電流初力一旅六七月始克克定家君與有力焉亦  
水迫於礎谷福且不測徐撫庶定不煩刑禁以安反側家

君典有力為當道試庶咸曰赤水之不為芒部者非馮公  
其誰能與我至凱播黠首骨肉讐賊勸者數不治家君奉  
檄焚香自誓不私論以 國家威德以公誠感動之俾五  
六十年不軌一旦拱手歸化家君典有力為運郡未及高  
枕川盜猖獗飛輓轉輸日不暇食協謀克濟家君典有力  
為石什家君初至不滿百戶乃今不倍其初簡靜嚴肅民  
安其業家君典有力為管却魏全夷首擊服使海外不知  
有貨賄之重家君典有力為家君難未敢與古人比量功  
化至乃驅服輿軫矣難空俗在疆場紆慶 宵旰者其  
亦有矣心竭而譽遠功立而諫至薄書期會一不當意而

使門集

卷之七

七

宋氏秋序

媒孽隨之險難危苦殆有不可居者 制碑所論虛實不  
可知然此其端也將功之不畜而罪戾是懼其何以懷遠  
勸功迨者御史按石什賭碑製又大稱善莫測其意竟如  
何也家君明農之志其已久矣唯日夜冀於歸田里故舍  
弟欲來不果耳舍弟所作詩賦愚讀之悲焉并稿附覽亦  
可以見家君悃素履業云

上牛竹坡書

某燕齊往來教奉教言幸甚幸甚伏惟太夫人康壽並隆  
娛綵慶服諸子弟聰明開益若或智之歲入裕於當年道  
義發於群英平糶加惠里閭望擬於東山當謂天下之

已丑奉陪諸同年游太學旅食京邸友天下髦俊上談古  
昔旁及世務虎視鳳翥趙孟不易軌李郭不讓操豈非啓  
士文觀耶別後馳騫沙漠遠處海微益致荒僻思昔游  
良不可得執事抱于將湛虛之器蓄鋒養銳行將發刃濟  
北為諸君先登附驥尾者亦與有榮施焉諸同年必有視  
子弟至省下者見時幸道及鄙俗聞李伯華病甚其果然  
耶吾嘗枉道視疾見其談論動靜謂可無恙天若助善必  
無他虞相見不遠故不益言

寓沅州與邦儀

某頓首頓首歷山尊兄足下春首都下會方山諸友得聞  
執事文學遠古南來涉沅江觀石象復悉業履且知出應  
里選為之悲喜悲者以吾子之才淹屈至此不相見者八  
九年喜者喜其無恙乘時自奮稍展驥足異時空群冀北  
者有人也茲亦其遇矣教逢故人宜有善誨竟尔寂寥復  
有言吾子益復不拘小節者豈會濶情疎索居忘規戒耶  
僕近來行已日就卑濁靡：波流不展曩志愁每至於放  
蕩又未嘗不愧悔自笑不知何以見吾邦儀也文夫生世  
德既不立名復不就長恐淡、典蒿萊其腐朽矣嗟乎嗟  
乎昔日之志竟此若耶竟若此耶近者以家君叨轉貴泉  
僕奉母南來涉歷萬里雖未敢擬跡字長然雄覽川嶽逆

使門集

卷之七

七

宋氏秋序

旅天地社席春楚吟咏風月亦壯遊矣即欲稍自整飾希  
心於述作之迹據爲聞見傳之同好又未知得遂否也歲  
叙繼往俗緣山定吾年逾三十子又過之言之能不悵然  
宜及未老當相與策勵也旅此不及多云

上東浩書

健奉母南來雖險阻備歷然憂患免矣賴廣庇也行念遠  
離益遠教誨益不得聞回瞻天上雲日揮朗露兩優渥而  
遊子遠在萬里烟霧中能不愧然所深幸者家居安土如  
餐視音碩益厚勝但鬢髮種種耳比使來即詢動靜頗能  
感道也

使內集

卷之六

上

宋氏抄本

上黃海亭書

某奉母南來得免羈紲之慮成賴成畫笙歌曠期為蒼生  
遙起以慰霖雨渴望幸甚幸甚遠荷慰勉体念切至某茲  
行得周覽川嶽廣甸土風上承嚴慈下私和樂其仰鬱之  
之有至修德進業之事公舍鎮日無所經營當日故策勵  
其雖罷駕取忘大誨述作詩賦教首授工就正時朱明司  
衡伏惟道履負安以綏旋言不悖

與陳子羽書

遠來益令人馳念凝慮爾問學增益如洪川奔放不可扼  
遏故畏故畏僕南征周游萬里雖無首賢高韻然詠歌汪

湘綽履美笈遠翔南嶽高視海內披拂手長遂振迅手未  
流斯亦生人之大觀哉足下聞之當助我踈踈也何如何  
如途中所得詩歌教章奉覽又序文一篇為許憫衆師作  
者俱希為我評改丁敬札云後世誰相知訂吾文者可謂  
名論宜念此意勿謂僕倖也近來造作并凡百可相聞者  
勿惜教、以慰遐邇京都之別能幾何時修復改歲願足  
下軫念流光一振大雅勿若僕優游空坐歎也

又

北使時至教遣善問兼寄春遊集及香筆佳既執簡雲嶠  
助登樓之思掃空讀易消氛癘之氣伏誦磨載有明良之  
使內集 卷之七 宋氏抄本

望僕雖限隔萬里之外伏處惟牆之中足音望然忘其瑣  
瑣矣近想文旆言還輝賁東土振翻然嶽濯鱗滄溟吾字  
其勿諫焉吾字其勿諫焉省下會諸友幸為致祝舍弟輩  
時相訓益不具

智以洲徐公書

曩見即報執事亦在論列為之歎慨不休即走書報家君  
此皇甫規所為耻不與亮人也家君亦還書曰從此脫險  
途矣吾何為不豫哉天下後世清議明甚俟命居易想自  
浩然耳昨會雲巔兄得承動靜多祐為慰恩兄弟同時下  
第功名非失自非所論第以衡茅不足栖息田畝不足鍾

粥通負之夫日索於門其年逾三十尚不能博升斗以為親慶將焉用操管畢為我家君在仕途宜行獨立將三十年亦奇事矣完心歸家自以為所得至足也執事之意必謂其然其視二弟入監尚淹京師率尔奉候不備

上黃安厓中丞書

某寓京師三謁門下未嘗得一奉橋席執事三顧亦未嘗得一候旌架使山岳雲漢後爾瞻仰宿不敢自附登龍之列嗣後不肖往來并燕之域奔走漚濟之檄殆無停軌執事榮即憲臺鎮撫閣中位望日隆益復不敢望大君子門墻矣昨值侍家君還自南商忽見巍牘環既不遠十里且彼門集

蘇東本

宋氏校本

宋氏校本

典道過情教念燕至慙喜悚懼驚汗不已又夢峨山事益奇崛七十首悲壯峻絕當典三峯爭秀謹當環襲以傳來世家君被論慙直之性不能事人自當有此敢辱高誼然持雖彼或旋復邦家波塵不驚松菊無改燕之兩弟至自鹿鳴同時承歡不期而合天其有以處我矣塞翁之見良亦不誣又何為不豫哉

上張儀部書

某伏處東海隨眾觀國實無異能猥辱執事委下和之卷屈伯樂之顧驟令驚駘飾價燕石光寵悚愧悚愧維碌碌有踰焉何者士之報知已感恩過者寧當顯榮哉高

軒枉過失於權簪足教及門不獲一謁庭下乃大人君子之見固自有教仰信命之窮乎某歸來力日養親暇時則方訂古文希心往哲冀有以自見非敢與流波共波也若乃世人之用我以否某不敢與知又安敢妄意哉

與李伯華吏部書

僕屈京教辱下榻舍高誅知執事進友天下士非僕所及執事且有德德於僕未有以報自執事之論倡家君平生願見知於士君子皆曰馮君守身為國人也但不諧於俗耳語曰生我者父母知我者鮑子僕雖為執事死寧有怨悔哉執事致身樞要之地乃能一破常調不忘故交今

彼門集

蘇東本

宋氏校本

宋氏校本

人未見有此高致者然執事論事不同於俗述其所設施要為天下大憲傑宣典尋視尺步者爭衡執於僕東歸見父於澹澹之間伏而言曰不肖徒無能輕重使父負不稽之榻父曰嗟予是何言哉吾得全要領免其心以歸幸矣汝忘吾屋石什額天求歸不得時耶人貴知分不可忘意也汝能無替父操亦復何憾則日讀書茹亭中蔬食隘居寘營罕求澹然自樂日誰令使吾樂此樂哉僕近與同學日陳家有山田十畝自度不足具饘粥乃治畦灌園種作生計兼力穡事跨馭朝出及暮始歸其所飲食自同農夫豈性於人性殊以未能致甘旨奉父母自當安此耳今春

年夢幸遭水電伏未僅脫餘輝效其力出膜早豈天有意  
於窮人乎何歲值大災而獲嘉報也詩曰稼穡為寶代食  
為好又云稼穡卒瘁予讀詩至此未嘗不悲其意而又自  
幸亨答之不遺也漫何亦或復何亦或執事近與田任高  
能諸子考論文藝必有奇聞與理足以信今傳後者倘不  
惜傳播當有以快野人聞視耶大雅之振屬望吾子唯吾  
子留意諒楊化甫和全曾文二首幸教之孫華園聞至京  
不知其過淄川未能往問此時倘尚留京幸為我教意

習黃海野

伏惟執事承衣袂濯纓滄溟繼述大雅三公不易其趣  
使門集 非其文 宋氏秋本

晤言丘壑毀譽不塵其慮雖然蒼生豈舍公哉昨見薦刻  
首在論列士君子無論識不識舉欣之為昔者僕旅食京  
華惠惠拂拭軒車既東恒欲一任下吏家負奔走不自休  
然心嘗嚮往之迹來山泉海亭采山范泉浣谷暨家君締  
為吟社北泉來自即墨東渚暫辭金馬棠然並集觴咏暢  
志蔚有雅興而有元白未敢難塗之人知為闕典宋生延  
年欲奉教席宋生雅志好古雖未敢論於門牆存吾齊人  
實共推獎執事倘弘教育幸唯與進吾道之西亦亦可冀  
也不宣佈

復胡可泉翁書

寄樂府集刻碑

得讀者增多什之三五題擬之殆

洋子正毅也哉高盤周陽何致

多如是耶大近代作者能為漢樂府者唯空同與執事耳  
至其通變開博空同亦惟執事遜矣疑者使明俗者使雅  
近者使古值者使平麗者雜者使俊成章不必蓋漢要不  
外漢也可以比翼風雅執事所以有功於漢作者豈其微  
哉乃若淵源述體闡微訂義則願勿谷子之說修矣其無  
似不能讀書以為執事屢屢勸誨諭此父師之愛也家君  
今春已命僕一意耕讀然驚駘之才不任策勵蕪廢之後  
驟難振治長恐進不能及棠征之會退不能全幹盡之理  
使門集 非其文 宋氏秋本

使傳伯奇妹文

我母不見伯奇及我妹今忽十四五年僕與妹別今亦八  
年別伯奇復四年骨肉分離之苦那復可道往凌川翁官  
中州吾母欲往以力不能致而止言欲往以衣食奔走皇  
皇而止乃使五弟以往自念五弟得觀於荆林相別未久

可往者宜莫如我然不得遂徒悵尔又自以為伯奇及  
妹同迎東來相見不遠不意伯奇先發河上吾妹遂不可  
來使吾母子兄弟終日懸夫吾青距汲千里而近不能  
一叙十數年契濶况今乃在萬里外會當何時僕雖室李  
秀才尚忠女首家權性雅為相稱但死者間閨相隨辛苦  
倍嘗乃不得一食其報令人痛恨子益近因其矢母過加  
憐愛况致犬之資不及廷言甥遠甚亦見甥對句此見冀  
可有成雅宜整訓二甥女何以可念老父老母動履食飲  
康勝吾董事奉維不能盡歡然啜菽飲水則有之矣餘惟  
及時自愛以就大業情緒種種不能盡

便用集

卷之六

三

宋氏校本

吳張臨邑維陽

不興行李偶經治地執事躬親却勞乃錫賜逆庖人館使  
繼絕不絕廬候馳尊糗糧充脩執事雖舊誼不忘自撥謫  
簿宜所宜勝入境教日不獨得叙夙心兼聞政譽復齋管  
北園刑極為歎賞知舊得此寧不慶慰然二子東土之望  
政務之要時一咨之心能裨補萬一又魯泉者敢同年也  
北園之教學行為鄉閭所重不卒早世發婦孤女緝紳痛  
心所望時加存問得與境內登獨同沾德惠亦仁政之所  
先也

上黃安屋書

久違教範臺府尊嚴未敢啓問曩節傲畧芥境某馳候下  
吏瞻望弗及徒悵尔然德政福祉動得諸南旅愚兄弟  
近稔福疹鐘及二弟一病不起客死廬州伏念弟也奉使  
南畿卧疴鳳陽力疾驅馳以死報國無善僕往來每云瘳  
愈這其至廬再劇絕無來信致使骨肉睽絕旅魂靡不傷  
哉痛哉何辜於天乎又念旅櫬播越舒南妻子霸留無地  
不惟生者無以為卒歲之計不知死者葬具何以營之知  
所敏行將北上冀得遣使護櫬情慟辭迫不知所言

波門山人集卷之六

波門集

卷之六

三

宋氏校本



破門山人集卷之七

書

廬州還留謝蔡可泉郎丞書

舍弟不祿過辱執事軫念王人哀其孤速擬檢喪具百務  
同志至誠惻怛澤建括骨伏念舍弟何修身頑異域而遭  
際乃爾恩父子兄弟仰感恩且報願於執事矣其十二  
月九日始克抵廬聞諸道路與臺婦人小子無不誦高誼  
者家君訥弟有不與書習其有百拜忱悃旬旬上徹火磬  
萬一然下吏有淮泗之行伏惟五日至七日十日而熊棘  
報無還信必欲躬俟然客即喪次道遠為窮賈有難久居  
者謹將原齋善儀獻諸臺下望門稽首不勝犬馬纏繞之  
私冀於中途尚得攀奉旌祭一舒胸臆悽憤懣也哀亡  
弟文一首呈覽家務瑣語不足辱教庶見哀曲耳

啓劉臨淮

止弟魂魄得履仁人之境執事賜之弔慰兼以賻貺手卿  
翰墨發之哀素傷慟愍情文兩極此斯文之至痛遠之  
人施遇也行道之人環立視視猶為感慟悲哀而况疏者  
骨肉區區窮途之士辱執事暫卧淮揚行復召還訥弟必  
得於京邸稽首致謝悃也



謝諸子與子行昆仲

道出中都得奉教左右執事深惟昔歡情好適為連承累  
夕燕惠踵至亡弟喪寓臨淮昆玉同典斧春塘諸子不遠  
數舍儼然辱臨寵以哀辭情踰骨肉足以揮賈泉懷生恤  
而况哀之誼為不遺德運存歿矣偶於桃山過湖南枉手  
附見區區未敢言謝希鑒亮不宣

寄謝廬州友人

張當軒梁溪雁王二西  
于一泉楊西園松泉

某治舍弟旅櫬幸託多賢之困送終以制義事以禮罷錫  
哀辭隆以賻餼遣送却外慘不忍別異鄉之骨肉斯文之  
義氣也僕仗遠庇輾轉無擊道不露需以正月二十四日  
克還鄉里四弟迎亡弟妻子亦至自京師歷問寒暄獨少  
一人心寧不悲痛哉

與內兄高四登昆弟

僕既護斯文設饌哭為即以亡妻配食使其子毋數年十  
里贊之情得一相依於海濱之中也痛哉痛哉愚兄弟  
積業於前憂未珍後悲踵至汝成弟卒于王事以二月  
十九日歸骨西山之麓而七弟以悲號過甚六日暴亡復  
以三月四日即窆南城之何不及半歲亡兩壯弟門祚世  
事何期至此又念老父母暮年林下併遭酷烈不肯兄弟  
何以為解所幸汝成生見八月頗壯後方其將葬也吾與

地事相地得諸河游識者曰是可以保艾歟後愚曰唯若是足矣汝敬婦亦有遺孕莫其生子天祐之不使棟淳之人至泛後也

寄荅傅伯奇妹文

客歲向廬州迎亡弟枝欄過維揚見黃安厓翁云凌川公攜家北行二日矣愚甚恨失此良晤數年濶契勢且邂逅而後不偶流澤南奔含悽比向客途悵之益復不可為情數日後抵廬手札至自天長然尚未聞舍弟訃日以別久為念當意老父節欲調攝之務非至親篤厚能至於此嗣後又聞川翁榮陟憲臺布德中州方慶吾間階台勇者實

復用集

卷七

五

宋氏抄本

自翁始繼而有函問疑駭惶惑籲天無從即圖詣濟上候筆旅少致執紼艱然無所問訊恐越齊魯乃走善燕中要致下使訥弟亦伏候於金臺之垆然不知能輒尚未發衛源也忽承盛使遠來願道厚禮種之慰問起至今人且感且媿且幸愚兄弟猶得一臨直道左也嗚呼僕重有手足之戚昆玉抱茲終天之痛兄弟姊妹骨肉隔隔天涯各嬰苦毒昨觀逸書但增悲楚天乎尚忍言乎溽暑遠道郵哀自玉不蓋所言

荅宋仁夫

讀黃海野所為詩乃知慶患之於人也深矣蓋司馬極刑

乃作史記虞卿窮愁著書自見何者豪傑不群之士其顯晦窮通必有所寄其志也乃若海野負承全之誇遺貝錦之累海內知者無不扼腕歸來譏客大肆其力於文章厥造閱與道維大雅其所詩不敵多乎所擬古風精思其力吐之近之矣海內作家可得而數如此擬者何可多見律詩視昔選路稍異以海野之力當不止此必有說也敬訊還示因以發蒙相見時幸道傾仰意督駟從適音以居別

豎蓬失如第又以力耕愧亦窮務日興未得躬候然移窮企嚮古之論交以知心為至僕不敢自附心於知之後然亦既畧其外矣日承下榻燕勞從者海野榮納還記室不具復用集

荅胡承休書

曩者執事親奉玉趾照臨東土館人乏授祭之勤小子無奉席之禮使白駒頓斂於我土地此吾党之罪一也又賢甥慕儀橫罹毒紉僕等聞之所宜據臂濡足以釋邑人之災紓懇親之戚願使賢者皇之奔走無所此吾党之罪二也公論在人感悟有自乃坐餐成事此僕党之罪三也銜塵之變驟及蕭牆驚連下隸此畿甸之內所未聞者不能馳一介之使喧慰守圍此僕党之罪四也閭巷事近者尚視藥裹此二監子遊迎將道時也不及少侍調攝此僕党之罪五也自此五罪左右不以加責而遠辱使命重以嘉

幣指首登受益增媿悚亡弟道辱念德其遺孤許以婚  
媿迷聞執事又復舉子此寡宗涼薄不獲庇廕而高門休  
澤弘遠繼絕不絕僕雖自恨而寧為世德慶也吳謂覆盟  
訥弟少年為邑不能事人被論薄謹理自宜然弟來省過  
每念朋舊輒為浩歎然不能一候下從何辱命焉夏初得  
調觀縣其心事官理稍見知當道是以尚復爾西嶼  
諸子潛心問學尚冀後文席之末如僕悠々益復墮落不  
敢復與諸子齒矣奈何令弟處不及別具幸道意不恙

與黃公大妹文書

久不接話談情悰可知自去夏臨予以來每詢屋翁即速  
復有集 宋氏秋本

奏請期日則謂吾子行將北上復聞抵京則又以北虜內  
逼抱恨馳歸後日夕引領西望遼然不聞進止私竊異焉  
且屋翁勲位在朝廷教聞在天下德業載紀傳疏謚宜列  
太史一旦禮終正寢徽名重典所宜三錫而中朝無一念  
及之者可不為痛心哉雖然天下之事為而不成者有矣  
未有不為而成者東漢凌川傳公居御史大夫未久也間  
閱萬里歸葬閩陽其子伯奇甫嗣後既以閣於 朝待  
命百日卒獲溫晉遺官祭葬今屋翁視傳公其德業姑未  
置論然而撫陝洛懋建武功繼以部貳整頓疆政其視凌  
川五朝久近則有間矣况乃吾子英氣激發論議係事

惟大義直前靡諛其視伯奇無不及者願乃坐稽

聖典廢閣其事屋翁烟々之靈寧獨寄之孔子曰食稻衣  
錦當子曰乃執約大此亦左右所宜深思也景者典僕族  
及此事之下輒撫膺流涕恨不即死此良心也彼時尚猶  
有掣肘之嫌乃今得自行已志矣更復何諉聞只有營葬  
且繼或不足竭力給之緊父之遺何多何寡洛事乃已不  
亦可以遂宿願而慰人心乎此之不為願爾於尺寸跬  
步之間無乃幾乎索與數欲西行躬親勸駕年來人事益  
復瑣々中懷懇切欲使意見恐高明謂其謬妄不諒已心  
欲終然一萬一道路之此火為一言則純德高行不無捐  
復有集 宋氏秋本

非之七

去

宋氏秋本

摘是僕之為罪滋益甚耳故不敢諸隱畧展忱悃新正工  
旬家君遣僕東行祭荒隴 取疾約二月中出閣吾子  
亦直即上京師與一會晤葛菴之見未必謂盡無益也大  
礼未蒙莫言家事塵氛擾々豈有寧日願決大議勇為之  
耳如係古人稱家之義則亦宜以時定作室道遷何時可  
成此不以責公簡者以公簡避風生年未嘗遠出情可諒  
也外傳物見魄歲之儀不宣倫

與徐昌樂

貴治有秦南山者敦樸敬慎中心無偽好學不倦於人真  
校雖嘗莖任南方一佐縣治擔簦歸來不殊寒素猶以授

從為業轉徙四方妻孥啼號殆所未免此以箕山之流亞  
原憲之操致也執事為邑尊隆道執靜一流執若而人者  
所宜致進以章德美俾蒙濬臺之賞廟賓禮之末則人知  
迨向顧風可激而澆俗還淳矣自僕所知敢以告諸執事  
執事尚賢故僕以此言進惟左右其圖之

寄謝少溪侍御

攬轡江右望重我翰春初都下還旌架瓜代未至迺者諸  
省下道三陽山詢諸閣閣復云北上何相見之難也舍親  
公大上京師陳乞養祭屋翁生平立朝行已有合謚典爵  
位年芳九協輿論吾兄邦邑濟迹其知之稔矣邦國之典  
遺老之歎固執事所不能忘情者也舍弟初入仕途事真  
語練兄過長洲嘗一賜教否無任憐

啓

高唐

齊東二殿下

恭惟

睿質並秀卓邁倫輩游情竹素尊禮文士凡所規畫意見  
恢宏刻去俗態健閣風慕嚮固所願見乃者  
二王各有分地侍御私人出就外府士庶歡觀咸造庭階  
祗觴祝壽健時臥病山野後時自媿昨者忽奉親贈為諸

綏被命感戢退而自惟體遺疾漸致狼狽每一入城

歸卧數日是以謝客簡出杜絕人事苟全性命耳矣昨觀

察辛公舉賓禮之典健以小愈勉強就次然指讓之餘更

覺增劇况乃曠典創見盛意必舉禮制節文皆有常

規自揣孱躬宜不能堪今欲因辭來使有孤熱美欲強起

越命恐儀節不終反重罪戾謹具啓上白忱悃拜命之辱

加不獲請則譙諸生之明日賜之特見之受三爵拜謝而

退必欲典諸生旅進則并全載損儀節健立班行庶不以

自異為嫌嘗現天下之勢廊廟山林各有宜適登明堂則

講禮節栖巖穴則安節樸故得以上全其尊下適其性然

復問集 卷之七 宋氏校本

廊者之上或亦有需於山林之士者則宜悲其困陋畧其

委曲堂士之好自異為尊高加繁縟之節固彼所未聞也

故梁王以禮枚叟而愈尊大將君以容攝客而珍重健富

不自量欲舉

殿下於古賢王之工衍杖杜後車之譽俾海內咸曉然知

吾齊之有 令德二王為孟子曰齊人無以仁義與王言

者故齊人莫如我敬王也健豈敢以士自處抑豈敢自謂

能敬王者昔人有言請自隗始如曰 國有常儀所不敢

廢則俟病愈之日伏庭謝罪仰蒼雅眷野人狂瞽不識忌

諱伏惟左右矜察不勝悚息悃款之至

寄葛與川文宗

辛丑春上京師執事通提調文場教閱藉甚僕不自量而  
懷門下之望然驚駘不可策勵竟負良會時尊休違和落  
魄之後猶兩及門不獲而別兼見却報知執事布教中州  
憲愜風望夫中州固闢氣之所聚人文之所醜醜也吾兄  
以東省之英膺作文之寄文采輝手當以道響震乎河洛  
海內之仕企踵環向斯文宗近回面作式執事之任亦且  
禁重矣僕伏處海取學日益落今歲一疾幾致頽不仆復  
有意亦進取矣時聞諸兄雅教猶能與友人酣歌擊節而  
道之返省越人田深甫者海內俊流吾兄時加訪問必  
不備

弔王邦儀丁外艱

人生會晤亦何其難始吾與素翁別金陵今二十年不交  
一見竟謂不見素翁耶吾子少年有鷹揚萬里之望而無  
亦懷子仍隨德之想自視功名世譽如凡上物取即得耳殊  
不以介意謂然鐵往來如履堂堂不足以償四方之志故

庚申集

卷五

七

宋氏秋本

庚申集

卷五

十

宋氏秋本

恒視一別為輕既乃吾子教遭困贈遊不越境素貧亦惟  
依子而東而區區僭塞疏屬控格亦境為吾魯士耳遂使  
良晤隔遠宿期寔遂白下教語竟為素公永訣矣意天手  
意天乎天下事其可以意見定耶所幸者邦儀兄 致身  
金陵消息時得聽聞又舍弟履蹕南幸得與賢樞梓聯床  
累夕傾萬衷曲畧展舊誼差快人心耳但弟也不祿不及  
屢來一道情愛予南教旅櫛時期舊有道友一二語蓋傳  
之舍弟云言之益增悵恨舊歲走書 京師問邦儀兄  
或云丁外艱去矣使者還報悲哽淚自夏初之弟未自義  
興為予道其事始得詳恨不即往又聞邦儀欲來香訪  
予為素翁謀所不朽僕曰廬山倘來吾政可偕南以致吾  
私衷及春遣牌胃病服下劑過多致腹臍痛線延不愈壯  
体為弱乃始謀及一言病筆久不克為之以及今日僕等  
但自知罪戾敢以塵俗為解然其心則或有可鑿耳夫父  
居間康勝詩酒為娛老母夏初至自魏二弟長女春首于  
歸石生不敢廢禮姪詒壯而慕可異其成四弟尚未舉子  
時累鄙懷五弟一子陽兒近刺備一維孫山西然僻近西  
南去邊患為益遠耳小兒子益隨阿姊讀書簡解年十七  
矣方為經理要事熊見生二歲頗粗壯可任耕農亦所寄  
諸物仰見懷舊恤孤遠念周至即各分布出明感戴僕等

往年執事寓書抵齊以命某曰余有姊曰陸蓋姑姊事在  
家傳子其為我咏歌之被命惶愕家君居官篤于自守故  
諸子恒蓬蓬朝夕其每揭其題壁間然卒無須臾之暇  
甲辰春復惠書并諸刻士為辭益厚切某當病甦之後欲  
圖升斗而未能屏迹靜居比婦讀其書益固自忍然家  
務顧益夥以夏以舍妹之喪東征而還次東光驛僕夫送  
病為留一日乃始克為之某東海鄙人未嘗學問不文之  
辭何足以掄揚大雅何取以重陸氏而懇若此乃某願  
兼附集 卷之七 宋氏校本

獨濡滯不即奉教嗟予千里襟期百年塵土良可慨歎何  
年得歲時之暇挈舟三江問訊穗堂一登灑氣草堂傾蓋  
道故劇談高歌為君家賦之差足快意然豈可得哉言之  
無任馳情短十釐為九童姑完宿要耳竊惟正氣之在天  
地間通一無二男子得之則為剛正女子得之則為貞順  
施之於君親則為忠為孝措之於兄弟諸孤則為弟為慈  
君家正氣萃于一門姑姊之義何弟之節可謂二雅所以  
激頑起懦垂史冊而耀宇內者雖周之八士抑可讓焉嗚  
呼賢人之生千里而至猶為比肩雙璧並耀謂匪天耶故  
辭無軒輕咸揆之道義歸諷詠以風天下執事覽之倘有

可未乞加是正如其謬考笑御座偶幸勿雜置以玷群玉  
不宣

議婚禮書

僕前書云婚姻後時請問諸執事者執事謂如齊責楚事  
不相侔此不然也蓋日中必彗操刀必割趨時舉事人道  
宜然况子女皆長家有壽者執事不此之慮而徇兒女子  
之見嘉會機宜每失之自今距先君即遠之期才兩月  
耳當無事之際稽延歲時猶以為遲釐喪疾頽不能兩  
月延孀此緩急失宜輕重無序僕不敢與知也執事又謂  
大孝順親視於無形聽於無聲又謂禮之所無可以義起  
兼附集 卷之七 宋氏校本

嗟予嗟予此顏孟所不敢道而以責之僕耶况近有當時  
之制遠有先王之禮謹守勿失猶恐過越為得恣意自為  
逆情出入乎音屈到嗜艾其子每獻祭必用艾君子曰非  
礼夫以飲食之間事至纖末以俗論之屈子可謂能順親  
之心矣猶道餘論此蓋事有經制雖親心有不得遂者是  
以老父一息尚存猶瞻瞻以望執事之來正恐一遭函變  
則事有不得為者耳若猶可得為則何以汲汲告若是  
不休也不肖豈敢謂先人所欲而冒為之也儀禮謂反哭  
之後期年九月之喪至此可飲酒食肉不與宴樂小功總  
麻及大功異居者可以歸矣至於期服滿改吉服然猶

盡此一月還子益期年之制而今離次於卒哭之際不得  
謂不權宜矣至於婚禮儀文之末亦所不講僕之所論亦  
不謀於未教成之婦禮但未速可離次入寢耳

與陳玉泉比部

郡守潘公行附啓奉候陳東治黃同稿諸子想雲集京師  
聚首談叙拳林引白樽蒲彈棊其樂何極恨不得往從之  
也昨聞南畿鄉書二三子復在不偶終當已耶惜也惜也  
海內望執事陵音華之地出入承命之庭朝夕論思垂耀  
當世願為即不調豈忘於白堂之棧乎然執事際明聖  
之世當畫像之會惜作賦之友據千載之恩必有宏制以  
傳內集 卷之七 宋氏秋序

啓少濟蔣公

先君奄棄臣僕執事任德治裝賜書慰問辭旨懇惻不肖  
等讀之哀慟籲天感德無地豈去冬即遠家器兄親舉玉  
趾臨臨喪次賜之手聘賢稿梓所以寵念先人恤隱諸孤  
可謂備至尔矣側聞

聖明垂情邊徼欲煩長臥治其地故執事有貴竹之行  
達人樹勳不降難易執事處此恢有餘矣之福也某

嘗從先君游於睢河之館登衡嶽之巔歷覽王風論其行  
事與中原不犬相遠士子苦勤力學吐一過近上國先  
大夫居南七椽康豫浩然下至僮僕咸通土宜乃知地  
人自苦之未嘗厲人也况以當代名碩俯臨此地則先  
之操西夏黃公之定交趾未足云也謂宜遠駕以還  
寵眷某罪逆滔天大事甫棄左足為庫今雖小愈遠故尚  
艰不得躬奉鸞輿使白中悃倘使節南臨得拜馬前尚有  
區區之見為左右陳也

與張才甫書

執事得傳報至吾鄉無間踈戚長以遠近無不欣相告  
夫和璋華劍終為世寶搜捕豫章書久愈鉅理有微應則  
人心共慰也昔年下第執事若有所感僕笑曰政足為北  
何汲耶僕言竟何如也故當君之落魄僕不為愠乃者  
之報僕亦不為喜何者其具同在而以過不過為喜愠哉  
吾胸自澹軒之沒甲子又復而執事以宏養久積眾所屬  
望天時人事符合已章太史言奎在齊分僕每語人曰人  
文之應其在斯乎其在斯乎而僕每言不驗茲以為憾雖  
然亦遇不遇耳遲速高下厥惟一理又何疑耶行當簡陟  
史館祭被 禎問巨君之業垂世之文所惟自盡以慰同  
志者則朝夕望之耳

寄金平浦

吾弟遠留都極高舊誼無辱教翰及宋克真噴昨觀馬南江即詢動靜得悉其狀為之悲喜者久之憶我同門諸友皆得繼見京師所未見者唯吾兄耳天所以扼豪傑之士不已甚嗚方山兄所遭孽婦孤女近復仰似此非兄之責耶方山平日懷才抱德義氣慷慨而一旦若此嗟乎嗟乎不亦重為予悲乎昨得讀陳羽伯所刻子有集不覺泣數行下海內之士若此寧幾乃竟使驚抑以死予是以痛方山之不過而高玉泉之義也僕落魄之餘尚猶訪舊時人莫識子意乃予嗒然亦不自識其意可當一笑

夜門集

非之本

主

宋氏抄本

與王吉山

日承遠惠秋翰佳箋種種開函爛然如獲和璧僕乃代雲門之竹以為函關泮溪之許以為屋簷以為珎懸以拜賜迹迥對客揚休則鍾王接於懷袖開軒獨望則摺式取諸目前主人居環聖水旁植竹不自疏去風上人客道之者往來稱為小山陰其知咏歎於斯乎僕竊不自量更與錫誨或靜思自適手冊小楷或醉酒脫帽巨楷放書法蓋前代休備諸家卷不厭多精妙為至屬南江子寄下則山人草堂方之華山石室暉有餘曜宜直蘭亭而已耶幸勿棄拒以孤嚮往

簡陳玉泉

僕飄泊京師道迹行歌唯恐少涉名義為知己累伏惟執事義為不遺愛逾往音區、意見敢不吐露且僕之出處非甚閑係滯滯去國握髮命駕自適其性安所顧慮深所念者弱弟在蒲老母遠涉中心獨取、耳夫蒲為巨鎮恐非火年疎劣所能久堪况地聯節塞終非梁肉兵賊所需不後諸邑四方相扇則一隅之地寧獨晏然老母高年風殺所及或火驚怖閉塞阻絕相望莫及寧不可為寒心哉石城子最愛我者念必及此僕不敢以此未諭者有所避也仰冀左右軫念窮途於恤其私假寵一援使誦弟得量

夜門集

非之本

主

宋氏抄本

移南服老母安還故鄉僕不知所感德矣范張之契不偏千里管鮑之義匪言可喻區、所以望於二公者或進於是而未敢請也

簡石城許子

夫神近之會千里非遙必俟於言為知己淺僕於左右不敢謂有斷金之契然執事於僕堂嘗垂葑菲之愛僕寓京師已及八月意圖升斗之祿以為老親之奉然未嘗亦謂下吏者不敢以一官累故知也乃今不能終自嘿、者情有所不能止亦可以言之人、而無歎者耳舍弟惟訥濫從諸髦俊之末領江南巨邑守家君之訓申戴魚之義磨



屬自效竊比昔人相知者咸曰馮季子將有鷹揚萬里之望不意獲戾當道橫被口語市虎成於三人貝錦始於董菲流落跡地不見敗錄三為民牧五履歲祿守株蒲境已而閱歲以勞以資或不後人曩者趙驪山歲半而遷李涇陽僅及五月迨者比虜稍南下中丞曾公令曰民兵五人逸者守令押赴軍民備之去邊何啻千里城社之寄自守不暇乃以么麼細務親煩守令旬旬邊庭耶夏初老母躬携新婦至蒲適邊報漸急欲歸不得不肯寓此日夜西望至廢寢食詩曰誰將西婦懷之好音迫切之情無所控訴而又加以訥弟赴邊之訊想左右聞之寧不為僕一愴

復用集

蘇東坡

文

宋氏抄本

然乎夫與冒進之心叨顯仕之途愚父子所不敢素萌于懷也昔聞山家君特立獨行中朝寡識大不理于口調縣而州為郎白下執事與方山玉泉所共親見所嘗致嘆而下平者訥弟孱弱倘得比跡家君處之南部散地猶為幸幸果平時一致老父南游僕或侍董與問昔日朋舊尋登眺故處所欣慕焉又敢他望至若存不遺之緒株芻蕘之末此在執事若僕之不敢進見所以成方之高守孟軻之義執事寧以此相較也孔子曰舉尔所知訥弟於執事實荷一日之知矣自執事掌銜衡舉賢用能操遺廢振淹滯不遺疎遠天下之士咸欣然各得其所語曰日中必

慧操刀必割此言雖小可以愈大知執事大拜在即失此不一吐露豈惟愚兄弟懷向隅之歎即高明亦必有愴不釋者矣

寄宋仁夫

文駕東還僕失期不至私心有所欲為不必小心也昨葉翁至忽奉偉贈嘉惠德義乃知神交不獨以言僕近居鄆外不異山林終日端坐略一修為靜中景象不可究極渊乎浩哉此心學所以為大也執事寧欲閱之耶區區之意以奉養故欲希升斗故留此耳倘人不我借則高謝塵鞅誠以非難蓋進則條例司官固所不辭亦不辱命退則典

復門集

蘇東坡

文

宋氏抄本

諸子共倡斯義於滄海之濱以明吾道之可行敢云逃世八里莊居唯康川恒枉駕相過蓋不獨愛存袂袍耳此君沉潛力學大有輔翼異日造詣非僕所冀也讀未教知所見宏遠僕即東歸吾道不孤倘力行能若所云幸甚幸甚夫人之處世太上用命其次守命其最下者至不安命進亦進退亦退安命者也獨游化原洞視物表憂樂不奸於信不滯於跡數不足以制之用命之謂也僕之進退實所無據執事其何以教我汝行弟實亦近道第恐非塵囿難出脫且教一投海期與共路道岸何如何如聞別墅為風所破人忌其文天奪其居子之窮厄若是耶維

堯舜方明揚烈風雷雨周公反正大風拔木宋子將為天下先非有絕異何以章示聽聞振發幽潛也哉但自修益力則君子蒼天之實耳恭聆再舉鳳鳴風空獨完尤為靈異天子之佑善然可見也

答吳霽寰秋官

詢弟尹宜與婦僕便以得人為問弟以霽寰少初楓潭對各宥所蘊懣乃擊節數賞恨不得即以諸子游以廣吾見又曰古之德人者千里而至猶為比肩孰意比境為邑而數子接武者室非希濶之遇哉汝少年出宰蓬廡麻中可云厚幸又念汝以寡識不能盡諸子所長吾不能無遺憾

霽寰七

宋氏秋本

矣弟曰誠如兄言乃出其所得緒言道論思蓋得而讀之而霽寰子者獨多皆察得其為人如其一堂且云玉泉陳子知吾霽寰者入為秋官曰此固昔何所見者然飄落之餘雖不復以功名動念適移居郊外奔走為難是以未得即奉教席願辱念及慰勞懇至暇日當走為聽教傾寓宿抱也揭秘圖近日何在此君真可當海內異才善亦奇絕有骨力唯執事能致之幕下則執事為政可知矣其書有絕佳者見惠一紙尤為不負神交互何如

同五弟與劉雨山博士書

劉郎道俗再入玄都方胡傲世久淹金馬古之彙傑由斯

且選執事海內大雅白下詞苑舊聞官遷博士名滿京師賦就三都洛陽終貴健風締交於玉泉之却詢復待教於天官之暑惠兄弟無似並辱知鑒解珮換龜旅人鮑德隋珠和璧克滿客囊執事侈惠於華原僕董宜當光於元白也謹初北上意圖升斗偶於初夏有感於心命駕旋居不遑造謔留詩為別未及為教中為取：昨辱大作佳蓮千里見寄季杜儼於瞻對鍾王接於懷袖感君情至詢叨核於郡情實依：執手叙心曠饒無厚臨風贈言教勉尤切平生知己何由仰答歸省匆：即日奉母之任到官後當專人再報也

假門集

卷之七

干

宋氏秋本

上王尊師撫臺書

某愚劣之質無所底止憶少年值從先君得登龍門奉奉橋席俯賜典進俾知趨向嗣後先君轉官西涼維守夷服官輒四出直道事人橫被口語辭綬歸來僑于青土徒四壁之某乃朝夕困營力耕饋養所業日廢有負門下自念及門之士候生膺揚浙省健乃泥蟠海隅重弟叩命江左客死廬州及今言之可為於邑數子親承造就餘澤所被皆知興起某非道南初人士猶能稱頌以為美談但江左流風稍異於昔仰惟執事之典先大夫處也從容樂於出入清華之著獨持國是屹立波湯之中無復有此氣象矣

近聞節鉞撫我東土某翁自喜以為得拜台下道衷曲長  
夙願也不意老母從季弟權養於松初秋欲歸某奉迎江  
潯病瘳臥在床蓐某日侍湯藥不敢廢離徒抱區區顧枉  
魏贖玆既盛使躬臨德意諄復稽首受賜何勝惶汗對使  
草：上復外南游却作教首附後卷之義餘惟為國環詞  
以膺天寵不備

小簡附

入東京文會簡金子有子坤

伏以籤懸萬勳名擅三蘊羅致群賢才高四傑以文會友  
傲驚湖鹿洞之親入社誦詩常漢水巴山之句馮夷騰海  
復門筆

卷之七

主

宋大校本

若浩歎滄波遠客逾河東深慙白豕私慕龍門之託懼不  
得以並登倘沾末席之光固不妨於分坐昌于後者無任  
悚惶

謝陳東浩借書賜箋

承借石渠之秘觀雲錦之箋旅邸無事嗟筆自值長檠獨  
對詠詠手遺言揮灑手短篇優游浩然可以忘歸矣

與永平二守孫洙濱書州人

伏謁台下登庭一笑遂若故交高談雅歌投壺連旦高軒  
顧臨駿足馳尊陳蕃之下榻夷門之納履幸路之輕肥曩  
無之矣是使阮籍不勞於慟哭王勃所為慨慷作賦舒軀

望者也古人所謂傾蓋云者豈妄也哉時下秋深白露  
被野還願溱陽無任瞻戀僅馬候門矣不修

簡成小峯

敬奉教如隋珠和璧自不歡多讀所製作不獨格調雄麗  
抑且用意各有攸當迺知火陵之夢不徒尔也近來文人  
咸出西北如呂涇野康對山馬谿田常棣居馬兩玄李仲  
南諸公當宿歎以為間氣所鍾乃今復觀小峯子之作灑  
灑乎泱泱乎足與數公爭後先矣不徒得幸承教敢獻其  
醜康匏呈重於周鼎下里效音於交徵多見其不知量也

簡褚鳳臺道侯

東列集

卷之七

主

宋大校本

日亢早為虐天降福於我東土執事深惟民事奔走無所  
泰山滄海之神行當鑿烟誠使天下被霖雨也豈直一方  
一邑沾濡福祐耶

邀褚鳳臺尊前翁啓

側聞懷想故都迴轅淮上尋三老於南山居者英於洛浦  
春言往從道路修阻謹卜是月十三日敬滌霞觴奉迎龍  
馭秋雨新霽涼颯薦爽相羊於雲門之何歌採芝而澤志  
焉此亦至齊之一樂也倘典命駕顧從執鞭

邀褚子行子典

應北

側聞昆玉比翼將翔僕夫嚴駕迎翠葉於中都侍文軒於

濟水快息下風無任瞻恋十三日掃除荒徑奉饌雙旌亦  
惟朋酒之享少駐驪駒望其並轡以來庶諧素約

典鳳臺

昨見痛懲奸猾一祛宿弊境內肅然稱治鄉氓又安村無  
吠犬矣僕始聞之擊節與聞里共一快也然杞人之憂更  
望絕去弊源根其綱安庶美政有終經濟得展也蓋薄書  
之勞民德之察正古良吏所不廢耳封非之言有脩株梓  
尚勿罪其督狂幸甚

又

猥蒙納顧偶失佳門僕將有遠行不欲煩動下吏執事願  
俾月集

卷之七

圭

宋氏抄本

寵以車從之盛德比傳食之榮雖古人之待賢士殆無以  
過于薛之惠稽首拜嘉受高之請未敢聞命惟執事實深  
圖之

與王臨淄名一魏王子時  
寫者下修志

昨稅駕深涼馳訪不遇教月懷恋未由傾寫僕將有子長  
萬里之遊執事獨淹華齊大吏之館寤寤既深契濶方永  
願不得一聞館下緒綸以當仁人之贈耶

謙丘少叅書九何自掌科  
世泰明藩

某不量孱弱奉母欲涉萬里中途阻狠蒙假援垂照願  
念前好更遣出疆俾窮郵僻驛供給執役順於轉圜老母

幼弟恃以無恐某不勝受賜前路尚遠危坂造日薰香塞  
途瘴路楚詞未知所稅寫矣

上王雙溪書

某猥侍教席辱降燕接幸甚幸甚承 寵膺新命借冠  
西土竊為蜀人慶之第不得值貴之萌謀執節却外覲棘  
轍也奈何奈何執事閱望在人 旅梁之區恐不得久專  
德政某敬當於京邸拜候旌竿耳

上羅果亭書

某無似猥垂拂拭望荷國士之遇遺教相距百里徒勤仰  
止側閣下吏行當委最鴻渚之思殊益長望即知公歸有  
俾月集

卷之七

圭

宋氏抄本

所而西人之悲方更甚耳冬寒道滑伏惟興衰慎重不備

上朱鶴溪

伏惟名德久著西土某客寓過年私竊聽聞素矣昨露冕  
再臨豈惟美此共忻惜寇而區 之心室所深慰不圖警  
效未沾而東海之車遽尔嚴駕且辱珍贖遠道驚慚薄劣  
何以堪此謹猷俚言二首聊當風謠企予之思瓊瑤之感  
輾轍之愛蓋不自知其言之贅也

簡固安節子

日垂惠顧於心不安方將騰逸翻於膚漢之上乃遽罹茲  
大故命也如何不艱行李假道首邑聊具生芻深慙後聘

不宣

謝東諸翁宴會

昨蒙寵賜燕接愚兄弟充堂接武方筵長席既醉既飽小人之腹感深使淫抑人之言曰勿腹是恤而憂其心之餘焉惟健寺堂心是餘執事可恬然勿恤邪伏願平日所醞釀或命子羽所割割者少惠鬱滴亦可以飽暖郁而醉芳駛矣瑤池珍府眉越流道而窮林洞溪染指垂涎斯亦同人稱物之道乎其寺竹望疏巧抓器下風幸勿日據執之腹不足以飲吾賜也真素之言伏惟聽察專使上謝且祈後既非敢曰得胤望蜀嘗飲河充量耳矣

東坡集

卷之七

五

宋氏校本

督牛竹坡翁

聞計哀頂又聞勝視失調此創痛之致天鑒孝誠行當自腹舊歲失意取道滄雲不及再領教誨家君聊以詩酒為娛某效力劬犁不任遠離又不及奔赴何能為情惟堂即遠未嘗何日伏惟節哀自愛不備

與四弟時弟將通洛南越二日為弟初度之辰

西橋燈場亭菊呈彩 翁有餘暇弟將遠行謹於來日躬除這道欲為戲彩之遊兼豫懸孤之慶藍與早發棹駕並從此亦堪蟬之餘款行葦之暇豫也幸回牛走還報嚴命

簡張大行松溪山人

昨候人傳呼賜問惘野蓬蒿之區豈其辱命宿忘展令之約不夷虛人杖柱之想或出望外則淇澳之野難觀六馬之勒彼己之子實余濡味之塊矣何勝悚仄倘不獲請幸與刻期償當力疾晨興履履巡棚莫不令車從失將芻蕘之獨耳因白不悉

招鹿因色令遊冶源池

冶原別墅肇造小舟時常試楫之初欲舉山陰之會朱明震候競度有暉稅駕桑田現風朝儂望洋滄海敢希共載之仁作楫深淵期效涓埃之益群賢執簡放曲水以流觴釋手捕魚於漁磯而望幸

東坡集

卷之七

五

宋氏校本

峇巖石路廣文

承示漁歌高調有古人風傑海陽鄙夫同傑漁者然小漁耳未能游泳涯淡執後綸竿徒懷望洋之歎安敢與任公詹何論技藝也願辱下詢誘之指捕僕何敢當然來教不可虛辱自其所見滂加評著仰效芻蕘之談蓋聞謙光之懿替人之大物具而得魚僕將躬具六物為登門下菓得效術之萬一游於玄洲沈澹之間宜至願也對使草草其狂僭不次  
吾讀石路子詩雜物搜類可謂不遺然其細者不論其嚴詞可誦法者

首尾叙著氣象宏偉高視一世一漁之業重於鐘鼎詩章  
發之中素成一家言

子季弟汝言頗有評賞所已著者亦不復論

詩守不貳業志不阿世不忽微取不憂負辜古之漁德也  
與

智東浩翁

伏承隆望日著 寵眷詠為司馬之命出白

聖裁良由謨猶入告獨契 淵泉 社稷之寄孚于一德

豈非千載希闕之遇耶海內慕嚮雲霓向風恭階之平司

趨足而待也

假門集

卷之七

七

宋本校本

索馬南江大書止其西山之遊

為僕書故妨西山行輟一日樂垂子鴻名較論短長友道

則貞不使微瑕加子瑩明出宰之初衆視厥成吾言或中

浩尔南征車馬在門尚欲赴西山之盟也耶

昨大書佳甚雅足增重諸馮作現齊魯借名題版敢忘所

自小便盡必能踐言廿年之別京華一觀能幾何時乃更

南北惟望旌節早臨政成報最當不勝為同門幸也

簡郭似菴

伏惟執事保釐東郊鎖鑰北門堂惟絳 宵旰東北之顧

柳亦愜海內歸范之望矣小詩一軸聊為懽喜蓋其所為

賀者大且遠也東方罷傲甚矣經畧之策執事必有成者  
其慎圖之

招鍾火嶽

僕南征之役其可以已曩日之約莫或可復足下倘能惠

顧前好憫予惰靡情然相將同路道岸輔翼之惠予其敢

忘僕齒適強任吾子亦匪少年丈夫事業何所底極典言

及此良增慨歎故掃荒墅選伶文駕但峻雪之翼安能就

枳棘棲耶

雨後遲客

積雨之後蒸蒸兼炊黍有以輞川主人獨坐亭中有會於心

假門集

卷之七

七

宋本校本

即形於詩委曲之致蕪穠於書亦自以為不讓王摩詰也

左右如一賜訪有允高出於摩詰萬一者為君談之其後

曰水塘丘阜則跡焉耳矣此驪黃牝牡紛然目前而九方

臯掩口果足不顧為世顧也倘有出塵之標預擁山陰之

筇

彼門山人集卷之七



陵門山人集卷之八

誄

刑企曾誄 名沂號魯  
衆臨邑人

嘉靖甲午 月 日

企曾刑君卒越明年二月其同年友會京師設位哭之成  
悼刑子抱經濟之氣未及一試老母壽康不獲怡養年始  
不感乃遂墮卒豈天不祐善而鬼神忌才乎何奪吾企曾  
之速也乃謀遺弔且撫其遺孤謂某曰宜有以誄之某去  
冬北上道臨邑實送其喪而善其銘旌焉蓋悉其遺言乃

陳用集

卷之八

宋氏秋序

為之誄曰

維刑智士周公之胤繁祉發祥源深流濶堂一傑射德行  
光峻子才獨步文藻克振萬暢師北紉約補萊怒傳伊洛  
升堂造間顯祖懋德政譽孔昭父惠西土民咸日休奕世  
篤祜榮敷潤濡蒸：俊又遂禮黎立昂：夫子有燁其文  
卓見殊俗高竄適倫目覽心悟其得靡琅志唯好古語必  
驚人如彼冀玉散珠流珍如彼秋水瀦：其源見義慷慨  
履道量融榮枯毀譽雅不操中出言侃：貴屏王公振衣  
高視曠世獨臨子之交游四海同衾在筵長席永唱獨吟  
後生接武高士貴者人咸謂子清而瑟琴如何昊天降此

北海馮惟偉著



毒淫戊子之秋雲翻高厲朕我同儕如兄如弟慶弔莫違

疏迥靡外仁師其德能服其藝幼崇蘭節佩製蕭艾懿碩

芳流遺風氣世誰其倡哉維子高韻子嘗謂我慎勿為迂

人或惡介世咸鄙儒屈平沉楚子香困吳歎名宜實毀譽

皆虛子今已矣誰其誨子昔在京師對床朕社高談論心

長夜與寢無寧嘉落安事厲在語及世故予心悼：予言

或中輒為題而披衣起坐呼燭命飲但為念之命胡可訖

聞子歿留願志高堂考及諸物經書後容避思朋好展複

篇章念德誦義一何琅：篤哉懿德之死弥亮風林淒急

露空深沈明月留照孤竟泣血誰語子者為茲昭：道音

陳用集

卷之八

宋氏秋序

未終竟乃永訣昔日至止迎之里門今日來思雙繡纏鞵

老母氣咽幼女毅吞題子素襟詢子遺言浥水朝逝陰堂

夕紫孤鴻哀號離歎戴奔冠蓋遙臨痛矣諸昆嗟哉邪子

音影曷存瞻望徘徊攬涕招魂我聞之曰作善降祥乃若

夫子鍾美膺慶彼蒼者天重之坎坎安所據哉為善者愴

嗚呼仁不必康跖不必尼天道冥：孰知其獲允我同門

論德謀述敢託旒旒在傳為妾惜儼掛劍義存能石倘獨

整焉尚慰冥奠嗚呼哀哉

楊化甫誄 維城固  
安人

嘉靖 年 月 日

九臯楊君化甫卒嗚呼哀哉嗚呼是千萬類所瞻如何也  
難幸彼哲人豈豐殿根葉到其華萼抑芝蘭寡榮氣遠其  
傳將神不祐善好福醜惡或天下不勝人付諸真莫幹流  
紛糾予心實感傷哉化甫竟不可作夫誄以紀實謚以尊  
德刻吾於子焉能默之往子有羈縻之務未遑遠赴送託  
李翰園芳竹素乃作誄曰

於皇有晉姬瓊維昭氏衍楊侯祚始伯偁因也介立三逐  
弥劭閔西宮亮登翼漢道奕々三楊異世齊靡巖々龜山

嵩嶽其高忠葉就義寶謨光國萬古民彝三朝舊德學居

顯祖北平馳譽父德方嚴敷教音土範我髦士率貞臨矩

復用集 卷之八 宋氏校本

穆々春風油々時雨桃李垂陰載及斯所駸發幽潛曰自  
兩兄虎視鳳翥並萼齊芳榮瞻天人賦麗長楊待詔金馬  
視草明光龜齡說侃子瞻激壯聖朝時咨萬民所望巖々  
恒獄吐符降臨篤生夫子玉璞金精敦敏沉毅肅然篤誠  
自昔童蒙人未之識苟見一藝憤發必得足不窺園坐不  
移席洞視古今窮微探蹟人觀其儀儀若若不勝春容叩之  
厥施維光衆典雜虛其言吶々依論辨理巨魚繼聖考弟  
是力行義佩々與朋友居盡其誠款人謂夫子翼々其恭  
奕世載德厥美呈鍾孰令軾軻位乃不逢大雅不作其已  
久矣文中既喪馬遷亦述燕沒續經寤寐家國之疇彌字內

庶其在此梁木忽摧吾將安恃夫子既然志懷經濟茂此  
松筠莫彼荆棘星緯示變子乃歎息天道不遠垂象匪忒  
壬辰之春人誦劉黃子來語我謂若弗信予應之曰道不  
固均和璞非寶燕石為珎騏驎遠近駕寒服棘東陵富壽  
西山欲貧會遭其適烏識其真流行以止繼軀委命子乃  
醉舞謠歌翩々于辭南邁曰至貴陽子惠贈我嘉言洋々

人實忘才道貴舍光潔身招柴慎行遠誇大人居喪身誦  
志行天其相治直道將昌慎尔朝夕庶慰高堂德音在耳

云胡可忘昔日燕會海內之選欵子進友天下之善兄弟  
揮謙蓮豆有踐與照末先德義是勉逝矣南極殫海雲嶂

復用集 卷之八 宋氏校本

惴々其征邈睇遐眺還善報子冀保清劭涼州有詠神文  
心照車赤云還魂已永臯秋水輟談高山舜調豫章僂  
芳陰事茂燭龍升馭其光始昭沉輝撓揀含榮寢曜天胡  
主之而奪之暴素車白馬不遠千里清綿矣雞淶溪墓隄  
沒不臨喪葬不銘志予誠何心含愧二子蕭々楊冢漢々  
鄭鄉宿草暮々泣焉何望我詢之人孤嗣蘭芳阿伯典西  
靡所營恙有兄祿養母也康只有子昌後天道明只嗟哉  
化甫蓋不忘只

高海隱誄

嘉靖十五年丙申 日 日



駕部郎中海德高公卒嗚呼哀哉公自少年望隆海表繼國  
祿承秉忠守道偉饒取給朝夕甘旨矣道直請託絕不可

之節方之古人殆無以過乃其獨行未嘗自為標  
內不失已外不絕物因心順物與之居坦焉若無

事至即未嘗廢事故薦紳先生翕然稱海德云勛

竟前志以殘年逾始妻子方幼冲妻妾伶俜旅邸至

供具薦紳先生無間識不識咸為驚悼司馬東瀛張

諸位屬親臨其喪歎泣高行各哀俸為具衣衾棺槨

道路路葬費且復饋其餘全撤下有司為易土田俾育

其道孤鳴呼海德誠廉更然沒而見知同亦希世所親聞

東瀛集 卷之八 宋氏秋序

者我愚嘗論孤介之士於世鮮合乃公以此終譽亦未為

不遇已夫展禽逝其妻為之諫元亮沒而同侪為之謚古

先哲人之止未或廢斯義也僕於公為同里與于父同甲

子弟又為通家子弟嘗辱公國士之知其醇大節雖不能

銘之體焉敢使後世無聞或爰作誄曰

營立表海擘自膺揚五侯九伯世雄別邦僕子之裔名顯

春秋條分海內齊其故州子羔孝思三年泣血文通篤志

一而潭美中善消首獎命晉錫季輔忠誓金鏡燕石舒手

博古蟾也高深奕、名族綿、世德烈祖奮揚勳績北平

帝遷名威乃來于青虎龍劍牙轟轟旌我邦族賈勇

名殺聲、雲泉世服厥華英風逸俗奇教奈何邀友泉石

醉侶烟霞乃基乃構載吟載歌義方有訓克闡厥家於惟

夫子為生鍾異下惟潛心抱膝尚志幾窮象象辨嚴義利

得意疾書契古興唱文飲其華說亦其至致怨坦信温朴

恭簡在焉不教和而唯犯難履後迫不激不福終日怡然

曷寧曷勝義不干物道惟獨善或飲之酒詎然術、誨人

話言翼、不倦甲子應聘名冠有魯惟特陽明謂得所舉

逸翮孤奮霜蹄絕侶日月之萬管草風零悼深陟此痛軫

道美憐然憫曰人美為名乃惟毛子載慕田生君福教養

漢署馳聲樂矣雲泉子燕子京尚美美鶴髮龜齡運干

東瀛集 卷之八 宋氏秋序

丘首治猷先升仕匪惟祿道亦兼行身督吏官乃謹家年

載鞅武功時序俸案庭有懸魚佩惟奴舊四知視心三棍

遺待乙未易衰進秩重駕海陸南清疎揖無假

大駕辰陵 命出遠遯待從靖靖蓋以萬教興蹕宵整謀

書若素縉、元涯論議不何厥謂夫子清勤慎扣文章華

是隋和光華中靈銜奕柳莊青簡平仲人之云亡云胡非

恟夫子孫留乃獨無言宣志未竟或有忠魂抑心為國之

死靡悔司馬診眾卓哉高子忠 君利國憂物際已就、

毫毛恢、繁劇世苟若人國胡不治自君長逝素無留錢

飾巾待歛卽嬰無烟主饋悼心待中飲血蘭芽方茁鄉園  
遠絕霜孤夜悲旅魂飄忽哀鳳長號顏雲播越夫子之生  
鮮仲寤遂夫子之歿遭此貧悴悼天者昌守道則置瞻仰  
昊天蓋曰昧之庶尹奔走武夫素縞設奠諷辭充庭盈道  
縣馬倡義群僚悲悼哀祿治櫬傾囊飾情飭厥候人檄彼  
孫微時裝造行取營城兆式慮其後罔戮因饘釀全併致  
為之王田方城楊子尹我東藩志存綢練誼篤治擔經其  
家務周厥未膳二三同好而涕潛一氣孤嗣披暨分厘  
嗚呼夫子曠世貞廉懿哉群公蓋亦無前人之東夷固曰  
好賢比肩而至孰謂匪天異後衆怨俗尚和光既云從好  
便用集 奉之人 宋氏校本

傳

淳安楊尹傳

楊紹黃溪人字朝儀號石泉子父洛京居教之學蓋自少  
年業已不事名譽云舉于鄉旅食京師友海內士贊之不

得志出尹淳安繼尹歸化其所為政咸可謂著今淳安監  
田者倚逆瑾索賂曰當薦若楊君非願罷歸瑾誅乃得移  
官歸化器化治兩郡四邑商士或曰難治君笑曰便民皆  
自治焉用令於是獄無繫囚庭罔晉事境內抑治陸餉歲  
廢民就輸者苦於轉餽代之輸者莫於取償君既至曰無  
尔為也第儲直召民代輸者謂曰若計輸而取直比率事  
則持券取直去甚省便民有貧不能葬者與之地若棺道  
餓鄰境者皆願少酒更以得死明溪為幸邑人未知學君  
為召師具幣飾齋序表里閭民以教化民自是咸彬矣  
賄道控托盜數然又銜地旅使數患苦之君顧曰必城之  
便用集 奉之人 宋氏校本

僚吏欲俟報君曰舉大事不與俗吏期其所經畫既不煩  
上於民復無所費已乃上下翕然頌之民至今稱保障焉  
業為之祠丁丑歲朝京師銓部叙君上第或勸君潛京師  
待權公笑不答遂行同叙者皆擢之竟弗及君雖僚者貪  
悍人也君嘗制之力依君其生又監司也君遂乞休君歸  
以詩酒自娛樂不問官府事君有子首秀丙戌登進士第  
有善戒之曰吾平生以廉介守其官汝能無忘吾廉則為  
績乃父矣君昔去漳時鄉士大夫者黎百姓謨德詠義奔  
走赴訴如失父母且曰楊君被誣事白而竟落職官廉故  
也謂其言足令人悲惋往有瀘士兄弟寓京師君與宴友



明故寧遠馬君墓誌銘

破門山人馮子歸族於北海之瀕征虜將軍東溪趙公走書函幣不遠千里曰不穀荷

聖明推轂保茲東陸然奉明規得以免咎於大夫胡謙則賴我舅翁馬公之遺訓耳不穀自少年襲曾惴焉恐墮先緒翁則恒曰當官三要子其念哉後齒服靡敢忘德今翁歿已若干年矣欲為圖所不朽惟君在遠教以使告其舊受東溪公封菲之知復感千里使命之辱乃受而銘焉按狀馬君諱治字道之別號石臺叅式公第三子也叅戎公諱鐵其先廬州合肥縣人都督公雲當 國朝草昧復有集 卷之八 士 宋氏秋本

之初開叙遠東都司成資規畫勲績載在功臣錄服勞疆圉恩世不替固篤禁之家也石臺君生而穎異魁偉悅侃有大節當事習而有斷與人而好礼少年受學於暨問質先生即聞躬行為己之教世家務繁唯賢是附君乃毅然曰大丈夫豈必策名當世乃為事業遂委心家政馳驅自尚幹益肯構無廢率治外典議軍國兵戎之政內不失應酬瑣屑之務上合親志下諧人譽人咸曰幸哉叅戎君有君子也君兄弟五人致和盡礼飲則共杯謀則同惠熙熙無異言故遠左林友子之德者必先焉氏為正德初人之權豪有力者歟能與人告身崇以童服居見重所親得

之以歸或謂之曰斯義也與哉君遽屏去不復服其好義

受善中行獨復矣君生成化癸巳十一月二十七日卒正德丁丑年四十有四子二人士亨士實足紹其家世女三人孟婦征虜公仲婦暨閻先生孫世安季婦懷柔伯從弟施文璧子往歲東還掃除立隴得以故人拜征虜公於閭陽里第閻嘗藉甚後居臥海微但聞霞一為時嘗用自公建鐵東人安堵而公德流石臺君乃今知所自矣君子曰石臺君善訓征虜公服義躬躬相成賓主有暱甚足紀也 銘曰 油之雲流潤千里維風之行載響斯起焉氏方將寔宏

復有集 卷之八 士 宋氏秋本

趙祀嘉訓孔明濟發勲社策名百世自今伊始

明故張翁合葬墓誌銘

張翁者廣寧左衛人名春字 翁卒其子雲霖自閩陽走狀于齊曰嗚呼不穀非子孰為吾父銘志者戊戌夏齊子 紳士以省墓來過雲門之麓謂予曰張子後子志銘以表 事某曰子與張子友也往予游故里數聞諸鄉人稱張翁 益長厚者云乃張子不遠千里圖所不朽於下走拜命之 辱其何敢辭按翁狀先世山西應州人某以功授某官某 卒銘嗣陞指揮使封昭勇將軍昭勇君者翁父也母取氏 封琳人昭勇君十子而翁行七乃張氏於廣寧為右族昭

勇居視左衛軍保一識事休時上官勾稽丁壯

國家之制十六歲後六十而免他衛所爭國義丁取悅工

官以為能公獨不然而已成丁者而弱曰尚須之即未六

十者而德曰汝老矣速更之曰吾取充額焉已矣吾不能

慮亦子以唱人也然又嗜文多積古書文士則欲且慕雖

終日談不倦故其子孫繁昌多文雅之士焉曰昔者能嗣

昭勇君取業未老而鯁居人以為難曰曠者舉弘治乙酉

山東鄉試官至隆慶州知州忤巨璫適雲南某州某官曰

曙者舉弘治乙卯山東鄉試官至 晉府長史皆翁之兄

曰雲鳳雲鶴曰尚文皆翁之姪之從孫皆弟子員皆表

東門集 卷之八 宋氏抄本

出流輩人自是稱文武彬：者必先張氏矣翁為人有諸

見風性剛正不諛人幼時充饒好賑施有婚葬不能奉者

助之舉人有宿逋不償者至積養盈篋或曰雲雲秀才官

府雅重之即一言敢孰負者翁曰吾不忍其貧耳遂置不

問正德五六年盜賊繁興中原雲擾時上首功軍民競相

屠場夫人以非辜死者何可勝數初翁兄暉尹嵩縣翁時

從兄嵩縣倭德兵馬間居民有避賊匿木黍中者官兵爭

趨之翁挺刃叱曰若屬何為賊良以媒功寧當有天道哉

衆奔散所活數十百人詩曰不忤不來何用不滅若翁所

為安所弗善哉後雲雲舉順天甲午鄉試庚戌登進士第

將大奮于時以竟厥施君子謂張氏長矣翁生成化辛卯

三月二十一日卒嘉靖丁酉十二月六日得年六十七歲

配郭氏都指揮使郭某第三女有懿德生某年月日卒某

年月日得年若干歲先翁卒若干年葬祖塋之次間山之

陽離娶吳氏招集官某女男二長即雲雲次雲端皆郭出

孫男三孫女一將以其年月日登郭氏之窆而合葬焉

銘曰 暨至奕々下瘞雙壁澤隆々兮無射

明故南田張君合墓誌銘

嘉靖丙午九月庚申南田張君卒訖其子蓋初尹贊發

東門集 卷之八 宋氏抄本

喪戒行後既旬告其友人馮惟健曰嗚呼我先生行事

非子孰為志者夫志以紀實匪實曷信也俗為志率借名

當路違實之圖唯子知僕且知先君敢以為請健曰唯

余往歲見子京師即聞南田君行誼今子來治蓋都僕以

故人得拜南田君子堂焉敢以不知為解按君諱璿字君

猷南田其別號也其先平陽洪洞縣人七世祖山永樂間

徙家邢臺高祖忠曾祖貴祖俊至其父 始什為山東陽

穀縣尉有應穀南田君從侍不敢干毫髮事故陽穀君每

曰是其肯我有兄與南田君異母性嚴毅率南田君

不為異雖教被誦謹不易其恭比兄之卒也事 如事

其兄且曰吾父視我兄弟有異耶而我可異之兄止而傳其後人：其謂我何人之處異母兄弟者恒曰而何不若南田君族人有所登不必其償其於子弟朝夕訓之學曰汝能繼汝祖之志吾死不憾矣子贊成子舉京闈鄉薦孫四維庚子鄉薦乃南田君且訓之曰我祖父種德以及子吾孫子若孫當益自慎毋自大其身毋侮于人毋違謗于鄉鄰戒之我戒之我癸卯歲張子特以祿養南田君曰吾家世業農汝輩能讀書自立足矣吾不汝祿望也且汝性疎而好直吾聞之當世仕者喜逢迎上浮譽汝特堪乎已乃有差都之命既服官政則又戒之曰官無崇厚期于

東月集

卷之八

五

宋氏抄本

盡我政無繁簡省刑先為每聞朴扶毅曰官取集事茂皆亦子何乃尔耶汝祖為吏唯寬大清慎為務以有今日汝可不為汝子孫地哉故張尹為政流通以濟務簡節以上電當道每稱為良有司云者君子是以歸德南田君也君生成化乙未十月八日享年七十有二配趙氏先君七年卒父資母王氏張子嘗告我曰先母賢淋早世乃今得活薄祿而養不及此人世之大痛也吾母經理家務瞿朝夕舅姑賢之我父好義終身育其寡嫂孤女孽姊非我母有德德能無間言贊力學質寡現四維少多顛病非我母昔率煦嫗之望望成立詩曰欲報之德昊天罔極子昌識

焉嗚呼豈意今並識南田君也生成化丁酉二月十七日享年六十有二卒嘉靖己亥二月二十一日繼楊氏無出男三長即贊配李氏楊氏仲日贊配王氏程氏季日賢配王氏女一適沙河李東明檢校蓬春子也孫男七長四維次四教邑庠生聘霍氏四日聘申氏四聽聘殷氏四德聘王氏四術孫女四曾孫女一以是歲 月 日葬於順德城南樓子村祖塋之次馮惟健曰吾觀南田君卑巽自憚其言訥訥若不出諸口至談往事雖歷數十年晚如目前盛暑無故足不至闕蓋長厚君子也宜與銘銘曰儀夷之京席為石門是維樓材安茲雙魂陰陽子孫以延

以蕃

彼用集

卷之八

宋氏抄本

哭六弟晉哥於鳳臺門蒿里 吁嗟吾弟尔極吾言如真之有知庶俾吾有見於而魂昔在鳳陽吾歸故園汝同諸昆送我於門謂斯別之不久穀欲失而復衣迷：萬里行路實難勝彼故園孰云同權既詣婚媾遽欲南還中途阻絕而水茫茫江古亂起驚始燠天望消息而不可見欲赴難而不敢前心死寒灰淚如奔川日月奄逝遂及一年今春西來尚愁風煙載行載止屢避屢遷舟抵園門音信始傳兄弟聞之或迎於途或候

吾所知其如此吾何有慕乎 今來萬里為尔一奠但

觀荒墳安見如面松楸骨寒眾鬼交戰尔於其中得無我

道茫茫鬼神難猜昔哥英于晉上尔今復埋於鳳臺骨

肉散於異域孤魂沉於蒿萊何積德之足將將終古而長

哀已卯九月九日牧渡善於金陵客舍

廣寧先胤建華表告文

嗚呼自父某祿任於外不得歸省者今二十七年矣自父

某以 王官上疏不得歸省者今又十年矣父某孤身久

復用集 奉之八 宋氏秋本

遠念家無期功疆近之親慈嘗不時泉隨涇廢深惟痛悼

遂關阻絕不得自教其移及除郎中得 贈吾祖奉直大

夫乃遂上疏乞歸省 當宁謂督力有可以奔走 國事

尚當考 國朝典章起備制度乃惟所願工畢因薦時食

敬告 祭太夫人傳母文 代作

維靈懿質溫惠芳行寒淵孟母之教崔母之賢青瑣黃堂

玉軸牙籤垂光承渥顧保遐年迎春姑執爨日東山越臺

歎頌瑤池肆遊常珍方慰用制心懸靈湊既肅敘余寐然

嗚呼哀哉象服掩絳履街迴輒奔走神緇惺惚隨泉水奇

陸珍錯敵鼎列河伯奉引豐隆翼袂迢遞萬里歸于故穴

孝子毀骨諸孫揮血嗚呼哀哉尊親盡孝生宗彝考終

徽德眉壽黃耆克昌曰仁先華啓後三者不倍是為不朽

復用集 奉之八 宋氏秋本

其義託松蘿身羈官守闕計適特撫心悲恻凌水馳思湘

江延首聊寄悃忱用章永久嗚呼哀哉 祭陳寒溪夫人文

數有逆成理有順終司化冥漢糾錯為窮謂天視德泚令

遺古謂年不承貞誓乃豈珮玉輔順睦諒弘風業德既諒

鴻名載崇崇章垂渥命服維行蘭芽茁秀惠澤其長維天

監德蓋亦孔彰發軔莫野婦歸羅浮松楸無改嗟墳貞幽

堂其婦止爰首孤立

封礼部左侍郎海春陳公祭文

維靈神明之曾邈玄風兮育精滄海瀛瀛鴻濛兮標淳樸道

履道冲兮玄德帝施表海邦兮鳳雛將：翔空同兮輝耀  
四海教頌兮帝登世德肇龍降兮綏以遐祉保厥功  
兮孫子翼：澤無窮兮繁天生民咸秉中兮福極紛糾何  
雜胤兮我公一身福並降兮吁嗟休哉維考終兮公倦于  
遊歸太公兮手控日月乘蒼龍兮我不見公心冲：兮

祭趙清溪司寇文代人作

維公北海育質東嶽授精濯鱗洪波振輝青冥服其穿服  
在帝之庭獻納侃侃：皇風載興淮陽卧治開閣息爭

貂蟬聯翩橫濫禁兵馳喻大義民以不驚或藩經國治猷  
允升執憲登朝風紀肅清林茲司寇明允刑民自不

陳用集 卷之八 宋氏抄本

寃庭亦称平朱携介直黃琬廉正豺虎當道言折其萌畫  
錫方涇介石逾貞商霖獲德疏金耀榮鶴髮海野魚榜洋  
汀奇隋華耀國珍儀刑痛軫 宸衷哀溢後生某忝竊桃  
李敢薦明誓稽閱撰德輿譽勒銘

祭

衡恭王文

維 王天啓神智佐我

皇明表邦東海錫祚南衡宗盟寔長大國維城為善不倦  
礼樂戴典東其淵默民以輯寧群吏允穆庶物阜生萬邦  
為憲百辟其刑方期壽考以永厥成中河遠竭梁甫條傾

哀馳海甸痛軫 皇情秋城霖市畫杆輟聲蘭晚靡依遠  
弓曷思神其陟降在帝之庭於昭萬年永保無恙

哭亡弟汝成文

嘉清十有八年春王二月馮仲子汝成以大人躬從  
南狩式奉 綸綍率彼江滸旬宣南國冬十月壬辰日瘧  
發背卒其兄自齊千里言奔于廬憾骨肉之睽絕慟火誓  
之凋徂爰祭以酒而弔以文曰 弟耶夢耶其亡矣夫傷  
哉痛乎天其喪予彼蒼曠：又曷籲諾不一視汝恨毒焉  
如汝疾來報言何泄：我讀汝善心獨驚異挈衣于邁逆  
征不日詰朝汝嫂忽遘危疾提携別墅遙選權隄馳騎中  
彼門集 卷之八 宋氏抄本

都形留神休還書報我謂無復患舒南攬繼廬江扣舷數  
詢南旅咸謂其然曰睥安陵問訊幽燕孰是一疾竟淪九  
泉汝疾再劇何斬一使乃獨兀：抱病旅次所欲告語微  
言疇識脫有不諱驗誰臨視弗慮弗圖伊胡云智兄乎不  
仁預重汝疾汝則長往吾悔何既大人于仕急 國振民  
田無負郭藿靡餘綠東馳西驚幹蓋亨此中更十載維子  
二人歡言尔祿藉以娛親昔少年日駘駘相依一吸必招  
畦步不違或親我房襟臂趁之一日不見彷徨栖遲以微  
名致弥歲天涯尚冀園林百年有期七月之吉尔子實生  
祖聞燕喜詔以命名汝知之耶庶愜旅情謂尔式訓以視



厥成粵自童叢天資特穎人士誦言至今取一萬里長途  
感焉可駭茂華晚實巨幹方徒言念諸務孰憚予心修可  
以驅子獨能任我有一慨欲汝余陳慈明委副康樂想音  
哀我己矣天地為極人亦何貴所貴者德焉華農屍丈夫  
懿烈辰以致命自臣高節 王命在躬不敢違息力疾馳  
驅以死報 國我視尔忠尚亦無闕汝之諸孤吾成育之  
暨一諸弟既義且慈遠哉南土不可久羈魂其來歸汝兄  
是依

祭婦母高孀人文

維孀人之懿 爾將比節於共姜何人世之多艱恒幸苦以  
取門非 卷之八 宋氏抄本

遭一森蘭惠之方茂不火俊子榮光繁勇翁之善德悼悌  
讓以合章敬閭里之婦仁懷遐福其獨昌余栖息乎海濱  
尋孤丘于岱陽維令女與提携佐幹盞而潔芳調金徽以  
靜好解玉佩其何長忽勇翁之奄逝垂涕淚其遙望于視  
光于上國飛同席乎故壘撫荒墳而哽咽庶宜慎其來享  
予南邁曰省父亦隨邁于衡湘勝鄉園之遠絕念母氏之  
多延何天命之不意先朝露以流亡嗟孤鶴兮何依年垂  
老而劇傷楓樺華之紛藉萃芳萼之飄揚氣衝膺而拂驚  
淚終日以淋浪諒我茲以萃悔遂摧翻于泥潢余往歲之  
南奔致亡弟之旅喪迫去冬之窮途衝風雪於蘆江比還

車而聞卧痛并集于中腸慨外氏之凋析悲永逝之難忘  
撫遺孤以揮涕瞻暨巫而愴怆後不得以視殮葬不與手  
路墮面骨肉之睽絕激天涯守一方寄斯文於千里庶一  
鑒於楸漿

祭外祖母文 伏作

維嘉靖十九年十月二日有人自閩陽來者傳 伏母訃  
音某及妻宜人率子婦編素為位哭奠越二十八日則遺  
子惟健惟敏齋時布奔數千里將會葬於暨巫閩之陽惟  
訥厥願縣務亦遣人自陽羨來赴某乃為辭而遠哭之曰  
嗚呼自替予父及我外舅天性朴淳仁心為督意氣季合  
取門非 卷之八 宋氏抄本

締茲姻好天蓋有意於二氏也及某父早逝母氏繼亡伶  
仃孤苦我舅氏實撫鞠之俾我外傳舅氏蓋有大德於某  
也無何外舅遽疾不起身後之事有可慨者而予實經紀  
其事岳母遭家不造提孤誓節艱危萬狀而某失所恃賴  
且受遺孀之託為二氏之厄蓋畧相似嗚呼天何成人至  
此極也建某舉進士居京師迺奉伏母及其子寬以來歷  
四任三遷感世之俱以所事母者事之居廬服御食飲惟  
時惟謹謂可事以終身冀困報於萬一既而寬孽滋萌孤  
立思首而浩然之志亦有不能回者迺奉以歸以怡其志  
俾富某舊廬給以田租以供朝夕暨某卜居青奔後我刑

族以老年遠道不獲躬展存問然問訊之使必以時至而  
見子惟健惟重惟敏輩率數歲一省俾周其不給棺槨衾  
故罔有弗豫嗚呼迺今已耶迺今已耶年逾八十不可謂  
不耆然問閔愁苦以終其世其數耶抑人為邪嗚呼哀哉  
其病不視藥驗不親臨奔不執紼於何為心特遣健等以  
行九厥經費咸取備焉東望揮涕懷德靡反神其寧止以  
即玄室千里微誠尚其怡格嗚呼哀哉

祭邑令張東川文

其賢其竇越石陸離楚璧蒙塵委之路岐蘭芷含芳秋風  
瘁之荆棘需需室繁其枝汶一世故理焉可推吁嗟東川  
復刊集 卷之八 宋氏秋本

竟其已而方公之來勅欲有為危探致身百廢具治公今  
已矣黎庶流悲遠為善治誰與為期有弟有子翼之雲聊  
萬里西歸瞻望素旗某等感公禮遇悲彼去思薦茲瀛海  
維以告哀

祭邊母太孺人文

壬寅十月丁亥我郡伯然野公將督王祖妣太孺人  
崩葬于瀛海之濱禮也於是諸士某之相與執紼奉奠而  
哀之以辭曰 衍典滄陽有倬世曾洵穆玄流登祥蓋天  
標冠瀛海教駢文教奕葉經筵朕床朝綬在漢駕張于唐  
邁柳母也于婦賈維邊婦為鶴養置孫蘭呈秀汗滂雲漢

而來會葬于暨巫閭之陽通撫棺而哭之曰我父生

矣兄弟姊妹八人焉皆至成立近歲不弔骨肉淪喪已亥  
之冬二弟以 王命客死廬州明年春七弟暴卒止於茂  
才辛丑秋三妹適朱伯源者一疾竟至不起乃今又哭吾  
妹也七年之間骨肉逝者年矣嗚呼傷哉懼哉吾妹三人  
惠和淇慎推妹為最難吾兄弟讀書服義有所希望者亦  
唯妹是讓終始一致小大懷德當變不渝表裏無貳妹之  
德蓋天性也嗚呼乃遽尔耶昔我父聞山府君與而公凌  
川君自少為莫逆交後以官會京師杯酒談笑不俟媒妁  
一言締好乃伯奇子姓梧特達高材過人皆有桃李絲  
復刊集 卷之八 宋氏秋本

緣之望謂二氏其昌也乃願不克有終抑又何也自府君  
懷水木之思復我邦族居閭陽者唯吾妹耳恒念吾妹居  
東有甥矣松楸有託遠遊茲毒是天喪予也廷言幼甥冲  
初婚三甥女皆幼誰為撫育者嗚呼吾何忍撫抱而視之  
也耶吾母自留都江上別汝：願不得一入室寧母子母  
是時天涯摧割苦不可喻然又豈知竟為永訣也哉今二  
十有三載矣恒念吾兄弟有能致之者然竟不能成其志  
昨母自蒲來見妹靈帷一哭幾絕朝夕哀奠其痛蓋有由  
也今吾茲來一以撫尔遺孤一以慰問伯奇一以將吾父  
母兄弟痛念至意嗚呼吾妹生有至德沒必英爽千里會

而孝孫惟健謹以牲醴燕品之奠敢昭告于 顯祖考

贈奉直大夫南京戶部湖廣清吏司署郎中事員外郎府

君之靈曰嗚呼我祖馮氏之先實維齊人為 國以連世

懷逆莽之思以達我父祗服 王事顯于有位復我邦族

而孝孫惟健其承厥志卜茲定兆于洋河之澗嗚呼我祖

且願茲我自昔未歸還望閭陽山川阻修殯斃時閱頃歲

以來遭家多難骨肉淪散惟健聞之萃渙之道莫先祖考

歛聚精魄惟茲窆旁爰創玄堂一區以紿我祖惟清惟康

我父母預啓壽域竊效古人為碑之義以裡無疆之休

止弟惟重惟直各以叙列止婦高氏因亦附焉嗚呼木送

復門集 卷之八 墓 宋氏秋序

其本水匯其流福澤斯萃濟登休祥於昭我祖魂氣無所

不之歸典斯室克開厥後惟子孫其無斁尚饗

遷柩骨文

嘉靖癸卯十月之言馮子營祖兆于齊城之北教 命鍾

見有瘡城馮子惻然工且暫息使耆報日掘毀有日乃命

訖工遷于遺骸嗚呼人世遷改山川變更一宅百主斯理

之恒執葬爾世執別汝生終自何代曷殘爾形我視斯所

考卜既成爾食其實吾擬其墓遠人大觀去就勿擬擬于

河濡風氣所營風厥新居昭茲地靈東帛餘爾永世即冥

祭奠母文

旅食京師拜母于堂容色康豫謂壽無疆日月幾何遽惟

營缺訥弟匍匐奔自維揚首詢二老於厥動容問母遠惠

智慮失常南望惶感莫且靡傷曾不決旬素慢傷 江國

千里還臨故鄉嗚呼哀哉莫缺缺有翼其春載其真泚

維德之行篤生衆子傳教錫慶侃 正色敦言於

王出李大邑南國所瞻車未脫為疾庶徬徨孫子不履誦

言琅 青霄鶴舉白日蘭芳錯福萃止壽且靡亢允矣莫

母胡憾于中其等萬羅弱蔓攀附遠揚河濟之為莫聲悲

愴嗚呼尚饗

祭張南田翁文

東門集 卷之八 墓 宋氏秋序

客旅之夏就祿海邦鶴駕遠 絲服淚 浩尔西歸于樂

于農何意遐耆修造于出自翁之先卜居言涕猗陽教君

家教伊始遵種自力以及孫子維翁令子戴光前烈敷治

東土疆封冀 諸孫奮起玉潤蘭植奕世不匱賢翁之德

允矣為邑昭茲休問牛刀日新聖斤風運平子芳譽漁陽

高韻嘉惠我民繫翁之訓膏澤方興張子靡豫碩美不居

高謙弗碩良之父母去如脫屣豈不躊躇意翁之故昔你

兜眺壽翁公府翁休康豫為翁起舞舞曾未逾時翁焉何所

嗣子長途前旬奈苦緘辭寄哀未能遠欲赴此漢毛豎予

哀哉

先府君從祀齊郡鄉賢告文

先中憲府君以嘉靖丙午十一月二十八日從祀群賢不  
肯孤惟健惟敏惟訥率孫子益子臨子履等謹以牲醴之  
真敬昭告於 神位前曰粵我父有訓先民歿而祀于社  
國之公莫舉不由公吾竊惑焉暨屬縉之際復諱曰予  
之尊德惴惴朝夕恐遺鄉議慎勿妄舉以干祀典惟健等  
恪守道訓不敢踰越故自我父徂矣子孫而聞歲矣士夫  
知聖教曰而翁之德宜宜然亦惟健等遂是退避不敢知  
與粵今歲之夏學憲陳公蒞我青土胸之諸士率先倡言  
繼而即人推薦踵至雖塗之吐隸無異辭者以故人慕儀  
段明泰 卷之八 宋氏秋本

附臨胸鄉賢告文

嘉靖二十六年歲次丁未二月癸未朔不肯男惟健惟敏  
惟訥率孫子益等謹以牲醴之真昭告于  
先中憲府君之神曰嗚呼我 父忠信之行無遠弗彰粵  
茲邦人跡篤不忘昌言率先乃享乃嘗即食既時邑祀孔  
明承厥蒸禱濟之來饗神其格止以顧我將木本水源茲

維故鄉尚饗

祭安伯軒文伯軒似山父也以里選除安慶府別駕

履任五日而卒似山同年友哀之余乃為作文曰

戊子之歲親公東省魏然遠度遐福其永今子英發耀文  
脫穎歸德我公長途方騁於維仲謀邁行自力揚於  
帝庭群疑：出佐大邦養既詠德入叩諫垣察宋王式  
庭訓洋：公顏愉：封章載及乃辭不居爰有丹款舉劾  
良圖以報  
天子或不負予子時大匠維材是程江南屏翰非茲皖城  
迥俗之倖以階厥成繫公蹶尔喞 命遂微曼天不平造  
使明泰 卷之八 宋氏秋本

物忌名一病江阜竟憤厥生魂遊舒南卦馳天北嗣子骨  
立額天煩陪朝鮮簪組暮將匍匐雨雪霏霏河水冰其  
同年友宦寓京師哀皇聞之撫臆含悲相率往哭燕慰其  
私百年遐緒千里靈輻儉于乃躬胡昌其子既豐其德曷  
嗇厥紀彼蒼黎之孰究其是仰呼而問蓋亦避止海邦官  
廨天涯眉間冠未及殫露已先覆天故人魂能冥目哀  
哀孤鶴筑：侍僕嗟子嗟乎人不易之命不可知事積蓄  
債道遠遠危荼毒既至後祿可期達人夫現亦復何疑胤  
子不匿為國之基出懷輝貫龍章陸離某等傳采溪陳敬  
撰哀辭臨風遙酌魂其來依

祭梁母文

許下梁子襄城夏子友也夏子與梁有夙要以事借至京師久之夏子事弗利或謂梁子曰曷先歸乎梁子曰同事以未坎坷而去之僅不忍為也為子聞而義之無何梁母孺人以訃聞梁子悔悼弗勝號痛籲天於是其友某咸往慰焉且為文而傷之辭曰繁淋女之婉嫻兮倚梁鴻以于歸育二鸞之疑兮奮羽翼而高飛懷貞白以自勵兮享遐者以愉怡維季子之遠遊兮心惴恍而淒其擊手中之衣線兮念寸草之春暉懿羊左之構義兮情戀一而莫違冒風塵於京洛兮屬艱難而靡辭建訃昔之遙聞兮賜使門集 卷之八 宋氏校

祭亡妹傅家婦文

嘉靖乙巳三月癸酉馮子有女乎伯氏之喪自青州千里

哀尚克來享嗚呼哀哉

雜著

三三墨卦

墨亨

象曰動于上坎于下運而不窮其得剛中而文明是以大亨象曰動坎墨君子以文明治天下初六濡于池吝象曰濡于池未順命也九二濡如旋如吉象曰九二之吉以中正也六三水及涯凶恒無咎象曰水及涯傷也恒無咎其道常也九四厥文元吉象曰厥文敷剛以從上也六五尋用治象曰尋用治君道章也上六君子晦小人窮命象曰

使門集


卷之八

三

宋氏校

君子之晦終無尤也小人窮命亂治也

使門山人集卷之八終



〔明〕孫柚撰

籐谿詩一卷記一卷  
附籐谿寄贈一卷

清鈔本



高錫孫袖著



廬山橫亘十八里其尾而西伏地數百武而阜首有

小山高二山之間叢堂古藤翳然林水景色未鑿於

藤薄之中者為石卷村之支家塢一日汪秦城親

泉道經此相與友輩大奇之意以上古隱淪者所居

非人間世也木即其地為誰主辛巳三月十五哭友

人與汝學墓後過此其為主者負薪息陰佇立路十

蘇結

余揖而前曰君為誰而知路之所者誰主也薪者曰

茲焉者支吾其塢而之所者吾所也若問安出因笑

謂曰世有去流而還龐離群而索居者余也余意在

終身薪者曰若嗜之吾棄之若取之吾與之若君有之

等君也請授券取償焉歸謀橐中金若干授薪者不

幾月而擴地五畝不二月而荆莽雜沼渚石礧成不

三月而草堂甫就期年而庖廡立三之年而終之取

勝者十得六七焉然不能無記以遺同好乃為歷援

以紀其詳蓋逕之始也始於后塔卷五十步東北入

老樹下華門礧戶曲逕委蛇編堂如席翠色障人五

折而北至前溪左右莓枝蔓角動觸人冠旁有積蘇

盈尺上下老藤如龍有伏地而蜿蜒者有蔽天而蜚

騰者行人驚此輒欲走路前一枝大五拱橫偃溪上

常倚之以望遠山隱見飛帆有無落日寒烟遙天孤

蘇結

驚於平原極目中度路過石梁入紫扉短籬夫徑跡

竹蕭蕭指顧間南北兩峯在村頭樹杪復七折而經

寒香迺老梅二株鶴枝低垂過者輒俯首或落帽礧

中蓋礧通秦娥環流草堂自入林九曲由梅間乃下

前溪梅下作臺如規可坐而觴者二十人對臺有柅

梨園紅白花開春風如錦復南度礧為叢桂軒軒水

處容泓沼上松龕三度礧而入西南道者為飲苑亭

以藤石怪過前谿大踰斗約有五百年物下潄以池  
照之影勢若呼雲吸霧上盤老榆二中垂蟠枝參差  
倒掛間有麗人學鞦韆戲醉而墜其中者藤下隙地  
蔣以山藥芋苗紫茄黃獨復出而入東南道雙闕翼  
然西齒珠室奉老氏鍾呂東墨華卷奉一古石佛衣  
褶類開元寺伽藍像卷前雙檀樹下石幢幡影寒  
泉清梵時聞有門間卷側為古逸祠祠逸民處仲子  
藤結記

陵洲明浩然君行五先生清風千古良竊企之復取  
道二一由石闌北徑轉東入廣除除南石垣梵梅花  
紋除北逼御風櫺跨澗躋階三級而上登藤蘿草堂  
堂之制三楹四柱兩室翼之八窓洞然雷以丸脊以  
茅竹樹覆其上周為廊下瞰溪東望高隴布以松筠  
梅峯南對虞山長松夭矯吐納霞雲北有喬林縹緲  
在小山東嶺廊之東南隅度溪以入脩竹廚作蔓廊

高其首於堂之偏低其尾於廚之題藤蘿掩綠木蘭  
花朱携燈夜道微見燭光時迺壺漿惟聞響屐聲耳  
東曰葵月窩以烹茶西曰澡澡所以沐浴曰脩竹廚  
以洪山膳復北走一藤下石床竹屏東登滄浪榭見  
山月橋出白雲初生西北至錯髮軒冷然亭俯大  
谿隔岸山田數畝皆藝林岸廣六尺桃花百樹間以  
綠楊秋時美字霧如在紫絲障猶於夕烟朝雨荷  
藤結記

裝耕犢平隰喜一遠落微茫中見樹色模糊聽蛙聲  
鼓吹一爐清供略忘機至或涼月娟娟風來波蕩  
鮑枕寒生或日煖烟清獨坐苔磯釣溪魚數尾以佐  
飽尊主人未為不得也其諸峰映帶一凭几而得之  
者東出小山數里而近為鳳皇山北出數里而遠為  
龜山遠沙原近龜山遠纒約數里而遠近者為沙山為  
鷲山為斗山為膠山為常山玉山皆遠列江上翠蛾



如盡而烟組其間江為揚子以東至太倉入海者也  
向由古逸祠分道又東入一迳者嘉禾四樹以小藤  
交枝為戶迴遶廣庭植林檎橘柚芬香襲人過抽戶  
為煥室複廊室外梅花百樹間以紅綠映室內古琴  
一石榻一詩騷易傳南華左史上下三代漢唐隨意  
置所欲讀倦來高卧去鳥夢更幽出煥室復折而出  
究竟門木杳冥榆柳垂陰迤邐至疎籬流水老梅

藤結記

之於以命名踰嶺而東或下竟路入頂山自龍祠中  
峯三峯諸古刹皆極幽淡又有水簾龍井瑞石石丈  
崖此藤結取道而東之勝也或由藤結前徑出老樹  
下北行二百步至黃石橋泛扁舟行二里許南折湖  
橋湖橋乃黃公望昔者生玩之所橫鎖尚湖之濱而  
虞山北立燦若錦屏秋清月出山色湖波精光湧鏗  
不見冰輪而一以毫矣間拾枝松敲石木出青錢

藤結記

娑婆下過梅則之池平橋灌木陰陰覆布橋上過橋  
則為出路矣路通山陰道上東南五百步松聲澎湃  
泉響如雷石壁西上九盤得秦娥磧大石如砥可席  
而憩兩崖相峙巨石壁雲山陰萬壑爭流於此霖雨  
后白雲萬片如舒卷娥眉北望江味諸山即北固雄  
揚令人有飛越蓬瀛意磧西復上百步得熱泉甘冽  
不下中冷蓋歲時采樵者所飲雖大旱不涸偶覺得

買曹上鱸魚之酬大白南復有蘆漪如雪夕陽  
孤笛烟雨薰爐樂而忘返更入南湖則烟波萬頃倒  
落大容拂水凌霄斂門截道奇高秀不可真披此  
藤結北入水而西從水之勝也夫路以藤而益幽藤  
以路而益勝且得湖山峯壑以佐其奇來遠峯大江  
以曠其幽絕信矣哉山川通氣神靈所棲不可誣也  
而亦必得人以別之今藤結之為我有而我之表藤

終以出之。二者若相昏為有，雖不能類金谷平泉之  
豪奢，輞川陸渾之幽致，鹿門會稽之玄隱，蘭亭竹林  
之雅會，不猶類夫東壙之苦節，北郭之幽踪，蒙莊之  
於漆園，陳仲子之於陵乎？夫魚以水清而吻，鳥以  
木嘉而鳴，吾其托夫水清木嘉，與鳥魚而相忘也。是以

藤谿記

紫映芙蓉，鮮霞澹秋水，何如楚宮人，鏡粧明鏡裏。

松風館

蒼影下虛簷，寒濤走風整，清夜不成眠，常聞松子落。

卧龍岡

長虬飲水窟，時復喘雲樹，黑夜風雨來，空山欲飛去。

雲華卷

孤亭俯寒漪，時有溪雲宿，一嘯清風來，冷然快心目。

石菴村

卜築南山隱，喜多泉石勝，日落和菴深，樵歌遠相映。

樵泉

一泓山中泉，杳在蒼崖裏，知者復為誰，披雲有樵子。

蘆碕

蕙葭何蒼蒼，白露浸以零，扁舟弄明月，來往雲山青。

藤谿詩

藤谿卜築甫成招陸山人蔡父

幽溪卜築夏初臨，一徑逶迤磴壑深，玄隱未成揚子

宅，蕭閒先擬嗣宗林，巖端瀑布河全瀉，竹裡人家日

半沉，更喜相親是魚鳥，淡烟疎樹共冥心。

招顧世叔

緬懷高隱客，聊賦小山招，桂樹烟霞蔚，松蘿石鏡

以吾紫芝遲，遲爾白雲歸，莫負相思夕，青天片月遙。

空花不著樹妙相意中得風來吹長幡幡長空花色

蓋珠室

蓋室 三花樹黍珠成夜光不須丹灶太清漏守雲房

古遺祠

古道久不聞山林委草莽吾覓斯人得軫念千秋上

御風橋

山橋橫碧磴跨在雲深處幾欲乘風行驂鸞自未去

藤絡詩

藤絡草堂

蒼藤引作椽翠葉結為瓦風雨時飄飄蕭然處其下

蔓廊

群荔生繁陰秋來作紅葉於以蔭閒廊時與幽源接

滄浪楸

積沮盤高岡叢蔓翳小構不知前山高蓄覺落巖岫

冷然亭

人琴俱絕後荒壁尚留題春草依然綠池塘非舊時  
空憐花萼咏忍賦鶴鴿詩凄斷山陽笛臨風獨舉卮

四月三日雨中過結上

微雨濕江村家家樹色昏鶯啼深谷暝泉下石潭潭

麥隴寒何甚桑園火正溫最憐離索者孤策到衡門

與沈山人家叔藤絡待月

溪上來幽人空山月未吐遙天蕩寒光流輝澹梅塢

藤絡詩

暝破夜禽驚烟消庭樹楚起步清磴旁花枝歷堪數

藤絡久雨喜徐子見訪得門字

春雨晚來急遠山寒欲昏余方據藤榻尔忽到衡門

听水頻經澗迷花不辨村喜將寒廊意承夕對芳尊

家叔與徐茂吳沈嘉則見過草堂宴集余得苦

竹暹春深久不開萬車今始破蒼苔片雲湖上堪娛

客滿酒林中漫舉杯自笑茅容負後賤好期裘仲去

還來倘携餘興猶堪賞落日平原更倚臺

酬嚴二道徹見過不遇并此招之

公子嗜玄寂言訪山中令人山中多爽氣日夕雲霞新  
溪邊藤陰合谿上啼鳥頻蕭蕭竹樹裡茅屋烟蘿春  
晏坐撫光景嗒然忘此身孤琴雖無絃而我恆相親  
南山有靈藥聊以養吾真公子不我弃願此奉清塵

十五夜陸俊卿諸君携美人湖上泛月

藤路詩

庾公今夜携清興湖頭望月凌仙境時值中秋月正  
明萬頃琉璃吐飛鏡橋頭一坐月初來磊磊玄襟一  
暢哉千山翠嶺翠屏出西湖澗漾滄波開更携明月  
扁舟去蘭漿直艤波心處淥水歌零玉露寒想青鸞  
起蒼烟細鷺刀作膾鳳調絃倚傍蘆花瑟瑟前賸有  
五人調醉客更兼才子學逃禪興闌却向前溪路雙  
棹行歌起鷗鷺向來橋上月華生今見橋邊月西墜

溪頭猶未掩柴扉空翠濛濛濕欲飛祇訝畫為明月  
夜不知涼是芰荷衣醉深且向蘿窓睡浮生幾得良  
宵會明朝即使月重華俯仰已非今夕聚

十六夜龍殿步月還藤路時俊卿諸君以事先

入城

八月十六登龍殿碧空雲淨江如練坐據垂蘿待月  
來月光早已臨江回重岡後磴不可窺濁酒微肴聊

藤路詩

自薦遠公送我出溪橋清輝漸向東林見幾處疎松  
映遠陵幾潭幽草臨清澗先疑昨夜照還圓影過中  
秋看不變望望衡門家未還行行浥露衣微濈興未  
却憶共游人孤蹤已隔青山縣

祠四處士

嚴子陵 陶淵明 孟浩然 林君復

處士星沉先生風薄松月虛窓梅花孤鶴余慕幽貞  
千秋是託何以薦之芳蘋杜若

題草堂

茅屋初成隔世氣看山間枕碧溪  
瀟灑端瀑布懸秋漢竹裡人家  
流暮雲落魄祇應人共景幽踪不  
願世相聞龐公何必携妻子始  
向荆門事絕屨

秋晚入山即事

山林本吾事一出受人籠及至  
歸來晚秋深物已窮  
疎花多委露茂葉半隨風只有  
孤峯月依然到碧空

藤結詩

酬徐司理相訪期往藤結別業

南山叢桂北山薇一自幽棲與  
世違  
汪再幾驚春色暮蕭疎益嘆物  
情非  
憐君窮巷鳴騶過  
笑我滄江把釣歸  
倘向山中尋隱處白雲還滿舊柴扉

同吉父石塔菴縱步

暝色起樹間星光散林表  
握手行立中烟蘿暨風藤  
仄徑寂無人空山但悄悄  
村童賣酒遙望歸若不早

橋首臨長岐徒足躡幽草  
遊興殊未酬亦用傷懷抱

歸掩衡門宿高枝語鶯鳥  
展轉不成寐  
熒然碧燈小

薰父還山寄約伯相維明白甫赴藤結之社

雲滿藤結路來尋有幾人  
烟波二三十猶自隔迷津

暮靄飛黃葉秋江老白蘋  
此時移小艇日夕待垂綸

乙酉冬暮家貧絕食以藤結屬諸好事者明年

春花滿山谷再游結上成歌

藤結詩

追惟辛巳春三月溪邊水漲  
花殷發紫藤陰布一畝

寬上有鳴春調百舌我携友  
人步溪邊溪翁邀我醉

花前為言此地堪避世我因  
為致買山錢賣得湖田

二三頃剪剋伐茅開翳景亭  
臨溪水入遙峯堂出踈

林帶前嶺今朝窮水引作渠  
明日尋幽闢成逕今歲

種花花滿枝明年種竹竹盈  
町有時東窗開杏花青

帘上寫賣漿家客來酤醉豈  
論錢酒盡頷向西隣賒

有時藤花落滿地。藤邊客繫青絲騎。新茶正熟。香夕陽影裡忘歸去。長風颭颭入艸堂。拋書看雲眠石床。卧來白雲過溪去。醒時雲復同尚羊。秋來溪上待明月。紫簫聲斷銀河沒。白露瀼瀼金粟零。岩梧浙浙寒蠶發。雪花飛滿翠屏寒。輕烟帶雨過林端。此時對雪或對雨。美人曾進金錯盤。長松落落一萬樹。飛泉隔樹遙奔注。我携藜杖到岩前。不知身在雲深處。

蘇結詩

冷然亭雨眺得耳宇  
積悔連山川。陰翳翳墟里。井霖薄時未。農務幸興起。試展區中觀。聊探物外理。香霏何泐漫。蒼蒼落虛几。逝羽極平蕪。耕牛逗深澗。修吟翳紆徐。霏微帶烟市。與子倚層軒。臨風決隄首。齊物既真心。聞歌復娛身。悠悠涼飈生。忽忽暢玄旨。塊坐寂不喧。靜言託無始。

趙太史見過藤結陪往湖橋看月

蘇結詩

蕙葭蒼蒼月未西。湖橋漁網出前溪。買得鱸魚烹相竹。啼來衡門天未鷄。碧山學士竹林豪。江上漁人岩壑樵。入溪不問貴與賤。唯有飲者知其高。山僧趺坐餌黃獨。美人翠袖倚修竹。生來枯藤白石上。祇知並好而不俗。觸景可作逍遙遊。逢時可豁萬古愁。豈因花落惜青鬢。誰為春歸傷白頭。可憐金散人盡棄。瓶無贏粟肘無袪。官長要索積年逋。富家欲益子母利。

正月十五阻雪藤結

見子虛兄題壁悵然感賦

忽枉林間駕。尋移湖上舟。烟波一片月。雲樹幾重秋。牛渚袁宏泛龍門。太史遊何如今夜裡。遷客在滄洲。

迥因好事屬它人今歲春來不當春梅花冷落空自  
 放蕭疎竹葉還含顰昔年翠蝶大如許今飛何處空  
 栩栩昔年夜合降花神傷心花下渾無語桃花猶是  
 武陵津劉阮已非舊日人五年風雨酬佳節今歲星  
 霜怨離別惟有無情是綠苔春來依舊生還歌別却  
 青山謝鹿群山中朝暮空氤氳昔因得失明吾志自  
 起為歌歌自聞君不見金谷園飛花碧草空平原文

藤絡詩

不見平泉莊郭侯名在池臺荒鹿門高隱春畊斷辟  
 疆園廢鳴蛙亂且任乾坤寄此身形骸放浪信吾真  
 遨遊五嶽尋仙窟萬古雲霄屬比隣

附錄藤絡寄贈

藤絡記

陸明輔 字伯相



孫伯子禹錫離世絕俗不挾一槩干有司而縱情山  
 水間不得窮其勝搜其源不愜也歲己己走虞山之

北清與壤焉遊者所未即或跡而不知其勝伯子過  
 之見其老藤如龍皆縱橫溪水上高者欲飛下者欲  
 欲橫者欲渡開者欲墜却者遠巡顧者睥睨徙倚而  
 不能去歎曰異哉藤之為狀也因討其中皆蒙翳不  
 可測度度其傍傍廣而中深輻圓十餘負虞之麓隔  
 谿阜一小山而壤界其間伯子嘉曰此可以宅而居  
 也乃索其主指若干緡以買之於是剪削伐茅剗朽

附錄藤絡寄贈

壤開迤而入斬惡木以疎林導伏流而清渠樹平壤  
 以竹固阜以梅嘉卉奇葩自宜而雜置焉為堂三楹  
 翼而室引絡水週於檐下雷以瓦魚以茨華不奢儉  
 不陋卑而虛明敞而幽邃前得虞於百武水巖壑爭  
 奇雲霞吐納不運几從席皆可周而有之復得小山  
 於隔絡平野中勢若趣拱光景澄鮮雲氣與前峯相  
 映帶從左廡走蔓廊廊跨渠水蔓纏之蒼翠如石壁

附錄藤翁詩

故曰蔓廊壺漿茗椀所道也從南階走曲逕盤紆委折行里許間不知步之所窮也徑以石外雨不濡履從逕而北為釣檻以臨麓隔溪平野蒼蒼遊目始遠逆山落雲輕帆逗浦往往於烟雨中見之俯令人飛越檻可胡床四五清風自百里外不知有煩暑也從檻而西北有支溪間之以石梁度見藤昂立勢欲噬人藤下砌紫石階叢篁如縷織經其中愈入愈深藤

附錄藤翁詩

山雲水月冥其心飛鳧宿鳥友其跡視玄圭墨綬猶蟻烟之過乎太虛為藍珠室以測老氏為雲華卷以原釋家為古逸祠以存虞仲嚴光陶孟林逋其三教之浴乎庶幾哉伯子曰于于熙熙乎喪已乎喪物乎吾不得而知也因操筆而記之伯子姓孫名袖別號遂初山人世家琴川上

詩

卧龍岡

陸文組字纂父

潜虬卧高岡雲木羅嘉羨彷彿烟霧中下飲忽溪水

苔磯

苔石俯青連松風引幽調遙知靜者心却寄任公釣

松風館

六月故北窓涼風寄清弄謾謾松下來忽破幽人夢

蘆碕

世絕俗不干一命高卧谿頭散髮而行箕踞而坐以



木落秋清蘆花亂飛絮交頸雙鴛鴦並入花深處

藤谿

碧水瀉花間蒼藤翳谿上時有南薰來翛然託遐想

樵泉

寒泉不盈掬遠帶雲中徑日落樵者歸松風引清聽

古遺祠

烟水即桐江衙門疑粟里之子懷遺風清秋薦芳芷

附錄藤谿寄贈

泠然亭

脩竹被蒼林孤亭帶平楚魚鳥時會心泠然欲霞舉

寒香逕

曲徑轉疎林寒花繞芳樹會有林卧人凌霜履青步

蔓廊

斜廊架虛閣紫蔓離：上不見采香人但聞步屐响

初入藤谿呈禹錫末

是後沈與鷺字飛霞山人

綠翳籬門窄風枝掃石傍藤蚪蟠下澗嶺翠落南墻  
偃僂褰衣入高深畏竹妨溪梁十八折行盡見茅堂

題藤谿別業贈禹錫燕似其叔齋之

一明沈明臣字嘉則山人

虞山欲盡未盡處却引清谿開草堂  
壑逶迤穿石穴雲霞早晚住花房  
非僧鱗鳥分齋供似客耕樵共  
酒漿我到看梅還信宿高風因汝竹林長

附錄藤谿寄贈

二

人間世上搃茫：惟有清天白日長  
藤蔓覆谿春雨翠薜蘿為障夜雲昏  
松間引鹿歸巖上水際看魚上石梁  
我本欲專丘壑事對君渾忘客他鄉

孫禹錫谿上雙藤歌

谿上古藤如許大不但一株且兩箇  
蒼皮萬尺病蛟纏白骨千尋老龍蛇  
正值新春未作花斜蟠亂結蔓

如瓜牽黃裊綠蚓不解走隙穿虛蛇入窠圍環鈕玦  
無不有微索纏綿紛左右低泛九地飲黃泉高入五  
雲吸天酒根強五石甕盤泥枝聯千手佛攀梯霧翁  
碧油幢蓋密風開翠幌洞門低仙人宛矣乘風御公  
子遙張青錦駐花繁葉簇鱗鬣傳風雨飛來欲飛去  
奇柯忽引上青天綵繩牢綰堪鞞鞞夕陽靜照百戲  
舞紫綵步障流春烟丹霜夜染楓林下赤料巧向秋  
空掛我欲據此彈箏箎人不敢窺山鬼怕最愛水邊  
連理樹夜深曾有仙姬過桃花不見武陵津昔日相  
逢竟何處

附錄餘詩

孫生行贈禹錫

孫生有叔師王董赤邑稱詩推獨盛決：何如大國  
風彬：正始真堪咏生也家風迥出群凌空掃電驅  
千軍少小詞場即南面淥水白苧江左聞乃今折節

追大雅淫哇吐弃沾：者南邦膺鼎真足羞北里偽  
珠終莫假不特文章絕等倫豪飲亦復娛青春破產  
願結任俠士仗權且換傾城人昨日逢予溪水上枕  
麴眠糟不相放鵝鵝典盡口不言寶劍床頭光十丈  
自云丈夫恣意且行樂貧賤胡然嗟歎落君不見楊  
執戟豈無官劇秦而美新不免自投閣又不見石散  
騎豈無財綠珠墜樓死不免東市辭我雖賤貧何足

附錄餘詩

哀對客且與傾樽疊感君意氣賦長句高歌落日悲  
風來

讀禹錫纂文藤谿倡和詩因東禹錫

吳江李仲芳字伯父山人

月林烟嶠擬同琴白社清秋往復還甫里舊傳湖上  
宅蘇門近在郭西山一時意氣風塵際千古才名伯  
仲間每讀高篇思附驥暮雲回首隔江關 終

伍輯 21 - 664

---

〔明〕艾穆撰

艾熙亭先生文集十卷

明萬曆刻本

文熙亭先生文集目錄

卷之一

疏十通

奏乞輔臣奔喪守制以植萬古綱常疏

懇乞慎獄緩刑以恤民命以固邦本疏

懇乞天恩俯容休致疏

奏乞天恩賜復舊任恩典疏

懇乞錄薦吏拔異才以光聖治以風九牧疏

奏報巡撫四川到任交代疏

請發苗六以彰天討以伸國威疏

終太山人集

懇乞俯容休致以延殘喘疏

題為處黠夷清軍伍以靖地方以杜冒濫疏

再乞准放回籍調理以延殘生以免曠療疏

卷之二

序二十一首

聘君趙圭洲文集序

河南鄉試錄後序

碧鮮集序

五岳游草序

大玄吳氏族譜序

二夢集序

擬河南鄉試錄序

寶綸樓詩序

洞衡續稿序

洞衡漫稿序

忠烈流芳卷序

方司馬十二吟序

酒史序

奉壽大司寇西石王老先生七十有八序

壽鍾竹溪暨配高孺人同登六十序

壽外舅余守愚六十序

大學李王齋暨配黃孺人七十雙壽序

邑侯朱景亭榮獎序

卷之三

序十九首

終太山人集

賀少保王公晉掌本兵序

少司馬吳環洲總督軍大軍門序

秘書黎瑤石晉秩藩大夫序

司農大夫陸思山出守興化序

明府王雲石更賢遵化序

楊公憲副滇南序

大中丞東源朱公巡撫應天序

送龔君之光州序

李肖峰晉司農即序

楊大夫游膺榮獎序

謝道亨會稿序

田侯章華別意圖序

壽王孺人八十序

贈楊大夫仕學篇

蔣卷野之姑蘇序

贈邑侯張公序

栢柳劉侯考績序 杭邑博院道交獎序

郡貳胡君西臺交獎序

宋太中宋玉傷春文 送陳洞衡玉才篇

贈盧君孤松篇

卷之四

記四首附客對

恩謹記

五可堂記

客對

卷之五

終太山人集

傳十首

顏曾公小傳

曾祖大使公傳

先考誥贈中憲大夫鴻臚公傳

先妣誥贈李太恭人傳

處士公井峰傳

先兄萬安公傳

卷之六

祭文二十首

祭馬乾菴相公

祭太僕卿王繼山

祭丁封君翰林學士 祭耿太夫人

祭邵太夫人

祭饒陽邵縣君

祭余守愚兄弟合葬

祭先兄萬安公

祭始祖明府宗源公

祭曾祖大使漁隱公

祭誥贈中憲大夫鴻臚寺卿先考丹崖府君

祭誥贈先妣李太恭人

祭先兄萬安公

終太山人集

墓誌銘三首

明故文林郎安縣知縣純峯丘公墓誌銘

明故文林郎桐栢縣知縣次峯丘公墓誌銘

明故鎮雄府經歷張君周川墓誌銘

墓表三首

處士陳君觀泉墓表 處士清川余君墓表

國子監助教懷遠謝公墓表

卷之七

書牘共三十首

上瑤泉申相公五難書 答瑤泉申相公

俞錄

〇三

目錄

〇四

謝荆石王相公  
報荆石王相公

上首揆王荆石相公  
荅荆石王相公

上王荆翁甲救饒主政  
候荆石王相公

賀洪陽張相公拜政府  
與大中丞李漸菴

荅大中丞耿楚侗  
與大司成趙濂陽

荅大司寇王鳳洲  
與宮諭曾植齋

與祭酒趙定宇  
荅謝司農張弘軒

與諭德吳復菴  
荅侍御艾陽溪

荅直指朱鑑塘  
荅僉憲丁勺原

荅太史李翼軒  
寄御史艾陽溪

謝直指徐念東  
荅僉憲周寧宇

荅大參李翼軒  
荅憲副張望湖

荅宮諭吳復菴  
荅主政張中宇

與宮諭李九我  
與丘次峯明府

卷之八

書牘三十四首

上政府乞休

寄太僕沈繼山

與學憲蔡青門

與符卿周二魯

謝政府新任恩典

荅寺丞朱訥齋

與少參王太初

荅少卿周二魯

與左轄朱明虹  
與憲副陳任菴

與洗馬趙定宇  
與給諫鄒南皋

荅右轄陳五岳  
與督學劉肖華

報給諫鄒爾瞻  
荅雲夢孫山人

又荅孫雲夢山人  
與友人

與督學李本寧  
荅陸山人

移胡生雲從  
報友人

與少參王太初  
荅主政周槐村

荅朱宗尉進甫  
與少宗伯趙定宇

與考功歐楚阿  
荅柱史王同年

與明府丘次峯  
荅上舍李玉齋

移胡生守正  
與直指朱鑑塘

卷之九

七言律詩一百二十首

西竄出京  
午日九龍池二首

關中述懷蕙簡李本寧

聞有救獲赦不果

夏日與友人集邢明府樓

過六盤山四首  
蘭州呈謝肅王三首

甘泉塞上呈候中丞三首

奉和兵備張右渠二首

戲與李使君索真一酒三首

午日重陽宮

鄧縣馬明府拉遊漢陂空翠堂紀興二首

王翰林敬夫亭子 贈李素麓使君

峇贈張明府 暑日飲後見白髮

僊游寺飲趙解元書樓

送姚劍南右史歸蜀 寄呈馬乾菴相公四首

借友人遊終南五臺山宿山半竹林寺待月

登臺三首

終太山人集

目錄

〇七

歸憇天池寺與友人共飲池上二首

早登天池山頂望關中二鴈塔

天池頂觀無垓上人塔并衣

登終南東五臺紀興二首 曲江志感

下五臺山至涼水泉寺小憇而歸

戲贈張國賓見訪 將遊華嶽簡張君

寄趙守身申太白之約

過乾州唐武后墓畔 寄勗朱宗尉進甫兄弟

贈陳明府再入計 峇李使君用白髮韻

壽邢母一律 奉和朱秉器憲使二首

簡葛別駕

別巴渝羅孝廉

友人道余童時曾讀逢干事有感悵然賦此

寄懷沈純父成金沙二首

峇寄孫兆孺山人 寄懷白叔升同年

寄懷蔡伯華謫淮南 送吳國子守秦州

蔡夫下第歸楚

贈曾少參致政歸楚其家嗣今為中丞二首

送孫山人歸楚 題竹蘭亭二物

和李太史伏日小集 送李別駕出補江西

送林宗伯考績還金陵

終太山人集

目錄

〇八

戰計部同年還金陵 劉國子還金陵

壽李封君八十 送雷育吾守吉安

舟中漫興 恒山江月

次何公韻 登龍王堂二首

南還別蜀中高子 過黃梁夢謁純陽盧生

訪石門僊子 泊舟江陵

別南陽曹子 秋夜同友人飲開元寺

登岳陽樓有感

七夕樂城周明府招飲開元寺二首

皇上奉 西宮觀花擬應制二首



內閣考樂盛開有述 塞上呈方大司馬二首

塞上呈少司馬吳公 送張參軍之鎮雄

送陶簿之武義 寄贈吳宗高助教東歸

奉迓張汝登大參蔡伯華督學

秋日憲使攜仁軒拉余同張龍津蔡伯蔡青

門學憲遊洞庭君山紀興三首

考繁草堂竟陵十詠 六美草堂

玉沙草堂 獨耕草堂

蓮花草堂 南紀草堂

建興草堂 肯躬草堂

梅花館 雪坡草堂

建昌江月 壽上舍曾璞塘六十

壽別駕余龍潭八十 壽明府丘次峯七十

贈曾儒士冠帶歸楚 壽吳心泉壽官七十

卷之十

七言律詩三十一首

奉和王忠銘太宗伯紀鶴并見謝新詩二律

又和王太宗伯托為鳥言廢詩二首

奉和趙宗伯定宇次韻來鶴二章

舟中望廬山不見二首

次丁江臯咏雪韻兼寄

贈別公人二首 李全玉齋七十雙壽

送王弘陽兵部還聊城

立秋日風雨與友人小集二首

遼東大捷進察駝志喜二首

長安曉望二首 暮春初集射圃三首

郊外即事 中元月食志感

贈朱邑侯二首 送王邑參歸蜀

別彭邑諭遷鄖陽授 送劉司訓遷英德諭

終太山人集 卷之十

燕市放歌行贈陳洞衡歸武陵

七言絕句五十五首

遇僊宮六首 秦中寄故園十首

與友人遊呂公洞坐飲一天門聽羽人吹簫

與友人飲說經臺下夜半乘興登臺上二首

寄丘純峯明府卜宅城中四首

寄李使君張明府比部三君子五首

劉中丞萬竹園四首 李元陽文園瑞竹五首

午日朱宗侯進甫貽家醞口占二絕以謝

玉州酒四首

贈穆煉師二首

簡文熙亭老年夫

武陵龍德字員外

送文熙亭先生赴端

周山人

送文熙亭先生之西戍

王作霖明府

贈文純卿西赴塞上

平江丘萬瓊湘

送文熙亭之關西戍所首

臨湘洪一瓊郡丞

送文熙亭西戍

平江李本意主事

送文純卿之甘泉

平江李本恕右史

寄文和甫光祿二首

萬安朱維京

簡熙亭夫南禪寺五言律

送文熙亭先生之留都

終太山人集

目錄

〇三

送文熙翁西戍

陳昌言郡丞

奉贈熙翁艾老先生

關中張學道

喜文純卿至五言律

渭臺漁父

奉贈文熙翁

巴渝羅太易孝廉

途中新詩見贈寄此奉答

清卿艾公惠鶴賦此謝

瓊臺王弘

艾鴻臚枉蒼一章有風人之致再賡一章和韻

寒夜飲鴻臚

常熟趙用

艾和甫貽詩以鶴見贈倚韻奉報二章

代別艾老公祖

梁山來

送文熙翁老先生五韻

臨川湯顯祖主事

贈文熙亭先生

同安蔡守愚副使

寄文和甫西戍湟中

華容孫斯億山人

又絕句八首

寄贈文熙亭自西戍赴石二首

劍門行送文熙亭使君

送文使君觀察巴蜀五言律一首

新春賦得汨羅水寄文純卿

寄文熙亭卜居城中

艾純卿歸自蜀中逢予荊州賦絕句二首以上

終太山人集

目錄

〇三

賦得岷山歌送中丞文熙翁

宣塔華易王

贈熙翁艾老公祖請荆南

巴渝曹大壑都御

艾熙亭先生文集卷之一

平江 艾穆 和甫 著

沔陽 陳文燭 王叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

疏

建言綱常疏

刑部山西司員外郎 臣艾穆 雲南司主事 臣沈

終太山人集

卷一

○

思孝謹

奏為懇乞

聖明俯容輔臣奉喪回籍守制以植萬古綱常事項

大學士張居正有父之喪

朝廷援楊溥李賢金幼孜事例奪情勉留曾不移時

而彗星突見光巨數丈漸逼中天臣等仰觀星

變俯察物議相與拊膺對泣廢寢罷食意在求

之臣必有能指陳綱常大義以感悟

聖衷者詎期附爰鄙夫如御史曾士楚都給事中陳

三謨甘犯清議望風保留致使人心長尤舉國

若狂紀綱風俗將大壞而不可支矣矧彗星變

未弭火火隨繼

天地

祖宗之靈所以儆

聖心者益惓切焉臣又安得以無言責而緘默首祿

哉臣非不知

陛下雷霆之威不可測也顧思平生所學何事而又

愛君憂國天植其性與其徒泣無益不若昧死

進言即進言以死而萬古之綱常或賴以明則

臣雖死猶生也於是臣不敢愛其死瀝血為

陛下陳之

卷一

○

陛下之留居正也一則曰朕為社稷留二則曰朕為

社稷留是矣然而大學傳曰所謂平天下在治

其國者上老老而民興孝上長長而民興弟孟

子曰人人親其親長其長而天下平夫語治國

平天下之道而首之以老老興孝語天下之平

而係於長長親親則知社稷之命脉在綱常而

羽翼綱常者在輔相君天下者為命脉而重羽

翼則可為羽翼而傷命脉則不可故先生制禮

嚴上天下澤之辨而三年之喪天子與庶人一

焉夫以尊如天子而所以下同于庶人者獨以此況下此而輔相乎可託言權變而目之為匹夫小節儒生腐乎經曰愛已之親者未有不愛他人之親者也往

陛下有

先帝之喪擗踊顛天筑筑在夜特以天地臣民不可一日無主雖抑情臨朝而其慘怛之容宛然可掬中外臣工仰窺

大聖人之孝通神明而塞天地今

陛下舉天下以聽於居正固將以居正為心腹臣也

終太山人集

卷一

〇三

所宜推愛親之心及其父推為人子之心置之腹是謂君相相視一體而其孝豈不稱錫類也哉夫明王以三綱五常定天下而元輔大臣者綱常之表也居正儼然在衰經之中柴骨灰心形影相吊而顛乃強所不安使之裁冠茹哀于岩廊之上大非朝廷禮體昔柳若謂子思曰子聖人之後也四方於子乎觀禮夫禮由元輔大臣出也謂非天下四方之所觀者哉

陛下以孝治天下而

經筵日講莫非講以此也可舍先王之制不言而言

近代之例耶當此承平治朝可論理之變而不論理之常耶居正今以例留而厚顏就列矣如異時

國家有大慶賀有大祭祀為元輔大臣者若云避之則於君臣大義有不可欲出則於父子至情有不安臣不知斯時

陛下何以處居正居正何以自處耶徐庶為母之故而辭劉曰臣方寸亂矣居正獨非人子而方寸不亂耶能復坐廟堂從容論道如常時耶且居正躋人臣之極資荷不世之殊遇者果身從何

終太山人集

卷一

〇四

來乎必先有居正之父而後有居正之身陛下始得而有居正也可今其執親之喪而鳴玉曳組于朝不得脩匹夫尋常大都之節耶夫天下事非一相可辨

陛下毋謂在朝諸臣不皆居正若也昔人謂人皆含靈惟所誘致故君好精明則果銳喜事者進君好渾厚則淳龐鎮俗者進

陛下但當審所好尚而何患於有君無臣乎如以居正為賢矣宜令居正公天下以為心而舉賢自代可也又或令其居憂之暇反躬省過以斯民

三代為不可欺以草野輿論為有足採易其果於自用之心而虛以受人悔刑名慘刻之非而回思手伊傅周召未必非社稷之福也俟其二十七七月服闋起復于時居正精力正堪付託斯則

君相舉動光明昭示萬代又何必強所不安使之哉冠茹哀于岩廊之上以傷國體而廢先王之制耶臣又聞之古之聖帝明王以仁孝之情予之臣而未聞其奪之也為人臣者亦各以其仁孝之情求遂于君而未聞為其所奪也夫情而謂

終太山人集

卷一

五

之曰奪豈盛世事執奪之一字豈所以教天下後世以孝者哉然亦有不得已而奪而借之以為孝者此又非有兵事使之不可也如魯公伯禽之哭而征戎是也方今

陛下茂齡已登十五而又有天縱神聖非至少國疑時比矣威靈暢于四遐而南北戢戈秦矢矣宮府一體而臣工烝烝嚮治矣此正元輔大臣可以守道秉禮之時而乃援是萬不獲已之例使不能有三三年之愛于其父而得稱為人子天下後世其謂居正何舅犯曰亡人無以為贊仁親

以為寶父死之謂何又因以為利而天下其孰能說之仁人孝子之重仁親而畏公議如此在居正宜有同然者

陛下忍重違之手

陛下以禮義廉耻風天下而不知風之自可乎燕論漢唐諸臣如宋仁宗起復富弼詔援故事以責且命中人督弼起弼抗章言天下無或宰相奉行常制豈可與太宗時比仁宗知其不可等乃已

國朝輔臣李賢等亦奔喪回籍守制然後奪情起

終太山人集

卷一

六

復當時諸臣尚且因之以奪為榮以匿為巧不復知禮義廉耻為何物而况居正今不奔喪又奔奪情起復之例而廢之者乎語曰作法于涼其敝猶貪作法于貪敝將何極由是天下之為子者皆不知有其父為臣者皆不知有其君為弟者皆不知有其兄而天常人紀墜矣富斯時也欲以法術整齊天下而使之不亂何可得耶伏望

陛下愛居正以德母愛以姑息速令奔喪回籍守制以全忠孝大節則綱常植而朝廷正朝廷正百

官萬民莫不一於正而何星變之不可彌於于

冒

天威臣無任隕越待罪之至

慎獄緩刑疏

刑部山西清吏司員外郎臣艾穆謹

題為懇乞

聖明慎獄緩刑以恤民命以固邦本事臣備員刑部

四年年矣每讀重犯爰書情罪似的然有據及

細審初情每與爰書矛盾詞多文致以是知獄

情曖昧隱僻伏狂覆益者固刑部之所不能訊

終太山人集

卷一

〇七

而大理寺之所不能評者也書曰與其殺不辜

寧失不經易曰君子以議獄緩先豈聖王故務

為是姑息哉以民命至重而匹夫匹婦結憤含

冤飛霜召旱者誠重為太平之累也我

太祖高皇帝懲胡元之亂刑用重典及見老氏書曰

民不畏死奈何以死懼之遂憮然曰朕朝殺若

千人暮仍有若千人犯者信哉老氏聖人之言

君人致理之上術也大哉聖言豈非萬世聖子

神孫所當誦法者哉頃者詔旨屢頒限額多決

決少者至奪俸奪官臣以為決囚但當論其罪

之當否不當論其數之多寡如當其罪決千百

人不為多如不當其罪一人不決不為少而可

限之額乎夫人孰無好生之心哉而

明詔之嚴若此則好生之心將不勝其為官之心此

正昔人所謂目安之道在人之死而雖欲不濫

決以取盈不可得也夫惟其決之取盈也目今

尚有累年故殺未決者可以應之矣將來故殺

者而不足必將決及於鬪毆殺人者鬪毆殺人

者而不足必將決及於非殺人而死者非殺人

而死者而不足必將決及於可矜可疑者而民

終太山人集

卷一

〇八

之冤寧有既哉此其法有必行勢有必至者也

又奸徒賣法走空者律止徒罪耳今謂情重律

輕引例用三百斤大枷不移時就斃夫律也者

定法也例也者偶一行之者也以律律天下之

人則自踵至顛而犯法者什九矣以例佐律則

為法外之法而人將無所措手足矣如強盜止

據五分贓便擬斬由此推之而以律律人者何

可勝原也律不能行而况於例乎况其人斃於

枷木之下者必經廠衛衙門相視經旬日而後

收其屍多上為烏鳶之所攫下為犬豕之所啖

比之斬絞重犯慘尤甚焉方今

聖母建塔齋僧希心者真荒唐為

陛下祈萬壽無疆之福何不禁用此大枷豈不愈於

造萬塔齋萬僧也哉夫

陛下好生一念固天下萬生之命脉本根也時當冲

齡培而養之可與為堯舜禹湯文武而乃輔之

以刑名之慘可乎夫梗摘豫章之始芽也而戕

其柯葉則參天翳日之勢無由見矣靈鳳之始

苞也而戕其毛羽則千仞之輝無由攬矣况今

不但戕其柯葉毛羽又并其本根命脉而戕之

終太山人集 卷九

乎虧損聖德上干天和如是而望太平之洽也

難矣臣在刑部目擊其寃寢不安席食不下咽

不得已而仰塵

天聽伏乞

陛下念民命之重鑒用刑之寬殺人不論其多務寬

次囚之罰擬罪惟比諸律禁用法外之枷則刑

措之效庶幾可臻而

聖壽國脉綿於億萬年者端在是矣

請復恩典疏

南京鴻臚寺卿臣艾穆謹

奏為舊任

恩典追奪張乞

天恩俯賜准復事臣昔官刑部員外為建言輸臣張

居正查情致蒙

嚴譴居正將臣舊任國子監助教考滿移贈臣父

勅命一道刑部主事考滿贈臣父封臣母與臣及臣

妻

勅命凡四道盡行追奪臣伏念臣兩次叨

恩起用累陞今職臣為生者已足吐氣而

恩典未復臣之父母猶若含冤地下查得已前起用

終太山人集 卷一 十

諸臣皆得蒙

恩准復臣實與之事體相同伏乞

勅下吏部照例題覆准復前後

勅命庶使臣存歿叨光感戴

天恩於無極矣臣不勝激切待命之至奉

聖旨准照見任職銜給與誥命吏部知道

鴻臚乞休疏

南京鴻臚寺卿臣艾穆謹

奏為臥病曠官懇乞

天恩俯容休致事臣昔官刑部員外為建言故相張

居正奪情是時居正陰結馮保捧戴

聰明矯

詔將臣廷管遠戍捷之

朝堂死竄絕域臣譎居五年浪迹山水無復玉門

生入之望乃荷

聖明一旦起臣自流沙萬里徙官蜀臬而旋復

詔之還朝拔擢光祿少卿臣丁母憂服闋之後已

臥病三年矣不自意

聖恩又起臣原官大夫以臣之殘骸餘魄懸寄游釜幸

得不身膏裔上白草此身固

終太山人集

卷一

〇五

陛下再生之身矣矧優叙狂愚躋之九列又前疏請

復

恩典蒙以

誥命破格給臣

聖恩之隆天重地宜何如為報雖以臣之謫劣猶加

乘鴈於渤海之濱而捐此

陛下再生之身以報

陛下固臣之分亦臣之心也第臣蜀歸時有次男生

負父而廣曾隨臣遠戍者觸石敗舟之憂江魚

之腹令臣萬念俱灰歸丁母憂苦塊又濕春是

患脚氣刺疼又痰火上攻頭痛如破頃忽於前

月內舊症並發醫藥罔功且鴻臚雖稱間曹原

非養病之地臣心雖常戀

主尤切首丘之情以故不得不哀鳴於

君父之前或謂臣官奉高若非始願者不知臣昔官

國子繼官刑部又繼之戍極邊前後二十年間

不以為苦也而今反薄卿寺不為耶又或謂近

時諸臣中有徃徃因告得遷者臣誠私心豔之

而以退為進也不知臣歷觀

本朝先年諸臣率多年四十以上致仕者臣今行年

終太山人集

卷一

〇五

五十有七日擊前此以言蒙譴者多矣鮮有如

皇上留臣萬死之身而又親見

國是之定旋蒙顯拔之榮者臣今官京堂四品視

御史劉臺之身斃戍所者已遭遇倍萬矣如是

而不自知止足昔日奮不顧身之謂何而今為

得隴望蜀計耶且明主之遇臣也在於體其志

而不在于昌其官蓋臣之報主也進固可以展

采宣猷而退亦可以裨身善俗臣雖非其人可

謂巖棲川游遂無所以為效忠報

主者哉又况方今賢俊布滿中外寧獨少臣一擁病



尸位之人哉伏乞

皇上俯憐臣餘生多病

勅下吏部題覆准令休致臣不勝激切懇祈之至

薦拔庶吏疏

太僕寺卿臣艾穆謹

奏為懇乞

聖明錄庶吏拔異才以光聖治以風九牧事臣惟天

下之治在用人而用人者在知人然必先論人

品而後論人才人品正則其才之所用為君國

而正人品邪則其才之所用為富貴而邪至於

終太山人集

卷一

〇十三

鼓舞人心轉移世道又在在上之人有以風之夫

謂一人之所嚮天下之所奔也頃者

皇上斥佞登良舉廢振滯一時善類矯矯吐氣矣然

而持衡握銓之臣所持以知人用人者內之惟

清議公論是憑外之惟撫按保薦是據近見各

撫按舉境內人才多自藩臬以至京堂而及于

郡縣官者蓋鮮焉夫士之取重於世者以人不

以官豈官高者可論人品而官卑者獨不可論

人品乎况官高而好脩者固多含光沉馨不為

名高而亦不無操隱約之蹤以冀終南之捷者

至於郡縣官卑而好脩者則固聞泐弗耀絕蓋

時榮其人品尤真也以臣所聽觀有秉古道於

今時抱獨醒於衆醉清足蕪頑音足矯俗者惟

原任崇陽知縣周應中賓州知州葉春及馬應

中由進士任真定縣當馮保用事之日正虐熾

薰灼之秋主抽分之法而負販窮民不勝流毒

則為四禁不行造父母之墳而撫按道府爭相

詣祭則獨一足不履申請院道之贖緩以繕府

城而經年之大役告休堅留帑藏之美餘以備

賑恤而當筵之私心重拂值撫按建巨瑞之坊

終太山人集

卷一

〇十四

則鑿去本縣姓名致以賊私論劾調山邑行均

田之法即清出豪宦隱匿因而媒孽中傷被彈

文而詣闕保留之疏凡經數上離縣治而遞道

攀卧之衆不下千人建生祠於王官陞任之後

益見去思采風謠於窮巖蔀屋之間尤徵遺愛

是時權相張居正惡其以門生見外撫按陳瑞

朱連忌其以正直相形三任為今而水皆買吃

十載居家而糧無夙春即今年未五旬猶然壁

立千仞此一臣者至公極蕪任怨任謗本其志

節之剛方雖歷九死而猶且鼎鑊論其才猷之

揮霍可提十萬而橫行匈奴所當照趙世卿起  
用例以備備兵督府之任者也春及以舉人為  
邑今學綜百家文進兩漢砥行以聖賢為師抗  
志出塵俗之表平生大節無愧鬼神一念精誠  
可貫金石忠愛得之天植經濟乃其夙心當  
穆廟而條陳一疏言言皆匡世遠猷宰惠安而錄政

一書種種悉安民要畧拂衣東粵著述獨多結  
隱羅浮節槩愈勵累足不入城府清風式化鄉  
閭鍾化民曾親代其任而知八閩同清淨寧一  
之謠滕伯輪嘗躬造其廬而聞西粵起廉頑主

終太山人集

卷一

〇十五

儒之頌直如汲黯而稍薄淮陽達似賈生而未  
召宣室即今年躋六袞氣雄萬夫此一臣者若  
能破拘攣而委之事權廢能究其用倘猶循恒  
調而勞以州縣恐益遂其高所當內之處以勸  
講之任外之可備節鎮之寄者也昔漢武帝讀  
相如子虛賦發為生不並時之嘆若致不及錄  
用之惜今以二臣之高品異才生當明盛之朝  
而可使之舍抑白首腐同草木以終乎此其責  
固不在二臣矣夫員巧競則洵直微闒茸庸則  
英毅黜脂膏興則介特遠所以崔琰進而廉儉

成風揚縮用而淫侈改度用人關世風隆替  
渺小也况鴈行鱗次之資非所以侍儆儻非常  
之士而聖主拔之以風天下激人心則又非  
倖富貴之徒所得援以為干進之例者臣以  
今日之用二臣宜無為此拘拘也臣叨餘生又  
荷重畀於應中見之真於春及聞之真故舉之  
以自代伏乞

勅下吏部題覆如果臣言不謬即行破格錄用世道  
幸甚臣亦幸甚

奏報交代疏

終太山人集

卷一

〇十六

欽差提督軍務巡撫四川等處地方都察院右僉都  
御史臣艾穆謹

奏為交代事臣原任太僕寺卿萬曆十九年九月

二十八日准吏部咨為缺官事該本部等衙門

會推題奉

聖旨艾穆陞都察院右僉都御史巡撫四川等處地

方提督軍務寫勅與他欽此欽遵備咨到臣臣

隨赴鴻臚寺報名詣

闕謝

恩都察院到任十月二十六日領

勅書一道

陞辭於萬曆二十年二月初九日入四川境本日

六日准前任巡撫右副都御史李 容送百

符驗關防并吏卷到臣接管行事外臣准巴蜀乃西

南要荒之域華夷表裏之區內環土司外鄰胡

虜况值兵荒之後時見生靈凋罷必需厲敏之

才始堪拊膺重寄而臣以疎庸末品樛櫟謝材

曩司馬政尚慚問寺之曠瘼茲捧

綸恩勉圖疆陲之報塞飭憲度以糾官郡莫少紆手

九重西顧詰兵戎而弭盜警期安輯乎全蜀軍民臣

終太山人集

卷一

〇七

下情不勝屏營之至

初陳予告疏

欽差提督軍務巡撫四川等處地方都察院右僉都

御史臣艾穆

奏為患病不能供職懇乞

天恩俯容休致以延殘喘事臣稟賦壯歲少無病侵

曩因死竄絕域致將元陽漸耗疾病叢生乃荷

聖明起臣蜀臬歷拔南京鴻臚寺卿是時臣半將衰

右足早見痰濕曾已具疏乞休復蒙

皇上渙發

給音容臣照舊供職又蒙

召入為問卿臣敢不捐軀圖報勉強支持頃者

陛下不知臣之不肖委以全蜀重寄臣感激

聖恩

陞辭就道已於萬曆二十年二月初九日入境歷經

蜀道之險衝暑瘴疔直抵嘉陵疾火大作昏暈

仆地移時方甦此該地方官吏師生及左右將

校所共見也臣遂暫駐順慶府力疾辦事調理

浹洵病勢稍簡始敢勉入鎮城臣竊自惟昔賴

皇上聖明叨一生於萬死是臣今年五十有九之年

終太山人集

卷一

〇八

實

皇上再生之身也指此再生之身以報

皇上臣之分亦臣之心也臣雖才識庸愚惟求以勤

補拙日每孜孜視事向親藥物同功入夏心火

稍寧痰又流之左臂動履為難詢之醫人皆曰

痰厥流注似風非風必假數月始得復舊臣惟

風痰始入經絡雖非沉痾氣血先已虧損勢難

速效况值夏秋之候不無邪火熏蒸形收骨立

真元漸耗恐無痊復之期矣臣若不請

命干

君公之前擁病尸位曠官誤事且貽

聖詔西顧之憂如人臣之義何是以不避

斧鉞冒昧

書陳伏乞

勅下吏部察臣病情真切亟為

頭心覆容臣休致調理速推代者以重西陲臣不勝

激切懇祈之至

請發苗兵疏

欽差左提督軍務巡撫四川等處地方都察院右僉都

御史臣艾穆謹

終山人集

卷一

十九

西為賊虜合謀猖狂日甚

請發苗兵以彰

天討以伸

兩西威事臣讀邸報見逆賊劉東陽等承恩等背違

天誅旬虜入犯謀殺撫道占據鎮城盜號稱王誤觸

天恩愚夫以堂堂

天朝全力之盛而么麼小醜乃敢若此何異燈前之

飛蛾鼓翅而投烈焰釜中之游魚橫躍而待自

烹乎今臣無論

皇上宵旰之秋正臣子擔心之日即以秦蜀地方言

之蓋唇齒之邦秦之有急蜀為應援義也臣每

腐心切齒恨不食其肉而寢處其皮久矣頃見

撫臣葉夢熊素練苗兵意氣甚雄樂等晁利奮

勇衝燒堅城冒矢擊賊虜首臣以為

國威漸振逆賊計日可下矣奈何狡虜垂涎寧夏

已久賊乃乘彼之志厚賄招來膠固合謀東突

西衝以故我兵首尾牽制攻禦為難若非強健

捐生之兵堅甲鋒利之器安能近彼虜馬而陷

彼賊陣者乎臣竊自思惟使得苗兵數千衝突

其間禦虜破賊則賊必披靡軍威自振而勇夫

終山人集

卷一

二十

疊出膚功可奏矣於是謀諸三司等官及詢父

老子第咸謂川有播州之苗兵石砮之健卒頃

調討賊彼則無堅不破何鋒不衝蓋以二家兵

卒日事戰征膽氣雄壯且各紀律嚴明秋毫無

犯而樂弩器械種種整齊况二司酋長時罹於

罪意在立功各有滅賊之志臣方擬疏

請發間適奉

綸音調取川兵三千名至寧夏剿賊禦虜臣欲遣發

此兵以期滅賊但恐緩難應急臣遂調各鎮練

集標募苗兵三千名行委近調京營參將劉統

統領刻日赴彼應援間臣又讀邸報該撫臣葉

夢熊題稱虜酋卜失元莊禿賴等皆已久逐

乘內地空虛蠅蟻蜂群一旦深入加之叛賊錯

雜其中與尋常入犯者大有不同攻城愈急賊

守愈堅軍兵僅有三萬而被傷者甚多虜象壓

境顧此失彼無可奈何夫賊衆我寡何以應敵

而地方安危在此一舉即遠兵尚可擬調况秦

蜀相鄰者乎臣願於播州石砦二司兵內各簡

選一千五百名共精兵三千名令二司土舍

馬千乘統赴臣軍門委平番守備史可觀

總統前赴陝西軍門聽令分布殺賊禦虜一應

糧餉即於前奉

欽取二十萬內通融處給若有不敷與各器械等項

聽臣會同按臣措給應用無煩

聖慮既不敢違

皇上已發之

成命又不致誤前後調發多兵之行糧務期及時協

力以掃蕩妖氛而靖

皇上西顧之憂除臣見在差官徵調簡發外伏乞

勅下兵部查議覆

請施行

條奏事宜疏

終太山人集

卷一

三十二

致差提督軍務巡撫四川等處地方都察院右僉都

御史臣艾穆謹

題為處點夷清軍伍以靖地方以杜冒濫事臣惟

朝廷定立軍法以馭諸夷順者撫之逆者誅之是

今四夷來王之意深且遠矣儲養軍士以禦寇

盜緩則練之急則遣之是以鎮靖責諸軍兵之不

意亦深遠矣臣自蒞任以來每念行伍之不振

蓋因冒濫之未清夷狄之犯順向緣玉石之未

別臣茲分符鎮蜀加意講求日視月省影射如

常亟力撫綏禁鴛如故然馭夷之道又在酌乎

時宜蓋醞釀所以蓄禍而張皇亦所以激禍均

非地方之福也臣荷蒙

皇上再造之恩容臣在任調理敢不矢心任事以圖

報塞每於力疾視事之中博訪全蜀利害宜條

陳者無慮數十事俱不敢瑣瑣塵瀆

天醜謹將鵬剿黠夷之策清汰軍伍之法列為三款

為我

皇上陳之伏乞

勅下該部酌議上

請施行地方幸甚臣愚幸甚

終太山人集

卷一

〇五

計開

一制馭番夷夫馭夷之道固在手撫剿二端然

須者撫之健之懷吾恩而不吾叛逆者誅之

使之畏吾威而不吾犯而已但遠徼之事貴

在防微杜漸綏遠之術尤宜因時制宜自今

日觀之在松艾建南各地方幸仗

皇上威靈龍服斥埃不驚而白草諸番素稱獨徼疆

土被其侵占諸民受其荼毒萬曆七年以至

十四年間稍稍悔禍認贖輸收業經二次

題報不過順其時而撫之以示羈縻之術耳今該

臣履任之始督行原任安綿道僉事張世則

世則又圖畫漢夷之苦樂編成美陋之歌詞

督令石泉縣知縣從行知會同守備把守等

官責令冠帶土民李世選等齎入各寨傳宣

聖化諭以溫言於是諸番懷我德音羣聚千餘相率

來歸情願增糧

貢馬更姓改村蓄髮教子請為邊氓退還我疆土

認守我藩籬具報到臣幾四十寨延袤三百

里臣以為遐陬絕徼天日不臨之夷咸爭自

洗濯入

終太山人集

卷一

〇五

聖治輿圖中而闡泐幽昧一旦耀於光明誠邊方奇

事第其夷性之叛服靡定而編籍之意向貴

誠必須事出中心之安庶可圖為善後之策

臣即批行該管地方各官多方撫諭結之以

恩信教之以忠義察其番音稟真版圖可定

聽該道造冊通詳另行酌議具

奏以風諸夷此則用夏變夷之策臣固得而行之

夫惟是永寧宣撫司土目沙卜石耶洞長官

司正長官楊正魁一則欺姦主毋撥置生非

一則變亂版圖擅自改隸各乃故違

明日均宜加兵剿除但蜀自大破九絲之後人皆萌  
喜事貪功之心當關者又從而挑夷釀亂如  
推官吳時泰指揮鄧承業二人首發大難以  
致當事者連年用兵雖幸平定

去捷而蜀之元氣受傷多矣譬之人當大病疴羸  
之後貴在培養生理而忌用剋伐之劑奈何  
二酋桀驁如此而邊吏報警之文日每踵至  
是又不可不為一處者臣敢將二酋顛末與  
應處之策據實請

會查得永寧宣撫司先因土官奢劾忠病故遺子奢  
終太山人集 卷一 〇五五

崇周幼小與其妻妾奢世統奢世續寡居無  
主而土目沙卜欺姦世統撥置爭印互相讐  
殺奏奉部院咨劄移行川貴兩省撫按會委  
多官勘將該司印信與落洪地方俱給奢崇  
周掌管仍委官坐鎮待崇周長城襲職之日  
管理世統住居祿肇沙卜住居撒魁不許干  
預撫事題奉

欽依在卷乃沙卜不悛前惡不容委官坐鎮世續復  
行  
奏告咨行復勘間沙卜又復賄買水西夷兵直抵

永寧城外虜生靈其禍甚慘隨該貴州撫臣  
舒 題參兵部覆將統卜縱兵劫殺與安酋  
貪賄助兵掠擾內地貽患軍民等情題奉  
欽依咨行撫按官勘明具

奏轉行司道先後行委同知等官袁世南胡考崇  
等會同貴州委官勘處經今五載竟未完結  
近因奢崇周已奉

欽差劄行就彼該職名器有歸落洪昇民向附者衆  
而世統以母道自居崇周不以子道善處嫌  
忌滋起怨念日深加以沙卜胡選喬等交關

其間拒抗  
終太山人集 卷一 〇五六

明旨勾連水西多兵張被聲勢占住落洪安酋利其  
貨賄公然黨助自去歲八月到今兵連禍結  
一年矣咨行貴州撫臣禁諭安酋撤兵不啻  
再二矣彼則陽為退撤陰實助之彼既不行  
撤兵統卜占據如故宜乎崇周

奏告不休使安酋兵解則統卜必不能久居落洪  
統卜既出則二婦構爭之情自解矣又何勘  
焉故落洪地方二家所爭者此地也官司所  
處者亦此地也今統卜擁兵占據而安酋助

之兵力以求必得要挾情態昭然眉捷非挾  
三周乃挾官司必與之其願方遂其兵始解  
將視

王法何如視官司何如也夫沙卜擁兵占住落洪安  
首助兵為之煽虐以故承委之職屢更督催  
之檄頻下官司期會甚迫夷首耳目若塗曩  
日之濟惡為殃尚未正法今日之兵連不解  
更屬怙終玩

明旨如弁髦視憲案若故紙以滋桀驁惟厥情形不  
惟勘案無完銷之期抑且事勢有跋蓋之漸

終太山人集

卷一

○下七

况永寧雖隸川省水西則屬貴州地當兩省  
牽制尤多乞

勅貴州軍門詰責王酋安國亨速將見助之兵盡行  
撤退毋容一兵一馬潛住落洪臣即公同按  
臣移會貴州撫臣行令叙馬瀘兵備道副使  
高則益會同貴州畢節道俱詣適中地方督  
責行事并叙瀘泰將曹希彬量帶漢兵公  
同各該委官直至彼中宣諭奢世統欽遵原  
斷遂退祿峯住居聽其自膳其落洪地方退  
還崇周管理仍令速將撥置奸徒胡遷喬

等各正身獻出明正其罪以杜奸萌倘其仍  
前負固則聽臣等姑置以誘之密布兵力以  
羅之出其不意以鵬剿之不必動調遠兵還  
輸遠餉惟今兩省該道移會參將等官量帶  
漢兵駐劄要隘一以防其奔逸一以杜其助  
兵密令奢崇周挑選強健部兵數千許以重  
賞即其所捕獲財肉盡以與之便可得彼死  
力我兵密於布置為之應援止擒沙卜與胡  
遷喬等正罪即收全功此所謂以夷攻夷之  
完策也又查得石耶長官楊正魁向以改隸

終太山人集

卷一

○天

事情與酉陽宣撫冉維屏  
奏告有年萬曆十二年間正魁自將黃冊擬寫重  
慶衛銜頭齋赴布政司查覈駁回冉維屏遂  
將擅自改隸之情徑申南京戶部備行後湖  
查勘隨該南京戶科等衙門管理黃冊給事  
中等官余懋學等奏奉  
聖旨土司管轄國初已有定制楊正魁如何梟獍衛  
分撫按官亦不行參奏且不究石耶土司照  
舊隸酉陽宣撫如再抗違重治不饒該部知  
道欽此欽遵隨准戶部移咨前來備行兵巡



上川東道行令楊正魁遵照舊規隸屬酉陽  
造報訖後因南京後湖駁行備造駁語黃冊  
間正魁又行申詳仍要改隸屢次行委知縣  
等官繆守之等多方化諭執迷不服萬曆十  
九年正月內冉維屏因見前冊催併甚急遣  
兵把連楊正魁赴繆守之處面理正魁執稱  
起釁之由實因先年從征九緜被冉維屏譜  
稟總兵劉顯綱打數十近日又被冉維屏侵  
占田土以致不願隸屬酉陽而維屏亦自輸  
認願將田土退還隨該繆守之斷諭二酋解  
息息爭照舊隸屬黃冊同司各具印結開正  
魁之子楊通運稅被酉陽擅兵擒拿伊父焚  
劫殺戮等情通詳兩院批行該道諭令冉維  
屏速將楊正魁放回靜聽委官勘處復行黔  
江彭水二縣知縣繆守之黃承讚親詣彼中  
查勘劫殺之情原無實跡追取正魁印結而  
正魁一意執迷終不肯服諭之不從提之不  
出區區小醜何敢抗違

明旨之若是耶合無聽臣再遣一廉幹舌辨官員諭  
以

終太山人集

卷

○十九

朝廷恩威禍福令其印送黃冊赴官聽理如再執  
迷不服容臣用前鷓鴣之術擒拿正魁到官

明正抗違

明旨之罪并廢患子楊通運另立其諸子之賢者令  
其照舊隸屬酉陽而酉陽亦將所侵田土盡  
數退還石即管業自後遇有徵調不許酉陽  
節制一應釐替不許酉陽勒索去其不便與  
之更始度二司享清寧之福而官司亦省勘  
議之勞矣伏乞

聖裁

終太山人集

卷

○卅

一清食糧軍餘夫小民輸賦以養軍軍士禦寇  
以安民誠為不易良法乃今承平日久武備  
廢弛食糧有名城操無實細廉其故蓋因各  
官指以差使為名一官占用數十又或奸軍  
用財買求歇役通賄戀衙害人是以致  
朝廷有限之糧儲養各官之僕從行伍不振操  
練之人又令小民重割脂膏招練民壯以充  
實之均非法之所宜有者臣自入蜀以來每  
閱請糧文案其數儘多而城操者僅止什一  
隱占者數有什九臣遂檄行布按二司清軍

二道稽城都五衛食糧軍餘共計一萬三千五百餘名城操發班不及八千餘眾而各衙門占用數計二千八百有奇其他影射支吾者莫可窮詰即會省重地尚尔如此其餘衛所不究可知况查問刑條例開載武職跟隨軍伴有限占用數多有罰即念積弊相沿已久姑不深究而當此四方多事之日民窮財盡之時豈可不一清查以實行伍合無容臣會同按臣查自撫按以及司道各府衛所等衙門通將占役軍餘定以實用名數照舊存

終太山人集

卷一

世

晉其餘多用與夫影射之後盡數汰出選取壯丁發伍應操但係軍與民兵合操處所即以清出之軍餘充抵操練之民壯就將抵過民壯截日省放歸農工食免其徵派以寬民力清查之後敢有仍前占用影射包冒月糧者聽臣等據實參拿重處廢

成法不致有違軍民各盡其分而國家糧儲亦可免其坐耗之弊矣伏乞

聖裁

覆陳調理疏

欽差提督軍務巡撫四川等處地方都察院右僉都

御史臣艾穆謹

奏為病勢日篤痊復無期再乞

天恩准放回籍調理以延殘生以免曠廢事臣頃因積勞動火痰流左臂動履艱難服藥罔效揆之事勢供職實難已於萬曆二十年五月初九日具疏哀乞於

君父之前懇望放臣回籍安心調理庶乎少續餘生至本年八月初三日准吏部咨該本部覆奉

聖旨艾穆著在任調理欽此欽遵移咨到臣臣即焚

終太山人集

卷一

世

香望

闕力疾叩頭謝

恩訖臣性鞠躬盡瘁死而後已臣子忠

君之分亦忠

君之道也以臣荷

聖恩高厚叨一生於萬死之中則人臣之鞠躬盡瘁

以報

皇上宜莫如臣者矧

皇上今又不以病棄臣

命在任調理乎故無論臣本無才不宜撫蜀又無論

蜀當用兵之後邊境輯寧可以卧治即使臣之才優於撫蜀使蜀之地方仍前多故而臣之鞠躬盡瘁以報

皇上之一念即竭湯起大捐糜軀質固萬萬所不辭也獨以臣之疾風痰悅惚舉發無時始入蜀於順慶府疾厥仆地凡昏沉三日絕而復蘇此其蘇也臣自覺百念齊灰萬緣俱空矣醫人皆謂此痰感之者多但得心開調理一年無有不全愈者乃臣愚素性不能籠粉飾虛套雖在任調理每思此官非可養病之官此地非可卧病之

終太山人集

卷一

三

地日力疾視事全蜀民生之休戚吏治之臧否邊方之安危時時關心繫念雖欲灰百念緣以靜攝此生而有不可得者儻一旦風痰如前順慶時陡然則氣血愈虧痊復無望欲死一生之身生還遂首丘之願必不可得矣伏乞皇上憐臣餘生殘喘速賜回籍調理倘不即填溝壑臣年方幾六十猶狗馬之力以備

皇上他日任使不則臣亦得與山中老稚謳吟聖世太平之盛以優游盡年而永戴

天恩於無極矣

用

聖旨文穆准暫回籍調理病痊之日撫按官且奏起

終太山人集

卷一

四

文淵亭先生文集卷之二

平江 艾 穆 和甫 著

沔陽 陳文燭 王叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫艾口華輯

序

聘君趙圭洲文集序

堂 穆宗莊皇帝朝元老趙文肅公以朴忠直氣上

終太山人集

卷二

〇

結 主知而洽魚藻之歡時則有若金鍾大鑪之振  
響日於明堂而聞者莫不改聽而悚息乃若圭洲先生  
為文肅公弟篤古食貧睡德養晦不樂仕進用姜翁  
酒言聘為國子學正無何即謝病去其人如白雲青  
鳳之不可攬結天下皆知蟬蛻聲利之表灑然自遠  
齟然泥而不滓蓋文肅公以其用之為用得以及播  
其奇於文章事功而人皆以是知文肅公之大圭洲  
先生以不用為用其文章事業不必於披播其奇而  
滿溱嶽峙之藏人有莫窺其際者而人皆以是仰先  
生之高余與先生同事國子而知其教諸生矣其言

曰周谷競模戎衰矣梯突與介特遠矣桃健起長厚

微夫闔茸庸英毅紬矣士風關世運隆替非眇小也

而其真寔在師儒每斤斤舉以迪多士而不欲其徒

工文字媒顯融若此先生之文本之於身所自有者

見之於言而不以之先行也其文發乎性靈而達乎

天機無意於為文而其文自悠然冲澹之味見於言

外夫入圭不琢琢則理紊大羹不調調則味漓先生

之文固大圭大羹之存乎先生以不用為用而司理

君克世其家學其見於佐臈廉明聲寔蔚起者又得

振先生未究之業與其淵源於文肅公者而大其施

終太山人集

卷二

〇

余是以信夫言之文者行之遠也有德者必有言其  
先生之謂乎余夙荷先生之知悵先生不可作茲幸  
司理公在吾郡其高風雅度宛宛如見先生矧又拜  
命之辱乎述其夙所得於先生者以叙先生集如此

二夢集序

日余謫之渥中也而扶病入關川先生子大為詩若  
文壯之行若曰首山颺領湘浦沉軀者夫非夫耶而  
謂河渚地難君耶余讀其言以自壯日從事夫山瀚  
海間施施漫漫與魑魅游吟聲鳴鳴達昏曙不自知  
其為孤踪浮繫萬里外頃之又浪迹太白終南益復

無聊悄恍疑昔人所稱黃帝華胥之國穆王化人之  
居以為真有冀萬一遇之而不可得則仰天拊缶而  
叩其所自為詩歌之曰萬死謫來身是夢六盤行盡  
路仍難云六盤者余前過六盤山而賦者也余本放  
夫逐人流離播蕩置餘生若棄蓋業已夢視其身矣  
子大一日走書終南山中致二夢集余得卒業喟曰  
余今又復得讀茲語耶子大周旋南北不為吏因而  
洩其神情逸抱於詩翩翩有塵外之致又舉其皖城  
部使二遊一歸之於無何有之鄉而曰二夢以名集  
此其志蓋可知矣夫宇宙萬古一夢也獨子大二遊

終太山人集

卷二

〇三

乎哉惟高明達觀之士為能玄覽無始橫睨六合而  
朗暢自家夫是以得而不有入而能返取於世者薄  
固其存者深而超然得完於天也漆園吏厭人間世  
而沈洋自恣至喻之曰蝴蝶禦寇氏又曰蕉麻若荒  
唐而僻於無夫然以中於世著於物者觀之則其無  
也乃所以為有而其夢也不可謂之非真也子大所  
取以名其集其指有在於茲歟余又聞子大杜門却  
掃雅志沉冥大覃於百氏以獨遠其遠對人若嗑溫  
谷深深如也此其中之所存未易測識而其為詩又  
日益富且邃審爾則子大又獨觀昭曠為世又覺夫

有大覺者為能知大夢子大蓋進於詩矣夫子大之  
處升沉與余之處禍福其為夢均也余以是習于大  
指而著其所以名集者如此若夫詩固自有知者余  
不具論

河南鄉試錄後序

孟軻氏應招大梁首舉仁義對志王王乃迂不用天  
下後世卑王之不足與言仁義而因嘆孟氏之不遭  
於梁今諸生抱藝而至一旦錄名登之 天府行將  
用其言冀以遠大行業斯其視孟氏不謂有遭耶顧  
諸生夙所謂誦法者孟氏書也其引觥吐詞而粹然

終太山人集

卷二

〇四

淵然充有司之目者則孟氏仁義之說也操孟氏仁  
義之說以貢於有司而遭過過之不識諸生異日者  
何以建之用而仰贊 聖天子明盛之理耶夫發揮  
聖謨恢張王畧而照耀簡冊者藝也樹厥節志表世  
範俗或出而當天天下事奠宗社靖疆圉以昭明於不  
朽者行與業也行業脩矣藝誦焉可也惟藝之工而  
行業卒蓋則錄士者其何以有辭於天下公輸氏採  
材於名山大壑得參天干雲之餘翼然喜而轉之洪  
河以歸謂是可棟而梁也迨梓人登場操引而運斤  
焉則蠹其中而腹若敗絮九方臯相馬於燕市也白

臣力不加焉於中選其一二耳乃御者駕之而橫肆  
絕響即王造不之良矣祥人御者指而讓公輸方臯  
公輸方臯各諤諤瞪目相嚮以為吾初抹而相者也  
詎謂有是耶士今以藝進而有司亦以藝錄士者竊  
恐其類是也夫二氏擅天下之絕鑒者也而猶若此  
今余之鑒謝二氏萬萬矣而能保諸生中無敗絮橫  
穽者哉余誠願諸生以藝進者務端其行業究王道  
仁我之用以光孟氏未有之遭而俾余錄士者得脫  
于佯人御者之讓斯幸矣不則不智之罪無赦雖然  
士之於世也猶金之在冶惟其所鑄為也諸生當

終太山人集

卷二

〇五

昌運在 聖天子大治鉤鏹中其為紫磨之金而不  
與礦石陶瓦埒也審矣異日贊王道精金而致明盛  
之理使天下嘖嘖稱得人曰是大梁仁義士其度乎  
不辱奇遭哉余故于諸生之始進也期之行業因舉  
平時首所誦法孟氏者申焉

擬河南鄉試錄序 未刻

河洛陰陽之會而神物之大藪也其精靈之氣沉涵  
而停鬱者每每化為雋碩以匡時翊運炳在往牒可  
睹夫迨于明興熙洽基隆文治汪穢諸翩翩翔讓藝  
林者率泊乎希乎有古治世之音焉 皇上登極詔

天下文復古一時操藝之士爭乘運濯磨悉悉若霧  
蒸豹變然其今攤卷手其文作而喟曰偉哉言言靈  
性之粹而

皇上之緒也蓋彬彬盛矣古治世之音其在茲乎夫  
聖人在上照天下以文明而士咸得竊其餘耀以自  
表見于世譬之靈曜吐而品物納光誠有然者矧河  
洛天下之中而午又中數也乃茲大比之科與庚午  
會不謂天地一運數哉固宜文之若是乎其盛而司  
校者盱衡眩鑒不可勝收也然其復有言為諸士告  
焉夫 天子運化清湯視不出閫而能舉溥海內外

終太山人集

卷二

〇六

可與願指目授于當宁者恃有是科目得人為用也  
諸士自燥髮讀書輒躍躍動義色張目擊節談天下  
事必欲起而躡風雲之會以出者期得君而事以宣  
辭展采也乃今上以文求之而士以文應之與其初  
指背矣然此謂徵選者資其法策名者階其術夫固  
有所借也及以文應之而出回視向之握管搗辭而  
爛然華者如優孟之學叔教談笑抵掌宛宛神情則  
星淵戾焉是謂華其積而珠無存也國何賴夫夫石  
田不可以耕木騮不可以駕猶之空言之不足以理  
天下也夫臯駟而鸞聲珉中而玉表世所為疵病于

斯文者以其為道之障也諸士業已人人言之矣而  
甘雨之乎古有耕莘之天民翊周之良翰皆河洛精  
靈所化汝鄉先哲也相業儒術衰為百代宗矣諸士  
盡傑而趨之以景行先哲不獨古其文而慙厥實用  
以仰副 皇上右文敦行之至意斯謂抒發精靈其  
無負于天地之一大運數矣乎此固余司校者所藉  
以道罰也洪範曰人之有能為為使蓋其行而邦其  
昌夫有能有為足矣而尤責之以行况茲士以文舉  
乎汝諸士其勗之

碧蘇集序

終太山人集

卷二

〇七

余視國華丘桐栢公蓋丈人行嘉靖中國華司訓桂  
林而余從邑諸生以戊午各薦於鄉大都稱同年云  
國華與其兄安縣公暨余兄萬安公並翩翩以文起  
江湘間人謂吾兩家兄弟親且友才名亦復相近焉  
安縣公談古學而國華攻古文詞神情容與絕出物  
表性好月而豪酒飲輒數斗酒酣耳熱與友人仰天  
拊缶大哭而歌呼嗚嗚舉一切世情而逃於詩若酒  
時人莫測也余近卜築城中土木猥冗中讀國華詩  
率多伉爽要眇之音宛有當代獻吉仲默二氏之遺  
焉今其年八十不減伏波躡蹻生乎惟此二大物將

茲際寄感時憂國吐之成聲至其 取酒浮洞庭遊赤  
壁登黃鶴吊鸚鵡盡洩其倪仰千口之懷於扁章悅  
欲起湘君坡僊崔禰二子與之論楹期品風物是不  
可以觀其塵外之致老而愈超哉昔伏生年九十口  
授人尚書陸龜蒙八十時放浪江湖欄天隨子皆古  
人文采風流著於衰白今國華並有之余曾謫所貶  
之詩有濁酒江湖閒日月清吟天地起烟霞之句蓋  
國華寶錄云司馬遷曰富貴而名注滅不可勝數惟  
倣儻非常之士稱焉因歷叙其杰杰列于著作之林  
者信知立言固不朽盛事而達人 不遠之偉圖也吾

終太山人集

卷二

〇捌

昌在昔稱詩有胡天游氏詩今讀之亦有可風者使  
生當今時共國華觴詠氣格必不一厘宋元雖然余猶  
幸吾邑有天游氏而天游之後再 尤國華稱詩也

寶綸樓詩序

寶綸樓詩者蕭比部君希高侈張  
諸能言者梓之以志永永也先是  
之跌坐之人道人意若津津有以  
其地披草萊而定方焉則宛然道  
為樓五楹落之日適與 爾書之  
樓書曰王言如絲其出如綸固  
所取以名樓者也

蓋君先令東安滿得上考功令以勞達於掌制而有茲命云諸薦紳大夫胥為咏歌其事而君以序屬之余余惟先王之勞其臣也岷岷遑將動其思柳揚雲靈感其期亦云厚矣豈若我聖世推嘉所自而有浩蕩之恩歟然而在邑令得之最難非任滿者不得滿而非徵科及額者不得又非屢列最章者不得而君今得之以天子在沕穆九重一旦知有君之入若毋獲其懿行錄之史氏而重以龍鳳琬琰之章昭垂於無極固宜君之奉以顏其樓而播之於歌詩也茲樓成而嚴巖武姥淇塘澄江諸山水絕特之終山人集卷三九

五岳遊草序

王觀察恒叔自滇緘尺一侑以五岳遊草十二卷來蜀維時秋滿嘖門劔閣余方厲士馬明簡教疲蕭爾抱痾已乃強起讀之愾然若失俄而侵侵然陽氣滿大宅也於是搃擊嘆曰若是夫恒叔之善遊厚若足夫恒叔之言言遊序遊之道其易言哉山水仁智之樂方以內者也采真汗漫之言方以外者也化人之法穆滿之馭故荒塘不足道乃古今稱善遊而又善言其遊者莫如龍門太史遷彰明李供奉嘗謂遷之遊遊而奇見於史記一書白之遊遊而達則見於聲詩歌詠言者云太白周覽四海名山大川一泉之旁一終太山人集卷三九



者不既多乎乃其書抵余曰麋鹿之性豐草長林行  
將掃天台片石為海東閩人此非不佞所敢知恒叔  
負不世材抱奇氣束身嚴廊振玉青瑣名流歸之乃  
今握兵西南墮又持文印於中州駸駸大柄用而詎  
曰塵躅可蠲長往可遂是不遇於時者言耳欲其胥  
如志也得乎夫游一也而其所遊殊焉達則以之發  
舒性靈商攷名理挹奇勝而凌景光跡在城中超然  
物外不則濡戀於顧觀山川之廓落嘆浮生之有間  
不覺心愴神沮感慨增悲故牛山之淚不仁岷首之  
嗟非智其於中也殆矣又何能浩蕩篇章指搗物象

終太山人集

卷三

〇一

洞衡續稿序

蓋駸選以還詩家尚開元前語而集大成必歸之杜  
杜公博極載籍上薄風雅即遭坎壈而忠愛藹然騷  
客墨卿亡與共執牛耳爭雄長者迺杜公則云此意  
陶潛解吾生後汝期何復設慕榮桑翁如是載觀蘇  
長公評杜公以詩入道淵明才意高遠如大匠運斤  
以知淵明寔清澹之宗子美獨窮其旨其歆豔直爾  
而卒未免有異代之感也余友洞衡陳公胸次飄灑  
睚背空廓負元龍豪氣步履常讀書名理內融物緣  
外絕其於風期月榭剝水孤嶼所接無非佳趣往往  
蔚為詩文珠璣錯落如云五柳歸來與未開黃化三  
運助清驪賞音自有無絃調不向尋常指上彈蓋脫  
然埃壘遊神邃初大都靖節矣顧其去就亦居然似  
之靖節為彭澤令僅僅八十日即拂衣去何其功澤  
留民間而昔人云彭澤到今更幾令縣人開口說淵  
明亡抑雅致奇姿比之龍潛鳳戢然邪今讀賦歸擬  
古飲酒詠貧諸篇總之本乎性情弗詭於道是以不  
必仕不必不仕混人間世作逍遙遊無之而不自得  
者洞衡有焉而余幸與公同時同里同科蚤歲相與  
擊筑燕市賞酒壚頭其悲歌寄跡又同茲撫蜀聞公  
涇江陽期年有遺愛見督郵狂態輒懶折腰來歸林

終太山人集

卷三

〇二

谷則彭澤令餘風矣斯其感詎管異代也與哉表公謬豈亦繁為綴語其前已復未書都門屬序續集逡巡未報也頃乃樂襄關心轅門執掌肱蔭得手墨淋漓湧卒業之濯錦江頭浣花溪上工部草堂巋然古今賡唱娓娓公胡不挈奚囊過之一問工部謂時有並生陶杜也者續稿凡六卷詩文雜著如千首

大玄吳氏族譜序

司馬公之譜厥宗也據而信典而核慎而有則家政井井綸綸班班炳炳至著矣余讀而嘆曰懿哉茲譜宗之庇也夫自宗法廢而傳叙之風湮士大夫有智

然太山人集

卷三

五

力足以勤于民物而行誼弗著於宗親者惟譜一立則雖世窮親盡而油然有一本之愛即散而之四遊萬里相越絕無異肩摩膝接於一堂何則以天下勢有必分而情則不可解也勢以情聯必譜焉賴君子於是謂吳氏長矣故以觀世系迹其象乎歷世九卜有九矣上下數千年名字昭穆婚姻爵謚卒葬之紀可考而原也以觀人物勾吳延陵之盛節古聖賢百世之師也其垂裕遠矣降及而之則洵文不就徵辟豫盾圭宗四子為得死所佐之直蒼之隱節哉苗蕞二未亡人其栢舟爭烈者乎以觀制典則溫綸與數

煌煌乎帝命哉由周而漢而唐而宋而元而昭代可  
以徵有家之光以觀撰述則文差詩出名人手者燦  
然備矣可以稽先世之實允此要皆譜其大者以為  
厥宗風也一譜而衆懿具故曰宗之庇也雖然司馬  
公之於譜也不徒言之又能身之焉始公讀書五雲  
溪上慨然以忠孝自許期於恢大先聞既登第入官  
厥歷中外積二十餘年至司馬明德徽猷所在表著  
如鎮虔勦累世巨寇知析菘剪莖令境裔百萬生靈  
歌太平至今社而稷之頃以司馬視塞上師塞上重  
經號令精彩倍萬疆場屹若增長城此其勤於民物  
之勞烈其赫燁若是非其脩於家而出之有本者能  
耶萬石君不言而躬行司馬公蓋類之矣余受司馬  
公命卒業之而知言之譜者能身之於家也為書之  
以冠於編

洞衡漫稿序

洞衡陳君嗽英武陵之源侵騷追雅大放厥詞聲稱  
藉甚今年春與余角藝南宮復北北者各各仰天嗟  
簸美余獨見洞衡君無坎壈益豪不自禁瞪目談當  
世事弗休謂余曰茲眩夢耳吾何暇復逐時儕操伎  
倆爭妍哉吾將出就吏隱以大肆力于作者之場即

然太山人集

卷三

古

死封狼居胥意不售顧鉛槧有信績矣因出洞衡漫  
福視余余歸印燒燈夜閱見其詞富且雄也嘖嘖以  
書抵后曰讀君之詩如入萬花春谷非一流覽所能  
竟又如張九奏于洞庭之野音者似絕調希聲使傾  
聽者不得瞬真騷壇鴻筆也廓而大之詐謂君有涯  
哉百司馬子長驪龍門禹穴而其文踈宕有奇氣杜  
少陵至夔而思幽入玄觚始化蓋宦歷壯遊者文  
藝之大藪而豪夫噴藻者之所必需也君之詞日昌  
矣宦遊而化不難矣余他日納足玄圃中縱觀巨嶽  
將求之則所謂流覽傾聽者而不可得其斯以為洞衡

終太山人集

卷三

〇十五

君之聖於吟乎余雅賞洞衡君之作而期之方軌馬  
杜不欲徒嗽英武陵之源已也會君厲余評次遂托  
畧書中語附之簡末

忠烈流芳卷序

洪武中劉懋節公死疆事烈甚 高皇帝詔旌之余  
小子從二百年後手其遺傳作而喟曰得死所哉懋  
節公夫勤王犯難忠之懿也糜軀殉主節之純也自  
有宇宙以來談忠臣必曰死夫固謂人臣之義合致  
身無餘道耳彼鼠竄偷生者率奄奄其氣與死埒而  
又益之穢後代談者之口謂臣節何哉 高皇帝之

有天下也大臣死疆事者首懋節公始日南叛公寬  
尚書 高皇帝以公故石畫之臣親授之鉞乃公抵  
日南威聲大振浮渠魁馘之 闕下無何賊餘黨張  
甚復遣公往公義氣勃勃擐甲躍馬仰天誓曰吾當  
滅此而後朝食公至師如游龍所向披靡忽一日大  
捷追賊至海口遇颶風大起猶復鼓而前遂陷賊圍  
中賊執公計挑公我下也乃公抗聲罵賊不少下徐  
又令公揖縱公公又抗聲罵賊不揖遂遇害事聞  
高皇帝為輟朝賜祭塋謚特厚又爵其子為給事中  
嗟乎若公者不誠烈哉昔人謂死重泰山謂人能死

終太山人集

卷三

〇十六

於不死得死所者也故臣而死社稷死疆場皆稱不  
死大臣出而討賊死所在封疆而公得之是公固至  
今存也公其烈矣哉往平原睢陽之事千載壯焉公  
非其儔耶觀其殺賊遇颶風不卻已又屢罵賊不辱  
斯其九死不悔之志豈待授鉞登壇時始定哉是可  
以窺公之素矣向使公不值其阨功成而身全其赫  
燁足術者特破賊靖疆之烈在 高皇帝神武區高且  
再造果何有於一日南惟斬其功而成其節以大臣  
死疆場哀為國初首烈風之來世今後代勤王死事  
之臣以公為師則天雖奪公而所以予公者要未為

不厚美公喬孫有九澤君世其家人比之子文有後  
益徵愍節公之報九澤君同余官國子每為余津津  
談先世事弗休且懼公之幽光莫白也將徵諸善鳴  
鳴之余惟公之事國史繼繼焉備矣復何言因弁其  
卷曰忠烈流芳為介紹諸善鳴者

謝道亨會稿序

謝道亨自為諸生以文起閩中吳川樓守郡武時每  
校士必最道亨顧道亨困不第也川樓不為惜常對  
人言曰謝生度幾如明月夜光終有識者何論眼前  
亦沉也道亨始一意讀書為文無却顧丁卯果以貢

終太山人集

卷三

七

中京闈高第人至是嘆川樓知人居無何道亨會試  
黜矣遂介然就仕領井陘學職而余亦遭時坎壈乞  
官阜平阜平與井陘俱真寔屬邑每相見必執手話  
平生嗣當道撤道亨與余督恒陽書院兩人者始得  
締為文社友院故幽迥據恒山絕勝院後有池池中  
架舟環植柳樹亭榭若若浮水上往以供高貴人眺  
賞而吾兩人得之當春夏交偕少俊四三人緩步水  
亭凭欄俯泓收美風佳月時攀柳枝結蔭進艇其間  
攤卷商量古今又聽池中蛙鼓闐然疊奏倦則呌酒  
滿引酒酣耳熱吟聲嗚嗚相與索紙灑墨淋漓以逸

其橫睨宇宙之懷當其與有所極即天地萬物何有  
也此其賞心投分豈直情好比昵之私已哉第吾兩  
人者竊有志當世矢志攻舊業日與諸生文會退則  
互相印可以究所未究諸宗工覽道亨所為藝奇焉  
擬會試事可待乃竟不待也豈升沉得喪固自有命  
歟然此固余業已付之造物且朝烟夕靄視之矣吾  
兩人相與各自勉以求無負于平生襟期者其固有  
在哉鍾井陘君子道亨與余有深知茲刻道亨會稿  
而屬余序之因述恒陽共事之雅弁之篇首

方司馬十二吟序

終太山人集

卷三

十八

大司馬金湖方公聲光薄海內數十年小子某自其  
孺少慕公願聞一言以自壯無從也則時時手公課  
讀之如挹朗神毅采焉已而公荷天子親授鉞節制  
三大鎮而某以使事出上谷鎮中輒自忘其賤賤介  
姓名上之轅門不自意公長者之命儼然辱而臨之  
且惠我十二吟某拜讀而卒業曰環大壤間皆聲音  
之藪而獵奇振藻者之所必資也故情以遇遷景緣  
神會本之天竅吐為完音夫固意匠之自然而性靈  
之妙解也然非有逸塵之抱則化境莫臻詩可易易  
言乎吾乃今窺公矣追事竣取道陽和謁公則見塞

垣以西山川無恙闇沕暗昧耀於光明視中州冠帶

國何殊也樵牧往來飛狐道上嗚嗚謳吟弗休也即

辨彭公賈曾之使者雜選至而公之神情容與以談笑

當之賢於十萬師以故洩之聲詩宛宛似與塞上樵

歌相答響蓋自公鎮鎮以來而太平運會之在邊徼

者甘盛也夫三大鎮至重也 主上將西北之長城

鎖鑰倚公至危也戒心至叵測也邊務綢繆至劇也

而公獨振黃鐘大呂之奏於材官夷使中此之為抱

蓋可知矣夫人惟中之所存萬物以為適則環大壤

間觸於目者皆吾助也即升沉置寂之異值不以為

終太山人集 卷三 〇十九

真寔見而以之發吾真趣故適在真境而音生焉適而

非適者也外重而內拙也適在真趣而音生焉適而

適者也輕萬物而神無累也公之吟十二要皆無升

沉無豈寂而天趣有在不以彼易此者其不可以貌

其微哉當是時某別公行矣公又出卧遊清趣卷以

視世蓋圖品題諸風物於冊而綴之吟甚富某率卒

流時見如張九奏於洞庭之野神爽飛越不自持也彼

漱隘其惊寄而欲圖寫高明以為憂者即劇心濯骨

以釣玄何能達化境哉故蹄涉之遊非所以語於天

地之運也榆枋之適非所以語於達人之大觀也某

無能論公詩而因述所以窺公者若此

田侯章華別意圖序

田侯之令華容也政成而以高第入徵華之父老兒

童相顧歎歎奔走聚而語曰吾邑屆洞庭江湘之間

歲惟潦之虞民之瘵也甚矣非得公負固惠愛者燠

咻而撫柔之其能有瘳乎是公蓋有大造於我也公

去其謂我何諸大夫士相顧歎歎奔走聚而語曰吾

邑入國朝來以文物望於天下頃士之阨久矣而其

文寔昌莫必有乘公之靈而奮者寔惟公以文飭吏

劇而成之也公去其謂我何去之日士民無慮數百

終太山人集 卷三 〇二十

十人攀號之聲震水濱遮道枳輿不得發居頃之為

立生祠祀侯又不已而復圖其送行攀號狀以志思

焉余惟侯之惠政在孫兆孺所為碑文中余無論獨

論侯為政大都謂其繁諸靜夫靜也不厭深眇而冥

於無何有誠志之也人之服於我亦以志也夫春融

煦物而無迹甘澍潤物而無聲謂靜也和之至入之

深也震雷飄風不崇朝而改聽易視矣其能入手此

身不下堂者登車父於化國而何武於去後人常思

之也頃當吏治射核之會諸豪健吏率務馳驟其民

以驚能賈聲而侯獨用靜則其得民固有然哉侯今

在諫垣歛其數和一邑者化為膏澤滲漑天下而實  
然無暴著之迹此其視今華為益深矣庚桑楚之居  
畏壘也無樂乎畏壘之細民竊竊然尸而祝之社而  
稷之也華人之立祠已非侯之意矣又復沾沾侯而  
圖前日赫赫去華事以為侯有耶若淺之乎思侯者  
詩曰愷悌君子民之父母夫赤子之於母也就之則  
喜遠之則啼號而踊慕此無他誠乎母而動之者天  
也侯於華稱母配古之母以杜稱者固宜華之人戀  
戀若是傳曰民之不能忘也夫有所不能忘者而後  
能忘是可以見侯矣友人白子叔升孫子兆孺屬余  
終大山人集 卷三 〇三

酒史序

往余謂酒中人聲利亦中人中於酒者酒中之也然  
而天機存焉謂夫中之而非中也有寄焉故也中於  
聲利者聲利中之也然而天機喪焉謂夫中之而中  
也有溺焉故也夫酒德盛矣乾坤且墮於其中而何  
有於世之悲歡得喪榮辱升沉是非乎以故其中人  
也而人之性靈寄之彼饜於聲利者決性命而性靈

與之俱化矣是酒與聲利之中人蓋有異焉余生也  
不酒將持是遇酒者質之趙括極手無懷馮山人酒  
史六篇視余余讀而嘆曰異哉酒而史之耶吾於是  
做山人之憂於寄矣夫吾人出而事功退而風栝山  
人在物外事功不與而風格與焉則其音情逸抱固  
不得不有所托以長嘯萬物之表者固宜其必無趙  
數千里為醉鄉豪遊地與夫至人嗜精曲士玩形其  
天殊也痼情癖志於饋醕玩形者也做物以為用而  
棲神發興嗜精者也故古之高人其才氣橫睨八極  
凌跨千古時不我庸而一切逃於酒舍是則憤世傲  
俗之懷若視天下無所于寄此非做物以為用而獨  
嗜其精者耶彼高談性命者執繩墨以議風流至考  
其功用卑卑甚或沉酣聲利其惡抱俗態適足銷醕  
博一噓矧云嗜精夫古之高人中聲利而中酒又  
中之非中也故後世稱達焉山人負才豪宕而老諸  
生其風格儵然絕俗乃寄豪於酒而善中之讀其史  
若起劉阮諸君與之飛觥引滿白眼望青天而不復  
知身世為何物至其絕筆一詩結此酒素天機栩栩  
與造化為友蓋至是而山人之酒驗矣嗟夫以山人  
之豪而逃於酒吾竊悲之然讀是書而能為世之中

登利者作一解醒則吾猶幸於酒見山人也

表壽太司寇西翁王老先生七十有八序

王仲子應是官南中一日造余而言曰鳥之由北而南也遠家大人晨昏又遙睇南雲悄悄恨身羽無從焉今茲以使歸也得道家大人膝鞠騰薦一觴上壽其誠懽若倦翼投林涸鱗赴淵焉余喜而應之曰穆公異姓子也曩起家蜀中往返登公之堂見公神氣英英類孺少卜公無疆今以仲子知公之年何能為祝時同鄉劉子馬子亦謂余固習於公者其脩祝辭余惟公昔為大司寇也穆蓋以即吏事公云易曰君

終太山人集

卷三

〇三

子知微知彰知柔知剛萬夫之望貴知幾也知機則達達則恬而以深為根得全於天斯可以觀至人長視宇宙之道焉慨自世風之日降也人務利觚為圓以巧合取容而天地剖判以來元精正氣朗然與四序三光並流耀者不知何在大都中聲利桎梏之拘其形柴柵之盈於內而之以之豉望於俚佻恬愉長視之道相絕萬里矣公為大司寇時操天子之三尺以懲厥奸慝值今上冲齡中人大璫口含天憲公卿大夫槌手閉目惟指之承獨公無嚴貴幸事干若曹一切實於法諸大璫噉焉矯詔欲中公危法公屹

不為動曰吾法官也若若所憎予之重視若若所喜與之輕平是不法不官也吾寧法視泰山身視鴻毛而肯為若奪當是時曾太夫人春秋高思歸項之公上陳情疏奉曾太夫人歸中朝士大夫皆謂公之正於天子之近人不少借而能展脫公卿之榮公之歸又不俟終日而以將母行也有不以三公易一日易謂萬夫之望惟公有焉公歸而獨專一丘一壑永惟太夫人極色養之樂適觀日躋遐美王氏稱德門自宋以來五世同居而逮於公公置義田二百畝贍族人捐金倡脩橋梁繕城墉邑人賴之居常杜門讀書

謝紛息機冲然內達若土苴萬物委脫形骸而有不如其年之將至者以故年幾大耋猶神王而富於聰明夫自李斯噬臍於東門主父畢命於五鼎由幾之不早見也公獨觀生人消息之道以長嘯宇宙之表蓋誠達矣達則恬而以深為根得全於天此公之所為無疆也夫完連城之壁而歸之者其精常燭然著由弗缺也夫是以二物永為希世之珍焉公之完歸善藏以全其高固天之所以昌其美也在昔老成人如太公望享年百有餘歲八十載之後車以鷹揚與國

終太山人集

卷三

〇四

室年已九十申公其耄矣而來安車蒲輪之迎者發  
力行一語為漢治助公今以六月息矣 天子倘思  
老成看碩旦晚舉太公申公故事詔公入必將改容  
而禮之曰此舊時大臣中持法不阿為權璫所齟齬  
者也 不其為中朝九鼎大呂重乎 雖然公蓋完歸善  
藏者也 今自謂在齎過之矣 歲當提格屬公懸孤  
仲子展省為萬年之觴矣 比次其言授之

奉壽王孺人八十序

嘗避往牒見秦皇之旌已寡婦清也謂一女子足風  
秦矣及見程嬰氏不與下官而抱趙孤為趙之後後  
終太山人集 卷二 〇二五

世論者不謂程文夫行顧不秦女子逮也夫謂有重  
焉者在耳王孺人少慧能誦女史年十五歸其公公  
性果毅孺人事之謹事其舅某姑某又唯謹徽懿之  
賢孝於閨中孺人雖宦家產顧獨儉勤自勵先業日  
拓諸內事并并綸綸稱辦焉夫此其小者也當其公  
之化也孺人年二十七二子女眇然孤也孺人顯天  
動幾紀者數數碩旦夕從夫君地下家人勸之曰二  
老人亡堂汝侍也二孤不天汝撫而育也汝棄而從  
化者知存者何孺人遂憤然曰情有死而輕又有生  
而重與吾捐生稱凜凜女丈夫博節烈賢聲孰若便

吾舅姑稱孝子女稱慈以慰化者於九京是吾夫亡  
而未亡也於是嘗水嚙齋日歌黃鵠吟孤燕以終其  
身者餘五十年蓋介然栢舟垂烈矣夫閨閣筭帙之  
流非有經史師友之傳談說道理之素也願每每鴻  
毛七尺不難於一決即冠裳鳴珮之夫率退然讓其  
敢亦奇甚矣然激於天衷發之慷慨或能其暫不能  
其恒視普水嚙齋矢志五十年如一日者又不知為  
何如孺人矢志而其孤賴以立卒之元王氏宗節於  
已寡婦清無憾而不欲快心於迫搯一決則又程嬰  
夫夫之槩也孺人舍銘美厥孫景隆輩而謀之成以

終太山人集

卷三

〇二六

文秀發昌大其家又身享八十簞筭之笑不謂其天  
哉夫天之道猶酌也挹之此注之彼故膏其餘者豐  
其箕苦其行者昌其嗣夫是以敦善喜脩之夫特此  
而不惧不平以今孺人觀之亦信景隆又為予言里  
中有鬻沃產孺人而謀徙其墓者孺人固拒之曰吾  
欲產而乃播人之先靈天其與我嗟嗟孺人有天矣  
固宜其後事若是吾獨慨今之抱節負奇者乏顯揚  
光大之媒而反不若已寡婦見旌於秦皇之世也余  
於孺人為瓜葛并習其行而比次書之續景隆持而  
代觴



壽鍾竹溪暨配高孺人同登六十序

珊瑚茂於重溟若木長在賜谷以重溟賜谷者造化  
精靈之大宅而珊瑚若木為之揆播其奇於寰宇者  
也溟陽鍾君生而穎異英氣橫發侵流筆識者業以  
希世之珍奇之歲戊辰以瑰文取制科補井陘令井  
陘山邑邊務蝟集極稱難治君精明敏鍊諸所注措  
能聲翁翁震 畿輔余始見其人粹然淵然無復城  
府畦畛而絕立聲利之表久之知其心行卓犖又古  
之有道君子而非徒今之所謂才有司也因識君為  
當世大雅云竊意君之所以毓秀登祥當必有如重

終太山人集

卷二

○七

溟賜谷者而吾無從知之也居有頃君以職事入恒  
陽語余書院中曰家大人壽六袞矣明年余母壽六  
躋乃一官數千里外莫獲造膝薦一觴每停雲悄悄  
恨身羽莫奮焉余為慰藉久之因具悉竹溪翁與高  
孺人之駢德齊美而知天之所以崇報者為無疆夫  
夫竹溪翁者漂之爽雅敦義人也生平喜耽書史寒  
暑不輟性尤樂施喜脩即家素不豐而好振人之急  
至其風况絕俗酷嗜此君每誅溪討谷友月盟烟聞  
水聲潄潄在叢篁間輒儵然欲銷盡世慮遂號竹溪  
主人以見志毋高孺人名家產婉順而莊為能相竹

溪翁以樹長者聲而孜孜以經術行能課令子寔與

翁同心焉信乎如重溟之茂珊瑚賜谷之長若木所  
以毓秀啟祥篤生大雅如君陘君而又夫婦駢德偕  
美茂凝遐祉若是也今井陘君賢聲達 當宁日夕  
且詔依輦轂宦業將赫霍若卸榮及原本翁夫婦當  
益怡神暢真行與安公王母論年且井陘君視將來  
宦業赫霍若一毛而悄悄以不得薦觴二親膝下為  
恨顧翁夫婦之意則有不在 此而在彼者此正井陘  
君之所以為孝而翁夫婦之壽之所以為無疆也今  
與井陘君有莫逆聞君之家慶若是願鼓舞灑酒為

終太山人集

卷二

○六

修一快而不可得爰取重溟賜谷况翁夫婦而此  
于篇以貽之

賀邑侯朱景亭榮獎序

自昔良吏展勳流光聲實遠施者非獨其政之異也  
蓋亦夫寒者利短褐饑者甘糟糠時會者哲士之所  
乘而起功之藉也吾平僻在萬山中邑大夫治可臥  
古及今俗尚敦固秀文項以其僻也民動逞嗟育之  
怒以為訟株連糾結而莫可詰民兵通吏胥營縣漁  
民吏一切括諸不急切者造牒山起偵商標之請署  
官從簿領填委中或縱筆受署不吳藉寇兵而齎益

糧無論此即一署出民家其毒不堪甚矣此其弊在  
吾平為甚夫營繕其小者也民之遠者官不能來官  
必求之保戶民亦倚保戶為窟而憚當官官民相隔  
若燕越保戶與吏不將攘臂其間目語額瞬奇貨視  
鄉民而乾沒之矣夫鄉民舟楫不通十穀不能易一  
金及至剝膏血以輸之公又為婪其半歲通何能償  
也平坐是稱刁夫其故也久矣夫易窮則變平蓋亦  
一運會也而得朱侯侯至謂余曰平稱刁信乎余曰  
非然天下不患無良民患無良吏在治之金惟所鑄  
入鈞之泥惟所範夫謂視民視乎其吏也侯以余言

終太山人集

卷二

二九

為然居頃之見侯悖之德敏妙之才日施於政舉百  
十年敝壞而蕩然與更始且約法民曰塞漏者徇其  
孔維圃者剪其蔓吾與若異姓父子也而今燕越之  
者以保戶吏胥為之孔與蔓也吾為若徇為若剪今  
若我親其名如期輸厥賦又痛繩諸猾之大不類因  
緣互為奸者民舉手相慶曰天幸惠我主公將有大  
造於我我等庶幾用康其曷敢後於是乎不煩一辛號  
呼正賦而民相率輸之公瘞數月民之當官者省無  
名諸費千百計即歲大侵有不費之惠焉株連糾結  
之訟克瘳矣侯摘發如神論報不宿辱徒束手瑟縮

受成其爰書而已此其視庖丁之批郢導窾由基之  
決拾遺鏃奚殊也以故百口歸明而服其平諸操縵  
請署者多歛足退項又課諸生之藝而品其雋期大  
昌於文且杜請謁端士習侯之政於民於士井井矣  
要皆本之貞固惠愛而非矯焉以賈譽者民部公褒  
辭中謂有古循良風非溢矣少尹王君朱君尉高君  
以余知侯微子言為頌予惟公輸般之新敞宮也隆  
其棟俞對之療中乾也完其神吾平自昔敦固秀文  
今稍稍敝壞矣以侯強明平恕邁會子臨之其棟猶  
然隆而神猶然完也即其譽逮民部公其在台司可  
終太山人集

終太山人集

卷二

卅

暨見矣異日者勞書最章赫赫冉下不以先茲褒也  
已語曰樹德莫如滋除害莫如盡也詩曰我  
心匪石不可轉也謂厚終也侯橫驚萬里平寔發軔  
吾於平踟足而頃太平願與諸君適觀侯之成而知  
朝家必顯異在平者為九牧風也

壽外舅守愚余君六十序

語曰人性寬則壽吁然哉蓋任性率真之流其心地  
態度類多閑蕩坦雅而罔牽跼于世俗用能寡營息  
機收精內觀以頤神而延筭反是者竟坐動勦塵瀾  
中適自促其歸耳嗟嗟謂人壽筭果盡屬造物乘除

哉吾外舅守愚余公蓋閑蕩坦雅人也壯弗耀即退  
而栖于野見世之馳逐聲華輝霍高顯者動榮辱慶  
吊相尋則曰惡用是莛籠我者為哉見有波波汲汲  
彈竭一生精力為豐殖計甚至憑美機權淵謀而併  
毒以機事滑其中而不能遣者則曰惡用是戕伐毀  
滅我者為哉緣是一切屏聲利機智不事惟以白石  
之麓風景幽曠覺逸興發仰天俯缶而歌歌曰樊  
籠兮吾不羈戕伐兮吾不施茫茫大壤兮吾其舒白  
山之下兮可以棲遂長卧其中放浪形骸儵然超出  
世情變幻之外而以愚拙自抱因號曰守愚云居嘗  
終太山人集 卷三 三十一

壽非然耶矧公諸孫森森異骨統膺盈眸殊備極晚  
日告先闈之娛他日龐眉皓首覩後事赫赫神暢而心  
怡遊美將弁于無疆矣然則公茲特始壽也謹以是  
再拜為翁祝云

賀太學李王齋暨配黃孺人七十雙壽序

士有負才氣不究厥施而舍光收精長視宇宙又夫  
婦偕也斯不謂天道哉夫天之道猶酌也淺則注之  
猶盈而也翕則張之故取於世稱多則其夫於道彌遠  
而壽其榮者必昌其美固乘除之大較也王齋李公  
少從諸生才高氣豪有凌厲一世之具而不為時用  
遷太學上舍甘心恬澹沉澁絕意時榮舉世熙熙穰  
穰惟機事之滑其和而公則日攤萬卷翹翔百氏晨  
風夜雨燈常熒熒而時以其所得洩為篇翰至其孝  
友之篤於家與行誼之式於鄉者數十年如一日也  
厥配黃孺人幽閒貞靜趾美大家孝於姑和於妯娌  
而和熊斷織以訓其子孫一切綜家以內事種種稱  
理以故相夫君好行其德蒙故業而昌明之者亦數  
十年如一日也夫是以駢德齊美荷天之錫而七十  
偕也余每謂文木可以為犧尊玉禾宜羞之清廟而  
願令識真者發溝中鴈鷺之嗟以為世之所養非所

周勃有負才氣無雙如李中郎者終身不侯焉公才  
 氣不在李中郎下而乃歛之為主盟泉石嘯傲烟霞  
 之客非其質矣然而公雖未發明於功名而精采播  
 於四遐鄉閭推重時或從讀書之暇引觴命局浮白  
 呼酒樂其有名媛淑慝之助而相與直追梁鴻孟光  
 之逸執斯其過封侯遠矣夫人力之所嘗也有涯而  
 心之所冀也無涯以有涯酌無涯故堯禹不能釋其  
 憂宏跡不能滿其樂公之恬澹與孺人之幽閒因宜  
 其長視宇宙而茂凝選社於茲也養生家論壽視膚  
 肉消長公狀貌魁傑脩幹廣額巨口豐頤逸氣軒軒  
 然太山人集 卷三 〇三三

艾熙亭先生文集卷之三  
 平江 艾 棣 和甫 著  
 沔陽 陳文燭 王叔  
 新淦 朱孟震 秉器  
 高邑 趙南星 夢白  
 臨海 王士性 恒叔 校  
 不肖孫日章輯

序  
 賀少保王公晉掌本兵序  
 始 上詔少保王公入也蓋謂公有臣虜功云夫受  
 然太山人集 卷三 〇三三

專閫重臣為國擔負不釋者臣之分也帷幄而授之  
 太阿俾得專而終厥功者明主之重用人也公名震  
 夷夏由京營而司寇其於兵刑赫然振矣居項之本  
 兵缺 上若曰惟茲大司馬佐王平邦國九伐是司  
 今臣所不臣威靈暢於荒服誰為功者茲非王某何  
 勝矣吏部疏公名請 上允焉朝中士大夫咸動頌  
 相慶謂重臣柄樞筦國屹有泰山公之功著邊鎮有  
 莫殫述獨以其督宣大時威聲虜魄適大酋休咎  
 之孫把漢那吉者入塞也人謂此虜一孽稚子何所  
 關中國安危而公獨亟上書 莊皇帝謂臣今而得

所以制虜矣漢那吉入必為大酋所急大酋急而吾  
諭以縛我叛人獻 北闕下我將厚待那吉遣之還  
冀以是陰結大酋懼而虜必制於我旦夕且款我願  
為外藩宜聽之當是時廷臣謂虜巨測洵洵議莫決  
余以書抵政府曰虜之強我疆場常也今一旦輸要  
領款我異也吾得虜之異而不忘虜之常是款非吾  
恃所以為吾資也夫使虜忘戰而弱其兵吾乘暇而  
脩其備異時虜款而吾益精其所以勝虜者即虜不  
款而吾已得其所以防虜者此羈縻待詐而千載一  
時也幸亟首弗失政府亦以余言為然頃之報可公  
然太山人集 卷三 三

一以屬公者吾故曰惟懼而授之太阿俾得專而總  
厥功者固 今上用公意也夫大虜之款一制而東  
南山海之氛不足為公有矣昔周之為王喉舌者仲  
山甫唐之身繫安危者郭汾陽以公不戰臣虜之功  
倍於東方之役單騎之降而天下以山甫汾陽待公  
者顯然有同情焉然則 上之用公寧獨謂今日哉  
將若立有待矣余與公議款合遂有莫逆於公又前  
此休公京營今又代公司寇皆無能如公舉其職茲  
以公舊即吏戀公為述公功而竊窺 上意之所以  
重用公者若此云  
然太山人集 卷三 三

賀少司馬吳環洲總督宣大軍門序

天子持重界之重臣專閫而寄則孰有踰邊鎮督府  
者屬者宣大缺督府以少司馬吳公代 朝議謂三  
大鉅要害猴火羽書呼吸緩急自非石畫重臣負文  
武材具隱然建威而銷萌者何可令一日當軍于耶  
乃今慎簡吳公肩其重矣始虜之乞貢也賴當國者  
排群議決是公是時鎮上谷余移公書曰虜之解辦  
請命交臂受事也此天所以資吾而吾得借之以強  
也蓋以羈縻待詐而未陰綢繆脫五夷渝盟有如漢  
呼韓故事吾及時提十萬橫行無論荷戈旆闕即蹈

陰山之壘籍居延之場刈龍城之旌惟吾所欲而何  
變之取圖當是時公然余議果練精兵數萬人余親  
見其無不一當百者頃之有謂以兵疑虜者公遂稍  
稍弛焉夫躁而梯屢非計玩而須亂非計洛水作師  
昆池象戰古帝王何為者乎故君子不為急則脩具  
緩則弛擔時方戢戈索矢號天下承平日忡忡如對  
壘今百萬大羊視若虎豹在山豈必俟提袍秉劍乃  
為習耶夫宣大為漢大將軍青驃騎將軍去病所嘗  
度幕斬虜首數千全師還者也今為虜入欵地夫夫  
二鎮通市則九邊無恙二鎮閉關則三陲棄城詐謂

終木山人集

卷三

四

可一日懈防耶公頃撫上谷以一鎮當五單于六年  
兩成市塞垣以北穡人終銜刈之功而亭障廢者咸  
新矣兵費積省數百萬歲免邊民於血刃者無算  
天子勞焉晉少司馬今復重畀公譬之鳥獲千鈞嘗  
之素而任之敢夫以公之德望名赫赫在谷為虜  
信博非一日矧今又握節制重兵願歎者虜制歎者  
我歎而虜備可歎而虜忘不可人情溺晏安堅銳之  
徒不烽燧不警余願公如曩之告公者於諸鎮中取  
財於素羨蒐卒於勇敢時訓練節紀綱懸賞旌若撫  
若守不以妨戰令帶甲控弦之眾氣凜設寫戈耀泉

日種赳赳桓桓於域中而折衝壓敵勝於無形則制  
欵在我三大鎮可永永莫矣此衛霍讓功而文武論  
烈者也公其爵之易曰襦有衣如終日戒豫也詩曰  
建旌設旒憂心悄悄美懼也孟子曰有安社稷臣者  
以安社稷為悅言悅必先之豫與懼也公蓋社稷臣  
有其重矣

賀秘書黎瑾石晉秩藩大夫序

司馬相如在武帝時帝讀子虛賦高之發為生不並  
時之嘆至其召問而以為即也實由狗監侍上為推  
轂馬融通博三入東觀而以上廣平頌取忤十年不  
終木山人集

卷三

五

調夫相如文遇人不遇者也融人遇文不遇者也然  
要之二氏亦皆不可謂之非遇我 國家以時藝籠  
天下之才天下之才咸介藉是以嚮於用而所遇自  
其所業其或不束於制而縱橫千古以自喜者若沾  
沾鼓瑟好等之門也而所業非其所遇乃有用其不  
遇者遇而赫然成其名以顯則今瑤石黎先生有徵  
焉先生家南海上其尊君御史韶山公以直斥贈符  
卿仲第惟和官吏部而樹聲循良則有若今臨川君  
皆以所業遇斌斌世其家稱盛而先生獨用古文起  
自其為翰林歷南北諸郎曹兩 詔入秘書書也代自

李何脩復騷雅西京之業以延於手麟元美諸公先生獨從白虎青藜中振金鐘大鑪之響相與颯颯乎詠歌太平以翊我明之盛天下號稱文章家無不知今木天中有大昌其鳴揚抗風雅如先生者蓋先生之才與其官值而當於用也然先生才雖當於用而實不有其用也聞先生為人其氣深深如也舍光則華如大圭不琢也又如温谷之嗟而飲人以和此謂以不用為用也夫以不用為用以故為木天重而木天之地若不可一日無先生者不則世非乏才而何以兩從即署借先生耶頃以世宗肅皇帝實錄

終太山人集

卷三

五

成增先生藩大夫秩又

賜宴賜金

天子所以寵

靈光大先生者不謂文士希邁睹者執今夫獨行抱藝之儔孰不欲納足著作之庠擗寸資效尺能以自見而天斬其遇卒至含抑白首者何限先生文似相如衰然荷上上拔群之遇固無煩狗監為之先容博如融而兩入秘書與三入東觀事相類第其官以文遊遷而非若融之滯淫不調蓋文與人而兩遇宜莫如先生者足以光二氏未有之遺矣先生以不用為用故其用大以不遇為遇故其遇奇也雖然先生尤不有其遇也聞先生向休沐歸里締盟羅浮之猿

鶴烟霞者數年矣茲復戀闕來長安而又曰吾倦

遊人也忍終負羅浮山靈乎以是知先生不有其遇也今上親儒右文安知異時不如唐太宗引虞秘監與談古今帝王行政樂聞規諷以行先生學又安知不如詔許賀秘監千秋觀故事俾得放浪詩酒稱羅浮狂客以成先生高此其遇固百倍相如與融也先生侯之夫出不忘隱者適也入不害存者定也適與定固先生所為不有也吾蓋窺先生矣余友王敬夫蔡伯華沈純甫輩以文字交驩先生快觀大拜之榮屬余為文賀余不敏聊以所習於先生文之

終太山人集

卷三

五

贈司農大夫陸思山守興化序

甫中士大夫在京師者一日聞思山陸大夫之命則相與鼓舞侈一快而曰大夫固當吾甫哉夫吾甫自常衮以來秀文而美俗蓋天下翫解地不煩操割即一長者卧之頃緣海氛甚惡甫首櫻其毒迄於今民猶有禾瘳者夫緩而撫摩急而保障達權適治責在大吏也又齊氏擅山海為利宄奸而數蠹不可詰豈右非大擊斷莫定也守必仗才器兼周者乃今陸大夫當吾甫矣夫子聞之喟曰公輸之斤宜木俞跗之剡利疴甫人言則大夫先聲之為也大夫機警有鋒遇事

如大阿出匣萬象辟易昔為理官建昌讞火疑獄數十此數十大獄者格於公與明而顛肺石誦梧舟無以自白見者也乃大夫犀剗而燭照之萬口歸明大為臺卿應谷劉公所器嗣入為即曹督糧河西務項之凍糧百萬石露積河滸矣又海運且旦夕須之千萬艘夫而大夫策而應之皆濟又漕河關國大計而雲南司則居中持議以決策定功者也大夫以獨智折衷其間歲覆督漕者幸至數百上運事賴底于績諸如決通海阻開河疏錢法執奉年例珠寶等事直以身當然謗蓋能聲藉藉却中矣此蒲中士人之

終太山人集

卷三

八

所習於大夫而相與矍然傍一快者也嗟乎今人談吏事難至於守又視為理為即難以余觀大夫則不然夫御如范氏造父莫良焉謂其能登降九折而鳴鑿八衢也不則人從而驚之矣鋒如湛盧蒙曹莫利焉謂其能水斷鱗而陸剗犀也不則人從而鉛之矣何者嘗之以難且鉅而後天下之奇見也大夫其將於蒲徵奇乎然余嘗讀班氏書矣班言循吏人人殊至其樸茂寬仁不冀幸名高而無淵魚之奇則亦合其民安其不擾即警亂不忍散而社而稷之謳而吟之者又不謀同聲如頴川渤海之厚豈不亦於國家

理道靈長有裨於人言大夫在司署中其氣深深也舍光閃奇不求多於人又百冗雜沓填委中應之甚開而不亂其器如此夫是以能用其才也異日者蒲中當不讓頴川渤海矣

贈王雲石更賢遵化序

豪曹天下之利器也大而用之則剗犀斷蛟之鋒著龍媒天下之逸足也遠而驅之則追流星先飄風而得以自奮其所長國家之以才官人也知此道矣我聖明御極以來崇重吏治今年夏念遵化為內罷劇邑需賢甚急須得頗雋不常之才試而有徵者往焉

終太山人集

卷三

九

今天曹上可者名天曹博閱天下才令中稱利器逸足者莫阜平令先也遂疏覆故公有今徒云阜平在恒陽萬山中土瘠而民貧政俗彫敝為天下最例制科起家者禁不以授公觀政天曹天官公習見公才試之于尋常大都莫可伸手展足之地以觀其能而後任之大且念阜平僻在西北隅如父病疴麻窳奄就木之人冀旦夕得倉華聖醫投之以神明之劑嘆之以人還之粒令其躍然喜斂然絕而復蘇也公緣是被命而來余時乞官歸省卧病數千里外遭延不能竹一得公報憮然曰吾有幸矣遂挈裝就道無程



而底阜千比至觀阜平彫敝狀且什伯于前之所聞  
而民之動顏歡呼喜得公如蒼華聖醫者嘖嘖同聲  
焉顧以水土不習數於邑余間道之日聞汾者光明  
之招也震動者亨通之媒也公今試諸艱難正日者  
得力處也矧大雅高懷自當浮雲世態乎公亦以余  
言為然居無何見公日益履堅秉貞而遊刃于阜平  
也百廢胥興曠然改觀矣積逋經十穀年不輸也今  
輸矣城塌不完也今完且雉堞歸如奕如矣殍且徙  
者日相望于道也今歸廬樂業延頸既化無復殍而  
徙者矣饒庠士率不文也今作之多方將昌于文矣

終太山人集

卷三

五十一

至是而阜平厄羸之疾其有瘳乎公之才其試而有  
徵乎夫前公而為吏者衆也類得舍視其官而坑溺  
視阜平居嘗怏怏不自滿矧能庇及士若民而一賢  
聲即有聲矣僅務操切補塞罅漏借此覲除拜以一  
過苦海為幸無其大建明以公今所措設觀之信哉  
豪曹利器不擇割焉龍媒逸足不擇驅焉而秉銜者  
猶謂屈割犀銜蛟之鋒于切割頰擊電追星之足于  
蒼途甚非國家官人以才者意也因更公遵化夫遵  
化之地鉅矣而阜平之地之艱難且百于遵化公今  
賢阜平其賢遵化可知也顧遵化極邊而北近 帝

極則種種戎馬事已有重臣彈壓之且吏之才長于  
批擣者得以自見近 帝則朝所注措暮可達之朝  
堂而公以豪曹龍媒當其衝果何施而不利會見  
聖明日有聞知必按體泉召對故事亟詔公入夫余  
循實僚暨諸生餞公于郊且觀阜平赤子遮道呼天  
共挽而留公之轅莫釋也聊述繾綣于公者如此

賀大中丞東源朱公巡撫應天序

天子計安元元于畿甸之外開府置戍歲簡大臣填  
撫之然其人必長厚博碩廓然有天下之度者如克  
撫然而定亂隆慶己巳春東源朱公以冏卿出撫保

終太山人集

卷三

五十二

定公前在太僕綜天下馬稱精既而督撫寬仁御屬  
屏絕聲威諸所愛養存恤六親之積察以蘇其德如  
春融甘澍入物無聲歲沱河水發濤聲撼天真定全  
城幾不保公竭誠禱于神歛見河伯效靈水勢頓落  
九月秋防忽報虜酋騰發逼紫荆關羽書日夜告急  
天子震赫詔公禦馬公身領士卒直抵虜鋒神氣  
自若目中無百萬犬羊日惟飭戎整伍誓盡殲群胡  
隻輪不返也虜見軍容震疊褫魄瓦解事聞 天子  
嘉曰其在朕其無西北憂居有頃擢公副都御史巡  
撫應天兵備井經崔若易州何君天津周君大名張

君如率悵公之南也徵余言為賀余惟公以太和元  
氣始循其民絕不見有操切迅激之迹可謂行所無  
事迨疆場有急則又以其身為萬里長城屹然如砥  
柱之障龍門者非長厚博碩廓然有天下之度者能  
耶晉之出將入相望達曰夷者惟裴晉公宋之瞻寒  
西賊而垂紳正笏措天下于泰山者惟韓魏公有天  
下之才而度過之至今談古大臣之度者歸焉公之  
度如重溟濠谷包統萬象不可涯涘與裴韓齊德南  
中人思得公如饑渴公異時之鎮南不猶今之所以  
鎮北耶或謂公為北撫凋瘵定疆場民用太和而廟  
終太山人集 卷三 〇三

贈揚公憲副滇南序

聖王之治天下遠邇一者也故其心常若舉四遐萬  
里而運之當守於是莫安荒裔之謀有急於近扶輦

轍者邇者當軸元臣盡反前局體為請於上公邊  
徼地須得聲望隆翁昔控歷之以顯寧而輯危故揚  
公以是領憲伯之節於滇南頃穆叨屬於公仰窺公  
之守真定也即古循吏何逾焉夫真定者古三輔之  
國而西北扼塞之區也民罷訟器賦繁侈重俗偷政  
蠹廩墮墉圯兵弱武弛而文不振此其艱難倍百諸  
郡矣又當天下孔道日劬劬勦勦迎送間不遑寢食  
值時大寒暑幾見長吏揮汗成雨堅冰在鬚至苦也  
自非兼才能守耶况守以最聞耶乃公德量如洪河  
吐納元氣且履堅秉貞藹然主之愷悌而赫然建之  
終太山人集 卷三 〇三

精明故罷者蘇囂者化繁者紆重者釋敷而偷清而  
蠹羨而墮繕而圯起而弱且弛昌而不振以應而勦  
助勦勦則甚暇居二年畿輔守稱最焉夫是以有茲  
徙也然徙必於滇者聖主莫安荒裔之謀有急於近  
扶輦轍也不見公昔為即吏乎以即吏識微有聲  
天子為近而試之真定真定以課最聞矣而徙之滇  
南昔近之今遠之蓋近之試公於盤錯而有徵故遠  
之界公以控壓遐陬之責欲其宣 聖王不察之化  
於萬里外如近在焉其定也斯固 天子用公之意蓋  
遐而邇者也滇處百粵之最南府衛軍民錯雜當事

者在識時因俗而為之夫安攘之責寄之通才桑遠  
之畧歸之弘度諳因時順俗以為治而能威順疆陲  
者非凡夫可效也。以是知國家重視滇南夫公之才  
與度蓋所謂太阿鏃錡在畿輔則畿輔重在邊徼則  
邊徼重何論遠適且聞滇又漢時伏波將軍立功之  
地也公奉璽書往臨之取推編懸結之衆因時順俗  
而華易之於以顯寧而輯危此其莫安荒裔固即近  
扶輦轂矣况又天子詔公依輦轂有日哉是又公  
豪俊非常之業與伏波相望者也某受公之知莫效  
國士之報茲欲別公而縻於官守恨身羽無從謹南  
終太山人集 卷三 〇四  
向再拜函致其語於公代賜焉

送龔君之光州序

吳中多高人若古張季鷹陸龜蒙輩脊以瀟灑絕俗  
之懷連蹀當代龜蒙以高士召不赴而季鷹仕齊僅  
為東曹掾官不副才然二子之風流文彩延播後世  
至今談者高之乃若龔君者蓋度幾有二子之風焉  
龔君產吳中有奇抱不耐醒醒意氣傾湖海試有司  
不偶遂遊京師入太學友天下士盡交當世之名人  
鉅公諸名人鉅公謂龔君才且翩翩有凌雲氣也爭  
交北下之日門巷候車十餘乘用是龔君名聞四方

四方人一見為解龜倒徒無論識不識指點長中高  
人輒曰龔氏子龔氏子云然君以才名自崇由太學  
又歷試有司不偶其風流文彩愈益著名人鉅公愈  
亦愛重下之忽一日喟曰吾窮年操紙竹逐青袍生  
熙熙穰穰角藝簞屨間不置也不將飄然羽乎造物  
者且竊為吾之熙熙穰穰也而嗤之夫資品者庸衆  
人所以自待亦庸衆人所以待人者也夫龍媒伏槽  
櫪而駕之則一瞬千里以龍媒不可以槽櫪觀也鴻  
鵠之在籠繲也而能奮六翮凌朝霞以鴻鵠不可以  
籠繲觀也誰謂識真於槽櫪籠繲之外者世界無其  
終太山人集 卷三 〇五  
人哉夫古有不階尺寸而勳烈震閭百代者抑又何  
哉遂謁選領佐罷於河南之光州也州河以南上游  
壤隣三楚土風景物之美足以供高人達士之品題  
遊娛故非光州無以見南江子亦必南江子為能重  
光州也夫陸龜蒙不赴高士之召寓松江自號江湖  
散人張季鷹仕齊遇秋風起思專鱸東歸當時二子  
厭薄時榮識者每有蒼生之感獨後之談江湖與專  
鱸輒豔二子風格之絕俗而為景物賀所遺今龔君  
之風流文彩不在二子下而又得為佐罷究其施於  
民後之豔龔君要不獨以其風格肖二子而已者斯

其於光川不謂重哉余與君莫逆嘗謂天之生人豐其才者多儉其官又或每每不得善地令人懊惱憤鬱悲造物之窮以君之才界之鈞要即旂常鍾鼎之烈可指取而乃屈之佐罷然雖才高官屈而地足以適其情使其風流文彩不至為官所掩猶足為君少寬解若夫君瀟灑之懷何有於官與地哉 國家方釐拘攣恒調以求人於品資緝尺之外君蓋老於吏者余不之論論其人於吳中庶幾再見一季鷹龜象焉

仕學篇贈楊大夫守汝州序

終太山人集

卷三

〇十六

始余識楊大夫於偕計北征時也面孔風塵黯慘相向猶旦暮談藝於聯鑣促席間弗休以是覩君之所存灑然異之已而余從恒陽官京師與君不相聞問者十餘年聞君讀書衡嶽山中時從二三友朋登祝融峯頭夜半觀日出海中類金輪湧出性靈自躍如駕瀛氣凌太清意飛動不自禁久之嗒然而忘當是時君之學益深文益奇而北上春官之屢躓嗣余以言譴惶中躑躅天山瀚海五易春秋乃東遊登太華絕頂擬向三峰借青鳥招祝融主人相與蚤首問天而無從茲復吊二室三花道汝頴君聞之喜甚單騎

素服遠之郊握手意氣相勞苦如此征時蓋君已策仕為刺史大夫夫入觀其政祛故張新振弛刷蠹沛大惠於汝民監司之勞書冉冉下顧君雅好讀書時從自公獄究千古即案牘填委中猶與遷人寓公振衣白雲之巔濯纓洗耳之澗而曰黃鵠志烟霄麋鹿戀豐草其性然也一旦效縲之則神弗王一行作文學殖日落夫所貴於吾者固自有所以為吾者在也奈何今日所好而腐鼠是糜乎蓋白雲峰為宋聞人吳幾復讀書處洗耳河又巢父清風儵然激萬代者固宜君有古今之慨矣余堂從北征窺君之所存又聞

終太山人集

卷三

〇十七

君祝融峯頭觀日事益知君雅抱有今日此可與世之沉酣聲利者道哉雖然余有言焉大雅能俗大寂能器至潔能潤其神完也曼倩陸沉於金馬南華吏隱於漆園夫非達人之消息乘時龍蛇互用者哉君昔學於衡嶽為汝頴也今仕於汝頴猶衡嶽也豈必逃虛然後為適哉頴君益覃其治心之學於汝以追古循良即郡邑與有無窮之聞他日余當選君七十二峯之上為我指點日出處相與發大酉之秘藏抽羽陵之妙簡以究于不朽又不但已而一舉其君今日之樹與余之狂歸之於無何有將師友造化而游

於天地萬物之表其斯以為學乎余以是預為故人  
券故人存之

贈李肖峰晉司農即序

儒貸爭吏相咲也儒操觚談天下事稱椎木卜其踐  
也願培高迥逸俗之心而厭薄簿書曰茲吾何能捐  
大雅從之吏受寄當事日勸糾結以其才周萬變  
自謂於世有樹夫而詆文士為踈濶不適用斯二者  
相咲由不能相兼也文中子曰執方之謂器通變之  
謂道若此可與語道乎哉君英妙以文起閩中由合  
山論徙國子居國子三年商確今古凡厥制度沿革  
終太山人集 卷三 〇十八

方今大司農與諸郎吏議所以佐國之急即經國如  
晏餉戎如何置弗言君舉其夙所鏡鑑獄究者以仰  
贊主計當必有赫然可紀而獨善天下之官者其不  
致為簿書者所詘咲也審矣昔人云不習為吏視已  
成事國子非君之已成事哉余偕同案講業間嘗翺  
翔百氏蘊奧竊喜有得於君獨多每與談時事張口  
吐肺肝至嘵嘵譁浪無禁也則余益亦知君者故今  
得論君之兼

送蔣峇野之姑蘇序

恒陽去思篇者何以恒陽書院諸生共呀然惜峇野  
蔣公之行而托之言焉以志思也先是幼翁陳公校  
藝於恒將萃恒之俊講峇院中思得經術行能稱最  
者主盟其間故公有茲委諸生聞而動顏轉相慶曰  
吾恒不大昌于文茲院號舍奕奕枚枚稱完矣第供  
往來諸貴人把酒憇遊地若院事未舉也今舉而得  
我罷公為盟主斯其運會蓋曠世一覩意者恒其有  
與乎以故士咸駢駢集願延頸一漑公道化乃公矢  
心造士分諸生為東西班顏其齋曰居仁由義蓋將  
以大人之事望諸生云徐呼諸生至講堂詔之以德  
茶規勸之義而後及于文至其性度瓊敷又令人破

俗而消鄙穆偕同事語諸生曰人師難遭今院事一  
舉而得良主公若此恒不謂運會哉若儕其謹服公  
之明訓以交相倣勉而無為門墻羞無何忽有擢貳  
姑蘇之報諸生恍然若有失其亦為敬啟瞻戀相與  
私公之晉以終惠教而無從也乃為之言曰觀人者  
先其識景哲者範其度今號遷人寓公類多懊恍身  
名吐之聲詩鮮克蛇引聲利之表若李之于夜即蘇  
之於儋耳者今以公之神情逸抱容與逍遙絕不以  
升沉見辭色此其識與度在李蘇上豈淺淺者所敢  
窺哉是可以徵公之學矣諸生之思公也其有得于

終太山人集

卷三

三

是焉否乎若徒泛泛戀離合悵去晉則請諸生休焉  
何也以公豪遊南國收東吳壯觀旦夕入而迪在巖  
廊教化洽天下恒當首及之諸生當是時必有雲蒸  
龍變以彰我公作人之烈者今夫場師之樹榿柵豫  
董也計在參天翳日而棟明堂迨參天翳日棟明堂  
夫人咸原厥本始歸美場師何者以場師嘗樹之也  
公今樹恒之士矣而士異時杰然以仁義樹立于天  
下者孰非有造于公者哉是公行且繫思於天下要  
不獨恒為然矣諸生僉唯唯曰微師言吾儕惟知泛  
泛戀歎合去留焉耳而不知所以思公者當有在也

其即比次書之以祖公行而志山斗之承思

賀楊大夫游膺榮獎序

楊大夫為汝之明年而政成義閭四塞監司大中丞  
其公侍御某公某公交馳檄旌焉諸懿政具在旌書  
中汝屬郊縣伍君魯山某君室豐伊陽某君共徵余  
言為頌余嘗讀司馬遷論循吏曰身脩者官未嘗亂  
也循理為治豈必威嚴遷之言余誠有味于今時矣  
夫先王之治述彛倫懸禮樂而天下漸涵于大道之  
程此豈纖纖然弄刀錐筐篋者能哉夫較德則稱廉  
程功則稱紬者循吏事也非必有樹也然而其積深

終太山人集

卷三

三

矣忘簿書為功能畧道化為緒務者徒吏事也非必  
有脩也然而其聲施矣積深者道光聲施者脉促此  
吏道之別也今 國家以文法繩吏治以為是幾上  
功彖最課人相率豔于豪健自喜而不知得民獲上  
名實遠施循良與豪健蓋相萬也大夫本道德之歸  
原政教之則以吏汝兩造充庭坐塵立剖鋒如刺犀  
摘發摘之奇者弗神于茲矣而大夫無發摘也徵令  
以時民無敢後尚催科者弗辦于茲矣而大夫不急  
催科也黠吏猾胥目語額瞬于堂皇之上莫遁間而  
售者皆屏足退即毛察而直操之者弗憚于茲矣而

大夫非老察重操之也汝時有盜賊之警煮其大慾而群一魄魄善緝撲者弗驚于茲矣而大夫不事緝撲也諸所注措即豪健吏為之亦若是而大夫則本之惻隱建之精明持之以廉出之以平初非馳驟其民類豪健為也遷所謂循理為治者非耶夫是以義問曰塞而旌書交下也或曰大夫嘗讀書南嶽山中植齋編夫廖曾者余莫逆友也知其人非早于與世浮淫者若朱公者余稔其人在關中蕪而不峭直而不褊和而不妍媸今之世蓋難其人焉夫不知其終太山人集 卷三 〇三

贈邑侯張公序

人視其師與友大夫之吏以循名也有自來矣異時天子表異循良如漢世增秩賜金故事大夫固不之覲也却縣諸君以余言非面謾者比次其辭于牘以為大夫賀

議何邑侯震水張公者東吳人也志高氣勁直已而守道不事脂膏媿媿以諧時局與士民交篤中而不欺已往大夫多不寧皆由我其官常以府怨于民清議之獨公冰蘖自樹舉往昔科民之目一切芟去而日惟敷和于邑之罷人有古循吏風邑多積逋往以上令督之嚴也日紛毆民兵號呼于其鄉鷄犬不寧其甚苦之公與民酌微期寬其不急民相率傾囷廩以輸毋敢公負也邑遭大侵穀價騰涌往富民咸竭而轉之他邦以規高值境內大窘公力禁之又以美我風之罔不交相勸助卒十數萬生靈賴全活也

終太山人集 卷三 〇三

邑夕訟往務深文羅織不得其平公原情立剖以法批其桀者而良者恃以安也公之懿政種種在下邑者不具述述其大都德于民者如此然而公篤古守道所謂直行已志者適有當踈之使怙威駕鷲公毅繩以法不少貸又邑有大猾殺人公得其狀寘之辟當死心護之駭成案冀公我阿也乃公竟不阿當踈嘶焉遂陰結奸回中公以不根之謗環邑之窮岩鬚白載道籲天擊心飲恨為公不平者此不謂民心三代哉比子脩文山閣亟以書走公曰公道國是不存矣公其求之此心以需天之自定安知忘公者不為

愛公平居無何臺司廉公之政用古道而左于時大  
誣昭雪志行洞然光偉及資謗者以為旌予言至是  
驗夫夫直已守道之吏拙于諧世而恬于取名則其  
宦日抑懷捷敏譎之吏巧于浚民而周于獲上則其  
宦日崇此世道淪喪而吏治之所以不古若也。以今  
觀于公有重感焉雖然公襟抱高雅于宦業身名何  
有哉嘗曾從簿領為予津津譚慕阜名山之勝與不即  
飛鳥往登之茲當坎壈猶逸興迅發尋奇吊古于道  
若山中絕不以身名之故幾微見顏面予素與山靈  
期選君待公夫而公竟以大憂歸耶茲山能無色愴  
終太山人集 卷三 〇三四

贈栢鄉劉侯考績序

余讀兩漢循吏傳以令頭者自魯恭卓茂之外不一  
二數夫然大都務長厚深沉貞固惠愛非若後代急  
名之者又暴節驚能而賈聲者也夫暴節驚能而賈聲  
者馳騁於利害毀譽之間而體國愛民之心茫然若  
涉烟霧務以故視其官不啻旅之東西次然夕而撥鬻  
朝而治裝行矣何者彼恃其所謂暴節驚能而賈聲  
者謂可旦夕取竣陟如執券索償也卒之善天下之

官而民莫愛焉識者以是嘆吏治不古若有然夫栢  
鄉董轍下邑日治厨傳供帳惴惴奔走民窮而冗  
奸非兼才鮮能其官劉君筮仕西吳之瑞昌能聲赫  
起僅數月更賢栢鄉乃君治栢鄉也惟長厚深沉貞  
固惠愛是務而厨傳供帳應之甚暇老稚有摩於庭  
舉得獻閭閻鄙屋之隱言語嘔嘔法堂之上宛然家  
人父子之風焉墨吏猾胥則又斂手閉目於傍而不  
敢動若君者其殆庶幾有兩漢循良之遺而 朝家  
當顯拔之以風天下者乎然而君之官栢鄉也顧視  
瑞昌獨淹者何也夫斂稱歐冶謂其切玉如泥也而

終太山人集 卷三 〇三五

不計不紆徐於盤錯飛黃神駿馳驟追風電矣而亦  
必垂轡於羊腸君固歐冶之斂而飛黃之駿也此官  
之可以速於瑞昌而淹於栢鄉也向使君如急名之  
吏况其官若旅之東西次欲其治栢鄉如瑞昌非不  
賈聲聳起望旦夕喬其官而君固有所不屑矣 天子  
方出吏治懸異數以待天下循良其暴節驚能而賈  
聲者容或與其間否與不與非余所知第君茲舉兩  
邑數年之績以上之 天子而考其成計必取長厚  
深沉貞固惠愛為兩漢循良之遺者以破調大庸之  
毋使善天下之官者類多急名之吏也斯足為九牧



風矣

賀邑博杭君院道交獎序

余為即時杭先生以之榜拜邑博余觀先生端厚醇深無幾微喜愠見顏面也余誠異其度而謂之曰士師鑄之有司薦之天子官之即台輔從茲出帥才之源也君無薄若官先生退然曰藿燭以之化奔蜂越鷄以之伏鵠卵吾方懼不敏而敢官之薄又謂之曰地以得人為才不以希世決科取尊顯膺厚為才吾邑雖落然大都其人磊砢抱負俗奇癖不習善官亦其地之靈使然也君無薄我地先生退然曰龍蛇出

然太山人集

卷三

三

於大澤珊瑚茂於重溟吾方懼不官而敢地之薄余以是益信先生之度之異云居無何余以言家譴歸復見先生先生夷然無幾微喜愠見顏面也其胸中之藏消停而歲峙其為教斤斤謹典訓端士習之為急諸生相與雲蒸龍變於其間而先生之望日大起以故撫臺王公督學金公交馳檄獎焉蓋兩獎並美詞云諸生李子彭子輩謀為先生頌先生堅謝之余惟國家以百吏臧否之柄畀之當踞當踞每患不得人以信其獎如先生者豈謂一獎榮先生耶諸生業知之矣而平不容已於頌者情也余今又何能舍先

生之所急者以為頌夫周容競則樸茂衰掇突興則介特遠佻倖崇則長厚微闕茸庸則英毅絀士風關

世運隆替非眇小也願其資是在師儒今時俗稱名邦鉅地以科第尊顯多耳如謂徒二文字博富貴即邑歲錄數十輩果皆得人耶國家豈皆有賴耶地方以是繫重耶曩與先生論才意蓋如此乃今先生之諭吾邑也不獨急文章尤急士習蓋標之以其身所自有者欲諸生踴躍而歧嚮之異日者諸生斌斌以文橫翔捷出即有以行義杰然風天下俾國家稱得人而吾平地望亦若增而高先生鑄士之功偉矣期

然太山人集

卷三

三

固當踞獎先生指也余曩諭阜平當踞以阜平陋甚萃三十二校之僑檄余講茶沱河之上當是時余所為切劘諸生者不欲以文先行所媿之消停歲峙之藏無能如先生舉其職今雖以罪譴猶然狂奴故態也願得大雅有度者裁之庶幾我入道先生能無印對我乎余以先生宦崇炎起水湧不欲襲套語侈頌頌其曠曩品論人才與其育才在吾邑者且竊竊然欲自有質於先生

賀郡貳胡君西臺交獎序

天子以臧否百吏之柄授之監司奉公論而致之百

吏也曷嘗不徵諸民哉太愛民所以獲上也胡君位  
郡未及期賢聲大洽中丞褚公侍御許公文馳書勞  
之而勞辭皆汝民之所以百口碑君而徹於當路者  
民心之孚夫固聲之所由樹乎君早年以文起越中  
名籍甚已乃由恩薦貳汝郡屈脩能大器於隘途為  
君憾君曰息一枝翔榆枋者視摩蒼躑躅而獨運天  
池者殊矣然其為適均也時力渠來比之切割不猶  
勝匣中風雨之鳴乎而顧謂陸剗犀水斷鱗也始稱  
效周執吾方懼不能其官而敢薄之耶遂展平生所  
學於汝日與郡長和衷於政不降隆焉威不焮焮焉

終太山人集

卷三

〇五八

察而郡無滯事若徵求若擊斷若清戎而弭盜皆辦  
汝民交口頌之蓋君為人性冲和自長者為吏有  
不雅民者哉固漢世所以稱良而監司有安靜無擾  
之勞書也世務騁智舞機日闢其心以釣奇於繩墨  
之外計攝尊臚於唇吻而忘其內之已拙即所為吏  
事躍躍可喜者僅一振而無餘味以是取世資蓋隋  
候之以珠彈雀者也視君何如夫夫以今之世而君  
以是知於監司監司以是知君余蓋兩高之故事藩  
司給各屬費鈔金若干即部鉛入京例恣不問也君  
羨金三百餘不染一指畫還之藩司曰吾固不欲以

鯁體者妨他人如此心何足其廉類如此余嘗習君  
於國子謂文本宜需之儀母玉禾宜羞之清廟而用  
非其質恨器品不足以盡天下之才乃今觀君之所  
以視身而佐郡者則知所以為儀尊清廟者固自有  
在也 國家方破拘擥以古爾時雋將顯君為諸牧風  
君尚其水今日之譽他日益中州良吏必君也蓋夙  
稱長者汝頡間矣

宋王傷春文贈宋太甲子

至人天游俗士情奪其調然也古今談悲秋者曰宋  
景玉謂當秋風瑟瑟颯颯則汝然情感涼交矣至春  
和氣淑景麗物熙當是時玉必陶然嘯歌大壤與萬  
類共暢乃曰傷春不左乎蓋 豪夫奇人握瑾懷瑜不  
售於時類必有所寄焉以宣 洩不平而神情逸抱借  
之以自放然則王之悲秋特 其寄耳其秋而春有耶  
傷春而鳴春者耶宋太甲子 貴陽人也才高思敏風  
神軒軒若霞舉海內賢豪一見即傾肺腑締莫逆故  
無論識不識皆知有太甲子 余曩與渡黃河望太行  
孤峭插天輒掀髯長嘯河流 吞響余心憂太甲子今  
挾策萬里而來攢于有司太 甲子顧抵余書曰山入  
清與在五嶽間常欲携蘭陵 拉高史鼓控于岳之海

終太山人集

卷三

〇五九

濟評騰古今結盟風月今在萬里外而卧遊之興良  
不減也何得喪升沉計其瀟灑無窮愁如此一日  
余集飲洞衡陳君化溪雷君太初徐君子玉河印中  
見太中子氣獨豪揮觥仰天嗚嗚而鳴洞衡君詒曰  
悲秋宋玉亦傷春乎蓋感時撫景天籟自鳴豪夫奇  
人之寄寓在則然矣古今人不謀而同聲也若是哉  
雖然余有言焉古之有遠懷者必有真放為能旦暮  
萬古軒楹八極虛舟天地浮雲世故豪收天下之春  
以脩然超然于物表即造物不能斂美而吾斂美之  
果何悲而秋何傷而春耶此謂天游不情奪者也太  
終六山人集 卷三 〇三

玉才篇送陳洞衡之光山

今人士不得志于時輒仰天詒曰造物忌才夫造物  
冥冥夢夢耳才既生之復忌之耶顧所取于造物者  
人人殊則其窮與通即造物有不諳者而何忌焉嗟  
嗟豈知造物忌才乃所以為玉才哉武陵陳子天謀  
與文生同戊午舉天謀具恢行統辦之才凌駕文圃

文生于倫輩重許可獨心奇天謀竊怪其三北南宮  
弗售也今年春復操絕藝負氣甚豪跬步數千里文  
生儀天謀必衰然俯拾俊策而天謀與諸同志聚首  
設南宮事輒以目文生若謂翩翩競奮可羨也已卒  
蹶不售一時憐才者合辭歸天謀物忌謂且退而杜  
門養晦以俟風雲之便當未晚文生抵天謀商去就  
歎歎相顧不自決無何客有舉英杰大都弁沉之故  
相慰藉者天謀鼓掌呼曰天不可問至是耶物終我  
忌耶抑窮與通非造物所諳耶 明天子在上所宜  
出而乘時策勛藉一命自見所謂偉丈夫事豈必

終六山人集 卷三 〇四

在躋華獵要或矧吏隱開曹不妨畢志壯圖乎文生  
可天謀議且念老親榆景不我須遂與狀白乞官顧  
當摺落窮愁日以詩文相郵品騰古昔斷自左馬李  
杜已上時操觚咄咄吐奇各亟口賞不已一或少左  
意爭相指刺無面謾乃見天謀吞精醞華克然有得  
也稿為篇什逸思藻發雲流名家推讓稱豪都門矣  
都門人相率造訪徵文者無虛日文生觀天謀苦文  
通厄然癯也又眼炎炎赤語天謀曰可嘔出心肝若  
是耶暇與握手放歌燕市攬結太行雄遊瓌杰之氣  
以歸諸胸次擴豁吟情與有所到窮奇極詭造物且

不吾斬而又孰知其為擯落窮愁耶于是都門人復  
豪楚有兩生云嗟嗟此其風致可與仰天詫物忌作  
兒女態者道哉今天謀光山艾生阜平踪跡漸泮散  
矣將何言惟曰驥不羊腸不萬里舟不能門大海洪  
濤奚交焉天謀固萬里之足而大海之航也詎紛埃  
垓哉則造物所以王天謀于成者意也阿任太史春  
宇君曾諭越之浦江今依輦轂樹聲禁林此蓋天謀  
家物九山知不減浦江矣雖然造物篤天謀以才天  
謀亦必以才自愛舍光剗采而厚其藏一旦嶽立鳳  
耀表見當世造物愚得而忌之韓子謂子厚窮不極

終太山人集

卷三

世

孤松篇贈盧君

夫足於天者人不入也貞於存者物不化也孔聖表  
後彫之操而陶生遂盤桓之高有然哉頃余戍秦中  
登太華終南之上見蒼松數株掛千仞絕壁霜雪婆  
娑偃蹇出石罅間蓋挺然極天下之孤矣余為低回  
久之不能去豈非余孤踪飄泊而覩是物之音獨有  
概於中乎蓋當是時權雄樹黨靡靡一風而余震蕩

播越吟靈均之騷嚙子卿之雪雖濱於死者數數而  
中有不化者存固宜其見名山絕壁之松之孤而獨  
有概於中也遙憶盧君棲清餐秀於長林之下其與  
松為莫逆當不減于余者夫盧君者幼而孤而稟分  
頗特好讀書乃不庸於時而與松為友自署曰孤松  
主人其為人絕俗離類矚然泥而不滓即婢直如余  
兄弟為世所忌者而君樂與之交又如余之蒙譴歸  
中扶病過君之門君踴躍出迓而噢咻之為余慷慨  
鼓舞而喜其有萬里之行不以余為妾也為余腐心  
切齒懊不即叩天閭請上方也蓋君與余之急於義

終太山人集

卷三

世

潛見同之特以余在朝著有其事而君在山林有其  
心余高松之節而避其名君締松之盟而居其實其  
為孤則同也故偃蓋垂髯青葱翳鬱而不改色取諸  
松之孤而目加明天籟一鳴濤聲當戶而落戛戛若  
笙簧韻取諸松之孤而耳加聰于霄拂雲之章凌傲  
霜雪吐納烟雲有貞士之概而當大夫之封盾取諸  
松之孤而行加脩是舉世競逐於侈艷靡麗之觀而  
君獨超然有莫逆於松也藉令君得見太華終南絕  
壁之可其實心投分又不知當何如者余每嘆獨行  
孤志之士之顯揚之媒而閭沕不白於世也以故為

君文之夫謂以余之孤而習於君之孤也

終太山人集

卷三

五

艾熙亭先生文集卷之四

平江 艾穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

記

恩謹記

萬曆丁丑冬余蓋以言家譴云欲術之嫌於張已且

終太山人集

卷四

五

無能隱惡也客有訊其事者置不談吾兒艾而慶曰

大人不言後將何述雖名垂國史而實之弗談於家

非所以彰往訓來也余於是據實紀其事令吾子孫

有徵焉陸慶中余官國學以文章受知於大司成乾

庵馬公少司成荆石王公兩公皆厚遇余當是時高

新鄭專政樹黨日脩睚眦之怨斥逐言官余每私為

扼腕不平吾內怪之時江陵張少師居正一日謂所

親王太常篆曰國學有吾鄉艾子何不一見我可亟

令其錄所為文來見王以聞余且曰鄉之先生長者

君奈何吝一見耶日促余往為先焉余見之江陵讀

余文為溫慰而別自是居一年餘不復見無何江陵  
柄政夫司寇石首王公江陵周親也一日走使期余  
而厥明往而王公則已櫛沐坐堂皇候一見即首賀  
余曰政府知公雅重公懸誥勅兩房缺以待久矣以  
此期公面不便以書聞也余對曰楊何脩而受知政  
府此必老先生為鄉晚延譽所致王公與語久之余  
曰楊實自度不勝茲官王公厲聲曰爾國子官有陞  
郡倅貳者政府將吳日者需公卿寺而公奈何薄之  
余退而深惟曰此江陵指也雖然入權門得美官非  
吾志也遂上書王公曰古人云量而後入不入而後

終太山人集

卷四

〇二

量務自揣淺陋入而不稱政府指則進退谷夫一也  
穆有八十老母在堂常恨不子而官入則不便請急  
展覲二也自來國子官無兩房轉者一旦自穆始人  
將謂私吾鄉人三也王公答書曰承諭即當為公善  
辭之也然此出政府雅意非以相苦幸公更思之余  
不獲已復面王公固謝之自謂重違江陵指置弁沉  
無論矣是時江陵與內閣馮保交驩其黨有以講學  
名者余問之曰所謂大臣者以道事君不可則止今  
政府何如矣其人曰政府正要做其愚不可及的事  
業不然無以安其位而行其志功不可成矣余曰聖

人字無成其人默然久之余陞刑部廣西司主事居  
刑部二年見當事者務深文次骨冀倖一中當軸者  
刑名之鵠獄多寬濫居常每為扼腕不平吾內大怪  
之余奉命決關外獄詔決少者參奏重治余語同事  
陳君尚伊曰決獄但當論情之真否不當論數之多  
寡吾寧聽參奪官無寧濫殺人也陳君然余言至關  
外直伯官意在奉詔而余欲矯詔相矛盾矣余語之  
曰凡重犯據爰書皆可決但恐難盡信耳如吾刑部  
官問死刑皆不欲入迨呈招大堂大堂或駁之則曰  
吾屬也而敢大堂之與持即其人可出爰書亦入之

終太山人集

卷四

〇三

矣今外官於撫按也亦然此皆把他人性命換自家  
官做吾不敢為也直指君大惡自是日相對不復言  
理囚事至臨決前數日諸重犯情真者報病故僅存  
二人直指君問余曰決幾何人余曰二人耳卒決二  
人直指君鞅鞅不自得余回至居庸關以書謝曰茲  
行仗足下可還報無慙矣雖廟堂意旨未審何似大  
都天下事准信其理之是與行其心之所安則其餘  
有不遑恤者此鄙生淺陋之見或亦高明所同也云  
云項之還報江陵果震怒詔旨切責着該科會同三  
法司參奏來說而余大堂王公亦不余直且謂吾堂

官也嫌於屬爾其面白之政府余與陳君詣朝房白  
之江陵怒曰辟以止辟刑期無刑盡殺獄中應死者  
使天下之人不敢犯法方是好生爾少殺者謂之好  
生耶况明詔可笈視乎余曰主事何敢笈視明詔第  
難枉殺應命耳江陵自上視默然明日 旨下文穆  
等抗違明旨故不遵奉着罰俸半年例旨下當謁謝  
會江陵有玉帶之賜同鄉皆在賀而余同陳君出班  
揖謝江陵亦揖而曰昨日昨日蓋徵示以薄罰非其  
本意云是年秋刑部錄囚而廣西司管錄囚事部堂  
開情真揭帖五十人投江陵恚其少也部堂倉皇益

終太山人集

卷四

四

數十囚命余投余曰人命至重與殺鷄鶩不同時三  
覆去笨尚未上老先生宜再細審情真者投之謝不  
往部堂滋不悅獨右堂王公好問曰公言良是後決  
所益囚中果有稱大寬者又律止徒者江陵引例用  
三斤大枷枷死余為廢寢食嘆曰冲主好生一念  
可厭損若是乎為慎獄緩刑疏擬上之大指謂 主  
上當茂錄可與為克舜禹湯文武不當輔以申韓刑  
名是時余念吾母李太安人春秋高已買舟載行李  
歸私計破例告養不可得必掛冠歸矣會江陵聞父  
訃欲留而同僚主事沈純父思孝者余文社友也過

余讀其疏曰疏誠善吾不聞事更有大於此者乎余曰  
君謂江陵奪情事耳果爾我必不顧萬死論之異日  
見 旨從中出晉江陵內閣繹絡將命者趾相錯於  
道而油燭酒米金鈔布帛之頒出尚方者無慮千百  
彗星見光芒長竟天中外詢詢而江陵辭疏有云必  
不狗匹夫之小節惜旁人之非議又稟辭本云朕於  
卿無一事不從此一事望鄉從朕讀之為扼腕大詫  
頃之自上疏請晉京守制矣蓋其父病有日陰結馮  
保掩蔽聰明以故聞計時即旨下勉留不三日從苦  
塊中平章國事而其疏實自上自景云余中夜扼腕

終太山人集

卷四

五

撫膺流涕欲請上方無從也與純父嘆曰天柱地維  
圯矣吾與君當各具一疏俟旦日看有言者足以明  
大義則亦已矣純父曰吾與之筮可乎因筮可乎因  
筮得小畜之密雲不雨自我西郊又得震之震來虩  
虩後笑言亞亞純父語余曰西郊者吾刑部西曹也  
震虩虩者疏入懼重禍也頃之御史曾士楚受尚書  
李幼滋指上疏保留矣張銓宰元州未之保也詔旨  
引他事切責即日逐張去矣都給事陳三謨亦以切  
責上疏留矣沈脩撰慈學貽書幼滋勸師相李養李  
谷書曰此宋頭巾氣而監儒腐談也舉朝且喧專大

駭矣南北諸公卿百官頌德乞留之童次第數十上  
矣余與純父嘆曰事勢至此吾輩可諉曰無言青李  
純父曰此事我必做得成吾父初生我時夢人惠羅  
一峯集以羅會論李公奪情事也余曰君誤矣李文  
達天子之宰相也羅言之止於貶官今之執政者宰  
相之天子也吾輩言之當萬死純父曰性命吾要緊  
官則敝驪視之耳蓋純父是時尚無子云純父數日  
不復面一日朝罷歸遇左掖門余風之曰前日之事  
君肯同乎純父曰果爾是與君為生死交矣頃之袖  
疏過視余余讀之謂吾輩與江陵何怨惡况余又鄉

終太山人集

卷四

〇六

人知己也只為太義不明耳君疏得無涉訛言乎蓋  
易之純父曰然夜夢吾兩人袖中各袖一囊頭今吾  
袖疏來不謂君疏亦在袖也非識乎余曰此搏擊之  
徵也明日復讀純父疏仍欲易之為語曰江陵之勢  
極重矣吾業無救於江陵弟不可不憂後世耳疏中  
大指宜若此純父曰吾舉筆便動氣無能易也無已  
則共君疏乎余遂出疏草與純父商之訂盟焉願相  
持久吳決余已盡收書籍器物緘行李中家人輩大  
怪之一日候升部堂與純父伏右堂公案上議曰大  
丈夫一言而決人一日得暴病亦死誰能不死哉得

死所難也亂臣賊子柄國而吾輩其向渠低眉乞官  
做尚可謂含齒戴髮而稱人耶及今不決請弗復言  
矣純父為感憤余益憤發不自禁即繫馬部門前期  
純父呼馬至孟詣純父宅寫疏疏中有謂居正無商  
鞅之公與明而有其慘無安石之學與行而有其執  
末又云尚書李幼滋居正周親也幼滋為戶侍五年  
需次正卿與居正聞喪會心同患失借言達權通變  
堅居正之留若人名為講學實架充弊之口以文盜  
踰之奸一至於此純父皆為抹去是時江陵再具辭  
疏幼滋固止之曰老先生於名之一字尚未能忘這

終太山人集

卷四

〇七

是何要緊事尚利社稷專之可也江陵晉意為益堅  
云是夜寫疏時余放聲歌杜律詩十數首且飲且笑  
呼純父曰打起精神至漏下四鼓疏寫完余與純父  
預謀所以貽內豎者同草薦卧地五鼓踏月候西長  
安門開入會極門上之內豎以空頭本拒不入也純  
父為出所貽始入至是始知吳編脩中行趙檢討用  
賢已先二日疏上矣此丁丑十月二十一日也吾兩  
人席藁朝房聽拿至已刻則聞 皇上覽疏震怒推  
案仆地矣純父曰吾二人必斬前囊頭夢蓋有徵也  
余曰不然必是廷杖壹百余投揭帖宗伯馬乾菴公



公曰公等與我同街門二子足稱四傑携余手入讀  
吳趙疏余曰二君姚而吾激吾其無生乎馬公曰廷  
管恐不免公宜服藥以待余曰其業已置死生矣回  
朝房吳趙二君亦至純又袖余疏視二君二君曰事  
益危吾輩當無生矣明日早聞廷杖四人又聞江陵  
呼錦衣衛官七十人面諭廷杖實法者必重崇究吾  
兩人曰今日無非只一死耳當是時朝房環列皆江  
陵瓜牙同僚主事蔡文範者亦余文社友也相與扼  
腕時事有日至是日肅衣冠來視感且嘆余止之曰  
此吾兩人事得無累兄蔡曰二兄不愛死吾寧愛一

終太山人集

卷四

八

官耶遂拍案大哭頃之見校尉數十人如颶發慄至  
鐵鑄鉗兩指行先二翰林次吾二刑部是日都人士  
集長安道上以萬計吳編脩曰余曰昔會君於余同  
楚所別後余語之曰此是有意思的人趙檢討曰讀  
公文章便知節義今果然矣余曰其不謂今日得與  
公同患難相與言咲隨行如赴酒人會將詣闕下檢  
討與純父作詈罵語編脩曰何必然余曰正不必爾  
舉目但見羽林軍環列廷中凡若干匝手戈戟杖木  
者林林立六科十三道侍而司禮大璫十數輩捧  
駕帖來首唱曰帶上犯人來每一喝則千百人一大

喊以應聲震旬服初喝跪下宣 駕帖先杖二翰林  
着實打六十棍解發原籍為民次杖吾二人着實打  
八十棍發極邊衛分充軍遇赦不宥蓋二翰林姚而  
吾二人激其處有差如此宣 駕帖畢喝拿下打打  
的着實打八十棍五棍一換總之八十棍換十六人  
喝着實打喝打閣上棍次第兀四十六聲皆大喊應  
如前首喝時閣上棍者閣棍在股上也余幸志已定  
杖時偶竒想五鳳樓上杖幾半自大呼打上此杖者  
稍離股而上杖畢喝踩下去校尉四人以布袱曳之  
行余自覺神氣堂堂在布袱中至長安門自行詣兵

終太山人集

卷四

九

部廊房純父亦至余命兩人夾之走數十周血得不  
疑校尉以門板昇入右府獄純父入左府獄吾兩人  
自此不復相聞馬宗伯風聞余死矣使人入獄視且  
貽之贖金余對使者曰可拜上老爺吾身雖苦而心  
則安可不死矣余是夜鼾聲如雷夢中作狂叫語伴  
奴艾書大驚亟呼余余始覺書曰公不睡者幾一月  
今受苦極矣何乃酣睡發夢狂耶余曰爾不知也吾  
事畢而吾志遂矣厥明聞鄒進士元標亦如余杖於  
廷徙之同獄先是余轉山西司員外僅浹旬耳進士  
與余同舍言論意氣有莫逆一日謂余曰大倫滅矣

何無一言者乎余時懷䟽草袖中謂旦晚必有言者君其俟之且亂臣賊子人人皆得而言之豈必吾輩作官者只一觀政進士便論了如吾楚麻城李文祥是已進士聞而躍躍動義色後余四人拜杖時進士益大發憤挾䟽奮身上票旨云這本即是前說的江陵蓋謂余與進士同舍疑余主謀耳不知余與進士共扼腕時事誠有之至於具䟽則各不相聞也余與進士在獄各衙門與四方人士爭毀闖入視廠衛邏而籍記者不勝籍余謂侍講趙君志昂曰人莫大乎心死而身死次之此老其人雖存其心已死獨難為

終太山人集

卷四

十

公等與渠並侍經延上耳趙曰吾今不能如公等拚死但能不作官耳是時趙與侍講張君位于君慎行張君一桂李君長春田君一儁脩撰習君孔教沈君懋學俱有援救之章樑不上余蓋未之知也同鄉入視者周君弘禴同部則沈君九疇耳三日後發戍西寧衛仍并門板行兩押官與廠衛數十人前後相隨擁余猶厲聲大罵江陵馮保不絕口至廬溝橋卧觀音堂之東房王學士荆石馳書勞且贖同年曾編脩朝節伍員外讓亦然明日進士至卧西房余徒瘡至是日發膿血淋漓沾牀褥者數日起而右股肉已墜

地大逾掌股空濶數寸由見白筋鱗鱗欲斷余常時食不能肉獨愛杖後日啖肉數斤人訝之至股肉平卒亦不復能肉如常時也進士夜半扶病叩余曰京師知友亟報余謂御史曾士楚每夜分從江陵宅上出行計求刺客害吾輩於途奈何余曰即有此何以待之吾與君當付殘生於造物豈謂今離杖木後便不死也此念與反添一障礙矣進士領畧之厥明走使謝曰得公言高枕達旦矣江陵時重處吾三人又刻告示於皇上御門時散給各官云此後有妄言者照依處艾某例重治意在箝天下之口也豈意又有

終太山人集

卷四

十一

抗肯援救如南道御史朱君洪謨孟君一肱主事趙君世卿乎又有論劾如員外王君用汲乎余與純文杖後不復面日為廠衛迫逐別進士行昇以小木榻不能二日覓一輿可側身卧者曳之行力疾作家書亟馳慰吾母李太安人書中氣豪而語壯願創甚日徐徐行則有助我夫力者離京漸遠夫漸多凡兩月抵家見吾母喜謂兒為網常好事夫何憂始知吾內余安人一風聞余廷杖遽大信之蓋信余之素也余仍創甚兩押官日促之行則大發狂怒罵且怒且索至懼以死吾內與吾母日治美食飲事兩押官且傾

囊贈焉幸得少需而扶病入關中關中廉訪張君國  
彥憲副李君時漸卧余秦府九龍池廉訪又為差人  
馳四千里至甘州取收管文付押官彼中執不發也  
迨其反而瘡稍稍瘥矣先是瘡入風毒不瘥或謂置  
薄薑其上以艾灼之瘥果驗至今十餘年猶白痴時  
時洛也廉訪又欲留余余曰賴公兩月之留可以四  
千里矣行時值初伏關中蘊隆而廉訪諸君則謂公  
前行當漸加衣果行至乾州至平涼過六盤山剛風  
臘獵如秋冬矣因追意少時誦劉忠宣公白頭今過  
六盤山之句為悵然久之賦詩焉過蘭州走萬里長

終太山人集

卷四

十三

城下蘭州守郝君宇即中高君時皆遇余而肅王者  
右文好士人也為授粲賜衣余以詩謝蘭州城下為  
黃河渡河至莊浪衛過涼州羗虜帳房夾道而中由  
一山脈路達甘州虜人日擁余前後行類有通事人無  
怖亦時當款貢然也至烏稍嶺踏冰雪行寒威切肌  
骨如嚴冬來自平涼至涼州凡二千餘里絕不見草  
木花鳥沿途亦不見水余從館人畜水飲過客者飲  
之甘州則多林木有甘泉稻田似別有一乾坤者然  
民居皆土覆其上無片瓦六月中人率衣絨褐馱皮  
余禹大佛寺登鐘樓上望則荒涼萬狀天山戴太始

雪屹屹在瞻令人不勝江南鄉土之思甘州中丞侯  
公東來留余課其婿徐生圖余一見徐生偉其氣與  
之處數月余曰爾明年必薦於鄉甲科其少需乎徐  
生果明年薦於鄉三年而成進士余別徐生曰科第  
爾所自有但願爾無為勢利中人蓋是時中丞揣摩  
江陵指欲錮余余曰西寧吾戍所也甘州又遠千里  
故事一見公即之戍所今留此中何為者耶且遊覽  
山川行發悰寄吾遷人逐客事也公又從而繫我耶  
中丞曰吾不忍舍公且天為吾婿來公耳無何中丞  
見王侍即篆書寄余余得東馳八千里一省老母而

終太山人集

卷四

十三

還即西寧亦不敢往以西寧兵衛初審書之中丞錮  
余者欲甘心余也往則有巨測事以故還而浪迹終  
南山中栖祖安宮凡五月與李少峯復聘張比部學  
易別駕學詩趙解元爾守遊拉趙周歷說經臺仙遊  
寺諸名勝明年栖關中罔極寺與郭舉人先祖邢知  
縣鳳毛朱宗尉進甫兄弟遊而督學李君維禎王君  
世懋亦時時願遇余焉余拉郭君遊西五臺登天池  
山頂復拉諸君作太華遊則太華險絕無復結伴矣  
余本憔悴人遙望三峰興况飛動裹糧直躋其巔一  
宿石室一宿玉女峰而退計余謫君六年大半與終

南大華作知已諸遊覽所得詩文在西成集中壬午夏脚氣臥床日歌劉禹錫玄都觀三詩忽報江陵物故無何報余起家矣余素薄劉為人亦不喜讀其詩不知何從歌之也亦異哉嗟夫余視江陵鄉人知已也每憤其復諫誤國媚閣欺君同鄉官京師者六十人皆出其門立取通顯而余心甚鄙之至其輟喪為太不平蓋至於彗星示異室諫保留而余言不容已矣先是馬宗伯王學士十數輩相率解救二翰林於江陵也江陵怒及見余兩人疏則江陵伏地叩頭以拒解者又見鄒進士疏疑余謀府益啗余入骨矣以

終太山人集

卷四

四

故余之西也獨用倖奴游守禮之妻舅劉千戶者為神官中途幾遭毒手賴天幸脫江陵每對人言曰我遠不及分宜分宜且無鄉里論蓋謂余也至譴後四手猶屬王銓宰國光揭諸建言罪廢者於大察榜中以余首又巡按御史朱璉承江陵指追余勅命甚亟而縣官日差數十人來吾地方皆謂江陵將藉吾家也家有密相携露宿者頃之江陵世矣盡藉其家死其子又西戍之雖天道好還然獲報亦已太甚余思昔竄時感馬宗伯王學士張廉訪三公義甚高宗伯入政府未久世余在謫所哭之僅一申誅焉學士

居政府廉訪為少司農卿若三公者余何以報也夏居中為恩譴記紀其事付兒曹藏之令子孫有徵焉

谷口草堂記

谷口稱關中以漢鄭子真谷口在涇陽縣西北北仲山西九峻山涇水出兩山之口故名谷口六國秦從口下鑿渠引涇灌田迄今仍焉又渠前築堰障水故又名洪堰渠左二廟一龍王廟一功臣祠龍山呂都諫公嘗讀書二廟後之石洞中携家子槐軒君與門人郭象泉君授經四方負笈之士駉駉集都諫公曰洞中故不足容多士因翔覽二廟之西得隙地背仲

終太山人集

卷四

五

山面崇尚涇水環之如帶則喜且嘆曰佳哉地也可以卒後而講茶矣吾將築草堂居焉嘉靖己亥都諫公以直言罷歸見四方士從槐軒君遊者又復駉駉集遂令即其地構堂繚以高垣南北長若干東西闊若干窳山為洞類蜂房前為書樓六楹講堂六楹堂名仰鄭鄭蓋謂子貞云東西為齋房各四楹以居來學者又前為大門顏其門曰谷口草堂故人遂呼為谷口草堂由是谷口草堂之名聞關中矣槐軒君與余同官國子屬余記之余惟達人奇尚輪奐蓬茅故草堂風栝之高又在瓊宮玉宇上都諫公自讀書洞

中以至登諫院屹屹嶽峙用能履脫高華而歸歸而當踞薦董數十上不起惟構草堂收訓四方士於其中此其奇尚已條然物表且大都草堂主在盟結麋鹿烟霞而都諫公復以之居其鄉子弟若不徒辭志於名高者大隱天游大寂置萬公之謂矣閑中種谷口有兩子真余於都諫公益信嘗觀古及今文繡土木者曾未轉盼而吊即所為草堂者何限亦泯泯無聞獨考然良壘至今高之則其人以也矧復如都諫公者哉槐軒君成都諫公志者也嘗謂余故淚誦都諫公語曰吾進叨近侍不能為君補闕拾遺以裨

終太山人集

卷四

〇十六

明盛之理退而治山房聚族鄉人他訓而善其俗亦吾里居事也嗟嗟都諫公之志蓋如此堂成於某年月日槐軒君鏡石草堂而碑之

五可堂記

吾人有達懷則能天游能天游者舉天壤間皆其達者也乃今吾見司寇曹公矣公故與余交驩一日談往羊兵備浙東事甚急當兵備浙東時島夷江亂督府兵有殺平民上功者公執而法之不少貸督府之已又張皇小寇計冒通候公復抗顏力爭不督府下督府又啣之公憮然嘆曰順風之翼人徒慕戀

草之性虞夫莫馴吾且為鴻鵠吾且為麋鹿而顧屈首世網之櫻哉吾退而有母可養有子可教有田數畝可耕有屋數椽可居有書數卷可以脩業而息吾歸矣吾歸矣聞者遂贈公五可堂公屬余記之余謂士之官於世凡以行志也故惟欲以志勝官不欲以官勝志然官與志每相為低昂而性遇熙朝盛際則無得之此古來名卿所以乘運邁時而揚休邁烈於世者也公胸中本無軒冕是以進退皆可至抗議權臣遂欲介然疑脫將五可老其身此非以志勝官即三事九德弗與易者能耶然余緣是窺公之達矣夫

終太山人集

卷四

〇七

謂達者舉天下之物皆吾之資為能齊貴賤於幻夢等榮辱於蝸角視天壤間果何往而不可哉彼沉酣趙孟者自趙孟外舉眼無可意一不得志則退無駐足天地非寬矣此其人蓋無一可者也其視公為何如且公之五可由倫本而及於身心非若有所托以寬愁釋憤而逍遙跌宕以為豪者其無往不可又達不足言公居夷門十年今出而遭特遇主官與志並昌休烈擬追古名卿雖然公之志何嘗一日不在茲堂哉孔子曰我則異於是無可無不可公之五可究竟在茲為堂記

重脩東嶽行宮記

幕阜山之麓蛇蜒數十里而南為遠靈山有東嶽宮  
蓋道家呼為東嶽行宮云宮之興也不勒之貞珉不  
登於邑衆人莫詳其自即諸羽人鍊師世坐玉清之  
壇朝夕誦藥珠禮白雲也亦相忘於深山中不復知  
有人間世以故訊茲宮相沿之始輒脉脉相嚮獨宋  
有塑像於宮者知為張勝祖疑必開山人入元大定  
中又有余嘉賓像昔重葺是宮者余元興蓋嘉賓喬  
孫云茲山賴有二像在庶幾恍惚所由來宮之神相  
與山場田地皆魏李艾余盧胡唐七氏所施入者萬  
然太山人集 卷四 〇八

有舉之者而茲山之幽莫與聞焉豈數百年山靈聞  
泐一旦耀於光明與吾昌諸名勝埒固有待歟斯又  
其之力也是為記

客對

客有言於覺非子曰哲抱玄而通方達士負奇而  
狗俗為能潔以污寓恬以置存明以晦用利觚為圓  
諧世多術而無窮之運展焉今子操廣川之航而戛  
戛乎行之陸大翼之負無方而欲軒翥九天之衢難  
矣子盍易焉覺非子對曰貞于性者時不能化足于  
志者物不能淫稟分定也子欲吾易而未知吾之為

然太山人集 卷四 〇九

吾也夫吾也見世之盤辟周旋玲瓏捷疾如丸之轉  
如鷗之攫如醍醐之無不入如温谷之虛而飲人以  
和談鋒迅開如桴應響吞如颶發如黃河之原湧出  
崑崙奔放百折而東注於海則從而神之曰夫蓋靈  
妙天授非吾所及也故惟抱拙自喜引曲為安一遇  
未同如對澹寂無能以顏色迎人笑言中物自謂吾  
面目本之造化爐鑄以來固若是必欲我襲彼靈妙  
以求神于世何異于世之以木貌盧陽君者而空其  
中澤其外白此盧陽君也取而冒之吾面而錯以荆  
山之璧以隋和之珠耀以山龍之服文以結霞之

衣翩翩然為七盤八風之舞令觀者發齒而解頤也  
謂之盧陽君乎吾乎夫吾求不失為吾可矣而子顧  
以儻然者欲我政行而易度不幾於世之以木冒吾  
面者邪夫人情必有所可奪者雖帝王不能強故西  
山之節不降于漂莽之威茹芝之賢不羅於嫚罵之  
主今吾官為吏隱署有餘清職事稍暇攤書滿屋真  
搜千古澆灌胷中翔讓藝林嗽英玄圃倦則假寐五  
嶽臥遊蝴蝶飛揚夢境同趣時乎白雲垂戶明月盈  
庭啜茗焚香引觴命局方且誦大雅之章歌陽春之  
調齊萬古於昏旦以八極為軒楹付吾道於滄州等  
終太山人集 卷四 五

砥以取妍招憐類于世之木冒吾面者也夫人孰無  
大機哉而顧以取世資喪夫固謂仕有鵠而官有機  
也然機之與鵠孰發之而孰中之哉大鈞鑿美寔司  
之伎倘且有窮夫故大巧者拙大智者愚大辨者訥  
宥宥宜真渾渾默默天之道也用天之道惟游乎無  
物者能之客聞而爽然自失曰吾幾失吾矣今乃知  
吾自有真願奉君之言而存吾

艾應寧先生文集卷之五

平江 艾穆 和甫 著

馮陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

傳

顏魯公小傳

公在玄肅代德間犯權奸之忌建中四年李希烈襲

終太山人集

卷五

一

一

汝州執刺史李元平盧杞薦於德宗曰非顏真卿往

諭之不可夫謂公負物望重可敵十萬師也詔公為

宣慰使舉朝公卿錯愕以為朝廷失一重臣公馳至

東京河南尹鄭叔謂公曰希烈反狀盡露矣盍止之

公曰知君命何至許州見希烈矯詔橫甚親兵五千

人拔力爭進公神色自若希烈麾之退勒公上書雪

已罪公不從又遣李元平說公公厲聲叱曰爾為天

子命吏屈首受逆賊順指而不能致其身乃為作說

客耶希烈雖橫而服公大義計將還公召而餞之令

留優禮冀神侮朝廷公怒曰公何無人臣禮若是耶

拂衣去希烈大恚當是時朱滔田悅李納諸使者皆

在座謂希烈曰顏太師名德燁然中朝公將建大號

而太師至是天以良弼授公也置相誰先大師者公

叱曰若不聞顏常山吾之兄乎安史之執罵賊不絕

口而吾反受若脅耶吾今惟知有死而已元平輩慙

甚銜之密以言激希烈希烈乃囚公官舍掘地謀坑

公公曰死生有命願得一劍足矣會希烈齎張伯儀

首級示公公大慟伏地憤絕復蘇哥舒曜收復汝州

希烈遣其黨周曾康秀林等領兵襲舒曜行至襄城

共謀反兵殺希烈欲奉公為節度使以歸事泄希烈

終太山人集

卷五

三

乃遣驃子軍三千掩殺周曾等送公龍興寺是時幽

公三年矣公自度必不免作遺表墓誌祭文指寢室

西壁下曰此吾死所也希烈盜大號稱帝使人問儀

制公不之對無何王師復臨希烈懼令景臻安華聚

薪於公庭曰若不屈當焚死公奮身赴火景臻等處

止之後又使闖奴等矯詔害公公詰其偽怒罵曰此

逆賊耳奚詔焉奴將縊殺之先是公與吉溫論事不

合溫黨揚國忠惡之出為平原太守公遂以平原受

知玄宗公從兄顏杲卿斬賊將李欽通河朔一十七

郡推公連兵二十萬橫絕燕趙又用清河人李萼計



大破賊斬首萬餘級數以蠟丸裹書上肅宗言事拜尚書遷御史大夫代宗朝封魯郡公公屢建大議卒為元載李輔國所抑歷貶峽吉撫湖四州載伏誅進吏部尚書後加光祿大夫太子少師德宗即位方切倚毗公揚炎盧祀忌之遷公太子太師外亦優崇而陰實疎之云公剛介不阿居官四十五年居中僅十載六遭貶斥竟致殺身而後已死之日年七十六三軍皆慟哭天下無論識不識皆稱顏魯公云汝人即龍興寺祀之知州江銳乃廟於州城之東余惟為臣死忠為子死孝自天地剖判以來惟此元精正氣朗然與四序三光流耀宇宙而其神則無不之公出入四朝獨秉孤忠汝州之難請劍赴火百折不回死而後已可為人臣殉國者法其生氣至今在汝即不廟而凜凜嗟夫公國之元老也出使盧祀薦之也祀之薦公者忌公也而德宗聽之責於祀也豈惟德宗即天若為祀用而卒不能脫公於逆賊之手者夫士非艱難無以表特操公之大節炳烺令天下後世仰其結為星辰而行乎陰陽者夫固於汝得之也吾故謂祀非忌公蓋公揚休樹烈之資也雖然祀亦非公死其取唾罵於天下後世必不甚天其厚祀

終太山人集

卷五

三

之毒於公而益明其不肖俾與公之賢而並傳也歟舊志吉水王君昂有傳余為剛潤之而復為小傳附焉

雙節傳

程道南新安人也自余寓恒陽道南素與從膝論心王話及先事輒脉脉改容沉痛而語余曰不肯先大母與余母邁先大人之不延也而並以節顯孤行體然莫白丐子為文之按新安程浩生妻汪氏休寧汪帥女其孫倬妻亦汪氏歛信行里汪春盛女汪母年二十歸浩生明年生子廷富又明年浩生逝廷富癡癡在襁褓人勸母改嫁母指遺孤籲天大慟曰我今為程氏母矣宗祧我承矣可令程氏如殘之緒遽絕于我乎夫九原有靈其謂何言者色悔當是時程氏家茶中落母卸却鉛華躬緝綿自給茹納艱苦足跡未嘗一出閨闈廷富長為娶婦黃氏生子二長信次即倬廷富賈子徐計息視他賈紉也母與其婦黃蕭燈相對治麻糝至食不茹葷以勤儉佐其家迨廷富舍賈而農費漸繁矣母亦無復侈心猶勤儉如賈紉時年九十鶴髮翩翩垂也步履不第一蹶中風而卒其節行聞弘治間紀在郡志倬妻汪氏未笄歸于倬

終太山人集

卷五

四

十八始婚後生道南復生弟道東會倬游徐歸汪氏  
哀骨之泣盡而繼之以血兩目遂喪年二十五斬  
然之夜惟拮据奉兩老姑冬綿夏絺皆出其手兩老  
姑慰之曰媳竭力如此其于倫本厚矣天必祐之何  
憂必寡也越數年兩老姑相繼化去汪氏又斬然在  
疾世呂理殯葬大事辛苦萬狀至其履操冰霜皦然齊  
于江毋嘉靖甲寅遣道南入都道南秀而文尤工書  
法遠古名匠時重脩永樂大典禮部有簡入供事史  
館事竣例得膺冠帶汪氏已久養京邸至是且喜且  
悲謂道南曰吾早失汝父汝季復早世惟汝在是天  
終太山人集 卷五 〇五  
所以祚吾程而延厥蒸嘗也汝今曳組于朝矣其  
矢務揚休邁烈以表白當世而恢大其先聞道南為  
哽咽受教居無何汪氏寢疾四十餘日將革呼道南  
屬具後事纒纒不亂詞氣慷慨如常時又其達如此  
世志表雙節云又某曰節義者天地之棟梁謂天常  
人紀賴茲弗墜也世有誦先生說理致者往往弁髦  
名行而後元精正氣朗然流耀宇宙者卒侈談筭禘  
之倫亦可慨矣乃今程氏二毋世其節後先光映寧  
聯俎傳不謂奇事哉然余又有言焉立節易立孤難  
當春秋時晉大夫趙氏之友程嬰存立趙孤蓋嘗為

其難矣今嬰之苗裔在新安者一髮千鈞而天生二  
母以覆翼之伶伶僇僇以迄于道南之身而程氏之  
孤始顯與趙氏孤相為不泯豈惟二母能完節哉亦  
嬰之能為所難而千載之下猶得以食其報也余為  
之傳傳焉

曾祖大使公傳

大使公者諱本字時顯號漁隱雪筠公長子也生有  
穎質善讀書書法邁勁逼虞體顧子家不造雪筠公  
早世諸父亦相繼世兄弟中多嗜酒使氣先休日廢  
公以茲廢學年十八寧州巨姓樊氏爭地界欺公門  
終太山人集 卷五 〇六  
戶儔又謂公少年易與也白日結其黨掘發先隴公  
即顛天大慟啣危徒步想闕下事下兩省會勘公子  
身屹立諸獠中雪涕抗聲以暴九原之長恨諸勘  
官直之悉宜焚以法也自是里中諸大猾豪輒入敬  
憚公弱冠奮筆椽臬司臬司憲使郁侯二公咸才公  
而遇之優適獄中有三十人者郁憲使素治當劫盜  
論死矣公舍連獄司日夜聞此三十人者呼天行冤  
聲不絕也憲詰之果磚石工因捕者既誣為盜公具  
以白之郁郁不聽且厲聲大叱罵公曰爾豎子何得  
妄言爾豎子何得妄言公不敢對越數日復白之郁

郁又大叱罵公曰爾敢故為群盜解脫地而欲撓五  
大府之憲也咎將誰執夫為群盜則得夫其謂我何  
公頓首指天誓曰謂某於群盜有他耶而欺公神明  
儼然殛之某所以知為磚石工者以有工匠諸器物  
在又諸庸者家可訊也郁又叱罵公不聽久之曰爾  
且休天是時郁業已論報蓋陰欲自請其訊詢不明  
之短云公於是計無所出廢寢食者兩月殫心昧死  
說郁萬端申救愈力又因郁之應門者具道三十人  
所以含冤狀通於郁之內為郁解居有間公復頓首  
郁前曰公之成案已定矣然不明之失小三十人之

終太山人集

卷五

七

寬大也某不敢以口舌爭第提諸庸者家來真偽自  
見耳某請以身受命往郁不得已令公往而公又私  
貽獄官吏金為稍稍寬桎梏楊延旦夕之命以待  
無何提諸庸者家至郁盡出其獄群盜於臬司大堂  
令徧識之果識出二十八人者皆磚石工也而其二  
已糜爛獄中矣郁始驚嘆其竟盡活之歸而相率具  
工食費千里來吾鄉造地面磚磚公之堂者五以報  
工竣哭而歸固不受直然公竟直之也安陸有孫生  
交者美少年也貧而微又落落無能文聲來就試鄂  
中公一見異其器盡力館穀之同輩笑公曰艾氏子

癡艾氏子癡已則非文墨行而徒以器識鑒賞  
公聞之遇自若也項之孫果第連成進士不十  
尊顯公以謁選上吏部孫適又握銓吏部欲破  
公固辭曰何可以其一故人故而廢典銓大法而授  
兩淮益大使公至兩淮富商大賈有墨其金賂公者  
公首發其奸不少貸廉聲著淮上正德間逆瑾用事  
亮燿灼天下知有御史梅岩黃公論劾瑾矯詔誅之  
朝堂幾死公走使千里介醫護之南歸已而瑾又以  
諸盜官貨源也有能入貨如望者拔其官公自顧宦  
牽瀟然雅不喜附笑阿權以微賸厚遂棄官歸鄉人

終太山人集

卷五

八

謂公必捆載歸也歸時值宸濠諸亡命千百人行劫  
鄉人盡避匿深山中皆謂公必不免公為具食飲門  
外以待隣有與公郤者大呼擊賊命移怒公賊將入  
忽見群鴉蔽天鳴賊驚曰此必善人家也遂相率去  
人謂公陰德之報云公歸日與田夫野老狎黨鄉里  
青蒿交時日往來通衢語人曰若能舉此數日火乎  
不爾吾且遺若公不饒於賞又大母胡孺人素重與  
公每每追問時人之價冬月遇凍者於途輒解衣衣  
焉嘗一冬曾大母凡三製重裘也歲時出里中收責  
歸携有布帛諸物預呼房族之貧者嗟遺之曰是物

一入門非吾與爾有也見里人家無檐石而外作統  
榜之態者心甚鄙焉常率家童採薇食鄉國子生唐  
佐貽公詩有清居官地儉居家白日青天王未職之  
句此雖瑣瑣亦可繫公生平居無何逆瑾敗詔天下  
以忤瑾失官者盡徵入京計日超殿階也邑大夫促  
公應詔公固辭因號漁隱老人以見志晚歲病咳瘠  
甚一日病革鄉有不檢者數輩來問疾公尤瞪目視  
曰爾可飭勵行檢學做好男子云云其正氣至今猶  
可想見公自楊坊徙居庄頭謂庄頭風氣勝也又識  
姜源鄧家山有旺氣莖其父雪筠公與其母鄧孺人

終太山人集

卷五

九

至今吾輩後公者皆斌斌以詩書發家人皆謂公卜  
陰陽二吉為有徵云文科曰若大使公者可以傳矣  
往余髫年嘗侍左轄黃先生黃先生曰爾知爾先人  
大使公乎爾今秀而文食爾先人之報矣且為道所  
云云而猶服其殺寇盜識孫生忤瑾不復出三事黃  
先生之言夫有徵也夫若大使公者可以傳矣作大  
使公傳楊曰大使公傳出伯氏萬安公手蓋早年作  
也余檢出箇中芟繁補遺以成實錄今後代子孫知  
有大使公耳夫期年樹穀百年樹德公之德種種厚  
矣固宜其留為子孫數世之利也然余於救寇盜事

則誠嘆其難焉昔大宋及第以活數百萬命余每過  
渡驛橋為低回久之夫驛驪動微眇耳而宋公猶然  
身享其報公以一臬司椽苦心殫謀傾身極力脫三  
十人游金之命於楛鎖之下相與啣涕濡沫而後為  
生且法司論報已成之案一旦以公廢也其視宋公  
渡驛事為何如傳曰不于其身于其子孫言善惡終  
有報也凡人家家子孫茹肥乘良不念先世以故行事  
多墮厥先休余為此懼官刑部問刑輒求其生奉使  
慮囚矯詔不敢多殺起官蜀臬數從大疑獄案出人  
凡此皆惻惻以公為念也第余居官生人固其職比  
終太山人集

卷五

十

公之所留益務樹德積積無忝前人焉  
先大父國子公傳  
國子公諱秀字世芳號友筠大使公子也公從諸生  
廩而擅時譽為提學霞山蔡公所識拔每出校各罷  
縣令公隔年幾六十以歲薦遊北監掛選歸居無何  
卒公個儻有大略而急於公義識度深沉凝然不動  
加之無故臨之以非常如無有也為人孝友篤至  
治家以嚴內外食指林林寂無敢譁教子孫尤嚴吾  
仲父稍長受書而有董心善送公怒鞭笞之錮之室

中不令出吾長公幼穎慧願佻任誕不羈公時時鞭笞輒辱之冀其有立後長公薦於鄉公病中趣工匠辨棹椅諸器用人問故答曰日者其必第其待賀客及報至而公世先是通方為僭運糧流亡艾氏衰微矣公奮曰天之所支不可壞也吾艾氏奕世好脩無忝舊德天寔支之而今願罹其斲將振頽亢宗之有待乎未可以當吾世而墜先緒于是招亡後業捐已力收穀而懷結之又立為家政以聯其族之散如曰合族衆奉祠墓叙倫理動職業崇節儉急賦役禁誣訟興禮教八條皆其著者用是人各有固志艾

終太山人集

卷五

上

氏稍稍立有里中豪者欺公門戶儂也觀黨謀伯其產揚言曰吾必逐艾某還揚坊乃已揚坊者公祖居也而大使公新徙庄頭犯豪之忌公不得已訟之官公以子身當群雄鷓鴣張獒食之衝訟數年卒得直而豪亦自斂手退矣會記長公謂余曰大父每與仲父商訟事時見余至則脉脉械吻退謂仲父曰訟多機械語壞人心術吾蓋不得已為之可令若間之十其教子孫嚴而正率類是至其存心仁惻振人之急如不及每出穀貸鄉里人縮其息貧甚者折券捐弗收也人以此多公之義益德焉每出府縣見有賣活鳥

雀者盡買放之見道旁有死人則令家僮弛負擔盡日出力為殮之常往府途宿聞一婦哭甚哀問之為積逋不償也將鬻兒女償之以是哭甚哀也公愀然為傾囊代之償其厚如此又公達人也例出貢置酒會合學友公在縣酒半家人來告吾贈公之變甚啞滿座大驚瞿然失席公色自若飲如故吾贈公入棺待公回目始瞑公卒不之哭第見公滿面發赤色露筋而已人謂公矯情強忍余以為非違者不能也不然公獨無父子情者哉余以童時所習于公者紀之穆曰余七八歲時見公輒避不敢見後讀書官樓公

終太山人集

卷五

下

每教余與諸父習揖讓行步不一借顏色又嘗見公元旦日携岐南叔步出行以小忤手鞭笞至余家哭不已不止是時岐南甫十齡耳於此見公之教子孫嚴美吾家自先世迄公始以儒術著又敦德好脩延及我後人庶幾茂明之公之功要不獨振頽定傾已也余以故列其行事

先考贈中憲大夫鴻臚公傳

贈鴻臚公諱鳳翔字鳴道號丹啞國子公長子也公幼讀書難強記然發憤勤苦焚膏迄曙猶聞咿唔聲弗休以故記之久又穎悟高為文清切得歸趣三賦

不第人皆曰命公曰吾恭之未工而願命之罪繼今當大肆力期必第也年幾四十卒長筆屈於短豎脩能阻於窘途自古嘆之矣余六歲時哭公攀號躬飯舍焉公為人至性貌恂而詞幅辨於心誦於口聞勿不耀如礦金璞玉眾人莫識也常自言曰純白載道大冲不盈夫知我者希則我貴夫舉世文而吾質至文也舉世巧而吾拙也舉世有而吾無真有也吾知吾之為吾已耳而願假套襲機以中世則人必駭且笑之何者謂吾一旦化而為鬼也故公之生平有君子長者之譽焉公與長公萬安公同為諸生

終太山人集

卷五

〇二

先妣李太恭人傳

李太恭人名龍贈鴻臚寺卿丹啞公配也為長慶李菊逸公配方孺人長女方孺人子孫多日夜禱神祈女已而有身異居族子李太美者夜夢數人昇一輿入孺人室輿中一女子翟冠綉服紆紳揚帔儼然不類常女也又二龍繞輿旁覺而曰兆也其為吾孀母產乎厥明來方孺人家言夢孺人以夜半免身生太恭人矣以夢龍名龍又龍男兆也應余兄弟二人云太恭人事其公國子友筠公姑胡孺人最謹以孝聞相贈公為名儒生一切家內外事獨身之年四十三贈公世太恭人天性澹泊朴素孀居拮据佐其家焉

終太山人集

卷五

〇四

長公與余顯學長公以先大父督之嚴學而名有成余受訓長公長公亦督之嚴而太恭人時時舉儒生遠大事責索譙戒於內以故余亦繼長公名有成長公官萬安也迎養太恭人不就養後余官京師也知太恭人亦必不就余養日望雲為蘇蘇隕涕為家書至太恭人必屬曰兒幸度其職無我念余稍稍慰余奉使決囚上谷歸觀是時詔治決少者嚴甚余別大恭人曰兒茲行寧聽恭母寧濫殺太恭人漫應之卒之余果決少被恭幾奪其官居無何余考刑部主事滿得微天子之靈封母太安人函制辭章服介使上

太恭入壽太恭人喜於是人爭詫曰鄉者太恭人產時夢輿中翟冠綉服女其謂今日乎兆母兆子矣余是時在京師日夜念太恭人不置欲告則不可得悞不即掛冠歸然而志念决矣夫先盡東其行裝餽置糧船上載之歸傾之有江陵奪情事與余志念大相背因憤發言之槌之朝堂幾百人爭傳不諱矣余內創聞而信之喟曰吾固知吾夫之有是也閉門三日不食形容瘦損舉家皆驚太恭人慰解之曰吾兒果有此是為國太義死且天必祐善知吾兒不死况吾日來無不祥夢乎爾何過聽而沉痛若是久之余家

然太山人集 卷五 〇五

書至知吾內信余與太恭人料余事皆不棄太恭人聞余書中斬斬語益大喜余過家時裹瘡卧膿血淋漓又兩解官橫甚日怒罵索余金促之行太恭人為時時具美食飲柔兩押官度幾故瘡少延息之且促余扶病行也行時舉家皆哭獨余與太恭人欣然揖別無兒女子態余後以問歸覲太恭人曰兒第行無我念又欣然如前揖別時盖余自蒙譴以來太恭人不獨無半語怨悔即啜嘆聲不聞也顧不以余矯詔少决人為是太恭人何獨不仁如婦人哉盖有見矣頃余報起家西蜀太恭人喜自是行不扶余以春秋

高遲延不忍行乃日促余之官必欲與行俱西也念鐘蹇久之一日聞盡散其室中藏與人知其有决志遂奉太恭人輿至夔州始乾舟上巴渝在巴渝署中余每有公出太恭人則又時時念余念家一日報余轉光祿大喜呼酒共諸孫諸婦飲朗誦少時所記口號詩大笑聲徹署內外且欲與余俱北如前西行時歸而舟至歸州古黃陵廟前廣兒水太恭人大慟遂决意歸余亦以此仄心世途且謂頃者母西吾與西毋今不北吾安能舍母而北也為具告養疏擬上之會太恭人從岳州抱病歸至明年正月十八日誕辰

然太山人集 卷五 〇六

忽攬衣起坐室中子孫諸婦羅拜上壽逾月忽大還矣痛哉太恭人性耿直無機事人有過面折之素無厚藏有則推以與人平生布衣蔬食以為常余兄弟官中每寄錦綺文綉服置不服即章服歲時僅一披之諸婦有華服來室中坐者坐竟日不語布衣來坐者則呼婢煮茗啜相與言笑竟日夕以此諸婦無敢華服者見人有過夫動舉所習聞里語謔言有好浮靡者則曰不聞牛背穩布衣牢乎有好爭訟者則曰不聞饒人非痴後得便宜乎又居常每對子孫曰床無病人獄無罪人便是此生受用清福其為慈訓

忠厚如此年八十六常紉補敝衣履與婢女穿匿不  
令子孫見燈下常自穿針余謂其至望百如母方孺  
人也詎謂其遽不起哉醫家診老人脉宜休囚太恭  
人獨生旺如盛時本之陽臟每已病必涼藥項病時  
真火蒸蒸灼其軀手掌龜裂藥不能已矣痛哉享年  
八十七云穆曰余為郎時思太恭人輒啟矚視其官  
道受管欲死時大懼傷太恭人初未擬其何似也余  
歸見其容貌志意別而之成所以此知太恭人識度  
深遠矣余為子恨知母晚也至論天性澹朴不以余  
兄弟故而有侈心常自親中饋紡績見之者謂蕭然  
終太山人集 卷五 〇七  
食貧婦也此不可以觀太恭人哉

### 處士公井峰傳

處士公諱鳳梧字鳴時號井峰國子公第二子也少  
好美而罔殫心于學國子公督之嚴常錮之室中不  
令出長而謬違仇爽能其家國子公曰是兒致身青  
雲慨大先聞吾無望矣庶幾成家許盡稱有子乎無  
何里中豪有謀伯國子公產者訟之官事屬鮑愈憲  
問鮑威明著楚中將蔽罪國子公坐之侵欺公大聲  
詎天闢法司門入曰侵欺其庶人罪于吾父生員何  
預而公危之乎某死即死耳不忍令吾父危也鮑大

怒如公三木斷腰折脊瀆于死國子公以是得末減  
嗟嘆公之以身明國子公不愧子矣人有議公處兄  
弟叔侄之間不然者此蓋性氣所使春秋譏刺不及  
庶人何可以一青掩公也

### 文學公岐南傳

余與文學公諸父年相若少時同學先後同為諸生  
又同有名文學公獨在府學公諱鳳來字名世號岐  
南國子公第三子也稟分英邁不倫居常恃性敏不  
事讀書為文每遇試數日前稍涉獵書義大指臨場  
握管便咄咄有奇氣逼人常列高等使假之年究竟

終太山人集

卷五

〇八

所詣詎可量哉除慶庚午以赴試居省城病痢卒先  
是行時夢自與鄰人周某書云獨我惟此苦五字後  
卒於周濂溪書院又同舍者獨公染恙也信有數哉  
病甚時作詩二首其一云金風蕭蕭天欲落病客伏  
枕無光願遡濂溪千古脉斯文正氣共翱翔卒之  
日果岐雲與余侄而康在且屬岐雲曰有弟在吾客  
死無憾其撫我三子後岐雲為扶襯歸公為人放達  
而性稍褊急然好辨有口遇事有才力擔負嘗曰守  
空文無以自見於世如膠舟不渡木騮不駕無為貴  
士矣乃天奪之速志願不酬惜哉



先兄萬安公傳

隆慶中余官京師家人來言公從吳中歸邑邑不自得顏色憔悴羸尪又卜築楊坊庄居日猶猶為校老計余抵公書曰隋侯之珠不可以彈千仞之雀謂其所指者重也吾人之有生非直隋侯之珠之重也吾生之未卜而卜居乎無何公訃至夫吾何忍傳公公諱科字晉卿號阜野贈刑部公長子也生而穎慧絕倫讀書一目數行下輒成誦終身不忘八九歲時同諸少年受書塾師塾師日口授諸少年史鑑義數十篇令公試之其旁聽僅移晷耳聽畢置不復讀詰旦

終太山人集

卷五

九

塾師雜舉數十日以難公一一應聲對如呼響答即贈公與諸少年聽講者竟日夕讀記反不逮也人以

此奇公塾師笑曰父不得而子者父生之謂乎蓋是時贈公讀書難強記云稍長為文泉湧颯發援筆灑灑數十言率多不經人道語沈御史越今吾邑見公輒呼曰千里駒千里駒云公讀四書易經僅涉本文大指蔽帚一切諸講義即朱傳且置不讀每試目出竊以其意為之類暗與朱傳合而時有離之者有司每每驚其逸思漢發不謂其離也年十七八已博獵百氏為古文詞縱橫馳騁嘉靖癸卯提學取應試生

名次置公後公發憤卻增廩不拜李邑諭以為狂風

公曰今科用必第乎公曰必第曰第盡券乎公曰券已而公果第人以此益奇公自是公豪於詩酒放情山水厭簿舉子荼如秋毫浮烟矣嘉靖己未署嘉慶邑諭事見海翁中丞首薦公學兼六藝之長文有三蘇之氣為三所抑陞萬安知縣萬安值流寇新殘議增城脩守備府又當孔道日使客索折乾其豪宦動搖官吏長短公至拍俸高其城繳還府給帑金數百兩因與分巡譚有劄劄守備府地方類之革去折乾裁豪橫以法各造為飛語中公於所劄得改調矣

終太山人集

卷五

十

公去萬安別譚曰凡彈童有見之而面熱汗下者有見之而可發一大笑者若科者真可發一大笑也譚默然內媿久之至江西上書栢泉胡中丞曰科之奉職無狀宜有今矣而其致謗之由則有五焉夫此五者可無辨也而今辨之者以官可無作心事不可不明也科自任萬安以來見一狂生與縣丞揪鬚鬚頭而翹於公庭無復衣冠之體初未知其為誰氏子也而答之後知其為其權貴親舅心頗悔之而其實法固當有然者狂生自是媒孽萬端夫一也紀功察院註節在顛往來絡繹之使索夫騎折乾者日至數十

金民其苦之科一切革去雖民困少蘇而所謂借譽於左右者曲有矣二也自科歷任一年餘耳而察院支無碍銀餽鄉宦者數千金其實比銀一無有也於是不得不曲為處之而有難冒科罰之名以應當路之命者則甘心移者多矣三也五事今遺其二胡公覽其書灑然嘆之曰爾文人也書實事也惜爾不能早吐出胸中之奇耳異時當為言之主爵者備中書誥勅之選焉公入京例得改教授補瑞州府鳳凰山有文文山廟文嘗九日登高飲其上後人因廟之梅崖周中丞奠焉見石刻奠文不佳立命公作四六語

終太山人集 卷五

公援筆成有曰方其登高舒嘯必多憫時憂國之懷也其就義併容亦即把酒臨風之意固大賞其切先是補瑞州時閣老養齋嚴公尚書潯陽董公鎮山朱公見公所為孤志錄叙文交口嘆曰艾教授異才也為註車騎禮之皆面許轉公誥勅公以詩謝有開館幾人延國士狗謙此日下儒官之句乃公方出京而三公皆相繼解去矣即前胡公入為太宰物故矣居頃之公亦承不母重歸起補蘇州教授陞襄府紀善矣夫人忠無才才矣患不遇知遇知矣患不見用公之才氣稱萬人敵乃不利於官而猶幸遇特達之知

於四公四公者皆當路太阿在掌可謂有厚援矣而卒不能一振公濬豈非命哉此長沙之行所以徒來宣室之召而卒俾之情辭以終也余於公泫然動古會才人志士之悲焉然公雖不享於官而朗暢自豪每有塵外之致為人不事苛廉曲謹意氣傾湖海海內士一見輒吐肝膽交驩諸富貴有勢出已右者必欲陵其上諸出已下者愈貧賤益敬禮與之鈞見人有小善薦寵如不及也議論口若懸河雜之詼諧滿堂賓客稠人中有公在為捧腹絕倒第性直稍褊急面折人過不能容聞人長短如茹物不下必吐乃已

終太山人集 卷五

以故往往以口卸被訕人附之者少焉然其中絕無宿藏洞見裏底時或怒人轉盼如太空倏霽萬象不失平生急於義如湍水赴壑吾平有寄庄稅代寧民輸者百十年矣以隔屬故公為書抵江西當路曰國有分土無分民寧民田之而使平民賦之是厚怨於平非寧之利也長民者將怨是拜而可不從公處分以已亂善鄰乎卒之委官會勘如公指兩地帖再平平馬里中黃氏田賣各家而稅留其戶名曰賊無徵逃亡矣公憫之貽書勸里中人曰百足之虫雖僵不仆以扶之者眾也千鈞之重十人舉而少一人則不

易勝美黃氏之存亡固吾九家相與為利害安危者也若見小利昧大義苟目前之便而忘久遠之圖是棄其所以安而就其所以危也且中人不聽令持書翹之當若卒谷歸其稅黃氏賴以存凡此皆智巧所避而公獨毅然有之以是任謗任怨有弗辭者鄰邑虛空屋有黃道人者以僂術聞為通和殿日會玉帝薦紳諸老爭嚴然師事之鼓動一方矣公為移文曰神僂事有無不可知設有之亦必遣六慾滅三毒恬澹以願神養氣而後能清淨得道與上帝通也今觀道人者一酒肉俗道士耳其去僂奚啻萬里而顧鬼

終太山人集

卷五

五

言玉帝以自神抑可謂欺人於白日矣諸老甘心事之畏閻羅勾喫耳而因之熒惑一方人心則誠可慮焉監司讀公文為駭之出境其不惑於神怪又如此公幼學而好美大父國子公督之嚴余猶及見其第之數月前日鞭笞不已也公又以大父督已者督諸父與余常對人曰吾邑繼吾而第者必待此小子是時余年甫十餘齡也余果後公十六年繼之第曾記公送余赴試曰爾茲行即場中文不可知知必第也後余入初場文不稱而家間鵲千百群應期繞舍鳴公曰此第徵也即大書旗面文魁字以待又日趣

工匠治廬迓賀客有間報至矣一見試錄名次為默然又之公之望余不但已已公教人常依節義嘗數為余談劉忠宣公西成事余童時嘗誦白頭今過六盤山之句而想慕其為人乃吾楚自忠宣公西成後百年矣而繼公西成者獨余焉公之教余與余所歌詩不至是識乎余時為悵然追憶賦之頃余板自行間矣知公之靈必為余善其以直鳴又以直顯度幾少慰公於九京也頃余又何能報公哉余為之傳欲後之讀者彷彿公風神意氣言笑焉公所著詩文有對鏡集惜羽集糜畧集寓吳稿穆曰五石之瓠不以

終太山人集

卷五

四

之浮乎江湖而憂其飄落無所容夫謂其拙於用大也以公之才氣使為舉子業趨時學樣必能拾上第為詩文尚法摹古必擅名家居官務循謹抑損可取通顯大有樹乃皆不之然其於用大也拙矣然公固不以此易彼也嘗觀公之為人不可羈每類灌長孺罵坐謁上官言必笑亦每以是得過蓋本之稽叔夜阮嗣宗之流宜論於繩墨禮法之外者也以時局論公先公矣至其英氣義氣偉文雄談則士大夫至今嘆慕焉

亡兒而廣傳

嘉靖戊午余初第時一相士謂余曰公三陽火旺必  
生男其應在十月乎余歸而十月十八日廣兒生小  
名廣以余新從湖廣歸也長命名曰而廣云隆慶庚  
午余考家官國子是時廣年十六而痘險幾不能全  
賴陳中丞公為逐支醫全之陳公復為余捐金謝支  
醫義至高由國子徙官刑部丙子秋余奉使關外携  
廣歸明年余以言西戍又明年廣為博士弟子夫從  
余西余體羸廷筮瘡不能馬廣身疥亦不能馬日相  
與躡躡行數十里過沔池縣遇禁廣一日疥盡瘡至  
謫所兩面孔相嚮空存皮骨居逾年與廣遊終南山

終太山人集

卷五

〇五

栖祖安道院中余日讀書賦詩不休廣亦發憤業舉  
浸有得時或乘興尋幽吊古夜半登說經臺冀所謂  
青牛紫氣隱隱千古之上者庶幾遇之之僊遊寺過  
江搗玉女泉飲問坡僊調水符何在共友人浮白引  
滿酒酣耳熱為數月黑龍潭邊放歌舒嘯與江聲相  
通和厥明東遊草堂寺觀鳩磨羅釋古塔翠色滄滄  
光亡欲飛盡日別蘇磨斷碑讀如接古人當是時余  
施施漫漫與姻霞塵為徒不復知身在萬里外而  
廣亦安余之娛窮愁破岑寂父子相倚歡甚不忍離  
也又明年廣以歲考歸金提學置其文高等補廩余

起家巴渝未浹旬轉光祿矣余與廣同舟歸以舟狹  
別居廣兄弟子姪六七人於民舟隨之行時水落峽  
中諸險惡道已過至歸州古黃陵廟前廣與六七人  
方同飯舟中廣先出如廁舟忽觸石敗廣沉水死矣  
皆萬曆癸未之十月五日也痛哉天乎痛哉天乎余  
何罪禍及吾兒耶吾兒何罪禍及其身耶天實命之  
爽報施耶玄冥失護耶人生大齊止是耶舟何以不  
敗於峽中諸惡道耶何六七人同飯舟中廣獨與禍  
會耶此其故余莫知之矣先是余未起官時廣二牝  
鷄晨其音又家人夢廣所居屋大顛至昨未敗舟前

終太山人集

卷五

〇六

二日半夜忽聞水聲大響者二如人從水跳躍者又  
廣婦前夜夢數人手繩索來河船上捕捉人船欲  
覆覺而見燈照船窓上人簇簇怖甚明日日晡時遙  
望河船歌如夢中狀人皆林立小魚船項之而慶與  
華茂二孫悲號來知廣死於水矣日茂幾不免去其  
足一靴水中又同廣沉者庄民陳也二響聲固徵執  
廣意氣類余余西戍時所有諸名公書與詩廣皆手  
錄成帙且欲為余刻西戍集性放達能酒常歌杜子  
美明于此會知誰律醉把茱萸仔細看之句又剛硬  
人不可干以私親知有因廣千余者廣對使焚其書

不以告即入蜀於余行事有裨余先從陸之任廣奉  
先太恭人舟中行事先太恭人驩甚所過屬地餽送  
一物不妄受余兩有公出廣在署中禁應門者一切  
餽問不通余治北行裝例發各物價與主辦官給行  
戶廣勸余親給之蜀匠造牛尾巾者例賞可一金廣  
獨以三此雖瑣屑事可以觀人廣與友人同攻科場  
業有次第文健朗可望詎謂英英奇氣一旦河伯奪  
之哉吾之飲恨當與黃陵江流共長矣雖然人生飲  
啄前定况死生乎廣之化期死所皆有在命是司之  
將無天促廣之歸而使余有茲行余之有茲行也非  
終太山人集 卷五 〇三

廣為余而余實為廣與不則晨鳴之鷄頭居之夢何  
獨見徵於三官未報之先耶余於廣又奚悲廣有子  
二長曰日茂次小名曰川余往辭按君邛州夢褚衣  
人打黃旗道上來後見輿中一小兒可五六歲貌甚  
癯抱之則公呼余余覺而知廣婦產必男也後果舉  
男子貌癯死如夢中見小名川者川東道中生也生  
二十日而廣及於難云

艾熙亭先生文集卷之六

- 平江 艾 穆 和甫 著
- 沔陽 陳文燭 玉叔
- 新淦 朱孟震 秉器
- 高邑 趙南星 夢白
- 臨海 王士性 恒叔 校
- 不肖孫日華輯

祭文

祭馬乾菴相公文

某自公爰之以來即在飲冰吞炭中時時為鼓舞灑  
酒酌地喜心焉謂天生我公本為社稷也無何有傳  
公奄忽大還者其大叱之謂天方為國祐老成何得  
有此事又公神氣英爽類盛年也已而讀邸傳果然  
為泫然顛天泣下交頤不自禁焉寧獨生平知己之  
感哉君國之悲蒼生之痛固橫集於滯也憶昔官成  
均時荷公殊知公謂其能文章又謂其人無他腸也  
每拔群顧過之而某亦倂窺公屹若嶽立含畜雲雨  
浩若河流吐納元氣也無何公長宗伯矣而某亦為  
刑曹即每相見必與談文章獎進不置一日手三子  
口義書與某曰是書固當付文士手其憐才接引如

此項某以狂瞽觸憲也不即化為朽木下異物而以其殘骸餘魄禦魑魅於絕徼之外也又不即填喬土溝壑皆若賴公有天幸夫何某也當雷霆震赫時猶能得一生於萬死而公以雍容昂貴之身為萬生所倚死者乃一旦溘然而觀化豈不令我顛天大慟而動君國之悲靈蒼生之涕哉抑公方斟酌元氣感時觴憤自以其憂君國蒼生者焦勞迫結於衷卒與疾會膺降割耶亦未可知也第某今視吾此身如金鱗几醒旦夕不謂其不死也而死而後於公無能以其奄奄之息告天請代而為知己者死異時何以見公

終太山人集

卷六

三

地下雖然公之達昏旦萬古何短何脩公之神翱翔元化何明何幽公之才不待旋乾轉坤而天下信其鉅公之節不必引裾攀檻而天下服其忠公之業不必鐘鼎旂常而天下知其與古名臣碩輔方軌殫隆也公又豈必百年而後為永哉某已為位哭公於湟中夫行且匍匐萬里拊公之棺而長號盡哀也而聊為函致于公者如此若夫公之所以眷存某與某之所欲圖捐糜於公者則固難言之矣公之靈其亦有鑒於吾否耶

祭太僕寺卿王繼山文

余與公平生素昧緬想高風每於士大夫中得公而恨執鞭之無從項以薄劣踵公之後訊公為人曠金璞玉逸塵離垢厭時俗之波流敦古道之樸茂雖富貴無所分華而清苦不殊寒陋况又天植其性節槿義夫之貞行極人倫之厚至其吐為文章則峭爽藝林振藻文園為能披朝華而振夕秀秉銓題才則品鑑愈彰游歷卿寺則譽重珪璋方赫赫負千仞攬輝之望而乃一旦挺脫聲利之場上書自老抗志林泉天子曰嘉惟爾尚恬旌厥雅志同卿是遷俾之舍光匿京獨遂其高於梁溪荆水之間而優游盡年公

終太山人集

卷六

三

今雖已矣而出處大義世所共賢後先輝映奕葉翩翻庶幾收造物者之大全而可以含嘻於九原余聞公訃怛然心惻矧茲群屬頌公舊德悵典刑之莫追令儒紳之失色哀不臨木徒有沾臆惟明靈之洋洋奠於斯而降陟

祭丁封君翰林學士文

嘗聞清河之源泗水下通其精英之所結靈秀之所鍾每每洩為隱人而化為鉅公厥惟我翁儒雅風颯心行淳古世美攸崇貴於丘園優游若終逍遙鵝冠隱太難蹤人咸謂其踵鹿門之遐軌而追豹谷之高

風乃其含靈毓奇大啓碩鴻射策承明之廬灑翰登  
坡之東瑰文淵學純德朴忠講幄談經上徹 聖聰  
晉貳銓衡題才執中旦夕爰立接武斐龍此其原本  
翹始如彼明珠領於驪龍如彼豫章棟於龍從則又  
翁貽謀之毅而過庭之功翁也荷天之寵擘擘崇封  
分之大庖鼎養方隆期迓純熙享美穹隆乃厭塵壙  
遽返瑤空計聞上國軫於 宸衷承異數之優渥極  
生死之哀榮某等昔官成均自分顯象象賢不鄙獨  
我磨龍銜憶鴻造報未糜躬則今茲聞翁之奄忽大  
還而怛然悵楚者誠不自知其涕之無從翁之靈其  
然太山人集 卷六 〇四

祭耿太夫人文

丹穴鍾靈重溟毓秀鳳攬珠輝天之所授神物必合  
南金則雙原厥本始母德以彰夫人淑懿內則不愆  
閒於母儀聿追曹媛紹休文史協期婺躋鴻樓光隨  
如珣儷瑄篤生今子墳篋並傳長公崛起為世大儒  
樹幟斯道以標以趨攬纒秦關振鐸晉都蒼赤冥息  
縫掖交乎頃總臺綱百辟為憲正色立朝 聖明所  
眷學術事功行日可見爰有季子駢美紹林曹即樹  
聲儼儼寡儔家有棟宇國有琳球伯瓊仲龍陋彼未

丘誰貽之毅慈訓是由鸞章載錫鶴髮並垂某緣方  
妍靈萱日披頤天錫母永迓純熙遽膺降割跣奔舍  
妻何云象賢朝紳恭悲顧惟代謝乃理之常曰不泯  
者聖善之揚篤我世祐其澤大昌白雲千里玄酒一  
觴式陳短誄竟考洋洋

祭部太夫人文

代陝西三司作

太夫人之傾也寧獨我督府公籲天長號而已哉某  
等蓋怛然沉痛而言之涕零惟天子推轂我公若曰  
部有壽母節鎮以寧用能悉心籌還永暢我威靈我  
諸司之德我公也若曰部有壽母嘉祉是凝庶幾公  
終太山人集 卷六 〇五

及時脩備建威銷萌我庶僚惟公是承奈何太夫人  
一旦長傾耶太夫人令德允臧徽音四騰趾美大家  
為婦典刑以故我督府公矯矯而興蓋龍淵毓秀而  
鳳林蜚英在昔攬轡荆湖埋輪都亭白簡霜飛赤縣  
風清國是定於執憲神氣振於握兵出鎮三邊屹然  
長城陰山掃壘龍城刈旌九關石畫萬里天聲韓白  
翰籌衛霍讓名信文武之為憲而百司之受成矣凡  
此皆太夫人和丸斷織而慈訓赫赫且有徵日者太  
夫人洩洩家居也飛霞而流瑛我公不色而養不與  
而迎猶瞻雲繫戚愛日懸情方期 享有穹隆之美

荷琛綸之榮詎謂其奄忽大還而使公如哀西征耶  
某等竊光莫覲悵蔽雲軒豈云弗壽謝彼千齡令子  
方膺帝眷既奔而行我輩訓旨既違儀刑孰憑托哀  
緒於楮素庶私悃其少鳴謹椒漿之是奠冀英爽之  
如生

祭孟封君夫婦文

惟公樸茂淳氣獨鍾如玉在璞瑩表消衷貢於立園  
優游若終道光千仞印月凌虹襟懷五湖擊楫巢松  
聲利土苴榮華蟻蟻長厚樹聲鄉邑所宗德盛弗耀  
隱大難蹤鹿門遐軌豹谷高風爰有恭人壺範稱隆

終太山人集

卷六

六

配美敵體積善何顯啓祐令子為光為龍迪訓多賢  
聞於帝聰昔官即署錫公貶封鸞童輝奕鷗冠春  
容今也開府疆圉立功擬銘鐘鼎顯親無窮公貴而  
壽道遙渭濱百齡是期五福攸同昊天不吊惟此愍  
凶婦亡夫繼降割重逢某聞公計我心忡忡誼切通  
家長嘆撫躬謝蘭膏桂食報則豐死生晝夜達人一  
空歸返其真瞑目幽宮采彼薄芹式申誄悰玄深齋  
北白雲崆峒

祭饒陽邵縣公文

代作

世有才高其榮賢奪其軍令人發英雄之長悼詫元

造之太偏者非公而誰然耶公華世族鍾靈毓水  
擅穎奇遊神姬呂褒以禮經魁吾越地人咸儀其振  
澤藝林揚眉孤援夫詎意迴翔天衢久而不第識者  
云何嗟公物忌乙丑之歲詢選銓吏綰符蒙城絃歌  
載耳積譽生謗青蠅點璧致茲饒陽父母愷悌召杜  
聲聲龔黃接軌當道庶公治行杰異馳獎琴堂飛章  
形陞人又咸謂公才而祭當踰復大起謂公賢而延  
宜避美莫禡胡為乎遠蹟頓于隘途脩能屈于短畧  
溘然觀化未竟厥美余補真陽職忝司理政體與公  
相聞官評擬公為最知公卧病求致不遂曾未移時

終太山人集

卷六

七

計音忽至英雄不屈元造降厲蓋所謂才而弗榮賢  
而弗祉無論識不識皆為毀心飲涕者而况余為世  
講親誼果額天何極耶所幸者季子飛黃荆花赫奕  
吞精木天名照四裔公之餘巧將闡揚光大于是而  
九原之恨庶幾可已又况達懷如公天地夢幻死生  
洞視乎嗚呼悲風慘慘兮梁木告圯黃沙黯黯兮白  
雲千里抒情墨素兮俯以江芷英爽不昧兮鑒我哀  
緒

祭桐栢明府白寥村文

惟公侷儻慷慨清世伏龍潤議雄談急電長虹振鐸



大江經術王通繼親民社桐栢花封圖書為侶琴鶴  
相從拂衣歸來楚狂龐公章臺之畔鷓鴣冠壽容懷放  
不羈隱大難蹤引觴命局逍遙真鴻厥施弗究後事  
稱雄芝蘭玉樹秀發成叢天全神王顏渥如童人生  
大齊望百考終風流頌盡典刑孰宗山烟湖月精爽  
如逢某也肉骨令子視翁若翁聞公化去旋即幽宮  
拊棺未就執紼莫逢將之祭酒陳誅代躬靈兮洋洋  
鑒予之恫

祭外舅余守愚兄第合葬文

惟二公敦行好脩居貞自守或癖於碁或豪於酒皆  
終太山人集 卷六 〇八  
有所托以獨遂其隱人之高而甘冥於無何有為第  
稱恭為兄稱友鄉之老成家之領袖皆能以其所晉  
者發之子若孫而食其報於忠厚乃今生既同胞祀  
復同豆同氣有緣並諧音講所可異者余之飄泊畏  
途幾二十年矣而今始獲拜二公之柩於堂若其來  
不偶山人以曾仙名齋來自數千里外而傾蓋余於  
高門也若有謀而就夫是以佛嶺山川為二公含靈  
蘊奇之久而待山人與余一旦指點其秀靈氣之並  
乘自神靈之咸祐爰陳誅於墓墟恍英爽之如覩

祭太學生黃南川文

余昨年歸自南中見公形容憔悴神不附體私心願

公節宣瓊攝庶可望其葆光頤和宇宙可以長視頃  
余在上都聞公一疾不起為怛然動兒女親戚之悲  
而咨嗟雪涕每惟公之為人息機忘物任直率真少  
從諸生崇茶成均乃其心山澤之濯而厭薄世紛不  
復覲時

混俗同塵聽公之言侃侃在耳

而不能與時浮沉蓋自其先世敦行好修以迄於今  
而公則奕世載德然得稱於士君子之林公今已  
矣而其年古之所不為不壽公之德業遺之於後可  
大而久公之子稱篋程且揚芬九有公之孫稱謝蘭  
將望其奕葉且秀而可以昌大公於不朽斯又公之  
含嘻九京於心無疾者美其持節之蜀便過里中登  
公之堂悵憶者咨聊陳短誄寫此哀衷公靈洋洋真  
莫與通

祭先兄萬安公文

自我兄之殞茲丘也凡十年于茲其昔官刑曹奉使  
歸也僅一灑淚于墓道旋即飛蓋乎天涯嗣以考主  
事滿得加贈我父封我母若妻而存荷 天子之恩  
私居無何以言象謹擬之祠堂之上甯之河湟之涓  
陰山瀚海天地不羈太華終南助我聲詩念我兄音

容之長淪每仰天咨嗟而涕淚奎魚几肉踪跡孤危  
播蕩五年履險如夷茲幸天啓聖衷番然回思凶閹  
權相黨結相欺誅奸諛于既死起顛直于流離日月  
之食劃然開朗霜雪之後復迓春熙薄海內外快觀  
清時其昔之以狂獲罪也實惟兄訓旨之是師知兄  
九原有靈必為我扼腕擊節且喜且悲今又將闡兄  
之幽光而矯矯揚眉也知兄九原有靈必為我鼓舞  
含笑歡洽頃篋其促裝北上別毋驅馳承特命之當  
赴敢遠棄手慈惟維茲以往誓死報明主之賜環以  
副吾平生所期不則肯忍心我母之絕裾而媿媿然

終太山人集

卷六

十

祭始祖華仲公文

我始祖華仲公之來吾平也蓋徙自樂安之太平鄉  
自宋末迄今家逾四百年歷十八代而其家聲始昌  
舊譜載公墓在羅家坳 山 向蓋的然有據也  
而今索之大地茫茫豈歷世久遠子孫易忘而竟莫  
得其瘞玉之藏雖然宇宙萬形同歸於散其自古名  
人之墓傳之故也皆化為無所以千萬世而猶不絕  
蒸嘗者夫謂其人與骨已朽而神靈英爽固至今洋

洋也公之墓今莫考矣而其神之栖於茲土者猶隱  
隱薄烟霧而憑陰陽其每進念十八代之子孫固皆  
行自公之一人身也而且墟墓無徵但然蓋傷茲持  
節之蜀望公之山而一觴公其鑒吾言相吾苗裔而  
使吾艾氏愈長

祭始祖明府宗源公文

我始祖宗源公之薄水清丞烏沙也一官萬里飄泊  
天涯而卒不免於客死之嗟迨化骨而歸三望之源  
也其墓木之拱者不知幾經枯而復華余兄弟相繼  
舉之鄉也皆得灑酒墓道恍惚見公之靈氣於朝烟  
而夕霞頃者包藏禍心代墳盜葬余為暴玄臺之深  
恨鳴幽宮之極寃而白其事於官平令凶人徙其盜  
棺而公之英魂震驚九原而無依者度幾少安其持  
節之蜀使過故園薄奠椒漿奠格茲筵

祭高祖文學雪筠公文

惟祖與妣樹德好脩瘞茲佳城巍然一丘祐我後裔  
鍾靈發祥游荷 帝眷世澤用昌茲家地簡獲叨重  
寄銜 命而西錦江玉壘玄酒一觴白雲千里念食  
殊報爰申諶辭靈兮洋洋恍乎格斯

祭曾祖大使漁隱公文

終太山人集

卷六

十一

其嘗據往牒見劉帝臺歸人逸金事嘆為善陰隲之  
報如呼谷鄉言答的然不爽焉夫劉公當流落不偶時  
無能謀朝夕一旦薄遊拾商人百逸金繁元而歸之  
商人以數十片謝公公固却之甚不受卒之登第躋  
通顯而子孫仕宦至五十餘人厥孫侍郎公碑其事  
以為訓世澤之延及嗣人其盛如此我曹大父以臬  
司祿救寬盜二十八人視劉公歸逸金事為何如子  
孫食其報視劉公之後又當何如則今日特自某先  
發之耳人皆謂吾邑入當代來未有仕至開府者不  
知吾邑入當代來仕者之先人或未有此厚隲如吾  
然太山人集 卷六 十三

祭祖上舍友筠公文

某年十歲哭吾王父嘗記王父教子孫嚴其每見  
之輒趨而避也長而稍有立為却比部抗章犯權雄  
西戌者五年切起家為蜀觀察為光祿少為南臚卿  
又召入為北同卿乃今為都御史出鎮蜀矣二十  
年間骨肉凋零異其感宦踪飄泊傷其寄欲奠一觴  
於王父而無從也王父平生急人之困振人之窮如

不及出見道旁有尸則瘞之見人有羅鳥雀則買而  
縱之此其宅心之厚施於後世遠矣固宜某之有今  
日也雖然寧獨某一人有今日而已乎王父墓凡三  
徙而附於高祖雲峰府君之旁某持節歸拜王父墓  
而後有蜀行不腆在筵靈其降鑒

君文

穆頃 召入為同卿之七閱月獲沾 新命開府西  
川持節過里而掃府君之墓竊惟孤年甫七齡吾父  
見背人皆云父忠厚之報食之無極孤昨年官南臚

然太山人集 卷六 十三

曹例鴻曹考三年滿得微 天子之寵靈以四品貴  
及其先而孤僅官數月叨 詔贈吾父蓋稱特恩異  
數矣孤自惟為同卿無能舉其職茲又何能大有造  
於蜀乎惟早夜勤心提躬以飭吏安民仰答 聖明  
特達之知而無忝於吾父斯其可自盡者乎吾父其  
夢以通諭而俾孤欽承之

祭誥贈顯妣李太恭人文

孤某為同卿七閱月荷 新命持節撫蜀使歸掃吾  
母之墓痛惟吾母之壽望九而其化也今已八年矣  
某之以言蒙譴也母悲之又喜之及其起也母入及

見之喜之又巴渝萬里之行蓋同之母子六年共悲  
懼更相為命夫頃幸官南京鴻曹得沾 天子之特  
恩 誥贈吾母人皆以為榮茲入蜀其何能度其職  
以光錦江玉壘之遭而無負於吾母乎吾母之靈澤  
洋在也其潛諭之

祭先兄萬安公文

不佞弟某奉我兄之明訓以直名又以直顯今又茂  
膺節鎮重寄也乃兄皆不及見焉傷哉某昨官南鴻  
臚為吾父母請復已奪舊典不謂荷 聖明破格給  
誥命特恩褒及二尊人蓋隆天厚地矣我兄在地

終太山人集

卷六

〇十四

下鼓舞可知也嗣某召入為同鄉奉 命出鎮全蜀  
某不以為榮而以為懼懼溺其職無能大有發明表  
樹光昭我兄之明訓於 熙朝盛際也况將何以教  
我耶兄墓昔在旱田某親見起之有陰水齧其墓悲  
焉今改官墩夫兄之英爽數年暴露而無所依憑者  
其或少安乎某持節之官歸而奠卮酒於兄之墓兄  
其歆之

七月望日祭亡兒而廣文

汝之不得死所蓋天下之至哀汝父於汝腸一日而  
九迴第宇宙萬生同歸於盡即珠沉玉頰不殊委灰

則亦不必論其死之為何如而汝可無抱恨於玄臺

汝之命猶尺幅已定非獨黃陵江上之馮夷歟揚天

吳掀舞能為汝災也而人皆謂汝之賢不死病不死

家而死於水也若是乎禍福不可以常理裁莊生謂

上為鳥鳶食下為螻蟻食一何達也而汝今不惜葬

於魚腹也於造物乎何疑何猜豈歸州為故三閭大

夫之鄉汝父嘗慕其忠高其沉夫今與爾過其地而

大夫之英爽相求恍若為汝觀化之媒不然何汝與

汝兄汝子汝侄共飯舟中而獨先出也正與丹之觸

石會而陰若有為之摧汝之年尚不及顏之夭而於

終太山人集

卷六

〇十五

學庶幾竭其才汝之業雖未大有樹而其心行則無  
媿於脩士之皚皚汝之身與化為友而其所遺者有  
三尺之孤數月之孩汝父將以此娛晚日而爵抱藉  
以少開俟其成人而授之故業天其或者既奪汝之  
速必將昌大於後來茲值孟秋之望為汝焚佛經襲  
楮財此心苟可自盡隨俗於義無乖而汝之鬼飄泊  
于黃陵江波之上者其洋洋乎而來哉

墓誌銘

明故文林郎桐栢縣知縣次峯丘公墓誌銘

嘉靖戊午丘桐栢公國華與余並舉之鄉云當是時

公從司訓桂林舉余從邑諸生舉大都稱同年云公  
有兄安縣公余有兄萬安公皆負超絕之才不肖習  
為卑卑舉子業僅博一第而官又不善官也皆以一  
今公與余為之第人以此是又稱吾兩家兄弟焉公  
性喜月而豪於酒每月出花開與友人浮白引滿闌  
宵達曙不休晚年益遊於詩酒不復問家人生產一  
日笑謂兒曹曰人生行樂吾日株守闕閭中以老豈  
其倦遊乎吾向登太山梁父謁闕里又凌太和絕頂  
今猶意興津津飛動也於是扁舟泛洞庭復揚帆吊  
鸚鵡黃鶴赤壁諸名勝呼酒自勞俯仰天地如接古

終太山人集

卷六

○十六

人盡以其所得洩為歌詩有紀遊集余從謫所貽之  
詩有濁酒江湖間日月清吟天地起烟霞之句此不  
可以觀公風格哉公生而穎異受書安縣公與之齊  
名督學以華許公試其文奇之並置高等乃公連不  
售於有司以歲薦訓桂林為督學設公所鑒賞拔桂  
林臨桂古田三校之俊以屬公士人相顧化而昌於  
文項之舉廣西鄉試兩上春官不第補雒縣司訓旋  
陞曹縣教諭在雒著秋興詩八首名益高曹人士梓  
碧蘇集以傳項余復序之首識者謂當代自李獻吉  
何仲默二氏脩騷雅西京之業稱文章大家而公以

才情俊逸翱翔其中為金鵬變化而出信有有然矣  
嗣陞桐柏縣知縣其令桐柏也政務祛故布新振輸  
吳廢廉聲大著氏有誣劉某一家為盜者公雪其冤  
數十人邑銀礦盜故橫甚以武官縱之公閉之當路  
轄武官於邑盜以靖境內麥秀兩岐者十九畝人以  
為異徵云是時三中丞直指後先疏薦於朝有曰  
心質口訥守謹政勤曰古貌古心實行實政庶幾為  
公傳神然而公在桐柏時不勝季鷹仲宣之思觀其  
寄兄詩曰封侯勳業渾閒事不及江鄉濁酒既則知  
其厭薄時榮矣忽一日拂衣歸父老為撫道擁輿不

終太山人集

卷六

○七

得發其得民如此公事父母孝事其二兄以友聞晚  
年兄弟皆八十里人呼三老龐眉皓首徜徉於純山  
潭水之間對飲浩歌窮日落月甚歡也生平與物無  
競人皆稱長者余為即侍建言故相張江陵奪情事  
蒙嚴譴公聞之大喜為鼓舞命觴令兒曹舉余疏中  
語歌之佐酒邑有陋俗曰女吊曰賽神公以其敗俗  
傷財謀於有司力禁之又邑士中有廢幾貧而樂者  
程君載道其人也余呼為清狂客而公亦日喜其相  
過每飲或程不與不醉也其雅況又如此公諱萬瓊  
號次峰國華其子也先世居洪州鉄柱觀定中

始祖平士公徙平江之潭灣家焉三世祖森以明經仕太守而丘氏始顯入國朝高祖伯聚生許許生文成文成生三山公諱孟常配梁孺人生萬璇萬璇及公璣即安縣公公生於正德己巳閏九月十二日卒於萬曆戊子九月十二日享年八十卒之日正襟危坐而逝娶吳孺人啞港吳恩祥女生子四某某仲子斗能詩世公家學女三某某孫男一選邑庠生次某某孫女某某曾孫某某其吳孺人卒繼娶荆州毛氏茲以萬曆庚寅七月壬申葬公於潭灣之水源子山午出公自卜預作壽藏勒碑其上仲子介書數千里來

然太山人集

卷六

〇八

南中以余知公徵余言為不朽余被狀為誌其墓而銘之曰純山純水鍾靈毓祥產彼二丘梗楠豫章公乃晚發八桂橫翔雄曹模範桐栢循良拂衣歸來風格瀟湘寄興詩酒懶散楚狂澹然冥營春精詞場不朽者言陸洋海桑小水之原生氣攸藏君子之坂後其大昌

明故文林郎安縣知縣純峰丘公墓誌銘

萬曆庚辰八月二十四日丘安縣公卒先是公病中念余不置向吾侄而康語曰爾叔真丈夫哉非超然有見何及此也若得一會吾病愈矣蓋余是時別公

之謫所三年以間歸觀云余家去公百里又時方諱言歸也宜公病中語繞榻彷徨行無何訃至矣傷哉夫舉世聆折楊黃卷嗚然而嘆其于黃鍾大呂之音掩耳也道喪世矣公講正學尊崇濂洛篤古自信而不眩于時趨不謂傑哉余每聞公之論蓋黎然有得于心焉公生而穎慧甫五齡塾師每信手若于篇授公讀目一過成誦試之對輒應聲就稍長從諸生業即入解督學閩中少華許公奇其文曰丘生焚全才也取為入望冠是歲嘉靖乙酉公年愈冠荐于鄉乃公不喜為龍套狗俗之文敷上春官不第至辛酉公

然太山人集

卷六

〇九

年三十八公公三山公強之仕仕而得安縣安蜀陞邑也公秉禮陳義彈馱數和因俗宜民而邑大治為西川吏最諸臺使首荐于朝計日需大庸項之公趨謁丘巡撫觀響丘怒問何官乃爾公應之曰知縣趨蹌而進且不趨蹌不響也又某之門生包通判與公隙陰中之他事丘欲戒公公正色勵聲曰士可殺也而不可辱夫行一不義殺一不辜而得天下知公有不為也卒不屈而會公以外艱歸為丘所論奪矣公未仕時世爭以余姚之學鳴作道術二論闢之業南監歐陽公德為司業盛闡餘姚宗旨從講者千餘人

獨公與持論不下歐服其辨莫能前建業東橋顧公

以都御更行縣公入見不拜止長揖坐論時事辨

道理談鋒泉湧顧公驚曰名山大川必產異人子之

謂乎又曰說大人則競之乃今見吾子因持道術二

論質之顧公曰子欲用世而以是行于也是猶欲越

而撫其轅也子姑藏之復又為公寄書延譽所知京

師諸學士欲南官試收公公持至京不一見盡還其

原函其介如此夫自教之襄也人皆張皇異說矜豔

神務為一切玲瓏之學以見其取容而公獨古

道不能與時浮沉大窳厥施然官雖絀矣志則昌焉

終太山人集 卷六 〇五

假令公習巧宦伎倆嫵媚時以取尊撫在腐鼠直

何能為公有也公沉毅可當天下事乃錮之盛世而

僅以其八面受敵之才施之居第之細即一官清苦

蔚然成堂構之觀焉嘗從暇日暑閑居雜割言言微

詞與世之 說絕異今憲副駱公問禮在南部時見

其書貽書恨不一見蓋有味于公論學之旨也主政

易公以巽書來謂童時聞公治行文草海內無兩業

已祀之各官易蓋安縣人故知公云公家連雲山下

日撫琴為娛晚年與其伯子友筠季子次峰並霜鬢

雪髮輝映滿座引觴命局雅歌達曙于世故漠如也

後又卜居城中余寄公詩曰世緣消盡欲何如城市

山林更結廬知是烟霞隨處有仙人嘗自好棲居公

喜而接懸之余為即時扼腕朝事以書抵公勃勃有

借劔請纓之意後余以狂蒙譴鄉邦人初不吾信獨

公信之足稱知己乃余今值國是大定拔自廢靡而

公不及見矣傷哉余又何忍誌公公臨絕執季子手

曰爾為我作墳記誌銘其請請諸熙亭余生也晚獲

習公性行矧又拜公遺令忍負出明願自弔公之謫

所踰年起家蜀東從蜀轉光祿歸雁先太安人閔凶

苦次始得為公極嘗按狀而誌其大都云銘曰道不

終太山人集 卷六 〇五

易合時不易從公負奇氣於世寡營一令不朽名在

花封偶鳴絕學金鍾大鑄朝既有聞夕死非凶矧公

壽考得正而歿碧潭之月純山之峰英爽如在望之

猶龍卜家崙上靈氣攸鍾君子之坂千秋所宗

明故鎮雄府經歷張君周川墓誌銘

余為即時周川張君北謁選得蜀之鎮雄府經歷余

賦詩贈之行有遠遊今羨張公子意氣翩翩萬里家

之白君讀其詩以自壯東身赴鎮雄云君諱某字某

周川其別號也配余氏國子余大軋女始祖家黃沙

灘三世祖徙居義井高祖某生某某生大寶要醫氏

生君君少而孤弱冠卒業太學遊大司成見滄茅公之門每晨昏輒念其母喻孺人不置迨執母之喪碎踊絕復蘇者數數嘗賦思親十二詠以志悼云在太學三年高自檢飭無所芬華雅不喜逐時儕蕩子遊家居愛人樂施諸父行貧不能喪者助之衣衾棺槨有姊適人而其夫貧甚每月時其乏穀之若族人張本效邑人童秉彘之亡也骨且暴矣為棺而葬焉瀕陽李大祿者兇人謀奪其婦殺之則資之還鄉脫於死其厚類如此君慙直負氣人也見有詭隨脂膏與一世同其波流者心甚鄙薄嗚之常面折人過不能

終太山人集

卷六

〇三

容而腹中坦坦屏絕機數獨備純白人以是附焉鎮雄故雜夷地友人謂不宜往君曰爾不聞乎蠻貊之邦行之矣往不數月居又憮然曰人生宦遊貴適志吾志不在官在遊也須乘興往盡可掛冠還矣歸而哦詩讀書者十數年邑大夫欲賓者屢賓之不赴也蓋耻與諸飲者分席又其介如此君疾猶日對賓客談笑一日呼諸子屬以家事越日疾革婿劉子脉而危之君執其手書正氣二字又徐徐賦詩曰生順死安誰似我神凝然不亂顧獨命其冢子某某曰吾親且知若艾鴻臚和甫者昔之官以詩壯吾行今倘

辱哀憐而志吾墓手吾死且不朽於是某某介書數千里徵余文余手其書沉痛久之而按狀志其事而曰曰利令智昏行嚙巧合每見號稱素封者直守財耳鮮有守己之嚴如君之介若君者可謂獨行君子也已君生於嘉靖庚寅四月十六日卒於萬曆己丑九月之五日享年六十卜葬於縣東四十里之淺灘某山某向子五長汝憲次汝思三汝懋四汝愚五汝念汝懋為妾黃氏出汝思早世汝憲從諸生旋棄去為人個儻元殿宗娶江口李時女生子二兆元士元兆

終太山人集

卷六

〇三

元聘庠生黃應選女汝懋娶庠生陳一策女生子四某某其女一適庠生黃文明子某汝愚娶庠生李天植女汝念娶武生艾而庸女女三長某某適劉惟經次某某適庠生黃紹登三某某適童一吳俱先逝銘曰 人皆喻於利君獨好施人人皆取諸隨君獨負奇率真御物而世謂息機其出也薄遊錦江其處也昌水徜徉樂哉茲丘可永藏子孫千禩長發祥

墓表

處士陳君觀泉墓表

余以言成秦中也則取道歸省老母業聞處士公半



日前逝矣傷哉今年春余之戌所會家子太學君於城太學君手狀枚淚跪而請曰不肖孤則世誼未先是以家大人今秋年八十擬走使都門徵先生祝辭薦觴膝下為家大人鼓舞修一快不謂其遽奄忽亡也生不能得先生一言為重死願一言表之即死且不朽余以世誼習處士公又拜太學君之辱何可以不文辭處士公姓陳諱楚球字某別號觀泉陳氏之先世家北步嶺勝國中有始祖伯壽者生志賢負生必端端生瑚瑚生昂即秀峰公以賢雄例而官配黃氏生子三長楚某次楚坤官河南布政司檢教又次

然太山人集

卷六

高

即處士公處士公生而頌頌朗暢自豪慕義而喜脩邑大夫高其行誼賓於鄉者凡十三矣而處士公率堅謝不一應夫賓之十三而卒不一應也其恬於取名而果於激俗固若此生平剛而不阿遇諸兄弟事有不可殺不少徇秀峰公性嚴素不以辭色借兒曹顧見處士公少而能其家則喜而嘆曰是兒其庶幾不曠墜先緒乎遂為擇室於方伯黃梅岩公之次女侍御韓峰沈公令吾邑以處士邑之良也命總邑七鄉事乃七鄉事無不井井綸綸稱辦焉沈公太愛事賢之為言於巡撫顧公公謂誠良也命董學宮後

有成功嗣是邑之夏侯蕭侯與今陳侯亦皆謂處士公良也每邑有義舉輒曰處士公其愛幸賢之如沈公云陳侯令吾邑久得處士公益詳將優之鄉上賓令諸文學詣門候處士公應處士公語諸文學曰球大馬齒幾耄矣生長太平盛時無所發明於世以流光揚休徒抗迹物外與泉石締盟聊以供輸之暇課子孫耕讀耳果何德而賓於鄉卒亦堅謝不應居無何邑文廟圯陳侯入以其名董發請之當路乃處士公則奮起應之日夜不憚寒暑趨事居常遇佳辰美景輒拉子侄携乃具燕遊仰天拊缶歌聲嗚嗚至闌宵

然太山人集

卷六

五

避曙不休也其襟况又如此卒之日一夢若僊去不一語及兒女事填門哭者至數千百人是不可以觀處士公我余惟水決惟防馬逸惟閑禮義廉耻者人之大防大閑也世有起家先籍者每至沉酣声利蕩防敗閑而後山林閭沔之夫得以獨行自見亦可悼矣處士公之賓而不應也余蓋重有感焉至其急於奉公當事又毅然如湍水之赴壑斯非義人哉處士公生於弘治己未七月二十五日卒於萬曆五年十二月之八日壽七十九處士公卒之明年萬曆庚寅某用其日葬某地名又明年己卯諸子買石刻于文

樹諸墓俾來裔有考焉

明故處士清川余公墓表

處士公諱仲駱字 號清川余室封恭人兄也以

萬曆二十七年己亥溘焉觀化子某某等泣然揮涕

跪而請曰先君謝世時為不孝丐文中丞表墓石為

泉壤先是遇年月家稱利已奉其柩歸地下茲再

卜吉襄事瑩域敢徵名世一言俾先君瞑目九原異

日者且托以不朽余曩聞處士公捐館也為驚悼者

久之猶以偃蹇之軀無能辨香一奠悵悵乎其抱愧

於衷曷忍表公哉然余固素習處士公者可終躡屣

終太山人集

卷六

〇下六

以辭余氏之先累世好脩昌熾門祚至余外父守愚

公諱某豪爽朗暢亢歆宗枋居然一鄉之舉娶知縣

張公鵬女生子二女一長即處士公次某為邑庠生

蚤逝女則余室誥封恭人也夫曠金璞玉非其人莫

識也乃人見藝才辨博赫霍豪恢歛衽慕焉或我

冠飛纓氣使威喝則又嗟嗟起畏遂令山澤之癯惘

惘無辜者閭沕不耀埋光而沉馨風之偷亦甚矣余

致處士公齋神守兌自機泔天惟是滄泊寡營晚食

以當內安步以當車一衣數浣一食數停七筋用能

拮据其家以箕裘世業且其宅東渾厚守口如瓶足

跡不履公府即遇事變猝臨亦惟屹然鎮靜圖之未

嘗操匠氏之斤代庖丁之割而慄悍武斷以自雄所

謂知雄守唯知白守黑專氣致柔若嬰兒者非邪晚

年尤篤信感應之說好結善緣種來生福果故悉以

產業散之諸子日惟晞髮長嘯抱膝高眠以享其適

之養不復挂心世緣雖余歷宦數十年而相對絕不

齒及榮利樸手標枝野鹿之風殆無江海而閒不導

引而壽者當于義皇上世人求之子嘗欲舉有司鄉

賓重之冠服以光潛德顧每見處士公談及浮名念

輒委如灰冷如冰也而不生內熱乃知河上漆園別

終太山人集

卷六

〇三七

有一種塵外逍遙致彼人問世浮榮又惡足奪其真

哉噫天道常與善人今觀處士公之後實桂謝蘭森

森秀發則它日所以食處士公忠厚報者計且方來

未艾也余故據拾其生平而特表出之

明故助教懷蓮謝公墓表

天脩齡屈於短晷遠躋頓於窘途古及今隕英雄之

淚者不少矣余至是嘆天不可問為道亨嗟咽沾襟

焉往余與道亨讀書真定之恒陽書院兩人者風雨

聯床論交千古心相許也道亨是時魁梧豐碩而豪

於酒獨每飲則面目汗雨淋漓余謂道亨體壯氣韻

感其為人朗暢通達而不以機數諧時為念每見道  
亨其業甚精說書剖玄秘誠願為執鞭而道亨問視  
余篇翰有當心者輒辭席欲下之又偶有一當路獨  
種種破格禮余以軋道亨者余心不安自而道亨安  
之初不以忽微見顏面也此其度蓋過人遠矣余以  
是知道亨故今揭其大者表之墓道亨姓謝諱邦泰  
號懷蓮道亨其字郡武縣人也始祖諱彥清洪武初  
由當塗縣調福建邵武衛鎮守傳數世至曾祖景安  
景安生大父友才友才生父貴號虛舟公為庠生配  
余孺人生三子長道亨道亨少穎慧未冠為學官第

終太山人集

卷六

三六

子於書解所不讀家故貧余孺人病痢卒買吉地蓮  
花峰葬之父虛舟公卒道亨從京師奔歸亦葬父蓮  
花峰凡買地與義事諸費至浩也道亨皆自極力貧  
之人不以因其二弟別號懷蓮蓋志思二親蓮花峰  
云二親之亡也道亨以已所得束脩室其弟邦直教  
其弟邦美為弟子員有妹繼訓導王錦室錦卒妹年  
未及笄又三子皆前室出道亨泣謂妹曰汝為未亡  
人能無古人歌黃鸝吟孤燕以完節終身幸矣不則  
謂婦何妹泣對曰敢不如命我年幼所不能慰吾夫  
君地下者以文藻文澧二孤未立也道亨為撫而教

之如已子後藻官吏目澧為弟子員二孤胥有立而  
妹孀居數十年獲擇歸然與栢舟烈固道亨成之也  
道亨每試冠流輩顧屢不第以歲薦試禮部宗伯  
對山林公奇其文首拔道亨應試道亨場中卷幾落  
學士后溪丁公鳳磐張公填榜序至八亟命搜書經  
房落卷中得道亨卷二公大喜賞之且恨得卷晚為  
屈之九明年會試不第道亨憮然曰吾奇蹇不第至  
以老生上春官非過丁張二公幾又不第今第矣而  
復有會試科之俟異日者會試科如曩不遇二公者  
是卒不第也即第可俟不將 然翁乎吾將乞文學

終太山人集

卷六

三九

街一方俊造而修業焉以俟再試脫不然世以資論  
官不以資論人也於是領學官并陞縣當是時余官  
早平道亨與諸生談性命經義却束脩不問陞士為  
立去思碑學院陳公品藝真定萃三十二校之雋於  
恒陽院掾道亨與余督課之是科庚午士出其門為  
盛道亨應陝西聘余應河南聘比其還也冀可再會  
試乃業已轉官國子同抱吳鈞而鳴嗚長塗吾兩人  
者之襟期則固蝶夢升沉不以是軒輊矣道亨得病  
由食停中不化通溫通下致形瘦肉脫又服參茸諸  
助脾藥少瘥即觸暑謁諸貴人知已者余移書道

亨謂子之疾去死僅毛髮而獨觸暑出誤貴人乃不  
身而官耶道亨答曰諸貴人故皆我知己我固當見  
頃之得家報有祝融氏之禍甚烈余往覓之道亨咲  
謂我命固宜如此然道亨嗜古好學病臥猶攤書滿  
床一日握管作應酬文含毫沉思脾火蒸蒸起丹田  
投筆而病復作不起矣傷哉道亨生於嘉靖癸未年  
九月十四日卒於陸慶六年十一月十七日遇 今  
上嗣服覃恩得移贈其父虛舟公如已官妻傅氏生  
三子長汝謨郡庠生娶何氏次汝弼邑庠生娶吳氏  
繼娶龔氏次汝為未娶女三長適庠生章其蘊次適  
終太山人集 卷六 〇三十一

艾熙亭先生文集卷之七

平江 艾穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

書牘

上少師瑤泉申相公五難

其最愚陋聞於當世之故誤蒙 相公降心下問若

終太山人集

卷七

〇一

謂沿汨洧流真足以仰禪海濱者此其心即周公吐  
握之心也某方多病乞身杜門俟 命讀之終夜不  
寐思歷誠以報其惟 相公粹德冲襟茹納萬類天  
下之人皆謂其如高山大陵含蓄雲雨如重溟洪河  
吐納元氣為能不動聲色而措天下於泰山之安某  
竊懷憂盛危明之慮久矣每謂士人有斯世斯民之  
志不得行而托於知己者以行猶吾行也以故不憚  
嘵嘵瀆之 太原相公之前而有不暇計其聽我與  
否罪我與否者夫謂吾盡吾心焉耳至於相公則固  
知其休咎之度受天下若壑而乃逡巡不敢以一言

進孟子曰責難於君謂之恭務惟今之告 吾相猶告 吾君也竊謂今時事切要者 相公有五難焉

主上願和穆清 朝講久輟而無天下以聽於

相公君相血脉不易流貫則格君之難也天下游饑

民死亡相續所賴以起骨加肉懷結窮殍者惟親民

吏而今或有大謬不然則安民之難也天子予奪寄

之宰相 相公操 天子之所寄而為天下之所奔

每多善入巧投令人墮於其中而不自覺者則知人

之難也龍套獻諛虐美熏心無有設不然之事為逆

於爾心之言以清聽者則反己之難也各持意見議

終太山人集 卷七 三 論橫生 朝堂之上宛如聚訟則定 國是之難也

相公當此五難天下理亂關之而有不得不呈皇

焉求以明四目達四聰者穆則以為格君難矣宜因

明而通蔽如國本雖定須及時冊之以定中外人心

如易之納約自牖遇主於巷從容求成可也安民難

矣宜慎選撫臣而重墨吏之懲諸以墨著者令撫按

不時奏劾不得以任淺俊之君必待其罪狀顯著而

民之溝壑者已過半矣今天下大侵道殣相望此何

時也而可使墨吏一朝居耶知人難矣而其大要則

易見焉天用人必先知人剛介寡合為人不喜者君

子也柔媚易親為人喜者小人也於此辨之十得七

八故執政者惟用吾私心之所不喜者而天下服矣

脫不辨而誤用小人勢必如瘦附頸去之不易昔工

金陵以行誼高天下至今人猶信之猶以其果於自

用為一呂惠卿所賣致亂宋室此不知人之禍也夫

小人勿用矣至其所用者豈必皆無才完德乎或有

德勝才者此賢者也而使之在位或有才勝德者此

能者也而使之在職在位各得其人而天下有不

不蒸蒸嚮治者未之有也反己難矣而此心本自至

虛反求即得孟子曰行有不得者反求諸己其身正

而天下歸之自古名臣賢相不曰人言不足恤也思

天下國家無皆非之理而躬自厚用能顯序大業而

方軌稷禹何者謂罪已罪人堯桀攸分而禍福理亂

之機也能罪已則能服天下之心而不必防天下之

口能服天下以道德而不服天下以機權自是廢人

不議矣 國是難定矣而定之者在虛心平氣以應

之孔子謂眾好眾惡必察而孟子於國人之論然後

察之見其賢不賢而後用之去之夫謂察者察之於

表而得其公是非充必以君子之言為準也見者見

之於已而得其真是非知其論人者又知其論於人

者皆與君子之言合也如是而舉之措之不執意見  
不昵朋比人皆帖然稱平夫大學論平天下在潔矩  
而首言平好惡書曰無有作好無有作惡蕩蕩平平  
陸宣公謂平章國事如權量之無情於物萬人莫不  
安其分而服其平此定國是之道也五難皆時事  
切要而反已與知人二者又天下太平機括所繫為  
尤要也此皆老生常談而穆憂盛危明以仰副下問  
者卒莫有加於此語曰狂夫之言聖人擇焉以相  
公休容好善優於天下而見之採納固國家之福  
亦相公之福賢子孫不世之福也穆多病無能

然太山人集 卷七 〇四

為知己者死倘吾言用即吾忘行而有不己出  
者即槁首山樊謳吟元化有餘快矣長年三老泛萬  
斛之航於大瀛諸所習於風波之具茶已無不預而  
操一葉輕舸者又從而擢髮細數語之贊矣乃長年  
三老額手受之曰而我忠也惟相公賜覽觀焉天  
下幸甚穆亦幸甚干冒清嚴不任悚息待罪之至

答瑤泉申相公

某卧病南寺乞身未能盟心泉石頤比散木逃於斧  
斤幸矣乃荷台陶不棄拔置罔鄉溢分逾涯茂由報  
塞近者相公屢有人言夫忠而獲忌信而見疑繁而

蒙汚此古以來當軸者之恒態然而大忠必巨心大信  
必疑至潔必汚是又大臣純誠為國自信此心相公  
宜廓然納之包荒而付是非於天下後世可耳夫設  
憂啟聖多難與邦流言之起固天之所以聖姬旦於  
周也以相公心之至虛何天下之善不可受何黃虞  
事恭不可為世間病痛正自大賢不免但能不自掩  
覆而使人皆見之奮然圖新而使人皆仰之乃同於  
青天白日而可以有辭於天下耳夫公法在朝廷  
公論在天下二者古及今皆不能廢也某以為不但  
今之妄言者當容之即昔之以妄言獲罪者察其為

然太山人集 卷七 〇五

人心行無他還當君之用之狂風暴雨天之怒也不  
崇朝而開朗光霽萬象不失天下仰見天之無成心  
而人自服何者以相公操予奪之權於上而此輩得  
憑其意氣以是非於下此輩用則負意氣者皆帖  
然稱平而彼隨人口吻者又無論矣蘇子瞻任俠論  
謂此輩不失職則民靖矣亦此意也况相公無日相  
業大光未必不在是乎若欲禁之是猶揚湯止沸也  
惟相公圖之

謝荆石王相公

某妄庸人也每惟往以言獲罪者多斃於雷霆儼繁

不則身膏齋土耳即幸有餘生亦僅僅於身後是非  
如明鮮有天留萬死之身而又得親見 國是之定  
旋膺顯異之榮者也第年來海濱家難萬念俱灰一  
丘一壑竊比散木乃誤蒙 相公吹噓 詔起田間  
躋之九列况秣陵風景雄美絕特以遊有年而今一  
旦為閔曹散吏之所有此又可獨適其適而儻然蟬  
蛻聲利之表者恨其之非其人也行時蒙 寵贖不  
任街取已於四月廿六日抵任矣某惟古來俠烈之  
士一言知已按劍許身如田光侯嬴皆不惜以數尺  
之軀捐於片言之下夫謂知已者知以心而報知已

終太山人集

卷七

〇六

者報以身也韓昌黎氏謂日受千金之賜一歲九遷  
其官而未可稱為知已者則所謂知已者夫固有在  
哉其受相公之知無能為報獨以相公位高才高又  
行誼高負此三高而天下仰之仰生畏畏生諛而鮮  
有以諛諛迨者則子路之喜人告與孔子之辛人知  
恐相公未必有也又嘆庸衆人貴形膚畧神髓而使  
大人之耿耿多不獲彰明暴著於天下以故不忍知  
之不言恒欲言之必盡幸相公諒其心之無他畧其  
言之或慙而優容茹納之昔智如大舜猶詢及工瞽  
葛堯才如周公躬吐握以下白屋士夫惟不自聖乃

為聖而好善信於天下此舜與周公之所以絕盛也  
項讀 相公陳忠悃一疏至誠惻怛宛然類出師表  
而卒致 宸衷感悟懸知國本大計已預定矣不則  
如易之遇主於巷納約自牖以求濟可也未可決於  
去也必不得已而後以去就爭之雖然此為相公憂  
國計也而近且益之憂民為屬者留都與各省地方  
赤地千里農人不能分苗布種無復有秋之望連年  
水旱相仍又復甚之自來救荒無善策欲議緩征與  
則征之無可征也欲議賑濟與毋見賑之銀與穀適  
為奸人開騙局而嗷嗷待哺者不一沾焉况捕百萬

終太山人集

卷七

〇七

大盈之藏何能振天下饑民一朝之急乎饑民不欲  
坐而待斃則必守刀兵以逞此又將來時事之可虞  
者也為今之計莫若亟詔按撫官於荒歉地方擇諸  
庶能長吏實心愛民者更而居之即佐二官亦然則  
為地擇官必能因民之所便以聚其欲順土之所宜  
以盡其心熟計極思務起窮殍而肉白骨貴令賤買  
使價不致騰涌賑必饑民使人不得冒支况誠則動  
物信則民任地方富而好義之民自有所恃以能散  
能聚有所感而必有濟無昔人謂得一良令如得勝  
兵三千人愚亦謂得一良令猶勝賑饑民百萬金也

至於欲得實心愛民之守令必得真心為民之監司而監司之得人又係於執政者之知人用人也是以人救荒或亦根本之論也此在廟堂自有遠猷何待某贅第某間曹尸素思 相公憂民而及於此亦恃相公之知庶敢吐其愚耳瀆冒鈞鑒某不任震越待罪之至

報荆石王相

頃抵任之後勒狀申謝仰荷 台慈溫答莊誦不任感激穆惟 相公以朴忠直氣上結 聖主非常之知而負天下蒼生非常之望要未可數數言去為此

然太山人集

卷七

九

一身計也今幸相公不復去矣而所以仰副 主知俯對群慕者在用人而天下治容人而天下服且來諭謂知人用人難得肯窺某以為惟 相公佐 天子予奪天下為天下之所奔則其人易見也某嘗以二言辨人品曰真曰假真者必正其人多方而不圓拙而不巧其作用非有躍然可喜者而无明洞達人皆見之天下信之假者匪正其人多圓而不方巧而不拙其作用必有躍然可喜者而純白不備人莫得而測其心之精微又嘗以二言辨人才曰藏曰露藏者才而不有者也其人無自用之才而有有才之才

每篤中而重發發則如張千鈞之勞儀的必破正

來論謂不執意見不拂物情何者以我心忘也露者才而有者也其人無用才之才而有自用之才每喜事而輕發發必以太阿射斗之精光往往洩之於切割執意見而拂物情何者以我心勝也從古以來辨天下大事者得之於真者藏者恒多得之於假者露者恒少此王伯之辨而人品與才之所由分也 來

論謂近有理外芒輩之章令人嫌於以退為進者夫惟庸衆人多執似以認真遺心而信迹自非孟子誰能白匡章之不孝而明仲子之非廉哉然而若輩操

終太山人集

卷七

九

殉名嗜進之心借大人以為資者容或有之而翹然以意氣自喜自負識不達理發不中察者居多大都其心急於得大刑重譴以為快如攫金探玉者之期於必獲當事者謂不紀不綱也務持大刑重譴以勝之然而卒弗勝也莫若以一空無際待夫伎倆有窮則彼搏擊之名不得立而大人之度益以彰夫大人之度益以彰則天下之人心悅服搏擊之名不得立則無所緣以生心發難而天下之口杜矣此謂以不勝勝之者也吾故曰用人而天下治容人而天下服也書曰無有作好無有作惡無偏曲黨王道蕩蕩無



反無側王道平平此則相公之所以仰副 主知而  
俯對群慕者也茲者其有舊任追奪 恩典具疏上  
請具揭塵 覽倘得假靈徵寵於 相公象 思准  
復其世世子孫無忘也 二 冒 鈞嚴不任震越待罪  
之至

上元宰王荆石相公

其惟相公正直通於神明精誠貫乎金石以故上結  
聖主非常之知兩年虛元揆之席以待三遣官督  
之起於家六上辭疏而温給之眷留者彌篤頃接邸  
報知相公已遠朝必奉太夫人與與俱上詣 聖明

終太山人集

卷七

〇十

魚水之歡下慰蒼生雲霓之望矧上天垂休惠我有  
明必篤太夫人之敬於無疆以究相公黃虞事恭相  
公入而論思密勿啟沃 聖心出而歸第奉晨昏承  
歡親志俾忠孝兩純為千古名相絕盛事不在茲與  
喜今邊塵已淨海波不揚頗有君相一德在上其雖  
駘伏草野可無杞人婆婦之憂矣獨以國本未定  
聖心不斷而言者務以直激之以急求之致觸 聖  
怒而傷國體不獨於事無濟而已也某則以為此在  
元老相公調停幹旋於其間而非直與急之所能圖  
成也夫龍之頤下有逐鱗未易批也虎之與人異類

而媚養已者順也諸言者但知逆以批龍而不知順

以媚虎耳今中外之人皆浪傳官中有謂世廟不立

儲而享國永穆之儲而享國促以致搖撼 聖心不

快果爾則又尋常大都人情之所不能無惑者似未

可堅執常理以重違之也某願相公未可逆之如批

龍姑順之如媚虎以順之久而後逆之言可入順之

極而後逆之事可圖是順所以成其逆也逆必有資

於順也徐侯中官無生 聖心缺望或微有機括萌

動即迎機而導葉間而入為元老大臣者婉言密陳

於內以開其蔽而祛其惑通納牋之明以冀子巷之

過外之言者明目張胆申明 祖訓立長之義於時

聖心必窮而無以自解斯庶幾易於回天轉石而大

事可圖成吾故曰在調停幹旋於其間而非直與急

之所能成也方今 聖明舉天下以聽於相公豈有

此大事而不惟相公是聽者以相公得 君之專將

舉天下惟其所故為而赫然以相業棍耀萬代其事

又孰有大於此者惟 相公從容圖之

上王荆老申救饒主政

其惟 相公人品士大夫知之信之公即之才亦士

大夫知之信之而乃橫惟口語此在 相公宜目為

妄人付之一笑况有覆試可明只合平澹教誨付公  
論於朝廷可夫而乃以辨括諂此固不足為賢父  
子累以士大夫知之信之者素也 主上下言者於  
獄不為過第 相公不當為一時之人品事業而當  
為萬世之人品事業況主持國是者不在防天下之  
口而在於服天下之心天下之心服則天下之口杜  
矣今望 相公弘大人之度以包容荒穢具疏申救  
言者以存大體而收人心正不必以介然求去為急  
也惟 台焂

荅荆石王相公

終太山人集

卷七

五

承諭 嚴旨想是重慶饒君奈何何此事體關係  
非小人皆信迹而不能諒其心誰肯謂 嚴旨不出  
相公手我仍宜再三申救務期於全饒而後可昔李  
獻吉上封事劾壽靈侯而疏末斥言張氏半之罰俸  
三月當是時人皆頌 孝廟聖明今倘以此處之而  
使 今上有聖明之譽又盛德事也惟 相公圖之  
候荆石王相公  
頃 主上督過言官無能成 相公匡救之美大匡  
以道事君不可則止 相公之求去非亟也穆不謂  
以餘生得侍 相公於朝當景虔心恨無能指此再

生之身以報 主上而為 相公知己者死哽咽數  
日幸 宗社有靈 相公疏議侃侃流出肝膈卒致  
開悟 聖心轉圜嘉納雖不能救之於一時猶可禁  
之於後日古諍臣疏中不多見也第 相公負天下  
之重望結 主上之殊知直須究竟黃虞事業以報  
主而大厭天下引領之人心方可言去耳 相公  
出處天下關之穆為 相公而出今惟視 相公為  
去留聞連有骨肉之痛萬惟抑情順變為 君國自  
王以迂元和穆不任懇切

賀洪陽張相公

終太山人集

卷七

十三

其惟 相公純德完才負天下之重望而結 聖主  
之殊知頃者 光踐台樞斟酌元氣天下之人如龍  
游四澤而枯者莫不跋足以俟其液鳳翔千仞而味  
者莫不翹首以挹其輝蓋居貞養晦之久神明其德  
而出之不窮以故今之 弼亮大猷皆從太和中流  
出而春融煦物于無迹湛澍運物于無聲視垂紳正  
笏不動聲色而措天下於泰山之安者其運量又不  
足言矣世道何幸其謫劣誤膺全蜀之寄蜀僻在西  
南本承平無事乃自九絲 奏捷之後人皆有喜事  
騁能之心而當關武夫每多技屠以挑胡閭鬻而利

其亂因之連歲用兵雖仗 主上威靈湯平而民命之殘傷財力之糜費有不可勝言者蜀之瘵亦甚矣其入蜀以來心切痛之日惟誦一將功成萬骨枯之言以自驚而一意樽節愛養以培元氣前 台教謂鎮靜中默有轉移不露谷鑿痕者此 大人聖智之妙施而神化之能事也豈淺淺者所得而窺其藩垣哉幸 相公不我鄙夷而終惠教幸甚

與大中丞李漸菴

其楚之鄙也昔以狂觸憲幸不即填溝壑而又得親見 國是之定善類翩翩吐氣自謂除生有遺顧年

終太山人集

卷七

四

來存雅家難萬念俱灰竊比散木不復作出山之想又矣仰荷 鉅公吹嗟起之田間躋之九列况秣陵風物臥遊有羊而今一旦以閒曹散吏攬結其勝何幸如之瀕行承 長者枉輿携具而儼然造於敝廬征人行色光寵倍萬夜分燕語領 教良多其惟我翁貞亮博大上結 主知而衰然負天下之望竊謂世道人心江漢莫挽大都務刊觚為圓以諧局取容而天地剖判以來元精正氣朗然與三光並流耀者今日不知何在幸我 翁正色立朝扶陽抑陰世道攸賴異時談閔以西當代諸名卿取 涇陽三原

方執論列不其盛與時維 聖躬在攝 諸位尚虛我 公與四三 政府計所以格 主回天莫 國本於泰山磐石者知己預矣不佞何敢言天下事恃我 公之知故及之謹勒狀申謝并布候私干冒清嚴不任震越

答大中丞耿楚侗

仰聞翰貺從天而下始知公十數年曾抱猶尚有某在也感感憶昔燕中飲領教雅自惟不為有道者塵門墻之外幸矣而乃訓植有加憐才無已不識某何以得此于公耶居頃之公抱先太夫人之疚於家而

終太山人集

卷七

十五

某以狂觸憲死甯絕塞曾過仁里恃公之舊為泛論出處相時大意因周柳塘公以告公其謂我何頃喜名世厚望迪在岩廊之上將大彰儒者之蘊養以致主庇民為天下重不獨楚與有榮施已也某頌以殘生侍公日聞所以致身殉國之道以仰答主恩而報吾知己者其心也何期年來海濱骨肉之難愁病侵羸形神摧毀近且掩耳時事屏居山樓烟霞成癖矣非敢厭薄時榮忘君負支力不從心故也每惟丈夫在世有可負可賤可死而必不可辱者此古人於一丘一壑自謂過之夫謂苟適吾意其用良多也况吾

楚有公在朝不曰一楚足乎李長沙交驩關瑾文正之謚似有大謬不然者今得公大疏始信蓋棺事定身後之清足繫平生矣古今稱窮宰相者幾人哉大忠必佞大潔必污大信必疑斯之謂也匡章不遇孟氏幾為萬世罪人長沙幽枉非公誰與深雪之更冀公扶陽抑陰潛移世道使吾君吾相鑒前影樣垂後休聞某即搗焉山樊有餘快矣附啟謝覆惟 台諒

與大司成趙激陽

僕楚之鄙也昔官燕中數從士大夫後竊窺明公之為人如大圭不琢大羹不調絕立聲利之表非今世

終太山人集

卷七

〇十六

之人也居無何僕以狂取譴錮之園土荷明公拔群而顧當是時明公首倡同志急人之困而抗援救之章僕蓋未之知也別來萬死之身憑倚龍靈不即膏齋土以有今日快覩明公朴忠直氣茂膚殊簡今且躬操天子之鑪錘以陶鑄天下士而摠以人事君之大忠計旦夕爰立為世道蒼生慶也第五二三同志橫雅口語風萍散夫說者謂有道之士不憑意氣不隨俗情善已善人遠讒消忌信吾黨亦與有責矣乃至以是快仇讐如國是何如天下後世公論何野人准恐入山不深掩耳時事又夫恃明公之知為一洩

其笑婦私憂也調停幹旋潛移世道是在名世者附啟申候與居少許十年馳恋之踪伏惟崇照幸甚

答大司寇王鳳洲

某從鄙屋窺春光者兩月無由得 翁迅發之期徒張結於心恨天於棲霞之緣不我與也家乘得托椎文於不朽後世子孫展而讀之教思寧有窮耶其又懷去志僅一疏而止恐涉有心去得久矣亦仰承至教云爾也第禽鹿野性難馴必欲羈之終是裂樊毀效而出耳每與趙宗伯論出處大事宜虛心平氣要於其當讀來教謹佩之附謝復

終太山人集

卷七

〇七

與宮諭曾植齋

門下昔以 老伯母太夫人憂既奔過岳不肖弟讀所寓書驚悼媿為通家子無能為一辦香徒有槍結是時弟茶已撰杖屨擬踐祝融天柱之盟可圖登龍奉慰居頃之叨起田間孟浪復出為山靈移請疎鶴見嘲又徙官番寺不獲少狹 門下於燕中一續接衽之歡嗣接邸報知 仙旌久已還朝甚慰 門下以名世厚望雍容於天祿石渠之間究竟事業直而方孰稷尚為天下蒼生慶弟自知餘生多病無補清時項具疏 請復已奪之章始謀為乞身計不

新恩破格優及罪臣遂在南中全無可托敢恃夙  
愛塵瀆 清嚴頒命下執事為第一周旋之又百世  
之德也謹申候悃附以薄枿伏祈 台慈鑒存臨裁  
不任悚仄

與祭酒趙定宇

乙酉奉華牘為扼腕時事者累日居無何二三君子  
風萍散矣而吾夫亦南幸得躬操天子之鑪錘以陶  
鑄天下士無論以人事君可藉是以報天子而暫輟  
青藜之筆橫經絳帳之際時從鍾山鳳臺一洩其倪  
仰千古之抱此又達人之所以神遊八極息以六月

終太山人集

卷七

〇六

者也夫直入枉出忠疎佞親此世道升降之大機也  
彼隨聲附影者不足道矣而議者謂有道之亡不憑  
意氣不墮俗情善已善人遠謗消忌吾黨亦與有過  
焉易曰知機其神乎知微知章知柔知剛萬夫之望  
豈二三君子當震蕩播越之後猶未透此閑耶抑亦  
世道一運會然耶正直忠厚為吾黨鮮明今日在吾  
丈夫屢讀邸報知當局者尚不忘前事雖然吾輩三  
五兄弟或去或不去或不出大都無失故吾言歸於  
好名適其適項且撰杖屨為五岳游移書位同志曰  
士清翻覆所宜等之虛舟大塊內五青山欲當為我

輩吾夫得無以我為狂乎

答謝少司農弘軒

仲夏讀邸傳知我翁拜少司農上階之持衡執鉉令  
其苦塊之人起而鼓舞酒酒酌地侈大快焉謂為世  
道扶正氣持國是者非社稷臣不可夫是以有大快  
也何期使命從數千里外儼然辱而臨之雄文龍奠  
赫燁流光非獨先慈几筵歛爾生色且深山窮谷罔  
不諱傳天上詎公眷存狂瞽高難動施若茲也莊論  
作文未半淚漉漉不自禁昔人云天下有一知己者  
此生可以無恨某之有翁於某足矣又何必人人眼

終太山人集

卷七

〇九

俱青也不願生封萬戶但願一識荊州况受知於正  
人君子不尤有土苴萬戶者乎此士之所以伸於知  
已有然也憶昔某過秦時多以耳目畏人獨翁意氣  
勃發憚不即以身為某分痛若使奄奄垂斃之人嗟  
枯疏生起骨加肉于時以書抵馬相公王學士二公  
曰以某之狂得不化為校木下異物者諸老力也以  
某之殘骸播揚萬里而猶不即填異域溝壑者則張  
公也夫翁不忍於一罪子而寧冒嫌疑於權臣以故  
取人於所棄用愛於所憎此其人品心事海內士大  
夫知之信之久矣天留餘生以報知己即指際無所

鮮顧未有露耳雄文刻之家乘令世世子孫展而讀之以見却郭千載之下急人之困者又再見信陵高義也所媿按劍許身者其非侯生其人耳謹焚香勸狀陳謝北向拜送使者悵結於心頂踵莫知所措矣伏惟台慈諒察

與宮諭吳復卷

第昔從先生批鱗後幸出萬有一生之中得同與於賜環由蜀臬徙官光祿當是時先生方膺柄用迫次爰立一時善類稱矯矯吐氣矣居無何第罹先妣閔凶斬然在疚而是時先生亦以請急歸里

終太山人集

卷七

○五

白衣蒼狗變態靡常宦海風波天吳掀舞三四同志俄驚參辰弟自釋服後又臥病三年矣頃者孟浪復出志在棲茅自謂道不喪世神物復合而不知銷金移人成心未化時事悠悠大可扼腕今雖身廁冠裳而心盟泉石旦夕乞身返吾初服矣獨念先生抱皇王大畧而乃錮之聖世復令求多我輩而按劍明月加瑕連城者至今猶未已也此足供達生一撫掌耳第自有天地以來天下事有許多難料者幸先生侯之風便附布夙崇莫惟崇炳

荅侍御艾陽溪

陳醫來具訊起居勝常自是南山壽骨喜慰喜慰昨年公躋華誕擬撰頌脩祝辭代觴乃生俗冗動勦無能為役悵甚接華情仰悉存至意公徜徉泉石天祐老成直與伏波爭躡蹀與窪佺較算而僕行年五十四鬚髮種種稱翁矣本之從萬死中來入海罹家難形禱枯槁皮骨空存不覺老冉冉至若茲耳山中習靜之乂于一切世情翻覆了不干涉殊覺自在丈夫此身元不可辱今亦庶幾不失故吾耳并附以聞

荅直指朱鑑塘

終太山人集

卷七

○五

瞻企台光不任懸注仰蒙使命寵貺儼然辱而臨之倉卒拜嘉感與懼并客久讀門下同心之言蓋不佞第私藏諸心而不敢笑他人之未忘已事之已拙者侍神交知己為吐其愚耳頃讀手書益切銘佩每謂士君子有泰山喬嶽之標又須有重溟大浸之度而後天下事可濟若使聖賢道理只憑意氣作用則憂憂乎知以舟而行之陸此非性情學力之無者未易透此乃今獨於老丈見之以老夫遂養洪識固達人大觀也為世道撐柱為吾輩解朝有賴矣不佞第往從播蕩中來形神摧毀年逾五十鬚髮種種即今謝嵩山居得專立壑竊比散木保厥殘生惟願觀老

丈太平德崇之盛而歌詠其休斯其志願畢矣使旋附啓布謝臨裁不勝馳越

吞食憲丁勺原

其往從法曹於稠衆中竊儀明公風神氣烈迥在俗情之外以為非今世之人也居頃之而明公補外某坐譴戍河湟絕塞矣每惟丈夫肝胆相向意氣相期即寥廓千載越絕萬里如賞心一堂視昕夕握手相徵逐技歡者猶落二義也頃幸名世厚望借寇敵楚某以枯槁之人入山已深無由一通姓名于典記仰間使命儼然辱而臨之拜華牘寵賦感與懼并某自

終太山人集

卷七

〇三

惟安庸人也違時取忤而明公乃獨取人於衆棄談及往事如丁時撫膺請上方蹈東海之氣勃勃欲吐橫溢頽楮何其壯也以此知肝胆意氣相許非一日矣某果何脩而得此於明公耶古人有一言知已按劍許身若知已如明公者何以報也昨年與青門從洞庭為論薦紳中品旒可屬天下大事者必曰吾鄉勺原公勺原公云回視壽域所議于明公者不棄蓋本之正直忠厚兼之世道有賴天下第一流事業終當屬之也某辱愛者私心有厚期焉

答太史李翼軒

公昔不鄙莫某而接引游揚至云曹丘生於季布夫此言者於某無當也願誼高笈以報焉頃天子將建公大任而試諸外謂詞林日遨遊古今影響萬里外事未踐也從公守隴右公學鏡千古才周萬殊茲出而踐矣異日者策九邊利害於岩廊之上而令韓白衛霍輪籌也不可不知哉讀乞休大疏言言肝膈即木石當為動容每惟天於公奇其才情授之千秋大柄而又出而親民人老吏事將潤色皇王擔當宇宙脊賴焉乃卒俾之日雍容木天需鼎罪已耶從古英雄弘樹艱難為資以艱難震動者光明之招也

終太山人集

卷七

〇三

公可草草視茲徒而介然拂衣耶昔李太白於夜即蘇長公於儋耳並以風流稱曰代當時以尊顯雄二氏者何限卒泯泯以終其謂非夜即儋耳無以來二氏風流亦必二氏風流為能夜即儋耳今讀其聲詩雖各調而神情容與儼然在萬物之表者均也夫二氏遷人也猶爾爾公今藩省岳牧之官非左也豪蕩之思二氏之才也隴右之地非惡於夜即儋耳也而謂風流肯獨讓武宦海中自是天吳掀舞惟高明達觀者戲視之為能爽然於身名之際矧大潔媒汚大信媒疑大忠媒忌此古今豪傑之常毋足異者久之

汚旌潔疑旌信忌旌忠而天下洞然見之公其安而侯焉

寄侍御艾陽溪

暮春抵故任顯啓代候託龍門致之嗣是書貽龍門者二大都訊翁等居平昨得家兄書始悉夫今辨清時值國是大定翁卿克顯帝知當路必為公道天理表揭潛光並諸忠良顯奮以彰王上拔柱振滯之明乃疏下沉而不覆何耶孤微寒宗當積願之余計天昌吾艾如翁元傑當躡復大起以究所建暨令國史家乘並增焜耀弟古之君子有負謗終身置不辨

終太山人集

卷七

〇五

者有屢謗屢辨得明者天下後世並侈談之何者行其心之所安而各成其是則均也翁書今再上當宁必羽諒即不羽諒必公之神情逸抱卷而山林匿景舍休其所以為國史家乘流光者固自有在也詎論升沉哉人生出處皆天也天久而自定願翁需之薄劣一官數千里外絕裾遠遊每停雲輒傷其寄恨此官繫我進退谷甚矣即日講業恒陽院中矢圖再試不知嬰兒主張竟作何狀也曩辱惠教言感佩感佩人便附此聊代瞻對臨楮無任惘然

謝直指徐念東

某妾庸人也頃者有夙跡窮遠奇命游金殘骸餘魄無後丘首之思乃荷新命賜環按自流沙徒官錦水偶值台輅按岳得以蒲伏堂庠祇奉末光願重厚雅越絕恒調隆體輸誠授察錫宴贖洽海及息私疊承無之溯流夷陵川河迅發漲不可舟行跡之難遙連蜀道幸台命所加夫騎湊助憑倚靈寵直上青天失路之人詎謂一旦蒙明公殊遇若茲耶感切感切明公持斧之威不專搏擊盡掃繁苛全湖赤子如大冬霜雪之後繼以春和駘蕩回枯就生地方何幸某結今矢捐糜軀膺以報主恩而求不負知己弟今

終太山人集

卷七

〇五

答僉憲周寧宇

其昔扶病過崇陽也是時足下傾蓋如故杯酒勞苦陳說生平賞心投分直忘爾汝蓋本之意氣相許即千古可旦暮而萬里可几席也嗣是僕西成寄命于金魚几腥之間而足下直道難容亦為小人所中遂便完壁蒙疑合抱見斥可勝嘆我母憶公署中與足下對談時有不向一官饜一飽直將三令當三公之



語未嘗不為撫膺扼腕憤朋謀害正者之得志而傷  
獨行君子之無天也謫居五年起家蜀梟旋叨內轉  
歸喪于峽中又罹先妣閔凶服闋後已卧病三年不  
復作出山之想久矣屬者應召而出計或從容邸中  
與二三執政道今時有三仕為令一介不取而又任  
謗任怨為民擔肩如足下者指不數屈也古人有舉  
賢自代者誠願效之詐意不三月而南南中與趙定  
宇每曰隲人物數數為足下嘆其握瑜懷瑾不售于  
世也則曰貴同年中作高官者多矣若周君作人作  
官兩不悞者良不易得也定字亦信僕言不誣仰間

然太山人集

卷七

○二十六

承千里走使讀考訊拜厚將如觀顏範足下家居清  
苦此吾輩士人之常以足下之才何有于治生許魯  
齋謂儒者以治生為急務而後儒非之其實治生能  
養廉蓋是際非虛語也鄙人旦夕上書乞身倘得返  
初服他日擬鼓柁山陰如子猷訪戴也呵凍附復并  
布謝悰惟崇炳

谷大參李翼軒

頃天與之緣獲奉末光于都門旋合而離十餘年馳  
戀私悰莫欲請益于門下者不能萬一忽接華牘拜  
寵貶感與俱并追昔扶病入關中一時士大夫見夫

然太山人集

卷七

○二十七

謹之人率相對默默惟耳目是虞獨明公與今督府  
張公肝膽意氣隱然結于俗情之外令我殘魄招於  
播蕩壯心不盡飄零昔人一言知已按劍許身恨某  
叨有餘生未能為知已先耳明公以名世之望參藩  
大梁令先翁舊服士民謳吟世德旦夕還之木天茂  
建弼亮大參令先翁且含嘻地下茲寔徵之劉忠宣  
公從中秘出而親民畢竟自謂參藩得力非明公今  
日事邪不肖孟浪一出何補清時計且上書拂衣願  
得明公一言歸而奏之山中與山水清音并作幽居  
鼓吹即自謂丘壑過之季子事已白承惟高堂明公

谷憲副張望湖

荆南促膝相對悲懼六易周星每增悵結門下以文  
飭吏風猷赫著薦紳間而其大惠則翔洽吾楚至今  
舊服士民猶喁然繫思而况于某之荷夙愛者乎詐  
意青蠅是媒忍心點壁遂使連城待價明月含光可  
勝歎哉第斯民三代至今猶然門下放歌西湖浮白  
引滿固儵然長嘯萬物之表矣而干將龍氣則燁然  
止薄星辰可謂華陰之土不復遇識真者一試哉幸  
珍重以需不肖多病旦夕謀上書乞身何能嗟引夜

九枚之按劍負許君遠遊矣力疾裁覆冀惟崇炳

答宮諭吳復菴

頃附便申候少紓十數年悵積方懼以寒溷清聽乃  
荷理譚温答露盞讀之匪直微詞激人意與飛喧動  
而世情變態備極悲歡即造先生慙而與之抵掌譚  
舊事無以踰焉恨龍門伊邇而身羽無從也承清賦  
不一玻璃表裏絕瑩故人冰心死在玉壺拜之以志  
觀物之思追惟昔之詆訶萬端忍心點壁者皆望風  
希進而以先生為查今先生猿跡烟霞掩耳時事矣  
而猶然橫加若此青天白日之下敢于操刃以割賢

然太山人集

卷七

〇共

人君子之腹而無所顧忌此其人固不足言而世道  
至此亦可慨夫大疏理勝於氣辨而不怒令君子讀  
之泣下小人讀之汗下甚為得體不肖第多病人也  
今上書陳乞杜門以待倘不蒙即乞束裝買舟必俟  
得請乃已聞八公即皆芝蘭玉樹翩翩秀發天之於  
先生不為不厚矣矧道養彌深空諸所有今日之事  
足以為先生發一咲也

答主政張中宇

昔人謂千金買隣謂意氣肝膽難其人故難其隣其  
謂劣無所比數頃獲隣於門下一見賞心傾蓋如故

昔人以千金不可得者而某一旦得之不謂天與之

緣我行時承祖道都城外繾綣無已別後知有荆南  
之命荆南去故園數日冬首上書乞身圖與門下為  
平原十日之飲忽值三孫痘寒心惝魂與之共患難  
者凡兩月餘也方具書附使起居門下而家報適至  
知使輟蒞荆無何時而使命寵儀儼然辱臨于故廬  
惠之華扁旌及滿門片言之褒榮於華衮此之為義  
蓋生死而骨肉者將何計剖心摩踵以報特達之知  
也賢者必有後天道不終夢夢想熊叶有日風便慰  
我懸懸率率布謝嗣容端啟惟台炳

然太山人集

卷七

〇元

與宮諭李九我

穆鄙人也竊慕當世 賢豪仰則懿矩每欲奉末光  
領 緒教以破慳祛鄙而無從屬者叨起田間賜環  
九列具疏請復已奪之典而 新恩破格優給罪臣  
明公學鏡千古才周萬殊振藻木天噴英藝苑復  
字之褒固百世之籍也何幸得借 琬琰之章與  
紫諾琛綸為迴鳳 羽流耀於無極于茲世世子孫  
當無忘也外具行實上塵典記并附不腆之儀伏惟  
台慈鑒存臨裁不任懸注

與丘明府次峰

蕭二公來獲拜手書宛接芝宇無之大製見示率泊  
乎希乎有古之遺聲焉方今海內結軌談詩文者無  
慮數十百家俱盛推李于鱗王元美之作以為上掩  
李何今觀其雄詞逸氣凌厲當代殊令讀者避席起  
敬而棘喉澁吻之語亦每每有之則此擬者甚之耳  
竊欲折衷其間以圖庶幾於不朽雖躍然在目尚力  
難從心如師醫無相老匠何以教之家兄阜野遽棄  
人世天之降毒痛於不肖極矣每惟平生撰著至今  
上知中猶能賞之可謂有振古之才而憚於遂詣已  
命姪輩彙集以俟異時加之商確校訂梓之傳家猶

然太山人集

卷七

卅

勝阿堵中百萬貫也憐才知己如翁幸為阿宜生再  
曉之感感不肖以先兄故得肆力於文章然先兄目  
不可一世士而其處心則甚虛曾記童時每與操觚  
為舉子文見不肖稿則匿自稿不登後不肖偶府考  
落名則移書姚府公曰予第每與對案揮毫且有令  
伯氏縮手處迨讀不肖古文詞則又撫膺嘆賞之至  
京中覩不肖恒陽之作為書勉之曰予二十年良工  
苦心猶僅僅若此不意第一且超然有得何論恒陽  
行且與上都諸名家抵足論烈願寒高中重績子雲  
之玄務究竟所至可也乃今憶兄言如券合信知我

成我者莫如兄也胡為大命不延令我籲天無從耶  
擬撰行實永王鳳洲墓志汪南明墓表二公蓋當代  
作者借之闡發先兄潛光非獨藉重高官之手也茶  
令侄輩磨石以待不肖叨滿者三月惟是殫貧官之  
力購圖書萬卷於閒曹日夕遨遊其中不復問餘目  
恨彼美一方無由相與論交千古暮阜連雲二山靈  
又在吾胷中以故持氣嶽嶽不下卒莫能贖善宦伎  
倆以取妍於時使二山靈不在胷中則聲利之態浸  
淫幾化夫軒乘非崇岩棲非辱惟達人一之今世仕  
宦談山林便謂無志氣此其俗狀可憎矣且讓翁作  
主終當與不肖鴻溝耳因翁言併及之呵呵悚私縷  
縷不覺多贅

然太山人集

卷七

卅

與直指朱鑑塘

某楚鄙人也嘗見古人云士屈於不知已而信於知  
已而韓昌黎氏亦謂日受千金之賜一日九遷其官  
有不得謂之知己者然謂之知己者寧獨以其交締  
雷陳誼投管鮑而已哉夫謂無一日之雅而受平生  
之知有如某於足下也某鄉者以言象罪譴也是時  
當軸者方憑雷霆震暴之威以箝天下之口諸號稱  
海內義氣友朋人人惟怯卷舌而門獨抗顏犯怒

為君國大體申救音輩以是削籍歸里其從播蕩

中讀大疏義共生死不勝起骨加肉之感而天下士

大夫皆呼門下為直御史以今西京臺端中何幸猶

有批龍料虎如朱鐵面也頃者同志拔茅矯矯吐氣

而致有忍點壁清亂國是者此固黨人脩怨而吾輩

意氣招尤亦與有責今幸門下以忠直氣上結

主知持合大江之西矣故里與寧州為鄰習聞風裁

茂著吏畏民懷蓋本之正直忠厚屹然嶽立萬仞截

峯又浩若洪濬巨浸之稽天而吐納元氣也世道禱

柱非厲之門下而誰某抱先慈之疚以昨年仲夏禱

終太山人集 卷七 〇三一

除時來入山已深百念灰稿顧時時手大蹶為慷慨

泣下謹勒之家乘令後代子孫知門下義至高無由

捐糜報耳真切真切附便申布十年積愆於典記伏

惟台慈崇炳其臨裁不任馳越

文熙亭先生文集卷之八

平江 艾穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

書牘

上政府

其最不肯叨有餘生竊比山中散木逃於斧斤幸矣

不謂 聖明憐其狂瞽起自田間殆未知樸蕘未可

以棟明堂輪囷非所以器萬衆而談用之徒令偷食

大庾重增罪過然每早夜以思冀異日者有分寸表

樹以仰答吾 君吾相其心也奈何舊病復舉體弱

不支具疏乞休四誠是瀝非敢叢套飭欺者惟 相

公俯軫而放之歸倘不即填溝壑猶以未盡之年詎

咏太平又再生之感也瀆冒鈞嚴無任悚息

謝政府

穆最謫陋以 聖明拔自胥靡躋之 朝列仰叨

洪造之無涯每懼涓埃之莫效頃具疏 請復追奪

恩典蒙明詔給以見任我尚自惟謬起田間冀錫  
前官之舊典何意寵逾涯分仰承破格之 新恩此  
由 相公念軫餘生以故仁弘錫類不但某之賜壞  
九列者 綸章遽冒乎紫誥之榮而某之父母之舍  
抑九京者 恩波且洽於玄臺之骨矣並懷 君相  
之德感徹幽明水荷 天地之私矢圖啣結謹陳謝  
悃伏望 崇原某不任震越待罪之至

寄太僕沈繼山

昔與夫為生死交賴天之靈不即化為朽木下異物  
猶得以殘骸餘魄播之絕徼與魑魅群施施漫漫無  
終太山人集 卷八 三  
復玉門生入之望每對龍雲關月懷念我夫恨身羽  
無從則未嘗不涕下沾衣也雖風鴻杳絕知萬里同  
情美秦中山川雄美放夫流人藉以抒發悵寄每與  
二三友朋浪迹絃南太華之間渭水曲江之上思昔  
與夫為擊筑燕市遊如隔世事獨播越中勸破世態  
可供達生一撫掌比者天地開朗死灰復燃而老母  
日薄西山有難絕裾願主上賜環恩重冀奪萬死之  
身猶得一望天顏以自慰兼與三四兄弟作來生會  
邱掛冠神武無憾矣不謂行路之難繞出流沙萬里  
又上蜀道青天即今迎養老母差協宦情而埽直之

性終不能與時浮湛子長萬里范蠡五湖固吾志也  
自古逐臣再起者多不永終譽願我夫益堅初志以  
終壯尚弗為此區區者易故吾可耳

答寺丞朱訥齋

家叔來卒卒附短札片語起居門下鄙踪不能萬一  
嗣得報章宛宛南禪相對時情況讀扇頭新詩令人  
神爽俱馳蓋本之窮交故人同病相憐踪跡愈踈肝  
膽愈親也密宗嵩高近在數千里外一旦為下傳神  
洞庭君山自吾視之乃家物卒無能飛錫其間吐一  
詞荅河山之靈亦俗甚矣雖然足下以謫汝得太密  
嵩高第以成秦得終南太華何昔從震蕩播越中共  
有此風格而今不之然乎頃且馳書拉鄰爾瞻沈純  
父輩遊洞庭湖山而後次第及衡南七十二峰因語  
諸君曰人生波波汲汲在人間世何異羈鷄世情友  
覆所宜等之虛舟大塊內五青山終當屬我輩弟聞  
足祥琴將就計又將出而翱翔青雲欠心事其俟之  
他日况五岳已得其二乎時卜築城市從土木冗中  
喜讀足下詩不能和答後請教備

與學憲蔡青門

昨年敝楚學憲公缺時示語諸人士曰新學使來必

伯華蒸君乎此君無論文章領袖諸章縫 欲得端

師非伯華其人不可居項之報足下茂膺新命夫人

皆神吾之言若操券而不知聲相應氣相求即寡迹

千載越絕萬里若天動神合於一堂之上又奚疑於

弟之料足下有今日即第十年前同患難兄弟今皆風

萍散矣求一握手開口不可得而吾楚雲夢八九之

靈乃能為我來足下將全湖之精英化秘盡收之而

洩為篇翰以直追屈平宋玉唐勒景差之遺風猷氣

烈之鼓動諸人士罔不雲蒸而龍變弟得以顯觀其

盛不謂有厚幸與吾楚在昔稱名學使如少華許公

終太山人集 卷八 四

三石喬公皆能以文行倡興多士收公明作人之效

庶幾空同振鐸大江之風矧足下人品出二公上先

聲字格已久者乎弟以是幸楚士之有遭也弟楚之

士昔也樸今或浮靡夫昔也介今或脂膏矣昔也厚

今或佻健矣昔也毅今或鬪茸矣此其作之寔在足

下夫謂金之在冶泥之在鈞也又始進自干進者多

而始進輕矣夫進一有力者則阻一寒士之進此悖

質之所宜杜也足下家隣於楚杜之宜嚴茲固無待

第贅美弟年來游雁家難鬚髮種種成翁一切世情

了不干涉獨平生抱山水之癖懷五岳之仰項且走

書約沈純父鄒爾瞻為洞庭衡嶽之遊乃純父欲歸

不得歸而爾瞻報弟書曰老親尚未微一命終當視

夫為進退也云云弟旦夕將累種獨徃矣弟今如伏

蟄之虫頽然放於山澤蘿薜之深不復知有人世與

其若二三同志者落在趙孟套中豈若偃仰烟霞於

長林大壑之間即不能如黃鵠之摩九天度幾與鷓

鷯鵲共遊其適乎此隱衷非足下不以告也薄將

愧不成享亦不復襲套具賀書惟賜鑒亮不宣

與少參王太初

別來憶恒叔風格真清直在風塵中也請居日手佳

終太山人集 卷八 五

篇讀之如對芝字大隱能見大寂能置乃今人間世

有恒叔矣時事修怨吉人忍心點壁每中夜撫膺覺

牀頭風雨啾啾長鳴揚用修云自惟千鈞之弩一發

不鵠則終身永殘弟恐聞鷄筆之鳴能無技瘖乎此

可與知己者道耳王敬美關中相促席甚歡聞之久

拂衣行矣三泉諸勝日供主公品題學愈滿而篇章

日富其年來浪迹終南太華間猶能窮探極躋與五

臺三峰作賓主數日始知貪絕奇必陵絕險光山君

非謾我矣不謂其之癖於遊類忘其為萬死身也終

南諸小作請正太華之困尚未符容異日者便羽致之

與少卿周二魯

足下昔從長安狂狴中一顧我奚啻千金別來十二  
年矣僕寄命游金幸出萬有一生之中得與於賜  
環而足下以直言取忤愈挫愈勵歷百折而不同  
一旦握手此中相對歎慰回憶曠曠如眩夢第僕  
與足下同抱憂時報國之志而僕則颯然已翁  
孟浪一出於時無補冀返初服拂衣青山別後值諸  
孫痘險兩月之間以夜為日自覺情深骨肉直可飛  
脫浮名又家人來知故園大饑進退谷甚業具疏請  
復已奪之恩而足下尚爾之命下矣不勝彈冠

終太山人集

卷六

〇六

之慶夫豈以一官為足下榮哉謂足下入而能  
以其憂時報國者瀝膽輸成效之師門正謂士君  
子有其志不行而托於知己者以行猶吾行也頃得  
政府書慨然相信足破庸衆人之疑且示以不復  
言去之意而僕復進之以用人則天下治容人則天  
下服欲其顯序大業以仰副主知俯對群慕不令  
時俗啾啾者謂有蒼生之憾如敢深源也且政府  
之望於天下誠獨重矣天下之人於用一人行一政  
不曰某而曰政府夫謂歸諸重者而苛求之則然  
也可諉曰吾未之知乎足下入而瀝膽輸成效之

師門俾相業復光為世道一大快僕以是為彈冠慶  
也前抵政府書曰公門牆中求有意氣翩翩能為  
知已死者必曹即周君必曹即周君云大都肩才者  
多好奇喜事而或圖通是祖雜之機權一雜機權便  
滴純白視去行一不義而有所不為者萬里夫足  
下以為然否來教黨人之論甚正僕則惟知有去  
而已耳明春為乞身計正足下登朝時也各有  
志所向不同願知己如足下為我言之政府共  
成之

答主政周二魯

終太山人集

卷八

〇七

得手書知楊君書未至楊窮甚為嗟之友人作縣者  
想遂留戀而不能歸耳僕先是有亡兒之變已絕意  
時榮頃叨起寔出太原相公意不得不勉為一出以  
報知己若謂士君子有其志不得行而托於知己者  
以行倘於世道蒼生有裨猶吾行也不謂蟬螿撼樹  
徒托空言又平生所學耻效圓通唯知以行一不義  
殺一不辜而得天下有所不為為正無以多病之身  
心盟泉石昨冬業已具疏偶值小兒出痘今春又值  
朝堂聚訟之會頃始得陳乞不知允否必屢疏得  
請乃已士各有志所向不同此非廟堂欲去吾吾自

求去耳來教謂古及今能反已者無幾至以司馬君  
實蘇子瞻為言謂不當以已意雜之孔子曰君子求  
諸已孟子曰行有不得者反求諸己其身正而天下  
歸之薛文清公曰人能知天下國家無皆非之理斯  
過人遠矣從古及今未有不反已而能為君子者未  
有不反已而得免於不為小人者來教謂宰相與諫  
官度官皆當反已僕謂惟宰相最要緊以此念一動  
又天下國家之福也又國家運會與自家福量也然  
非無我心者不能反也又非人所能使之反也奈何  
今之下之言事者全任意氣而上之處事者全用機

終太山人集

卷八

〇九

權乎野人安得又談時事第因 足下與趙毅陽還  
朝可為世道快第僕雖快於去而知已之報猶未  
忘以故前悵悵於 足下顧今時事似難措手 足  
下負經濟才須相機善道可為則為或可道僕之意  
而不神僕之書與之深言天下事也僕今已矣計入  
山投老矣視 足下為之猶吾為也

與左轄朱明虹

貴陽迹在數千里外不謂天上翰音昨年從西風下  
山中讀之喜欲狂讀之喜欲狂所媿燕言菑不仰見  
大雅之不遺而故人義至高薄劣如穆者具何以

報也茲拜手書如接芝字散鄉王夢澤云今人揚聲  
藝死其人則不長者即長者亦踈濶不適用 足下  
藝死之雄其人自長者又通方而適於用世道終必  
賴之穉辛專立壑竊比散木茲復出曾冠裳以山林  
糜庶之姿而逐隊隨諸貴人鵝鸞之班自覺官沉如  
水恐豐草之戀乃其故吾樊籠或不又羈也故人愛  
我知我何以教之 高旌旦晚以計入恨大官法釀  
無能私擬問長安酒樓以俟

與憲副陳任菴

終太山人集

卷八

〇九

別來十易春秋馳想如昨憶昔第與大幸仗關內外  
皆不欲殺人媚人矯詔待罪一時士大夫皆稱同志  
後大東憲河以南而第成秦中承大勤人數千里外  
訊我且助我資斧故人義至高迄今耿耿在心末由  
啣結報也言之隕涕第起家西蜀叨轉歸於峽中奪  
去愛子遂灰出山之念甲申春遭先妣閔凶殘病之  
人形神摧毀今雖久離苦塊而掩耳時事曾見即報  
知夫從憲副乞休回思十年前在僊泉道人處論心  
之言如操券不爽嗟嗟此可與時輩淺淺者道哉先  
是 新秋有南嶽之遊為卜居所妨業已撰杖復後  
之明秋我大當遲我於七十二峰之上開口笑也



昔人云人生行樂耳波波汲汲在人間世何如祝融  
峯頭看日出乎文於時辛母曰桂陽遠在衡山數百  
里外不果來也何如

與沈馬趙定宇

某妄庸人也向者過不自量附明公批鱗之後同患  
難死生幸得不即膏肓土白草以有今日快覩明公  
以人倫師表上結 主知計且與二三同志仰翊  
廟謨為天下快何期萬死一生之人反為朋謀害正  
者忍心點壁搏擊不休此又從來所未有之事而可  
為世道駭且嘆也夫世之大不幸莫大於黑白邪正  
終太山人集 卷八 〇十  
之不分而國無其是雖然人心公論久之自定而國  
是定矣吾輩有宜去有宜留去者為名節惜留者為  
君國憂均當付是非於天下而以無辨止謗可也高  
明以為然否某德涼分薄起家西蜀叨轉歸喪廢壞  
子于峽中又繼之罹先太安人閔凶游家骨肉大難  
形神摧毀幾為竇人今且掩耳時事惟恐入山之不  
添矣明公含光沉馨正直而本之忠厚固世道之幸  
也風便附申候私臨裁不任馳越

與給諫鄒爾瞻

屢邸報知一丈尚示入京意者時事悠悠進退維谷

平客冬寓白友書不識徹尊覽否大都我輩身慣風  
波膽已不寒或出或處均當付是非於天下夫與定  
宇入則沈純父可留如其不然弟勸純父拂衣為上  
策以吾輩可死不可辱義固如是也夫為山巨源第  
得為稽叔夜幸矣

峇右轄陳五岳

往弟從峽中出也正足下入錦官時東北踞岐蒼港  
迥不相值向來積種種計與足下陳說平生於浣  
花溪上以共洩其俛仰千古之懷竟爾成虛願私心  
念足下數十年前臬味於我猶在也孫華容致足下

終太山人集

卷八

〇十

手教并諸新篇讀之宛見意氣襟期神爽飛越寧獨  
不忘窮交故人裁裨謀謀於野則獲子長足跡徧天  
下名山川而其文益奇固宜足下之大昌于鳴者是  
也弟放夫窮愁之音於震蕩播越中聊抒其寄耳本  
無當於作者尚冀足下印可之幸來游雁骨肉之難  
至延及先妣以今仲夏禪除遠承通家厚誼宜何如  
為報足下鴻鉅之榮光於海宇願言勉崇明德以終  
壯圖弟才乏通方不堪世用時事悠悠惟寒耳障面  
於長林大壑間烟霞成癖近且馳書拉二三同志為  
洞庭湘山之遊而後及于衡南七十二峰直從祝融

拳頭看日出視昔搔首問天蓮花頂上奚殊矣將五岳不獨為足下有足下能從紫微花下復私五青山乎呵呵

與督學劉肖華

川中一見結平生之知本之同病相憐意氣相許視握手投歡者猶落二義荆南別後僕以德涼分薄海增艱危神爽飛越恨身羽無從也頃聞足下茂膺滇中新命為鼓舞修一快以天下士習日蔽靡靡一風即有高談性命者率多勦說圓通疑言無當惟氣節文章之士庶幾必自有真今操天子爐鑄士士或知有禮義廉耻不乘于用乃今見足下與蒸青門沈東霍並出督三省學三省皆稱得師矣滇雖大荒風物奇勝舊時楊用脩張愈光聲聲振響其間足下校藝之暇尋幽吊古陳詩觀風力振大雅其所以仰答主恩者豈淺鮮哉惟是僕寒耳障面于洞庭烟水間不復櫻世網遙涕瀆雲日遲故人萬里一書也附便羽布棕餘不一

報鄒爾瞻

春夏兩得手書知故人在朝情況然以我輩從萬死

終太山人集

卷八

〇二

〇二

終太山人集

卷八

〇三

〇三

中來幸矯矯吐氣又復因之頃之純父與我丈相結去矣純父亦未見請告我丈知還朝當有期時事直置不道惟是大塊勞我以生日惛惛在人間世有同羸鷄五岳之遊第效宗主之臥久矣然終涉懸空蕩想還不若對景親切與名山作真知己庶幾曰身在五岳神遊八極也茲致書拉我丈為洞庭湘山之遊而次第及衡南七十二峯計相將坐視融峰頭夜半看日出印對此心當如鳳凰翱翔千仞之上何所不得太華天下絕險也第曾直凌三峯絕頂凡再宿石室而返於時咲昌黎子惴惴作兒女子悲號見朝山靈今登衡岳特易耳更冀我丈馳書拉諸同志撰杖屨相從世情翻覆所宜等之虛舟腐鼠土直何可與心聞固知二丈不以彼易此矣夫肯如約幸毋作泛泛語復我

答雲夢孫山人

僕以倖直之性忤時觸憲自誓剖心裂肝於殿陛之前美賴天之靈猶得以僅存餘喘歸見老母始謀以短後之衣從塞上也此由狂瞽不量所致而足下為我憐之遠煩長翰惠之大篇若九天咳唾一旦落吾掌中令奄奄就木之人嗽芳挹潤嗟枯就生此之為

感宜何如者而足下意氣翩翩不於茲可徵耶足下

握瑾不售舍光匿景而托之文采其為人孤介逸俗

海內呼為山人假令足下翱翔青雲置身朝廷之上

豈能與世之鬚眉婦人競為妖冶之態以取妍時眼

眉顯融耶是僕之所不為者信亦足下所不為而足

下喜今僕之所為猶吾為也僕自燥髮受書見古之

達人以死為生以辱為榮以賤為貴用能浮雲世態

旦暮萬古而遐覽宇宙之表每私心高之持此以觀

今之敢於搏擊不難一決者似之矣然或以天子宰

相為奇貨而借之驚節樹聲吾又未始不畧其行而

終太山人集 卷八 四

罪其心也僕今日者其或有類乎是耶此又僕之罪

也且僕居冷局十年矣旦夕當補外得燕秩夫特以

事關綱常致動天變不得已而當其時即七尺軀吾

不能有而况其他耶此僕所以旦夕悲心流賈生之

涕而慕屈平之沉也恃天下知我為吐其愚賤體稍

妥擬束身造河湟戍所異日者即無能北策胡西策

羞從介子延壽後以振奇萬里外尚期于荷戈之暇

取足下篇章歌之塞上當與古鏡歌鼓吹鳴鳴相答

響於時助我清狂發之天竅造物知不吾禁即杖之

絕傲於此與不淺肯呢呢為兒女子悲耶教末即田

書直告志完之言惠我大矣

又答孫山人

鄙人歸自絕塞惟恐入山不深何期除目勿從天降

所幸聖明感悟又 宗社生靈之福若鄙人弁沉何

足論哉世態炎涼諸交承以書來率修言榮進而矣

獨我規嚴善始善終之戒大都海內義氣友朋愛之

固若茲矣鶴髮垂堂烏養方遂昔日狂瞽之謂何而

今忍心絕裾耶第國朝事體凡遇特召者進止多不

得自由又隻身無兄弟子侄者方許終養然際此

清時會當瀝血陳情莫謂所願也范 夫云必也立

終太山人集 卷八 五

朝增蹇匪躬之節諸凡為 宗社生靈大計可入告

者幸我文不靳以聞俾得仍以狂直仰答聖明萬一

而歸庶不負茲行耳

與友人

不佞狂愚無所比數辱我丈憐之又從而樂道之獲

我新詩讀之灑灑令萬里征人頓增氣色異時荷戈

之暇取而歌之塞上當使秦聲失響足下助我之狂

多矣昔人謂窮而後工文于窮處得力不佞今之窮

益甚其何能大昌其鳴而以窮為娛耶第七尺之軀

尚在胷中寸鐵當愈煉愈精肯將死生榮辱復易初

志作兩樣看耶此又不伎所由通于詩者特知我者及之

與督學李本寧

荷愛刻感無由面辭謝為歎僕今之華山必凌絕頂倘得十丈蓮生肺腑當片片拈出向公藝壇呈奇也項遊黑龍潭之險已咲蘇君怯矣異日者搔首華頂蒼堯之上問青天又寧不咲韓君悲乎二生有靈當知百代後有狂如文生者猶能以萬死之身埽視仙掌杯視黑龍而落魄大塊間也二君曩時悲啼恐退山靈河伯所咲者不將翩翩焉復起而揚手擬作兩

終太山人集

卷六

〇十六

咲歌寄公且道鄙况言別

答陸山人

昔人云名書畫不可侈玩於人恐來貪索僕今者得無類是耶呵呵足下佳園秋色可餐無之黃花咲盡壚頭新釀浮浮欲嫩嘈聲似喚幽人此自足下風味不伎在故園時亦於此興不淺今碌碌在人間能不負秋風乎

報友人

羊來放浪隴雲關月之間無復拘礙一旦出婦人再

者回視疇曩拉友人登終南第一峰與搔首太華三峰頂上不其仙凡迥絕乎

移胡生雲從

僕於足下非有平生之素傾蓋出肺腑相示不自愛而愛足下冒父子必不能相信之嫌於二三直指一旦援之九滿而欲其覆盆見日羊腸化坦者蓋憐足下之才而又莫倖足下之有悟枚桑榆之功救東隅之失如太空重雲歛爾開霽萬象不失使人皆見之天下信之則足下一變便殊絕非復故吾而僕亦可以有辭於當世無使人謂某氏子以風節聞天下而其取友有不然也前致書援周處數滿

終太山人集

卷六

〇七

二氏故事規足下意蓋在此乃足下故態猶存

惟知以奔競為快意視交結為良圖日助勸勸疲神殫力用財如土費酒如川惟日不足可謂許子之不憚煩夫况黨與非人如人包魚與之俱化至是而足下之反已求新無復可冀而僕亦悔於厥心誓從此斷吾臂不為人假一字障吾面不敢見一人充吾耳不欲聽人之有口死吾心不復見可欲而亂得保吾硜硜之介為全圭完璧以終其身而不致半於九十是足下非所以為吾累固吾好脩勵行之資

也孟子曰人恒過然後能改困於心衡於慮而後能  
足下之困衡非一日矣果待何時而作耶諺云牢  
獄福德堂此語最有味惟達者行之為此生受用禪  
家謂滅動心不滅照心即吾儒明善誠身指也足下  
素好禪今動心不滅矣照心何在耶遽瑗行年五十  
而知四九之非卒之名德爛然與孔聖同光照耀千  
古不可及矣如周戴二氏一遇清河雲間奮然改行  
至今有無窮之聞此亦爾鄉前公芳躅也可不思仰  
接耶且 足下以結交為苦乎樂乎榮乎辱乎禍乎  
福乎試一反思當自知之今以苦為樂以辱為榮以

終太山人集

卷八

九

禍為福僕殆不知爾所稅駕矣或謂 足下業已臺  
言於此一旦去俗從雅離置即恬舍濃趨澹如猿鳥  
之人效縹將有性命之憂自非天下之大勇何能一  
變至道耶嗟嗟光榮轉移在此一念前事之不忘後  
事之師也鳥之驚於矰弋也思亂浮雲以避之獸之  
脫於羅落置罟也思凌高丘以凌之夫謂周身之智  
得於嘗也 足下嘗之美自謂乎智矣而曾二物之  
不如僕閱人以來如貴陽宋吉士某西蜀姚員外某  
皆以意氣交遊傾海內者宋後謫然軍落職家居今以  
偽印雅重辟姚遷王官歸今家徒四壁立二氏皆大

於交遊此又足下可鏡也始僕望足下攻舊業致  
身青雲綠廠壯圖以報知己今亦已矣所望以則事  
為在車之鑿無絲毫覆轍以禍其身况人皆信迹遺心  
向之罪 足下者信之平時而今之議 足下者信  
之一日何者謂其聲著也奈何不之思耶苦言藥也  
其言疾也願 足下仰慕遽瑗希踪周戴息機忘物  
勵無求之操堅食貧之志有力則可賞而官不則宜  
安分聽天無生心階禍且心迹已明自可長嘯物表  
或明農治生或立言為不朽皆惟 足下所為語曰  
天之假助不善非祚之也欲逞其心以稔毒而降之

終太山人集

卷八

九

罰也 足下固非不善者第今之遇僕人謂天若假  
助之矣幸無逞其心而厚其欺  
與少參王恒叔  
柳子厚在柳州時盡得柳之勝而吐為文章遂令百  
越有柳為天下重夫子厚汚叔文之黨世故薄之其  
為柳重獨以其文耳 足下以文章名當世又諫垣  
骨鯁不能黨而出參外藩天下皆高其槩其重柳非  
如子厚之獨以其文為後代即論文章家如子厚則  
謂其至柳始工固宜 足下之文益工於柳也何由  
得諦觀之不肯戊子冬入 朝不數月而南自惟故

原缺第二十葉

嗣唐千餘年而我明踵之何者謂天下猶有謬漢魏  
盧唐而求饒羊者也故曰取法乎上僅得乎中公詩尚  
柔澹醞籍拜教多矣夫務非知詩者也又坐離索無  
由結海內之才與之商確印對即詩亦不格間或乘  
興如候虫之鳴不過信之自遣或苦於含毫輒投之  
地曰天幸惠我餘生而吾乃自促之耶以故於詩不  
求工至不可視之人矧公乎雖然見獵之喜未忘也  
昔高常侍年五十始詩每觀宜室中與以陵諸公唱  
酬往來得居其奧而名天下少陵與高詩曰美名人  
不及佳句法如何今幸公求必陵大將之旗而樹之  
終太山人集 卷八 五

答朱宗尉進甫

前日之會興盡而還且得過子雲之門覽草玄之什  
猥辱中虛謬為商確五言近體七言古詩絕句具多  
閒澹冲逸之思宛見唐人風味獨七言近體更宜深  
入大都詩有一毫塵俗入其肺腑則不工昔人謂窮  
而後工良有味乎其言之也老文王門貴公子其何  
能窮但能清心管事動中求靜此重彼輕是又不窮  
之窮不工之工也在生云外重者內拙又曰用志不

分乃凝於神昔人又曰輕萬物則神無累輕則自忘  
此其義皆通於詩也信若云云何玄弗覽何神不游  
何聖不入哉夫詩文乃不朽盛事昔人云年壽有時  
而盡富貴有時而衰未若文章之無窮也僕老冉冉  
至矣未嘗不三復斯言而慨盛年之難再傷舊業之  
日荒夫清才妙齡其夫心圖之務成一家言期於不  
朽使子建不得專美於前又知已願望之私也高明  
以予言為然否

與少宗伯趙定宇

老夫今不作官歸矣亦何嘗一日忘去專戀戀一  
官哉弟謂丈此舉不但無補時事適滋多口頃朝堂  
紛紛已有黨人之疑今正墮其中必謂丈向為主使  
今為庇護何以自解一也時值趙少宰北轉謂丈遂  
有芒背之嫌形跡昭然令人得指其非而闕然議之  
即百口莫能明也明為吳沈辨白而二公業已媒孽  
其短者衆今丈又助之攻今唐君輩群起數其事而  
責之反重累元絕其嚮用之門即廢棄由居抵增悞  
惱三也弟前在京小人百口謗丈通廠張無何賴有  
論劾疏至始明弟別太倉時力言小人加謗於君子  
之當察今廠張復入當軸正在危疑必謂丈無當軸

以之作厭張送禮四也趙之自發難致滿朝聚訟當  
軸以夢白為罪魁深啣之今又云趙師弟而避其名  
則隱然以弟為主使可建鼓而使入擊之立招而使  
人射之手五也吾輩昔為江陵蒙譴共有海內之名  
人今又將疑丈已官卿二必久於南大拜不能即待  
復尋別事幹討好名頭歸六也有此六不可幸太裁  
之天下事到面前不得已而應之亦謂行所無事非  
擾之也今又似生出事來則擾矣不得為忠厚可又  
謂之正直手獨不思當軸者肯甘心俛首任丈牛馬  
我而應之哉必不然矣刻印銷印從如轉圜是所望  
於我丈代面

然太山人集

卷八

〇三三

### 與考功歐楚門

向來借疏兩領台報英詞嚴藻照耀寒肩昔人謂吏  
部文章今何幸於老大再見之從古碩儒名流身處  
一室而神遊八極跡依鷓侶而精注藝林故每每馳  
驟于篇章觚墨以寄其豪而岩廊恢博之氣亦自益  
溢言表如太阿出匣光炯未易迫視令讀者一見知  
其為天朝夔龍無幾也彼謂窮而後工者蓋言言酸  
耳可例論哉其今寓恒陽書院中得同諸人士商確  
舊業異將俟完于墮甕揚燭於委灰以救東隅之失

而仰副台鼎故知不擬竟成何似所恃以不即奔撫  
者有老年丈在耳附便草草不一

### 答柱史王同年

穆曩從同袍中見有風神秀朗性槩端亮可屬大事  
者不數公如老丈實壯心慕之迨老丈取制科翔奮  
仕林英聲赫濯遂躋身一臺直氣動天下如朝家靈  
多所振刷若皇陵巨瑄恣橫數十年民怨憤久結賴  
老大抗跡論列楚中人頌楚之名流特起大有德於  
桑梓者咸歸之主持節領南墨吏望風解綬民宴其  
恩風力震閭閻夫吾楚近自洪塘老先生以孤忠勁節

然太山人集

卷八

〇三四

為國鳴鳳至今猶談者凜凜茲復得老丈接軌紹林  
諫垣宗匠後先相望海內奇絕事可謂並萃一門矣  
穆附老年丈榜末場翹書真昨午為母老乞官得此  
之阜平蓋天下惡陋地願祈以硯質誤蒙當道壁視  
處之書院中勉令再試恒陽密邇老大霜臺誼當通  
賤名于記室伏祈照原不備

### 與明府丘次峰

昔人謂文章一小技於道未為尊南華氏之惟道集  
虛老氏亦云江海之為百谷王者以其善下下詩文  
雖技藝然虛則受益化境可臻石信心獨生欲難入

聖讀來教論詩文強然之音令坐空谷中者愕而草  
楊用脩評社詩絕句本無可解惟取花卿一首得風  
人之遺非謂一部社詩只此入選也用脩詩亦全學  
杜但其調不如杜之逸耳公欲我遊心漢魏以昌其  
詩上求西京以極其文甚盛心也漢魏西京遊遊有  
日矣然其妙從悟入今海內操觚為詩文者無慮數  
百家率多才不類而以此為套本又可嘆也觀舞  
紉而識草書因解牛而得養生正謂師其意不泥其  
迹善學善悟者也

又

終太山人集

卷八

〇三五

歸來日夕與老母擁爐不復知天壤間有何快心事  
即楮筆亦求之高閣與致寂寥以故尊委至今未酬  
非敢故作慢懶態也前吾來惠我教言如領命命僕  
本不詩碩放逐之夫落魄人世視宇宙若無所容而  
不得不以山水之情友朋之樂託之詩以自遣緣足  
知此道甚滿子美所謂更覺良工心獨苦信然信然  
每謂自來文章家各有其至亦必各有其病而病不  
能掩其至今之學古人者未得其至而已先有其病  
即椎厚如敵言病則粗俊逸如仲默病則弱而病皆  
不掩其至有其至而無其病者日谷是也然去二氏

遠矣又近時如其之奇秀有浮之病其之弘博有巧  
之病今海內率尊之乃僕則謂桑澹朴健欬讓二氏  
而病亦不掩其至今之學二子者病又益甚矣又有  
托言根柢風雅一切為流易近人之言以自附於溫  
厚和平之旨而其實憚於法之難入即自成一家古  
調亡矣論者固未可卑古尊今亦未可貴耳賤目也  
又如某集過摹左國而欠變化誠非大家然其中亦  
有足稱者若謂學人語言而槩薄之則敵吉將不得  
稱雄藝壇乎大率文至西京詩至盛唐如般倬繩墨  
後有作者誰能外之所貴有金鵬變化之手不法而

終太山人集

卷八

〇三六

法耳鄙見如斯不識高明以為何如僕才力薄劣筆  
來以殘骸餘魄播之萬里老冉冉至矣其何能劇心  
鏤骨以稱於作者之林願一切抹殺而遊於無何有  
之鄉公晚節漸於詩律細者所謂不朽者因自有屬  
也 刻蒙過採俚言外翁書索酒詩二首公蓋深於  
酒者僕未知其趣而道得非強作解事者乎呵呵幸  
甚

又

上都忽上三更歲事屢從故園音問相得起居大畧  
知高明懷况不復牽羈世俗吾道滄洲固若足矣山



中花鳥渾足至人清興直可信手拈來幸甚便科寄  
我今長安塵土中一觀詩中之畫何異卧遊幕阜也謔  
劣在散句好穎覽古今作者奈才不逮志如抄人中  
夜驅車誰與登之覺 又每為應酬文字受迫促雕  
虫小技反覺為此生添一贅癩恨不得如韓伯休逃  
名難陵耳莊生謂知效一官德合一君而宋榮子猶  
然笑之贅癩我者究竟有何表樹耶第年已四十見  
顛毛自信頗能達觀世故之表弁沉榮等之浮謳又  
素性拙于趨時跨馬候游如扶萬里絕國見時儕善  
宦者以時套相高業人取寵輒心鄙之目為 物即

終太山人集

卷八

三十七

答上舍李玉齋

華誕以僻處山中不獲登堂序薦賜函致悞言代意  
且冊葉已不文矣又復贅之以此詩無能發揚高雅  
萬一聊見平生之言耳何云玳筵之光乎來教獎借  
踰涯至自况承福稟馳而等孤於南華禦寇天承福  
稟馳之神實賴昌黎傳之千載昌黎必有取於二氏

也夫二氏其小者也昌黎易易言之假令今日遷公  
大巫神氣俱盡雖以昌黎之方駕南華禦寇亦稱  
文章家丹青妙手恐儀毫失墻儀髮易貌不易傳神  
也况淺陋不文如孤者乎

又

荒微中即飲冰吞炭猶能以殘骸餘魄付之無何有  
之鄉不復關世情差足自遣矣老母頽齡猶喜雅知  
大義從古以來為人臣子兩大件不能兩全奈何奈  
何茲有不肖上年考滿恩典雖七月命下而制文呈  
御用寶則今年四月也聖明既不以罪坐廢茲典  
不肖又安得以口謹之餘而匿君之賜於不彰乎為  
此專人馳歸聞之縣大夫至於焚黃先父墓道又俟  
金雞放赦時躬微諸君子光寵為山川榮也

移胡生

僕于足下居相近也而素昧平生每聞里中人談足  
下居家居鄉大不法事皆吾十數年宦遊所未聞者  
僕不勝驚愕以足下曾讀書從絳掖後豈不知家有  
五倫人有四維國有三尺而乃自恃吾舌在可敵十  
萬師憑其梟雄以為舉鄉人皆出吾下也以故心如  
湧泉意如飄風弁髦平生蕩檢敗閑無復顧忌一至

終太山人集

卷八

三十八

是耶然僕猶謂足下不如是之甚也以毀譽愛憎者人情之至變也居無何而足下惡聲加我矣齟齬我矣僕雖德之不脩誠之未至不免招釀孽亦不宜獨見慈于足下也且僕視足下猶臭味中人又有一日之長於名教無甚玷也足下所宜兄事之者即有罪猶十世世宥之以附于議功議能之典而足下乃不我寬耶里中人聞之皆為僕語曰若人加公公不校謂不足校也人皆服公之容矣若不謂公我容也而軒軒然借公張已是公之能容所以為奸人資翼其虎而佐之橫也如地方何僕曰昔孟子善養浩然終太山人集 卷八 〇五

之氣壁立萬仞與列國諸侯王分廷抗禮以若雄視一世夫而惴惴退然自反者三二者備矣然後於加我者妄人目之禽獸置之此其存心之細固所以成孟氏之大也夫若吾助也而吾暇為若校乎居無何足下伯黃氏產矣黃氏者吾戶下甲首也其人至易與也又久病而厄僅一子乳臭也黃氏信可信矣如公道天理何足下一旦伯其產在僕不無飛鳥依人之隣顧僕則寔令黃大讓足下而不欲訟之官吾不虞黃之產為足下奪而虞黃旦夕待盡之命為足下不延也何者以百黃不能當一足下也僕此耿耿天

地鬼神可鑒而足下乃不我諒又怨之道府謂縣家率獸食人黃寔結宦放債無論事屬上官不能即了而架空竦聽似欺人於青天白日矣似此知里中人談足下居家居鄉大不法事信鑿鑿有徵也雖然又非堯舜不能無過孔子曰過而不改是謂過矣而其稱顏淵高第也亦惟曰不貳過夫聖人不貴無過貴改過晉之周處兇疆使氣大為美與鄉里患當是時人以之配水中蛟與白額虎為三患後處欲自改而恨無羊也清河公曰古人貴朝聞夕死人患志之不立何憂令名不彰耶處遂改為忠臣孝子又戴淵者

終太山人集 卷八 〇三十一  
遊俠不治行檢人也嘗劫掠江淮間陸機謂之曰卿才如此亦復作劫耶淵便泣涕投劔歸機機彌重之延交作書薦為任至西將軍相去千數百年而其戴書具在世說新語中可觀也夫周戴二子之始也人罔不以為蛇蝎為豺狼其卒也人罔不以為祥麟為瑞鳳一人之身而前後頓殊美惡異視者何也在一念轉移間耳故一念而善如景星慶雲現天地開朗人快覩之靡所不善矣一念而惡如狂風暴雨至而天地晦冥人避之靡所不惡矣此舜跖之分間不容髮而先儒亦謂善反之則天地之性存焉者此也况

天道善惡之報不爽當要其終觀之易曰善不積不足以成名惡不積不足以滅身曰積善之家必有余慶積不善之家必有余殃言不于其身于其子孫也且足下平日自謂吾謀勝人稱智矣吾舌勝人稱辨矣吾膽畧擔當勝人稱敢矣以是意如飄風心如湧泉蕩檢敗閑不顧也然以僕觀足下落落一青袍生無所發明於功名即其所自為營殖計尚不能下有戶之產充八口之饑也夫以智如足下辨如足下敢如足下大之當揮霍一世次之亦宜稱豪舉一方也而乃致不能自為謀何耶則可以知分之有定富不

終太山人集

卷八

三

可求夫夫足之不能自為謀足下之所遭也而反致禍其身則以所恃三者累之也夫豐狐文豹之不免羅網者皮為之灾也木之拳曲軸解而不夭於斧斤者以其不材也故曰善游者濤善騎者墮各以其所好反自為禍謂夫有智則窮也况夫智之小者不足以謀身機之深者適足以賈禍此烏劍之智所以來漁人之網而白龜之靈不免於割腸之患也此可以喻世人矣吾以是知困人之智者不在智而在愚窮人之辨者不在辨而在訥屬人之敢者不在敢而在怯故項羽氣力拔山蓋世百戰百勝雄矣而一不勝

刳首烏江鄭伯肉袒牽羊迎楚莊王之師也而鄭卒舍之不伐此非往事之明鑑邪孔子聞老子之言而知齒以剛亡舌以柔存自古及今一於剛而不敗且亡者未之有也故曰知微知彰知柔知剛萬夫之望剛柔者幾也知幾其神乎故曰禍之所來皆生于利苟不好利禍何從生又曰得便宜事不可再作得便宜處不可再往此皆知幾名言應世者所當知也今足下錮之園主將一年矣鄉者僕期家之長與二三親友為足下講出足下也乃卒無一人應者且眾謹諱怪之曰阱中虎也而縱之逸乎蓋謂足下一出湧泉飄風之故態復發矣必將上鄒陽之寃書挾荆卿之匕首以脩其怨於二氏也或又謂必不得已而出須得戒狀領焉此又妨足下之反噬而欲以是圖之也雖然此皆過計也昔人謂哀莫大於心死而人死次之謂真心不可滅也養生家謂心死形方法心強命即亡謂妄心不可有也足下妄心猶在真心未亡也吾猶冀幸足下之一悟也故今日能知周戴自新效為祥麟瑞鳳使人仰之僕尚當定為終身之交即不能如陸薦戴而紀之稗官與二子臺聯俱傳也惟足下若執迷怙終卒為蛇蝎豺狼即無論有人

終太山人集

卷八

三

非幽有鬼責而天子之三尺亦必不爾私爾假也亦惟是下敬布之肝膈惟是下圖之

艾熙亭先生文集卷之九

平江 艾 穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肯孫艾日華輯

詩

七言律

西竄出京

終太山人集

卷九

一

病向西風一促裝寥寥在雁塞雲長流沙萬里殊非  
遠去國孤踪信若狂楚客江魚身可莖漢臣馬革骨  
猶香青山到處皆吾土豈必湘南是故鄉

關中述懷兼簡李本寧督學

夢裏雷霆亦自驚殘魂零落又西征只憑九虎酬  
明主何意餘生入舊京御李昔應輕萬戶依劉今得  
傍孤城題書未慰江門倚忍聽關河四月鶯

午日九龍池二首

九龍吟似接湘靈不向湘江吊獨醒報主可能心共  
赤逢人何必眼俱青且携孤興攀僊掌無那雙魚滯

洞窟翹首南雲柯處是極天烟霧正冥冥

蚤起拈筆筆未花半心殘月天之涯最羨此日已去

國蒲酒十年不到家且隨李廣披短褐肯學賈誼在

長沙側身天地何所羨太華峰頭發紫霞

聞有救獲赦不果

十年不向湘江返一跡翻為萬里行隴外倘今懸

喜日邊應有鳳凰鳴極知故態仍狂瞽須信天王自

聖明間却絲衣誰為着塞雲邊月不勝情

夏日與友人集邢明府庄樓樓對終南山

明府真懷迥不羈青門學圃日相期尊前北海從教

終太山人集 卷九 〇二

醉樓上南山盡入詩行看畚田清晝永生便芳樹巖

雲隨與君共是高陽侶乘興還能倒接羅

過六盤山四首

童時曾誦忠宣句仰止茲山萬里看豈謂蕭條經異

代偶同謔逐度層巒千巖瀑散晴疑雨大壑雲封夏

亦寒風物憶公風格遠嗟彈長鉞忽馮驩余童時常

誦劉忠宣公白頭今過六盤山之句公昔忤逆

瑾成肅州過茲

黃金未遇骨先殘百折風波又六盤不雨山仍車馬

靜通天身犯斗牛寒偶因叱馭思回馭浪指貂冠是

鷗冠翹首八行何日到楚鄉鴻鴈滿江干

馮高風景望中橫天外河湟迥自蟠萬死誦來身是

夢六盤行盡路仍難驚心白草臨關滿極目黃雲出

塞寒韜有九龍何處用漢庭今已走呼韓

欲將羈抱問山靈杯遇芳筒且自停流水似驚秦隴

咽荷衣應傍楚江青不揮阮籍途間淚從訝潘郎髯

上星况是匣中龍氣在天涯猶未盡飄零

蘭州呈謝肅王三首王讀書攻詩而好下士余

西竄荷禮遇行時復賦絨褐云

儒雅風流帝子尊陳思才調擬同論幾從好士開高

閣頻賦新詩喜大言萬里河聲流白雪九關秋思在

朱門閒看醴酒無虛設狂容澆來到日昏

字扶風霜幾百篇龍山寒影掛臺前桂枝叢處賓應

滿鴻寶書中道更玄塵斷玉關清灑翰花明春殿淨

揮絃還期瓊樹庭堦滿文采風流奕葉傳王尚無子

萬登金城擁國門逐臣寒色傍朝暉縱多故友綿袍

贈爭及君王挾纊溫羅薛夜懸山月夢芙蓉秋綺楚

江蒐短衣製就思投筆乘興還堪賦雪園

甘泉塞上呈中丞侯公三首

青海灣頭調角聲虜王西牧欲橫行戎心縱款猶難

測斤瘞無烽却不驚破膽爭傳司馬論受降高築白  
猿城腐儒未識麒麟畫只道風塵易請纓

一自登壇羅羽書柳營名重亞夫居健兒門外風雲  
在斑駁尊前歲月虛持斧幾驚霜滿路畫熊今見雨  
隨車霧灑化作甘泉湧灌注邊城萬里餘公時旱甚

出舊即雨

尺書江上未烹魚且向天涯一卜居到處行吟皆楚  
澤幾番秋興為潘輿清時逐客風流在憲府憐才禮  
法疎千載甘泉仍有賦飄緜誰道似相如

奉和岳州張兵備二首

終太山人集 卷九 四

素書此日到龍堆珠玉因風落九垓人憶和歌藁卸  
裏調從張樂洞庭來疎狂合我投荒裔保障如公自  
異才臺畔莫吟平子賦楚天秋晚更堪哀

握蘭虎署為即日意氣相看獨有君擊節幾談天下  
事建旄今領水犀軍幕中說劍雙龍動樓上傳雲七  
澤分秋色滿湖吟眺足銀魚何羨碧山焚香有歸興

故云

千日重陽宮

獨有青山癖未除支離猶自傍山居山深花鳥不知  
姓天近雲霞欲滿廬鸚鵡那傳鴻鴈字菱荷空戀逐

臣裾彩絲好作班嬋舞目斷金鷄五色書

戲與李使君索真一酒李昔官南都釀此

不向長安問酒樓日傾清醕勝封侯幾將風味誇理  
席曾記槽聲在石頭色借蓮花僊掌露香分竹葉曲  
江流因君賸有相如渴可得當年太白浮

北海尊應隘五湖好分春色付當壚杯逢衣紹君仍  
醉飲到平原我可圖但使聖人時復中從教天子便  
來呼名園醒石今猶在惱教長安舊酒徒

剋從神武掛却還酒痕日日衣裳斑白墮釀中建茶  
水黃公壚畔終南山此間玉液本自足况有碧桃時

終太山人集 卷九 五

可攀不如與君乞五斗駐顏那得勝開顏

鄂縣馬明府拉遊漢陂空翠堂紀興二首

漢陂幽事隔西林地主風流拉共尋一逕曲盤千澗  
水空堂寒落萬峰陰人於勝蹟遊非倦道在滄洲興  
不禁雷雨任教來咫尺漫橫長笛引龍吟

天涯風物獨相親一咲江頭對白蘋為有波光清入  
酒况兼山色澹宜人地如澤畔應吟楚客是長沙解  
過秦此日逢君花滿縣桃花不說武陵春

王翰林敬夫亭子

碧山之人人已僊當年亭上草大玄蔡文三更子午

谷紫霞萬片逍遙篇菱葉荷花情不淺滄洲淺水清  
可憐十千新豐如我待乘興來釣槎頭鱸

贈李使君李昔以臺官論劾故相高公補屬觀  
察乞歸不復出

十載衣裳有薜蘿慣從清渭混魚叢埋輪曾在都亭  
地按節猶澄錦水波門擬登龍常欲杜人稱鳴鳳可  
能羅至今留得朱雲劍霜色依然是太阿

答贈張明府張常高卧不出

愛君常日卧烟霞天地閒身五色瓜啼鳥聲中驚歲  
月野雲流處話桑麻塔前書帶今生草河畔春風舊

終太山人集 卷九 〇六

種花見說靈根元自有不從勾漏問丹砂張今河南

暑日飲後見白髮

身世飄然類轉蓬驚心素髮憶兒童醉從赤日流天  
外吟遣青霜落鏡中合伴窮愁娛晚日豈緣衰颯恣  
春風翩翩猶道潘郎少秋興年來亦自雄

優遊寺飲趙守身書櫻聽寺僧隔江吹簫樓後  
有馬融石室右俯黑水潭為隋文帝投金龍處

乘興還登百尺樓九峯靈影入尊浮簫聲故逐江聲  
亂樹色遙蕪野色幽石室雲封千歲草金龍光動萬

山秋醉來夜半呼明月黑水潭邊欲枕流

送姚右史歸蜀

見說登樓賦幾裁青天道上馭應回亦知散吏能無  
隱不謂浮名解妬才前席虛聞宣室召拂衣遙望劍  
門開別君何限青山送大咲終南酒一杯

寄呈乾菴馬公四首公於 大婚後拜相

窈窕歌闌五鳳城相麻宣處上台明道尊白虎談經  
日名重青雲曳履聲自是持衡公望在更看垂玉  
主恩并平津閣上人多少曾記君王問長卿

秦中自古稱雄勝光輔聲華未寂寥蓮嶽東攀僊掌  
秀海關西帶濁河遙炳靈幸際風雲會正直應逢日

終太山人集 卷九 〇七

月照二百年來公入相好將勳業答熙朝

壁水春深桃李披幾從絳帳識風儀傳經寧謂如劉  
向好士還聞說項斯才合補天應柱石心懸捧日况  
逢時狂愚似我真何補慚負當年國士知

繡裳蒼玉自丹霄風采今看表百僚 帝謂山龍惟  
爾補人期霖雨幾時調鳳池魚藻歡應合鴈塞狼煙

燼盡消流落馬融門下士玉關猶得比班超  
夏日與友人相約早起遊終南五臺山

好奇相約聞鷄行行出東門天欲明青分洞口千峰  
曙爽度城頭並馬迎蠟屐只憐芳草色林鶯盡作故

園聲憑君指點終南勝錦繡山河滿目橫

宿山半竹林寺待月登臺得詩二首

龍宮窈窕白雲隈雲氣空濛接五臺清梵風驚天上  
樂高巖泉度夢中雷殿前寂寂曇花月堂畔深深竹  
葉杯見說上方昏黑到摩尼珠似日光來

錫飛千仞且支頤寶地三生似有期君子竹旁聊下  
塌丈人石上好留詩空山月向三更滿絕頂秋生萬  
壑悲載酒馮高還入社縱逢慧遠不攢眉

登臺後歸憇天池寺值池蓮初開與友人共飲

池上二首

終太山人集

卷九

八

天池初散玉蓮香該問山僧濁酒漿白社遊禪仍可  
醉碧筒逢客便為觴三天雲捧千葩淨萬岫晴推一

水光自嘆此生迷苦海欲因支度借慈航

登罷終南第一峰芙蓉池上綠醅濃紅衣落並天花  
亂翠蓋擎疑貝葉重絕壁松雲猶繞杖空堂蘿月自  
聞鍾最憐勝地諧心賞雙樹聽經好共逢

早登天池山頂望關中二鴈塔

岩峩靈鷲曙初浮風景蒼茫一望收池自諸天烟霧  
窟塔分雙鴈帝王州俄驚黛色橫千里便覺閒情領  
十洲最是白雲飛不住關河迢遞使人愁

天池頂觀無垠上人塔并衣

玉峯峰頭自曉鍾開山有衲化如龍錦綉六銖精靈  
聚芙蓉七級烟霞封一燈池上留孤月雙樹門前空  
老松我欲起師談解脫坐看夕陽山下春

登南五臺後次早復登東五臺蓋皆終南第一

峰也而東臺尤險絕稱勝焉為紀與二首  
千盤轉盡七峯回名勝應過南五臺不謂連朝孤興  
發幾驚絕頂萬山開三川影落秦天盡九塞雲將海  
色來便覺此生空浩劫何須槎上問蓬萊

嵐光空色相續紛白動天門曙欲分踞經碧澗失三  
終太山人集 卷九 〇九

伏人在理空低五雲青山此日吊藜杖白晝元氣生  
氤氳臥來忽作遊僊臺看遍洞中赤霞文

下五臺山至凉水泉寺小憇而歸

風御冷然下絕顛半山孤刹帶清泉茶烹陸羽堪消  
暑病起維摩欲話禪興盡還能歌白豎諾難寧謂上  
青天歸吟試聽疎鍾和回首空門月正圓

曲江志感

落葉蟬聲總為秋不禁清興曲江頭偶乘疎雨驅黃  
犢似對汀蒲帶白鷗地擁諸陵邊氣滿天空雙塔斷  
雲浮烟波已逐豪華去萬古秦川日自流



余於國賓張君素昧平生頃訪我蕭寺中惠新  
詩種種皆為余浪迹此中而賦者豪夫肝膽相  
向若此戴若之誼賦贈一律旦夕將搔首蓮花  
峰頭君其我從乎

公子翩翩思不群終南佳氣坐氤氳向人肝膽吳鈞  
在對客悲歌郢調分三輔風高叢桂樹五陵秋滿曲  
江濱相將携得驚人句同看蓮花頂上雲

將遊華嶽簡張君

西來龍氣動星辰望斗徒勞覓莫親關度紫雲應萬  
里曲飛白雪滿三秦風流海內如公子傾蓋天涯自

終太山人集

卷九

○十

故人太華峰頭蓮十丈拉君移作玉門春

寄趙守身申太白之約

青鞋憶昔不辭從踏遍終南幾萬峰玉女洞中簫是  
鳳老君臺畔氣如龍別來風雨遊常卧夢落烟霞意  
轉濃太白插天雲霧裏相將何日一扶筇

早過乾州唐武后墓畔

策馬馮高縱目初出山雲染逐臣裾千峰曙色分蒼  
霧萬井吹烟混碧虛秦地山河真帶礪則天陵墓已  
坵墟晚風殘月經行處梁甫吟成只自書

朱宗尉進甫兄弟雅好攻詩與書寄此為勗

幾時花萼吐芳芬朱邸翩翩思不群七步調裁湘郢  
曲八分書擅小山文崔魏嶽色中天出縹緲鯨音大  
海聞彼岸絕巔何日到已看風氣欲凌雲

用陳明府韻贈陳再入計

花發河陽又楚山共傳仙今在人間天邊飛鳥青雲  
迥堂上彈琴白晝閒三殿重看鳴珮入六年仍望賜  
金還行行長樂鍾聲近春色遙分玉笋班

用白髮韻答李使君

悠然天外一具鴻十載青霞繞夢中漫道玉顏消白  
雪幾縷霜鬢拂春風興來竹葉杯常滿老去桃源路

終太山人集

卷九

○十

可通華髮至今公道在商山曾卧紫芝翁

壽邢母詩邢以邑令被擢歸

紫簫吹徹彩雲飛瑤水光連發女輝僊今圖書潘岳  
賦主恩天地老萊衣南山佳氣當軒繞渭水脩鱗  
入饌肥此日北堂萱正茂萬年觴畔翠成圍

葛別駕有母孺人之計監司檄留清吾邑大田

賦詩一律代簡

旌麾半刺重專城老稚閭閻夾道迎山兩行春仍露  
冕海雲傳望幾沾纓均田便見蘇民瘼絕弊還聞起  
頌聲昌水恩波流不盡更聞人比使君清

奉和朱秉器二首

秦關紫氣憶氤氳，蜀道青天節使分。  
掌上僊人難握手，峽中神女願為雲。  
十年肝膽知相向，一見風流定不群。  
舊日塗山君是主，可能同勒大夫文。

秋老岷峨望使旌，幾從湖海識才名。  
青谿社自金陵重，白雪聲翻峽水鳴。  
竹馬逢迎遺愛在，驪珠投贈壯心驚。  
開尊何限巴江色，此日因君酒倍清。

別羅孝廉

江城傾蓋識清狂，任意氣翻然調更長。  
歌罷竹枝空下里，賦成雲雨滿高唐。  
蜀門秋盡啼猿急，涪渚霜清白鴈翔。  
後夜思君出巫峽，楚山巴月共蒼蒼。

終太山人集

卷九

〇十二

友人道余童時曾讀逢干事有感悵然賦此

扶病歸來未拂塵，事談少小重傷神。  
曾揮千古英雄淚，莫識三邊塞草春。  
料虎批龍逢聖主，隴雲關月度流人。  
亦知不是逢干侶，天怒仍留萬死身。

寄懷沈純父戍金沙二首

肝膽相携別未央，故人岐路各蒼茫。  
羊城曾見飛鳧翼，沈昔曾番禹逐客翻疑在夜郎。  
曹共秋雲雙白眼，戍同明月九回腸。  
河湟炎海樓遲地，誰謂天涯是故鄉。

鄉

衡陽那見鴈飛回，庾嶺梅花幾度開。  
謫後沈郎仍是瘦，調同楚客不勝哀。  
金沙潮落珠光動，銅柱風清海月來。  
君在瘴鄉偏逸興，新詩能為故人裁。

答寄孫山人兆孺

詩傳萬里慰離憂，遙憶孫郎雅好遊。  
人在洞庭還五嶽，調翻郢雪欲千秋。  
天山定處仍誰到，雲夢吞來可自由。  
知爾白頭心事共，日裁詞賦吊湘流。

寄懷白同年叔升

孤踪河隴可相求，一十年前把臂遊。  
擊筑幾邀燕市月，和歌頻醉洞庭秋。  
支離莫問天南北，意氣寧論風馬牛。  
回首章臺思折柳，笛中楊柳不勝愁。

終太山人集

卷九

〇十三

懷寄蔡伯華謫官淮甌

楚雲迢遞滯飛鴻，直道知君任轉蓬。  
坵落日猶蘭草握，飄零秋問桂花叢。  
義高黨與官無諍，詩為窮愁調轉工。  
幾載玉關天外夢，也應風雨海門同。

送吳國子守秦州

五馬翩翩出帝京，人傳季子又西行。  
嘶魚自有諸生頌，下鳳還馳漢吏名。  
烟月關河供塞見，風塵天地斷胡纓。  
秦中此去如相憶，隴樹邊雲盡日迎。

蔡夫下第歸楚

柳花如雪亂河梁一曲驪歌向故鄉  
楚壁可堪悲上國燕金猶自待中郎  
關河曙色催程急夢澤春陰引望長  
送爾為揮遊子淚  
薊門烟雨似瀟湘

贈曹少參致政歸楚其子今為中丞二首

塵世誰人肯息機  
獨憐天外一鴻飛  
遠關舊係蒼生望  
湖海今看白髮歸  
十丈嶽蓮生肺腑  
三湘清興有漁磯  
卸中况是藏真地  
蘿薜滿山堪製衣

先生歸去髮未華  
有郎中丞今過家  
春遊未地多芳草  
秋到楚巖生桂花  
急流宣靖退何勇  
買山向平興  
更餘他年試訪滄州侶  
七十峰頭歿紫

終太山人集

卷九

十四

送孫山人歸楚

把袂青門落日愁  
太行山色滿城樓  
孤村芳草三年夢  
雙劍關河萬里秋  
最是風塵能落翫  
且為天地一豪遊  
古來遷史多奇跡  
倘有浮湘事可求

題竹蘭亭二物謂出家傳故云

手澤家傳奕世難  
亭空天地一奇觀  
當軒香趁三冬暖  
倚檻風生六月寒  
可比秦樓宜酌酹  
合傳蔣徑似盤桓  
高人水慕多吟嘯  
盡日巡簷與未闌

和李太史伏日小集李蓋鄆人

蓬門星聚調還同  
天入驕陽坐晚風  
薦麥未能酬令

節琢冰無力集良工  
幾將日月沉朱李  
一嘆乾坤有碧筒  
惟是鄆人歌白雪  
頓驚寒色滿燕中

李別駕出補西江

把酒燕山壯客心  
青天高閣幾開襟  
鳴珂昨下蓬萊殿  
別駕遙從楚水潯  
萬里星辰瞻劍氣  
九江風雨聽龍吟  
由來君是神僊吏  
五老還期次第尋

送林宗伯考績還金陵

宗伯文章太史才  
南中紫氣渡江來  
思將禮樂酌明主  
敢謂勳名著省臺  
玉駮忽傳新劍履  
僊班驚睹舊蓬萊  
龍顏覲後鍾山去  
回首紅雲覆上台

終太山人集

卷九

十五

戰計部同年還金陵

春深草色滿長安  
紫殿陰陰集漢官  
萬里忽驚雙劍合  
六年今對一尊歡  
悲歌漫引馮生劍  
談笑期彈貢氏冠  
別後定懸梁月夢  
薊門風雨不勝寒

劉國子還金陵

襜帷南去競難攀  
楊柳春陰度漢關  
醉我幾邀燕市月  
贈君無限太行山  
白門清浪三江擁  
壁水雲光盡日閒  
為報及瓜秋色近  
九天珂散紫宸班

李封君八十封君  
鄆中產其子以左轄終養今

翰林編脩其孫也

富水僊人海鶴身年來雙髮已如銀風高渭水神猶  
三天入秦關氣自真滕繞薇花間日月堂開蓮炬下  
星辰卸中勝事堪傳頌千載陽春調更新

送雷育吾守吉安

秋曙珂聲散建章翩翩五馬借僊郎黃花暫喜尊罍  
共皂蓋俄驚驛路長作吏古來稱悃悃聖朝今日重  
循良吳天霽冕行春處試聽歌襦滿一方

舟中漫興

舟中偏反不得往閑坐只吟數首詩開窓笑入萬山  
翠走筆疑有三江隨渚化蕩漾帆色淨落月掩映湖  
終太山人集 卷九 十六

天宜晴篇檢罷問新月金波滾滾瀟湘酒

恒山江月

大江倒月動我船湖天一色秋更研樓臺萬點鏡中  
落魚龍獨抱山光眠深杯寂寂酬暮景逸興飄飄凌  
紫煙風塵忽已逾十載此夜江邊空自憐

次何公韻一首何蒙召用以懇疏終養

解組東歸彩袖明草堂風日不勝清辭劉父信徐生  
志懇疏應符令伯情海國音書徵世好漢京詞賦有  
高名嗟予同抱烟霞癖幾欲山陰棹雪行

登龍王堂二首

偶聽僊梵問天池古洞烟花盡日迷苔徑故舍靈雨  
潤石壇遙接白雲低閑來風物且杯酒是處秋光引  
杖藜他日更期凌絕頂野猿玄鶴咲相携  
火雲策馬松峰巔松陰隨人淨娟娟笑從碧澗失三  
伏坐對高僧空萬緣野蔬濁酒趁幽意殘棋半局驚  
晝眠興來復向翠微上醉眼十二樓中懸

南還別蜀中高子

漸把吳鉤別帝州逢君一笑大江頭殊方並轡人如  
玉他日相思月滿樓巫峽猶深滋豹霧湘江不盡化  
鯢濤還期結佩承明殿天外看雲五色浮

終太山人集

卷九

〇七

過黃梁夢謁純陽盧生

舉眼古今渾大夢停車又復問盧生一官落落慙何  
補長日悠悠祇自驚南北風塵雙玉劔乾坤蹤跡一  
浮萍黃芽綠雪他年事未信純陽是獨醒

舟中蚤起將訪石門僊子

雲深月白不知曙起視孤航淺水頭風引濤聲蕪櫓  
亂日迎江色帶天浮人生踪跡真飄梗塵世間關雉  
野鷗此去蓬萊應咫尺大江霜雪是豪遊

泊舟江陵

曉入江沉哀柝鳴漸看鄉月向人明喚愁河柳依依

綠催鷓汀花故故輕天畔碧雲橫暮色江邊鴻鴈杳  
寒聲傷心忽倚高樓望此夜離懷繞洞痾

別南陽曹子

路入燕雲望轉賒忽逢子建在天涯南陽肯許神龍  
卧北極應通犯斗槎造物忌才終玉汝文章絕俗始  
名家長安春色年年盛會情東風共看花

秋夜同友人飲開元寺

清夜金壘盡興傳忽驚銀燭轉華筵空城落木來風  
兩古寺疎鍾和管絃懷放欲邀樓外月官閣疑在洞  
中天亦知人世難逢醉流落風塵總是僊

終太山人集

卷九

〇十八

七夕樂城周明府招飲開元寺二首

為政風流周茂叔拉予山寺倒瓊觴人間勝會知逢  
幾天上佳期况未央乘興欲携明月舞高歌無得晚  
風涼暮來復有滄洲趣懶散從人喚楚狂

河漢古來傳織女開元此夕集周郎對杼心共燕雲

香把酒情連夜月長冀北天高稀鴈字楚南星聚近

台光神君况是鸞班侶玉笋還登第幾行

皇上奉 兩宮觀花擬應制二首

九天風日淨瑤臺為報姚黃爛熳開姪奴並臨三秀

殿鶯花相對萬年杯雕欄穠壓春疑住紫闥寧旋月

故催自是 聖王崇大孝景雲昨夜覆蓬萊

僊種晴開照禁闈物情此日見芳菲 帝於色養環

瑤夏花有天香染御衣鳳輦並瞻紅霧擁旂雙拂

彩雲飛 宸遊不盡承歡意官漏重分駕始歸

內閣省中芍藥一枝盛開有述

芍藥移來清切地一枝濃艷使人誇賸將春色留天  
上獨令芳叢冠物華原映玉堂深雨露並疑金掌捧  
雲霞上公不盡調元意時聽 君王喚草麻

塞上呈大司馬方公二首

萬里胡雲出塞寒射鵬無復到桑乾朔方將畧曾聞  
終太山人集 卷九 〇十九

郭西賊威名再見韓沙漠風塵雙玉劍關門天地一

泥丸壯猷方叔為謀遠策似和戎識者難

新恩官保稱殊錫 帝寵名臣節制勞開府地當三

鎮重將軍人是五陵豪黑山烽燧關雲靜紫塞弓間

漢月高早晚承明看虫履勳名銅柱映東曹

塞上呈少司馬吳公

司馬臺臨上谷雄依然執法為親戎自從節鎮豸推

轂遂使關山罷挽弓鵠印六年邊月朔龍沙萬里塞

烟空遙知天上麒麟畫 聖主先論第一功

送張參軍之鎮雄

握手青門對濁醪柳花如雪亂亭臯春風燕市吹徂  
騎秋色巴山照佩刀蠻語解通蓮幕客楚吟應壯錦  
江濤遠遊今羨張公子意氣翩翩萬里豪

送陶薄之武義陶負才流落詩并慰

聞說柴桑懶折腰偶逢燕市醉金貂懷中明月光仍  
動賦裏凌雲氣自飄道在乾坤無拓落宦無名勝不  
蕭條還思花縣彈箏處一曲秋風越水遙

寄贈舊寅吳宗高助教兼官東歸宗高負奇氣

一不可意遂介然拂衣此余以病不及祖送作

此補贈

終太山人集

卷九

〇二

春明風送未央鐘此去金山第幾峰歸秦可能餘首  
宿度江還欲采芙蓉飄零身世天難問骯髒襟期俗  
肯同清興故山吾不淺讓君猿鶴早相從

奉送張太參汝登蔡督學伯華

十年不見夢徒勞那得相逢詠楚騷豈謂炎天能命  
駕便同雪夜泛輕舸中郎獲為何人削平子詩來自  
興豪邊爾巴陵江上酒共呼明月楚天高

登岳陽樓有感

頻年夢想洞庭波烟景虛無載酒過萬里江聲當聽  
落九山晴色上樓多大夫沉處應須吊仙子吟邊好

和歌世事浮漚何足嘆滄洲天地自漁簑

秋日憲使仁軒馮公拉余同張汝登蔡伯華遊

洞庭君山紀興三首

波光野景混虛無乘興雲帆落畫圖幾載風神淮海  
月一尊秋色洞庭湖青山有幸來知己白社何妨又  
酒徒欲挾飛僊問三鳥此中元不說蓬壺蔡曾謫淮上  
主公期我湖山頭山與湖光日共浮乍聚三星疑是  
酒飛來萬木不勝秋叩舷漁父頻停棹吹笛僊人欲  
下樓宦海采真應爾識野心吾已狎汀鷗

終太山人集

卷九

〇三

瑟共向魚龍月下操竹淚清含山殿雨楚吟寒咽江  
門濤夢吞雲夢尚云狹風流不盡屬我曹

文熙亭先生文集卷之十

平江 艾 穆 和甫 著

馮陽 陳文燭 王叔

新塗 朱孟震 秉器

高邑 趙南星 夢白

臨海 王士性 恒叔 校

不肖孫日華輯

詩

七言律

考繁草堂以下竟陵十詠

終太山人集

卷十

〇

行誼青州迥不群齊名復有考繁君賑饑何謂來丹  
詔錫爵依然臥白雲倚檻清飛湘浦月捲簾秋滿漢  
江濱高人風格今猶在重向西居挹紫氛

六美草堂

鴻漸傳經擅逸才只今仲舉墨林開茶留品藻人安  
在榻下層軒客自來無論黃金并白玉何須暮省與  
朝臺倚欄不淺滄浪興吸盡西江問渡杯

玉沙草堂

玉沙古蹟繞江流首闢名園據上游灑灑泉聲疑帶  
雨蕭蕭竹影故含秋尊零沆瀣長虹落劍倚星辰紫

飄浮有客綢繆烟景裏何如僊侶步瀛洲

獨耕草堂

漢帝南巡御仗輕郊塿隱者事躬耕一犁不為宸遊  
輟片語翻令侍從驚老父幾人收野史桑田一變自  
江聲竟陵才子探奇跡表出芻蕘牖主情

蓮花草堂

碧山學士水雲居外史重來葺舊廬一代風流垂爛  
熳千秋詞藻照芙蓉自依白社心同淨每過芳筒興  
不虛為問若耶溪畔主采芳他日待藍輿

南紀草堂

終太山人集 卷十 〇二  
江漢飛濤瀉錦湍城隅撫景任盤桓雙溪秀色縈南  
紀一颺風烟屬大觀日廉陂塘魚鳥樂秋成阡陌稻  
梁寬主人已作合春吏清夢依然到澤蘭

建興草堂

郭外衡門靜不譁城陰繚繞太丘家松筠節槩寒仍  
並疏菊園亭澹亦嘉無事閉閨頗覓句有人載酒共  
看花何論大隱歸山未時憶東陵好種瓜

背郭草堂

誰道陳蕃屏跡深却將城市當山林烏輪西度留斜  
照雉堞東連散曉陰疑是蓬蒿無俗駕頻驚漁牧美

清音美人游息神還玉逸興翩翩自不禁

梅花館

別館梅花次第開家傳清白有誰猜隴頭風起歌仍  
和庾嶺春歸夢屢催雪壓寒香浮綺席月移疎影到  
金罍孫枝况是人如玉吟咏無慙水部才

雪坡草堂

歲杪東林社不遙平坡積雪未曾消乾坤不夜丹丘  
烟簷箇無香梵宇飄簡投兔園追絕調表披鶴筆識  
清標偶來幸觀瓊枝影臥榻表安入聖朝

舟發武寧

終太山人集 卷十 〇三  
長河一色浸青天客子臨流獨放船望移遙嶼烟花  
裏坐挹波光元氣連舉杯便美山河影橫笛恐觸蛟  
龍眠倏忽長風萬里破彭蠡匡廬在眼前

建昌江月

建昌江月動我船星辰凌亂波相旋樓臺幾處鏡中  
落魚龍無數水壺懸沙邊白鳥色忽眩水底明珠輝  
欲燃孤光漾漾動坤軸此夜寒江空自憐

壽上舍曾璣塘六十

花甲庚同君與我春初冬仲會佳辰解官我出人閒  
世高蹈君棲物外身堂構城頭閒日月釣絲江上老

綸年年水落華筵殿不盡稱觴舞綵頻

壽別駕余龍潭八十

為厥華筵會首春滿堂惟舞綵衣新名高佐罷刀曾  
佩隱似磻溪齒與均夜註蠅頭青玉案朝梳鶴髮白  
綸巾龍潭歲歲深如海不盡飛觴祝大椿

寄壽次峰立明府七十

曾向風塵試莫邪拂衣歸種邵平瓜桂林堂畔三遺  
纒桐栢山中盡是花濁酒江湖閒日月清吟天地起  
烟霞翩翩海鶴神猶王不羨僊人萼綠華

贈曾儒士冠帶歸

終太山人集 卷十 〇四  
冠裳輝奕出南宮此日青雲駘載逢天空鵬鷲飛俱  
遶道大龍蛇數不窮共訝塞翁非失馬誰云楚子是  
遷弓珍重少年須努力請纓還自屬絳童

壽吳心泉壽官六十

多才似爾應揮霍六十依然傲薜蘿奇中謾云星是  
海吳精五星高談爭訝語懸河梅迎淑氣花如笑雪舞  
東風調入歌歲歲開筵當此日春光常照玉顏酡

署中獨鶴悲鳴求侶數日以來常側目望煙霄

技之食不顧齋居忽聞沖天去矣頃之知飛入  
儀曹署中先是儀曹亦一獨鶴云乃今雌雄比



翼和鳴喜僊禽之有良遇也伏承紀鶴升見詩

新詩不愧荒陋奉和二律呈正

幾驚側目望煙霄疑是鶯飛萬里遙豈謂冲天一孤  
翼遂稱僊署兩高標分栖珠樹姿同索對舞華亭恨  
已消隨聽鳳凰池上去九臯清淚協蕭韶

素羽奇毛祇自憐飄然風韻出青田亦知神物終當  
合翻訝孤禽並是僊舞學來儀應似鳳聲隨曳履自  
聞天何論報主啣明月已引宗公白玉篇

情讀之飛動奉和二首

終太山人集

卷十

五

為裁別鶴轉多情千里芝田遂興生此日飛騰良不  
偶向來寥落有餘清天番北斗冲霄者月滿南宮驚  
露鳴知兆王喬鳧履入持衡應見泰階平

雖在鷄群猶野性秋江迢遞意常存霜姿雪貌應誰  
伍紫蓋丹丘合並駕求友自宜緝氏嶺依人不戀僊  
公軒慚余未得投箸去猿鶴盟寒憶故園

獨聲律之細也不愧謫陋奉和二章時宗伯與

穆將次第請告云

玉羽高翔盡省雲琅琅清響通相聞含情莫訴虞舜

苦得信何妨燕雀群豈謂新巢忘舊主將因僊馭出

塵氛北山夜鶴休云怨不待秋風已憶君

翩翩振翮獨遷喬求友心常寄沈寥肯向樊籠供耳  
目也知毛羽自雲霄飛猶比翼翔天踞鳴况同聲和  
玉蕭見說支公今尚在蓬山瀛海任逍遙

舟中晴望廬山不見二首

當年苦道匡廬勝擬到匡廬最上峰此日大江頻極  
目未緣長嘯一扶筇天池浩蕩無雲香石鏡朦朧帶  
日封莫是山靈嗔俗客故橫晴靄覆芙蓉天池石鏡  
俱廬山景

終太山人集

卷十

六

匡廬對面不相逢知在丹霄幾萬重接海烟花晴似  
雨入雲蒸氣浚還濃他年蓮社應須結此日陶磯迫  
莫從我亦謝公好奇客豪來雙鳥欲凌空蓮社陶磯  
亦廬山名蹟

寓五雲次丁江臯咏雪韻無寄

萬里俄驚瑤素積五雲渾入玉樓寒淩淩帶雨迷青  
嶂片片飛花點碧灘擬向疎梅搜好句更將新月闔  
奇觀遙憐高臥表安老網把驪珠掌上看

贈別友人二首

麟鳳東南入網羅忽沾 恩命下 靈波即星正位清

輝遠僊史臨關紫氣多  
劍閣聲名留俎豆  
珠江風化

起沉疴明年寄我并州句  
靈武臺前一鴈過

今年今夕屠蘇酒  
天遣吾宗杖屨同  
吳楚根源千載

後萍蓬懷抱一杯中  
梅含絳萼迎纖月  
竹吐青烟裊

緒風明歲此時還  
記否蜀雲秦樹各西東

壽上舍李王齋夫婦雙七十

如王風神自可親  
况借仇儂對佳辰  
生來並有南山

骨此日同傾北海尊  
柳暗關門迎紫氣  
雪飛瑤水慶

長春共瞻天岳祥雲繞  
歲歲開筵入興新

送王弘陽兵部得告還聊城

終太山人集 卷十 七  
伏枕長安謝貴游  
五陵風雨不勝秋  
幾揮白雪憐同

調一疏青山可自由  
司馬賦成寧久卧  
魯連書在尚

堪求欲裁歸興同  
王燦落日停雲萬里愁

主秋日風雨與友人小集二首  
西山涼雨朝來急  
俄逐商飈度北窓  
萬里客心驚一

葉十年清夢落三江  
揮毫共擬黃花句  
對酒能傾白

玉缸忽憶故園秋色  
裏蕙蔭雲水洞  
凝鱗

風雨眞眞亭榭集  
坐來爽氣動南窓  
占星此日能無

聚說劔千秋合有雙  
天地即看流大火  
魚龍應喜臥

空江與君共有潘郎興  
賦罷愁心鬱未降

遼東大捷集 秦馳志喜二首

年來渤海不揚波  
忽聽遼陽奏凱歌  
白羽飛傳三箭

捷亦囊馳獻獨峯  
馳將軍絕勝嫖姚  
勇良馬何論大

究多此日天聲應  
萬里合標銅柱白  
狼河

捷書忽自遼東至  
異種曹閭善鄴多  
薄伐不須擒可

汗壯猷還自頃  
燕頗飛龍馳入君  
王廐天馬詩成寢

庸歌從此九邊絕  
南牧近關諸將漫  
論和

長安晚望二首  
踈鍾遙度建章迴  
春色蒼茫北極開  
萬井晴光連暉

晚九天雲氣護蓬萊  
虛疑烟雨瀟湘近  
似有風塵海

終太山人集 卷十 八  
向來芳草喚然猶未歇  
郭生臺畔翠成堆

九關烽火五陵通  
三輔晴烟萬里空  
曙色乍分天仗

外花香輕度翠微  
中鷗鷺的的星華滿  
鳩鵲宜真瑞

藹濃歸賦欲裁還  
未得白雲遙望太行東

暮春初集射圃三首

詞林新社偶相依  
染翰春雲片片飛  
方朔滑稽寧混

俗步兵懶散自忘機  
天邊花鳥迎人媚  
賦裏江山引

興微吐角含商今日事  
朱絃無惜為予揮

射圃初晴晝敞扉  
燕天春散物華暉  
已看柳色深隨

酒剝有花香細撲  
衣白日放歌天籟和  
紅塵馳逐宦

情微與君同是高陽侶能向騷壇不醉歸  
春色歲蕤滿 帝畿燕歌慷慨溥相依一尊芳草兩  
初霽萬樹晴烟翠欲圍結客丹鷄應共好含毫白雪  
為誰飛平生不盡憐芳興直欲揮戈挽落暉

郊外即事

三月出城春欲留行穿萬柳翠煙流輕車快馬信所  
適芳草啼鶯相對幽天地一官從落魄風塵雙鬢總  
含愁年來自笑清狂甚日向長安問酒樓

中元月食志感

萬宇沉沉暝色浮無情復上庾公樓江門不倒銀河

終太山人集

卷十

九

影蟾窟應深玉兔愁共喜世人逢令節豈云造物妬  
清秋九霄誰是回天手看取晶光散九州

贈邑侯朱景亭二首

共道神君不下堂江城花滿似河陽喜看桑麥逢霖  
雨更聽閭閻頌發棠署裡雲開天岳出簾前月湧碧  
潭光政成行樂飛觴處三日猶聞綺席香  
茂宰声名今藉甚風流為政楚山隅幾談經術趨  
披况有民謠比袴襦百里孤城難展驥五雲雙鳥望  
飛見觀風定列循良疏應道蒼生喘已蘇

終太山人集

卷十

十

燕市放歌行贈陳洞衡

有客來自瀟湘浦風神飄灑神僊伍黃塵萬里薊門  
道裹糧北走如步武腰間吳鉤日長吼紫氣欲向明  
光吐解鞍乍際東風融夜來常伴生花夢曉起飛毫  
思不停新篇一一翔鸞鳳黃河失色太行低白日青

天斗牛動豈期調高乏識真翻然五色能迷人驂騑  
過目不一瞬駑駘索價還千金茫茫世事類如戲邀  
朋呼酒且滿斟英雄肯作兒女態天地一笑歸豪吟  
我生坎軻人不厭客實雙眼炯如電拉之共屬傷春  
文風雨落花飛片片逸思倒懸白玉河孤光直射紅  
雲殿紅雲殿前日正高金龍黃霧動青袍得時爭誇  
好身手矢志可謂非賢髦嗟嗟古來達者多窮愁與  
客放歌百尺樓天生神物定終合豈有明珠長暗投  
客且卑棲理毛羽遇風飛向蓬萊去

七言絕句

終太山人集

卷十

〇十一

遇僊宮詩六首相傳元時王重陽真人得道處  
葫蘆灣畔繞甘河曾說僊人向此過倘有葫蘆餘瀝  
在西江吸盡未云多

霞裳月帔欲翩翩人世俄驚有八僊誰謂年來丹竈  
冷彩雲猶自繞宮前

僊靈何處覓奇踪五色雲中跨赤龍試看葫蘆河似  
帶玉華金液日溶溶

遇僊橋北遇僊宮數百年來紫氣重見說神僊真可  
接玉清壇上坐高春

憶昔瓊漿度七貞桃花流水不勝春直源好向重陽

聞恐道即君隔兩塵  
已傍青山學駐顏更聞僊路在人間白鴉金虎無消  
息心定應知是大還

秦中寄故園十首

三陽江上酒同酣別後秦山幾引驂此日聖恩深謹  
逐已從飄泊得終南  
不信人間行跡難天涯隨處可為歡花風梅雨湘南  
景好向流沙瀚海看  
少小曾懷鐵石心年來霜雪塞門陰親朋問我湟中  
事一曲胡笳祇自吟

終太山人集

卷十

〇十二

此日邊關憶故人故園花鳥正相親玉門也有春老  
度塞草青青向逐臣  
鄉國經年驛使稀傷心聊自托金微邊城不道梅花  
有羌笛聲中片片飛

形容憔悴性情真魑魅天邊亦解親遙憶故山猿鶴  
侶可能飛夢到三秦

湟水逢人返夕暉便從飄蕩問魚磯西來留滯八千  
里聞說瀟湘也當歸

前山晴影亂清溪野色蒼茫咫尺迷忽憶故園湘浦  
上萬行烟樹楚天西

雪雪中卽十九年河湟猶道勝居延猶憐堂北萱花

暮明月將愁萬里懸

黃沙積裏一孤臣七尺餘報主身肯信林頭風雨

在飄零猶自傲胡塵

與友人遊呂公洞坐飲一天門聽羽人吹簫

上

秋到天門四望開風飄歌管自天來與君藉草分雲

坐一嘆河山落酒杯

與友人飲說經臺下至夜半乘興復登臺上三

首

終太山人集

卷十

三

天園萬嶺晚雲低雨夜沉沉紫氣迷明月管絃人共

醉不知星象碧天西

盡日尋真興轉催丹崖翠壁照金壘忍教夜半虛四

月重上談經百尺室

寄丘純峰明府卜宅城中四首

道人無住百不憂平生一壑還一丘若戀雲山遠城

市碧潭明月為誰秋邑有碧潭秋月景

世緣銷盡欲何如城市山林更結廬應是烟霞常自

有僊人隨處可樓居

潭灣雲水自悠悠八愛昌江學字流喚取青山來佐

酒總看天地是虛舟

豈必連雲好閉關由來大隱不歸山玉壺一片冰心

在縱不丹砂也駐顏

寄李使君張明府比部三君子五首

昔年浪跡祖安宮為愛名山入此中自是天涯真骨

肉焚雲秦樹又西東

芙蓉花發與君逢日把芳筒當酒鍾一自河橋飛細

雨鴻書過通楚雲重

兩年風雨憶丹丘離思雙江萬里秋惟有終南山畔

月別來常滿故人樓

終太山人集

卷十

四

玄亭淡塵對芙蓉別後經年鶴夢重遙憶青蓮李居

士新詩盈百酒千鍾

買山欲覓向平踪知在終南第幾峰為問蓬蒿張仲

蔚清吟頻和萬山鍾

劉中丞萬竹園四首

當年竹帛合書勳青髮歸來卧白雲獨喜此君常日

對不教人喚霍將軍劉鎮雲中為霍去病立功地

萬玉為林盡日清琅玕枝似鳳凰鳴更兼風雨江城

暮縱卧文園夢不成

暮府曾聞竹箭收拂衣歸種故山頭中丞不淺玉猷

與為愛瀟湘六月秋

嶺谷清標傍檻高蔣生三逕與偏豪辟疆園左風流  
在何必門深仲蔚高

李元陽明府文園瑞竹貞嘉祥美事也走筆五  
絕句為諸善鳴者引王云

幕阜名山鎮一方發祥毓秀自非常主人家傍名山  
住瑞氣氤氳到辟疆

手種琅玕已有年寒聲黛色近窓前為問茂陵秋雨  
裏高風勁節幾枝妍

文苑吞精思不群新篁特為吐奇芬凌雲事業還他  
終太山人集 卷十 〇十五

日消息先看報此云

清陰半畝落山頭挽接瀟湘五月初他年振藻雲臺  
上時憶烟稍自一丘

同本分枝何本奇淇園萬玉總無如賴有山靈阿護  
在明堂應待奏墳簞

午日向朱進甫宗侯索酒貽我家醞口占二絕  
以謝

節序天涯數舉觴人生無處不家鄉幾年滿丈天涯  
客又向君侯索酒嘗

酒泉郡裏吾曾到萬斛離愁幾盡消此日風流逢若

下長安春色為誰騎

玉州酒四首

百甕瓊漿鎮日開玉州風味勝蓬萊主人何限高陽  
興一咲乾坤落酒杯

太白浮來思正清此禪中聖並通靈虛舟天地惟君  
識醉倚東風咲獨醒

羨爾鯨吞日百迴興來何怕玉山頽封侯勲業渾明  
事可當燕中濁酒杯

九天風雨引飛觴坐映酩酊琥珀光何論十日平原  
飲直把幽州作醉鄉

終太山人集 卷十 〇十六  
穆鍊師不出山觀者五年為贈詩二絕

五年深鎖白雲窩因看芝田長綠莎夜半談經玄鶴  
下玉清壇上月還多

丹竈烟霞盡日封人聞靈籟和跣鐘步虛人在華陽  
洞欲上青天跨白龍

遊君山四絕句  
八百烟波與不禁天風吹向翠微深茲山縱被秦皇

赭樹色江聲自古今  
青山一片帶雲孤冷葉蕭蕭秋可呼十二螺仍烟雨

足月明吞吐自重湖

孤根直插湖中央，湖面風波任簸揚。萬古此君如一

日水光常見共山光。

酒香亭畔喜相親，載酒尋幽合有人。豈必歲星風味在，與高何限洞庭春。

暑中睡起偶成

人有羲皇以上無，白雲高卧一潛夫。教聲啼鳥驚殘夢，起向窓前視轆轤。

早起與友出郊望西山雲氣

白雲捧出翠芙蓉，絕勝衡南七十峰。他日與君凌絕頂，青天萬仞掛雙龍。

終太山人集

卷十

〇七

次陳天謀風雨詩四絕

暮雨瀟瀟拂檻斜，杜懷飄泊復天涯。鄉思不覺春將晚，愁殺家園桃李花。

明妃圖畫事成虛，漫道潘郎菓滿車。寂寞獨憐楊執戟，閉門長草太玄書。

迢遞鄉園入夢魂，惱人風雨况黃昏。天南鴈字歸猶晚，白髮何緣慰倚門。

傷春日日戀春陰，遙憶家園草色深。薊北白雲飛不住，令人愁絕望鄉心。

五言律詩

舟中讀書

空江沉片月，絕閣上初曛。飛棹衝烟去，孤城逐水分。劍亭堪寂寞，關氣欲氤氳。我有吳鉤佩，絳常獻聖君。之伯兄宦邸早發新淦念母不至二首

漠漠孤舟發天涯，曙欲通霜安番月。白日信報霞紅，江海思親日乾坤。淚眼中遙知五雲裏，此意更無窮。五雲萬安別名。

游子興不極微茫曙色間，迎數兄心苦途遙母意啣。落月欲亂樹孤雲尚宿岩，此時空悵望淚灑萬行楫。九月十日與潘伯黎推敬比部蔡伯華山人趙

終太山人集

卷十

〇八

惟和集沈純父宅賞菊得園字先是純父有九日登高之約偶以他妨

不惜重陽過翻憐孤興存，花猶向客媚香更襲尊。溫風雨龍山帽，乾坤傲吏園登高。賦虛擬還共大夫論，九日難再得千秋。合細論鳳漸稀，龍識李膺門不淺。東籬興重開北海，尊看花詞客侶曾是臥文園。

又即席酬沈純父

雅會仍佳節，天涯亦故鄉。但能逢一笑，不必問重陽。爛熳花堪把，婆娑興未央。沈郎今夜酒，相對話秋堂。

轆轤

輓轡當午日 隨手有煙波  
轆轤轉泉流 上聲喧霹靂  
過力能通地脉 不必挽天河  
砥柱功還大 春回廣陌多

賦得青青河畔草

東風搖百草 河畔更芊芊  
為借汀花潤 欲分堤柳妍  
江湖春色滿 烟雨物華偏  
裊裊迎朝日 萋萋美晚天  
似同賞芙蓉 應與蕙蔭連  
芳意溪雲裏 幽姿渚月邊  
淨宜飛鷺立 暖趁浴鳧眠  
近浦青袍亂 親人白髮娟  
王孫空有恨 游子轉堪憐  
一入池塘亭 新詩賴汝傳

終太山人集

卷十

〇十九

附諸公贈詩

寄懷艾和甫西戍

嘉興沈思孝御右都

荷戈南北已經年 長憶西曹共被眠  
鴻雁那從秦嶺至 梅花似向隴頭妍  
艱危更覺同心賞 慷慨寧要異日傳  
親老似君情轉切 可容歸泛孝廉船

又集唐句

洛城一別數千里 洞庭相逢十二秋  
念我能書數字 至似君須向古人求  
衰顏動覓藜牀坐 遠害朝看麋鹿遊  
渭水秦山得見否 春風回首仲宣樓

寄懷艾和甫年丈

時自蜀泉選光祿

汜陽陳文燭大丞

終太山人集

卷十

〇二十

憐君抗疏歷諸艱 蜀道方臨特賜環  
百折不回三峽水 萬峰孤秀大峨山  
幾年去國餘忠膽 此日還朝識聖顏  
多少雲霄鶴鷺侶 蓬萊應待列僊班

送艾和甫年兄擢同鄉

送送去長干 落葉亂如雨 憶昔嬰龍鱗 綱常振千古  
與子結綢繆 懽娛同肺腑 偶來官金陵 意氣時相吐  
廟堂念遺忠 丹詔至江滸 離子在須臾 旌旄去栩栩  
執手野踟躕 解携心獨苦 天子坐明堂 揖讓同三五  
廷議又紛紛 籌策在驅虜 我聞有道時 兩階舞干羽  
各在天一隅 勲茶皆可覩 知爾平生心 努力報明主



贈文和甫光祿

新塗朱孟震

抗疏聲名白日懸秦城一扎思翩然烟霄幾渴金莖  
露蹤跡空尋玉井蓮錦水芙蓉秋正好雲安麴未夜  
堪憐可須交誼論傾蓋意氣相投十載前

網常義重一身輕九死投荒豈為名折檻時情多白  
眼賜環天意屬蒼生力扶日月從教正夢入雷震了  
不驚聞道群賢滿朝著狂夫只待領河清

壬午秋抵澗河有懷文純卿

新昌蔡文範

蚤孤秋桂伏菴管魚雨波搖下瀨旌兩地素韃俱不  
惡一封諫草舊齊名蒲萄細酌狂翻甘苦意效頻殮體  
終太山人集 卷十 三

似輕萬里生還應有日論兵南北足長城

相逢未審定何時况復天涯夢亦迷  
外更無一字到關西鏡歌幾曲憑誰和柳酒何人數  
共携須信天恩終浩蕩好者丹詔下金鷄

寄熙翁老師二首

高邑趙南星

春風花鳥隔涼州有客西悲涕正流  
土屈平湘浦自鄉樓百羊羸夢依黃鶴孤劍風煙怨  
白鷗不為故人憐失路出門天地總堪愁

懸瓠城頭坐日斜目隨鴻雁極天涯  
不連風捲沙如霧瀚海春深雪作花  
擊筑可憐燕市月鑿空虛擬漢

臣桂已拚萬死投荒塞豈望金鷄苦憶家

寄文和甫謫戍西寧

永豐張 銓

荆南偶接故人書為悉關門自起居萬里獨看管  
月孤身誰念金中魚辭劉徐恕心元苦折檻朱雲願  
不虛秦地日聽邊塞曲楚歌相和調何如

送文和甫西戍

巴陵方啓泰

送子上西域悠悠傷我心道窮身倍阻河源廣再深  
首陽何魏魏九阪亦所臨綱常有萬世直道無古今  
感時更變易候晴乃復陰願寶千金軀遊目看浮沉  
蘭艾熙亭老年丈 武陵龍德子員外

終太山人集

卷十

三

憐君抗疏戍關西萬里黃塵落日低  
賈自緣聖世有夷齊倚門目極三秋鳳戀闕心驚五  
夜鷄早晚賜環明主意謾須芳草惹妻妾

送文熙亭先生赴謫所

山人

壯懷激烈出風塵杖下彈文泣鬼神共說批龍拚一  
死獨憐躍馬向三秦楚雲夢斷黃河渡關月心懸白  
髮親邂逅都門看逐客不禁清淚灑孤臣

王作霖

見說陳情事已非俄聞請劍動京畿  
竹玉陛何妨血染衣鐵石腸存三代直飄零身逐一

鴻飛獨憐萬里黃雲茂夢裏斑駁未是歸

平江丘萬瓊

羨爾踰躑遊帝都手攀閭闔探龍珠大明何可無公

等萬死方知是丈夫一疏網常天共朽百年榮耀草

同枯從軍自古皆云樂莫向西風泣遠途

臨湘洪一夢

嗟君危論忤重闈奉謹彷徨出國門極目故園慈侍

老全身荒服聖明恩風霜萬里侵容髮花鳥三春對

淚痕千載屈平仍在楚慚余無計賦招魂

夜堂酌酒餞君行春色離離伴去程風細上林鶯羽

終太山人集

卷十

〇二十三

律雪殘長路馬蹄輕西過秦嶺孤身遠南望湘雲百

感生待到湟中思漢事須圖方畧獻承明

平江李本意

萬里寧親返故鄉征車又復入西羌計程關外煙花

暮極目湟中道路長夢繞慈闈睇筆蕉心懸魏闕阻

河梁相逢滂論升沉事且拂干將共舉觴

平江李本恕

櫻船曉發喚新鶯帆影南薰五兩輕玉壘祠堂先主

廟繡林烟樹呂蒙營立朝封事批鱗上入蜀圖書載

鶴行此去觀風偏逸興揮毫題遍錦官城

寄文和甫光祿

萬安朱維京

嵩雲汝水會臨岐憶昔南禪問字時月照三梁徒有

夢天連洞野重相思誰云邊徼還家穩尚訝風塵請

紉逐千里懸情真不淺大江西去古陽湄

黃自秋風南鴈回誰傳尺鯉洞庭來緘書錦字三湘

色散帙青雲二華開志汝舊童金作篆過秦新論王

為裁上林欲借誇胡賦天子臨軒問楚才時和甫修汝州志

簡熙亭丈南禪寺

蕭寺今為主形埒昔共攀秋聲客况冷月色塞魂還

天地猶容傲風塵且駐顏向來多履句秀色滿華山

終太山人集

卷十

〇二十四

送熙亭先生之留都

曹分南北總稱鄉三月鶯花出禁城春草不堪鴻鴈

別朝陽曾聽鳳凰鳴空臺禮樂如宗伯原廟衣冠肅

配京百二江山收筆底風流重睹李長庚

送文熙翁西戍

陳昌言

隴頭流水夾秋烟君去惟看落日懸河裏風烟鴻鴈

渡磧中征戰白雲連關山月照江陵馬塢鵲樓高嶺

北天抗疏一時俱側目于今絳灌好誰憐

奉贈熙翁老先生

關中張學道

一曲清歌寄渺茫白雲深處臥吟床門無車迹松花

靜閑看爭巢鴉鵲忙

曾將赤手扶元化更把青山入笑談自信閑中俱是

樂何憂崎路碍駢駢

玉堂僊子耽玄脩青驄喜為終南留避俗猶恐塵寰

近尋向蓬萊幽更幽

到處人皆望斗山一封正氣動朝班九重已備前席

待指日徵書下釣灣

喜文純卿至

渭臺漁父

何日離青海春深過斗城會須談間濶聞即慰交情

雨雪留關塞風塵滯客程投荒君最苦知有二毛生

終太山人集

卷十

〇二五

贈熙翁艾老公祖內轉光祿

巴渝羅太易

早聞抗疏九重知未許逢于地下隨懷瑾幾年吟澤

畔賜環一旦及瓜期到來共羨僊郎草此去應傳光

祿詩風采漢廷今愈重不妨屈軼長堯時

幾年湖海識荆難此日巴渝露冕者正喜文翁能化

俗又教汲黯在朝端真人尚帶巫關紫大國時須楚

澤蘭行矣霜風清萬里可知千載一彈冠

承途中惠新詩寄此奉答

江介寒催一鴈回巫山峽裏尺書來抱然雅調千秋

合漫道風流異代才劔氣衝星分楚望詩情隨兩度

陽臺何當再結燕京客擊筑狂歌數酒杯

鶴來之次日始知鴻臚署中亦一孤禽

清卿艾公貽書見惠賦此以謝 瓊臺正弘誨

僊禽失侶兩相逢求友因忘舊主翁我似延津權合

劍君應楚地悵遺弓昂藏影伴空庭月嘹唳聲舍別

院風好擬乘軒勤愛護懷人聊與屋烏同

艾公得子詩枉答二章有風人之致子因托為鳥

言再賡四章前二章和韻

為憐別操黠難銷側目含情轉寂寥似有鳩媒來楚

澤忽隨鳧履下玉喬雷門別後應懷鼓緌嶺過時尚

終太山人集

卷十

〇二六

聽簫總為崔詩添秀句空樓回首白雲遙

鳴臯當日已聞天鄉寺容臺取次翻嘶得明珠何處

報夢回亦壁總堪憐支公肯阻凌雲志叔子無忘對

客詮終擬冲霄同一舉遷喬消息為君傳

薰風別院擁笙歌矯首飛騰意若何髦披豈逐王恭

至琴鼓應隨趙抃過夫去可能尋李遠放來終自憶

東坡帝城珠樹紛相似何處含香認舊窩

丹丘雅抱自昂昂岑寂何能去帝鄉戀主有心同燕

壘依人無計謝鴛梁也知得失非關楚還美鴛飛似

解商海闊天空隨處足人間何必定行藏

寒夜飲鴻臚文和甫署中話舊悵然賦此

常熟趙用賢伯少

高館風威挾雪寒夜深相對酒容寬十年得爾逢傾  
倒四海何人有肺肝闕下生還身是夢關西戌老淚  
堪彈梅花幾樹南枝好也幸清閒寄此官

省中既有來鶴之異越明日鴻臚文和甫貽詩

以鶴見贈始知出鴻臚署中物也倚韻奉報二  
章自媿燕陋聊識感懷

初疑白鶴墜丹霄謂是西飛幾歲遙華省月明悲舊  
侶容臺天堦合孤標清音淒斷吳都杳素羽翻來蜀

終太山人集

卷十

二十七

雪消共儻翱翔在寥廓敢將歌鳳托虞韶

華表歸來事可憐遠心終只寄芝田三山下隔凌霄  
夢萬里終看化羽僊未必瑤林堪頡頏偶同珠樹集  
彌躓樊籠自喜依支道總愧難酬別鶴篇

草詩五首代別

十二峯買月道人來知德嶠人

艾老公祖門下請教繡綵之情見乎其辭

皎皎金精對玉壺一琴一鶴入城都風霜滿鉞炎塵

避膏雨隨車稿木蘇偶見甘棠思召伯愧看空谷掛

真儒聞君欲下瀟湘去連夜詩成興未徂公撫蜀以

聖世真儒旌其堂

三巴駐蹕不多時一劍雌雄鉄石知未踞完名何太

勇平生直道本無私綠楊垂處因征客細雨催來為  
別詩且把朱絃彈半調天涯誰地是鍾期

當年意氣振京闈此日諸恙畏德威帳外尚懸貔虎

節夢中已製芰荷衣先憂後樂心俱賞白雪陽春調  
轉稀送別未能牽別袂蕭蕭風雨滿漁磯

盤根錯節已經秋苦蘗寒水為國憂風采正堪持玉

節姓名宜只覆金甌峨眉山外雲千里鸚鵡洲前月  
一鈞莫道湖庭音信少武昌魚也到夔州

終太山人集

卷十

二十六

此別應知春復春題詩離思欲傷神百年道義誰知

已今日關河送故人黃閣臯夔身未老蒼生舟楫望  
愈頻東山高卧難言穩且莫流連古釣綸

送艾熙翁先生五十韻

臨川湯顯祖主事

世闕高臨汝衣冠起岳州精靈華蓋晚氣脉洞扉秋

江漢稱才子瀟湘托好速儒林蒼玉滿即署白雲悠

是日江陵相長星寓縣愁禮嫌金革變權誤墨線雷

奮筆含香勇衝冠執法羞燕臣隨伏闕楚客竟為囚

御旌驚竟落丹墀賤血流動傳天詔獄分作鬼枝幽

遠窟逢魑魅銷寬失爽鳩秦城將急杵漢堂欲窮鈞

淚濕滌支盡身并鬼休扶顏銷枸杞作語向羣生

洗雪人難待迷陽運忽周機權還太乙氣色隕蚩尤

詔旨須人望恩波得自由玉關歸鳥道青海發龍湫

解作雲雷奮還同相漢浮法星低照蜀明月遠通涪

復有東門恨難分北闕憂猿鳴初黯淡鶴怨且夷猶

龍影周山郭巴雲護岳樓天在山難畜王明井必收

千尋原自直百鍊肯隨柔光祿微能入陪臺出壯遊

蒼梧蟠帝寢芳樹繞朝溝典客高情映祠即清燕酬

看松朝鮮合援桂晚枝樛世法能青眼公才尚黑頭

乞歸丹疏入玄佩兩書投嚴望宜專坐銓銓且七騶

終太山人集 卷十 二十九

離心春蘭菊別韻起梧楸冠蓋鴻臚道干旌白鷺洲

月卿爭祖席雲從識僊丹岸草搖清篔江花點散裘

行藏多古色出入仰前脩看欲蒐戎乘行將詠德輶

鳳池鳴鏑滿雲翔羽書稠汧渭秦非子河源漢外侯

羗胡形欲詭將相語猶偷馬轂經年城燕金幾處求

和戎虛漢物贈策豈吾謀太白高難定燔煌卒未抽

英雄懷玉劍形勢惜金甌自可趨朝列無煩問故丘

駿圖周罔得戎議傳感優並事今吳趙長流舊沈鄒

群公心赤苦高爵歲華道今日參帷幙看君第一籌

奉贈文熙亭老先生赴召入都

同安蔡守愚

衆卉競春風孤松難為悅崑崗烈燄燔貞珉光逾徹

賦性各有恒所遭成變激驟昔朝故多妖星長犯闕

虎豹踞九關狡兔營三窟中有孤貞士排雲叫閭闔

皇綱肯不頽何能愛膚髮萬死乞一身去國輕如蟻

但留勁舌存已知奸鬼奪白日轉昊蒼回光照幽迷

賜環恩正深連茹弗斯拔俎豆借輝光騏驎看伏櫪

况當天驕橫國仇未可雪壯志怒衝冠陳力就其列

直湍鮮回波方車無枉轍王駟會清夷丹懷永堪結

浩浩脩途間慷慨從茲別

終太山人集 卷十 三十

寄文和甫西戌湟中 華容孫斯億山人

戎衣何日出皇京憔悴形容滄去程萬死忍揮遷客

淚兩年無奈故人情鄉愁寂寞還應遠世事浮沉太

不平祇為壞麻憂聖代非關投筆到邊城朱雲未許

旌遺直汲黯空憐過大行佳句別離誰復和殘寇粟

落日須驚嚴霜倍慘天涯色漲水長鳴雪後聲莫向

汨羅問雙鯉逆鱗難托尺書輕

又絕句八首

伊吾龜盡雪紛紛芴嶺蘭州一望分日暮轅門人不

見胡笳淒斷戍樓雲

輪函寒氣到軍牙  
充國屯田事已賒  
半濕河湟天萬

里流沙誰謂勝長沙

氏羞今日已來王  
莫道孤臣在夜即  
獨苦倚門人漸

老禁雲東望淚千行

形容澤畔久蕭條  
羌笛聲中聽楚騷  
欲報主恩何事

者驛子在背劍橫腰

萬里誰歌遠別離  
從軍休論竄三危  
當時借得朱雲

劍此日猶堪斬郅支

河西西望是崑山  
弱水西流信莫還  
不是漢皇開五

郡郡能生入玉門關

終太山人集

卷十

三

鐵馬翩翩度七盤  
沙場月色照人寒  
相思夢斷殘機

錦昔葉空階白霧團

萬先誰教成吐番  
南方長憶未招魂  
澧蘭沅芷俱飄

渺獨有鴻書到玉門

寄贈文熙亭自西戍赴召二首

鳳嘶僊詔下瑤京  
萬里流沙擁漢旌  
出塞每懸慈國

淚到家先慰倚閭情  
江潭不必尋漁父  
宣室重看白

賈生燕趙春迴新  
氣象好將名德答昇平

河湟迢遞隔滄溟  
豈有春風到玉關  
明主賜環須

報孤臣投筆喜生還  
猶存折檻依僊仗  
又共鳴

聖顏此去已諧魚水樂  
忠良獻養總如山

劍門行送文熙亭使君

聖皇御極十載餘  
萬幾親總生民初  
讜論正人每舒

用辭君或服仍官  
居憶昔妖星亘天  
北怙寵何人甘

誤國遺虧忠孝曾  
不知力任綱常竟  
誰識手排閭閻

欲回天泰華指敵  
終盲然報服總麻  
豈功顯風霜

檻天心憐短衣為  
有三危竄萬里河  
湟悲渺漫倚問

人在信哀思出塞  
師行增浩嘆五載  
羈囚歲月多反

復妙理焉奈何魏  
闕星河且鳴珮玉  
關日月辭揮衣

重書昨下承明殿  
綵服銀青照西甸  
畫熊問俗地非

終太山人集

卷十

三

遙擁笏宣威人若  
羨悵望休歌蜀道  
難勳名觀察

君者渝州夔府咽  
喉域鎖鑰正顏安  
如盤昔時臣道

弦同直此日君恩  
海併寬君恩臣道  
西堪慨劍閣

峨屨東岱五丁楊  
厥險路通八陣孔  
明壯圖在開誠

布公君所為要令  
第窄無流移廩君  
稽顙負實入文

翁禮教還師資功  
高劍門自君事西  
戍詐忘舊忠義

錦城絃管樂先憂  
莫使江山空百二

又送文使君觀察  
已蜀八首

四月多風雨驚波  
錦纜開我從湘浦  
別君自夜即回

北關憐孤直西戎  
倚大才靈均憂國  
淚逐莫灑關

其二

夔州江水濱巫峽更嶮峻戰守稱雄鎮安危寄直臣  
也知心似鐵休道髮生塵杜老曾遊地詞源况可親

其三

西戎封疆檢西征道若長河湟似江漢笳亦氏羌  
問俗今須重校荒昔可傷盡態披拂處猶是舊風霜

其四

大雅時偏重孤臣世所憐隱功存社稷嘉惠及蠻番  
鎖鑰西門肅旂常北闕廟中興論佐命端畫夏侯賢

其五

除目下神京迢遙萬里行尚方曾借劍邊檄忽揚旌  
已息藍關馬還逐谷口鶩已蠻瞻攬轡佇想慰澄沅

終太山人集 卷下 〇三三

其六

長夏草青青懷人足杳真渚繁諸葛廟江樹子雲亭  
彩鷁飛三峽黃牛馱五丁勝遊應載酒猶憶舊時醒

其七

地遠皇輿社時清國是公淮陽須汲黯蜀疑仰文翁  
蔡閣雖難近車書况喜同七擒盡南紀休羨漢時公

其八

哥節重如山孤枕回聖顏玉門生且入劔閣老仍攀

遂扣楊雄守休聽杜宇還况看榮鶴髮重與戲斑

新春賦得汨羅水寄艾純卿

平江城邊汨羅水故鄉暫釣鱸魚美舊時放逐汨羅  
僊澤畔行吟吟亦已汨羅水清堪煮茶汨羅水潤堪  
種瓜且同陸羽著經好且效邵平懷跡賒春來蘭香  
動江漪春盡楊花竟誰去楊花飛去應媚誰蘭香池  
來曾不語九畹馥郁君自奇紛紛桃李從披離細讀  
離騷結蘭佩汨羅之水真連漪

寄艾熙亭卜居

芋堂環堵布袍新猶是江潭舊逐逐臣兩雪去年頻  
終太山人集 卷下 〇三四

終太山人集 卷下 〇三三

卷下 〇三四

〇三四

夜烟波今日可憐春洞庭水落空懷灰天岳雲來不  
見人早晚王猷言向興到後迴詩酒共凌巡

艾純卿歸自蜀中逢于荆州賦絕句二首

孫斯億

秦關蜀道踞皆難萬里風塵萬里寒不是聖明思汲

黯那能相對此江下

汝暫南歸我北遊江邊相對話離憂洞庭歲暮多洲

渚瑤草飄零獨倚樓

賦得岷山歌送

宣堪 辛陽王

大中丞熙翁艾老先生鎮蜀

帝遣名山鎮西極鴻濛嶸擎天直動植雖資造化  
功養滋須藉風雲力風雲鼓潤來崇朝千里春生慰  
寂寥沃野同瞻蒼玉色坤維先遁有莘妖芳菲二月  
鳴鷓鴣錦里翩翩拜玉節我  
皇西顧念民生從此天顏轉怡悅嗟余小子忝粉榆  
斗極時時仰大儒拜手星軺何所願致君還復見唐  
虞

奉

大中丞熙翁大老公祖請告暫歸荆南

巴渝曹大莖

蘇太山人集

卷十

三十五

威名書在御屏前問氣鍾來五百年析檻孤忠撐漢  
闕建牙遺愛遍巴川平旋劍嶺玉陽馭隨石東山謝  
傳賢試念蒼生與社稷豈容垂釣楚江邊

